

四庫全書存目叢書編纂委員會編

齊魯書社

四庫全書存目叢書

四庫全書存目叢書編纂委員會編

齊魯書社

四庫全書存目叢書

史部
第六五冊



責任編輯：孫言誠 賀 偉

ISBN 7-5333-0535-3



2288/09

四庫全書存目叢書·史部六五

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

廣東精裝印務有限公司印製

787×1092毫米 16開本 53.75印張

1996年8月第1版 1996年8月第1次印刷

印數 1—100

ISBN 7-5333-0535-3

Z·37 史部定價：87600圓

史部第六五冊目次

史部·詔令奏議類

少師朱襄毅公督蜀疏草十二卷

〔明〕朱燮元撰
中國科學院圖書館藏清康熙五十九年朱人龍等刻本

一

朱少師奏疏鈔八卷

〔明〕朱燮元撰
中國科學院圖書館藏清雍正十一年朱源星刻本

四〇八

湖湘五略十卷(存湖湘讞略二卷湖湘詳略二卷湖湘詳略補二卷)

〔明〕錢春撰
遼寧省圖書館藏明萬曆四十二年刻本

六四二

少師朱襄毅公督蜀疏草十

二卷

〔明〕朱燮元撰

中國科學院圖書館藏清康熙五十九

年朱人龍等刻本

附《四庫全書總目·督蜀疏草

十二卷》提要

原序

大司馬制臺朱公既定錦城之變仗鉞行間犁庭拓土
有成勞矣藩屬宰乃請軍中前後奏記書檄彙而梓之
公曰社稷之福也上之武也將士之効命也臣何力之
有嗟乎公之功寧可縷指哉神皇帝數十年來德化治
平寰海威靈震於忽荒曾是蟻蝨小存有衡命而全者
天奪前魄世濟其見忘涖搢之殷鑒借戍遼爲彘端默
駭渝城烏鵲會省於時爲今上紀元公以左轄入覲甫
登車變聞直指薛公推公權軍務而督撫軍符乃在賊
督蜀疏草 一

中且承平久軍政悉廢壞器具資儲壩堞斥候一無可
恃賊以必死之勢衝我腹心視成都不啻口中蠱公形
孤而氣猛內機警而外鎮靜堅壁清野晝夜捍禦者百
日竟以完城走賊聞既天子晉公大司馬賜劔推轂公
乃移師歷境躬履籌養宣忠義以作士氣明賞罰以激
人心千年瘴癘籍爲縣鄙半豕釜魚漏刃磨刻破怒螳
挺鹿之心壯玉壘金縷之氣於都盛哉蓋天眷盛明故
堯生名碩以紆西顧之憂拊摩挑禍則李公彰其武蒞
暨覓死則朱公揚其威訐謨雄略照耀後先均足以勒

鼎彝而誓山河矣相提而論則功無軒輊而勢有難易
蓋播之罪止於逆我顏行朕我偏裨猶萬一與撫而我
亦得以撫綏之而徐爲計茲者賊知不赦而決於一逞
我且負戶而汲守陴而臨如猛獸突起搏噬壯士亦爲
失措此其難在應卒播之役非不借苗攻苗要皆輯之
邊微介以我軍權情形而罪策之未始與共患難入堂
奧也茲且聚殫盡於孤懸之一城董下瓦寺水西諸番
俱難以言語通詎可以漢法馴好令之則驅狐以擊兔
也嚴督之將拒虎而進狼也此其難在駕馭播雖橫尚

督蜀疏草

序

二

不敢踰茶江一步吾聞左皆兵露積背餉也茲且高蹕
狂播破殘全蜀之半氣息未屬而欲起瘡痍以荷戈劍
瘡肉以飽士能乎此其難在內先耗征播時海內晏然
無事合七省全力以制夜郎死命老謀宿將雨驟雲屯
武騎材官星流電掃用稍不足取諸鄰帑如寄茲且外
絀於遼內騷於魯黔中又告變甚急形分肘露而蜀且
顧影弔腹以待之不幾枯魚乎此其難在外相掣四者
集事之大患也而竟以底績蓋公善用箸而貴持重成
算在我不爭目睫敵雖跳梁踴躍終不出吾彀中假令

公從容而衡播不又事半功倍也哉抑更有難於此者
夫逆濠之變新建以便道殄巨憝誠爲千古奇伐然以
專制則撫臣也以便宜則有兼勅也人臣急難何處不
勉公初以藩宣攝督撫匆匆焉白版空拳以當駭機通
而陳萬里懼以意外疑迫而令三軍懼以局外玩嗟乎
當此時凡公所爲極難矣自非仁足以懷明足以攝度
足以容忠足以感指授方略動中機宜足以詘羣謀而
得死力敷陳利害根極情狀會文切理洞若指掌足以
符廟筭而當宸衷胡以得自展布之爲愉快耶方公初

督蜀疏草

序

三

任事時宰待罪臬司日屬棠隼以與公周旋一切號令
徵發之旁午皆所目擊及公晉秩討賊宰又忝公前官
總財賦以佐公酌取一切權宜調濟之艱難又皆所親
承故知公之所以成功者甚悉夫新建之學術不可見
而見之韜略新建之韜略不可見而見之奏記書檄公
亦宜然蓋公非以書爲兵而以兵爲書以書爲兵跡豈
履以兵爲書影即燈奏記書檄誠不足以盡公而舍是
亦何以見公哉猶記賊渡梓木江傲報日數十至人人
莫自必其命公徐曰賊來耶吾政患其不來宰請其故

公曰賊若據重慶之險以一軍塞壘塘而犄角敘瀘剿之誠爲費手今孤軍深入此成擒耳及圍城久莫不獲幸解嚴公曰野掠已盡賊將走矣吾正恨其走宰又請其故公曰賊頓塞城下勢如觸藩倘得二三兵使者以偏師扼其歸路而乘懈蹙之賊可立盡夫來而截諸原與往而窮諸穴孰逸凡此者偃息譚笑玩賊股掌外若示無恐以鎮人心而實切中兵機卽留侯借箸衛公抵掌何以過是則公神宇之吐吞妙運之操縱詎可測識乎哉是書也梓者非特張九重之捷伐標元老之勲庸

齊蜀草

序

四

已也事之始末具存民之勞費備見蘭之沿革可考將采芑之章謀國者易焉小東之嗟牧人者念焉黃裳之占生杞之歌保爵土保首領者惕焉於以洪敷聲教而享泰寧之福於無窮詎不休哉四川等處承宣布政使司左布政使清漳林宰謹序

大司馬恒嶽朱公既定錦官之變復仗鉞臨戎次第掃平蘭土略極古不臣之地闢爲郡邑越明年以成功告於天子諸藩臬屬吏侍公久始終與公同患難與帷籌悉知公苦心狀請軍中前後奏記書檄葉而壽諸梓公

曰上之武也社稷之靈也師武臣之用命也臣實無功烏用是災梨覆瓿者爲嗟乎公之功詎秦記書檄之所能悉哉疽之作也蘊陷於轄理徐而蒸於脉發於音見於面審虛實察表裏而輕重治之雖患在腹心中醫可以奏效突發而不及知知而不及備瞪目束手雖患在肢體倉公越人且望而走矣蜀之變繼三韓而起說者謂患在四肢然非中醫之能廖也蘭酋發難於渝城爲今上改元之十一月公方以輯瑞戒行報至公策曰賊據我門戶必窺我堂奧旦晚且薄成都如燬去城誰與

督蜀草

序

五

守遂解裝從便宜署撫院事誓衆登陴屬某等盡四門守焉時承平久銷兵賣劍長鈎勁弩干楯矢石諸捍衛具一無所有堽整鞋鞞之士大袖長紳都雅不任革搜藩帑僅八千金城中人有謂其必不可守者賊連破四千一州縣飛翰而來所過如拉朽其視成都几上肉耳公戒勿與戰一意堅壁老之夙夜厲氣巡城修戰守具飛檄召諸郡縣土司兵爲援間出偏師擾賊無不克捷公又策曰我師雖成然彼衆我寡僅可禦賊未能走賊也審造間謀搆賊腹心爲應遂大戰於城南賊營中火

起痛哭踉蹌以遁乘勝盡恢四十一州縣天子嘉公功
晉開府賜尚方劍得專征伐公乃秉鉞臨戎剪焚龍於
渝驅逆貢父子於瀘密搆賊之股肱腹心若而人以爲
用逾歲舉蘭土蕩平之大都得間謀力蓋變起倉卒之
間兵不暇練糧不及籌隨機設策出人意表以收成功
於都盛哉明與無得志中國之苗賊有發輒剪李司馬
之於播王文成之於粵今其奏記書檄具在而先後勢
殊二公席全盛之餘呼兵兵應呼餉餉應知謀之士廉
勇之將投袂而從者照映史冊而今一切烏有夸者其

督蜀疏草

序

六

運籌決策機發於九天之上神運於倉廩之間三君子
苦心先後一揆而禍發在先籌兵科餉在後肘掣神枯
收功於萬不可幾之日則易人所難公之神識不可以
常情測矣蓋公蒞蜀久德澤翔洽人心者深奔駭散亂
之衆一呼輒集是爲善用滑間左蓋藏什九爲賊所掠
流離瑣尾之際猶竭力供億饑軍餒卒嚼草根樹皮殆
盡弗諱且怒是爲善用貧公威信素孚蠻貊石砧高楊
董卜諸司之兵應檄即至驅之如孝子順孫雖賊之肺
腑姻婭悲狐兔特辱國者得卑詞片語輒屏息不敢動

是爲善用有公至誠惻怛可格豚魚間諜所入輒深信
不疑如羅乾象張令韓袍等先皆爲賊出死力抗我頗
行者檄諭之輒俛首歸降縛賊妻擒僞將相以獻卽妻
子爲賊所戮受禍甚慘亦漠然不顧是爲善用間夫用
間用奇用正審虛實察表裏之方也至用潰用貧則犯
兵家所忌而卒以收功舉庸醫瞪目束手之症瘳之如
反掌斯奇之奇已由斯以譚當奏記草檄時出于機應
于卒止憑一片血腸上告天子中諭僚屬下通侏儻異
類一以誠感以神運公且不自知其所以然而謂言語

督蜀疏草

序

二

文字足以盡公也哉朝廷今不惜元圭鉅冊加公以文
成之賞公之功方將勒鼎彝照竹帛垂千萬祀不朽是
集也將采芑之章謀國者最焉小東之嗟牧人者念焉
黃裳之占生杞之歌保爵土首領者惕焉匪沾沾爲公
苦心也四川等處提刑按察司提督學政布政司右叅
議兼僉事三原來復謹序

少師朱襄毅公督蜀疏草目錄

卷之一

報接勅印蒞任疏

報成都國解疏

請發帑金疏

就近議補監軍贊畫疏

報逆賊情形機宜疏

再接再勅討賊疏

優卹慘傷重臣疏

督蜀疏草

卷之一

一

請禁白蓮妖教疏

糾叅擅回府正疏

失陷州縣功罪疏

附兵部覆疏

糾叅不職閫司疏

一次請告疏

司道全城敘功疏

加銜賢令理餉疏

報建武長琪失陷疏

塘報水鎮烏撒助逆疏

卷之二

選議將領疏

議擢材勇疏

糾叅鄉紳措苗疏

道臣患病乞休疏

塘報克佛圖關疏

塘報復江安縣疏

塘報復慶高筠琪四縣疏

塘報殺敗援渝賊兵疏

督蜀疏草

卷之二

二

報克重慶疏

查叅不肖有司疏

塘報擒降偽節度周鼎等疏

卷之三

報擒獲巨惡疏

會勘催兵科道疏

優恤殉難諸臣疏

議處袁庸疏

塘報遵義兵克金刀坑

優卹江門失陣文武疏

二次請告疏

就近陞補州正疏

三次請告疏

改任州官疏

改用縣令疏

議留陞遷邊間疏

報遵義建武失陣疏

請將發帑救急疏

督蜀疏草

卷之三

三

就近陞補重慶正佐疏

報總督移鎮辰沅疏

縣令給由疏

塘報各路賊情疏

降將立功

卷之四

復渝獻俘疏

加銜調補殘德縣令疏

議處不肖有司疏

塘報蘭賊出沒截殺情形

塘報馬之良出犯地方

揭報就近陞補司道

咨設旗鼓中軍疏

咨葉達枝補寧越守備

京察自陳疏

加陞府佐疏

請催兌解楚帑疏

糾紛縣令疏

督蜀疏草

卷之四

四

請赦歸死逸囚疏

塘報五路情形

加銜侍郎謝恩疏

州縣給由疏畧

塘報各路功次疏

卷之五

加銜總督謝恩疏

奏繳巡撫關防疏

塘報各路捷音疏

縣令給由疏畧

加銜被羈張同知并補員缺疏

請補副總中軍疏

遵義道勅被焚請給疏

揭報改留余同知守重慶

塘報緝獲真正首惡王道達等

乞恩改給封典疏

縣令給由疏畧

糾叅懷功道臣疏

督蜀疏草

卷之五

五

黎州土官襲替疏

卷之六

塘報各路功次疏

飛報取永大捷疏

補卹死事諸臣疏

克固擒撫功次疏

催餉辭銜免扇疏

議處險躁監司疏

監儒助餉援例疏

保留給由府佐疏

州縣正官給由疏畧

報克古蘭擒斬西目疏

續揭報獲賊衣飾等物

殘邊加陞道臣彈壓疏

就近改補改陞府佐疏

請勅專官督理黃冊疏

卷之七

卹陞鄰省仗節文武疏

督蜀疏草

卷之六

六

亟議陞擢村官疏

褒旌蜀藩捐助疏

議調才望道臣疏

保留給由府佐疏

塘報擒斬招降功次疏

亟議加派兵餉實濟疏

請勅專官督理錢法疏

嚴究邊軍鼓噪盜弁疏

地震疏

四次請告疏

請調補遊擊并中軍咨

五次請告疏

府官加銜致仕疏

縣令給由疏

覆生員楊柱等招疏

塘報各路功次疏

優卹併補道臣疏

就近陞調府縣疏

督蜀疏草

卷之七

七

塘報功次情形疏

地方水旱災異疏

補上陞用勞臣疏

卷之八

塘報戰敗攻永賊兵

議處貪殘庸劣有司疏

揭報大壩功次

飛報擒獲首兇疏

縣令給由疏

報蘭地善後機宜疏

塘報功次疏

府官病休疏

議處貪弁就便調補疏

辭銜疏

塘報功次疏

塘報功次疏

黔師失利疏

查叅貪穢有司疏

督蜀疏草

卷之八

八

申明誤報擒兇疏

勘明失陷縣令疏

卷之九

掃蕩獻俘疏

州正給由疏

議留錢糧疏

加銜右都謝恩疏

擒治妖教疏

武弁從賊疏

塘報遵承功次

縣令病休疏

議留陞任將領疏

司道授例請封疏

縣令給由疏

六次請告疏

糾劾貪縱縣令疏

卷之十

議留朝覲官員疏

督蜀疏草

卷之九

九

開銷帑金楚餉疏

縣令給由疏

議補鎮道中軍疏

議裁守渝副總守備疏

咨補都司僉書李必茂

就近陞補監司疏

優卹總餉道臣疏

恭報建南始變情形疏

府佐給由疏

道臣病休疏

恭懲青衿凌蔑縣官疏

縣令給由疏

糾劾大計方面疏

糾劾大計有司疏

縣令給由疏

議補邊道中軍疏

塘報承遵二路出哨

卷之十一

督蜀疏草

卷之一

十

辭免尚書重銜疏

議調建昌道臣疏

就近改補府佐疏

開銷三年用過錢糧疏

敘錄從征文武功次疏

塘報進兵施兵失利

卷之十二

直明鄭撫悞報遵義情形疏

保留給由府佐疏畧

簡兵屯守疏

史方伯病休疏

保留給由府佐疏畧

糾叅貪暴備弁疏

保留給縣府佐疏畧

縣令給由疏畧

留起運錢糧疏

招俸助工疏

就近陞調急缺道臣疏

督蜀疏草

卷之十一

十一

議改賢能官員疏

酌議陞調縣令咨

薦舉湖陝方面疏

薦舉四川方面疏

舉刺湖陝有司疏

舉劾四川有司疏

薦舉佐領疏

薦舉王官疏

薦舉教職疏

薦舉人材疏

舉劾武職疏

督蜀疏草

卷之十二

十二

少師朱襄毅公督蜀疏草卷之

報接勅印蒞任疏



欽差提督軍務巡撫四川等處地方都察院右僉都御史臣朱燮元謹奏爲欽奉勅印并報到任事臣原任四川布政使司左布政使天啓二年正月三十日准吏部咨爲欽奉聖旨事該本部會題該鄖陽撫臣楊述中題爲川省異常兵變事等因奉聖旨土司樊龍等倡亂狂逞戕官據城罪在不赦其中或有激變等情兵部馬上督蜀疏草

卷之一

一

差人著該省巡按會同鄰省撫鎮等官相機處置亟宜剿定毋致蔓延巡撫員缺便推有才望知兵的作速前去鎮道等官查明速補該部知道欽此該本部會同各部都察院通政使司大理寺公推疏名題請奉聖旨朱燮元陞都察院右僉都御史巡撫四川等處地方提督軍務該省兵變一應調度剿定聽以便宜行事寫勅與他欽此備咨到臣臣望闕焚香叩頭謝恩訖二月初六日又准本部移送新頒勅書一道關防一顆到臣臣接領欽遵隨據按察司呈送前撫臣徐可求發收原領符

驗旗牌到臣接管行事其舊關防一顆俟事寧查追獲日另疏奏繳外爲照臣燮元樸樸小材驚駭下品身嬰多病原無匡濟之資識不通方豈堪軍旅之寄况重臣受禍責在保釐郡邑被兵計未撲滅職守旣已多曠罪譴自應首加廼蒙皇上軫念地方特賜容恕擢授節鉞之任責以剿定之機寵命逾涯雖捐糜以何補忝承非分徒顛蹶之是虞顧臣七尺皆心一腔有血敢不激勵文武殲兇頑以靖封疆申飭紀綱勤拊摩以安黎庶莫三川磐石之固釋九重宵旰之憂此臣所以報皇上而督蜀疏草

卷之一

二

酬恩遇之職分也臣無任感激激切屏營之至除逆酋敗逐成都圍解情形另疏題報地方剿定應行事宜陸續料理上陳外所有到任管理行事日期合行奏報天啓二年二月初九日具奏奉聖旨知道了該部知道

報成都圍解疏

題爲官兵屢戰大捷逆賊勢潰奔逃成都圍解恭慰聖懷事照得永寧宣撫奢崇明與子奢寅本一么麼小醜負國厚恩突謀不軌自渝州殺占之後父子統兵攻陷府州縣衛所三十餘處乘勢長驅直逼省會姦民被誘衆逾十萬自天啓元年十月十八日圍城四門徧豎寨柵僞立御營其稱孤僭號披猖之狀與百般攻具更進迭換皆耳目所未經見者幸按臣薛御史駐省指授方畧晝夜提備一時寮案同心兵將效命大小百有餘戰

督蜀疏草

卷之一

三

斬殺五千餘賊至天啓二年正月二十八日援兵將至密約夾攻臣與布政司右布政使周著按察司按察使林宰分守川西道副使戴燦提學副使胡承詒恤刑員外郎劉可訓見任雲南大理府知府薛承教監軍同知余新民侯世延楊楠通判段師文梁文燧推官羅寬知縣王琪等督令帶管總兵松潘叅將管副總兵事沈崇極原任副總兵顧鳳翔都司陳繼光僉書張承恩遊擊魯美中原任遊擊黃承爵原任都司范繼道加銜叅將薛來衍指揮周斯盛曹守爵馬應健常恭李必茂秦明

遠王國臣余弘緒邊一廉張維藩吳蓋臣汪起鰲張應甲劉繼勳馬河圖李朝柱劉宗良何湛然千戶魏民望沈志張學詩廖台垣李喬鎮撫黑茂百戶劉純祖孔全斌張希俊楊有功曹羽蔣奇才張尊美徐宗堯劉起恒嚴登瀛報效材官陳于朝劉養鯤周元儒顧遠張明遠何正光李國林孫世信呂從周田宗武武聲華何繼光何一鯨盧世卿夏光裕都桂芳祝之奇董國師茂州土官坤汝常何紹舜董應魁高子實土通判李泮天全土舍高佐春楊之鼎等分布四門各率勁兵齊出直薄賊

督蜀疏草

卷之一

四

營更番鏖戰從晨至暮斬殺甚衆是日安綿兵備監軍副使馮勞謙督同忠州判官今陞河南新鄭知縣胡平表石泉安縣知縣商良弼沈愉守備吳國輔指揮馬繩祖王世寵李大用楊元王應乾共兵四千石砭宜撫女將軍秦良玉加銜叅將遊守等官秦明屏秦拱明秦可泰翼明秦允成應襲生員馬祥齡等土兵一萬四千湖廣監軍按察使楊述程督僉書鄧懋官率援遼回川兵一千七百射洪知縣王新民督總鎮標營吳民望兵二千會戰於新都斬級數多賊披靡遯回我兵克復縣城

先二十四日順慶府推官郭象儀督同叅將遊守等官譚大孝崔一玉黃正中崔光臨譚正道崔光祐譚正通崔一鳴譚正常譚正修生員譚登譚鐸等率兵四千自漢州轉由郫縣兩次大戰斬獲多功崇明負傷而還本日亦移營二十里賊勢窮蹙衆心憤怒有賊信任偽先鋒羅乾象先於一月前奉臣曉諭投誠納款是日約同伴胡汝高胡汝寧并被擄生員鄭蔚然范祖文胡肇虞於二鼓來報欲殺賊自效至五鼓賊營果火起喊作崇明父子驚覺狼狽而奔臣與同官恐賊懷詐隨發官兵

督蜀疏草

卷之一

五

四千分頭撲殺於奢寅營內得獲龍鳳腦包一箇繡龍鎧甲一副雕龍玉帶一條金瓜一把刀鎗弓弩三千餘件并獲南溪資縣印信各一顆灌縣印一角資縣陰陽學印一顆宜撫偽關防一顆何若海偽丞相印一顆偽契書鐵券三道及牛馬衣被器物米豆不計其數至本月三十日各該援兵併集城下分巡上南道監軍副使趙日亨率同東川通判馬學魁督兵亦殺至省臣先行資簡內隆一帶州縣義勇斷橋毀路挖塹沉舟絕賊歸計及移叙瀘兵備副使徐久德防賊衝突相機討逆隨

分布官兵三路追捕目今賊勢雖已窮蹙但黨羽寔繁渝瀘未復尚煩我皇上西顧之憂然得保此危城以固根本仰仗天威或可漸次掃除其失陷州縣與夫印信倉庫獄囚及殺擄情形查實另報文武各官功罪并斬獲功次陣亡各官通候事寧分別具題懲勸外天啓二年二月初九日具題奉聖旨據奏官兵屢戰大捷逆賊奔逃各官防禦剿殺悉著忠勤甚慰朕懷還著用心追捕務底蕩平候從優論功行賞該部知道

督蜀疏草

卷之一

六

請發帑金疏

題爲天討方張公私俱置懇乞聖明垂念危疆亟賜發帑以濟然眉事臣惟率土貢賦臣子職分自非萬分急迫何敢呼天妄籲乃蜀中不幸遭此異變有不得不哀鳴於皇上之前者先是天啓元年五月內奉旨調川兵三萬援遼部文註定每兵一名給銀一十七兩通算該銀五十一萬而監軍總鎮督餉等官與吏承廩糧戰馬船隻俱不在內是時臣待罪藩政日接部檄急如星火查庫貯僅四十八年未解加派銀四萬兩餘將京料缺

督蜀疏草

卷之一

七

官貢扇價銀各邊軍糧盡行那借共解到重慶聽支者二十二萬兩沿江經過州縣如叙馬瀘重夔等處共兌支過大糧邊餉銀七萬兩餘俟內帑找補猶慮不足復兌解巴縣大糧銀三萬兩重慶庫貯清出屯銀三萬兩該府徑行大足鄧都等縣取解五萬兩有奇貯府聽支於時西土苟安東閬孔棘祗期速發以濟阡危且謂時傍冬初會計期近那新補舊猶可撐持乃不意異常之禍頓生肘腋之間共在重慶貯庫者支發未半盡爲盜資川之西東財賦州縣悉被殘破雖保有川北下東上

南三處而援兵經過坐派行坐二糧募夫搬運民不堪命逃竄亦空臣在圍城之中與賊相持一百日先後集衆五六萬每懼經費不支與布政使臣周著毫釐必較已措過銀十萬餘兩數又不足共立券書多方括借藩府郡王縉紳士民通共助銀六萬兩其力已竭今不惟各漢土兵嗷嗷需餉裹足不前卽松建各邊經歲無糧近日諸苗乘釁生事在保縣屢以生番圍城告在建昌則以蘭目蠢動告遵義兩次被占建武爲賊門戶正當戮力之秋孰肯枵腹從事臣閱邸報蒙皇上軫念成都

督蜀疏草

卷之一

八

重地特遣督臣張我續總理四省之兵兩次發帑金三十六萬兩仰荷聖恩不勝感泣但查先年征播寇在巢穴全蜀無恙號令徧行尚動九省官兵費金錢二百七十萬兩今賊不軌禍在通省其難十倍於播雖戰敗奔逃而渝城未復元惡在逋萬一賄通鄰司結連黨類豕突鴟張更難收復今若乘破竹之勢爲犁庭之舉必得數十萬餉先安各邊之心然後一意剿討四路會攻懸賞以鼓將士納降以散黨羽諒此么麼不難撲滅但兵多費廣不能剋日內苦費用之不敷外懼各邊之生靈

臣愚不肖若不蚤疏控額爲罪滋大懇求皇上愍念西南重地塗炭已極且蜀安而鄰省皆保蜀存而常賦自充安危得失所繫匪細伏乞俯允再發帑金五十萬差官陸續解發川中容臣與督臣會同三省大兵剋期剪除擒獻首惡用張天討奠安地方藺賊既平則諸邊又易撫戢西南半壁可復視太平景象矣天啓二年二月十八日具題奉聖旨蜀餉已經發給著該部查明議處來說該戶部覆議於湖廣兌還餉銀十萬解交川撫再兌五萬解交贊畫其帑金十五萬留貯部庫以抵湖廣

督蜀疏草

卷之一

九

應解之餉備關門緩急之需免騷驛遠解之苦奉聖旨是這餉銀依議分解鄖陽銀原爲援蜀之用還著通融接濟仍行與各督撫官稽查實落不得冒破

就近議補監軍贊畫疏

題爲軍務方殷需材最急酌議就近推補監軍并用贊畫官員以便責成事爲照逆賊奢崇明父子非小寇也衆逾十萬圍城百日初到之時毒弩花槍人莫敢近滿城股栗號哭震天臣與布政使周著按察使林宰副使胡承詒戴燦并府縣將領等官效死弗去自是職分乃恤部員外郎劉可訓一聞警變卽自邛州單騎入城相與共事初則往來策應繼而專駐南門協力指麾屢戰大捷雖本官不欲居功而登陴一百晝夜賊之情形將

督蜀疏草

卷之一

十

之強弱與一切臨敵策應防禦之法不啻輕車熟路矣松潘監收通判段師文首先赴援親履行陣順慶府推官郭象儀招率土漢屢展勝猶忠州判官今陞河南新鄭縣知縣胡平表備歷艱辛提兵赴援射洪縣知縣王新民自募銳師挺身討賊此皆疾風勁草堪爲皇上效西南一臂之用者今總督臣張我續行將入境四省大兵漸次鱗集川西旣平臣當獎率六師東下叙瀘而一時司道寥寥乏人在省止左右布政使周著林宰與守西道副使戴燦三人在外止守巡上南道叅政陳龍光

副使趙日亨安綿上東道副使馮勞謙徐如珂四人適當殘破之餘咸處紛糾之任士民瞻依勢難離局而軍機重務又非臣一手一足所能料理臣謹會同巡按四川監察御史薛敷政查得先年征播多係就近擇人官宜於事應以劉可訓陞四川按察司僉事管監軍道事段師文郭象儀胡平表王新民各加應得職銜與臣同詣軍前監督理餉贊畫軍機俟功成之日另叙優擢庶官有專責事易責成其於危疆深有裨益今賊氛尚熾追剿宜急除令各官一面先行料理外伏望皇上俯念

督蜀疏草

卷之十

十一

西南重地軍旅繁殷需人甚急勅下吏部覆議上請行臣轉行各官遵照俾當倥偬之秋各效馳驅之任臣愚幸甚天啓二年二月十八日具題奉聖旨吏部作速覆行該本部覆議刑部員外劉可訓陞四川僉事監軍通判段師文陞成都府同知順慶府推官郭象儀陞本府同知新鄭縣知縣胡平表陞保寧府推官射洪縣知縣王新民陞潼川州知州俱奉聖旨是又該禮部覆奉聖旨與做四川監軍道關防

報逆賊情形機宜疏

題爲恭報逆賊前後情形併陳進剿機宜仰祈廟筭以保危疆事臣於本年二月二十日接兵部公文內開成都被圍水泄不通撫按官無一字見報併詢知我皇上日夕焦勞臣不勝戰慄緣臣奉旨於元年十月二十二日至今今年二月初六日始奉到勅印初八日望闕焚香叩頭謝恩畢到任管事即將成都解圍拜疏上聞今賊潰奔入穴百務稍有次第是臣再覩天日勉效犬馬之時也所有逆賊一切情形并地方各官死守力戰之狀

督蜀疏草

卷之一

十二

與近日機宜所當亟請者敢縷陳之切照永寧土地不過當一大縣兵不滿三萬人逆酋奢崇明以旁支拔起蒙恩獨厚故部檄徵調異其報效前撫臣徐可求誼激遼事與疾赴渝屢次催發百計支吾初則止報三千繼而願增一萬及詎得安家銀四萬兩卽分頭行賄鄰司招亡納叛及點發之日樊龍兵數突增數千可求見其狂諄溫言慰勞許以權宜處給而龍方用手一揮萬衆叢集槍刀並加登時慘隕道臣孫好古駱日升李繼周知府章文炳同知洪應科熊嗣先推官王三宅知縣段

高選參將萬全指揮王登爵同時遇害巡捕佐領官員
併士民被殺尚難查紀是日援遼總兵黃守魁阿奉樊
龍借兵五百併盛甲器械代與點名詎料城內舉事城
外亦起趙被毒打自縊妻妾輜重悉為賊有部下永寧
哨千總鄒世賢仍歸於賊獨吳民望張虎等倉卒空拳
奪船奔脫至雲陽縣尚有七百餘人知縣朱毅臣捐金
養之仍得赴省九月二十一日臣據承差方正清走報
前情當查聞司軍器不滿數十件鎮遠營兵不滿五百
名一面調兵修備一面行文撫諭及撫之不得乃謀救

督蜀疏草

卷之一

三

重慶不意者實自統勁兵四路並進至十月初一日聲
息漸近通採輿論咸謂內江有河可斷龍泉有險可塞
而一時無將無兵行據成都府署印重慶府同知余新
民薦報效官雷安庶冉世烘周邦大袁中繡等四人可
用又茂州衛指揮瞿英領兵二百到省臣發周邦大領
募兵一千協守內江發瞿英同雷安庶等三員其領調
募兵二千在龍泉山據隘劄營又令指揮張愷率兵三
百至城外二十里沙河鋪防禦以通塘報十五日松潘
衛指揮余弘緒等龍安土通判李泮各領兵五百茂州

上官坤汝常等共領兵四百鎮西指揮百戶楊有功曹
羽共領兵四百俱到省臣又令加銜都司周斯盛指揮
秦明遠常恭加銜都司劉訓共募兵二千各分四門結
營以待賊不意賊初九日至內江縣知縣何起蛟先已
敗奔初十日周邦大與賊遇於資縣唐明渡戰敗投降
十六日賊到龍泉山至十七日鏖戰自辰至酉瞿英同
雷安庶袁中繡眾寡不敵俱歿於陣獨冉世烘墜崖得
脫張愷聞風即棄兵遠遯臣見賊鋒甚銳隨於夜二鼓
赴四門各斂兵入城堅壁固守先是賊將發難遍布細

督蜀疏草

卷之一

四

作三大差人催促留守建南頭目黃光輝通苗共叛臣
行巡上川南道副使趙日亨遣指揮魏民望將光輝用
計斬之摻獲相通真筆在省劉訓與何若海尅期謀為
內應妖教甘聰鄧胡萬明等密與妖首劉文選相通在
城內私自招兵千餘永寧僧覺照應天等五名假扮石
砧差人希圖行刺本城方大德羅尚錦余應龍等四十
七人預先投降給有免帖按臣薛敷政差調兵標兵楊
進可等二名臣差金卜勝等十一人皆與賊通仍攜回
文上城或欲燒祿米預備豐寧等倉或欲燒三司府縣

各衙門乘間引賊率皆敗露簡州生員王廷弼偽扮乞丐在城下投生士通判李泮弼解臣處臣就其衣縫挖出倡亂揭帖數十紙俱陸續梟示正法臣與司道皆目不交睫日夜嚴防而鄉紳周宇等舉人齊芸芳等生員胡祖烈張瑜等皆能協力齊心在城諸姦搜索略盡始得專意與相對壘賊寅初來不過四五萬崇明與黨馮宜先後繼至則已十有餘萬大約瀘合江安仁懷桐梓永川榮隆富內資簡等州縣殘民與無籍之徒悉被驅使且啖以財色繩以嚴刑不得不爲效命每日專用竹

督蜀疏草

卷之一

五

笆皮洞以當矢石齊放毒弩以射梁軍忽燒城門忽挖城脚鉤梯多於比櫛殺人不啻草菅繼而雲樓陽橋土山旱船疊竿火槍等攻具互換疊施城中多有望見驚死如生員楊試街民陳應郭明順等者按臣薛敷政晝夜四巡勞瘁獨甚臣與布政使周著按察使林宰副使戴燦胡承詒恤部員外劉可訓併府縣將領等授兵登陴與賊相持半月後都無人色度賊已驕至十一月初二日臣選勁卒突開北門斬其渠魁王道達奢崇義二人先鋒廖鎮權亦中彈死賊膽稍寒嗣後西南東三門

相繼疊出屢獲奇捷至十一月二十一日巡上南道趙日亨遣指揮魏民望劉繼勳等率董卜高楊兵二千併眉州嘉雅兵一千松潘監收通判段師文領兵一千三百入省城內軍聲益震四門通共百有餘戰擒斬并銃矢砲石打死共五千三十五人溺水者不計其數願賞者當卽給明臣料賊黨必有仗義者屢次出示遣人行間賊目羅乾象胡汝高胡汝寧被擄生員鄒蔚然范祖文胡肇虞奉諭來降臣令立功自效自後口具賊情密報至正月二十八日四門大戰從朝至暮殺傷甚衆披

督蜀疏草

卷之一

六

靡不支而援兵兩捷於郫縣再勝於新都賊知勢潰夜見營外火起喊發狼狽而遁至天明各門猶有來攻城者亦有打搶未返者一時聞信四散狂奔軍資器械強半委棄男婦招降不復計數是日臣與司道雖分四門俱應接不暇凡官兵拏獲併鄉村鄉來俱驗其額無網痕并查身有刀箭銃石之傷卽梟示阿虎等三百八十名其餘無據姑寬一面縱之逃生三十日援兵俱到臣一面行布政司犒賞各官兵一面分布官兵三路追剿併飛檄各州縣速率鄉勇併力截殺去後續據成都府

報解鄉勇李文斗等拏獲賊黨奢可義等十一名斬功
一百六十九顆簡州前後擒解奢五乃等九十餘名打
死二百一十餘人奪獲馬匹器械一百二十件偽劄偽
示勅令文帖六十件資陽縣報解鄉勇任大孝等擒斬
樊龍姪樊啓等五十名打死三百餘人又鄉勇張承楊
等斬賊一千二百二十一顆擒解何國禎等七十七名
奪獲被擄婦女五十四口馬十一匹槍刀六十七件金
堂新繁溫江等縣西江河等處鄉勇羅忠等擒解奢良
等并打死五百餘人江安縣陸續斬獲新繁縣偽知縣

督蜀疏草

卷之一

七

李之偉南溪縣偽知縣何枝江安等處偽都司李梧李
梅等又擒瀘州改爲瀘陽府偽知府李自新係原任永
寧宣撫司經歷每處劄給偽官不下百人招降頭目阿
興等五百餘人斬級二十二顆又報率兵於倒馬坎斬
獲偽總兵陳祈摻獲偽錫印木印各一顆馬絮刀槍大
弩偽劄告示俱解道驗合州安岳樂至安居銅梁南川
定遠岳池蓬溪射洪中江等州縣各陸續申報擒斬逃
賊甚多尚未解到又據叙瀘道報稱奢崇明睡一小床
偷渡瀘州河由茜草壩小路逃回巢穴訖又據巡下南

道恭政王世仁揭帖內開崇明於初五日歸巢奢寅雖
未見的確然各處已無蹤跡人云潛入理亦有之等因
比查各處陷沒州縣率俱恢復祇重慶尚占臣差人督
促巡上東道副使徐如珂率同知越其杰併平茶邑梅
石砭陳同知等兵分道攻打又發石砭秦良玉兵一萬
三千直走重慶協力恢復去後至本月二十六日忽據
恭政王世仁副使徐久德報稱雲南沐兵在畢節激動
水西攻陷畢節又發兵圍黔來助苗苗兩日連接數報
與符國禎等合取建武等因到臣看得逆苗父子以小

督蜀疏草

卷之一

八

醜而遽大變亘古未有臣守土無狀偶爾遭遇乃相持
百日不能力啖其肉致令遯歸巢穴臣寔媿之今賊眾
十餘萬殺傷逃散者已去十之七八被陷州縣衛所四
十處率已恢復若乘其喪敗用張搆伐必先復重慶以
孤犄角之勢給邊糧以防肘腋之變若水西鎮雄烏蒙
等司頗有狐兔之憐喜作犬羊之鬬據所傳報殊爲可
駭亟宜宣諭俾令效順一面分布重兵於瀘州合江建
武仁懷四路並進賊諒不能挿翅而逝矣至於招散者
從尤爲急務查賊黨羽多被勢迫承人卽吾人也順而

貸之何必苛求伏望明旨頒諭但其部下能擒逆賊崇明父子者卽准世襲宣撫仍加厚爵兩得者兩分其地則內外四里百姓皆感聖恩之浩蕩而且恨賊之貽累必爭先效力以保身家而取富貴何患苗氛之不靖也至於樊龍圍困日久似亦不難破滅但各兵方聚帑金未到萬口嗷嗷無計可措今郊原千里皆成瓦礫此僑載道號哭震天若卽欲議征議派是驅之從賊也臣慮內慮外苦乏良圖非仗廟謨曷由克濟除諭鎮雄烏蒙烏撒東川等府各保爵土毋聽姦惑及將解到各賊審

督蜀疏草

卷之一

九

明正法馬匹器械給賞官兵死事并陣歿諸臣失事州縣與退怯官員及先後一切功次俱行司道覆查確議到日另行具奏伏乞勅下該部覆議上請亟催前發帑銀星馳解蜀以濟然眉并行黔撫嚴諭安氏勿聽逆酋搖惑附和擅兵仍勒限沐兵作速前來剿賊不許借口退避致悞軍機庶逆賊合從可消而官兵進取有賴矣天啓二年二月二十六日具題奉聖旨逆酋敗逃州縣盡復朱熒元并文武將吏及鄉紳土司人等忠勞懋著俱照前旨候事平優叙還先宣諭朕意以示獎勵仍若

同心奮力相機剿撫務除兇逆以安地方餘已有旨了該部知道該兵部覆奉聖旨逆賊敗逕爾部便馬上行與督撫官用心剿除仍宣諭各土司毋被詭惑自負國恩如部下有能擒賊父子的卽准加爵世襲黔蜀一體利害相關總督併各巡撫官還悉心協力相機剿撫仍諭奢社輝約束目把毋得助逆雲南鎮守官也著作速救援前分給帑金十萬兩著該部上緊解到川省巡撫處應用

督蜀疏草

卷之一

十

再接專勅討賊疏

題爲欽奉勅諭事天啓二年三月初三日該兵部差官趙得先齎捧勅諭一道到臣卽於是日恭設龍亭焚香望闕叩頭開讀欽奉皇帝勅諭巡撫四川等處地方提督軍務都察院右僉都御史朱熒元土酋奢崇明父子狂悖蓄謀叛目焚龍等乘機倡亂戕殺文武多官攻掠州縣直逼會城勢甚猖獗目前拯急事宜如督派見在兵丁固守城池檄催各路道將集兵進援嚴行所在有司飭備城守及征剿乘機亂民收復攻剋州縣一切捍

督蜀疏草

卷之一

三

禦剿除聽爾便宜行事石砬土司秦良玉徵調屢煩忠勇素篤一聞逆釁倡義先驅宜重加獎賞有功優叙所需兵餉亟與協濟毋致匱乏其該省併湖廣雲貴撫慰招討長官各司世受國恩人懷忠義會同各該巡撫官獎率赴調協助王師分布犄角或控扼要害或直搗巢穴查照功次破格陞賞其餘脅從觀望開示逆順諭以禍福令各從征自效在籍文武鄉官有能收召土漢義兵討叛復城者假以事權一面奏請錄用該省武備久弛人心易搖變起倉皇剿定宜速新設總督重臣及贊

畫總兵各官星馳任事爾受巡撫重寄一方專責兵餉事宜具載勅書務須殫心調度宣布德威殲逆靖民平定封域用副委任至意欽哉故諭欽此臣惟奢酋無端造亂猖獗異常致庫我皇上瞻言西顧假臣以便宜之權諭臣以剿處之策臣雖至愚極陋敢不勉矢駑鈍以圖報稱於萬一自酋發難渝城攻圍成都臣督司道等官堅守血戰用間潰遞與恢復被陷州縣前後一切情形及目前進剿機宜兵餉匱乏之狀業已備載前疏兩次上聞無容再瀆惟是殘破之後千里無烟五六萬眾嗷嗷待哺萬祈皇上允臣前疏速賜帑金以濟困乏俾臣得內撫殘黎外剪強寇庶進退不致掣肘而妖氛自可掃滌臣愚幸甚除欽遵勅諭事理移檄總兵楊愈懋并行各文武將吏一體遵照仍會湖廣雲貴撫臣開諭鄰藩土司協心僇力共圖戡定外天啓二年三月初四日具題奉聖旨知道了該部知道

督蜀疏草

卷之一

三

優卹慘傷重臣疏

題爲重臣任事忠勤遽禍慘烈仰祈聖明厚加優卹以慰貞魂事臣惟人臣肅將王命效力疆圉生死利害諱無可避事固有出於意外變每不可以先圖故岑彭建勲忽中公孫之刺費禕出鎮不虞郭循之姦蜀變匪茹往往而是若夫蒞激視師忠披報國白刃交加甘以身殉若前撫臣徐可求洎道府縣諸臣孫好古等甚可痛也該天啓元年五月內皇上以東事孔棘差科道臣明時舉李達調川土兵三萬定安家行糧每名十七兩其

督蜀疏草

卷之一

三

該銀五十餘萬限以六月出境可求方來莅任行至順慶府一捧嚴檄卽兼程赴省每語臣曰東園所畏無若川兵川兵最強無若蘭苗奢崇明受國厚恩豈其忘報若令自將而往精銳悉隨足當一面五十餘萬金錢庶不以餓殍傭而皇上東顧之憂必少紓萬一矣用是與疾而赴渝臨發之日震雷盪舟妖鳥示怪俱恬不介意惟日夜孜孜與蘭兵之速發初遣指揮吳柏再遣同知辜志會又續遣參將萬全三次諭之未嘗不委曲也給扁給劄併花紅犒賚未嘗不厚也安家行糧未嘗缺額

也馬料船隻未嘗不預備也詎意逆賊蓄有異志閃爍百端先遣樊龍張彤乃其授意之心腹再發王道達周鼎用爲監督之爪牙及牧場點驗之日賊之姦謀風定我之意料不及片語未終萬刀叢集可求見事勢決裂惟厲聲大罵挺身受刃以一死報皇上耳同時遇害如分守川東道按察使孫好古分守下川南道副使駱日升馳驅軍旅各殫綜理之勞兵巡下川東道副使李繼周新莅地方與效勛勤之策重慶府知府章文炳推官王三宅巴縣知縣段高選各措餉刷船拮据悉無餘力

督蜀疏草

卷之一

四

叙州府同知熊嗣先順慶府同知洪應科委監軍督餉調度綽有奇謀遵義叅將萬全旗鼓指揮王登爵盡瘁奔馳恪恭戎事乃俱並遭劫數同受兇鋒脫落冠裳互相枕藉常山之骨不完葺弘之血盡碧嗟乎冤哉土酋未有之變突起於逆賊而從古非常之禍忽遽於諸臣遠近聞之皆號哭罷市而況臣誼切同舟驚聞奇禍天不可問愛莫能助是所扼腕椎心泣盡而繼之以血者也臣今獎率大兵追剿逆賊仰仗天威誓雪大恨而諸臣之沉寃未白卹典尚稽心實痛之謹查大明會典款

開在外交武官員不拘品級其以死勤事者卹典取自上裁又一款開查有軍旅身殲助勞懋著者卹典自宜加厚又查先年各省兵變亦有收傷撫臣併司道府等官者但或以糧餉短額或以措處乖方禍所由起皆屬有因而今者奢賊敢於造叛突然恣殺以張威尋遂分兵以犯順是黃巢董卓復生於世而諸臣不幸首當其禍一腔忠義天日爲昭較諸造孽而遇變者相去何啻霄壤且自遭難至今已踰半載或屍骸暴露未卜還葬之期或眷屬戕傷全無收殮之主夜臺有知亦爲哀籲

督蜀疏草

卷之一

三

伏乞勅下該部再加查議覆請從優賜卹施行庶大義昭明而羣情爭勵矣天啓二年三月初四日具題奉聖旨該部知道該吏部覆奉聖旨徐可求准贈右都御史廕一子本衛正千戶世襲又該禮部覆奉聖旨徐可求任事殞身准與祭一壇給三品全葬

請禁白蓮妖教疏

題爲白蓮妖賊助賊蜂起恭報擒斬功次併乞賜通行禁戢以弭禍亂事竊惟白蓮無爲等教謬飾邪術煽惑庸愚累奉明禁緝拏萬分嚴切詎意蜀地姦民喜於爲亂倡是術者寔繁有徒先是天啓元年三月內據綿州申稱突有白蓮邪術結黨四五百人張掛榜文聲言攻城隨據各門兵快并團操馬指揮拏獲妖人洪彩姜應策等四十五名到州審得洪彩係潼川州人供稱羅江縣生員劉應選自稱彌勒佛出世先平潼川次平綿州

督蜀疏草

卷之一

三

安縣等語當將各犯分別監倉并拏劉應選未獲隨拾得黃布蟒龍罩甲十二件神像大旗二十九面妖書一本白綵榜文銅印木符刀槍等項業經按臣薛敷政疏聞通行各屬擒拏首惡解散脅從聞續據達州申稱州民唐學等遇遊師李成等到於各家倡說彌勒古佛生於成都名曰法王老祖觀音下世投胎名曰太孃有廣安州人鄧興聰自稱南斗巽宮下世其妻甘氏稱爲三孃與我密言分投招立燈黨六萬七千座每燈爲一枝頭約招數十人俱皆法王弟子凡投會中者俱於鄧處

上納錢糧待功成之日照銀加職唐學等十人各立燈堂一座誘集男婦數十燒香拜燈夜聚曉散口誦妖偈妖言難以盡述隨拏唐學到州一一供認前情納職謀叛是真當於各家抄出妖書無數并獲白袍黃旗戰裙法衣木雕兵手一隻上刻千兵萬將急赴本壇客民李雲騰告投妖書一本內載潼川綿州溫江大邑名山崇慶眉州新津資陽灌縣成都涪州保寧南部順慶等處各有燈頭方大王國用等姓名又據嘉定州申稱州民杜奇諫劉智等與健爲縣民張大清何明忠等及各處

督蜀疏草

卷之一

五

人民俱禮佛拜燈約集三四人造爲佛歌云官兒最爲高鐵樹開花怎生桃水火三災都來到黃傘青傘一齊料那時纔顯我老佛教煽惑愚民傳授妖書三卷晝夜走省不停又據邛州申報州民尹思忠等與大邑縣民鄭廷美等俱稱彌勒佛在省共爲燈黨惑衆又據龍安府呈報拏獲平武縣民吳加成等各投劉應選習學妖術摻獲旗幟刀槍等情俱經批行分別究處外獨劉應選杳無蹤跡不意應選徑逃入永寧改名李應樞與奢寅父子合謀其叛仍遺腹心四出潛布以爲內應如

甘聰鄧卽甘異聰改名甘進忠與胡萬明等各乘逆賊內犯先在省城內私自招兵一千餘人密訂時日欲裏應外合臣廉得其狀當拏二犯搜出異書兵冊并房屋內暗伏黨羽供明正法又據洪雅縣申報天啓元年十二月初一日妖犯梁選宋宗吉侯元王可弟周學遠徐自大梁嘉慶宋宗富王可邦周宦周伸續高等糾賊欲攻本縣當日督兵拏獲到官審據各犯供稱與榮經縣拏獲徐弟專習白蓮邪教禮佛拜燈聚衆練習鬼兵助逆謀反徐弟學於仁壽縣宋宗吉學於遂寧縣其燈用

督蜀疏草

卷之一

六

錫造似白鶴形燈光從口出又用錫盆盛水於燈下聚百十人爲一堂循序進拜各於水盆中一照或見見旒衰袍或見紗帽絲服便知將來分位於是惑動衆人各立燈堂集衆每人每季出銀三錢三分令燈頭收送入省有大佛祖收貯且云末劫之年彌勒掌世改號天明改年中元各犯仍出入土司誘惑奢酋自謂人心歸附遂起逆謀同酋攻圍成都仍剋期攻縣本縣督兵晝夜防守拏獲妖賊趙魁李先鮮可仰摻得反書一部內載幻妄不經逆謀反亂之語難以枚述又於妖犯劉可家

拏獲仁壽縣人梅子然亦於身上抄書一紙與前相同及審各犯某係總兵指揮某係州縣正佐燈頭侯元夫婦拜燈多年於本犯家抄獲老祖太孃冲天冠鬼臉鳳冠鬼臉各一箇皆已練成忝候夜戴此冠於無人處練鬼剪成紙人紙馬呼之卽行又拏獲李得第等三人俱拜燈號草上飛夥造兵器當時打死周伸供稱已偽授崇慶州吏目其父周加友爲雅州拏獲土川南四州并井研仁壽等縣燈黨皆伊包管有被誘小僧廣法對質可據梁選供稱同吳紹湯王可弟宋宗吉等送銀上省

督蜀疏草

卷之一

三

隨酋攻圍省城吳紹湯被官兵殺死梁選被傷一槍幸而逃歸今將各犯遵照憲行當卽正法梟示又據南川縣申稱有梓潼縣齋頭白僊臺來縣合謀秦運等於秦加謨家修立順天閣一所用純黃亦壁綵畫龍鳳飛紋拜燈集衆持練陰兵及見奢酋倡亂就糾遵義舊民殺劫地方白僊臺遂豎旗立榜四野招降稱爲順天王唐朝誦爲宋大王李聯芳爲明疆王鄭應剛爲虎利王鮮啓爲定疆王分爲東南西北四路秦運吳朝喜爲左右護駕王各置臺立寨拜將舉事隨發兵燒劫李高才秦

加敬等百餘家擄掠男婦千餘口當差里老諭撫各賊殺死執牌快手駱維先等六人直來攻縣并舉陰兵燒劫官營圍令典史朱國佐統千總劉仕熬等官兵四圍衝殺生擒白僊臺李聯芳等三十餘人斬獲賊兵二百餘級殺死官兵楊旺等七十餘人得獲妖書一本五色紙人馬一箱練豆兵一箱草劒槍一箱木凳馬一百匹又據榮縣申稱募集僧兵鄉勇協力捕獲妖賊燈頭劉孟奇周兆雲等三十餘人并擒斬逆賊二十九名顆奪回男婦百十餘口殺死逆賊五十餘人各賊遁去定遠

督蜀疏草

卷之一

三

縣申稱白蓮煽亂拏獲拜燈妖賊周之成等三人擄獲妖書識文十五部又據遂寧安岳大足仁壽等縣各報白蓮妖賊梅大梅五等糾衆劫掠地方被安岳官兵生擒許茂德斬首二十五級首惡梅大等暗自逃散不知去向各等因到臣看得逆賊奢崇明父子久蓄異志招集亡賴其披猖之勢已令人震駭而不意妖人怪術一時蟻附如劉應選者本一青衿而先發大難之端復佐燎原之焰悖逆不道世所罕見本年正月初七日賊在西城造成旱船懸旗致祭有一人披髮仗劒身披五綵

龍紋在於高頂指揮被官兵用厭物塗銃登時打死詢
謀者以爲李天師卽應選也然無的證不敢遽以爲真
要惟此輩先賊而造叛佐賊而益張剪紙書符魘魅公
行於白晝殺人放火慘毒不減於黃巾禍延通省惡已
滔天幸藉皇上威靈強半芟刈各官能多方擒捕亦不
爲無功也除將白儒臺等批行正法梟示梅大等嚴行
捕滅有功及死事官兵查叙給賞外第恐左道流行實
繁且秘如昔年妖賊蔡伯貫等舉事一隅各省響應可
爲鑒已況今邊圉未寧姦宄易作則桑土之謀當爲蚤
督蜀疏草

卷之一

三

計理合具題伏乞勅下該部通行各省直地方查將前
項妖術嚴緝殄除庶隱禍潛消地方幸甚天啓二年三
月初四日具題奉聖旨兵部知道該本部覆行彼處撫
按將洪彩等依律擬罪劉應選督捕嚴緝務在必獲仍
通行一體禁緝奉聖旨是

糾叅擅回府正疏

題爲全蜀缺官太甚郡守決去非宜據實糾叅以明法
守事臣爲臣子服官誼當盡瘁故利器別於錯節勁草
彰於疾風若當倥偬多事之秋悉爲身家自便之計託
言高尚實不忠之大者況郡守統率各屬師帥一方宏
鉅在肩詎宜輕擲今全蜀九府如新任成都府知府劉
弘宇駐夔門而中返調任重慶府知府岳具仰滯里中
而未來其餘竝缺獨一順慶府知府楊所蘊任事本官
初到卽聞賊變雖兵火未薄於郊原而滿城驚竄諸務
廢弛重以援兵經臨供應繁苦本官拮据料理備極勞
瘁臣心重之不意省闈旣解之後連具二詳亟求休致
臣嚴批慰留去後忽於三月初五日具文呈稱病篤實
難供職將原管印信錢糧封貯在庫已於二月二十八
日出城回籍去矣據其稟揭稱不去於圍城之日而去
於賊退之後若有萬不得已者但詢之該府僚屬俱云
原無深病不過以兵革驚心錢穀掣肘蚤圖惡流之退
徐爲善地之圖耳臣若因循姑息勉與題請將人人效
尤悉以本官爲口實矣况蜀中近日何等時也逆賊所

卷之一

三

殘既千里盡赤而援兵經過亦萬竈無煙深溝窮谷止聽啼號之聲通邑大都絕少往來之跡所賴撫循而安輯爲元元甦旦夕之命者非良二千石更復誰望而本官敢於擅去卽不顧蒼生其奈皇上任使何叅昭得順慶府知府楊所蘊居官雖無劣狀任意大拂衆心因難乞身殊乖委質之義托病徑去豈無規避之私相應照例叅處以飭官常伏乞勅下吏部從公查議如果臣言不謬合將本官從重議處或重加降調以爲將來之戒其於吏治不無少裨萬一矣天啓二年三月初四日具

督蜀疏草

卷之一

三

題奉聖旨吏部知道該本部覆將楊所蘊革職爲民奉聖旨是

糾叅不職閫司疏

題爲議處不職閫司以彰國法事臣惟都司統馭衛所管理城堞居常無事猶宜得人况於戎馬紛馳戰守張皇之日而有兇暴貪濫如掌印都司陳繼光其人者公論不容王章難宥臣不暇毛舉摘其濫暴無狀昭著耳目者數事敬爲皇上陳之竊照都司設有軍器火藥局內則支應城守外則分發各邊從來常例也去歲聞變藩司卽移銀製造屢送而屢却及詢其故則曰我不耐人討也臣見其狂諄只得將西北二門火藥另發照磨

督蜀疏草

卷之一

三

劉九功開局自造幸而接濟若如本官所爲則一百晝夜死守血戰將以何物應急乎東城一路分定本官防守賊集城下不啻蝟毛臣與司道等官衣未嘗解帶而本官獨夜則歸署安寢日則登樓痛飲酒後發惡人不敢近隊長杜貴因天陰焙藥延燒茅蓬一片亦是細故乃并各兵俱痛責四十致令盡離信地赴臣處哭訴諸如此者不止一次藉非副使胡承詔多方撫諭儻賊乘虛而上債事豈細乎被圍日久爨薪極貴本官見可取利卽命陳吏目將經歷司并兩廊房盡行拆毀鋸薪出

賈致令東城各兵效尤拆屋伐樹者比比而是臣入見其署蕭然一空貪利無忌乃至是乎正月二十九日五鼓時分奢寅與父崇明狼狽遞去崇明營於教場演武廳上四圍環設七大寨并米糧器械一物不携臣傳令遊擊魯美中不許縱火一則援兵若來可爲安頓之處一則房營不燬可省數千之費且其糧械亦足資也乃本官從醉夢中上城頓足大嚷揮拳亂毆同知侯世延并魯美中力勸之皆不可得立差龔承忠湯宗舜等八人縋城舉火頃刻而盡通城訝其懷異豈無因乎最可

督蜀疏草

卷之一

三

怪者原任都司張神武爲事羈盤其妻生三女一子長女先嫁同鄉宋大儒居於司後本官到任不數日卽後穿一門朝夕私通又發應付遣其子入永寧願獻幼女至十月初二日街鄰來首云神武家內近日多市綺繒晝夜縫女衣不斷其僕張元形跡甚怪等因臣行推官羅寬挖其身有血衣一件撿碎紅紗圓領數件使用有銀帶包皮的係真正姦細前在渝州行兇者按法斬之本官且發銀二兩令門子艾縉殮殮及賊臨城竟將神武妻女悉搬入衙內又恐宋大有言甘令已妾陪奉此

不惟滿城騰有歌謠卽輿阜廝養無不極口唾罵者也臣謹會同巡按四川監察御史薛敷政衆看得四川都司掌印僉書陳繼光賊性兇殘臨事乖舛遇敵全然喪膽逢人輒欲揮拳拆公署以爲薪利雖多而法典難追占舊僚之妻女色可戀而公憤難容其他怪事尚難枚舉總之無官箴無人理不可一日容於地方者也伏乞勅下兵部再加嚴訪如果臣等所言不謬覆議上請將陳繼光革任回籍遣下員缺速行推補嚴限前來到任管事庶官邪知儆而軍興有賴矣天啓二年三月初四

督蜀疏草

卷之一

美

日具題奉聖旨兵部知道該本部覆奉聖旨是

失陷州縣功罪疏

題爲郡邑收復功罪宜明謹列死難諸臣併各堅守失事之槩以辯忠邪以昭勸懲事自逆酋奢崇明父子倡亂發難淪城戕殺文武多官攻陷各處州縣衛所四十處已該臣於解圍并再報前後情形疏中悉陳其狀奈兵燹之後文移遲滯若待司道逐一查確然後具題竊恐時日稽遲功過涸冒無以勵衆志而勸將來臣謹先述其陷城之槩及分別功罪爲皇上陳之逆賊奢崇明父子遣樊龍等於重慶倡亂後卽發兵四路進逼省會

督蜀疏草

卷之一

三

如瀘州江安納谿合江南溪興文長寧遵義桐梓仁懷綏陽綦江等府州縣并威遠瀘州二衛或爲逆賊門戶或與蘭土相鄰悉被攻陷及酋長驅入省又陷永川榮昌隆昌內江富順資縣資陽簡州一路至圍省後又攻陷江津大足安居壁山安岳樂至占據建武及將附省之新都漢州金堂郫縣崇寧新繁溫江雙流威遠榮縣一槩攻陷燒殺劫擄慘不忍聞蓋緣川中無備酋所稔知姦徒細作到處密布加以士民盡徙城郭一空凡各有司只合一死以塞責而人情惶怯往往奔避狂瀾勁

枉寔不多得如興文縣知縣署長寧縣事張振德倉卒遇賊義不受辱遂挈妻盛服舉火共焚主簿徐大禮一家服毒四口同盡南溪縣知縣王碩輔率衆固守賊甚忌之益添兵急攻力不能支城陷自盡印爲所奪後在賊營慘獲桐梓縣知縣洪維翰被賊入城奪印仗節不屈當時逼死灌縣知縣左重監督威茂援兵至地名丁家巷被賊衝散戰歿於陣以上諸臣或節凜封疆從容以就難或誼激縷髮血戰以捐軀當歲寒板蕩之時顯殺身成仁之義所當查例亟爲褒卹者在省司道府縣

督蜀疏草

卷之一

三

等官與賊相持一百晝夜死守血戰致賊宵遁根本既完大勢遂定前疏已陳其槩在外者如合州知州翁登彥真安州知州楊汝昇銅梁縣知縣吳宏業南川縣知縣韓應龍皆能嬰城固守屢挫賊而翁登彥且恢復安居楊汝昇且恢復桐梓吳宏業且恢復大足韓應龍且恢復綦江加銜遊擊龔萬祿自招義兵恢復建武并興長二縣藩籬堅固叙府遂保彭縣知縣冉崧中江知縣鍾文炳遂寧知縣曹元龍什邡知縣謝奇舉賊衆雖未大至而屢獲遊騎防範周密以上諸臣皆當候事定

一併分別優叙者至於失陷州縣雖同一失也而其中始有數等有身與妻子並縛白刃交加寧死不屈賊棄之而去二日後始有邑人解其縛者資縣知縣張盛治是也有憑城固守屢抗強敵至力屈而僅以身免近已恢復者江津知縣周禮嘉是也有勢不能敵初雖潰走旋自恢復且建有功蹟者則安岳知縣翟學程綏陽知縣任寵江安知縣陳達道富順縣署印教諭盧安世榮縣知縣蔣守洵威遠知縣董養中雙流知縣劉鼎新是也有能擒細賊不能當大賊帶印逃出後借力以恢復

督蜀疏草

卷之一

三

者溫江知縣蕭魚榮昌知縣張縉大足知縣高繼元內江知縣何起蛟漢州知州萬砥安居知縣周文敏璧山知縣尚登雲樂至知縣劉克紹綦江知縣鄒昌魯新繁知縣王國治郫縣知縣林必成是也有聞憂已久登舟候代印未交而城已陷者則新都知縣王之杰是也有委署資陽縣印以公務入省未及至縣而城陷者副理問王國傑是也有一籌未展望風而先奔者則遵義通判袁任瀘州知州馮曾楷納谿知縣李景融合江知縣周夢可仁懷縣原缺正官蔭昌知縣黃榜金堂知縣王

納科簡州知州曹懋時是也至於不守不逃嗜有煩言則永川知縣蔣承舉是也甘心從賊見有確據則資縣訓導劉養銳黎應遠典史張從善是也以上失事各官自張盛治而下俱屬違法但有情當憫卹者有收效桑榆功浮於罪者有功雖不多而情尚可恕者有公事家難勢無可奈何者惟通判袁任等十一員憑城不能拒敵臨難輒自偷生甚且蒙面昧心大駭觀聽皇上設三尺法正以擊斷官邪臣祇奉明章曷敢曲庇但據失守各官亦自有說古稱與民守之效死勿去必有人而後

督蜀疏草

卷之一

四

可守也今逆賊擁眾勢同席捲而城中空無一人誰與共禦且地有衝僻賊有先後僻者後者聞警設防猶可勉力撐持衝者先者駭機卒發殊不易為料理如瀘合仁懷納谿蔭昌皆賊豕突之衝而傍省諸縣又賊蠶擾之地知州馮曾楷等子然一身內則肘腋生變外則豺虎奄至無不妻子為戮鵠形鶉衣重繭而走僅保印信今俱願誓死殺賊以圖自贖情甚悲切總之變既出於非常綱宜開夫一面自古有捐軀以明節者亦有隱忍以立功者臣在圍中日使人縋城責以大義冀其後效

又連發水牌數百面俾各掘塹沉舟斷橋把隘以防賊走近據資簡等處州縣所報斬殺招降不下四五萬而各鄉齊力殺賊致孔道填塞而不可行尚不在內是亦使過之微效也今千里丘墟萬戶流散姦徒不忌於嘯聚援兵復恣其咆哮若州縣再無正官更難收拾臣姑責今戴罪撫戢以安人心又不敢代爲隱蔽以撓國典謹臚列其狀如此至若夔州府知府朱名世鄰水縣知縣張光初一聞警變託覲徑去龍安府推官李元標聞警稱病不奉批允而去崇寧知縣任復元被論未得交

督蜀疏草

卷之一

聖

代懸印梁上與典史雷霧同日逃去是其畏賊之膽更怯而擅離之罪實同至於叙州府通判陶明通見經督臣行按察司安綿道兩處以失事拏問但據該道文移內開取回守府在督臣諒有的據且本官居官不檢久欲議處除鄰水知縣張光初臣先已提回究問併永川知縣蔣承臯資簡訓導劉養銳黎應遠典史張從善俱行按察司提問外理合一併具題伏乞勅下部院再加查議覆請將張振德等照例褒卹戰守有功官員通候事完一併分別優叙其餘除袁任已經奉旨逮問外陶

明通與張光初等并失事各官俱行巡按御史逐一查勘甄別功罪輕重議擬具奏庶法紀肅而激勸明矣天啓二年三月十六日具題奉聖旨該部院知道

附兵部覆疏

該兵部於前後疏內覆議除川東道按察使孫好古重慶知府章文炳興文知縣張振德已經題卹太常寺少卿倪斯蕙已催赴任四川總兵官已經會推餉銀聽戶部解發遵義通判袁任已奉旨逮問俱不議外爲照重慶之難一時文武重臣及道府而下履虎

督蜀疏草

卷之一

聖

尾之險矢志疆場犯不突之鋒委身原野變至慘矣逆刃所指天地爲昏輿輓而歸山川共咽此忠臣義士所以望渝城而殞涕也說者謂奢寅父子何以生心樊龍兄弟何以狂逞變起不測逃將安之則嘗試論之徐可求等於奢樊非有怨也奢樊於可求等亦非有憾也非怨非憾而遽殺之此其故何也徵兵有人諸臣不與局內用兵有人諸臣亦非禍先彼豈不能高擁牙纛養優憲署以示貴倨而輒爲是僕僕者毋亦謂遼事決裂舉朝痛憤誼難袖手情切分憂其

急公忠主之心真有天日可鑒者生之心可鑒斯死之魂足悲卽如科臣疏內所稱可求未至重慶尚有因其伏地勸其少需者而可求不聽則可求之貞心勁氣豈待死而後決哉故人皆謂可求等死於逆樊而臣謂其死於君國人皆謂可求等死於重慶而臣謂其死於遼陽也可求等之死與袁應泰之死死等耳然應泰殉患難而死可求等爲急救患難而死應泰失封疆而死可求等欲保全封疆而死今應泰卹矣於可求等又何疑焉除贈官祭葬已經吏禮二部

督蜀疏草

卷之一

聖

題覆外應改磨一子以示優異自後繼有永寧之役有遵義之失各該文武將吏效死前行保城抗賊者往往不乏內除撫按之奏報僉同功罪之低昂明白如翁登彥楊汝昇吳弘業韓應龍冉銓鍾文煥曹元龍謝奇舉應杏吏部從優陞叙如駱日升李繼周王三宅段高選熊嗣先洪應科萬全王登爵王碩輔洪維翰左重徐大禮趙愷瞿英都聯芳韓應泰張羽邊一禮李世勲楊愈懋郭象儀宋國柱趙光啓吳民望王成功馬繩祖李宗顏張子偉焦之桐王朝舉黃金

楊柱尹似康楊振先徐永武黃啓鳴龔萬祿龔崇舉鄧懋官譚大孝則臣部斟酌成例及依律處分奏請定奪此外有袁中繡雷安庶楊應評之戰死然猶武官也劉希文以教諭而夫婦同死聶繩昌以舉人周清儒以生員皆守城力戰死吳長齡以監生率義兵復瀘州後父子俱戰死胡一夔以縣丞鄉官被擄不屈死此皆功烈最著但以未經按臣奏報所應行勅明白從厚優卹者又有陣亡將士例須按臣體勘贈卹如袁朝華劉尚義汪奇雷永祖李榮潘尚德彭勝

督蜀疏草

卷之一

聖

毛倫王宗舜徐懋林高國朝朱和郭良臣賈應祿包忠李大貴曾定國者有身雖死而別有遺言應行勅另議如黃守魁馮鳳雛者有暫雖失守收效桑榆應勘其情事輕重收復遲蚤奏明處置如周禮嘉翟學程任寵陳達道盧安世蔣守洵董養中劉鼎新蕭魚張縉高繼元萬砥周文敏尚登雲劉克紹鄒昌魯王國治林必成者有臨刃不屈賊去城全有身已出城變生意外應行勘是否免議如張盛治王之杰王國傑者有一籌莫展望風先奔如何起蛟馮曾楷李景

融周夢可黃榜王納科曹懋時任復元雷霧陶明通
俱應如袁任一體提問者有賊已臨城託故徑去應
勘明禔斥如宋名世張光初李元標者有開門延賊
甚之從賊應并拏家屬審問從坐如蔣承舉劉養銳
黎應遠張從善者總之恩典可以濫徵則九泉之烈
士無色國憲可以倖免卽褒忠之盛典亦虛故臣部
查核不厭詳明庶遠邇人心知勸知懼至於科臣彭
汝楠所稱女將秦良玉母子忠君義重復城功高委
應破格優叙但進兵之時本部業已題加府銜父母

督蜀疏草

卷之一

四

幼子亦封贈授職矣今重慶之功應聽勘疏到日別
加優異道臣梁之棟所稱鄉官董盡倫救援重慶身
死逆賊殊爲可憫應行改廕既經各具題前來相應
酌議題請合候命下將徐可求改廕一子本衛指揮
僉事世襲駱日升李繼周贈光祿寺卿廕一子本衛
實授百戶世襲郭象儀贈光祿寺少卿廕一子本衛
正千戶世襲熊嗣先洪應科宋國柱王三宅段高選
俱贈尚寶司卿廕一子本衛試百戶世襲王碩輔左
重洪維翰俱贈尚寶司卿廕一子本衛正千戶世襲

徐大禮贈重慶府同知廕一子本衛實授百戶世襲
黃啓鳴贈重慶府通判趙愷贈重慶府同知廕一子
本衛試百戶世襲董盡倫改廕一子本衛指揮僉事
世襲楊愈懋贈左都督襲陞三級仍廕一子本衛正
千戶世襲賜與祭葬萬全本職上贈一級襲陞二級
趙光啓贈一級襲陞三級吳民望贈本職襲陞三級
龔萬祿贈都督僉事廕一子實授百戶世襲王成功
徐永武贈本職襲陞三級焦之桐王朝舉黃金楊柱
贈本職襲陞二級馬繩祖李宗顏張子偉贈守備襲

督蜀疏草

卷之一

四

陞二級王登爵贈英韓應泰李世勳尹似康贈遊擊
將軍襲陞二級張羽都聯芳贈都司僉書襲陞二級
邊一禮襲崇學贈守備襲陞二級楊振先贈都司僉
書襲陞二級翁登彥楊汝昇吳宏業韓應龍冉奎鍾
文煥曹元龍謝奇舉聽吏部從優陞叙袁中緝雷安
庶楊應評劉希文聶繩昌周清儒吳長齡胡一葵勘
明從厚優卹袁朝華劉尚義汪奇雷永祖李榮潘尚
德彭勝毛倫王宗舜徐懋林高國朝朱和郭良臣賈
應祿包忠李大貴曾定國勘明贈卹黃守魁馮鳳雛

行勘另議周禮嘉翟學程任寵陳達道盧安世蔣守

洵董養中劉鼎新蕭魚張縉高繼元萬砥周文敏尚

登雲劉克紹鄒昌魯王國治林必成勘明定奪張盛

治王之杰王國傑勘明定奪何起蛟馮曾楷李景融

周夢可黃榜王納科曹懋時任復元雷霧陶明通巡

按御史提問宋名世張光初李元標勘明禡斥蔣承

臯劉養銳黎應遠張從善并拏家屬究問鄧懋官降

二級立功自贖譚大季巡按御史審明正法施行等

因題奉聖旨這贈賡及勘明提問等項俱依擬朝廷

督蜀疏草

卷之一

哭

卹典以待忠義之臣厚自從厚但死節死事當有分

別若一槩濫予何以示勸以後吏兵二部還酌量行

欽此又准兵部咨趙光啓被擄逃回停免卹典聽巡

按御史勘明具奏

一次請告疏

奏爲親老身病不能供職乞賜休致以安愚分事臣由

萬曆二十年進士初授大理寺評事歷陞寺副寺正蘇

州知府廣東提學副使海防叅政告病回籍復起陝西

按察使轉四川布政洊陞今官臣一介迂愚久塵仕籍

曾無尺寸以報皇上茲當倥偬之日復叨節鉞之寄卽

肝腦塗地曷敢不勉奈臣不幸有狗馬病每發痰火輒

至委頓前與賊相持一百晝夜未免過勞頭鬚盡白懔

悴不支又念臣父行年八十有一歲道路梗絕音問久

督蜀疏草

卷之一

哭

疎近有人自家鄉來者云臣父聞重慶之變驚皇失措

及聞成都被圍益日夜悲楚屢屢昏絕臣一聞之不覺

痛哭倒地不省人事旣而獲甦則遍身不能動履醫生

李榮先診視謂濕痰下注頗似風痺見今左足不能動

履幾成殘廢矣臣思戎務在躬賊未滅而身先病日夜

憂憤益以增劇顧疆場之事關係頗鉅若不以實情控

辭恐不任厥職負罪更甚爲此披瀝愚衷冒昧上請伏

乞皇上憐臣真病允臣休致儻自今得少親藥餌以苟

延視息皆皇上再生之賜也疾痛呼天曷勝仰望懇祈

勅下吏部速爲議覆上請施行臣愚幸甚天啓二年三月十六日具奏奉聖旨朱熒元濟變奏功該省倚賴方切著用心任事不准請告該部知道

督蜀疏草

卷之一

兇

司道全城叙功疏

題爲會城關係匪輕司道全城功大懇乞聖明念勞超擢以勵人心事自重慶難作成都被圍皆臣等奉職無狀致貽皇上西顧之憂今仗天威賊已敗逃該臣具報梗概冀慰聖懷其間論功行賞有關激勸之大者一時倉卒未暇陳請蓋緣元惡在逋渝城未復尚爲未了之局而臣身在事中又不敢輕述以涉干澤之嫌今臣不幸狗馬嬰病恐一旦填溝壑是使同事諸臣百日勞瘁終委於草莽也是以直披肝膽爲皇上陳之竊照重慶

督蜀疏草

卷之一

辛

之變雖若卒起而奢崇明父子蓄異已久何若海等又日夜贊之謂海內俱畏川兵而川兵無若蘭強先乘無備據成都占蜀府以爲根本而後分兵犯順爲謀甚大其率賊衆直驅成都不突蜂擁驟如風雨自謂三日不克許唾其面一切狂悖之僞示僭越之情形真令人髮豎皆裂而妖人亡命羣然附之方以爲得計時城中兵乏餉匱束手無策臣同巡按御史薛敷政左布政使周著右布政使林宰副使胡承詒戴燦恤刑員外郎劉可訓同知侯世延余新民通判梁文燧推官羅寬知縣王

琪等誓衆登陴俱分必死以報陛下仍相約曰吾輩同舟一處漏則滿船皆壞又如舟在急灘一篙緩則衆力俱廢欲矜外寇先平內難姦細不盡誅而城不可守十數萬衆之中必有被迫非其本心者不用間以離之而城不可守若塞竇自固賊益輕我不開門血戰而城亦不可守盟議既定按臣主巡察臣主調度周著等分屯四門各爲戰守東北二營則奢寅父子所分處也西南二門則惡目朱國用夏啓昌樊虎徐可和羅華屈國忠羅用奔崇漢樊彪李維鼎等所環據也驍勇騎捷之徒督蜀疏草

卷之一

三

荷鉅挺槍其聚若林毒弩飛銃無刻不至晝則喊聲震地夜則號火徹天自十八日圍城以後忽而上橋安笆忽而扛梯倚梁忽而燒門忽而挖牆或四門齊舉或一處間發或大衆當門而空所驟至或日偶寂然而夜則突起或爲援兵以誑我或束擔假走以誘我或令姦民僞降以愚我至於雲樓陽橋土山旱船等項其制疊換其法彌堅設祭懸旗誇耀異常而悉被破壞無一得逞四門出戰大小百有餘陣共斬殺五千三十五人皆四臣親執桴鼓登高監紀每傷一人擊鼓一下而馮城拒

敵所傷與夫挨擠溺水者俱不在數內兩月以後賊自知深入決意死戰每死一人則縛三人以贖數而我兵艱食日久勢將不支按臣主議集各臣諸將而誓之曰事急矣戰亦死守亦死今援兵將集賊方疲於奔命若不大創一番賊必不走援亦不得至一時人心忿激於正月二十八日四門齊出與之併命賊屢犯而屢却自晨至暮三衝其營殺傷無算遂有受間納款羅乾象等於二更來約欲殺賊自效至五更而火起喊發賊父子乃抱頭鼠竄矣諸如城中細作層見疊出不惟妖人刺

督蜀疏草

卷之一

三

客數百爲羣卽左右近習亦多先通賊以求全者若一刻疎虞必遭毒手諸臣處此心血俱枯頭鬚爲白考之我朝前事臨難城守者間不乏人然未有與賊相對百日間關百戰者亦未有民窮餉盡如蜀之今日且戰且守卒保無虞者總藉皇上如天之福與夫閣部大臣帷幄之謨兵垣職方調度之力而在事諸臣遂得電勉以從事况成都全蜀根柢爲秦楚滇黔之藩蔽成都存而蜀存蜀存而海內不致騷動所關係匪淺鮮者今督臣新蒞氣象一新各路會兵亟圖掃穴正文武將吏奮力

報效之時而諸臣不加優異無以示勸臣安得默然而處於此看得巡按四川監察御史薛敷政世承忠孝望偉鼎鉉申與命於烏臺稟如曉霜明玉斧肅師貞於錦里皎焉秋月湛冰壺蓋自聞變而後以及解圍之期首尾四閱月居中調度出奇制勝晝夜四巡勞瘁特甚所當優擢卿寺卽加節鉞以慰全蜀生靈尸祝之願左布政使周著才兼文武望重華彝等兵食之機宜良工獨苦決戰守之規畫勝筭多奇右布政使林宰忠誠揭日正氣凌空命將出師令特嚴於細柳安內攘外警已息

督蜀疏草

卷之一

三

於潢池提學副使今陞河南參政胡承詔岳峙淵淳文經武緯招撫討叛六軍貼爾無譁訓卒厲兵三尺卓然莫撓分守川西道副使戴燦令德珪璋宏才鎖鑰飭戎行而嚴紀律雷動星流操石畫以佐幄帷風馳雨洗恤刑員外郎劉可訓素抱赤忠熟嫻黃石參樽俎之謀議指揮顯見智囊料壁陣之機權壁畫風生武庫除劉可訓已經臣議留會題外此四臣者與臣同患難躬行伍死守血戰爲皇上保此疆土而淪陷州縣衛所四十處皆已恢復厥功不細所宜照遼陽近例亟議超擢以勵

人心而底成蹟者也成都府同知侯世延朗識洞如懸鑑長才捷若轉圜借箸心勞奔馳力苦署成都府事重慶府同知余新民盤錯雄才神武朗識志在除兇雪恥操嚴茹藥飲水成都府通判梁文燧器識高明才猷倜儻倅郡賢聲久著緝姦勞勩居多行取推官羅寬粹品隋珠下壁雄才鑌鄒干將禦寇功高清華望偉華陽知縣王琪英標立玉素節凝冰處貼危而籌畫多方當繁劇而拮据備至以上各官謹切分猷功當併叙伏乞勅下該部覆議施行其餘城守有功及諸將士汗血戰守

督蜀疏草

卷之一

四

者容臣逐一查明功次分別賞格備細另奏臣不勝感激待命之至天啓二年三月十六日具題奉聖旨該部知道該吏部覆將林宰陞左布政使胡承詔加陞河南按察使戴燦加陞右參政奉聖旨是

加銜賢令理餉疏

題爲懇乞聖明擢賢令以襄軍餉事據四川按察司兵巡上川東道副使徐如珂呈稱昔年征播之役三省府官無不加以監紀督餉職銜故衆思集而成功易也今自逆酋倡亂以來徵兵徵餉之檄雖急於星火而督兵督餉之官則稀如晨星豈所以分猷念而操勝筭哉本道自去冬入境重慶兩屬寥寥無人朝夕計議者惟墊江縣知縣劉國藩已耳而一切兵餉無不取給焉夫以一知縣之力欲行於二十州縣已自掣肘難行况舉上

督蜀疏草

卷之一

雲

下川東之餉而盡責其料理若非加以事權其能指臂使而呼吸應乎及查本官歷俸已及三年勵操堅如一日勞心撫字澤已遍於淪肌遇變動勦才尤辦於迎刃蓋品望原稱卓越而資俸尤屬相應合無加陞重慶府同知職銜專督重慶餉務仍管墊江縣事俟賊平之後另行優叙等因詳報到臣除批行外爲照逆賊倡亂雄據渝城長壽處賊下流地最喫緊墊江距渝僅二日程知縣劉國藩殫力防禦地方賴以無虞及委理上下川東餉務本官往來催督諸事調停石砮等司土兵屯紮

長壽糧餉悉取供於此軍聲稍振賊遂不敢東瞰夔門

本官之功多矣茲樊龍等尚據重慶奢寅復恣狂逞臣已檄行總兵楊愈懋及東南監軍道將分兵先復渝城以弭內患次掃賊巢擒賊父子今大兵雲集急在需餉儻理餉得人俾士飽馬騰何難滅賊重慶餉務向屬劉國藩董理緣以職銜相等恐致催償違時據呈本官資俸俱深委應加銜督餉臣謹會同總督川湖雲貴等處軍務兼理糧餉兼制陝西漢中地方兵部右侍郎兼都察院右僉都御史張我續巡按四川監察御史張論看

督蜀疏草

卷之一

雲

得墊江縣知縣劉國藩才猷博大品格清貞撫字春滿萬家理餉懽騰一路既經該道議呈前來相應題請伏乞勅下吏部再加查議如果臣等所言不謬將知縣劉國藩加陞重慶府同知職銜專理上下川東二屬糧務仍管墊江縣事俟事寧優叙庶理餉得人而軍需攸賴矣天啓二年三月十六日具題奉聖旨吏部知道

報建武長琪失陷疏

題爲塘報賊情事四月初八日據總兵楊愈懋塘報本月初三日據建武提兵候任遊擊龔萬祿堂建武所印加銜僉書李世勳報稱前月十六日據防守小隘子西關界牌等處守備指揮等官趙景雲李有貴周國禎等各報稱奢酋點兵數萬劄麻塘坎準於次日令叛目阿弟等領一枝攻西關取長寧縣胡宗祿麻老虎等領一枝由大壩界牌四路夾攻建武等情飛報到職該二職計議令李世勳保固城池都司袁朝華陳應吉聶世衡

督蜀疏草

卷之一

聖

等官兵往援小隘子守備宋榮煥等官兵往援西關又差官張天祿往援琪縣都司陳上策守備李一山王維垣等星馳往救長寧萬祿親督坐營守備宋榮炳劉尚義等官兵五路併進與賊對敵我兵銃傷叛目馬軍三人賊勢遂潰大兵追入苗寨斬獲苗級二十顆生擒苗男婦十四口得獲牛馬三十餘隻又將各寨苗房燒燬殆盡比日因防截小隘子官兵奮勇拒敵追賊深入遂被圍困致宋榮煥營內殺死提調沈應魁并領兵官共玖員守備喬啓明鄉去指揮聶世衡次日在途逃回傷

死甲兵百餘等因到鎮看得奢酋擁衆數萬攻打建武本鎮原已調遣分布戒諭申嚴今據所報功級雖稱不多然一時奮勇追賊入巢則叙南各縣可使無恐等因十一日又據兵巡下川南道參政王世仁報稱前月十九二十等日節據建武報警於本日差守備周啓先蔡應龍郭之禎陳應吉前往應援續於二十六日據長寧縣報警隨又撥千總尹溥王應祥兵共五百名守備周良才兵五百名及移會范副總撥吳仲兵三千名吳伯兵一千名張明遠兵一千七十名鄭欽明兵一千五百

督蜀疏草

卷之一

奏

名本道又差指揮丁榮帶兵二千名前往督陣而四月初一初二等日據報長寧琪縣因見賊勢重大百姓盡行逃避我兵接戰雖有斬獲而賊已入空城矣除一面訪各地方官之退避及各領兵官之逗遛者另行呈報等因十五日又據總兵楊愈懋奏政王世仁副使赫奕各報稱初九日據遊擊龔萬祿投見稟稱奢崇明父子暗借烏撒生苗督同官保統領交戰城中無食恐賊圍困只得領兵四路堵截初四日一齊前進賊已被圍不意棄虛衝入城內以致失陷本官猶奮勇殺入城中見

賊勢重大自刃一妻二孫復殺出城指揮李世勳並妻女赴火而死軍兵並未失散請支銀米竭力勦賊以圖恢復等語理合塘報等因各到臣該臣會同總督川湖雲貴等處軍務兼理糧餉兼制陝西漢中地方兵部右侍郎兼都察院右僉都御史張我續看得建武素稱險塞密邇蘭巢為賊門戶逆酋自敗歸之後無日不圖吞併故擁眾數萬極力攻打而又截劫長寧高珙以絕建武聲援始被龔萬祿等分兵應敵賊鋒少挫奈何烏鎮陷助官保遲兇遂致應接不暇長寧建武相繼報陷珙

督蜀疏草

卷之一

五

縣原無城垣亦為賊據龔萬祿雖云出城堵截難免失陷之辜但念本官素稱驍勇頗有戰功姑令戴罪殺賊若能恢復故物仍從優叙指揮李世勳同妻女就焚忠貞可憫俟查確之日厚加卹錄其餘有罪員役并死事官兵另行查究優卹除再檄總兵楊愈懋及監軍將領等官速發官兵相機恢復保固叙府及行上南建昌二道嚴加防堵外理合具題伏乞勅下兵部再加查議覆請行臣等轉行龔萬祿遵照戴罪殺賊仍行巡按御史總俟事寧之日甄別功罪一併勘覈具奏施行為此具

本謹題請旨天啓二年四月十七日上奉聖旨兵部知道該本部覆將龔萬祿戴罪殺賊立功楊愈懋附簿紀過奉聖旨是

督蜀疏草

卷之一

卒

塘報水鎮烏撒助逆

爲塘報賊情事四月二十日據總兵楊愈懋報稱本月十四日據塘報湯甫等稟稱奢兵一萬有餘要攻南溪江安等處本鎮隨令副將鄧懋官周良材并調新到毛兵一千前去協力進剿本日辰時又據建武塘報劉志誠等稟稱路遇建武逃民殷雄開得奢崇明將弟婦配與官保又往各土司借兵一枝出南廣一枝取馬湖并攻叙府復上省城如得勝做場好漢如不勝要走建昌逃入小西天藏身本日巳時又據塘報杜啓稟稱探得

督蜀疏草

卷之一

三

奢寅差土目張立兒何希堯統領烏撒苗兵數萬欲往高拱等縣地方搶掠米糧等情到鎮卽遣發標兵坐營吳民望同馬湖官兵前去堵截本日未時又據加銜指揮李鳳崙拏獲慶符縣被擄逃回民四保審據供稱奢賊與烏撒鎮雄各土司借兵數萬要搶省城衆人說大兵已到天氣炎熱奢蠻不聽意要犯搶又於十二三日據各路塘報防禦官兵拏獲奸細羅啓忠王進富謝時春審報奢酋情形與塘兵哨探脗合除臬示外乞催杜總鎮速來協力進攻以安地方等情同日又據職差官

督蜀疏草

卷之一

三

朱國才稟帖報稱鎮雄女官祿氏遵照本院傳諭督同理目魁事胡登瀛并隨府長官王允中等率各苗目歃血盟誓各取不致犯邊甘結在卷但未禁之先該府有邊苗住聯水蘭烏撒并古係種類爲親者乘水西烏撒大變酋賊勾引出境劫掠人財祿氏得分差人緝拏并追劫掠人牛解交原主卑職同鎮雄差漢把龔士元前往水西傳諭俟探討真話回報及查奢酋將弟婦招誘安官保去年九月差人來接泄漏鎮雄起兵圍守不得過去今年二月又叫人來暗誘官保已到酋處酋將墨水潦軍與他管理等情先是職差貢生王信等獎諭烏蒙烏撒鎮雄東川等府土官并差官朱國才傳諭水西土婦奢社輝母子各保爵土勿聽奸附逆仍協心僉力共圖滅賊去後隨據王信稟帖報稱鎮雄烏蒙東川等府各安靜無異惟水西被奢酋誘惑於二月初二日攻陷畢節衛圍困貴州烏撒府土官安効良亦與兵攻圍烏撒衛幸有沐兵在內亦不能被又稱將畢節兵備道并駐鎮楊通判及遵義府張同知俱羈在水西等情到職看得鎮雄壤接叙南據報助兵情亦有之但在該府

十官則歷訴其感激故順在邊民則又稱鎮雄借兵大
抵苗性犬羊陽順陰逆實未可知至於水西攻衛圖省
及羈繫道府等事與烏撒興兵攻衛遠在黔中難信爲
確俱俟再查另報除行總兵楊愈懋及各監軍將領等
官率兵防禦進攻并催總兵杜文煥前去分理策應外
理合塘報天啓二年四月十七日塘報兵部

督蜀疏草

卷之二

五

少師朱襄毅公督蜀疏草卷之二

選議將領疏

欽差提督軍務巡撫四川等處地方都察院右僉都御
史臣朱燮先謹題爲選議急缺將領以資彈壓事據四
川布政使司呈奉臣紙牌據叙瀘道報稱逆賊逃回之
日黨衆尚有六萬渡瀘僅止一萬餘俱潰散崇明獨卧
一小牀偷走苦草壩回巢等因爲照逆賊既歸巢穴勢
必糾合鄰司犯我若不先剪重慶斷其犄角而宿重兵

督蜀疏草

卷之二

一

於瀘合仁納以待併剿則門戶得以出入無忌且將復
聯渝州至於省城重地向來無備今賊雖退尤慎防閑
合行查議爲此仰司官吏即便會同按都二司各道逐
一查議重慶作何恢復卽今上東道所督漢土官兵之
外應否再添官兵策應瀘州合江江安納谿綦江仁懷
一帶係賊門戶某處應置兵若干省城重地應留兵若
干石柱土官告稱願復重慶回司應否留攻逆賊逐一
議妥具由報院施行等因奉此又蒙巡按四川監察張
御史紙牌照得時常叛變正需將材今照諸邊及永寧

各處一時並缺萬難久懸合行議補爲此仰司呈堂即便會同按察司作速查議各邊員缺應否就近陞補已陞官員應否暫留防禦見在討賊將官何者堪補某邊某處至於永寧重地尤爲喫緊當日兵變之際原議何官彈壓必得副將一員坐鎮彼中以安地方逐一虛心議妥限文到二日內通詳呈院以憑復酌具題干係疆場重務毋得遲違蒙此又蒙本院批據分守下川南道呈報長寧失陷并請范副總禦賊由詳蒙批近報長寧已陷叙府孤危添兵發餉何待再計范副將果饒謀勇

督蜀疏章

卷之二

二

布政司詳報會疏以示鼓舞繳蒙此移照按察司該本司署司事右布政使林宰看得奢賊遁逃會合乘機追剿但大兵未集犁庭有待各處要害急宜命將把守查得叙瀘一帶瀘州爲賊咽喉上而長寧高珙建武接壤鎮雄十餘處皆羊腸鳥道在在係賊出沒處所急當防禦原設叙馬瀘參將當循例增置以防正西一面又合江當賊之北上而仁懷下至落洪赤水衛綦江皆賊必由之路水陸兼通若無重兵防堵則賊牽制瀘陽而暗從北出瀘陽何以能守播亂時原設有合江參將仍宜

急補以成叙瀘犄角之勢第十軍九帥事多推諉各路信地俱當專聽約束方可齊一以責成功今查得原任鳳陽列銜留守今協守南城范繼道裘帶儒風韜鈴將略浩氣目無勁敵沉機胸有甲兵名色把總今協守北城薛來衍矯矯鷹揚桓桓虎視長技夙擅穿楊壯圖常懷裹革此兩員者在城守能保障乎一方在出征可決勝於千里合無以繼道題管叙馬瀘參將事自仁懷以上至鎮雄聽其分布以來衍題管合江守備事自仁懷以下至綦江聽其防禦其兩路兵馬各聽提調則官得其人人得其官可戰可守其以固疆圉而殲醜賊大有裨矣其員缺候事平日另議裁革等因回覆到司該本司左布政使周著看得會城簡練營兵以爲防而石砬願往重慶以恢復無容復議外惟是瀘州乃奢酋出入門戶叙馬通乎烏蒙合建達於古蘭而鎮雄夾雜其中管險山高苗多漢少合則狐兔遠難以苗而攻苗來若蟻蜂必須闌入而闌出則選能將督勁兵以遏瀘州賊突之路委爲急著查得南城原任浦口備禦新加銜副總原議管永寧參將事范繼道揮霍不羣已試長才大

督蜀疏章

卷之二

三

屢沉雄應變尤兼足智多謀目擐甲八面生風飛騎千
天辟易合無將本官具題授以叙馬瀘參將凡叙馬建
武一帶之兵聽其約束庶賊不能以精銳再出江安納
竊踪我內地至於合江亦徑由夾子口直抵奢酋巢穴
上達嘉叙下接重涪亦委須一將一隊爲瀘犄角查得
加街遊擊薛來衍勇力兼人提刀真可向敵忠憤出衆
振幟不憚危巢屢見匹馬當前果然一身是膽伏乞蚤
賜具題授以合江遊擊其江津綦江一帶俱聽應援統
俟賊平議撤改補地方庶滿地有旌旗犬羊不敢窺我

督蜀疏章

卷之二

四

之堂與而到處多將士掃蕩何難洗彼之穴庭考諸征
播蜀之東南守城護餉各增兵將而今日事勢委當亟
爲設立者也等因呈詳到臣該臣會同總督川湖雲貴
等處軍務兼理糧餉兼制陝西漢中地方兵部右侍郎
兼都察院右僉都御史張我續巡按四川監察御史張
論議照抗敵摧鋒固需將領而分疆畫守宜設偏裨昔
年播亂僅陷綦江一邑自處賊巢之中尚調各省大兵
增置將官若干人方奏蕩平之績乃今蘭賊蹂躪州縣
四十餘處東衝西突全蜀震驚蓋以將領寥寥事無專

責故也查得永寧一帶與水西烏鎮等處比鄰原設參
將久已報關當茲逆賊狂逞鄰苗蠢動之時則設偏裨
以資彈壓誠不容緩應自仁懷以至鎮雄叙瀘建武一
帶設參將一員至於合江征播時設有參將此地既爲
蘭賊出入門戶又當重涪上游思患預防尤宜備禦亦
應設守備一員各畫地分理及照原任浦口備禦留守
今加街副總范繼道勝筭富於胸中謀略運諸掌上名
高閭外功著蓉城援遼把總今加街遊擊薛來衍滿腔
司馬之兵編體子龍之膽捐貲餉士壯志請纓在繼道

督蜀疏章

卷之二

五

以酋亂入省在來衍以隨父還陝經過成都二官遂同
在圍城中日夕登陴分門戰守各一百晝夜勞苦備極
今兄在督兵剿賊各擬事平優叙合無卽以范繼道管
叙馬瀘等處參將薛來衍以合江等處守備管參將事
此二臣者皆可防邊討蘭用寄干城伏乞勅下兵部再
加查議如果臣等所言不謬覆請將范繼道實授參將
薛來衍寔授守備各照信地彈壓分理仍各統兵剿賊
俟事寧另議改補儻效有奇績破格優叙地方幸甚天
啓二年五月十九日具題奉聖旨兵部知道該本部覆

將范繼道量陞署都指揮僉事以遊擊將軍職銜管叙
馬瀘地方事薛來衍量陞署都指揮僉事以都司僉書
職銜管合江地方事奉聖旨是

督蜀疏直

卷之二

六

議擢材勇疏

題爲議擢材勇以示激勵事自去歲奢賊發難臣督率
官兵且守且戰迄今已九閱月近日逆賊復借苗兵數
萬乘間衝突九司六縣相繼奔潰臣與疾馳赴叙府會
同總兵楊愈懋副使李仙品赫奕發兵迎敵又行巡下
南道叅政王世仁分兵於瀘納南溪等處截賊出路連
日接戰尅捷斬獲頗多除塘報外其各將係欽依世職
俱當候事寧照例優叙獨有降人羈客與夫白衣報效
者雖皆酌量功次各與一劄而日久不爲上聞輒以爲

督蜀疏草

卷之二

七

拚死效力而徒虛文相籠也况元惡未除進剿伊邇正
鼓舞用命之日卽未必能一一徧擢謹就在事久而效
力多者如降將羅乾象胡汝寧胡汝高生員鄒蔚然范
祖文胡肇虞首先納款設計誤賊致令宵遁厥功不細
材官何正光張明遠武聲華李忠袁可成郭思正夏光
裕孫世信周元儒何繼光朱可榮每陣衝鋒備嘗艱險
通吏劉養鯤捐資結客膽智過人生員陳于朝熟知苗
情夙夜匪懈內羅乾象應授叅將胡汝寧胡汝高鄒蔚
然范祖文胡肇虞應各授遊擊何正光劉養鯤張明遠

武聲華陳于朝應各授守備李忠袁可成郭思正夏光祿孫世信周元儒何繼光朱可榮應各授指揮職銜俱隨臣調遣相機搗剿俟事寧之日查勘功次再題陞授實職庶人情激勸而敵愾益張矣天啓二年五月十九日具題奉聖旨兵部知道該本部覆將羅乾象授遊擊職銜胡汝寧胡汝高鄒蔚然范祖文胡肇虞授都司僉書職銜何正光劉養鯤張明遠武聲華陳于朝李忠袁可成郭思正夏光祿孫世信周元儒何繼光朱可榮各加守備職銜俱奉聖旨是

督蜀疏草

卷之二

八

糾察鄉紳構苗疏

題爲鄉紳構逆有跡謠難隱昧謹據實直陳以祈聖斷事臣惟世道清寧國恩浩蕩以重臣而發大難理所必無卽語諸三尺童子亦不肯信而不意蹤跡詭異有如太僕寺少卿劉時俊所爲者臣言而不實祇得躁妄之罪若知而不言則爲扶同爲欺蔽抱罪滋大敢備爲皇上陳之去年九月十七日蜀有渝城之難時俊於一月前寓居省會聞變之日在城鄉紳語按臣薛敷政曰此事非時俊不可收拾宜加重銜捐金聽其出入速行二

督蜀疏草

卷之二

九

司具一公移卽日具題仍各造宅敦請渠乃肯任是時臣待罪首藩獨倡議曰翁崇明果不知情可以撫定豈有不畏朝廷之威靈不奉撫安之諭帖而獨斤斤聽一鄉先生乎若其主謀卽丁劉宦烏能止之且吾輩食祿有年鬚眉自在卽不能殺賊取勝亦可罵賊而死何苦傍人作活同官周若力主臣議而又有以爲當屈志全城者臣不得已貽手書問之內云渝州變後音問未通以情勢泰之奢崇明定不知情止是求一司馬長卿而不得耳翁臺念切維桑且爲宣撫夙所憚服儻肯發咫

尺之書明白曉諭其蔑不濟所謂一紙賢於十萬也懷
寶逃邦智者不爲萬一有事其能晏然乎次日時俊自
來謁臣謂此事不敢不任但當聽我所爲臣問云何時
俊曰此行但挈樊龍張彤仍往援遼重慶一節且弗說
起臣應之曰若此則不惟據蜀且欲圖燕平遂色變而
別至十月初一日臣往謁按臣見干旌載道問之則時
俊行矣至十一日諜者云時俊至隆昌而復回矣按察
使林宰語臣曰適訪劉宦云賊勢浩大城必不守俄而
有報臣者云南門諸生謂時俊暗藏奸細率衆掇之時

督蜀疏草

卷之二

十

俊踉蹌而出未免受辱石輿亦被擊碎又有自重慶逃
回吏書各役告臣云樊龍是日坐占衙門軍民投降請
票者萬餘人匍匐階下有劉鄉官僕持金幣書儀叩頭
稱賀次日樊龍回禮四十兩差一苗人送之出門問劉
宦爲誰則云不知至十五日溫江縣典史鄭烱解奸細
三人到臣內有一人潤稱縣差闖城門而入臣審之乃
時俊家人從腰間挖出貽按臣手書一封真草相半內
云事勢已急宜操小艇星夜往叙府潛避可有數月之
安又代草一告示葉臣當發推官羅寬寬轉送按臣今

可取而覆閱也夫奔首四路入犯叙當其三是時南溪
之圍正急而時俊獨勸按臣行者蓋奢賊之意原欲徑
取成都有成都何患無叙祇恨南溪知縣王碩輔死守
故力攻耳而時俊不知何處籌咨遽得其機竅也今蒙
皇上授以名卿委以贊畫爲國爲家宜何如激烈而自
正月荆夔募兵費已不貲督臣派信地於叙瀘至今四
閱月杳無音耗差人訪之尚徘徊於重慶百里之外被
髮纓冠恐不若是五月十六日川東道僉事戴君恩有
揭到臣云秘事不便明言然事關宗社不敢隱匿謹將

督蜀疏草

卷之二

十一

原狀封呈臣拆視之乃樊龍一呈詞也內稱宣撫司援
遼官目樊龍等爲姦官造端發難貽累事本司世代忠
良毫無別念去年內被鄉宦劉時俊差伊舅持密書到
司啓內云北都圍困賀世賢李 作變事情動土官
就此援兵展步彼時撫主即遣漢把馬養吾餽金刀護
膝等物徑到榮昌同監興師衆等遂蹈此局若有虛言
天誅地滅爲此上訴臣反覆思之時俊自負人傑豈其
病狂至此或狡賊謬以相陷亦未可知但以前之作用
既如彼近日之聞見又如此臣身任疆場關係匪細有

聞必告職分宜然護會同總督川湖雲貴等處軍務兼理糧餉兼制陝西漢中地方兵部右侍郎兼都察院右僉都御史張我續巡按四川監察御史張論合疏上請伏祈聖明勅下部院從公查勘庶真偽明而忠邪別矣天啓二年五月十九日具題奉聖旨已有旨了該部院知道

督蜀疏草

卷之二

十一

道臣患病乞休疏

題爲道臣患病危篤乞賜放歸調理以遂生還事據四川布政使司呈奉臣批據按察司副使兼參議管分守川北道事周道直呈稱職向以勞瘁成病業蒙賜假調理已荷深恩既因病勢沉重具詳請休恭候憲示但念日來病入膏肓諸藥罔效一息奄奄與死爲鄰極知其萬無生理且以病謝事印已久封多事之秋文移寢閣必至耽誤罪死曷貽懇乞急賜允放速令代署儻得一息少延永圖銜報等因由詳奉批該道履任方新而控

督蜀疏草

卷之二

十二

詞迫切得無真有不得已之情耶仰布政司查議應否慰留速報奉此又奉總督川湖雲貴等處軍務兼理糧餉兼制陝西漢中地方兵部右侍郎兼都察院右僉都御史張我續批據該道呈同前事奉批蜀難孔棘正藉匡襄該道籌畫積勞不妨暫攝自愈胡爲乎復有此請也仰布政司會同按察司敦慰勉留視事此繳奉此隨移按察司會留去後又奉本部院批據該道呈爲印信事照得本道原以勞傷心血痰火壅發病勢沉重旦夕莫保屢讀前詳仰蒙憲諭諄切感激之私等於覆載無

奈自傷命厄醫藥罔效日漸危篤與死為鄰奄奄待斃獨謂印久塵封恐誤公事所宜代攝但查往例應咨送本司議詳委署第值兵務旁午之秋驛站疲苦之日若拘往例不無往返勞費夫馬且守巡地方原係一體二道印務常相兼攝合將印卷吏書於四月十四日徑送巡北道閱察政暫攝職不得已與疾就道雖因時勢從權然未敢專擅請乞本部院批行本司移會該道查照管理等因由詳奉批仰布政司查報奉此又蒙巡按四川監察御史張論批該道呈同前事蒙批該道曾兩以

督蜀疏草

卷之二

四

恙請本院兩批慰留矣據詳業已交代起程布政司查報蒙此該本司看得守北道副使周道直博大端凝器度精明果毅才猷治郡卓有循聲籌兵倍多勞動當茲西蜀孔棘之日正惟北道共勦之時一旦遽疾懇辭荷蒙批行慰挽乃本官再三陳請委係真情原非假托且今業已謝事印卷吏書已交巡北道閱察政代攝又經與疾起程似應俯從所請為便伏乞本院具題准令本官回籍調理俟病痊起用等因呈詳到臣卷查先據該道呈詳前事已批該司查報去後今據前因該臣會同

督臣張我續按臣張論看得分守川北道副使周道直規模博大蘊藉弘深治郡久著芳猷轉任更饒懋績當逆酋圍省之日本官以帶攝巡下東道印務調兵措餉拮据備至且路當孔道督發應援官兵晝夜靡寧正擬事寧優叙而不意積勞成病迫求歸養屢經慰留竟不可挽及與疾境上猶捐俸一百兩助餉是其急公之念雖去不怠而委頓真情亦應曲體既經該司查議前來相應會題伏乞勅下吏部再加查議覆請准令周道直回籍調理俟病痊起用遺下員缺照督臣疏議推補庶

督蜀疏草

卷之二

五

賢才不致終棄而勞臣溥被勸酬矣天啓二年五月十九日具題奉聖旨吏部知道該本部覆奉聖旨是

塘報克佛圖關

爲塘報克復險關逼攻渝城事據總理四川監軍道按察司副使丘志充貴州監軍按察使楊述程報稱四川總兵官杜文煥同職等領毛兵營官軍於四月二十二日卽攻佛圖關二十三日又打一陣幾入其壘二十四日黎明杜文煥率領親丁及毛兵營加銜參將楊克順等兵直衝賊營石砦宣撫司領兵官秦明屏率本部兵遠出賊後督兵五千出戰杜文煥指揮衆兵奮勇徑前撲殺一處賊衆大敗追入佛圖關下殺死三千餘人屍

督蜀疏草

卷之二

六

積深溝兩岸俱平賊營二十餘寨一時俱空職與楊按察使日在軍前親自督陣口觀血戰光景直摧枯拉朽從渝城有變以來未有剝賊之甚如今日者也此時佛圖關上下一賊俱無二十五日卽督兵攻城有功員役查明另報等因又據重慶府忠州判官陞河南新鄭縣知縣胡平表呈報卑職於二郎關分布河南北兩路漢土官兵連營已畢二十二日發部下衝鋒將士旗手領兵徑取佛圖關二十三日督領石砦宣撫司女將秦良玉領兵官秦明屏率各將官秦翼明秦可秦允成秦拱

明譚弘化馬邦興譚良佐等併力攻取斬獲賊功無數二十四日復與賊大戰燒燬賊營一鼓奪關賊兵大敗追殺至城下俘斬甚多俟查明另報一二日內卽可擒斬逆賊恢復渝城矣各緣由飛報到職該職會同總督川湖雲貴等處軍務兼理糧餉兼制陝西溪中地方兵部右侍郎兼都察院右僉都御史張我續看得渝城原係天險而樊龍等各賊連營於佛圖關上控據要路故官兵久未能克且寅賊出沒瀘合崇明直犯叙南兩處牽拽我師狡謀百出今四月二十四日總兵杜文煥等

督蜀疏草

卷之二

七

督率官兵奮勇殺賊攻奪險關釜底遊魂旦夕可殄若移得勝之師轉擊瀘叙勢將成於破竹功可奏於犁庭矣除檄催道將上緊攻取期收萬全所獲功次查明另報外理合塘報天啓二年五月十九日塘報兵部

塘報復江安縣

爲塘報賊情事四月二十九日據總兵楊愈懋塘報本月十五六日據塘報官陳世佩等報稱探得奢寅統領苗兵數萬再調納谿方山茜草等處制營叛賊說要一枝由水路進攻南溪一枝由合江應援樊龍張彤兒等情到鎮於十九日點發標下官兵內丁五千餘名責委署坐營吳民望中軍盧世卿都司李承芳遊擊顧達四營千總守備等官雷鳴春張明遠等及火器中軍馬繩祖內丁千總楊柱等督發去後於本月二十五日辰時督蜀疏草

卷之二

六

據盧世卿報稱二十一日到南溪據塘報謝大言等報稱探至江安縣地方間得城內奢酋約有三四千人每日五鼓造飯天明食畢擺列旗號吹打上鏡子山制營以張賊勢午後復回城內住宿河邊有船五六十隻內裝米穀遇晚留兵看守有十餘人打黃傘不時往來行走等情稟報到職卽與吳民望等密議傳令各兵於二十三日一更後吳民望等攻打西門張虎等攻打北門四面攻圍賊從東門衝出湯廷耀王成功馬繩祖等奮勇截殺馬茂張虎催兵殺到河邊都司李承芳千總劉

澄堵住要路各賊慌懼投入江內不計其數斬獲首級八百餘顆擊獲婦女八口奪獲賊船五十餘隻槍刀弩箭綿甲腦包絮被共二千餘件賊馬五匹等情到鎮又准監軍張鄉官手本移稱本月二十一日協同加銜副將羅乾象遊擊胡汝高何正光何繼光曹守爵都司周元儒守備席溥范鉞安如山等自叙府監督官兵五千員名同楊總鎮原發標兵內丁至二十三日五鼓直抵江安縣被賊將四門關閉內用矢石交攻有羅副將胡遊擊統兵至東門城角奮勇登城持槍攻殺賊勢披靡督蜀疏草

卷之二

元

將四門大開官兵一擁齊進自寅至辰連攻數合奢賊大敗一掃盡殺斬獲首級七十九顆生擒六十名箭槍殺死六功奪獲旗一頭牛一隻槍刀標弩十件馬絮三領哪叭黃傘腦包各一件又江安知縣陳達道報稱守備陳一策千總陳勤吳應舟等斬功七顆生擒二十四名賊馬一匹銀粧鞍一副令旗二枝又南溪縣加銜遊擊張朝宸斬級二顆袖銃打死二功生擒四名合行塘報等情又據兵巡下川南道叅政王世仁呈稱四月二十一日奉督撫按三院行催督率官兵前往相機剿賊

於次日到南溪縣地方相離已被賊據江安縣三十餘里議同監軍張鄉官密調統兵官劉養鯉何正光羅乾象李承芳周元儒何繼光曹守爵吳民望雷鳴春王成功湯廷耀張虎盧世卿顧遠安如山周世昌丁樂勝伯輪王壯猷張朝宸范鉞李縉楊應海等官兵於二十二日夜三鼓密令各兵一齊前進是時江安各賊知風乘陣矢石交下我兵奮勇先登舉火為號各兵遂從各門湧入城中居民喊聲震地助我軍威賊眾四面受敵一時潰敗除城外打沉船中落水死者不計其數實共擒

督蜀疏草

卷之二

三

斬偽參將梅受偽知縣白元柱等共七百六十六名顆所得婦人除該縣有人識認者即與領去實解到十二日行令各親屬識認其無人認者變賣充餉所獲馬廐刀劍器械等項給賞各兵隨檄鄉兵加銜守備袁昌羅尚文率原募各兵防守戰兵各自回營再圖前進至次日據江安縣報稱賊發馬兵百人前來偵探見得橫屍遍地我兵方欲接闕而彼放聲大哭飛馬遁去此一役也退復張之賊勢快積忿之人心自此乘機奮力或遂搗穴犁庭等因又據加銜副總兵薛來衍報稱督兵至

隆昌玉蟾寺遇賊封敵我兵奮勇死戰用銃砲打死各賊得功六百餘顆賊始敗退我兵割營隆昌以待進剿等情各報到職先是瀘州鄉官參議張鍵被酋焚劫義激同仇職與總督廉知本官胸富甲兵令其監督剿賊去後今據前因該職看得江安縣設居險隘為賊出入要路乃我之所必守賊之所必爭者當首攻陷之後知縣陳達道已經恢復不意賊糾隣苗仍復占據幸鎮道諸將悉心區畫俾將士用命一鼓破賊大慈授首軍聲已振知縣陳達道先已陷城見在查勘職於有司功罪

督蜀疏草

卷之二

三

疏中責其立功自效奈何今又失守雖旋即收復烏得無罪除候勘明另題外理合塘報天啓二年五月十九日塘報兵部

塘報復慶高筠珙四縣

爲塘報賊情事據總兵楊愈懋塘報本鎮統領官兵內丁於五月十三日申時行至馬蹄鋪之前相去來佛渡十四五里聽得火砲亂響隨用滅營砲接應催兵前進賊已四散據署坐營加銜參將吳民望等稟稱奢賊約有七八萬衆馬兵不下數千將都司李承芳焦之桐周良才龔從勝圍住民望與湯廷耀等鼓舞官兵奮勇力戰李承芳併力夾攻火砲打傷不計其數賊見官兵驍勇收兵割營山上標兵內丁一齊攻打將穿紅蟒衣蓋

督蜀疏草

卷之二

三

皮甲騎驢騾馬者被楊愈志一箭射倒賊人落地旁有騎青馬一賊下馬將穿紅者扶上青馬官兵將後項復中一箭馳馬逃走衆兵向前將下青馬者殺死獲金銀鞘長刀一把衣甲俱全衆賊潰亂官兵乘勝追殺斬獲賊首三十餘顆奪獲賊馬二十餘匹綿甲腦包器械一百餘件至十四日二更時分各賊數人在於雞爪山叫罵楊兵兒子陝兵爺子我家萬歲爺不曾害着你們如何將我家三千歲殺了好好將頭并金刀盔甲送來等情除令各營官兵相機擒剿恢復各縣城池其斬獲

首級并陣前重傷軍兵馬匹俟查明另報又據楊愈懋塘報十六日據領兵加銜都司焦之桐稟稱挑選精銳官兵并原統家丁於十四日夜走慶符約有五更時分衆賊在於城外東嶽廟連剄一十三營我兵衆寡不敵先點火砲亂打衆賊潰逃各兵向前趕殺斬獲首級七百一十顆慶符城內賊人望風盡逃等情到鎮又據加銜副將范繼道下督兵守備冷正榮報稱統領衝鋒軍兵於十五日黎明渡河走入慶符縣內不見一賊隨據吳民望李承芳等報稱聞得奢崇明懼怕大兵徑棄慶

督蜀疏草

卷之二

三

符率衆由長寧逃走即撥官兵防守慶符再復各縣并將斬獲首級查明另報外合先塘報又據楊愈懋報稱遊擊龔萬祿於十六日早攻取高縣奢賊盡行逃走龔遊擊在縣招安軍民具報間又據吳民望李承芳等稟稱連日在慶符招回鄉民男婦二千五百餘名口又據長寧縣逃回百姓稟稱奢崇明墜馬跌傷左腳將馬頭二人殺了與衆頭目言說錯起念頭不如早早收拾回去恐後頭追來不便各賊一半由長寧一半由筠連逃散七八千人矣等情到鎮即行各官乘此破竹之勢奮

勇追趕本鎮統兵隨後以壯軍威直抵建武不敢坐失機會又接該鎮手書內云筠連琪縣俱已收復各等情又據叙瀘道副使李仙品報據加銜守備陳進忠稟稱蒙發恢復慶高等處進兵至來佛渡十二日辰時崇明發馬兵窺探分兵四路約有萬餘從後山殺來奢寅統兵五千餘眾沿江殺來將馬湖建武二營圍繞加銜遊擊湯廷耀卽令龐廷爵等領兵救援追殺爵同哨官李龍斬壯級一顆胡富智啓等各斬壯級一顆賊退二十里督令把總楊正龍隔河用銃打死奢賊四人不能斬

督蜀疏草

卷之二

五

首等情又據統兵都司僉書李承芳報稱本月十二日賊來攻營出兵對敵箭射銃打血戰賊敗當有守備楊愈志將奢崇明馬脇下一箭拋馬改走照背心一箭被眾苗救去仍趕上前追殺斬壯級一顆紅旗千總蔣真割小功一個其銃箭打傷者不計其數賊退十里剗營等情各到職謹會同總督川湖雲貴等處軍務兼理糧餉兼制陝西漢中地方兵部右侍郎兼都察院右僉都御史張我續看得逆酋乘間借兵攻陷建武長琪直出筠高興慶等縣官民望風奔潰酋卽擁眾連營於叙南

咫尺之間勢甚猖獗本職與疾至府會同鎮道發兵迎敵連戰尅捷賊遂狼奔我兵乘勝追殺已復數城建武亦不難恢復惟是知縣等官傅頴孫等不能嬰城固守輒自潰奔業已拏發該道究處隨據道府議詳謂邊邑久已破殘各官眾寡不敵姑令立功自贖候事平另議除行總兵督率將領嚴加偵探進取外理合塘報天啓二年五月二十一日塘報兵部

督蜀疏草

卷之二

五

塘報殺敗援渝賊兵

爲塘報賊情事五月十三日據兵巡上川東道副使徐如珂塘報本月十一日據加銜守備鄧廷高接獲張形送出黃總兵家眷八名內婦人一口係黃總兵次妻又該總妻弟二名口家人四名老醫生一名俱發越同知審明發回原籍去訖十四日據石砭司統兵加銜叅將陳思虞稟稱有都司周鎮原係援遼總兵周世祿之子向被樊龍稽留城內至本日躍馬來降同行三人皆言城中饑苦不過亦行越同知查明仍發陳思虞作爲鄉

督蜀疏草

卷之二

三

導等因十六日又據兵巡下川東協理監軍道僉事戴君恩呈報四月二十八日督陣千總楊文試於重慶千斯門與賊對敵生擒僞守備梁友懷解杜總兵丘監軍親驗又報稱五月初二日捉獲僞守備周順李仲賢馬道等又報重慶攻圍多時叛賊抵殺甚勇本道用計密差千總戴銘戴昌祚等於五月初五日辰時拚命力戰生擒弑官首惡黑蓬頭訖張形聞之情願徑投本道等情十七日又據總理四川監軍道副使丘志充塘報本月十一日賊援兵二萬馬兵七八千去城五里高山下

營城中賊從通遠門傾營出兵向佛圖關衝突與援賊呼叫相應射洪王知縣率領遵義兵秦副將率領本營兵在佛圖關與賊大戰賊衆一時奔潰殺死一百餘名賊奔入城閉門不出援賊一枝自真武山一枝自南其坪大呼齊進西陽三司越同知兵未及交鋒有屈遊擊統領西兵楊遊擊統領毛兵丁千總王千總統領家丁盧大參楚兵張憲副湖南兵徐憲副戴僉憲部下兵分路截殺賊衆大敗各營殺賊七八百名帶傷者不計其數賊退二十里下寨是日城中賊城外賊一時俱敗不

督蜀疏草

卷之二

三

能相合除有功員役查明另報同日又據丘志充塘報十一日有賊近千人在朝天門外挑戰本道家丁同戴監軍家丁直前趕殺賊敗入城戴管戴銘等擒獲僞守備趙信劉誠王安於左臂獲印三顆職營紅旗守備丘志純斬獲僞守備魏一中家丁丘福斬獲僞守備周彝各於左臂獲印一顆先有重慶衛百戶湛斯裕陷在城中本日亦隨出城供出各賊職銜姓名是實今將原印二顆除解本部院外理合塘報等因到職謹會同總督川湖雲貴等處軍務兼理糧餉兼制陝西漢中地方兵

部右侍郎兼都察院右僉都御史張我績看得渝城險關已破焚賊計日可擒乃首復擁衆應援我兵奮力齊擊內外各賊俱敗雖隔江不能會合但未免分我兵力除行鎮道將領倍加戒嚴一面拒堵援賊以防偷渡一面攻城計取立限克捷外理合塘報天啓二年五月二十一日塘報兵部

督蜀疏草

卷之二

二十八

報克重慶疏

題爲仰仗天威堅城克復賊首就擒飛報捷音以紓聖明西顧事天啓二年四月十二日據兵巡下川東協理監軍道按察司僉事戴君恩呈稱樊龍堅據渝城所恃者搶掠之穀米所待者奢實之援兵今本城三面皆江其出入要地止有佛圖關至二郎關一路故賊自通遠門至兩關連劄一十七營宿以精兵爲謀實深職於三月二十八日會同兵巡上川東道副使徐如珂躬親督陣率石砭宜撫司女將軍秦良玉及領兵官秦明屏等

督蜀疏草

卷之二

二十九

官兵直逼二郎關忠州判官陞河南新鄭縣知縣胡平表亦領兵到關秦良玉督兵與賊大戰官兵奮勇斬賊千有餘級總理監軍副使丘志充統領參遊守備等官兵俱到樊賊聞風退守佛圖關同日又據胡平表呈稱三月二十八日賊首張彤與梅千總石千總率賊兵二萬三路迎敵秦良玉同秦明屏率兵追至龍洞槽二郎關秦良玉下土兵斬獲壯苗功三百顆生擒一百一十名獲馬六十匹秦明屏親斬與部兵斬獲壯苗功共二百二十九顆生擒真賊七十二名獲馬五十匹卑職部

下官兵斬獲壯苗功一百三十五顆生擒十二名獲馬騾其六匹各獲械甲無數張彤等奔守佛圖關又據秦良玉奏明屏各呈報前功相同緣由到臣俱經批行總理監軍道查覈去後五月初八日據總理監軍道副使丘志充貴州監軍道接察使楊述程報稱四川總兵官杜文煥同職等領毛兵營官兵於二十二日申時進攻佛圖關賊率步兵一萬馬兵五百前來拒敵被砲打死數多職率中軍官文定督陣加銜守備丘志純千總周宗禹等直追至關斬獲真苗三顆至二十三日又攻打

督蜀疏草

卷之二

三

一陣幾入其壘而賊心膽已裂二十四日黎明杜文煥統親丁及毛兵營加銜參將楊克順等兵直衝賊營秦明屏率本部兵繞出賊後賊督兵五千出戰杜文煥指揮衆兵奮勇撲殺賊衆大敗迫入佛圖關殺死三千餘人屍積深溝兩岸俱平賊營二十餘寨一時俱空職與楊按察使日在軍前親自督陣日觀血戰光景真摧枯拉朽從淪城有變以來未有創賊之甚如今日者也有功員役查明另報同日又據胡平表呈稱卑職於二部分布漢土官兵連營已畢即率參長玉等攻關斬獲

甚多又據秦明屏呈報四月二十三日職自二郎關親統石砦本營大兵直抵佛圖關前布列成陣賊自關上衝下三次被兵殺退至二十四日秦翼明等官兵扣關賊衆殺出官兵分頭接戰率生力軍從旁夾擊賊衆大敗當陣斬功數百乘勝直追入關賊墜崖死者數千餘又據僉事戴君恩呈報職傳令各營於二十四日齊攻佛圖關至期各官兵一齊奮勇於巳時奪關將賊營罄焚賊兵盡奔入城又據總兵官杜文煥報稱統領漢土官兵於四月二十二日二十四日與賊交戰斬獲賊

督蜀疏草

卷之二

三

首七十七顆內有一顆據生擒部賊梁孝驗認實係秦首僞授重慶府知府徐凱首級隨解總理監軍道驗明又據邑梅長官司統兵加銜參將楊光斗呈稱二十四日奉令會兵職督家丁李阿元等誘賊大戰衝殺入關燒燬營寨擒斬苗賊六十二名顆又據該司領兵加銜守備楊光恒呈報同日督兵攻關親斬賊級二顆部斬十一顆又據湖廣大田千戶所功授指揮楊通權呈稱率部兵與邑梅合營攻打佛圖等關親斬賊級一顆部兵擒斬四十名顆職弟千戶應襲楊通堯親斬賊級一

賴生擒一名俱經解驗給票又據僉事戴君思呈稱先是本道審遣親信入城詐誘賊黨於四月二十六日獲偽指揮梁友懷五月初二日誘獲偽守備周順李仲賢馬道初五日獲偽總兵黑蓬頭并蓬頭親弟偽指揮成芳及友得壽兒等各徑投本道發萬縣監候又據本官呈報千總戴昌祚等率兵擒獲賊首偽參政王光宗據逃出生員沈崇機供稱光宗係樊張心腹主謀偽造曆日僭稱帝號督餉領兵兇惡不在黠目之下合行呈報又據本官呈稱指揮任調元龔之霍等領兵併力殺賊

督蜀疏草

卷之二

三

敗走追趕至大石窩斬獲大將一名佩帶銀刀身穿繡甲掩心襖內接獲偽璽勅書一道內有職銜姓名係總兵丁崇理并獲黑蓬頭報功奏啓一道應合呈報等因又據副使丘志充塘報五月十一日有賊千人在朝天門外挑戰本道同協理監軍各道發兵趕殺戴鉢等擒獲偽守備趙信劉誠王安於左臂獲印二顆加銜守備丘志純斬獲偽守備魏一忠家丁丘福斬獲偽守備周葵各於左臂獲印一顆先有重慶衛百戶湛斯裕陷在城中本日亦隨出城供出各賊職銜姓名是實合行呈

報等因又據本官塘報五月十一日奢賊援兵二萬馬兵七八千去城五里高山下營城中焚賊亦從通遠門傾營出兵向佛圖關衝突與援賊呼叫相應射洪知縣王新民率導義兵秦明屏領本營土兵在佛圖關與賊大戰殺死一百餘賊敗潰入城奢酋援賊一枝自真武山一枝由南真坪大呼齊進平邑石耶酉陽等司土兵并同知趙其杰兵遊擊屈通領西兵楊克順領毛兵并協理監軍參政盧瑛田副使張孝徐如珂僉事戴君思各部兵分路截殺賊衆大敗各營殺賊俟查明另報又

督蜀疏草

卷之二

三

據本官塘報援兵連劄七營欲從黃葛渡搶船入城十四日被鎮道官兵四面攻殺收走官兵直攻老寨一時七營俱潰斬首二千餘顆遺棄器械無數又偽勅數通偽印數顆各營查明另解殘賊尚在四十里團聚仍發兵趕殺等情又據湖廣分巡武昌道督兵副使張孝塘報五月十四日據中軍加銜守備王拱樞報賊援兵在鐵矢坎屯劄徑來衝營樞誘賊上山伏銃打死三十餘賊追上大營樞將周鼎射中一箭人馬落崖止獲黃傘二把又指揮顧紹勲親斬賊黨生員偽守備牟特首級

一顆千總龐宗孟崔一植加銜指揮鄭國瑞千戶張國
豪武士秦貴等共擒斬首功五十一顆追四十里而還
又據丘志充楊述程盧瑛田張孝徐如珂戴君恩塘報
春賊援兵二萬馬兵七千十四日被官兵殺敗斬首落
水不計其數尚有殘賊數千圍聚白節驛本夜發兵趕
殺又斬首千餘級餘皆四散竄伏前有江隔不能得渡
俱被江津縣鄉兵捕殺無遺又據總兵官杜文煥塘報
五月初八日間者寅遣偽都司周鼎等統賊兵來援重
慶隨與監軍各道發兵拒剿賊去城南隔江五里高山

督蜀疏草

卷之二

謹

下營向城中擊鼓吶喊焚賊領兵出通遠臨江南紀三
門向佛圖關衝突與官兵大戰殺賊百人敗奔入城援
賊因我兵拒堵不能渡江至十二日官兵分路截殺賊
衆大敗斬首七八百級帶傷無數當與總理丘副使并
監軍各道議將官兵分爲三路於十四日進攻賊營各
賊以馬兵在前步軍在後分頭來攻內有賊首張紅旗
大書欽差提衡文武鎮東招討司節度使周卽僞都司
周鼎也一張大紅紗傘卽參軍羅世選也其餘張黃藍
傘者七八人羅世選執旗指揮三營俱進官兵隨路追

擊賊不能遂遂歸木柵拒守有營火器加銜守備黃章
士等連放滅魯大砲數十打開木柵三路官兵併力衝
入焚燒賊營房各賊四出奔走官軍追殺三十餘里周
鼎重傷墜馬被賊拉去跌崖投河死者不可勝計家兵
追殺僞將一級佩有銀劔僞勅各營共斬僞參軍羅世
選等及真苗二千餘級奪回被擄男婦子女六百餘名
口紅黃藍傘六把旗幟三十餘面長鎗大銃弓弩衣甲
等項二千餘件僞印七顆僞勅諭帖空劄三十餘紙收
兵回營等情又據監軍叅政盧瑛田呈稱千總牟海龍

督蜀疏草

卷之二

謹

等在南城鋪堵截者卽救兵交鋒共斬獲賊級四十三
顆當解丘副使驗明又據本官呈報百總黃良碧等共
斬真苗首級三顆部兵賈得勝等擒獲生苗陳友等六
名解道審明轉報梟斬訖又牟海龍親斬苗級二顆獲
僞參將羅高劄付一張百總徐國臣等共斬苗級十二
顆又據標下領義兵營守備加銜遊擊秦衍祚報稱與
加銜守備程君恩率兵於十四日與援賊交鋒追至烏
壩沱大戰程君恩生擒僞都司蕭成奪獲本賊牌帶一
束僞詔一紙已交監軍道楊按察使收貯又據監軍饒

州府同知越其杰呈稱逆賊出援重慶職發遵義加衝守備袁整郭尚榮等領兵往禦於本月十四日遇賊交鋒官兵奮勇殺賊敗追五十里十五日袁整伏兵突發賊自驚潰墮崖赴水死者千餘斬獲苗功六十一顆又指揮樊士華當陣擒獲偽守備李齊民供隨周鼎帶兵一萬三千來救重慶在陣被獲等因各緣由到臣會同塘報訖六月初七日據四川總理監軍道副使丘志充協理監軍道副使徐如珂僉事戴君恩貴州威清兵備奉古總督標下協理監軍道按察使楊述程湖廣協理

督蜀疏草

卷之二

美

監軍道叅政盧瑛田副使張孝塘報遵奉本院并總督部院憲檄將贊畫并道府各官招募兵士悉歸四川總兵杜文煥湖廣總兵薛來胤統領分布攻打九門仰承秘授方畧用間招誘先有賊授偽叅政王光宗偽總兵傳文進黑蓬頭成受等先後誘致投降又有守備孔大成原與張彤先年在劉總兵部下同事相識於二十四日行令入城招誘期以保全鄉紳士民各賊猶然驚驚不出職等遂督官兵晝夜併力攻打賊勢不支於二十七日張彤石永高送子張國用及偽署巴縣知縣徐應

舉出降樊龍父子衝圍而走官兵截殺當時擒獲張彤石永高見樊賊被擒復奔城內堅壁抗敵職等又復鼓舞三軍奮勇攻戰於二十八日三更一齊登城喊殺震天城門大開將張彤并賊黨砍殺殆盡石永高并偽授督餉道胡文榮就擒看得逆賊據城僭號屢抗王師官兵攻圍久未得下皆緣我兵渙散賊黨衆多如張彤石永高樊友成張國用萬寶等則抖搜矯健臨陣輒敢當先傳文進徐應舉王光宗胡文榮等則亡命奸民設謀更爲兇狡今賊黨既已後先擒獲而我兵又復號令森

督蜀疏草

卷之二

毛

嚴夫是以天險之堅城爲賊占據者將幾一載而彈指間卽收復之此寔仰藉朝廷之神威眞爲宗社之大慶也等因又據總兵杜文煥薛來胤各報相同緣由到臣臣查得鄖陽撫臣陝西撫臣先奉有協剿之旨而楚省撫臣近領有討賊之勅且陝撫遣原任固原東路遊擊祁繼祖率兵丁防守銅羅峽西安後衛指揮周宇善領標兵堵截瀘納之間楚撫遣副使張孝提湖南殺手親履戎行鄖撫移鎮荊州與原題總理監軍道叅政劉澤深朝夕商確機宜詰兵振旅則諸臣悉同舟共濟之人

也該臣會同總督川湖雲貴等處軍務兼理糧餉兼制
陝西漢中地方兵部右侍郎兼都察院右僉都御史張
我績撫治郎陽都察院右僉都御史楊述中贊理軍務
巡撫陝西都察院右僉都御史呂 巡撫湖廣提督
軍務都察院右僉都御史薛 看得重慶石城天險賊
拚死拒守而我兵漢土異心未易猝下臣自成都圍解
無日不催兵攻取期救此一方乃我兵方聚於渝而賊
即暗借苗兵突陷建武六縣徑出叙南臣力疾馳駐叙
府上下料理一面督總兵楊愈懋副使李仙品督率大

督蜀疏草

卷之二

三

兵渡河血戰崇明負傷敗遁失陷一時恢復一面催促
總兵杜文煥并監軍各道剋期攻渝自秦明屏率兵首
據二郎關而杜文煥與監軍丘志克楊述程徐如珂戴
君恩河南將官楊克順各領延兵毛兵直抵佛圖扼據
險要湖廣監軍盧瑛田張孝總兵薛來胤統領參政劉
澤深之兵亦一時鱗集僇力攻取而又殺敗賊援賊始
無固志奈何各奸民有暗賣火藥米鹽與賊內外交通
屢屢擒斬閔不畏死甚至贊畫兵船亦販賣交通而監
軍莫之能禁尤其異者幸督臣移鎮合陽指示方畧一

切交通嚴爲杜絕按臣張論飛檄嚴催又捐銀千兩懸
賞鼓舞遂令軍聲大震首惡就擒餘黨悉斬恢復嚴城
有如破竹雖則鎮道協力同心寔皆仰仗皇上神武建
昭廟堂許謨石畫之所致也臣將拜疏據兵巡下川南
道叅政王世仁呈據合江縣知縣周夢可報稱首惡周
鼎被加銜指揮詹君泰等擒獲解道轉解到臣審實監
候以備獻俘除渝城節次功級俟查明報部有功員役
另行具疏題敘外合先馳報以慰聖懷爲此具本謹具
題知天啓二年六月初九日具題奉聖旨兵部知道

督蜀疏草

卷之二

三

查察不肖有司疏

題爲查察不肖有司以肅吏治事臣惟元元之命寄於司牧得人則如在襁褓不得則如就水火况蜀當兵燹之後一望丘墟四野之烽燧未消中澤之哀鳴正苦所望各有司休養撫輯宜何如加意而乃復有吸髓椎膏殘民以逞者三尺謂何其忍隱蔽據司道開報參以臣之間見得其不肖者三人謹會同巡按四川監察御史張論據實爲皇上陳之訪得汶川縣知縣林大佑才本猥瑣性復乖張徒知搜利充囊不顧以官爲市一前任

督蜀疏草

卷之二

聖

羅知縣將未奉道案糧銀預借軍兵本官窺其擅動止接印信不收庫冊勒受銀五百兩始放行者通縣人鄙笑之可證也一本縣所屬地方出產大木本官遇商人投縣報名每名索銀六兩一票共六十餘兩商人淡濱常思貴等可證也一本官每遇商人編筏下河摘差腹快師言等前來清油沱盤阻每商抽取杉板三副每副賣銀一兩七八錢計一千餘副共賣一千八百餘兩入已各商共清油沱居民皆可證也一本官未遇清明預行發票於猶溪古溪黃家村等處行取芽茶一千斤毫

不給價以致各鄉婦女剝心啼號差快高從啓等可證也一本官差人於上下白水寺村產椒處所逐門取椒二斤不下萬斤毫不給價快手董策可證也一本官得受寒水太平二驛馬戶二十餘名銀一百餘兩入已稱驛苦寒捏文申請加增運費官錢馬二高尙學等可證也一本官聽信群小狐鼠公行每陞堂聽心腹何小吏在堂稟僉一應投詞俱小吏叫名分付從中撥置賄賂公私園縣切齒可證也此一臣者邑小而願則奢才劣而行多舛蠅頭必取饕腹難填所當照例革職爲民

督蜀疏草

卷之二

聖

者也又訪得郫縣知縣林必成素多疵行好獵虛聲聞警止解奔逃馭下全無檢束一本官編派錢糧出額數千金積書庫加啓進衙把持本官用銀五十兩給加啓買和園縣皆知王三思等可證也一徵收錢糧每縱親子出外臨櫃抽去數封或三五兩或十餘兩忍氣賠償各收頭可證也一鄉民王天爵姦通黑繼成幼女甫嫁卽育女翁告發本官得受天爵銀一百兩卽與曲處結案黑繼成可證也一本官遣子還鄉伊子入省嫖娼將行囊費盡本官差人行提樂戶勒令倍數賠償通省笑

罵可證也一本官信任黃主簿外結霸學生員姚贊化軍惟斗出入過付小民不堪魚肉又信任被訪積棍孫濟李漢二人入衙關說通縣無不欲瘦皮食肉有二知縣四強盜之謠縣民周昌宏等可證也一將生員沈猶龍因錢糧相激責治收監致闖學擁集縣門面數不法械狀欲赴省告理本官無奈輸銀三百兩送學求和邑民張鳳樓可證也一去年十一月初賊未到縣本官聞省城圍急即挈家棄城逃至大安寺地方委棄倉庫初五日賊到焚劫一空聞縣其恨可證也一十月終松兵督蜀疏草 卷之二 聖

過縣索餉本官全不給處諭令往各鄉自取以致各兵任意搶擄四鄉男女罹害獨苦士民嚴子儀等可證也一倉穀盡被賊焚事寧偽報無恙嚴刑濫罰大戶張拱辰馮東江葉林陳詢羅變等數十人稻穀或五六十石或一二百石每石折銀六錢入已張拱辰夾兩夾棍誣以竊倉穀罰穀一百石另追罪銀十兩本人痛冤其他如夫婦不和亦藉名還倉罰穀不等俱可證也一衙宇城門俱燬虛報無恙街民曹六國被讎妄誣賂賊本官遂將六國房屋拆毀修縣六國苦訴止免卧房一層仍

罰栢樹百根抵換本人可證也一指修灌縣欄干堰起鄉夫六百名每名各派使水戶銀三錢五分入官查賦到省糧竟未修銀皆入已一切分造綿甲臈包俱派里甲毫不給價各里併使水花戶可證也一縣民趙泮被擄投降事寧歸里邑人殺之本官倡令盡誅闔族數十家田地家資沒官見今衙役橫據趙產收割菜麥其田其值千金餘不知作何處分孫濟等可證也此一臣者因才爲累每事招尤縱于宿娼義方之訓何在取民無厭繭絲之怨難堪所當照不謹例冠帶閑住者也又訪督蜀疏草 卷之二 聖

得江津縣知縣周禮嘉初任頗著才名聞警亦能防禦厥後解終遂滋多口一本官到任時遇天旱每米一石值銀一兩止給價四錢每日票取各行貨物十不支一萬應世證一徵收四十七年錢糧三萬五千兩縱收頭私用大等科收每兩外加二錢拆剩銀五千餘兩入庫本官旋即收入萬瑜等證一酷刑打死良民楊時友劉四兒夏邦曉等二十餘命刑房卷証一僧官因朝賀來遲罰穀二百石折銀六十兩起蓋證一本官親兄回籍沿江刷船每隻貼銀四兩共貼銀一百餘兩入已陳應

辰證此一臣者初則嬰城固守後以力屈而陷情若可
原但大節既已踰閑物議忽爾騰播似難覲顏居於民
上所當降調以示器使者也伏乞勅下吏部再加查訪
如果臣言不謬將林大佑革職爲民林必成冠帶閑住
周禮嘉降調遣下員缺卽行銓補勒限前來任事庶食
量知儆而焚獨有賴矣爲此具本謹題請旨天啓二年
六月十五日具題奉聖旨吏部知道該本部覆將林大
佑貪爲民林必成不謹閑住周禮嘉不及降三級調用
奉聖旨是

督蜀疏草

卷之二

四

塘報擒降偽節度周鼎等

爲塘報賊情事據兵巡下川南道叅政王世仁塘報據
納谿知縣李景融報稱奢賊僞將秦國倖久約歸降今
見奢寅發兵前來十分告急本道發兵接應秦國倖同
名下兵三十人馬七匹渡江而來合行塘報又據李景
融并劉養鯤等各稟稱秦國倖累蒙本院諭降因接家
眷未至尚爾猶豫今見事泄渡江投降降倖有三子被寅
誅其二子止帶一子渡江同住營中商議進兵等情又
據王世仁塘報瀘州既取之後茜草一帶營房甚多長
可數里我兵不知其中虛實亦自疑懼本道計令官兵
偷渡放火將賊連珠二老營一齊燒燬賊衆奔潰自相
踐踏死者不計火燭半日不絕遠近歡聲動地等情又
據王世仁塘報本道於六月十二日至瀘州到任隨據
納谿縣稟稱奉道轉奉軍門嚴令擇本月初十日寅時
進剿惟時早職同叅軍劉養鯤督本縣加銜守備趙龍
關寵等領兵暗渡到縣望見賊營烟火不絕疑有防備
不意賊覺當夜懼逃遂令衆兵尾之追殺頗多俟驗明
另報等因隨據劉養鯤何正光何繼光胡縝胡肇虞塘

督蜀疏草

卷之二

四

報職等以四百騎屯於江北趙壩與納駱一帶二萬餘
賊對壘人心疑畏納駱賊營僞授兵部郎中永寧生員
閔侍孔與職等書云我本王臣陷於賊內聞君高義願
効愚忠職等復書多方獎誘又暗約賊營僞都司雷應
龍爲內應仍計設疑兵并令夜劫賊寨使賊不寧賊與
閔雷計議欲走黃章合營閔雷言走外不如走回永寧
又明言十一日官兵五路夾攻賊卽於初十日半夜兩
路遁走職等先夜分布把關伏隘一路胡縵胡肇虞一
路胡道行鄭世臣一路趙龍關龍一路趙志上宋純武

督蜀疏草

卷之二

哭

各督兵截殺去後於天明時職等各帶精兵直搗賊營
閔雷二將帶兵五百同妻子屯於三江壩中候職兵回
時投見渡河同創趙壩共計搗巢之策爲照逆苗用閔
侍孔爲軍師以雷應龍爲都關今仗義來歸使賊潰敗
雖仗本院指授方畧亦宜重賞以鼓人心職等在趙壩
前後招降苗地兵民數約五千是日各路擒斬僞都司
黃勝杜仲芳等三人并三大頭目及賊首通共一百八
十四名顆追賊投水死者不計其數俘獲婦女四十五
口奪獲賊馬七匹牛七隻盔甲三付皮甲一領綿甲廣

包五件長刀十四把鑽刀三十把剗刀一把弩二張銃
四門鎗三十八杆黃傘一把絮被三床合行塘報等因
又據江安知縣陳達道申奉本院憲牌仰縣督率部衆
追剿逆賊招降黨羽仍暗抄底蓬先滅弟首等因該卑
職分兵直搗底蓬斬賊級二顆并用計擒獲僞鎮邊都
司周之才僞指揮李方抹賽李朝陽解赴本院正法其
弟首夜奔永鎮司濫壩而從叛之民尚爲彼羽翼於是
晝夜遣細作密至首營傳諭各民禍福致從弟首爲戎
首者如生員李占先等及叛民姚應期等二千餘人戶

督蜀疏草

卷之二

哭

連夜扶携到縣弟首見衆星散隨卽拽歸不知何止底
蓬一帶幸仗清寧等情又據合江縣知縣周夢可申稱
五月二十三日據加銜守備杜楊舉加銜指揮羅化龍
詹君泰詹應祿及本縣主簿王繼泰典史黃漢清各報
稱蘭賊首惡節度使周鼎羅尚榮等統賊三千有奇由
江津讎過本縣官坎僅燕子崖趕散居民占房剽宿職
等督兵四路截殺共計生擒賊首潘啓翔等八十餘名
斬僞參將阿成千總劉盛等一百五十餘級俘獲婦女
三口馬騾十五匹軍器刀弩等項又詹應祿於大四口

殺賊數十又陣前殺傷難解者七十四人與生擒各賊俱該本縣審實奉令梟斬訖除周鼎另文轉解合行申報等因又據瀘州知州馮曾楷申稱先據合江縣生員劉紹虞馮名等密稟軍職具請憲臺剗付并免死執照招降馮宜朱國恩等不意機泄朱國恩誘殺馮宜等七人朱一龍等各冇降狀俱已誠服聽令首首偽都督羅用羅華自江津收歸合江亦願投降降領劄單職遣人督催朱一龍等進兵并諭降羅用羅華去後今據劉紹虞稟稱集兵萬餘定計恢復城必分兵仁合兼取使首彼此督蜀疏草

不得應援因發兵強半攻復仁懷隨據加銜守備劉傑報稱本月初六日恢復仁懷城池偽授都御史袁昇龍跳城奔逃斬獲三級生擒偽總兵郭鼎鉉并偽千總王榮張友惟乞發兵應援并護解生死功級等情到職竊照郭鼎鉉係仁懷生員爲首謀主諸酋首俱願投降獨鼎鉉堅執不肯今既就擒殊可痛快初八日夜分朱一龍朱朝爵袁昇龍等生擒獲袁昇龍在營仁懷大勢已定又據合江知縣周夢可報稱初六日復城納谿知縣李景融報稱初十日復城數日之內四城相繼克復

嗣是進兵搗巢勢如破竹等因又據合江納谿二縣稟報相同又據監軍推官郭象儀報稱奉令前往瀘陽賊在江岸揚兵數千於初九日未明時統砲喧天喊聲震地見賊首一人整衆千餘坐船五十餘隻渡江來攻岸上陳兵亦不下數十里職會同張鄉官分發將官譚正通李緒徐永武冉世煥譚大孝各督兵迎敵用銃箭打沉賊船一隻賊俱溺死又傷死落水數十人賊不能近岸俱順流下回營拏獲奸細二名審供五日前賊有三萬餘人今已調回永寧止留得一萬防守候官兵到方盡發來是夜遣人舉火燒賊水營會賊營火藥燒起延燒山營一時烈焰冲天賊衆不知所爲東西亂走天明見歸降百姓浮水滿江皆是而賊已宵遁矣各營收同男婦不下數百等情又據本官塘報茜草二十餘營俱以火攻燒走隨即遣發叅將譚大孝指揮徐永武并冉世煥譚正修正通等各領兵前去追殺譚大孝等趕至十五里地名象鼻子又二十里桔子坎桃子壩先後斬級五十七顆活拏男子一百零八名婦女三十九口營內接獲納谿巡檢司印信一顆偽劄剗付等項一封

追賊奔去皮甲腦包共三十件馬繫一百三十九領刀槍一百六十八件將軍百子烏銃共三十門鉛彈火藥數十斤合行塘報等因到職該職會同總督川湖雲貴等處軍務兼理糧餉兼制陝西漢中地方兵部右侍郎兼都察院右僉都御史張我續看得逆賊之久肆瀘納地方也彼知官兵尚稽渝城未易齊集故敢東衝西突擾我邊圉及來福渡一戰崇明身負重傷餘黨披靡寬去周鼎援渝兵敗又復被擒渝城既下樊龍張彤等盡被擒斬於是萑草等處之賊莫不聞風膽落官兵所向

督蜀疏草

卷之二

辛

賊即潰奔若秦國倖久聽招降特內顧妻子是以遲遲今國倖已傾心來降爲我効力閔侍孔乃承寧士子始則甘心助逆今既與雷應龍悔禍歸降姑待以不死用示招徠仍令殺賊有功一體敘錄至於郭鼎鉉與先獲之周鼎皆以青衿爲首謀主委以心腹重任授以節度總兵造孽彌天擢髮難罄觀周鼎與何若海告天誓文尤令人髮指袁昇龍自謂負隅之虎人莫敢擾今一併就擒殆天厭其惡而使之入網首之心腹羽翼從此漸除我兵掃穴犁庭勢亦無難矣除取解郭鼎鉉袁昇龍

同周鼎監候獻俘所帶功次批行該道覆查有功員役事平另敘外合先塘報天啓二年六月十八日塘報兵部

督蜀疏草

卷之二

辛



少師朱襄毅公督蜀疏草卷之

報擒獲巨惡疏



欽差提督軍務巡撫四川等處地方都察院右僉都御史臣朱燮元謹題為恭報擒獲有名巨惡併收降黨羽以示招徠事六月二十五日據敘馬瀘兵備道副使李仙品塘報據永寧衛舉人胡縝加銜都司僉書胡綬督陣加銜守備王梁塘報本月二十日亥時宋武張令差何法至營報稱已於本月二十日辰時引兵至中箐關

督蜀疏草

卷之三

一

口擒獲偽丞相何若海併偽相印一顆又擒假何若海係遊擊王二當委叅謀生員鄧宗孔指揮羅鳴徐陞階等至宋武營中認實回報仍令往彼引宋武張令解何若海等至營審實即委守備胡緯指揮周應舉并鄧宗孔移會劉養鯤同差官起解伏乞研審正律以洩神人之憤目今賊酋將相體解苗漢心灰幸即頒飭犒士催發進剿有功員役速賜旌賞且隨降兵卒一萬既隸尺籍便遵法紀乞賜給糧鼓舞用為前驅等情到道合行塘報等因據此又據將官劉養鯤塘報六月二十一日

督蜀疏草

卷之三

二

午時據舉人胡縝報稱有賊偽大將軍宋武并苗將張令張三重等三十餘人奉職等秘計擒偽相國軍師何若海遁來合營就於食時張令從坐上先擒若海若海兵羣起宋武即呼本部兵衝殺若海兵死者千餘人鄉解中途職等即差何正光等前去護解若海罵詈不屈屢向宋武求放不應及至渡河又差何繼光并燕瑞鳳督渡到職若海自敘貧寒久客京師以詩字篆刻糊口歸苗受奢氏解衣推食之恩國士之報豈忍忘之惟一死而已言訖淚下并言丞相印係水西烏蒙烏撒東川四裔府共鑄授之約於七月初二日同舉惟鎮雄不與職等領兵七百餘名用計招降計散賊黨苗地來投者已四萬餘衆投而未至者尚多舊膽俱喪成擒可計日而待等因案查先據分巡下川南道叅政王世仁報稱奢賊偽將秦國倖陳大臣帶兵三十人馬七匹渡江來降又據劉養鯤等報稱奢賊偽授兵部郎中閔侍孔偽都司雷應龍帶兵五百名各仗義來降使賊潰敗并招降苗地兵民五千有餘各路擒斬偽都司黃勝等一百八十四名願追賊投水死者不計其數俘獲婦女四十

五口奪獲馬牛盛甲器械甚多又據江安縣知縣陳澤道報稱奉令暗抄底蓬斬賊級二顆并計擒偽都司周之才偽指揮李方抹賽李朝陽解赴本院正法招降二千餘人賊首弟酋遠遁底蓬一帶地方清寧又據合江縣知縣周夢可報稱加銜指揮詹君泰等擒獲首惡偽節度招討周鼎并擒賊首潘啓翔等八十餘名斬偽參將阿成等一百五十餘級又詹應祿殺賊數十陣前殺傷難解七十四人與生擒各賊俱奉令梟示并奪獲被擄婦女馬廐器械等項又據瀘州知州馮曾楷報稱分

督蜀疏草

卷之三

三

兵恢復仁懷縣擒獲偽都御史袁昇龍偽總兵郭鼎鉉斬賊級三顆瀘州納谿合江仁懷四城相繼克復等因又據推官郭象儀報稱督兵至瀘州將茜草等處賊二千餘營俱以火攻燒走隨遣兵追殺二十里斬級五十顆活拿男子一百零八名婦女三十九口營內搜獲納谿巡檢司印信一顆偽勅劄付等項并獲盛甲器械等因隨據叅政王世仁將周鼎轉解到臣面審是實解發按察司監候一面行道取解郭鼎鉉袁昇龍以備獻俘已經備由塘報閣部院科訖今據叅政王世仁呈稱

袁昇龍已解下川東道止將郭鼎鉉并擒獲偽都督廖盛解臣審實監候又據胡縝劉養鯤等擒解何若海到臣面審若海供係遵義府舊民先年潛入北京以賣藥刻爲生後見東事孔亟屢赴各衙門條陳不用遂乘催調之差前往蘭州投入崇明父子條上三策謀圖大事逆賊從其下策遂據重慶圍省城只是土兵無紀律致有今日既不能忠天朝又不能忠大梁成得甚人只有一死而已夫何恨哉等語又稱寅父子的於七月初二日祭旗開刀領兵復出寅與水西烏撒等府共鑄銀印

督蜀疏草

卷之三

四

授若海提調五軍都督統領御營兵馬大元帥攝行相事經國大將軍何及驗解到銀偽印一顆上刻瑞應元年春王正月吉旦篆文丞相之印又宋武自獻原領偽勅一道錫鑄偽印一顆篆文大將軍印隨據宋武張令張三重何法投見乞哀悔罪情願竭力報効擒獻功臣見其情詞懇切且擒獻若海厥功匪細應照賞格先動餉銀二千兩給宋武等領充軍需并給花紅獎賞仍各劄授名色副總叅將遊守等官令各統領原兵殺賊立功以示鼓舞招徠外該臣會同總督川湖雲貴等處

軍務兼理糧餉兼制陝西漢中地方兵部右侍郎都察院右僉都御史張我續看得何若海以誅誅惡裔突構逆謀自稱星宿忿涉世之多違願比黃巢忿殺人以自快始乘催兵入蘭即以密計唆動逆賊慘毒交遍於西川迨至潰敗歸巢復以假旨挑動各司兵火株連於三省狂悖無天無日殺人盈野盈城構仇窮奇世所罕見茲仰仗皇上威武一旦就擒首膽既寒公憤咸快卽其誓告逆語萬磔猶有餘辜若周鼎郭鼎鉉皆以內地青衿爲首軍師委以腹心重寄僞授招討總兵惡極罪盈

督蜀疏草

卷之三

五

擢髮難罄袁昇龍廖盛久據仁懷勢若峴虎今皆一併成擒殆天厭兇殘使之入網至於宋武張令張三重何法泰國倖陳大臣閔侍孔雷應龍范寵畢應台等或爲首總兵驍將或號彼偏裨智囊俱能悔悟俛首乞降宜開一面姑與維新仍量給名色將領劄付用鼓招徠令其奮力殺賊用計擒首若能建立奇功從優敘錄再照逆酋所恃者若海與周袁郭廖等輩今俱被擒手足已剪授首之期諒亦不遠矣除將僞印偽勅并何若海周鼎郭鼎鉉廖盛移解督臣聽候獻俘有功員役通候事

平優敘及催促各路將領等官剋期進剿外爲此具本謹題請旨天啓二年七月初四日具題奉

督蜀疏草

卷之三

六

會勘催兵科道疏

題爲兩臣奉命催兵奢酋乘隙起釁發陳兵變顛末仰祈聖明垂鑒事准兵部咨該兵科等衙門給事中等官明時舉等奏前事奉聖旨明時舉等奉命募兵反致擾亂有無激變情由着該部院叅看來說欽此該本部會同都察院議照四川之變慘毒異常諸臣章奏有謂奢酋父子素懷異志者有謂糧餉不繼一時激成者又道路紛紛稱啓發有因者此皆得之耳聞未經目擊且一時同事諸臣俱背賊又安能起死者於九京而問之其

督蜀疏草

卷之三

二

中有無激變情由事在彼中難以遙度合行四川撫按嚴加查勘徑自具奏定奪等因題奉聖旨蜀變多因調募起釁明時舉等着該省撫按官嚴行查勘具奏不得容隱欽此欽遵備咨到臣謹會同巡按四川監察御史張論查得科臣明時舉道臣李達誼激遼事身請催兵入蜀之日意氣甚銳一片熱腸人所共諒前撫臣徐可求蒞任未幾促之東下囑勉共事分所宜然不意逆酋久蓄異謀突發大難觀其慘殺之日卽有僞號告示張掛四城而永寧遵義俱於數日內前後交發則知二臣

實未嘗激也惟是勇於任事而乏長慮却顧之謀急於踐言而少籌咨參酌之雅變出異常衆皆歸咎臣等採據輿論其失有三從來用土兵必用官兵監制二臣獨持議不用漢兵一人不知渾河之戰秦邦屏雖妹嫁石砮實忠州人久在省城練兵又有戰將如周敦吉鄧起龍等督之故皆肯効死非盡土兵之力也乃衆口力爭而固執不已故自建昌建武應募而出者則卻之使返逆賊崇明止發四千又必欲迫之盈萬開門揖盜禍所從來其失一也蜀中自來徵調例無安家二臣忽倡一

督蜀疏草

卷之三

八

兵二十兩之議蓋因敗衄之後人情惶怯非啗以厚利不肯勇往其意甚善然亦當度蜀之力量能辦與否及部檄減定十七兩計兵三萬需餉五十四萬雖有發帑之旨譬之畫餅人不肯信乃欲以一月內盡皆應手以致撥那捐借處處懸磬逆酋規知空虛其謀益決公家未受其益而桑梓先罹其害其失二也逆賊所與謀議多係內地之人二臣曾遣材官赴永寧催促其不軌光景諒已萌芽卽渝城一隅犬羊叢集肆彼野心豈知國法自宜蚤爲體察以防意外乃明不炳於幾先身獨脫

於虎口何以謝死者於地下其失三也至於僞扮撫臣之肘鎖揚言土宇之刺面皆構賊奸人造成套局以混聽聞與二臣實不相涉大抵慷慨任事之人多少雍容集思之度不幸而身與變會遂滋多口顧其身爲皇上耳目之臣目擊東方潰決之勢苟利社稷惟力是視意外之變原難逆料求全之毀實有可原臣等不敢曲庇亦不敢枉其實也伏乞勅下部院再加查勘覆請定奪除明時舉等見今奉旨逮問應聽按臣起解外爲此具本謹題請旨天啓二年七月初四日具題奉聖旨該部

督蜀疏草

卷之三

九

院知道

優恤殉難諸臣疏

題爲備述文武殉難諸臣仰祈優恤以慰忠魂事逆苗之敢於造難皆因倉卒無備才勇之士有技莫施故一時披靡相率奔逃而其間抗節仗義視死若飴者亦復不少如興文知縣張振德之一家盛服赴火自焚南溪知縣王碩輔之城陷自盡被賊支解桐梓知縣洪維翰之誼不受辱甘心隕首灌縣知縣左重之提兵血戰身膏原野已經前疏題明尚有死事文武并鄉紳舉監等項及今事定各道府始陸續報到謹將各殉難之狀據

督蜀疏草

卷之三

十

實爲皇上陳之當逆賊發難渝城長驅入省臣發成都前衛指揮瞿英同鎮西所百戶袁中繡材官雷安庶領兵於龍泉山外禦賊各官以衆寡不敵血戰一日俱歿於陣成都後衛指揮韓應泰督兵援省遇賊於草堂寺對敵而死小河所鎮撫都聯芳於省城西門出戰中標身死茂州衛百戶張羽百總邊一禮各領兵援省至郫縣與賊戰死郫縣訓導趙愷於本縣西門外禦賊而死材官楊應評於瀘州小市廂與賊戰死成都生員周清儒率兵守城被飛石擊死建武所掌印敘南衛指揮李

世勲以城陷挈妻赴火而死典文縣署印教諭劉希文履任半年被賊陷城大罵不屈夫妻殞命子媳皆爲賊擄僅遺七歲幼孫劉江奇爲家僕背負走脫合州鄉官原任涼州屯兵同知董盡倫倡舉義兵保全州城仍督兵至重慶中途爲伏賊刺死富順縣舉人聶繩昌召集鄉勇禦賊戰死瀘州監生吳長齡自率督兵恢復瀘州後中賊伏父子俱戰死典文鄉官原任湖廣龍陽縣丞胡一夔被賊綁擄不屈而死以上諸臣如張振德王碩輔洪維翰左重或從容就義或慷慨捐軀睢陽常山未

舒蜀疏草

卷之三

十一

可專美而武弁李世勲亦能挈家守節不憚捐軀疾風板蕩乃見忠良至於鄉官董盡倫以悠游林阜之人一聞賊警毅然而出倡集義勇全城死難凜凜正氣雖死猶生教諭劉希文以寒賤而罹此大難僅遺孀幼孫聶繩昌以初舉孝廉與吳長齡各挺身禦侮雅有烈士之風未遂吞賊之志均應厚加褒贈用示勸酬伏乞勅下該部覆議上請將張振德王碩輔洪維翰左重董盡倫李世勲劉希文各從優褒卹仍建祠崇祀羅英韓應泰趙愷都聯芳袁中繡張羽雷安庶楊應評邊一禮各

照例甄別卹錄聶繩昌吳長齡周清儒各贈以應得職銜胡一夔准入鄉賢崇祀行臣遵照施行臣無任仰祈待命之至爲此具本謹題請旨天啓二年七月初四日具題奉聖旨該部知道該兵部准禮部咨覆奉聖旨張振德准贈光祿寺卿廕一子錦衣衛正千戶世襲僕領美等優卹俱依議該部知道又該兵部於南科歐陽調律等疏覆奉聖旨董盡倫保城殉難義烈有功准贈光祿寺少卿廕一子外衛正千戶世襲仍立祠歲祀又該禮部覆行四川巡撫衙門轉行所屬建立祠宇春秋致

舒蜀疏草

卷之三

十二

祭奉聖旨是

議處袁庸府佐疏

題為議處袁庸府佐以肅邊防事為照叙南接壤蘭市而建武一所扼萬山之險當六縣之衝不惟叙府係以安危實川南倚為屏蔽自逆酋狂逞攻闕半年恢復之後毀壞不堪即得精明強幹之材加意綢繆未易就理乃袁庸如安邊同知辜志會伎倆已窮議論叢集欲令覲顏就列而勢有必不可者臣謹會同巡按四川監察御史張論據實為皇上陳之本官性本昏庸年復衰邁居常猶可尸位應變大致乖方錢糧任庫吏之作奸漫

督蜀疏草

卷之三

主

無稽核刑名由主文之提擬一味糊塗建武缺餉萬餘盡被侵那何以塞守將龔萬祿之口南溪取銀二百茫無下落祇以飽奸胥陳志義之囊其署府也既滿城括借以資城守矣乃各縣解到安邊餉銀四千兩何以復散守城之兵致令邊兵嚙菜為命一日三告視如秦越竟致潰陷誰之咎乎其交代也速赴信地猶日晚矣乃徘徊戍城之側寸步不前叙瀘李副使嚴檄督之纔一渡江即刻旋返畏賊如虎抑何怯乎尤可異者本官因前歲議處安効良之事與逆賊父子盤桓日久故前撫

臣令親入承寧催督赴援乃逆賊崇明既出復返曾不覺其造逆之謀迨至渝城與樊龍等聯舟河下又不發其將叛之狀一旦文武大小諸臣竝遭奇慘而本官獨無恙脫歸之日自稱身在屍下既死復甦及據所聞身無寸傷雖有長喙何解群疑參照叙州府安邊同知辜志會碌碌無奇昏昏若夢苗方同處既失覺於幾先大難偷生更負慙於地下責以綢繆則一籌莫展律以官守且五印俱棄即無俛首乞哀之事亦愧告人同日之誼幸逃一死宜用三褫所當照不謹例革職開住者也

督蜀疏草

卷之三

十四

伏乞勅下吏部再加查訪如果臣等所言不謬將辜志會革職開住遺下員缺即以原陞同知王國治頂補庶不肖知懲而疆圉有賴矣為此具本謹題請旨天啓二年七月初四日具題奉聖旨吏部知道該本部覆奉聖旨是

塘報遵義兵克金刀坑

爲塘報賊情事七月初二日據分守川東帶管遵義道布政司叅政吳國仕呈據遵義府署印本府推官馮鳳雛呈准都司陳一龍手本報稱五月二十一日同真安州土判官駱麟并加銜千戶劉朝官等陸路發兵攻剿蘭賊扶國頑趙國璽等彼賊屯劄金刀坑絡繹一十三營於二十二日大戰分布各兵直抵賊營本官奮勇衝鋒當陣斬獲賊級三百餘顆逆賊大敗迫殺重傷墜岩投河者數千得獲器械馬甲絮被糧食無算又獲黃傘

督蜀疏草

卷之三

十五

三把倍號榜文告示牒劄十張又據駱麟報稱同日督兵合攻親斬逆賊猶朝良首級一顆各兵奮殺逆賊數百賊方大潰各營一齊發喊大殺燒燬賊營一十三所共斬苗級十一顆得獲大旗一面大馬一匹花槍三枝衣甲馬絮九件彩畫金鼓旗黃傘等項百十餘件又據加銜千戶劉朝賓守備屈朝宣百戶徐教二等各統兵於本日與賊對敵殺死賊兵數千將賊營盡燬各等情到職除犒賞外看得遵義以蕞爾僻壤而楊酋舊種觀數伺動旋撲旋生自去秋迄今一荼毒於扶賊之竊據

再蹂躪於水西之恐喝以故安蠻猶朝柄趙國璽等屯劄金刀坑距府城三十里而近或輕師以誘我或伏兵以疑我直欲吞此一塊土爲渝城作援引壯聲勢耳今幸師出有功賊首扶國頑着箭趙國璽中槍從來拒堵獲雋未有若此之盛者等因到道又據真安州申報相同該本道看得逆賊扶國頑等屯兵金刀坑虎視遵義無非欲踞此土壯聲援耳今渝酋蕩掃我武維揚而遵督官兵鼓銳衝鋒斬級三百餘顆逆賊墜岩溺水而死者不計其數賊黨驚鳥散可謂奇捷等因詳報到

督蜀疏草

卷之三

十六

職案照先據報稱扶賊屯兵近府已經行令各將領嚴加防剿去後今據前因該職會同總督川湖雲貴等處軍務兼理糧餉兵部右侍郎兼都察院右僉都御史張我續看得蘭賊糾合西苗住兵金刀坑睥睨遵義久矣乃官兵奮勇驅剿斬級三百有餘墜溺死者無算且首惡扶國頑等各帶傷巡竄營壘盡焚真足以振軍聲而喪賊膽除有功員役候事平優敘及批行道將嚴加防禦并催仁懷等路官兵剋期會合進剿外合先塘報天

啓二年七月

日

優卹江門失陣文武疏

題爲逆賊糾衆狂逞將官血戰捐軀乞賜遴選大帥以圖戡定併懇優卹陣亡文武官員以慰忠魂以昭激勸事七月十六日據敘馬瀘兵備道副使李仙品呈稱本月十二日午時據總鎮標下隨征加銜都司李承芳加銜守備羅明書辦李枝榮等呈稱各員役隨楊總鎮出師於六月十五日敘府起行十九日到納谿安置官兵畢本日卽抵瀘州點發合江仁懷官兵後二十九日復至納谿通行諸路將領約於本月初四日發兵限初十督蜀疏草

卷之三

七

口已時抵永寧會兵楊總鎮於初四日自納谿起行至初八日到江門安劄營壘初九日晚哨見奢賊數萬四山埋伏初十日黎明時分奢賊五路出兵各營卽出奇兵令坐營都司趙光啓督陣與賊對敵自卯至午交戰數百合殺賊百餘力竭兵疲彼衆我寡官兵火器弓矢盡絕其標營將領吳民望王成功張子偉馬繩祖李宗顏楊柱黃金王朝舉等隨楊總鎮奮勇衝殺賊勢衆多難以抵當營內各官力勸楊總鎮上馬回營再整兵馬比總鎮堅執不肯旣爲大將必當以死血戰今若

遁去貽笑於酋噲李承芳羅明胡榮葉瑞鳳李枝榮親丁楊之桂先行護印出營楊總鎮復提大兵率領坐營趙光啓加銜僉書焦之桐及從征將士與賊對敵惡戰身死等情又據郭忠郭勤係順慶府同知郭象儀家丁訴稱蟻主自去年十月奉文調兵恢復漢鄂解省會圖因攻取瀘州至今年七月初二日奉文初四日出師初八日抵江門蟻主率杆兵劄營畢至初九日申時賊至與蟻主對山劄營二十餘處蟻主差塘報稟楊總鎮發銃手五十名應援當蒙分付明早來營議兵至次日寅

督蜀疏草

卷之三

八

時賊出五路攻打杆營自寅至辰殺賊百餘不退賊見各營官兵力竭難支重圍蟻主挺身交戰手刃數賊身亡隨征桐梓縣典史黃起鳴親識書吏家丁并保寧千戶所指揮徐永武俱亦陣亡等情又據利州衛正千戶應襲楊振先家丁劉二訴稱家主楊振先督兵與焦之桐於江門與賊對敵當時陣亡又據敘南衛指揮同知尹似康家丁尹產學訴稱家主尹似康領兵恢復江安等縣今又隨總鎮進征不意江門被賊圍困家主舍死力戰身帶重傷當死於陣又據富順縣鄉官宋柱國家

丁宋璉訴稱家主宋鄉官隨楊總鎮悉謀擒剿逆賊同於江門陣亡乞賜轉達優卹等情又准僉書加銜副將鄧懋官移稱江門之役楊總鎮傳令初九日五鼓發兵劉管永安驛初十日兵抵永寧城下本日未時奢賊即到官兵各營對劉楊總鎮令賊堵截本職連夜安塘埋伏初十日五鼓將兵分布已定黎明賊兵一枝攻杆兵三枝攻本職楊總鎮差旗牌任國海督李縉兵應援本職又差加銜守備楊成功督陣比時統兵阿天打死賊兵二人賊兵四至攻圍職即撤千總譚有時接應賊死

督蜀疏草

卷之三

十九

拒不退職後軍與賊亦殊死戰未幾標營前排柵已被賊毀職只得將本部兵士令領兵官督住在後星夜趕到納谿請令十一日天明楊總鎮尚未見下落等因該本道看得奢賊造反全蜀流毒今省圍雖解渝城雖下敘南雖復而逆酋父子尚在巢穴元兇一日不得國法一日未正公憤一日未洩禍胎一日未了楊總鎮奉命討賊郭同知蒙委監軍業已會期訂盟安得逗遛觀望剋期進師未為激也不意狡賊有備我兵未齊縋至江門便遇狂鋒若肯偷生何難脫身哉乃楊總鎮從容就

義甘死鋒鏑之下同知郭象儀殺身成仁委棄刀鎗之中真是英雄正氣不愧鬚眉男子宜加優卹以慰忠魂從總鎮戰死者如坐營都司趙光啓加銜參將吳民望遊擊王成功中軍馬繩祖李宗顏旗鼓張子偉加銜都司焦之桐加銜守備王朝舉黃金楊柱敘南衛指揮同知尹似康利州衛千戶應襲楊振先叅謀宋柱國從同知戰死者加銜遊擊徐永武典史黃起鳴剖赤心以報國蹈白刃而為主鉅鉅鐵漢烈烈忠臣亦當併卹者也鄧副將全師而歸似應免議譚大孝兵敗而逃法當處

督蜀疏草

卷之三

二十

分等因通詳到臣隨據該道稟稱倉卒聞變未有確信及總鎮同知家丁至始問明白總鎮欲踐初十日聚齊之信未發塘報輒自深入且劉管隔絕奢賊突至初攻白杆營頃刻而潰譚大孝遂先逃走再攻標營推倒柵欄一齊擁入官兵俱潰爬山涉水各自逃命總兵自知不敵遂喚都司李承芳親丁李之榮等曰我只想拏住逆酋為國盡忠不想落在圈套時勢至此有死而已你們忌將印信護出各官兵跪勸上馬總鎮叱之曰人只死一遭耳那裏死兩遭又督兵復與賊戰竟至陣亡郭

同知走出營來親自督陣被賊殺死從征趙光啓等各亦陣亡其餘家丁小兵未開的數容查明另報聞賊劉管明塘密邇江安咫尺納谿職隨帶官兵不滿三百而敗兵全不足恃幸杜將軍將抵瀘陽朱指揮建南之卒五百已到亦可衝鋒共得精兵二萬職當督率深入爲國雪恥爲友報讎卽髮革無恨其總鎮印信欲行齎繳恐途次疎虞職暫收藏此時收拾人心約束兵士全在大將代庖不可一日無人或委鄧將暫署或行杜將軍督等因臣行建昌選取將官及行馬湖忠萬等處調兵

督蜀疏草

卷之三

三

以益防剿并行該道副使李仙品暫署總兵印務料理殘兵督同鄧懋官等防禦仍檄各路將領創住隘口相機進取外該臣會同總督川湖雲貴等處軍務兼理糧餉兼制陝西漢中地方兵部右侍郎兼都察院右僉都御史張我續看得逆賊奢崇明父子久稽天討者向以重慶之賊嬰城未下遂致顧彼失此今渝瀘建武既以廓清賊之黨羽日漸星散賊自度勢迫乃賄結鄰司調出生苗陽言走險實則暗伏屢據探報逆寅父子欲拚死殺出如勝則長驅入省如不勝則甘心投江斷不效

楊應龍自死於巢臣等僉議旣聚十萬之衆已成騎虎之勢我兵不入賊必突出曠日持久餉益不敷不得不四路逼進以伐彼先出之謀總兵楊愈懋屢勝輕敵慨然以滅賊爲任六月十二日自敘府發兵至七月初四日督發各將分路竝進自統加銜叅將譚大孝等兵二萬直抵江門原委順慶府同知郭象儀隨營監紀又延原任鞏昌府同知宋柱國充爲叅謀臣每每貽書苗當攫啄之時宜防埋伏之奸及擒何若海到臣面審若海吐稱奢寅父子糾合水西烏撒等府於七月初二日祭

督蜀疏草

卷之三

三

旗開刀領兵復出臣又檄行戒嚴各路將領去後乃總兵楊愈懋據險安營身處絕地逆賊探的情形擁衆截橋四路攻圍彼旣以逸待勞拚死衝殺而我兵又據狹隘之地彼此不能相顧始雖斬殺相當後則漸不能支遂致挫衄有損國威顧總兵楊愈懋同知郭象儀身任疆圉獨當危險揮三尺以殉難誓九死而全忠白骨雖委諸荒原赤膽常懸於皎日况楊愈懋之恢復長寧江安郭象儀之血戰解圍其功勞尤昭昭在人耳目不容泯滅者委應從優贈廕以慰忠魂從征而死者如鄉官

同知宋柱國坐營官趙光啓併領兵官吳民望王成功
馬繩祖李宗顏張子偉焦之桐王朝舉黃金楊柱尹似
康楊振先徐永武黃起鳴一十五員皆致身軍旅殞首
疆場均無忝於累革宜懋膺天殊恩加銜參將譚大孝
曾有復郢漢解省圍之功乃兵敗先逃不顧主帥與鄧
懋官等俱候另議外其餘陣亡兵士客臣等查明徑自
給恤家屬至於大將乃三軍司命一日不可乏人雖總
兵杜文煥將到瀘州勁敵在前恐非一將所能支撐者
伏乞勅下兵部速為遴選有威望智謀大將一員勒限

督蜀疏草

卷之三

三

前來剿賊仍將楊愈懋郭象儀覆議上請從優贈賻各
建祠祀宋柱國趙光啓等一十五員各照例甄別卹錄
行臣等轉行遵照施行臣無任悚息待命之至為此具
本謹題請旨天啓二年七月十八日具題奉聖旨兵部
知道

二次陳告疏

奏為治兵無狀乞恩放逐以安愚分事臣本疎庸不諳
軍務適承賊變濫叨重寄百日被圍三月迎敵皆仰賴
皇上寵靈併各將士之力驅除逆賊遁歸巢穴臣雖下
愚豈不知撫恤瘡痍休養士卒待有全力一舉而殲之
但賊結連各苗騷動數省近者黔兵屢勝安酋之相結
益深苗黨懼禍羣邪之協謀叵測且內地亡賴好亂者
衆報警之文一日數至當三空四盡之時欲撤兵而兵
不可撤欲坐食而食益不支故共議進兵而總兵楊愈

督蜀疏草

卷之三

三

懋剋定期日銳志前驅本圖手縛元兇豈意身膏原野
此皆臣行能淺薄籌策乖違智不足以料敵才不足以
臨戎折將損威何所逃罪臣自正月以來痰火劇發委
頓不支具疏控陳接奉明旨朱熨元濟變奏功該省倚
賴方切着用心任事不准請告該部知道欽此臣感激
天恩誓圖捐糜而自審力量不堪病勢日進一身為細
全蜀為大正擬再疏陳乞而適當進剿未敢遽請不意
遂有此失臣之誤國有顯狀矣執以明章首當正法謹
席藁以待儆蒙皇上憐念微勞特寬刑罰恩賜放逐臣

之幸也非臣所敢妄選也臣不勝悚息待命之至爲此
具本謹具奏聞伏候勅旨天啓二年七月十八日具題
奉聖旨朱燮元守城討賊有功今總兵官失事著益用
心料理防剿不得引咎求去該部知道

督蜀疏草

卷之三

三五

就近陞補州正疏

題爲就近陞補衝要州官以濟時艱事據四川布政司
分守川東道叅政吳國仕呈奉臣憲牌照得涪州設居
要地乃西石二土司出入咽喉寔重慶屏蔽近據該道
稟稱新陞知州馮玄鑑抱病不克赴任則蜀東重鎮州
官何可久缺仰道卽於見任有司中查擇才守並著資
俸相應者定擬一員詳報以憑會題施行奉此案照先
據大寧縣典史王民順申稱本縣知縣田弘甸接得邸
報陞補涪州知州今本官因患痰疾調治不愈於本年

督蜀疏草

卷之三

三六

五月二十八日病故緣由到道該本道叅政吳國仕會
同兵巡上川東道副使徐如珂兵巡下川東道僉事戴
君思查得雲陽縣知縣朱毅臣曾經正薦近已報滿堪
膺涪州之寄仰懇會疏題補等因呈詳到臣除批行外
爲照涪州水陸交衝爲諸土司出入門戶素稱繁重自
逆賊叛亂士民驚散環堵蕭條兼以漢土官兵往來經
騷地方疲困已極一切戎馬錢糧及刑名驛站諸務絲
琴蠅集全賴正官撫綏料理乃先補知州馮玄鑑抱病
不能赴任近又報大寧知縣田弘甸陞補該州不虞本

官病久未痊在縣身故則該州正官必須得人勢難稍緩若待銓推命下動經半載此何等時而可久使之缺人廢事耶臣謹會同總督川湖雲貴等處軍務兼理糧餉兼制陝西漢中地方兵部右侍郎兼都察院右僉都御史張我績巡按四川監察御史張論看得雲陽縣知縣朱毅臣才周四應守慎一塵驥足已試康莊犀利何難盤錯且本官資俸相應曾登薦剡既經三道會詳前來委堪陞補前缺相應題請伏乞勅下吏部再加查議如果臣等所言不謬將知縣朱毅臣陞補涪州知州庶

督蜀疏草

卷之三

三七

要地得人而戎務民瘼胥有攸賴矣為此具本謹題請旨天啓二年七月十八日具題奉聖旨吏部知道該本部覆奉聖旨是

三次請告疏

奏爲賊謀日狡臣病滋深乞恩放逐以安愚分事臣聞鞠躬盡瘁不避艱險固臣子之職分而審已量力以求無悞封疆尤義之所當裁也臣疎庸淺陋不諳軍旅又不幸狗馬之病適與時會自春以來痰火舉發動輒暈絕然療以醫藥猶可扶掖視事今則四肢不仁飲食罔進忽於八月初七日痰中倒地踰時方醒見今手足不能動履已成殘廢延醫李榮先等診視俱謂非謝事調養必無生理而臣所處非其地矣今賊如困獸恣意衝

督蜀疏草

卷之三

三八

突且勾連水西各苗狂逞日甚兵將既遭損折糧餉又苦不敷自非精明強幹身先士卒者料理其間必難完局而臣雖有區區之意其奈病體日沉舉止須俱何封疆大事非可見戲臣卽旦暮溘死九牛亡一毛何所損益但以病軀悞事致醜類復爾跳梁卽百身何以自贖情窮勢迫輒敢呼天伏祈皇上垂念危疆急在得人臣病委非假託勅下部院將臣放免亟選才望速代俾臣得一見衰親獲正首丘雖死之日猶生之年臣不勝迫切仰懇之至爲此具本謹具奏聞伏候勅旨天啓二年

八月十一日具題奉聖旨先勞元勤勞茂著方晉新銜
何遠請告還著用心治兵圖賊務期底定毋得再陳該
部知道

督蜀疏草

卷之三

三九

改任州官疏

題爲劇郡殘破已極州官抱病難支乞賜就近改任賢
能料理以起彫劫事切照瀘州設居水陸要衝爲滇黔
襟喉蘭酋門戶錢穀刑名甲於川省姦宄如林紛囂百
出官其地者未易治理去歲知州馮曾楷履任方新刻
意振刷詎意逆酋造亂首先豕突本官勢不能支兼有
肘腋之變遂倉卒先奔僅保印信臣查有司功罪時本
官情願誓死殺賊以圖自贖因念變生叵測一面奏題
聽勘一面令其立功蓋欲彰使過之仁而與其奮力圖

督蜀疏草

卷之三

三

報也及賊復狂逞屯營於該州茜草等處本官雖無禦
敵之籌頗得招徠之法正望其救死扶傷從頭整頓而
忽以病稱矣當進兵之際一切兵馬糧糈軍火器具悉
由此轉輸入營雖各承委有人而夫馬應酬安置料理
亦豈得以膜外視之此時此地卽精敏幹濟之才尚恐
力有不逮而可以卧病之官泄泄從事乎此一臣者文
章節槩居然大雅而戡亂應變實非所長應令卸事聽
勘別選賢能料理庶可望其維新臣謹會同總督川湖
雲貴等處軍務兼理糧餉兼制陝西漢中地方兵部右

侍郎兼都察院右僉都御史張我續巡按四川監察御史張論查得射洪縣知縣加陞潼川州知州仍管縣事王新民壯年偉度銳志矯修請遷雅比終軍作檄無恙司馬應將本官就近改補瀘州知州責令應酬軍旅撫輯殘黎比常倍加調停殫心愛養務使庶政聿新時艱克濟事寧之日從優叙錄伏乞勅下吏部再加查議覆請將馮曾楷行令卸事聽勘候事本另議定奪王新民改補瀘州即令到任管事遺下射洪知縣員缺亦乞速爲銓補庶人地相宜而軍興有賴矣爲此具本謹題請

督蜀疏草

卷之三

三

旨大啓二年八月十一日具題奉聖旨吏部知道該本部覆奉聖旨是

改用縣令疏

題爲軍事需人正急乞賜改用能官以資籌畫事據分巡川北道右叅政兼僉事閔夢得呈稱本道蒙委監紀軍務會剿逆酋仰仗威靈稟授方略盪平可指日待矣竊思搗巢之役大約以離間賊黨招納降民不妄殺一人而專主擒拏逆酋父子方爲上策誠得洞知彼中地利人情更利害切身者與之私籌熟計設間用奇實事半而功倍也查有原任陝西岐山縣令調江西石城縣知縣趙民戴者由貴州永寧衛學出身出園墳墓俱在

督蜀疏草

卷之三

三

於彼親戚宗族逃出者僅僅數人餘皆被困城中本官思欲滅逆酋以解彼倒懸蓋寢食不忘者也本道向任關西本官曾爲屬吏素知其才諳練達識略深沉可濟緩急之用茲因家屬避難保寧來迎赴任謁見本道與談永寧地形險要及逆酋生平伎倆瞭然如燭照數計若以之充軍前參謀必能隨機應變好謀成功者也但係外省官員不便擅留儼就改蜀中縣令更易行事查得潼川州安岳縣見缺正官或將本官題補一面先令赴軍前聽用候事完之日到任則不惟帷幄有資而且

爲地方得一良有司實兩利之道也再照本官上世原籍巴縣頗有引嫌之意但今雲貴縉紳強半繫籍他省然僅屬空名耳與真正原籍不同卽如先年揚州府知府吳秀原籍蘇州府吳江縣人以南直人而爲南直官並不迴避自有故例可援似不必於拘泥也相應呈請合無將本官題補安岳縣缺一面行令先赴軍前聽用等因呈詳到臣除批該道行令本官先赴軍前料理外該臣會同總督川湖雲貴等處軍務兼理糧餉兼制陝西漢中地方兵部右侍郎兼都察院右僉都御史張我

督蜀疏草

卷之三

三

續巡按四川監察御史張論看得原任陝西岐山縣今調江西石城縣知縣趙民戴雅有才名更多謀略不惟關中令聞已爲該道稱許且本官產自永寧而彼中地里險要逆賊情態尤熟見而稔知者茲留之以爲參謀仍就近改補安岳縣令誠一舉而兩得之矣至本官先世墳墓既在永寧則入籍不爲不久卽是黔之編氓又何拘巴縣之籍既經呈詳前來相應會題伏乞勅下吏部覆議上請將趙民戴改補安岳縣知縣聽於軍前參贊機務候事平之日到任管事遣下江西石城知縣員

缺另行銓補行臣等轉行本官遵照施行地方幸甚爲此具本謹題請旨天啓二年八月十一日具題奉聖旨趙民戴准留用該省兵事方急各官有就近更置留任的聽撫按官便宜行一面具奏事平照舊該部知道

督蜀疏草

卷之三

三

議留陞遷邊關疏

題為議留陞遷邊關以資保障事據整飭建昌兵巡糧儲道按察使諸允修呈據行都司操捕合書陳廷對呈稱本職於天啓元年十月初四日推陞遊擊將軍管廣東瓊崖參將事業已具詳請官交代呈蒙分巡上川南帶管建昌道趙副使轉詳督撫按三院俱蒙批令本職照舊在任料理候新官至日交代緣本職投筆從戎日夜鞍馬勞苦過度頭目昏眩痰火上攻莫能追逐恐候地方又經請代呈蒙本道諸按察使批候新舊交代在

督蜀疏草

卷之三

聖

任調理但本職舊冬報轉業已三時即今履任已屬後期萬一違限職將誰控合無請乞轉呈三院俯念留任效勞移咨廣東兩院知會庶道稽遲等情據此又據撫苗通判張爾恕呈據越溝衛印巡經歷儒學四所指揮千百戶陳其忠高起新何貞德方岳等呈稱建昌五衛地方中通一線四面皆苗獮環繞近被奢酋叛亂安馬二土司素聯親好聲勢相聞猖狂復起自小相嶺至建昌儼非陳操捕運籌帷幄於中折衝禦侮於外一帶經行幾已絕跡四方鄉村幾無煙火今相苗畏服不敢猖獗

獗者惟有陳操司坐鎮今一離任不惟近苗窺伺而糧

武無人或奢酋奔出而誰當一面官軍兵民大失所天呈乞轉達遵照今陞官職加銜改鎮五衛庶官民永受仁恩地方可保泰山等情又據本衛鄉官舉監通學生員朱綸許一善王允龍等呈稱自奢酋倡亂五衛四衛莫不心懷異念時時報警幸陳操捕文武全才德威並用仁恩浹洽乎士卒英風雄鎮乎犬羊駕馭多方躬親對敵經商賴以通行鄉民恃以無恐方幸保障得人豈意喬遷立至儼若昔由馬湖而出將何以當一面乎呈

督蜀疏草

卷之三

聖

乞轉達照新陞衛品坐鎮五衛庶主將得人長城有托等情各呈到廳看得五衛地方一線通漢四面環苗頻年苗苗歸順不過鼠竊狗偷近日苗逆大叛四奔乘風劫搶安馬二司聲息相聞亦各狂逞復起自瀘南至相嶺以及建昌等處警無寧日幸陳操司武緯文經多方運籌百為保障凡遇賊出單騎堵截奮勇交鋒進戰退守保固無虞今報喬遷該衛各官鄉紳舉監生員軍民舉保留任合無俯允備達將陳操司以陞轉職銜改留五衛鎮守俾本邊生靈有賴等因呈詳到道該本道請

按察使看得本官能文能武有勇有謀躬親險隘之區
不憚衝煙冒瘴調劑軍兵之苦何殊挾纊投醪地方藉
以牧寧敵氛賴之稍戢今據儒學衛所及各士紳合詞
保留願爲借寇而本官又以舊冬報轉留任候代合無
俯順輿情或以新轉職銜仍鎮守地方等因通詳到臣
謹會同總督川湖雲貴等處軍務兼理糧餉兼制陝西
漢中地方兵部右侍郎兼都察院右僉都御史張我續
巡按四川監察御史張論看得建昌壤接滇雲羊腸一
線兼以瀘河相嶺之險番猥環伺不時出劫自操捕僉

督蜀疏草

卷之三

三

書陳廷對蒞任以來才猷足以應變威望獨能折衝苗
猥畏威軍民懷惠地方倚賴正殷乃有粵東之轉故衛
所官民士紳合詞保留借爲屏障雖本官員缺已推補
壩陽守備劉范和但黔亂正熾料彼亦難離任且蜀苗
到處蠢動而建南尤爲喫緊防禦不可乏人既經該道
議呈前來似應俯從衆願准其留任以竟厥施除批令
本官照舊任事外理合會題伏乞勅下兵部再加查議
覆請將陳廷對准以新陞遊擊照舊管理該司操捕事
務俟其再著勞績另加優擢其廣東瓊崖員缺與劉范

和俱另推補施行庶捍衛得人而羣情胥悅矣天啓二
年八月十一日具題奉聖旨兵部知道該本部覆奉聖
旨是

督蜀疏草

卷之三

三

報遵義建武失陣疏

題爲塘報賊情事八月十一日據遵義府署印推官馮鳳雛呈稱七月二十一日午時准都司陳一龍手本移稱本月二十日申時據加銜守備羅天祐都正極等報稱十八日酉賊阿烏迷等統兵數萬衝突腰營指揮蕭雪五等勢難應敵烏江路加銜都司陳文憲於本日督領祐等兵迎敵是夜制營沙岡對壘十九日黎明賊兵圍營從寅至午砲矢俱盡逆賊先以馬兵三路攻擊至未時發兵四面重圍寡不敵衆衝散將陳都司扮小兵

督蜀疏草

卷之三

五

葉胡子報稱被賊擄去等情馳報到職查得本月十四日陸續據各營塘報水西逆賊阿烏迷莫德阿能劉恩江之龍游朝炳鄭一顯等統賊兵數萬入犯內地抵水中澤林制營於河梁莊離府城四十餘里又崖門路塘兵報蘭賊奢寅羅向宸羅文垣金保等統賊數萬找搭浮橋於大灣營落紅口桃紅灘渡江三路進取遵桐又據黃灘合口等關報稱渭潭逆賊王倫糾合苗仲聲言會合水蘭叛賊取遵義桐梓長驅出川大舉該本職就經會同籌畫分布六路官兵堵截去後十九日寅時行

令加銜杜遊擊下千總趙甫等領兵一枝往烏江應援外二十一日已時准桐梓縣署印金主簿移稱十九日據畢安良鄧朝用報稱蘭賊扶國頑何龍袁應朝張登榮石永正永安等統兵進大台謝軒穆昭曹廷頑統兵進大壩四兵齊起扶賊已將小水寨老公墳熊家洞等地方失陷又安鑾差守備劉華山馳迎水西號稱征南大將軍頭目莫德進烏江阿烏迷進白蠟坎共五十四營前進遵義立限送宣慰楊維新坐府復播即便長驅等情到府該本府看得水蘭兩賊此番之舉與前迥異

督蜀疏草

卷之三

甲

去歲九月占據府城止賊扶國頑與舊民楊維新爲主兵止二萬一戰即退今四路交通蜂擁並進且元兇賊頭自相督陣蓋逆賊窺我兵半染疫糧匱且無憲司彈壓主將調度故散圍黔之兵渡江而來已得遵義徐及他耳雖我兵四路分截俱空國僅沿門兵耳有何可恃今沙溪營千總李春先連報賊兵已逼中莊離府僅止五里勢甚危迫乞發援兵急救等情到臣批新疆再失賊勢益披猖矣及今速援猶易爲力仰道星馳赴救併催各將努力建功毋得稽緩悞事去後隨據分守川東

帶管遵義道右叅政吳國仕呈爲萬分緊急軍情事七月二十七日據千總劉朝賓稟稱賊兵暗地一擁四路而入各隘官兵盡退府城於二十三日五鼓先破馬坎屈朝宜一營次追石豬清水賊勢大各兵死散任知縣屈守備駱土官於二十三日三鼓各單騎到綏陽縣馮推官陳都司鄧袁二經歷不知下落等情本月二十八日又據真安州稟稱二十六日申刻據守城營聽事官兵易朝國報稱二十二日叛賊圍城二十三日破城二十四日土坪張守備差人打聽報稱馮推官統兵殺出督蜀疏草

梓把隘加銜守備婁攀鳳等稟稱馮推官未見出城止任知縣奔出綏陽縣皆被攻劫小民不勝流離初二日又據桐梓縣加銜遊擊趙文進報稱遵義攻陷幸馮推官任知縣奔出今桐梓動搖金主簿亦難支持已移新站職聞此卽嚴督各兵把守楠木洞官木崖奈兵無糧似難鈴束各等情到道除行真安桐梓綦江南川各督鄉勇把隘守城并行遊擊趙文進等屯兵緊關猶兒圖等處堵截外該叅政吳國仕看得水蘭合謀分兵四路攻陷遵義府城兼劫綏陽地方勢甚猖獗據報馮推官或存或亡參差互異其潰而奔綏桐境者惟綏陽任知縣都司陳一龍守備屈朝宜土州判駱麟等官耳然道路阻絕聲息不通各官兵陣亡損傷名數及逆賊據城殺擄情形杳無確報業分差的當員役前往偵探逐一查明的實另報外惟是我師敗衄之餘無一足恃而真安綏桐間人情洶洶相率逃竄署桐梓縣金主簿退至新站兵寡勢孤岌岌可虞乞速遣大將發兵數萬分布堵截萬一諸寇乘勝長驅震驚內地將何抵敵以挫賊鋒哉本道代庖無能礪鈍罔效近奉部院督餉之委移

駐南川方理運務而警報猝至孤城遽陷既乏預防之策難追失事之事乞另簡賢能署理庶安懷有賴等因呈詳到臣又據參政吳國仕塘報八月初八日據桐梓縣署縣主簿全文科報稱差人偵探賊情難以入境忽府城被擄人逃出報稱楊維新坐府撫安舊民衙門人役及新民男子不問老少一槩盡戮婦女發入水西又據真安州土州判駱麟報稱水西賊兵退回巢穴遵義府惟楊維新安變竊據城中於小清溪創兵七營聲言俟扶國禎到日要下真安等因又據該道報稱推官馮

督蜀疏草

卷之三

四

鳳雛在府遇賊相抗被賊刺死等因到臣又據叙州府安邊同知辜志會報稱卑職於七月初九日督建武加街遊擊龔萬祿兵進剿蘭賊由得抗堡中鎮界牌一路俱有通苗小徑關防無虞龔萬祿慮兵愆期由界牌進劄耳記山四旁皆苗地連日阻雨天陰霧障不謂賊勢縱橫於本月十八日黎明時分四路攻圍先衝李一山營次衝龔萬祿營賊兵既多主客不敵衆兵奔潰龔萬祿聞衝出營不知去向一路攻平寨欲抵界牌中軍盧世卿加街都司周良材等兵合營與賊對敵卑職慮建

武失守抽兵防禦乞發兵應援等情到臣隨牌行本官備查龔萬祿果否與賊交戰失利卽今官兵在於何地制營一面查明馳報一面分布要隘據險屯營堅壁防守俟大兵齊集進剿其陣亡損傷官兵據實開報去後至八月十三日據同知辜志會回稱龔萬祿督率建武一路官兵始於界牌營防守十四日移劄耳記山相機進剿時值天雨霧障四旁皆苗地十八日黎明奢賊乘雨衝突腰營次衝龔萬祿營官兵與賊拒敵傷死苗兵千餘不意苗衆分兵七路夾攻以致失利龔萬祿手

督蜀疏草

卷之三

四

殺賊兵四人身被重傷墮坑而死第五男龔崇學亦亡第四男龔崇勝自爲一營與賊堵截親殺賊兵三人力殲走脫時卑職駐中鎮見各兵潰敗賊勢縱橫恐城池失守抽兵回所既至而軍民逃竄城虛無人卑職督加街遊擊千戶周瓊加街都司周良材加街守備黃文明招集逃兵一千四百員名見在守城又李應貴等官兵共計三千一百二十七員名各分布城外要路制營防守其陣亡未確前不敢卽報今督陣指揮王昌明自賊營逃回查實陣亡領兵各官龔萬祿下加街都司袁朝

華加銜守備劉尚義汪奇雷永祖李容潘尚德彭勝毛倫王宗舜徐茂林并總鎮紅旗手高國朝朱和與建武所隨征千戶郭良臣賈應祿并征兵包忠等俱陣亡又加銜守備李大貴加銜指揮曾定國等被賊擄去生死未期等情到臣謹會同總督川湖雲貴等處軍務兼理糧餉兼制陝西漢中地方兵部右侍郎兼都察院右僉都御史張我續看得遵義新疆去黔咫尺與水蘭爲隣自驅逐蘭賊扶國禎等恢復之後賴都司陳一龍整頓料理集兵數萬且周圍布營見謂可守乃本官以援黔

督蜀疏草

卷之三

聖

出府而以加銜叅將周之德代理其事先是屢告乏餉業已兩次發銀二萬兩解濟近報歲旱無收兵多疫癘臣等方慮逆賊乘隙窺伺屢檄戒嚴詎意黔師失利突被水西賊日莫德阿烏迷等擁衆五十四營與蘭賊合謀併攻遵義立舊民楊維新以爲復播之舉而染瘡之卒衆寡不支既陷府城復劫綏陽今桐梓真安等處亦有梟耶之危推官馮鳳雛仗節義死難但我兵敗畝之後賊勢益張萬一乘勝長驅蜀事有不忍言者矣守東道叅政吳國什代攝遵義道務近又委令督餉駐劄南

川地頗隔遠應援無及與周之德等俱候另議至於建武加銜遊擊龔萬祿進督耳記山者蓋欲赴楊愈懋之約也奈何本官不察降苗之詐僞收入營中致墮狡計各賊遂乘霧衝營降苗內應雖彼此殺傷相當然兵多奔潰龔萬祿父子與袁朝華等俱各陣亡此皆臣燹元治兵無術致有挫損謹席藁以待除行該道并檄副總兵龍萬化叅將祁繼祖督兵前赴綦江等處相機堵截召集兵勇另圖驅逐及今叅將張邦絃前赴建武會同遊擊范繼道等協力固守建武長寧等處要隘以防攻

督蜀疏草

卷之三

四六

敘併俟大兵齊集進剿死事官員馮鳳雛等候查明確另疏議卹外臣等所慮者不在兵而在餉近議進搗蘭巢需兵二十萬日費餉銀六七千金目今匱乏屢屢脫巾加以遵義之變益費支持日夜焦思計無所出仰祈皇上軫念蜀勢防危兵餉匱竭慨發帑金五十萬星馳解蜀接濟以救然眉更乞勅下該部速選大將勒限前殲督兵剿賊仍行滇楚二省急救黔困以牽賊勢庶黔苗不致鼎足爲窟而蜀黔氣脉可得流通地方幸甚臣愚幸甚天啓二年八月十五日具題奉聖旨川貴敕援

事急這所奏兵將糧餉并卹錄等事已有旨了朱熹元
著用心調度務收成功該部知道

督蜀疏草

卷之三

甲乙

請將被殺救愚疏

題爲羣苗交煽蜀禍難支敬陳迫切情形仰祈聖明命
將發帑速救卹危事竊惟蘭賊之敢於狂逞其蓄謀原
非一日而諸苗與之同類惟賄是貪初猶謂奢社輝母
子忠順無二近且羈道府殺諭官決無回心之望其貪
各苗悉以水西爲領袖連鷄之勢既定封豕之毒彌張
故蜀與黔有一處戰勝則相結益深有一處不利則狂
逞彌甚或乘雨霧之朝或伏深林之內伺我之疎突然
而出今江門建武屢屢挫損而遵義府城又且再陷臣

督蜀疏草

卷之三

甲八

受皇上重寄以全蜀之大不能滅此小醜又不幸而危
病纏身卽立就誅殛猶有餘罪顧惟用兵所恃者將耳
皇上眷念西土遣楊愈懋杜文煥薛來胤三大將入蜀
乃愈懋愎而中伏來胤怯而違令文煥又以患病放舟
東下有將如此反貽賊笑耳計兵數西起建武東至遵
義在冊者共十五萬每月卽需十五萬餉司帑之匱乏
地方之殘破臣前疏已明天啓二年額糧業奉旨停免
所恃者帑金耳督臣張我續開數到臣前後蒙皇上允
發九十五萬或扣兌各省或延捱未解其到蜀者止二

十六萬六千四百二十兩此卽兩月不足支况延捱一載乎臣力非刺虎計難點金惟以忠義二字鼓舞各將士計圖異日酬賞而久之人情自懈法令難施七尺之驅何敢自愛獨恐爲封疆誤耳且蜀之財賦什九供邊今松潘威茂建南建武遵義等處兩年缺餉一百餘萬既欲寬之民間又不能得之內帑非惟外患難防抑且肘腋生變自非萬分危迫安敢妄顧惟望皇上垂念西南半壁係天下安危速檄楚粵撫臣各提重兵蚤救黔禍一面依臣前請慨發帑金五十萬差官徑解蜀省務

督蜀疏草

卷之三

聖九

到軍前實用仍勅兵部立選才望大將一員主蜀兵柄黔平則蘭賊必擒蘭滅而黔禍亦殄此唇齒相依之勢而轉亂爲安之急著也至於微臣才劣病危屢次陳乞萬非得已伏望蚤賜處分臣死無恨臣不勝迫切仰額之至天啓二年八月十五日具題奉聖旨這奏內已發帑餉有扣兌併延捱未到的著作速催解餘已有旨了該部知道

就近陞補重慶正佐疏

題爲渝城新復郡守需材乞賜就近陞補以濟時艱事竊照重慶爲川東劇郡錢穀政刑冠於全蜀自非高才卓識未易料理且自殘破之後城市爲墟野草荒榛蕭蕭滿目鴻鴈之哀鳴未輯豺狼之出沒無常所賴郡守噢咻休養奚啻拯溺救焚該府知府岳具仰因病乞休督臣具題加銜致仕以馬湖府知府鄭朝棟調補員缺極稱得人但叙馬一帶警報日至已委督府屬蠻苗沐川四司土兵就近防守建武鴛巢擒賊各兵相依爲命

督蜀疏草

卷之三

辛

勢不能舍此就彼似應照舊爲便該臣會同總督川湖雲貴等處軍務兼理糧餉兼制陝西漢中地方兵部右侍郎兼都察院右僉都御史張我續巡按四川監察御史張論查得重慶府同知余新民英猷天植苦節性成險阻艱難備歷疾徐甘苦能調衆望攸歸羣黎愛戴且資俸久已及瓜程材應當優轉合將本官陞補本府知府以慰民望其同知員缺卽以墊江縣知縣加銜本府同知劉國藩改補俾二官勵精整理加意撫摩使垂絕之民復有起色極敝之郡再覩太平則一轉移間地方

太有神益矣理合會題伏乞勅下吏部再加查議覆請
將余新民陞補本府知府劉國藩改補本府同知遺下
墊江知縣員缺另行銓補勒限前來任事仍行臣等轉
行二官遵照施行軍民幸甚殘疆幸甚天啓二年八月
十五日具題奉聖旨吏部知道該本部覆奉聖旨是

督蜀疏草

卷之三

五

報總督移鎮辰沅疏

題爲督臣移鎮蜀勢不支仰祈聖明命將給餉番爲振
救併乞憐臣危病速賜視斥以無誤封疆事臣惟爾賊
之變於茲一載賴督臣張我續爲政攻戰驅逐粗有頭
緒而不意本年八月二十九日奉命救黔改鎮辰沅大
怖一移人心洶洶竊惟近日事勢水西諸土苗交起助
虐賊有翼虎之勢我當強弩之末視之太易爲之益難
欲清蜀寇必須會集各省速救黔禍蓋諸苗惟聽命於
水西水西帖而四省俱無虞也蜀之救黔必須由遵義

督蜀疏草

卷之三

五

蓋遵義距平越不過三站實水之左肘簡之後戶旣斷
其交通之路又阻其衝出之念一舉而兩利也乃遵義
道臣經年虛位新補僉事趙邦清該督臣題改川北尚
在候旨未任雖經督臣檄鄉官副使王景暫停巡視往
監軍務乃自四月與臣相別八月尚在南川鞭雖長其
及馬腹乎水西阿烏迷等數萬衆業已退去乘人心未
附流離思返之日命將激衆鼓行而前新疆之勢可以
復振且咫尺平越聲息相通水旣懼逼蘭且顧巢策之
最急者也顧此非可託空言必須有將有糧有精銳敢

戰之卒而又總理分理各專一局庶可以委任而責成
功今三大將一遇害二忠病去矣新委副將龍萬化瘵
瘵不起矣監司三奉差五告病矣獨參政吳國仕入南
川副使李仙品劉納谿監軍僉事劉可訓入長寧建武
耳此千餘里內賊衝出大道有九而曲徑小隘不下百
餘處安能一一設防况三邊荷戈之士缺餉二載數至
百有餘萬而見集江干戰卒十有餘萬正當喫緊之會
絕無分銀可支報警告饑紛如雨集臣欲徑趨遵義則
叙瀘一帶賊船已成皆謂臣避衝而就僻臣欲專駐叙

督蜀疏草

卷之三

五三

南則東南下流日夜報急又謂臣圖近而舍遠臣自四
月至今每見推官馮鳳雛求救之文哀哀切切未嘗不
泣然流涕而有心無力竟不能庇臣罪深矣今臣即拚
死而關不能殺數賊割肉以啖不足飽數人無奈臃腫
支離病魔日益飲食既減咯血不休且暮之死人可復
令詰兵戎圖戰鬪乎伏望皇上勅下吏戶兵三部將臣
議罪祇斥速簡才望前來任事併選廉勇大將立與限
期責成討賊至臣前請帑金五十萬伏乞允發徑解軍
前務禪實用楚中兌解餉銀仍令蚤解內有分蜀二十

萬兩近奉繪音黔蜀通融但蜀中勒兵候餉專望此金
爲命併乞勅諭全解入蜀接濟地方幸甚臣病語無倫
萬非假飾天啓二年九月十三日具題奉聖旨蜀寇未
平朱燮元止宜盡心防剿以竟前勞豈得屢辭餘著該
部作速議奏

督蜀疏草

卷之三

五四

縣令給由疏

題爲遵例考覈給由官員事據四川布政使司呈奉臣批據新津縣申准本縣知縣向君化開稱見年三十一歲湖廣荊州府松滋縣人由舉人萬曆四十一年三月內除授本省衡州府安仁縣儒學署教諭四十六年九月內陞今職四十七年六月初一日到任扣該天啓二年五月初一日連閱歷俸三年任滿例應給由照詳奉批仰布政司查報奉此行准按察司守巡各道咨際回稱查得本官委於前項年月日期到任歷俸考滿任內

督蜀疏草

卷之三

五

徵收錢糧清勾軍伍積貯稻穀五事實政俱已足額修舉委官盤量無異應准給由各開具稱職詞語起送到臣卷查先准都察院咨爲酌議考課之法以肅吏治事准吏部咨內開今後府州縣正官給由免其赴京聽撫按官從公考覈賢否具奏先令就彼復職管事牌冊差人齎繳其稱職經薦應得誥勅命者照例請給其平常不稱職者部院會同酌處又准吏部咨爲酌時宜陳愚見等事內開遇有方面有司官考滿從公考覈據實直書分別稱職平常不稱職三等填註考語具題給由以

憑本部議處又准都察院咨爲治平要務急在保民等事內開省直撫按遇郡縣各官考滿總將三六九年修舉過五事實政覈實造冊定稱職平常不稱職之差等另報部院各等因題奉欽依備咨通行在案今據前因該臣會同巡按四川監察御史張論考覈得新津縣知縣向君化心鏡光明案琴清亮應變兵民共適恤疲憊開井騰驪本官職業俱修考居稱職除批令帶俸管事任內行過事蹟徑自造冊差人齎繳五事冊捌行令咨送部院外理合具題伏乞勅下吏部將知縣向君化再加

督蜀疏草

卷之三

五

考覈酌議題覆施行天啓二年九月十二日具題奉聖旨吏部知道

塘報各路賊情

爲塘報賊情事九月初五日據加銜副總兵鄧懋官塘報拿獲細作吳四供稱奢酋約四苗府齊反差奸細往省探聽等情又據敘瀘道副使李仙品塘報奢寅調各寨苗賊到紅崖點驗分付各造長槍大弩令到卽行又取碗盤於龍場壩與水西諸目會酒刻期攻出又分布偽總兵先鋒楊侯等十餘人率兵四下割營聽令烏撒安効良領兵三千左耳帶鐙割於城內日與酋父子飲酒揚言只在九月內分布偽總兵胡宗祿樊虎阿弟出

督蜀疏草

卷之三

五七

建武長寧每兵隨帶船板一塊至橫江釘舟過河攻叙府符國禎九兒統兵出遵義傳紀羅舒成朱國恩統兵出中箐海底九枝著寅喻訓徐應倫出爐烟三槽有小船數十隻下河又差頭目山人張遇高等由烏蒙芒部去建昌借兵接應攻叙府又差人去水西芒部傳云朝廷起兵幾苗府一同要征戒他同叛又將孩子剃頭作挖去差人約反誰示諸苗初八日又據敘瀘道李副使稟報納谿縣兵安祥只苦一二月無餉告討之文一日三至又據筠連縣稟報鎮雄女官離府治而割古芒部

督蜀疏草

卷之三

五八

又來角壘嚴備寨逼近吾土所云西烏迨脅內應又據副總兵金汝佐報稱援黔東行乞行委官防禦又據合仁路塘報官楊元報云本路主將周基命奉取援黔舟行三軍泣送本營無主偏裨辭去兵士多逃糧餉久匱又據川貴泰將張邦紘稟報連日警報時傳浮言日至六鄉之焚劫可駭對山之號火可疑各營探聽者賊日逐點兵分投出犯兩日之間奔潰者禁之不止令之不行賊偵建武無兵無餉長驅而入不獨建武不支事尚未可知也初九日又據合江越同知報稱賊已造船長江之險與我共有又見杜總兵東下有司官俱去大半過江又據綦江知縣鄒昌魯稟報綦江與蘭賊兩隣副總兵龍萬化右癰見告武昌道張副使爲制臺下楚回渝祁泰將亦奉撤去其孔泰將黃守備皆接踵東下兵士不免以無將渙散解體且無餉脫巾而呼在旦夕間又據武昌副使張孝稟云茲請部院不日東下未能躬解乞蚤委監軍道速至綦江初十日又據敘瀘道稟云趙壩各營兩月無餉兵士哭訴劉養銀以米七包均之人得數粒銀無分毫真然脅之惡十一日又據越同知

報初四日忽見吳從教蔡貴家火起各山劉兵千餘各將兵少皆失色賊將舒廷彩羅舒成統兵劉輝檢場將劉坤父子殺死房屋盡燒隔江對劉四路居民奔逃又據帶管遵義道舉政吳國仕稟稱逆賊羅向宸僞牌招降助叛且云水西同知魯仲賢督兵三十營議攻桐梓取綦南重慶知我內地撤兵單弱缺餉欲逞長驅之勢又據長寧參將范繼道親手書塘報內云本月初六日據塘報張龍於賊中偵得外面劉鄉官將火藥裝放布細鹽包內於各路送進叫內打船率眾攻叙官兵回救

督蜀疏草

卷之三

壬戌

卽順流直下南京出其不意進京占據劉命合會鎮江沙上好漢數萬爲應賊父子卽傳一個頭人要船一隻有湖廣木匠姓劉者三人回言要下去的須麻柳木板打造別木沉重不可常被殺死等情此言未知真僞有聞不敢不報又一帖報據長寧路塘報本月初七日有趙登林偵報賊胡宗祿於本月初十日點兵十三日出長寧焦罵色劉營麻糖坎阿弟出江安逆寅父子備船三十號出納谿水西助兵十七萬鎮雄助兵三萬共攻叙府各等情到職除飛檄各路相機堵剿憑險據隘固

守四下策應禁絕鹽布及權行布政司暫議徵銀米接濟一面差人催解帑金十萬楚帑四十五萬及再疏請將請餉請斥外天啓二年九月十三日塘報兵部

督蜀疏草

卷之三

李

降將立功

爲降將立功已著被害情慘據實咨請授銜紀錄以示鼓舞事先是職念四方遊手奸徒咸入永寧撥置且蜀中勁兵皆在永寧非用間鼓舞不可招徠自羅乾象范祖文胡肇虞鄒蔚然胡汝高胡汝寧等擬以泰遊入疏後卽令守備劉養鯤率衆前抵賊界相機用間曉以禍福授以名色爵祿招撫於是貴州舉人胡纘携家來見備述賊情職卽令與劉養鯤等隨宜設間又發諭帖與泰遊守備劉付使之潛入賊部曉諭而賊之僞大將軍

督蜀疏草

卷之三

本一

朱武僞先鋒虎將張令遂遵諭縛賊相何若海併文武二印來歸又有僞總兵泰遊郎中鄆价秦國倖朱朝爵等十餘人見乾象輩受爵效忠相率奉諭各帶勁卒來歸於時永寧人心無不思漢原任松潘道李泰政三次密稟到職會同胡肇虞父伯叔胡稱寧稱藩稱臣三家各捐千金募力士何枝等三十七人爲首候大兵壓境卽內應殺賊總兵楊愈懋駐兵納谿探知情狀聽細人羅鳴之言輕騎直入欲乘機擒酋以報朝廷乃酋糾水西烏撒惡苗埋伏竊發頓爾挫衄而前謀被人首發賊

遂屠泰政李忠臣之門再屠胡稱寧三家斬殺無遺妻女配諸苗目併殺力士何枝一時籍沒殆盡掘拋羅乾象胡纘歷世祖塚盡抄其家范祖文父母妻女驅配裔首沒其家產二弟以身免逃出胡汝高等亦復如是情景之毒殊不可聞各官亦惟捐此生報國除兇有不與賊俱生之念況忠義之士尚多招徠之方宜廣又右材官冉世烘畢應台范寵劉誥指揮葉達枝百戶夏才志嚴討賊儘可策勵相應以宋武張令授以副將鄆价秦國倖朱朝爵朱一龍胡綬雷應龍王繼先王心一授以

督蜀疏草

卷之三

本二

泰遊冉世烘夏才范寵畢應台劉誥葉達枝授以守備閔侍孔陳大臣授以指揮俱題示虛銜鼓舞不獨勸其擒僞相之功信欽賞之格實馭材將之術亦當如此其舉人胡纘賊未發難已抱杞憂兩省條陳可據及賊圍省結盟士庶圖掃巢穴不虞酋敗奔回身親三木幾死因圖購金逃出與劉養鯤等拮据招徠擒賊一切盟知咸來歸漢永寧外四里悉爲歸順功苦俱著當與羅乾象胡肇虞范祖文胡汝高胡汝寧鄒蔚然等俱紀錄登簿事定從重酬慰者也但非顯疏風示無以激勵人心

合咨本部煩爲述疏具題頒劄行職轉行各官遵照仍
揭示賊巢以示僞僵亦一時鼓效之機也天啓二年九
月十三日咨兵部該本部題將宋武張令各加參將鄧
价秦國俸朱朝爵朱一龍胡綬雷應龍王繼宗等
各加遊擊將軍冉世烘畢應台范寵劉詒美陳扶良等
各加守備其閔侍孔陳大臣量加把總各職各官
付從軍征剿報效奉聖旨是

督蜀疏草

卷之三

三

少師朱襄毅公督蜀疏草卷之四

復渝獻俘疏

欽差提督軍務巡撫四川等處地方都察院右僉都御
史臣朱熒元謹題爲仰仗皇威掃清內地逆賊循例獻
俘并解進得獲器物伏候聖斷處分以彰天討事據四
川按察司協理監軍今帶管總理監軍道僉事戴君恩
呈奉臣紙牌照得逆賊樊龍張彤等戕殺大吏竊據巖
城已九閱月於茲矣今官兵奮勇齊攻堅城克復擒斬

督蜀疏草

卷之四

一

無遺所有得獲樊龍張彤黑蓬頭等首級并生擒石永
高樊友邦樊友臣樊友國張國用胡文榮王光宗等既
經監軍紀功各道驗審已明并何若海周鼎郭鼎鉉羅
朝明通應解獻闕下請旨正法但賊級賊犯頗多途遠
不便盡解似宜分別重輕酌量起解牌仰該道就近會
同協理監軍兵巡上川東道并見在重慶湖廣監軍紀
功分巡荆南道分守武昌道貴州威清兵備道將樊龍
等首級并石永高樊友邦何若海周鼎等一千逆賊黨
逐一再加審驗明確分別某某情罪重大應解赴闕某

某情罪稍次應監候會審就近處決取具歸一供詞以憑會題等因緣總理監軍道副使丘志充病勢不支乞休批允沿途候旨該本道蒙委帶署隨會同四川協理監軍兵巡上川東道副使徐如珂湖廣協理監軍分巡上荆南道叅政盧瑛田協理監軍武昌兵備道副使張季貴州協理監軍威清兵備道按察使楊述程審驗得樊龍等身屍首級并逆賊石永高樊友邦何若海周鼎等通共三十名俱於天啓二年五月初四十四二十七二十八等日被官兵先後擒獲解到驗審無異察看得

督蜀疏草

卷之四

二

樊龍張彤等人本么麼性最兇狡煽奢酋而謀爲反逆事豈偶然假援遼而明動干戈志不在小戕殺撫道大吏傷哉流血成渠攻破州縣各城慘矣積屍盈野竊據我城池自恃地利抗拒我師旅罔識天常遂使三巴半壁乾坤所在震動四省全勝物力是處騷騷幸天威之遠播致嚴郡之立平元愍束手以就擒易於拉朽逆黨繫纓而盡戮捷若承蜩事豈人爲孽由自作惡宜解赴國門用以張皇我武惟是斬獲僞官梁友懷丁崇禮趙信劉誠王安魏一中周彝牟特羅世選陳友等及生擒

衆賊周順李仲賢友得壽兒等事同叛逆情有重輕且道途遙遠難以盡解相應酌量起解斬獲者如樊龍張彤黑達頭首級俱應起解生擒者如樊友邦樊友臣樊友國樊龍之親子也張國用張彤之親子也何若海石永高周鼎胡文榮王光宗梅占魁徐應舉賊之元謀心腹也傅文進陳堯峯黃高李齊民熊長庚陳君寵丁汝登周冕羅金祥伍就湯馬道董三策周汝林任嘉言傅楫郭鼎鉉王堂王元臣羅朝明賊之同謀親信也以上三十名俱應一併起解獻俘以正國法若斬獲梁友懷

督蜀疏草

卷之四

三

丁崇禮趙信劉誠等首級及生擒周順李仲賢友得壽兒等或迫於不得已始從逆而終投降或拘而不能出外雖然而心實否相應免其起解就近驗查發落等因併將各犯情節開款呈詳到臣該臣會同總督川湖雲貴等處軍務兼理糧餉兼制陝西漢中地方兵部右侍郎兼都察院右僉都御史張我續撫治鄖陽都察院右僉都御史楊巡撫陝西都察院右僉都御史呂巡撫湖廣都察院右僉都御史薛參看得逆賊樊龍張彤等蠢爾醜類生而窮兇以小有才作大不法乘

援遼之役而謀動干戈詭稟餉之情以肆行誅戮自矜天險足恃倖倖若虎負嵎遂謂國法可逃奮怒如螳當轍置腹心布牙爪據關而守宵旦竭其經營練士卒納叛亡分地以攻遠近遭其荼毒虔劉無老無少四郊流血成渠劫掠在官在民各縣積貯若掃盛氣豈忘乎躍馬雄心不憚於稱孤臣等拮据一身躊躇四顧憤同泣劍催兵之羽檄手不停披念切枕戈勵衆之苦詞日無寧晷乃龍等情知危急復於四月朔日泣請救於蘭州而逆首聞報張皇隨於五月初旬即發援於重慶賊方

督蜀疏草

卷之四

四

喜犄角之有賴揭彩以俟我獨笑狂悖之無庸磨礪以待伏遇我皇上天威赫濯神武昭文武同事同心將士竭謀竭力兵連秦楚恂滿川原遂乃秣馬誓師共矢沉船之志因而晝攻夜擊人懷背水之奇一戰而危關立奪棄甲曳兵之黨擒斬不下萬餘再戰而援賊盡驅扶傷帶死之苗追剿殆無噍類乃賊猶以欲走愚我妄爲後舉之圖而我卽以許走愚賊密定暗擒之計終徘徊而難去卒次第以成擒電擊霆馳十路烟霾盡洗根除蔓剪四方羽翼全摧豈獨瀘納遊魂業已望風而解

去行令狂首殘喘亦將指日以歸降是英足彰皇上不世之奇助而更可卜天朝無疆之景運矣所有斬獲逆犯樊龍張彤黑蓬頭首級三顆法應解獻於國門生擒何若海石永高樊友邦樊友臣樊友國張國用周鼎胡文榮王光宗梅占魁徐應舉傅文進陳昇峯黃高李齊民熊長庚陳君寵丁汝登周冕羅金祥伍就湯馬道董三策周汝林任嘉言傅楫郭鼎鉉王堂王元臣羅朝明通共三十名俱係同謀爲逆人犯通應伏誅於闕下但事同叛逆情有重輕既經各道會同審驗明白委應分

督蜀疏草

卷之四

五

別起解除梁友懷丁崇禮趙信等首級行令判磔羅貴李維垣沈朝益羅勝梅受王國重李自新成芳等據各司道結報或在監染疫或在途抱病物故悉行驗明斬首梟磔及周順李仲賢等就近發落外其樊龍張彤黑蓬頭首級三顆如法醃收并逆賊何若海石永高樊友邦等三十名如法肘鎖請委兵巡下川東監軍道會事戴君恩管押赴闕及將得獲器物印信并偽印偽勅制付共計六十九件併交該道隨本進繳伏乞勅下兵部議覆其器械印信并偽印偽勅制付等件付內庫交收

何若海石永高樊友邦等行法司會審如果情真罪當恭候覆請照依律例分別正法周順等行巡按御史會審明確分別重輕就近發落徑自具奏其樊龍張彤黑蓬頭首級仍應剝磔與同各犯首級應否傳示天下以爲土司目把人等反逆不軌者之戒統候聖裁爲此具本開坐謹題請

旨

計開

一元兇逆賊三名

督蜀疏草

卷之四

六

樊龍首級一顆查樊龍年五十歲係永寧司人先是奢崇明未得承襲時勢處孤微龍左右與俱極力承奉其於奢寅尤多撫恤及崇明爲宣撫龍以故舊特見親任而寅之事龍比於仲父矣龍生而悍多機謀沉鷺不可測其起兵於重慶也寅主之龍發之張形成漢其成之初奢寅逆謀久蓄獨無察而動會徵兵援遼取道重慶稱兵一萬索餉如數而四川徐撫院於演武場按

督蜀疏草

卷之四

一

名清查龍與張彤數上稟事直逼公座座之不下張彤舉旗數揮黑蓬頭躍馬舞槍三市擲標刺殺徐撫院而孫參政駱副使李副使章知府熊同知洪同知王推官段知縣等無一得免者矣一時左右文武多官承舍吏胥人役立斃刀下者屍相枕藉合城士民屠戮最慘蓋二百餘年來所未經見者也龍既發難隨張奢寅偽詔宣諭士民投降免死建國大梁改元瑞應自稱大梁總督軍門兼理糧餉經國大都督樊飛龍鼓吹呵導比於開府令人稱已爲千歲龍法令酷烈務在必遵一郡男女咸令椎結辮髮左衽跣足如苗狀有敢爲中華巾服者立殺之分布部將把守九門外不得入內不得出有敢放一人出城者立殺之縉紳士民止許閉戶靜坐道路以目有敢啓口者殺無赦百姓但遇令出入湯蹈火唯所發縱有敢遲留參差者殺無赦十

一月內有生員王養心者陽投效用陰欲擒之事機成而偶露龍碎其屍蹂踐之是日所殺百餘人又部下僞中書周君命把守東水門與官兵約但入我爲內應事覺立縛而磔之是日復殺百餘人龍每出入必面貌相類者八九人與服導從俱無分別夜臥數處人莫測其所在焉初各鎮道會寫諭帖約之射入城中龍亦答書語多不遜後官兵攻圍益急三監軍遣親信入

督蜀疏草

卷之四

八

城備陳利害以勸誘之龍泣然泣下五月二十七日三監軍扁舟渡江約其面會而擒之方訊問間各土司之兵奮槍爭殺而龍之首級落地矣

張彤首級一顆查張彤年四十二歲永寧司人先年曾從故總兵劉綎爲把總屢有功效後以其跡弛無良斥去遂投奢酋部下用事形體貌魁梧生而驍勇多智謀諸曉兵法常遊京師宜大遼陽等處私語所知曰

中國雖大顧兵脆弱易與耳舉大事無難也重慶之變雖奢寅蓄念已久彤與樊龍實爲謀主初徐撫院點兵於演武場樊龍以增餉上稟徐撫院令之下龍下歸營彤執一令旗上徐撫院亦令下彤云未奉我兵主令不敢下少頃舉旗數揮四營砲響大噪而上長槍大弩雲簇雨注而院道府縣備極慘毒矣彤卽僞稱大梁總理軍務兼督糧餉節度使職銜出入八轎輿服器

督蜀疏草

卷之四

九

具皆僭用龍鳳性嗜殺左右僕妾小不如意輒支解以殉取一妓鄰長兒置帳下一日偶與羅門子相視彤覺將妓與門子並磔於市每親點居民登陴巡守稍或趨起卽斬而剝其腹慘虐殘暴類如此嘗出掠四郊殺人如草歸而子女載道錢帛如山與樊龍競多寡爲笑樂樊龍出掠亦復如是監軍道遣人諭令來降保其不死彤佯許之然故堅持不下也久之兵多斃於矢

石鎮道共扁舟面諭形欲引兵歸巢不肯降遂散至五月二十七日兵將攻圍甚力形與樊龍俱先後登道臣之舟比形入城收拾府庫而樊龍餘黨復反形亦被殺首級爲官兵所獲

黑蓬頭首級一顆查本犯的名成漢年三十歲永川縣松溉民有膽略力挽千鈞多藝能長槍大刀雙劍勁弩馬步弓矢無所不擅逆寅父子甚信愛之寅每上馬漢負大

督蜀疏章

卷之四

十一

刀挾標槍前驅出兵卽爲先鋒樊龍張形領兵來渝寅遣漢與俱知非此人不能下此毒手也至期張形舉旗數揮漢從營中躍馬直上負利刀挾標槍環遶三市怒目裂眦大喝一聲擲標槍竟刺徐撫院胷間殞地漢下馬舉刀斫殺已又殺駱副使已又殺李副使已又殺洪同知頃刻之內曾無停手賊敗後獲有漢報功奏揭一件是爲的據每領兵出掠漢必躍馬爲衆兵先

有參差其行者漢卽挽馬首立斬以是人皆股慄所至郡邑無不披靡後爲官兵所獲監軍道問其有何異能漢對曰我惟馬上長槍一枝短刀一把縱轡向前一氣可殺五十人不殺五十人不快也其兇暴慘酷誠如所言此一犯也寸斬碎磔猶不足以盡辜惜其不食而死僅以首解耳

一逆首僞相一名

何若海年四十五歲遵義縣學廩膳生員先

督蜀疏章

卷之四

十二

年潛入北京以賣篆刻爲生曾蒙吏部咨送兵部授守備職銜用之不聽雄心落魄後見東事孔亟屢赴各衙門條陳未蒙見採適奢酋差楊聚等報兵援遼不許若海受銀七十兩爲具本稱秦氏女流尚能報效豈鬚眉丈夫反不如之因許援遼又爲奢酋差役借用盤費千餘金遂乘催調之差前往永寧投奢寅父子條上三策謀圖大事逆賊從其下策令樊龍等反據重慶

奢實與朱國恩率兵將瀘州燒劫遂進攻省城拜若海爲相凡密謀狡計悉其運籌若海旣被擒嘆曰只緣土兵無紀律致有今日死卽死耳有如旣不能忠天朝又不能忠大梁成得甚麼人其銀印係奢實與水西烏撒烏蒙東川芒部六司府共鑄篆文丞相之印惟鎮雄未與六司府仍與之軟血同盟於龍場壩授若海爲提督五軍都督統領御營兵馬大元帥攝行相事經

一賊子四名

樊友邦年三十歲永寧司人樊龍長子生而驍雄有智略性殘忍嘗笑中國寥寥天下英雄惟我輩數人龍之作逆也友邦授僞副總兵職銜獨領賊兵萬餘鎮日操練或

遍巡城內誅殺士民之不肯就降者或四出郊外殺劫士民之饒有貲財者謂之游衍戲局民間少女少婦無不納之帳中有周邦寧之女周氏能琴善聲歌竟強擄之其父與夫莫敢伸言然不獨周氏一人已也一門窮鬼父子相濟天厭其惡天羅地網安所逃死乎

樊友臣年二十二歲永寧司人樊龍次子也有勇力爲龍所最愛龍據重慶奢酋授友臣僞守備於十月十三日同石永高領苗兵二千五百餘名自永寧來援龍得之聲勢益張友臣數引兵出掠張彤之攻劫壁山也友臣爲先鋒乘健馬負大刀行人莫敢睨視有青衿婦楊氏者生有姿色友臣擄爲侍妾五月二十八日克復渝城被官兵擒獲

樊友國年二十一歲永寧司人爲樊龍妾生第三子也龍之據重慶也奢酋遣樊友臣

石永高領兵以至而友臣爲前茅國爲後勁張彤攻劫壁山友國與俱有青衿女吳氏者友國擄爲侍妾所掠錢帛最多五月二十八日官兵入城友國出走土司追之至佛岡關始擒獲焉

張國用年十九歲永寧司人張彤長子熟嫻弓馬彤之出入國用帶刀相隨常整戎裝乘駿馬上下城垣舞劍控弦以示威武軍中日爲小將軍雖不聞其茶毒狀然係元

督蜀疏草

卷之四

十四

愍逆子不在常律幸爲官兵所獲法應梟示以殉

一逆酋心腹謀士領兵賊黨共二十五名

石永高年三十九歲永寧司人爲奢寅頭目居中用事倚爲心腹天啓元年九月十七日因酋先遣樊龍張彤統兵重慶假以講糧爲名戕害官民劫擄倉庫占據府城酋母安氏差永高帶兵前來重慶徹兵樊龍張彤不聽永高卽從二賊商量欲圖大舉

提兵萬餘屯剗佛岡關拒我王師一面分兵燒劫沿鄉人戶擄掠婦女財物五月內官兵破關攻城擒獲梟斬猶不盡辜

胡文榮年四十歲永寧宣撫司生員卽樊龍親家龍之領兵至重慶也運籌帷幄文榮之謀居多至期歃血誓師文榮實執牛耳初授巴縣僞知縣不數日以徐應舉知巴縣事而文榮陞重慶僞知府管糧儲道事茶毒四民劫掠各縣號令一稟於文榮焉

督蜀疏草

卷之四

十五

五月二十八日官兵入城擒獲

周鼎年三十四歲永寧衛廩膳生員頗有機智邊境中翹楚也因科舉不得志遂蓄異謀天啓元年調蒞苗兵援遼鼎卽棄儒同往至重慶府樊龍發難鼎與謀焉授僞重慶府知府天啓二年正月奉樊龍差解銀三千兩赴省城接濟奢寅行至合江遇寅父子收回又聞樊龍困於重慶加授僞招討節度使領兵七千救重慶不利回至合

江地名大田溝五月二十一日官兵擒獲
梟磔何辭

王光宗年五十歲永寧衛人曾業儒不就去
而爲吏爲人有智謀料事多奇中早從張
彬游結兄弟盟形旣與樊龍其爲逆遂薦
之於龍龍與語大異之曰此我輩人授以
爲參政使爲監軍紀功督餉道形每有發
動必密召宗與議宗嘗勸龍曰將軍必欲
成大事請勿妄殺一人勿妄取民間一草

晉書疏直

卷之四

七

一木開誠布公居仁由義召四方異人而
尊禮之萬一事不成猶可自免龍不能從
宗遂依阿曲徇以悅其意因而勸龍僭稱
王號謹守巖城賊中兵將多敬而憚之監
軍道遣人入城用計擒縛後有言其爲賊
腹心全係主謀者有言其力禁妄殺全活
萬命者但僞職崇隆爲謀不小在賊則爲
功之首在漢則爲罪之魁矣凌磔不枉

梅占魁後更名占國年四十歲永寧司人卽

梅龍姪也永寧人呼爲崖上大爺魁爲樊
龍干總頭指如意最親信十月初一初五
等日隨其叔梅龍攻打大足縣殺死主簿
張志譽典史宋應臯縣官家丁馬企龍等
十餘人及高知縣率兵追殺魁急走由永
川進府城龍使把守南紀門官兵旣入城
魁始就縛此一犯者殺二縣佐屠戮百姓
事最慘梟磔猶有餘辜

晉書疏直

卷之四

七

徐應舉年三十五歲瀘州民爲人智巧多機
謀在諸賊中爲鈔鈔曾爲吏久之厭刀筆
吏無所短長去而投逆實大見親幸及從
樊龍張彬首事重慶遂僭授巴縣僞知縣
威力虔劉殺人如草一縣人皆懼伏莫敢
睨視賊嘉其功陞本府僞同知復改陞僞
監軍道應舉瀘州民非永寧人比也而又
曾爲吏知法而蔑法乃至於此卽凌磔其
何說之辭

傅文進年五十歲重慶府巴縣民素精醫

司道府多用其藥餌今被賊害徐撫院及
孫駱二監司章知府各官皆以取用藥餌
故優待之孰知其人外貌恭謹中實狼戾
徐撫院之遇害也其家人徐二者挾印走
匿其家乃密遣人綁縛徐二併其印獻於
樊龍龍大喜授以守備職銜使領兵事黃
蓋金圍呵騶載道儼然於車上儼矣十月
內張彤約樊龍出走傳文進曰不可此地
有長江二道勝於百萬雄兵願千歲就此

督蜀疏草

卷之四

六

建都無他往二賊復止後見天兵四集不
無怨望而以其獻印功大欲殺之輒中止
城中鄉紳饒有家貲者賊無不撻掠文進
之指使居多焉城未下之先三日文進出
城欲逃被官兵擒獲

陳堯峰年三十五歲永寧衛軍堯峰生而岐
鸞與張彤交好久出入嘗與俱彤既反授
堯峰重慶府僞通判帶管糧餉諸務縉紳
饒有貲者無不恣其撻掠性最淫掠良人

妻女最多有妓曰素娥者姿態傑出堯峰
聞而掠之備極淫穢城既下之次日始擒
而解之

黃高年三十歲太平長官司應襲與樊龍往
來久結兄弟盟龍既反授高僞遊擊使領
苗兵把守佛圖關四月二十四日官兵既
拔關高走入城龍復使守臨江門晝夜為
盡力不少懈取城中婦女為侍妾望之如
雲有周應俸女周氏頗俊慧竟掠之為妻

督蜀疏草

卷之四

七

官兵入城高出走朝天門尋為土兵所獲
李齊民年四十歲重慶府巴縣人為人兇悍
既投樊龍見用日益親信授僞守備職銜
領有旗令沿戶派兵專守千斯門每遇官
兵近前攻戰即東西竭蹶喝眾登陴發矢
下石不遺餘力梟斬始有餘辜

熊長庚年五十歲江西瑞州人以援遼同何
若海等入川調兵為奢寅預謀於上年八
月內先到重慶府黃葛渡觀音堂窺探地

利帖拜府縣自稱太祖七世後楚藩朱叔
鰲頓首巴縣快手黃民春送帖認的及九
月既反長庚授偽總兵都督府銜擡八轎
管梅賊兵三百督戰衆目共暗矧其假稱
王孫密窺於先而偽受總兵協謀於後助
逆黨姦狡謀詭秘擬以梟斬猶有餘辜

陳君寵年四十二歲永寧司人素爲張彤用
事形既反授君寵偽遊擊爲中軍旗鼓官
凡彤刀槍劍戟二十八宿等旗皆君寵所

督蜀疏草

卷之四

三

製守備指揮千把總等官皆君寵所管押
嘗與彤分路出兵彤或出朝天門則君寵
出南紀門彤或出南紀門則君寵出朝天
門出各門如之凡民間俊秀子弟皆取爲
門子妾色婦女皆取爲婢妾城破之日寵
逃至長壽縣追而擒之

丁汝登年五十歲永寧衛生員初工舉子業
既不得志輒鬱鬱感慨因周鼎爲介紹而
見之於奢寅寅亦優禮遇之後鼎與樊龍

自重慶發難寅遂授以偽守備職銜撥送
周鼎管中軍事發謀決策知無不言言無
不用蓋姦人之雄而逆賊之魁也

周鼎年二十三歲永寧衛人卽周鼎胞弟也
見與鼎俱以小有才爲樊龍親愛用事久
重慶之變見與梅寵俱從永寧領兵入城
龍得之若增一手足云其攻打榮昌銅梁
安岳大足永川諸縣見無不與俱所擄掠
錢穀子女最多重慶既復見遁去山谷中

督蜀疏草

卷之四

三

至六月初七日始就縛

羅金祥年六十歲永寧司外四里民幼曾業
儒不就去而習武技藝頗優逆寅素識其
人令隨樊龍至重慶龍既反金祥卽授重
慶府偽推官理刑名事務理詞訟且稽覈
諸目之勇怯勤怠而殿最之一縣士民望
而森凜有羣衣如璫之風矣
伍就湯卽徐國泰年五十歲成都府新都縣
人曾廩於庠後爲蜀府典簿能官家居與

張彤交好從之重慶彤反授湯爲中書一切僞檄誥勅半出其手湯之與彤畫策也屏左右晁秘密人莫有知之者監軍道聞而遣人以帖諭之答一稟啓視之乃擬楚歌一篇也且曰但使官兵城外歌此賊兵自散監軍道批其後云汝有此手筆上之不能殺賊立功次之不能開門獻城又次之不能暗行內應而僅以一楚歌希圖免死誰其原之次日辰時徑赴該道投降此

督蜀疏草

卷之四

三

一犯也雖後此之投降可原而前此之秘謀可恨觀其更改姓名蹤跡詭秘其爲姦人之雄可知

馬道年四十五歲陝西涇陽縣民先是從故黃總兵標下爲把總重慶之亂道不能脫身因委身張彤而事之加授僞守備職銜使領兵千餘把守朝天門一路營寨間引兵郊外大肆劫掠婦女錢穀雞豚狗彘無不括而持去者縉紳大戶編戶輩門無不

到而掇求者事急投各道鎮各道鎮方欲畱以招降而百姓見之爭批其頰歷數其劫掠狀卒擒縛之

董三策年四十五歲南直隸上元縣民先是客寓重慶以發賣青布爲業後見樊龍猖獗暫投效用與以保身久之遂竭知盡慮甘心爲之股肱徑授巴縣僞縣丞料理縣事一縣士民惟其魚肉官兵入城首擒始之與以保身者豈非竟以殺身乎

督蜀疏草

卷之四

三

周汝林年七十歲永寧衛人卽周鼎之父曾爲生員以年老告給衣巾鼎旣爲奢寅尊禮汝林號稱太公優禮而不臣後從其子至重慶爲參謀汝林老若可從末減然不能以義制其子反身教之貳焉老而不死是爲賊其汝林之謂乎

任嘉言年三十歲重慶府巴縣人善演禽奇門推測前任道府曾有字扁旌賞之樊賊據城之後本犯以術數見因而信用之每

出征必召而問其吉凶本犯悉與確查某
日宜某日不宜官兵擒獲之日合郡士民
無不爭批其頰此一犯也雖僅以術數見
用然代賊籌策加通賊從賊一等矣

傅楫年四十五歲江西南昌府人重慶書賈
也略識文義樊龍反逆先走投見之意止
於與免性命久之任用授偽把總職銜遂
領排門民兵把守千斯門每遇官兵攻戰
既不能開門倒戈又不能出降歸順乃爲

督蜀疏草

卷之四

五

之布置而綜理焉夫楫既略識文義矣何
悖逆不悟乃爾耶

王堂年二十四歲南溪縣人永寧寄籍卽王
國重之子也先同父各領樊龍募兵銀兩
從龍援遼及龍於重慶既反而堂父子則
授偽旗牌官俱黨助樊龍殺人放火無所
不至五月二十八日官兵入城尚執迷不
悟旋爲官兵所縛也一門濟惡父子爲姦
惟是王國重解途溺斃未正典刑堂擬梟

斬允當厥辜

郭鼎鉉年四十歲仁懷縣人曾爲生員因奢
寅造逆偽授鼎鉉偽總兵職銜領兵一千
同占據仁懷助逆爲虐朋惡作姦肆無避
忌彼合江賊敗仁懷逆賊一齊潰走遂被
擒獲得非天厭其惡而不使賊徒漏網耶
王元臣年三十一歲浙江人向以包買皇木
久寄居重慶上年樊龍造反元臣遂投龍
爲羽翼查點排門兵爲之守牆又隨從樊

督蜀疏草

卷之四

五

龍口報富室慘害多家劫掠無厭助賊有
據梟斬何疑

廖盛卽羅朝明年三十五歲永寧司人因奢
寅造逆殘破州縣寅初授廖盛爲合江縣
僞典史後陞僞副總兵因投降於羅乾象
請漢劉守備銜被朱國恩連劄拘送奢寅
將廖盛殺死本犯的名羅朝明係廖盛家
人爲官兵擒獲天啓二年九月十五日具
題奉聖旨兵部知道

加銜調補殘億縣令疏

題爲酌議調補殘億要地縣令以資戎馬以奠地方事
據布政司呈奉臣紙牌查得仁懷正官久缺民心無主
時爲校賊蹂躪合江係進兵討賊正路縣官行取離任
無專官應酬料理仰司卽於合屬揀選才幹者酌議就
近調補料理兵糧撫輯殘民保固疆土等因奉此該本
司署印副使戴燦查看得合江係水陸之衝仁懷爲川
貴要路目今戎馬交馳兵食拮据急賴縣官經理查得
雙流縣知縣劉鼎新粹履輝山拱壁英猷出匣太阿才
智蜀疏草

卷之四

三六

裕折衝力肩鴻鉅者到地方本官率兵拒敵保全城
社威名大著歷俸已逾二年應加陞同知寄銜叙州府
管合江縣事石泉縣知縣商良弼拊民清勤政最援省
勞苦功高文武全才經綸偉器成都之國本官督兵入
援躬冒矢石擒斬甚多歷俸近二年應加陞遵義府同
知管仁懷縣事不惟要地有得人之效而各官駕輕就
熟計無便於此者請乞會題等因到臣該臣會同巡按
四川監察御史張論議照合江仁懷二縣皆與永寧接
壤逆賊發難首被虔劉室虛盡皆殘燬流移罕有復業

自非才情超朗膽勇俱備者決不能當此危險卽今兵

集掃穴寔爲必由之路拮据糧運應酬軍機尤貴得人

查得雙流縣知縣劉鼎新石泉縣知縣商良弼各抱璋

才兼長武事自經酋變鼎新督領鄉兵屢與賊鬪良弼

親提義旅來援省圍皆見之行事非虛揣者以之調補

不獨整敝起殘兼可督兵理餉但二官歷俸頗深夙著

功苦各加陞同知職銜不逾格例既經該司酌議前來

理合具題伏乞勅下吏部再加酌議將劉鼎新加陞叙

州府同知管合江縣事商良弼加陞遵義府同知管仁

督蜀疏草

卷之四

三七

懷縣事覆請行臣等轉行各官遵照任事遺下雙流石
泉員缺卽以新銓合江仁懷知縣改補散限赴任不但
駕輕就熟且朝移夕到於地方軍旅兩有裨益矣天啓
二年十月十一日具題奉聖旨吏部知道該本部覆將
劉鼎新加叙州府同知管合江商良弼加遵義府同知
管仁懷楊世俊改雙流周蓋臣調石泉各知縣奉聖旨
是

議處不肖有司疏

題爲議處不肖官員以肅吏治事臣頃以逆賊披猖督兵江上凡各有司目擊小民流離軍旅騷動之狀宜何如惻隱何如調劑譬諸拯溺救焚汲汲皇皇猶虞不逮而乃有不務噢咻祗圖剝奪者可一日容之民上乎除事涉細微姑從冊報部院處分外廉得其機聲最著者有三人焉謹會同巡按四川監察御史張論爲皇上陳之如夾江縣知縣董繼舒性本粗豪事多孟浪理民縱剝擊之害持躬乏禮義之閑用銀娶部民胡應泰之妻

督蜀疏草

卷之四

三

爲妾乘扮春日滯入後衙官箴謂何寵門子李機入衙併母周氏喚進姦宿廉耻何在收糧自有天平法馬每兩重至二錢又以拆封不足罰瓦折價收戶田貢等之苦堪憐丁口原有底冊籍數既增仍復取紙每載至瀘州變價入彙紙民姜倫等之口難掩私訪奉旨禁革乃敢指訪濫罰致戴廼等膏血無遺醫生止供藥餌輒聽匿名拏考若艾選等誅求最慘鎖冊書趙合稱飛說是矣而嚇楠木百餘仍罰銀十兩是則何名用訪竄汪諫爲主文已謬矣而任包當納吏下鄉搜噉人孰能堪察

達衙虎也嚇財妄告姦情何遂將陳應詔李思遠斃之柳下陳應積書也挾私妄報大戶何遂坐犯人王思商家刑訊科罰最可恨者京債逼追貸僧因準因羅不遂而生事拷斃致令永述與屢告不休其他生事濫罰鑿有據此一臣者初政似覺可觀得薦遂爾改節邪淫貪暴無不備具應照貪例革職爲民榮昌縣知縣今丁憂張縉濟變無術潛身有方居官線索由人臨民怨謗多口樊西發難本官先將家口送入陳九傳家已昧效死之誼及百姓擁衆打死賊黨張元等捏作已功申報

督蜀疏草

卷之四

三

將誰欺乎衙役陳嘉猷等七人號七知縣與之對坐飲酒禮以上賓官箴爲之掃地投賊陳九儀等多人俱受偽職令各納銀百兩稟從寬政孔方其可通神從賊張貴先等既經梟首變其妻孥復擇其有姿者六口進衙何免於宣淫之議秦兵經過每糧二十石取馬一匹及其不用而每匹追價四兩五錢入已曾不顧椎吸之慘甚至有稱熊賊坐縣本官密托生員王應正與首交通給以印票應正乘機抄劫地方鄉兵拏獲送至寺中投見捏解展轉一月賣放以減口證迄今未獲者且本官

籍住永寧雖曰聞訃竟不知何所歸著此一臣者智識昏暗舉動貪婪衙役待爲上賓已無羞惡之念民謠俱云翻轉足似作用之乖臣前疏查蔡未結姑應照不謹例閑住丹稜縣知縣葉日新父子爲政上下皆官法律不束於居常公私偕飽於囊箠到任取庫銀五百兩填還京債鎖拏收頭王中秉等無端夾打逼令代賠是以公庭開騙局也發男之榜換金雅州歐死樂戶致州收監本官將銀一百五十兩前去買和是以錢神抵人命也庫吏吳仕文等營幹帶辦每名索銀十五兩孫可先

督蜀疏草

卷之四

三

等過送可憑抽兵銀自應起解聽于收衙以衣服筭抵吳仕文等經手可證生員熊繼周赴考溺死何罪之有而聽寵吏胡一達之唆責其扛屍進城索伊父熊可中二十兩之賄遂爾暗銷故民李二妻劉氏不從伊子之姦姦責其子而聽腹臆曾大仁之計連發數票拘拏非後夫張尚知二十金之賄安得住提防守何事而民兵每名縱子索銀五錢方給工食公堂何地而庫吏袁子達縱子兇毆幾死大駭觀聽此一臣者才識昏庸事權旁落內外全無防範表裏肆其姦兇卽視殺投荒僅可

謝其往過但念心地本實歷任甚淺應照不及例重加降處伏乞勅下吏部再加查訪覆議上請如臣等所言不謬將董繼舒革職爲民張縉冠帶閑住葉日新重加降調內除榮昌張縉已經推補有人其夾江丹稜二縣遺下員缺卽行銓補勒限前來任事庶墨吏知懲而殘民獲甦矣天啓二年十月十一日具題奉聖旨吏部知道該本部覆奉聖旨是

督蜀疏草

卷之四

三

塘報蘭賊出沒截殺情形

爲塘報苗情事九月二十二日據防守長寧路加銜副總范繼道塘報據前營張之麟報稱賊將拖船回營房盡燒辰時卽至黃沙坎頃刻立成七營又據蘿卜坎左營冷正榮報賊於二十日與西關交戰不意馬湖營兵染病奔潰繼道手戮二人以殉賊勢漫出各兵退守隨傳令各營擇險據守苗兵焚燒洞底銃擊賊首一名打死二名賊不敢渡聲言去建武回來定要找廂攻洗一擁而退又據本官塘報密以小帖藏于髮中潛進賊地

督蜀疏草

卷之四

三三

令凌霄城伏兵鄭國禎等掩賊之後賊若小隊不可輕動大隊一至聽號殺出隨據塘報張龍回報賊知高瑛官兵埋伏建武有備盛傳官兵用調虎離山之計要從後面搗巢且聞汀門兵已大進連夜撤移及賊攻葛守備營半日計點官兵殺死賊兵數多又有安家弟子五百亦被殺死稱美不已葛盛德陣亡折去官兵百餘監軍道劉僉事塘報相同又據納谿路參軍劉養鯤塘報遵令於本月二十日暮親率張令何正光秦國倬等奇兵連夜直搗宋江橋時賊不及甲馬不及鞍被官兵一

衝拔營逃走張令秦國倬連殺四人係總兵楊選親舅

柳二千總何啓孟百總阿定張二孥獲偽坐營都司王應伏一時兵士奮勇殺賊百餘奪戰馬六匹槍十四枝俘獲偽總兵楊選妻女七口苗妻馬氏擁衆逃入水流崖洞寨去訖又燒燬江門宋江賊營二處止期捉其西妻馬氏不意逃走隨即收兵請乞量犒鼓舞又據本官塘報官兵深入永城前後盜出船二十餘隻接出原任松潘道李泰政子一人吏一人又於蠻洞子孥獲苗賊五名婦女一口見解道審落洞崖孥獲奸細尹顯能等

督蜀疏草

卷之四

三三

二名槍弩關刀六件又據本官報稱苗知宋江敗竄崇明率衆自長寧來援者寅率衆自夾子口來援勢甚猖獗本路既已救韓走魏則長寧仁懷二路又當速入以分賊勢又據加銜副總鄧懋官塘報賊已盡剽二羅口去納三十里又據江安縣申報賊已漫出直窺縣城又據劉養鯤塘報賊欲報復前恨率兵大出劉村雷村見村燒殺各三層岩上岩下將趙志上家口船隻圍殺去訖小苗自仁懷回劄兵十三營老苗自長寧回劄營甚多合兵要衝納谿江安又言懸賞銀一千兩要捉劉養

鯢遍地燒劫勢甚猖狂叙瀘道塘報相同又據仁合路加銜副將羅乾象塘報逆賊奢寅率眾窺仁懷試我虛實越同知與乾象薛來衍張鍾秀等各率勁卒共六千分頭堵截又令王繼先把小關洪綱守濫壩王繼先伏兵于松盤衝殺斬級一十八顆奪獲男婦三口解驗洪綱兵士內變一時義兵賊兵混殺無數賊遂潰敗退回洪綱見與王繼先等合營又聞江門兵進酋勢甚迫兵聲頗振續據越同知塘報相同本月初十日又據鎮雄貢生王信稟報奉令撫安鎮雄轉諭烏撒安效良不許

督蜀疏草

卷之四

三四

助逆有挽回求全之機貴州官兵戰勝社輝悔怨諸目又聞小酋賊於夾子口損兵甚多又據分守川東道吳參政報稱據守備楊通霄報九月十五日忽賊眾前來清水逐趕人民卑職督同守備楊國纘等率兵追至彼中交鋒斬級四顆賊退周水割十四營至二更時分官兵四路舉火鳴銃大呼殺人綏陽兵到接應賊俱奔潰由金刀坑散漫而去我兵折轉入遵義城搽賊盡逃惟是楊栢一營與西酋逼近兵無糧以資守本道隨令署府綏陽任知縣同將領官兵防禦城池地方各等情到

職看得逆賊自分必死乘間衝突雖官兵沿路剗定而窮寇狂逞其鋒甚銳兼之霖雨不止軍中大疫師老財匱支持寔難除防禦策應隨處料理外但大將與京師未至楚中兌餉四十五萬未解入川酋之衝突未已建之苗患復騰爲可慮也天啓二年十月十一日塘報兵部

督蜀疏草

卷之四

三五

塘報馬之良出犯地方

爲塘報地方苗情事本年十月初九日據分守上川南
道參政陳龍光文報據雅州申准雅黎遊擊李毓華報
稱土官馬之良藉口以東元服色輒敢調集保苗聲言
攻圍城堡此等不軌之謀是假此釁端而與奢賊爲之
內應也叛形已彰爲害匪小等情又據榮經縣申同前
事據大渡河所關稱改土苗民東元三哈殺賊獻功蒙
加服色三哈唆土婦馬之良聲說東元係他家生如何
受服色爲名起兵燒劫具由申報訖今照馬之良復行

督蜀疏草

卷之四

三六

起兵前來挾要東元驚怖不聽處分聲言動起番保卽
欲叛反又據馬之良稟稱東元父子謀占卑司地方截
管爵土奪掌權職將上下地方付他管理又將良撫司
置管何地皆問存義王良臣等暗地替關撥置引誘故
惡如此吞害仇不共天如同謀幹事相助銀兩設計漏
放東元父子出相嶺死不甘休今卑職略點家丁前去
著落上七枝者宿三哈脚孟鉄鉄等隨領小後生前來
北關外五里波各路口分布把截相續擒剿二惡乞將
二犯縊死發出如前惡一日不出定要與店家問存義

王良臣等名下跟要分令人馬到各宅上坐催一日不

出供應一日速將二惡押出卽撤兵回萬事休矣等情
又據呈稱懇將二惡擒拏發出庶免地方擾攘上下得
安四十八寨生番觀望不致欺玩若護留隱匿必復動
干戈萬無休息又據上上二營提調百戶馬象乾胡觀
宸報馬之良動兵奉本府差三家通把前抵土官不容
面見又據苗人脚撒口稱土官差者苗阿息腊元四狗
脚撒等執令督率各苗前至大田壩住劄初四日土官
親抵大田挾要東元父子若不具報干係地方等情又

督蜀疏草

卷之四

三二

據楊四營百總毛國元稟報查得土官於二十二日令
人手執鷄毛前往黑麻溪擺凹小水調取兵馬二十五
日令那衣執火柴頭上綁鷄毛令野馬他寅夜進大小
三冲各寨調番其各山井白崖水尾紫竹地已調發上
來白聘簡朱慎藍友枝吳應舉俱到途中土官叫人阻
住不容進見又接本官心腹書識黃袍藍之興私信事
已行他二人亦拚性命無及觀此信首實有乘東元之
由叛亂但調諸寨西番各鄉難當抄劫之害及查撥弄
者乃奢崇明有八個人在彼隨住有一頭目甚是可惡

全憑此人行事又據塘報楊文元報稱查得土官惡差苗人冷酒別前來各處百姓家催夫馬准於十月初四日上來有苗人陸續上來不知住於何地又黃藍私信傳言事已露出實難勸阻准發兵於大田衙門衙下只要東元父子出來等情該吳知州查得馬之良藉口東元輒敢調集苗徠聲言攻圍城堡不軌之謀假此而與奢賊內應又該遊擊李毓華查得先年瞿馬二土官爭襲構殺院司議定上七枝即東元三哈等改土歸所當差立馬之良管理地方堂弟馬呷什隨同協管東元係

督蜀疏章

卷之四

三

之良家生改土後不屬之良管轄近相嶺苗徠出沒東元等殺賊來獻保安道路為議給大帽衣撒千總劄付百總王良臣生事挑撥傳先聲擅送黃傘東元恃悍通要約束諸苗已將東元父子并王良臣傳先聲等驛候一面撫諭之良靜聽處分各等情到道轉報到職卷查先據建昌上南二道報稱奢酋每以奸細扮作僧商入建挑撥岳母馬之良引番出犯彼此起兵又入松潘挑誘火落赤犯邊與江門長建各路偵探逆賊又發頭目山人高萬古等帶兵三千由烏鎮透賦乃入建約馬之

良起兵犯省犯叙各情已經四下申飭嚴拿把截隄備及諭之良大義滅親毋令交通凡有奸細許拿解出事完另行題叙優擢外今據前因除行令道將整飭隄防將東元等犯解赴按察司查審正法差人化諭馬之良撤回番徠靜聽處分嚴查挑撥員役及將朝廷威福與逆酋造捏假旨詐言搖惑土司附和情弊丁寧曉諭及促陳叅政移駐雅州與建昌道李遊擊互相鎖服隨宜安撫飭兵防禦外但川中無將無餉楚帑不至人心張皇苗賊未平邊憂復起襟掣肘露事可寒心干係地方

督蜀疏章

卷之四

三

苗情台行塘報天啓二年十月十一日塘報兵部

揭報就近陞補司道

爲揭報缺員就近陞補以濟時艱事省直藩臬二司統
理錢穀主持法紀屏翰彈壓最不可缺之官也守巡兵
道領事一方尤難乏人况大愆未縛羽檄紛馳當民窮
帑盡之時爲措餉籌兵之計必在官無缺員事有專局
綱舉目張庶克有濟今四川布政司左布政使周著自
經論劾回籍日久雖見查勘斷難望其再來右布政使
林宰在外總餉自難卸擔守西道副使戴燦身兼數印
東奔西馳按察司按察使王佐才已經題留懸缺未補

督蜀疏草

卷之四

四

蜀固不辰豈可遐棄近者本部酌定邊才俱於本省自
有司至監司院皆得就近陞補今就近移補無如林右
布政使陞左建昌道按察使諸允脩陞補右布政使守
上南道叅政陳龍光陞補按察使分巡下川南道叅政
王世仁陞補守上南按察使叙瀘道副使李仙品陞補
分巡下川南道叅政分巡上川南道副使趙日亨陞補
建昌道叅政守西道副使戴燦陞補分巡上川南道叅
政一轉移間局面既專事難推諉藉以應酬兵馬催趨
錢穀實爲目前便計以上各官資俸相應才品俱懇伏

望本部俯念遠方多難就近推用遣下守西叙瀘二缺
卽於本省隣省附近量材推補刻期到任禪濟時艱造
就地地方不淺矣天啓二年十月十一日揭報吏部

督蜀疏草

卷之四

四

咨設旗鼓中軍

爲遵旨改設欽依旗鼓中軍等官以疏武科事准兵部咨先該兵科都給事中蔡思充題該本部覆奉欽依通行查議但武科一途原與文闈並重近因人多缺少遂使用舍殊途升沉互異以致人嗟瓠落且謂法未衡平臣部查得督撫鎮道戶部旗鼓中軍等官或任傳宣或司軍旅其大者足當一面之任小者亦縮半通之綸固猶愈於策空名而無實用者也向來不由部推使雜流納級等項皆得占據其間夫旁門不塞正途安通變而督蜀疏草

卷之四

聖

通之誠當改設欽依自後應將前項各官除見在管事世職武科資薦相應者聽臣部推陞外其餘雜流納級槩不許用凡遇員缺悉聽臣部將武科推補或聽督撫咨補俱照欽依守備體統行事及小把總職銜舉劾黜陟亦照常舉行則竊據者難爲管窺之圖需次者可免河清之嘆此誠疏通武舉之一策所當申飭舉行者也再照前項欽依或於地方有宜有不宜其宜改者臣部開載未盡聽督撫開缺報部其不宜改者俟本官陞轉後卽聽裁革以省冗費等因題奉聖旨是欽此備咨到

職查得蜀中僻居西南三面隣苗居常無事中軍已不可缺况值蘭苗造逆兵巡等官無不籌兵理餉奔走軍中尤在需人以武舉授欽依守備料理旗鼓中軍人可疏通事可責效就而黜陟斷在宜行但川中向以世職料理兼因援遠討蘭填給部劄加銜充理不爲乏人卽職衙門旗鼓李必茂係成都右衛世襲指揮僉事前撫加銜守備自圍城拮据料理業已年餘相應酌定世職加銜照舊料理但請本部俯照註開一併題奉欽依各頒劄付以便填造賢否得示黜陟至於懸缺卽請推補督蜀疏草

卷之四

聖

勒限赴任統乞行職衙門遵照自後年終填註賢否事實報部查考理合開註回覆爲此合咨本部煩賜查明具題施行

計開

四川巡撫衙門旗鼓成都右衛指揮僉事加銜守備今請照例授欽依守備管旗鼓事李必茂兵巡川西道中軍寧川衛百戶三科武舉部科咨送松潘坐營征建題加本衛指揮僉書督兵援遼加銜守備王國臣

松潘兵備道中軍松潘衛左所百戶奉例加納
本衛指揮僉事透國援省加銜守備張應甲

建昌兵糧中軍鎮西千戶所應襲百戶征建咨
部加銜本所指揮僉事援省加銜守備魏民望
安綿兵備道中軍保寧所富村驛百戶加銜指
揮僉事王昌明

分巡川北道中軍陝西秦州衛中所百戶部劄
加銜守備夏才

以上六員請乞本部具題以守備職銜頒劄

督蜀疏草

卷之四

四

料理註定衙門旗鼓中軍事務內王昌明夏
才身親戰陣兩入賊穴立功已多亦宜破格
以守備行事

威茂兵備道中軍

叙瀘兵備道中軍

遵義兵備道中軍

兵巡上川東道中軍

兵巡下川東道中軍

分巡上川南道中軍

分巡下川南道中軍

以上請本部推補監軍道中軍請本部一同
增補

天啓二年十月十一日咨兵部該本部題將李必茂照
例以都指揮體統行事以守備職銜管四川巡撫旗鼓
事王國臣照例以都指揮體統行事以守備職銜管四
川兵巡川西道中軍事張應甲照例以都指揮體統行
事以守備職銜管四川松潘道中軍事魏民望照例以
都指揮體統行事以守備職銜管四川建昌兵糧道中
軍事王昌明照例以都指揮體統行事以守備職銜管
四川安綿道中軍事夏才量陞署指揮僉事照例以都
指揮體統行事以守備職銜管四川分巡川北道中軍
事各給劄定限赴任奉聖旨是

督蜀疏草

卷之四

五

咨葉達枝補寧越守備

爲咨補緊要守備官員以衛地方以服邊苗事寧番越
傷屈在雅黎大渡之間苗獫狁列睥睨跳梁業已屢見
此猶其流毒道路志在財帛而已獨土婦馬之良女嫁
逆賊奢崇明爲妾初則遣人交通在之良忠貞不移道
將亦爲駕馭然而部衆已眈眈思逞矣近者官兵四面
圍蘭酋復以山人頭目高萬古阿三等率三千人持書
禮走芒部透馬鎮脈乃以達之良起兵雖曾檄烏鎮阻
截而令建中道將撫慰其道路之廣大羊之性能保其

督蜀疏草

卷之四

四

不交通不陰陽應對觀望生事者乎寧越守備實其地
方專官今守備馬繩祖以鄉官員外胡繼升家被焚掠
奉旨行究見在提問了結之期不可指計而馬氏家奴
東元又以服色細故爭競日日點兵秣馬不知意欲何
爲此一官者時不可缺查得軍中立功泳鹿衛指揮倉
事葉達枝料敵如在目中折衝不難馳驟勞苦年深酬
勸宜蚤以之陞補寧越捍衛邊土撫馭土苗才地相宜
理合咨請本部俯念銜邊多事將本官題補前項守備
員缺立限赴任庶要地不致缺人苗患得以廢塞地方

仰益不淺天啓二年十月十一日咨兵部該本部題將
葉達枝照例以都指揮體統行事守備寧越地方事務
奉聖旨是

督蜀疏草

卷之四

四

京察自陳疏

奏爲自陳不職乞賜褫斥以安愚分事臣見年五十五歲浙江紹興府山陰縣人由進士歷官評事寺正知府海鹽監司至四川左布政使天啓元年十一月內陞授今職今天啓三年正月當考察之期例得自陳伏念臣燮元學識淺陋材力疎庸報國徒有血誠歷任曾無善狀矧茲多難益用不支赤白之羽紛馳經年未能蕩剪公私之藏交置到處皆起哀鳴責跋蹇而馳驅徒見屢蹶與朽枯以撐柱寔慮速傾時已至而漸衰寵雖深而督蜀疏草

卷之四

四八

加陞府佐疏

題爲酌議府官加陞以重事權以收全效事竊賊造逆十倍於楊酋卽今勢雖窮蹙其志彌狂東西焚劫曾無寧畧各有司中慷慨任事者固不乏人而中有勤勞最著者不量爲陞擢無以示勸曩者賊初據重慶而犯成都推官胡平表重繭狂奔調出石柱之兵一戰於張關再戰於江北無不舉旗斬將及奉臣密檄援省取渝復縣奪關動有勝算無不收其全捷同知趙其杰當人心渙散之際毅然爭先獨收勁卒以取渝城斬賊功多衝

督蜀疏草

卷之四

四九

鋒最苦方周鼎以二萬人來援本官先以調發瀘州乃廻兵奮擊遂建首功同知段師文當成都被圍水泄不通之日親提四千之衆殺入重圍逆賊莫敢攖其鋒軍士因而生色及戰守南城自負挨牌執刀身先殺賊今在沙河獨鯁狂鋒此三官者一片真心滿腔偉略臨陣不辭矢石運籌具識險奪至一切鼓舞招徠俱中欸繫目今分布討賊尤樹奇績及查先年征播推官高折枝身先戎馬當桑木關一路議加僉事以重事權而酬其效如三臣者不但罪以領兵先掃蘭州巢穴卽異日將

責令勒得勝之師徑道突出夾攻水西若不重之職銜何以陪事權而責成效謹會同巡按四川監察御史張論合詞以請伏乞皇上軫念西南賊氛未靖急需文事武備之臣以濟厥事勅下該部照高折枝例將同知趙其杰段師文推官胡平表俱加按察司僉事職銜令其各率勁兵段師文胡平表由瀘衛直搗永寧越其杰由馬克橋直搗紅崖大固兩地止相隔十里卽令會合大兵齊掃古蘭早奏膚功奠安西土蕩平之日仍聽臣檄令各揀勒精兵二萬三路直出瀾潭掩水西之後而會

督蜀疏草

卷之四

奉

偏沅之師衝殺其前再約黔省出奇從中其擊使其腹背受敵不難撲滅矣天啓二年十一月二十四日具題奉聖旨吏部知道

請催兌解楚帑疏

題爲賊勢披猖不已兌帑解發無期懇乞聖斷以解倒懸事蜀自蘭酋造難四盡三空庫藏先竭於調援新糧已寬其一載而一切防邊養軍之費毫不可少天不雨粟石難點金臣與督臣按臣以及三川縉紳諸臣無不叩關來帑以濟然眉蒙皇上眷顧西土前後允發帑金與戶部咨兌者共九十五萬兩於時臣與三川士民額手歡呼謂有糧則有兵滅賊易易矣除前後解到者督臣開單報部已明外尚有兌解湖廣遼餉共計四十五

督蜀疏草

卷之四

奉

萬兩督臣援黔東下移咨開送到臣內云業已數催未解聽臣徑移文差人催用又一咨云奉旨內將解蜀二十萬兩通融黔蜀支用臣以蘭寇不與播酋同播酋守穴以抗王師或可遷延年月蘭賊時時出柙肆其狂獗路險隘多隨處當防不爲暫勞永逸之圖必虧九仞一簣之力隨拜疏再請發帑及全留通融二十萬之帑與蜀支用遂辭次差人催取楚帑一面調集漢土官兵約至十有五萬屈指計籌楚帑四十五萬可供此十五萬兵三月糧餉俟大將一到剋期討賊近接湖廣布政司

公文內云戶部節次兌抵俱稱新餉而新餉即在半蜀之中非另有別項錢糧也又云奉旨蜀黔通融並不知適從除嚴催各屬星夜完解到司轉解期湊足半蜀及兌抵通融之數又手劄內云節次兌抵此兌抵之銀即在中分之內非另有錢糧也前署官偶因黔惡而蜀緩故解黔稍贏而解蜀稍縮然總會已逾加派正額等語夫兌帑四十五萬明明的數絲毫未解督臣卷案可查通融一說止於二十萬兩內言耳今既云即在中分之內又云解蜀稍縮殊不可解楚蜀雖異均皆王土免解

督蜀疏草

卷之四

三

而究原非額外今屢催而不至此堵截久饑之衆與檄調將至之兵將令其散回任賊出沒乎抑令其忍饑枵腹而戰乎楚之徵解不濟必非坐視而蜀之需用甚急難捱時刻日下庚癸頻呼號令難下萬一脫巾而散賊必乘之於時責臣以不能駕馭臣亦何逃於三尺即欲卸責於楚誰能信之况賊自江門遵義得志之後倏而闖出長寧建武修而突犯納谿仁懷欲罷不得欲進寔難輔車唇齒尋常猶且望濟皇上業布弘恩而蜀竟未霑實惠臣情亟勢窮安得不仰天而呼也伏乞皇上軫

念西南半壁關係匪細賊正猖狂未已勒兵待餉勢如倒懸或嚴勅楚中將兌帑四十五萬星馳盡解蜀中或徑發帑入蜀接濟楚銀仍舊解部餉足兵強庶克有濟天啓二年十一月二十四日具題奉聖旨着該部作速議奏

督蜀疏草

卷之四

五

糾參縣令疏

題爲縣官縱子招兵投餽憲司據實糾參以肅官常事
據遵義道僉事趙邦清揭稱本道家居已開綏陽知縣
任寵縱子招兵圖餉本年七月二十三日賊犯遵義任
知縣既署遵義縣印同男加銜守備任國瓚擁兵衝出
得脫推官馮鳳雛孤身死節至十月初六日本道蒞任
入綦江本官具詳報批行查究適以水土不服在綦
調理至十七日坐堂任知縣次男任國瓚在堂站立袖
出一揭乃害真安楊知州遵義楊主簿文也本道斥之

督蜀疏草

卷之四

雷

任國瓚復於二十七日公然赴堂遞一公文兵冊討餉
內開贊畫任國瓚其餘參謀中軍旗鼓指揮千百總兵
士共三千三十員名本道閱之不覺驚訝面加詰戒國
瓚父作知縣子不得預兵事姑置不究至二十八日本
道坐堂時富順盧知縣綦江鄒知縣參將侯良柱俱在
堂次任國瓚投伊父印信公文一角內有印信紅手本
開送禮銀二十兩夫本道乃綏陽知縣任寵之親臨上
司也明白敢以金餽是本道不足取信於所屬一知縣
本道卽當罷黜除原銀二十兩卽時行票封發綦江縣

貯庫外切照本道家居二十一年以吏部郎中起爲僉
事世味備嘗何敢與人忤矧任寵陝西咸寧縣人本道
陝西真寧縣人地之相去不滿四百里仍有姻親亦何
樂與之忤但任寵與推官同城不顧上司招兵請餉虛
詐不實頗聞剋落縱子招兵侵餉可知家法不嚴子既
預兵親戚家人狐假尤甚揭害同僚妄認已功公然以
多金餽送親臨上司罪可勝誅本道一生名節遂被汙
蟻若不重加參處任寵本道定告致仕回籍等情到臣
臣讀之不勝髮指夫新疆三陷幾無孑遺措餉徵兵苦

督蜀疏草

卷之四

五五

楚萬狀乃知縣任寵以綏陽兼遵義何等責任賊至既
偷生以獨免賊去則縱子以冒餉甚至用印信公文餽
賄憲司不法殊甚除行拿任國瓚等併究招兵剋餉揭
害知州主簿等項事情外該臣會同巡按四川監察御
史張論參照綏陽縣知縣任寵投賄憲司事上全無忌
憚縱子射利視躬殊乏防閑雖其經歲督兵不無支撐
之苦而臨難苟免寔爲公論所羞應照不謹例革職閑
住者也僉事趙邦清初謁臣於敘府見其意氣慷慨毅
然以殺賊爲任及到信地獨持手采申飭一新相應紀

錄優擢以爲持正之勸再照綏陽當逆賊王倫扶國擢等出沒之區水蘭交衝之路縣官不可一日缺人先是布政司議以桐梓殘破缺官料理將提舉李璵加陞同知職銜管該縣事今綏陽正進兵道路戎馬交馳需人尤急提舉李璵守潔才長雅有吞苗之志理應署篆已見其效就應加遵義府同知職銜管綏陽縣事料理軍務錢糧人地相宜伏乞勅下吏部再加酌議覆請將知縣任寵照不謹例革職閑住任國珣等聽臣等問發落趙邦清紀錄擢用李璵加銜同知改補綏陽料理遺下

督蜀疏草

卷之四

五十六

提舉員缺另行銓補行臣轉行遵照庶法紀肅而憲體清險佞懲而實才效天啓二年十一月二十四日具題奉聖旨吏部知道該本部覆將任寵冠帶閑住趙邦清擢用李璵加銜同知管該縣事奉聖旨是

請赦歸死逸囚疏

題爲逸囚歸死革心可憫乞勅部議解網以廣皇仁事臣惟貪生怖死物之常情有隙可圖何謀不逞况豺狼橫行之日正狡兔倖脫之時屢據各有司報獄囚破械斬關而出者不可勝數乃有誼不從賊甘心歸死如簡州溫江郫縣等邑獄犯黃金玉沈憲等或周旋官側執杖荷戈相向而哭毫無叛意者或挺身效力不畏鋒鏑躬走賊營偵探消息者或妖黨惑亂約爲內應而堅拒不從首官撲滅者或取賊旗令與賊營樹皮爲驗以俟

督蜀疏草

卷之四

五十七

官司查質者臣在圍城得聞是信猶意其偶偷目前之生旋爲苟免之計而不意圍解賊退此輩自請枷鎖慷慨就獄所據申報鑿鑿不謬夫覆盆難照逝水不回畫地爲牢誰不縮步故有一聞賊警卽出妻獻子俛首乞憐與夫引賊殺掠草菅生命皆不過貪此一生遂冒大戮而詎意必死之夫獨能奉法出柙之後不忘故園若各囚所爲亦異矣夫衛官首賊是其功也東身就死是其忠也功不可掩忠不可棄聞且見者知大辟尚懷報國棘林不乏義士於以鼓人心之忠憤而揚盛世之休

美所關不細昔貞觀初釋應決之囚八百三年而應期畢集此猶謂法不可逃有與倖之心以今日較之更有出於常情之外陛下首登大寶而有此就獄之囚真爲化所致古今奇事也各犯會奉決單罪有差等法當遞減按臣職掌所係自有定評臣惟反獄從賊之徒未得盡捕而革心向化之輩不被恩赦何以激勸人心磨礪治化謹會同巡按四川監察御史張論合詞上請伏望皇上特勅該部酌加遞減大施寬政議覆上請轉行巡按御史照例備述各犯情罪與效力就獄緣由造冊奏

督蜀疏草

卷之四

五八

聞定奪俾天下後世咸知皇上慧照國扉仁流解澤堯天舜日光被無涯天啓二年十一月二十四日具題奉聖旨這獄囚情可矜恕著從寬議處該部知道該刑部覆奉聖旨逸囚黃金玉等助力軍前事平歸獄情可嘉憫都准免死從寬發落

塘報五路情形

爲塘報軍情事本年十一月初三日據長寧路監軍詹事劉可訓報守備王延賓率兵於疊湧寺拏獲奸細一名陳受供係苗目張抹賽差來打聽十四日守備姚化民率兵於上羅計生擒叛賊三名斬功五顆兵士帶傷六人報稱逆賊自長寧西關建武猖獗後知監軍道率兵堅營高縣四下埋伏甚多賊衆自落亥撤營由黑圍長官司小路奔去建武城牆多行掘挖本道即發兵士馳赴建武相機追剿本月二十四日又據參將張邦紱

督蜀疏草

卷之四

五九

報千總涂可章本兵於孝兒嘴拏獲奸細二名又據參將林兆鼎報千總夏永道率兵拏獲奸細一名阿仲又據分理監紀同知段師文報加銜副總范繼道率兵拏獲奸細二名阿三等守備鄭國禎下兵郭明選等拏獲奸細李成和以上俱係逆酋遍布探聽細作陸續擒獲又據劉僉事塘報各隘把截官兵陸續擒斬苗賊十五名額生擒奸細七名賊欲分道直攻叙府知我兵埋伏遍布一切奸細又俱擒斬於是與本道相持四十八日連夜率衆逃回鎮雄設酒款酋意欲擒獻酋不赴席本

道因遵持重之令務要一舉萬全兵士未集不敢輕動等情十一月初一日據納谿路監軍蔡政開夢得副使李仙品塘報蔡軍守備劉養鰐報官兵何正光開法阮興邦等於十月二十五日夜劫倒馬坎逆賊樊虎寨殺賊十三人生擒二人守備王有貴等劫苗目屈丑兒等寨燒營二所生擒一名又據劉養鰐塘報十月十八日趙志上率兵劫沙嶺賊營於沈家灣殺賊十四人傷損者不計生擒真界子一名阿王永寧衛軍丁一名二十一日加銜蔡將胡汝高陳大臣等率兵追賊於毛連寨

督蜀疏草

卷之四

平

對陣生擒賊兵冬兒王小應二名追殺十里跌死甚多王思恩弩射三人得獲長槍十三枝馬絮五牀長刀二把弩箭一副守備朱朝聘率兵於和尚石把截生擒賊兵六人招降旗一面內一人當時身死餘解監軍道訖守備鄭世臣等率兵於鄧家壩生擒偽小旗馬繼先偽都司馬騰中馬伶奪回被擄男婦張坤等六十人指揮胡汝新率兵於火石背截殺生擒偽蔡將袁加受軍器火藥不計擒賊黨二名守備仇三桂率兵於太山廟生擒二名驍將王繼等率兵於羊高山對敵殺賊十一人

又於牛石灘對敵殺賊馬兵一名奪獲棕衫一領大弩一張又於花崖口追賊生擒一名又於太山崖追殺賊兵四人生擒一人又據加銜副總鄧懋官報十一月十三日逆賊四路來攻我兵奮勇殺賊馬兵一名又據巡北叙瀘二道報十四日天未明賊衆五路圍營盛戰至巳時分斬殺甚多因兵士接戰半日饑餒潰散張令等自趙壩率兵來援左衝右突兵少不能禦賊官兵奔退渡江陣亡與泝死多人逆賊焚燒營壘并納谿土民房屋而退所損土馬與斬獲功次查實另報又據加銜蔡

督蜀疏草

卷之四

平

將胡重遠報率兵援納殺賊七顆胡汝高報率兵援納象二道懸賞渡河殺退逆賊二枝得馬絮五牀盛甲三副長槍十三枝弩五張斬功十五顆陣亡官兵七名張令泰國倖報率兵懸賞過江斬殺十三顆獲馬十二匹與賊對罵當將朝廷威福陣上傳諭黨賊自散酋亦撤退陣亡兵十三名加銜遊擊陳祥報率同陳大臣胡國仁等過江被賊圍在垓心只得拚死衝殺馬兵十二名步兵不計得馬十二匹當蒙二道親見獎賞銀五十兩又據巡北叙瀘二道報率蔡翼明等兵照舊防禦納谿

偵探賊勢回巢有向長寧之意因遵持重憲令俟各路
所調兵士盡集訂期進討等情十一月二十日又據遵
義路監軍僉事趙邦清塘報逆賊扶國頑安鑾等聲言
攻打楊栢園又由落紅口過河至地名桃竹壩割營隨
發參將侯良柱副總秦衍祚沈崇極次第率兵聯絡進
羅村一帶堵截又據真安路監軍參政吳國仕塘報相
同又據合江路監軍副使徐如珂塘報於十一月十二
日點發加銜副將羅乾象率兵一萬薛來衍率兵六千
兩路徑取土城與遵義道發兵會合策應又令分理監

督蜀疏草

卷之四

三

紀越同知率兵四千窺中箐援納谿等情十一月二十
四日又據監紀推官胡平表報稱制營長寧栗坎逆賊
要於二十五日來衝等情到職除一切功次行令辨驗
審臬安插有功人員酌量犒賞失事領兵官余躍龍羅
汝學羅汝孝王佐等當時鎖拿梟示曹德細打與該路
將官鄧懋官俱姑令戴罪立功及行五路萬分隄備四
下應援堅壁防禦外看得逆賊父子忽東忽西無日不
率衆四出我方措餉調兵猶未畢集遂致受敵失利當
俟兵集將至銀數米足始可五路進討用圖撲滅天啓

三年十一月二十六日塘報兵部

督蜀疏草

卷之四

三

加銜侍郎謝恩疏

欽差提督軍務巡撫四川等處地方兵部右侍郎兼都察院右僉都御史臣朱燮元謹奏爲恭謝天恩事天啓二年十二月十四日准吏部咨爲蜀撫勞深績著懇乞特賜加銜以鼓將吏以竟成功事該本部題四川巡撫朱燮元守城有功加銜緣由奉聖旨是朱燮元守城禦賊懋著勤勞著加兵部右侍郎兼都察院右僉都御史照舊巡撫仍候捷叙其餘各官通著優行叙錄欽此備咨到臣卽於本月十七日焚香望闕叩頭謝恩任事訖

督蜀疏草

卷之四

五

竊念臣賦質迂愚抱材庸下居常猶苦踴躍應變更乏助勤皇上俯念疆圉特寄節鉞汲深綆短旣人地之相違食少事煩更愁病之叢集一籌莫展三禩尤寬而茲者復荷聖慈再頒溫諭晉以貳樞顯秩錄及登陴微勞恩寵彌增深慶遭逢之異責成轉厚益虞報塞之難况二賊未俘三方多事醜類恃其黨援出沒靡常將士久乏資糧情竄難振雖犬馬不忘於圖報而檣櫓終恐其不材裹革徒懸飲氷增稟惟是仰藉威寵勉效馳驅畢智竭愚誓掃旣稔之惡逆扶傷救死用綏未集之哀鴻

亦有肺肝敢同木石臣無任感恩激切屏營之至天啓二年十二月十八日具奏奉聖旨該部知道

督蜀疏草

卷之四

五

州縣給由疏略

題爲遵例考覈州縣給由官員事據四川布政使司呈
奉臣批據潼川州申准本州知州陳時宜關稱湖廣黃
州府蘄州人由舉人云云崇慶州申准本州知州曾宇
琦關稱江西撫州府臨川縣人由舉人云云東鄉縣申
准本縣知縣舒顯胤關稱湖廣德安府孝感縣人由舉
人云云遂寧縣申准本縣知縣曹元龍關稱湖廣常德
府武陵縣人由舉人云云呈乞照例會題并開具各稱
職考語起送到臣該臣會同巡按四川監察御史張論

督蜀疏草

卷之四

三六

考覈得潼川州知州陳時宜端貞肅範節愛流惠綢繆
績茂金湯撫字誼同召杜崇慶州知州曾宇琦直亮不
欺勤勞匪懈四境黍苗膏潤一庭風月凄清東鄉縣知
縣舒顯胤才情斐疊幹局周詳撫字寓于催科砥礪無
慙夙夜遂寧縣知縣曹元龍霞霽遠志玉映清心砥節
不愧影衾臨難獨堅保障各官職業俱修考居稱職除
批令帶俸管事任內行過事蹟徑自造冊差人齎繳五
事冊揭行令咨送部院外理合具題伏乞勅下吏部將
知州陳時宜曾宇琦知縣舒顯胤曹元龍再加考覈酌

議題覆施行天啓二年十二月二十四日具題奉聖旨
吏部知道

督蜀疏草

卷之四

三七

塘報各路功次疏

題爲塘報功次事天啓二年十二月二十日據分守川東兼理監軍督餉道參政吳國仕塘報稱本月初七日戌時據綏陽縣申報准參將周之德手本據督令守備陳梯都正極沈朝臣飛報官兵於十一月二十七日督軍至白沙水兵分三路兩枝埋伏接應忽見煙霧騰空賊兵捲地而來駱都司王尚明度朝榮等排陣接殺良久兩枝奇兵衝出斬首數十級駱都司生擒活功四口花槍二枝鞍馬五副徐仕華親斬馬兵一級奪花槍督蜀疏草

卷之四

六

一枝賊馬當陣殺死駱都司前營於新土溝洞中接獲男婦大小七名口又據都司朱天祚稟報生擒奸細一名雲有貴游學增哨下千總柴繼文等百總胡月忠等於十一月二十六日賊從西坪尖坡出沒遇賊截殺斬首級五顆總解赴周參將驗明等情同日又據該縣申報據督令守備陳梯都正極沈朝臣稟報於十一月二十八日報捷後隨即進兵止有二路可通栢楊卽分布駱都司駱升高朱都司丁戴二遊擊由右路王尚明度朝榮等由左路行至地名郭家壩突逢逆賊馬步兵千

餘三職督梯百總姜世龍哨官劉啓勝等王尚明度朝榮等數騎先衝入賊陣各營兵援接獲功斬級逆賊徐退職等懸賞鼓舞直追時賊正圍栢楊兩相交敵賊喪膽潰遁楊通雷領兵追殺王尚明等亦隨追援獲功一時難叙駱都司王度徐三人探得長箐林等情十二月初八日辰時又據該縣報稱本月初三日准周參將飛報我兵全勝生擒斬首不計千級扶國頑爭一分被獲黃傘令旗刀器盡拋而走直追入烏江去矣所運餉米盡行運轉收入縣內聽支訖所獲功級俟查明另督蜀疏草

卷之四

六

報等情同日又據該縣報稱據遊擊戴來鳳都司朱天祚駱麟報稱各職領兵追賊於郭家壩連殺數陣賊見勢大扶國頑楊維新安鑾王倫分三路奔逃各職擒斬功次另報仍發兵追趕俟獲元兇再報等情轉報到道該本道參政吳國仕看得逆賊狂逞日糾烏合之衆攻圍栢楊回賴我官兵奮勇赴援伏奇衝敵諸賊奔潰四散斬獲賊級活功頗多足寒逆膽則監紀知縣任寵與參將周之德指縱之畧有足嘉矣除一面移行參將周之德知縣任寵嚴督將領等官加謹隄防相機進剿所

獲功次候查明另報等因到臣十二月二十三日又據監軍紀功分巡川北道右叅政閔夢得叙馬瀘兵備道副使李仙品報稱本月二十一日午時據將官劉養鯤黑茂何繼光報稱二十一日卯時據兵士喻自忠李二飛報叅將鄧玠奉劉養鯤密令傳奉監軍紀功二道密計帶領子姪部兵三百并劉養鯤部下龔惠等勇士七百胡肇虞部兵二百自十六日渡河十九日三更時分抵葛石堽見賊寨兩關重門五道各兵奮勇殺入亂砍賊兵六百餘功內有真苗大苗功一十七人又生擒把

督蜀疏草

卷之四

七

關僞都司一名鄧玠喝止衆兵不許割功乘勝殺入二十里內至寶月寺又分一枝齊打大崖口衆賊潰散鄧玠統兵殺入寺中時正五鼓亂殺苗賊千有餘人將寺并各營寨盡行燒燬所獲槍刀器械牛馬婦女極多俟鄧玠回日另報又招降苗人數百待渡河查數併報等情據此同時又據鄧懋官坐營都司鄭之藩部下千總李現報稱千總劉萬友殺奢僞都司一名接降民一百名生擒活功二名死功二十餘顆據此又據叅軍守備劉養鯤塘報相同天啓三年正月初一日又據遵義監

軍紀功僉事趙邦清塘報探得奢寅欲遣崔罵色統石良等出犯桐梓密行副總秦衍祚叅將侯良柱率兵前去於天啓二年十二月初十日在石寶寨與賊頭石良等大戰自寅至辰我兵火砲齊發賊不能支隨據各官呈解斬獲賊級并擒獲賊婦馬匹刀弩長槍及僞勅書牌劄諭帖等件到道審得明氏係土長官明正芳之女供稱今斬獲僞叅將石良係伊夫之父僞都司石永安係伊親夫僞都司石永鎮係石良姪餘俱苗僮石永鎮妻羅氏供報相同親驗三惡首級真是元兇及苗級十

督蜀疏草

卷之四

七

二顆生擒男婦三十名口看得此一捷也雖功不至於多然斬獲石良石永安石永鎮三惡原虎據一方與奢賊成犄角之勢乃重陷遵義桐梓之渠魁也今幸仰仗天威剿此元兇秦侯二將亟應紀錄獲功員役均應查賞以示激勸等因正月初四日又據閔叅政李副使塘報本月初二日午時據守備劉養鯤胡汝高張學周副叅等官張令胡肇虞等報稱奉二道密令於天啓二年十二月二十九日渡江各領兵由赤崖薄刀倒馬等處分別正路間道於三十日夜冒雨齊出天未明張令與

學周等衝鋒先至宋江賊劄三營張令先圍一營放火燒起賊出對敵令等殺死馬兵四名賊兵亂走我兵一擁殺死苗賊五百餘名管壘盡行燒燬生擒偽總兵喻聯芳樊虎幾爲令所擒止得馬一匹復堵殺馬兵二名我兵折傷五名賊方奔走汝高又差王友貴等招降男婦二十餘人陣前所得活功金刀馬匹俟類齊呈解等情同日酉時又准副總鄧懋官督陣官居敬塘報十二月二十九日奉李總兵發兵襲剿江門宋江隨統千總許應啓等兵七百名於正月初一日辰時同劉參軍張

督蜀疏草

卷之四

五

令等當陣殺死偽守備二名奢賊無數本職親斬三顆繩守富等於江門放出奢賊小船二十隻又據劉養鑑等報稱督張英等統兵於赤崖攻打落洞苗寨房屋百十餘所盡行燒燬田有龍鄒一傳等攻打崖口張村順崖一帶殺苗目周都司王守備苗賊二百餘名爲照我兵一時連破逆賊營寨六所俘斬甚多擒賊驍帥大挫賊鋒酋膽已落其所獲功次俟兵將回日查確另報又准總兵李維新塘報相同正月初七日又據閩參政李副使塘報本月初五日辰時據參軍劉養鑑督書黑茂

督陣何繼光報稱初四日辰時據將官鄒一傳田有龍等回營報稱於初一日四鼓時分一路出蠻洞子共殺苗兵一百一十九功又殺偽都司李應先一功偽守備李從文一功又生擒李應先家兵李七一功又獲婦女二口又將官楊有貴戚偉奇等兵出下落洞共殺七功又同將官鄒一傳等於五鼓時分出大崖口小崖口漏潺子共殺二百五十九功生擒一功以上三枝總共殺功三百八十九功又獲奢崇明所用大關刀一把槍刀五十二件除得功兵士姓名另冊報叙等情以日又准

督蜀疏草

卷之四

五

李總兵塘報相同十二月二十六日據監軍上川東道副使徐如珂下川南道參政王世仁報稱據仁懷督兵指揮楊元塘報本月十八日酉時職與副總兵羅乾象全哨官兵抵大魚灣劄營分布遊擊袁勳等各守隘路奢寅在土城劄營阿金出竹瓦劄營領兵官袁蓋奎夜細作八名袁昌袁儀李可才招降苗人羅一相等一百名口又招被酋脅迫之民簡維仲等數十家赴營投降納妻爲質願入伍剿賊正月初四日據加銜副總兵薛來衍報稱於十二月二十三日招降苗民余天明等一

十八家共計七十五名口脫出逆網攜帶妻孥傾心渡河同劉營壘等情十二月二十八日又據監軍道僉事劉可訓塘報准泰將林兆鼎報捉獲奢寅心腹家人臘兒又名閻天滿思謙報稱拏獲奢酉奸細張榮李二供稱奢寅差他出來探官兵多少要出截殺等語同日又據林兆鼎報稱十二月二十七日據塘兵康狗子捉獲幼女一口名喚么女供稱奢崇明見得官兵四集使長靈降民傳啓望同么女前來探聽限二十八日午時回話以便衝出傳啓望走脫正月初三日又據加銜遊擊

督蜀疏章

卷之四

七四

冉世烘報稱十二月二十八日奉監軍道林參將令前去明灘擒剿弟抹賽酋已覺逃止將營壘燒燬鄉獲逆賊另解探得逆酋已割青山聚賊將出各等情到臣該臣會同巡按四川監察御史張論看得各路官兵屢戰屢捷斬殺頗多且擒斬首惡十人足以奪賊之氣而賊勢尚欲左衝右突蓋欺我糧餉不就不能深入耳除一切功次行令各道覆驗活功監候獻俘有功外謹將紀叙及申明五路嚴加備禦相機進討外謹將



少師朱襄毅公督蜀疏章卷之五

加銜總督謝恩疏



欽差總督四川兼制湖廣荊岳鄖襄四府陝西漢中一府軍務策應緩急督理糧餉兼巡撫四川等處地方兵部左侍郎兼都察院右僉都御史臣朱燮元謹奏為欽奉勅諭恭謝天恩事天啓三年二月一十七日提塘官葉達枝承差尹希舜齎捧勅書一道總督關防一顆至臣於郊外跪迎入署叩頭開讀勅書內云皇帝勅諭兵

督蜀疏章

卷之五

一

部左侍郎兼都察院右僉都御史朱燮元朕以奢安二酋聲勢相倚據險為難必分道進攻方可取勝茲特命爾總督四川兼制湖廣荊岳鄖襄四府并陝西漢中一府軍務策應緩急督理糧餉兼巡撫四川等處地方計平蘭賊一應戰守機宜悉聽便宜區畫各該撫鎮布按都三司副參遊守等官并所轄境內土司衛所土漢官兵俱聽節制調度如武官有臨陣逗遛退縮債事者總副參遊先取死罪招諒令其戴罪殺賊都指揮以下悉以軍法從事即文職中有貪酷不職阻撓軍務者四品

以上指實衆寃五品以下徑自拏問其境內土司有忠順效力聽爾便宜破格獎勵如或負固恃強警殺擄亂及與逆賊通謀不法卽相機征剿毋令滋蔓事關黔省與雲貴總督同心協力彼此應援不得自分界域致悞事機合用錢糧已經戶部設處如有不敷聽於所轄地方量行支用且奏銷筭爾向者乘障保城宣力盡瘁今承茲重任當益竭新猷用成前績以副朕簡用至意欽哉故諭欽此臣自念材質極下報塞無能五內驚皇一身靡措亟欲瀝情控辭而大敵在前誼難推諉臣謹叩

督蜀疏草

卷之五

二

頭謝恩任事原領巡撫勅書一道遵照新勅仍兼撫事俟任滿方繳巡撫關防一顆另疏奏繳外伏念統轄專征天地之恩彌大綿材薄植犬馬之力無多矧茲水陸交構之秋正值公私並匱之日嘯山號澤虎豹正肆其咆哮掃穴犂庭甲兵實苦於單弱旣欲綏撫以撫蘭必先安夏以及苗緩則耗費日深急則撐持未定如臣碌碌實懼不勝顧仰仗皇上之威靈用激將士之戮力賊惡旣殄彼蒼正有定之時軍勢丕張小醜無不滅之理七尺具在片語不欺惟是糧餉獲充庶覺師期之可定

而鄰封協濟仰煩天語之丁寧此又臣所日夜延頸以期共濟者也天啓三年二月二十九日具奏奉聖旨知道欽此

督蜀疏草

卷之五

三

奏繳巡撫關防疏

奏爲恭繳印信事天啓三年二月二十七日提塘官葉達枝承差尹希舜齎捧欽頒總督關防一顆臣於郊外跪迎入署安正中拜畢啓封上鑄總督四川兼制荆岳鄖襄漢中軍務管理糧餉關防篆文四角俱全臣卽叩頭祇領任事討賊外所有天啓二年二月初六日欽奉頒發天字七十九號巡撫關防一顆例應奏繳天啓三年二月二十九日具奏奉聖旨該部知道

督蜀疏章

卷之五

四

塘報各路捷音疏

題爲塘報捷音事天啓三年正月十五日據鎮守四川總兵官李維新監軍道四川按察司僉事劉可訓塘報本月十一日據加銜副總范繼道報稱本日辰時參將羅尚文都司鄔廷高守備劉邦元至底蓬與賊接戰追趕過河擒獲苗賊二十名馬四匹槍刀二十一件弩六張馬絮方絮二十二牀氈衫六領僞關防一顆帶傷哨官一名兵二十餘名同日又據成都府監紀同知段師文塘報相同正月十六日又據李總兵劉僉事塘報本月十三日據監軍推官胡平表報稱牽鎮道密諭於初八初九兩日燒打明灘口草延崖聯絡七營賊首阿弟敗遁當陣生擒苗賊李新林等一十一名斬獲賊級一十六顆馬二匹標槍十枝三眼鏡二門腰刀十二把燒燬賊倉二十餘處俘獲男女審係降民徑行釋放本月十七日據參將林兆鼎塘報十四日據千總羅權劉正宗百總王祥報稱本日奉令攻打下洞寨當陣斬獲首級一顆馬二匹牛二隻得獲被擄男女二口又據守備冉世烘率范德良等於十一日攻打卜昏奮攻上下兩

督蜀疏章

卷之五

五

洞當陣斬獲一級各兵追斬首級六顆得獲馬二匹牛五隻刀二把高招槍二枝火藥十五斤大銃一門弩四張綿絮五件正月二十五日又據李總兵劉僉事塘報本月十九日據監紀馬湖府知府鄭朝棟塘報據建武領兵加街遊擊周良材報本月十一日塘兵朱胤探得奢賊麻老虎在杭鄉屯營積米良材同督陣官賈仁蔡廣同馬湖統兵把總陳章等督兵分作三枝密進十二日黎明與賊鏖戰伏兵齊喊三面受敵賊遂大敗周良材親斬首級一顆加街守備黃文明何秀一各斬一顆

督蜀疏草

卷之五

六

把總趙應吉曾定國各斬一顆哨官健兵羅成保受各斬一顆宋胤生擒一名華兒朱成等生擒一名吳文山阿石褒獲馬一匹把總蔡朝宗哨官李桂芳等奪獲馬六匹長刀標槍十九枝弩一張馬湖營把總陳章等生擒男婦四名口馬二匹麻老虎被殺一槍餘賊被傷不計本鎮道看得周良材陳章黃文明等乃能從間設伏乘其無備三面撲擊而擒斬累其奇捷也等因正月二十七日又據李總兵劉僉事塘報據守備何正光報稱本月二十四日申時奉發督領將官鄒林等至龍透

舖應援馬湖府鄭知府報割長寧路口卑職見得奢賊兩路直衝杆子營事急卑職自督各將先衝逆酋後營首見我兵奮勇直上賊兵大敗追殺十里千總王起榮等斬偽都司楊栗功一顆又殺偽宋守備統打箭傷三十餘賊千總曹繼祖等獲百子銃一杆小銃二杆弩五張花槍刷刀十一件同日又據李總兵劉僉事塘報據馬湖府知府鄭朝棟報稱本月二十四日探得首賊分兵三路議定杆子兵堵竹洞水上漕馬湖兵堵下漕桑將林兆鼎石砬土僉事冉紹文堵長寧二十五日早起

督蜀疏草

卷之五

七

杆兵戰勝後稍却本府令參將王懋官同守備何正光卽撤營帶兵六千由間道赴援賊卽潰走追至賊營糧餉營帳燒棄殆盡所獲器械無算指揮王起榮斬獲苗級一顆龔崇貴等斬獲苗級二顆守備冉世烘千總王宗海冉紹文胡緯等徑進截殺賊敗追至梅子嶺焚其營寨殺傷頗多冉紹文當陣斬功二顆冉世烘斬功一顆本日又據監軍推官胡平表報稱二十四日探得奢崇明父子統馬步不知其數徑至卑職武林寨營前十里竹洞水河內外割大小二十三營白塔山割七營號

火衛天甲職於本日一更先令中軍將官潘映奎等十四員名發衝鋒旗手銃弩等兵二千過河登山暗伏草中次早霧散賊分五路包襲我兵分三路奮勇齊衝伏兵內外夾攻賊敗奔潰營帳盡行燒燬我兵一夜露處從辰大戰至午獲功頗多餓困傳令暫收賊復趕來我兵只得將俘斬功級丟下轉戰被傷十數人我兵各路掃營接應旗手周萬諒殺死白綾甲賊將一名馬兵哭叫主子殺了上前將萬諒刺了兩槍奪去又潘映奎同總旗手陳益殺死銀甲賊一名卽時監軍道援兵先至

督蜀疏草

卷之五

八

徑過龍透鋪堵截監軍鄭知府林泰將龍冉等漢土官兵各奮勇接殺賊始大敗奔逃天晚收兵丟棄之功多所斬獲雖少然狂鋒已挫除將俘斬功級查明另報外又將陸續搽山捕獲姦細指揮林登寅至明灘口拏獲楊友貴程梯張用胡從義守備潘濟美部下塘兵拏獲雷一明指揮李承宗部下塘兵蔣興搽山拏獲童兒加銜都司楊有功兵伏奇拏獲趙義守備潘濟美塘兵拏獲奢賊偽百總張太陳啓法守備胡舜等拏獲陳宗啓共十名解報前來二月二十九日據監軍道俞事劉可

訓塘報爲飛報大捷事二十八日巳時據保寧府監軍推官胡平表報稱二十七日辰時逆賊奢崇明奢寅領賊兵數萬共六枝一由卑職武林寨中溝衝後營一由右嶺下衝右營一由左嶺下衝左營一由三江過渡登左後嶺剗梁一枝欲過渡從左營後包裹一由龍透鋪牽制馬湖林冉等兵使不得救應奢寅披青氍騎白鼻烏馬親下左嶺督兵過河衝犯左營四路一齊大戰交鋒自辰至申五箇時候銃打箭傷賊死無數不肯退步卑職只得躬環介冑與寅對敵呼天拚命挺槍出營率

督蜀疏草

卷之五

九

領將士易三桂李國選唐受劉大宗余權中余美等過河衝鋒將士旌兵望見卑職皆墮淚死戰奢寅大敗追殺上嶺殺死馬步賊并奪馬甚多後營中軍潘映奎領守備袁戎將士旗兵等過河交戰大勝追殺數里右營守備陳坤領精兵過河交戰大勝後漕將士譚弘道胡雲鳳曾選中等領兵追過三江截殺大勝逆賊反叛以來第一場大戰也皆仰賴威名不損一兵一將萬全大勝也殺死馬賊無數不知逆寅性命在否然賊兵膽落魂銷我師忠勇愈奮除生擒偽監軍李楫等并官兵

俘斬功級奪獲器械馬匹俟查明解報合先塘報同日
又據監軍推官胡平表塘報相同本日又據監紀馬湖
府知府鄭朝棟報稱逆賊於二十七日六路來犯龍透
武林卑職與胡推官林參將等營各各分布力戰賊自
石筭進兵馬建兩營兵自寅時對敵至未時仗本部院
威靈斬獲首級二十一顆生擒十六名被銃箭傷死者
不計其數得獲賊馬六十匹衣甲刀槍四十餘件卑職
又單率兵將追殺十里至黃葛舖家賊奔逃而去甫晚
勒兵回營乃賊抄長寧小路出其不意已聞龍安之營

督蜀疏草

卷之五

十一

職復與馬建兵攻逐追退勢屬全勝合行飛報三月初
一日又據總兵李維新塘報相同又據監軍道報守備
袁可成當陣獲四川總兵官關防一顆二月三十日又
據監軍道塘報本月二十八日加街遊擊舒還報稱督
同把總范興旺領兵追趕逆賊偽都司湯文臣至仙鶴
洞敵殺卑職親斬一顆楊三槐陳春林趙雄共斬馬兵
一顆家丁舒童斬級一顆乘勝又追至水車壩又戰楊
三槐陳春林等又斬一顆舒還親斬一顆趙雄嚴登范
興旺王守陽共斬一顆俘獲大小婦女七名口花槍二

枝白杆槍二十三枝大小弩十一張長刀七把飛標五
枝氍衫二領馬一匹等因塘報此長寧一路之功也正
月二十日據李總兵監軍紀功分巡川北道參政閔夢
得叙馬瀘兵備道副使李仙品塘報本月十七日據參
軍劉養鯤守備張學周將官何繼光朱朝聘塘報本日
卯時據都司范祖文報稱天啓二年十月內暗遣守備
羅奇杰指揮滿應宸持兩道牌劄前往白沙密約樊虎
營中偽參將丁世先血決十二月二十九日復差二人
間道接取於正月十六日丁世先攜兵二百餘人同妻

督蜀疏草

卷之五

十二

子至趙壩投順建功該鎮道看得丁世先年貌魁梧不
在宋張之下除給賞銀牌安插等因二月初七日又據
李總兵塘報本月初二日發納谿兵六千前鋒哨探初
四日午時官兵盡行渡江初五日戌時據中軍盧世卿
稟報據加街遊擊王思堯等十三員率兵至白崖壩截
殺賊兵本夜五鼓遇賊坐路對敵銃砲打死奢賊數十
王思堯王耀李上進劉諧各斬功一顆楊應岳斬功二
顆槍刀馬絮腦包十三件其餘未割首級我兵帶傷四
名又據監紀閔參政李副使坐督劉宗良都司周朝佐

各塘報相同二月初九日據總兵李維新塘報據中軍盧世卿稟據督陣官金珊李法塘報二月初五日酉時標營百總陳登高等督兵至羅乾溪與賊對敵當陣斬獲苗級六顆二月十五日據李總兵監紀閔泰政李副使塘報據參軍劉養鯤守備張學周贊畫黑茂何繼光朱朝聘報稱令將官鄧一价鄧一傳等領兵於本月初十日黎明直衝黑狗坪賊寨三營殺賊數百餘人奉令不敢割級止生擒偽都司姚倬才大苗目樊繼盛汪世崇劉琦王同五名內姚倬才樊繼盛大喊不行斬級解

督蜀疏章

卷之五

三

驗賊馬一匹賊營放火燒燬千總喻釗分兵衝劫賊首萬祥一營斬殺苗兵四十餘人止割三級生擒一名解道臬示訖同日又據李總兵與監軍二道塘報大兵於二月十八日五鼓已取象嶺去永寧甚近因逆賊糾合諸苗於二十一日四面攻圍我兵奔退被傷不多查實另報等情以上納谿一路之功也正月十四日據李總兵監紀兵巡下川南道右參政王世仁兵巡上川東道副使徐如珂塘報據仁懷路督陣指揮楊元報稱正月初九日戌時據加銜副總兵羅乾象後營遊擊孫逢聖

塘報本日午時蒙分布將官周宸范鉞璩國玉等三十員名領兵八千分作三路至小關子葫蘆溪悶頭箐殺賊斬獲苗級三百顆獲馬一百餘匹刀槍器械不計其數獲功查明另報二月十五日又據李總兵王右參政徐副使塘報本月初十日據副總薛來衍參將鄧蔚然報稱初八日天明差旗鼓郭思正督兵令洪綱招降阿富陳大全等攻羅書成後圍殺傷賊百餘斬苗級三顆獲馬二匹長槍三枝絮三牀投降一十八家其男婦百餘口二月二十二日據兵巡下南道王右參政塘報據

督蜀疏章

卷之五

三

監紀同知劉鼎新報稱本月十六日據小關把隘守備王元第郭定魯報稱十二日逆賊阿九引兵來攻箐壩督兵百戶黃榮吉提調徐茂爵截殺一陣部兵李成第李宏業等斬功三顆加銜指揮王懿下兵王國奇等斬功二顆指揮易元亨陳聘學各部下兵斬功三顆生擒逆賊一名石應收監理合塘報二月二十二日又據李總兵王右參政徐副使塘報為戰復十城獲功大捷事本月十九日准加銜副總羅乾象手本報稱十五日子時分兵袁登王國禎等領兵抄路埋伏土城之左逆孽

袁勳孫逢聖等領兵埋伏土城之右乾象親督大兵直至觀音崖叛賊羅向宸扶國頑阿金等三路迎敵守備譚正修等官二十五員分路奮勇大戰銳砲齊發打死三十餘賊兩處伏兵齊出斬苗級二百餘顆督陣指揮楊元親斬壯苗一顆追至儒溪河邊落水死者千餘傷總兵九朝旺淹死賊將乾象第三子僅三歲殺死周宸等兵用銃打死五六十人奪獲大小船三十七隻器械槍刀不計已戰復土城除查驗造冊另報外合先飛報同日又據督陣官楊元周宸各報相同二月二十六日

督蜀疏草

卷之五

十四

據兵巡下川南道王右叅政兵巡上川東道徐副使塘報本月十四日據加街都司僉書王元第郭定魯十二日哨得偽參將阿九統兵割管土城河岸地名箐壩約同王繼先出奇斬賊首阿九部眾共二十四顆生擒二名二月二十二日據二道塘報逆寅於本月十七日天明率羿子徑衝石子山馬邦瑞土兵奔逃薛來衍被圍殺出損兵一百三十名邦瑞被擄等因以上仁合一路之功也二月初二日據監紀督餉遵義道四川按察司僉事趙邦清塘報本年正月二十一日准副總參衍祚

手本報稱奉本道密令發守備龔自明羅廷孝等統兵前鋒偵探堵截正月初七日據龔自明報稱蘭賊扶國頑領兵數千拒占遵義府城又於府後剏立大營西賊游朝炳楊維新鄭應顯等領兵數千於龍山寺屯割五營又於總府後山割三營爲犄角之勢本府會同叅將侯良柱大犒三軍卽於本日發加街都司劉登第同龔自明等兵一千前鋒趙一傑文在茲王文學兵三千名慣熟火器弓弩手數百各令捲甲劉登第等兵暗伏後川陳心得兵四百伏白田壩本府親領河南家兵百餘

督蜀疏草

卷之五

十五

馬步弓弩三千直攻扶國頑大營各受計訖本月十一日丑時分本府親督攻城萬銃齊發火磚飛煙直貫國頑大營國頑踰牆潰走陳心得見號火領兵截至獅子橋劉登第領兵後川殺出游朝炳楊維新鄭應顯等見國頑敗走各偷路潰圍而逃侯參將督發守備陳獻廷等領馬步統手夾擊當陣斬獲偽參將鄭應明偽都司游朝帝抹賽阿烏受等死級四十顆生擒男婦十名口戰馬四匹苗槍副刀弓弩共十五件追至中莊收兵招撫流移塘報到道本月二十二日又准參將侯良柱報

稱發守備陳獻廷等領馬步銃手三千員名多帶火器傳令捲甲寅夜進發初十日夜先發精兵七百名暗伏教場南頭接應我兵從龍山寺後路直上連發火器賊衆驚潰首尾夾攻斬獲扶賊抹賽阿虎偽都司劉蛟等竝苗級四十五顆生擒偽指揮陳信等二十一人戰馬五匹大弩二十一架長槍二十八枝絮二十牀賊營盡行燒燬追殺至中莊見賊遠遠喊聲應援不敢遠追仍於府城內外多張營伍仍於龍山寺後劉營固守一面招安百姓看得府城今雖恢復但內地空虛糧餉不繼

督蜀疏草

卷之五

十六

恐孤軍難以久守合行飛報正月十八日又准副總秦衍祚手本據標下守備董國忠報稱本月初七日發祁文通弟祁文仕百總將應貴領兵三十行至花秋坪偵探安鑾抹賽吳鑾在彼招兵欲隨奢寅途中偶遇祁文仕生擒吳鑾斬高招李培軒死功一顆又獲賊婦三口長刀一把等情據此爲照本道奉檄恢復揭蘭多方招撫遂將大頭目羅安良趙國璽雷應乾陳加興陳朝敷王守玉趙祥任朝龍何銘等相繼來歸前後約四千五百餘衆屢移秦侯二將乘機恢復遵義真新春奇功本

道業已訂期以本月二十七日移沈副總由點脚壩進落紅口秦副總侯參將進安羅二村共取古蘭其拏獲叛賊吳鑾體貌甚是強梁恐其逃走當卽梟斬訖正月二十一日又拏獲奢寅偽遊擊袁衣錦係元帥袁衣錦胞弟天啓元年十一月內犯搶茶江縣卽衣錦弟兄攜人妻女被害趙文棟等認寔隨將衣錦梟示除前項功級查驗明白另報外合先塘報二月初五日又據監紀遵義道趙僉事塘報正月二十六日午時准副總秦衍祚報稱本月二十三日酉時本府方收兵入遵義城忽

督蜀疏草

卷之五

十七

報中莊一帶賊兵復至急令千總袁加勤羅起高等領兵前去截殺至宅門頭接戰當陣斬獲首級二十二顆賊始奔逃二月二十五日據監軍遵義道趙僉事塘報本月初七日據都司周朝陞報稱奉令領兵至大小二岡偵探賊首李貴於初五日率兵數百拒敵卑職卽同張文斗千總何鎮等督兵大戰斬獲首級三十五顆賊首陳茂先又據侯參將招降前來理合塘報同日又據遵義道趙僉事塘報爲撫剿成功首獲元兇事二月十八日酉時准秦將侯良柱報稱卑職屢奉本道密札切

切以招撫奢寅以大頭目安鑾楊守江卽金寶官兒爲第一義近者奉使安鑾心交僧人了相等三次密勸安鑾歸投卑職奉令搗剿竊見羅村隔拒大河安鑾爲一方巨寇故卑職惓惓招撫期剪奢酋臂十二日奢酋領兵數千至孫蓋壩各援兵未到卑職孤軍獨立勁敵在前誠恐衆心解體賊衆乘虛隨用叅謀胡來賓等畫策兵家有沉舟破釜之計置之死地而後生遂於當夜殺坐騎馬四匹會集三軍羅拜歃盟指需犒賞枵腹之衆踴躍歡呼願決死戰卽先發守備李承文張興榮火

督蜀疏草

卷之五

六

攻手一百名先於亭子山頭埋伏十四日寅時發守備陳金倫等引步兵誘敵且戰且走火器大發賊知有計不敢深追我兵乘勝掩殺斬獲僞遊擊者抹長官江五抹賽牟大旺等賊首十二級除另冊開報卽差旗牌楊應芳前去暗誘安鑾心腹大管事劉崇德親管羅加旺張大旺等前來投見卑職密諭厚賞以結其心發回勸化安鑾彼見奢富潰敗向順之念愈堅隨卽暗約卑職助兵挾取妻子渠料卑職未必發兵亦藉以窺我虛實卑職深察此意一面令羅安良進陶安灘以牽賊勢一

面點選精兵舍人侯國藩侯忠等七百員名多帶火器渡河溷同安鑾步兵於十五日夜徑抵楊黃三寨銃砲震天賊不知我兵多少扶國禎帶兵先走餘衆倒戈叫降安鑾當將妾石氏子安在嵩盡數撤回并黃楊三寨及董戴二坪僞都司盧江等計五千餘口卽日渡河卑職先令多兵徇河接渡賞安鑾子安在嵩紅段一端三兩銀牌一面冠帶一副卽與黃傘簪插二兩銀花鼓樂迎獎其餘日把逐一厚賞其安鑾之子及僞官盧江盧淮趙興朝劉崇德羅加旺唐忠韓富黃永堅趙廷富韓

督蜀疏草

卷之五

九

興鄧明才蔡成榮姜榮余四嚴桂山王才令其前來投見本道據安鑾稱奢富扶國禎止兵三千願作鄉導引官兵攻取立功等語卑職謂彼初投不宜擅令立功權令隨營以收全捷奢富等酋可計日而得也俟事就之日卽令安鑾并前獲陳茂先回來投見伏乞轉報等因到道該本道看得自受事以來日夜欲剪除奢酋黨羽必招大頭目然後可潰衆叛賊之心使知各各回頭東邊趙國重等王守玉安鑾楊守江卽金寶官兒前趙國重羅安良等四千餘衆既投降矣所慮者惟安鑾渠魁

顧多方支吾不肯過河本道差加銜都司羅安良田應
斗等復差僧人了相又差加銜都司李棟同綦江省祭
安鑾兒女親家喻文富幾番前去招撫安鑾昨聞本道
發副總秦衍祚侯良柱至安羅二村而安鑾嫡妻王氏
親筆稟帖於本道求饒他一家千口性命今接侯良柱
塘報安鑾率家五千餘口過河投見而侯良柱卽行賞
資寵之以黃金榮之以冠帶今安鑾來歸扶國頑楊守
江趙國壁指日可望奢寅只在目前授首矣理合塘報
又據李總兵塘報相同二月二十七日又據監軍僉事

督蜀疏草

卷之五

三

盧安世副總沈崇極塘報已取落紅口招過羅華羅用
七十二洞苗民見在約會泰羅二將之兵進討古蘭等
情以上遵義一路之功也各等因到臣看得官兵四面
環集計擒斬之功千餘爲數頗多而逆賊四出衝突披
猖之勢猶熾獨長寧兩次大勝與取土城落紅招徠安
雖卜昏諸洞足以剪羽翼而寒賊膽但近日黔中撫剿
之局未定諸土司搖拽有推奢氏爲盟主之說者故二
酋爭獐之狀雖屢愈張官兵單弱之處間有不利且京
帑楚帑望眼將穿而漢土各兵告餉日急遵義殘疆無

米接濟卽有羈縻之策恨無雨粟之供此一事又臣所
深爲隱憂也獲功兵將重加獎賞鼓舞失事官兵行令
戴罪討賊外理合具題伏乞勅下兵部立案賊平一體
查叙施行天啓三年三月初二日具題奉聖旨兵部知
道

督蜀疏草

卷之五

三

縣令給由疏略

題爲遵例考覈給由官員事據四川布政使司呈奉臣
批據南川縣申准本縣知縣韓應龍關稱湖廣襄陽府
光化縣人由舉人云云蓬溪縣申准本縣知縣倪參化
關稱湖廣五開衛籍直隸揚州府江都縣人由舉人云
云梁山縣申准本縣知縣周惟軫關稱廣西寧遠府宣
化縣人由舉人云云威遠縣申准本縣知縣董養中關
稱雲南大理府太和縣人由舉人云云昭化縣申准本
縣知縣鄭之良關稱湖廣黃州府黃岡縣人由舉人云

督蜀疏草

卷之五

三

云該臣查得威遠縣知縣董養中曾經被賊駁回查議
隨據布政司回稱行據嘉定州申稱查得查首圍省犯
縣本官防禦擒斬頗多及縣被殘旋即恢復功冊見敘
先奉總督張侍郎憲牌查州縣各官如倉庫無恙德勤
有功免其失守准令給由已經遵照外該縣印信倉庫
獄囚一一俱存立有功勞例應給由又該本司查得威
遠彈丸之地要守日久新獲多功衆寡不敵本官費阻
控茲追剿恢復倉庫無恙金湯依然捐俸助餉功足掩
過所當免議又梁山縣知縣周惟軫奉委綏靖望紀以

致月日稽遲原係公務別無規避俱應准其給由准吏

部咨云云等因俱題奉欽依移咨通行在卷今據前因

該臣會同巡按四川監察御史張論考覈得南川縣知

縣韓應龍操持峻潔才具疏通字民痛癢關心戡亂妖

氛絕跡蓬溪縣知縣倪參化丰格軒昂精神瑩朗釐剔

力祛害馬撫綏能集哀鴻梁山縣知縣周惟軫忠厚宅

心端詳莅事展措庭無積案撫摩野有餘育威遠縣知

縣董養中豈弟宜民端嚴集事保障不辭鋒鏑撫字常

寓催科昭化縣知縣鄭之良才情宣朗行履端凝催科

督蜀疏草

卷之五

三

民樂輸將整飭吏無欺隱各官職業俱脩考居稱職除
批令帶俸管事董養中前後歷任與韓應龍倪參化周
惟軫鄭之良各任內行過事蹟徑自造冊差人齎繳五
事冊揭行令咨送部院外內韓應龍地近苗巢當賊發
難白蓮邪黨稱王建閣附和橫行本官同典史集兵剿
芟數日廓清兼復某江厥功最著雖加運司仍當照品
以部屬行取倪參化緝拏姦細應酬土兵獨撐山城保
障最苦募兵一千五百復委督毛兵取渝功蹟在卷况
其潔已愛民頗聲洋溢應破格加陞以示勸酬周惟軫

因委真安監軍督餉見歷艱險以致給由月日稽遲原無他故理合具題伏乞勅下吏部將知縣韓應龍倪參化周惟軫董養中鄭之良再加考覈酌議題覆旨行天啓三年三月初二日具題奉聖旨吏部知道

督蜀疏草

卷之五

五

加銜被羈張同知并補員缺疏

題爲府官借道被羈仗義不屈仰祈照例陞擢并議推補員缺以固疆圉事臣屬遵義府同知張起鶚自到任以來清白裊躬精詳蒞事採木完報獨蚤署府廢陞俱修蓋卓然方正之品經濟之才也先是督兵赴援旣殫萬里之勞回任借才遂有嘉定之委是時蜀中妖教繁興而該州特甚本官一受事卽設法招安擒厥渠魁散其黨羽合郡翕然神君與慈母並頌迨棘闈事畢忽報該府知府杜天培物故本官不得不回遵義以管府事

督蜀疏草

卷之五

五

矣奈州印甫交大難頓發水陸二途登時梗絕在全軀護妻子之徒畏禍遷延藉口無路何處不可自全而本官獨慷慨激烈奮不顧身謂夜郎一角之天實全川半壁之障不固播無以制蒞不請黔援無以遏狂鋒遂假道鎮雄匍匐而入畢節欲效哭秦救楚之忠爲去韓走魏之計此何等擔當也不謂水西諸目把狐兔協謀豺狼肆毒陽爲好言堅留不放又怪其勁氣剛顏不肯依阿供應則日薄一日居處則日遠一日漸至鳥獸與處口腹不充濱於死者數矣臣初訪問全無下落屢詢鎮

雄始以實報所差叙人黃騰高爲苗至西溪地方親見本官衣衫藍縷意氣如常惟曰見危授命更何言哉求其書而不擗管問之言而不開口蓋既有委命之達襟亦存防姦之深意也臣誼在同舟無計相援每望蚤出具疏揄揚乃今事機未偶阻絕日長不敢不據實上聞夫聖恩浩蕩匹夫未有向隅獨此一臣懷忠被羈經年未返耿耿一念可與日月爭光其幸而歸則疾風之勁草也卽有意外亦全節之勞臣也伏望皇上垂憐勅下吏部卽依資俸特陞四川按察司副使之銜以俟

督蜀疏草

卷之五

三

生全之日議缺填補使起鶚聞之知幽谷重陰尚披天日而遐方異域俱頌聖明西顧無隱不照益以鼓勞臣而激義士矣其同知員缺正在干戈搶攘之際不容乏人行據四川布政司回稱原任彭縣知縣今陞陞安府同知冉峯才利盤錯守砥冰霜展其蘊可以解繩買轎移之近更爲就熟駕輕張起鶚伏節遐方義不顧身當從厚議而新疆悠悠無辜應急將本官改補起鶚員缺以固地方等因到臣該臣會同巡按四川監察御史張論覆查得遵義新疆殘破已甚非良有司不能料理而

非就近移改亦難望其依期受事同知冉峯素有得民之譽兼著禦賊之勞就近改易最爲得人伏乞併勅吏部覆議上請將張起鶚加陞副使職銜冉峯卽補前缺遺下雲南臨安府同知員缺另行銓補俾仗節之臣知有感佩而殘疆事務不致廢弛所裨益匪淺矣天啓三年三月初二日具題奉聖旨吏部知道該本部覆奉聖旨是

督蜀疏草

卷之五

三七

請補副總中軍疏

題爲請補中軍官員以資征剿事臣本書生未諳軍旅
頃蒙皇上授以總督四川兼制秦楚鄰邑專討蘭賊靖
安蜀土責任綦重敢不勉竭拮据惟力是視顧逆賊據
結鄰苗招用苗獮五路斷險百計作奸官兵非不屢捷
而銀米每苦不敷負嵎之勢彌兇燎原之焰尚熾查得
各邊總督與先臣李化龍奉旨討賊標下置兵三千設
有副總中軍一員主傳宣號令遊擊二員操練兵士分
投策應今方臨敵征討資糧匱乏亦不敢濫用名器留
督蜀疏草

卷之五

天

兵幕下惟是臣身在行間一切傳宣號令催督將士惟
中軍官是賴而新推中軍遊擊吳世重日久未到大敵
在前用人爲急查得原任中軍官今陞松潘叅將管副
總兵事魯美中沉雄慷慨廉靖安貞解圍已樹偉功應
務確饒成筭雖到新任尚未離局業經督臣薦敘原係
優陞之列合無卽以本官陞副總兵管標下中軍事務
庶轉移間不必借才理合題請伏乞勅下兵部再加酌
議將魯美中加陞副總兵管中軍事遣下松潘員缺另
行推補吳世重俟到蜀查缺咨用覆議上請行臣衙門

遵照庶事有責成天啓三年三月初二日具題奉聖旨
兵部知道該本部覆議以叅將管副總中軍事奉聖旨
是

督蜀疏草

卷之五

无

遵義道勅被焚請給疏

題爲道臣勅書被焚乞賜查給以明事權事據遵義兵巡監軍督餉道四川按察司僉事趙邦清呈稱本道於天啓二年十一月二十五日前去桐梓監軍就近恢復遵義擒剿逆酋進抵水崖山頂創營俱係就地草蓋營房千間節次拏獲姦細供稱奢寅惟憾趙監軍忽於天啓三年正月初七日夜四鼓被姦細從本道自住營房外面放火本道家人梁進才知覺大叫驚起方出營房四面皆火僅以身免風猛火焰障天軍器衣服戰馬登

督蜀疏草

卷之五

三

時燬盡其火藥鉛彈幸收土庫未曾焚燒原領勅書與本道一應卷案頃刻灰燼止存印信並無損壞但火起深夜情出不測所有勅書例應具題頒給等因呈詳到臣該臣會同巡按四川監察御史張論查得遵義道僉事趙邦清奉委監軍結營草莽姦細放火變生意外然勅書大事人臣所當慎重而昏夜火發一時卒難點檢情在可原相應具題伏乞勅下該部查照該道職掌撰擬勅書一道頒發臣衙門轉給本官收領討賊天啓三年三月初二日具題奉聖旨該部知道

揭報改留余同知守重慶

爲議改勒苦清官以撫地方以慰衆望事據兵巡上川東道副使徐如珂呈奉本部院批據重慶府巴縣兩學生員錢嗣起李有寶牟鍾英胡來賓劉世澤鄧恒毅吳顯烈程先登錢夢周蹇超之錢夢益汪慶霖羅太字劉遠翔劉世禧胡聖臣黃世清等呈前事竊惟渝城天塹風號雄都苗賊犬狴突成奇變刀頭濺頭血不問義士仁人城上現焚神盡爲墟丘瓦礫散離赤子望祖父母之卵翼皇皇殘喘子遺賴良有司之撫摩岌岌本府余

督蜀疏草

卷之五

三

同知衷可履水質鬼守嚴四知目以迎刃遊虛金從百鍊昔曾佐郡二年德政銘心今幸字渝一路福星載道提兵賊壘佛圖之中勇擎天督陣南坪字水之衝鋒震地及視郡邑之篆偏生月骨之春藏庫盡空心計獨煩好手郵傳都廢區畫每費良工望之如雲一時廬舍俱就澄之若水六曹孤社潛消脩隍鑿池理屯葦堡風清弊絕僮起危安鑑別妍媸用壯青衿之氣公行賞罰隱禡奸黨之魂華袞共斧鉞齊彰善政與仁心並出何期周憊得此神明前問檄令督兵振輟孔亟茲見刻遲擢

典藉冠彌殷仰惟太宗師在上埋輪著績才能必貯於
藥籠攬轡澄清湯火諒需於良牧倘二十封一日少此
同知良莠奸生嗟倒懸而誰解若二千石斯時借以太
守民安地習忻化瑟而謳吟卽其數載之勤勞克堪憲
司之起擢願從階晉俱借淪留庶久破之城永叨慈庇
卽大宗師之慈庇新痊之衆得終帡幪卽大宗師之帡
幪起等身沐其恩不能不口揚其美等情奉批仰兵巡
上川東道查報奉此又奉本部院批據重慶府巴縣兩
學廩增附生員楊瑄王文輝安爲畢賈襄之王文星胡
督蜀疏草

枯槁之復榮且饋運不支而措置多方推空釜難炊毀
然於朝三暮四之外兼士作繼至而調停有法卽悍僕
莫御帖然於東來西往之間苗民之偵探盡收影絕秦
官之狗梅使之經過無苦聲隨月店之雞重關之控正
雄兩河之巡不絕練戶口以坐作之法強於鋤耰付胥
役以啓閉之司壯於鼓角四方鼓舞一城熙寧五袴堪
歌尚謂廉來之慕北門爲守惟期寇借之長向或令監
軍便覺手足無措今惟使守土真成父母相依伏蒙大
宗師威振中外德被蒼黎鑒赤子之愚情允黃堂之專
督蜀疏草

地方捭捭人心蠢動渝且岌岌乎危矣幸本府余同知天賦忠勇人稟孤貞清屯百十餘分每年計錢糧七千賦贖纖毫無染每月去火耗數百至於議達於未變之先設城梁壯渝城之險勤王於既變之後督秦兵扼佛圖之關一聞旌節到渝遂令旄倪安堵迨署篆務益著勞辛獨臂支府縣之劇一身任軍民之責晝夜兼巡心力俱苦且申飭保甲督練鄉兵設法處軍士之餉幾近萬餘多方置守陣之兵不止千計拮据群務二十州邑盜同春藹整肅兵戎土漢客兵不犯秋毫至於設處各

督蜀疏草

卷之五

三

驛夫馬清查近郭拋荒賑恤死凶撫綏流殍未易更僕其他衙舍冷若絳僧操守澹如秋水擔當可赴湯火正直真泣鬼神道路自有口碑祖臺自有神鑑一聞監軍檄至舉國皇皇如失怙恃伏蒙憲臺題請闔府百姓喜若更生恨難赴關力為催請第百姓至微君門至遠非仰藉祖臺再為催請豈能肉白骨之民起瘡痍之色哉合詞上請伏惟俯體輿情或題留府職或加銜憲司庶借本官一口之冠仰貽萬姓一日之安生靈幸甚地方幸甚等情奉批仰巡上東道併查報奉此又奉本部院

批據巴縣耆民楊孟餘張觀魁等訴為乞推廉能以安地方事重慶府易治比遭賊變定安最難幸賴本府余同知招集遺民疏通商旅剔除奸細懲治亂黨脩理官舍分佈民居補葺城垣派守險隘備械守攻召兵行住錢糧不給則勸民樂輸夫馬逃亡則多方設濟撫傷殘如診脈祛毒害猶切膚續靡欺乎上司事盡彰夫民視乞賜表揚俯從民望等情又據朝天驛馬戶汪啓渭王朝用等訴為懇恩特奏清廉守郡事渝當衝要二十年來兵荒運餉疲困備極余同知分署數載清白之操

督蜀疏草

卷之五

三

仁慈之政八十里恪遵化理二十封咸與維新人人有父母之呼在在抱青天之頌懇乞特為保奏撫守渝城庶赤子有托元氣復完萬代公侯叩天三祝等情俱奉批仰兵巡上川東道併查報奉此該本道副使徐如珂看得二守余新民之大有造於渝也渝人士不啻家戶而尸祝之矣而本道總而名之曰真天地為昭金石可貫是為真人格高聲鼎價重瑚璉是為真品驛息千里揮斤八極是為真才強禦不畏威武不屈是為真力量宇宙在手造化生心是為真經濟以故署邑則邑治署

府則府治署成都則成都治而出其緒餘以陳師鞠旅則又無不治有臣若此卽遺大投艱端有賴焉而區區二千石豈足以竟其施哉蓋渝人士之引領而望其卽真也久矣前歲題而不允猶爲倖未及期今歲覆而不補實爲民失其望此自鄉紳孝廉文學士庶以致輿隸廝養無不求得之以長撫此渝也而本官方引以爲愧避以爲嫌至欲稱疾求去本官固不難敝屣一官而地方則何可一日無此官哉似宜俯順民情再申前請必使真正循良久於其位而後已若謂朝議已定新守有

督蜀疏草

卷之五

三

人則或援近日事例加以監司職銜俾之監軍督餉而猶恐六年之循吏百瘁之勞臣不宜止酬以僉事銜也等因呈詳到職查先該職題知縣趙民載改安岳縣一疏奉聖旨趙民載准留用該省兵事方急各官有就近更置留任的聽撫按官便宜行一面具奏事平照舊該部知道欽此隨行五路監軍各道再加揀擇酌議另行題請外看得設官原以安民而在大亂之後招徠綏輯尤非容易同知余新民清白剛方素稱鐵漢何嘗買名沽譽而士民愛戴若赤子之依慈母嗷呼載道不能

沮遏者蓋緣平時之康正素得人心難後之調劑番中驟驚近日調兵進剿悉取道渝城本官獨力主持不令侵擾尤民情之所依歸公論之所推戴也况其在圍百日備殫守禦之勞二郎先登遂成破竹之勢尤功績之彰彰在人者近題陞本府亦是循資緣以馬湖府知府鄭朝棟奉旨改補重慶雲南大理府知府鄭榮改補馬湖遂未允從但渝民日日赴愬情不獲已馬湖知府鄭朝棟見督士兵長寧討賊四土司相依如命決不肯捨而朝棟亦願竭力搗剿堅不赴任一爲治兵一爲治民

督蜀疏草

卷之五

三七

當此倉皇紛擾之地關係匪細不敢辭瑣賸而悞地方合揭本部煩將余新民仍陞補重慶府知府撫民催餉鄭朝棟仍管馬湖治兵討賊俱候叙功加陞監司鄭榮卽改四川龍安知府旣已慰士民之望且以結討賊之局地方幸甚天啓三年三月初二日揭報吏部院科

塘報緝獲真正首惡王道達等

爲緝獲真正逆黨事天啓二年十一月初九日據兵巡上川東道四川按察司副使徐如珂呈報據標下加街守備王元第拏獲偽參將王道達解道批行重慶府署印清軍余同知審得王道達係九姓長官司生員領兵援遼教場行兇守本府出奇門充偽參將職銜其姪王化每與千總沈應龍等約爲內應道達殺訖城復之日道達隱姓名遁入散兵投降王元第營中安插真安州逆酋詭計非真降可比向成都攻北門據薛來衍兵斬

督蜀疏草

卷之五

三

首者係王道大此犯方真是道達應依律正法解報到道本道看得偽官王道達其爲害於渝城非一日矣本道用間用購百計以致之而不可得不意溺於降兵中幾乎逸去莫可踪跡也幸王元第覺而縛之此正樊龍張彤親信用事之人罪不在諸叛黨下者似應與緝獲張彤之子張鳴鳳牢固監候一併獻俘等因本年二月二十三日又據重慶府署印清軍同知余新民申報本年九月二十一日據巴縣耆民羅孝東首稱五月二十五日渝城恢復本縣逆民毛宗榮向住遵義今回重慶

帶出苗子楊鳴鳳等背負行李黃夜至縣民劉攀榮家

竊藏隱匿四箇月今查楊鳴鳳係賊首張彤親子改名易姓衆口紛紛首乞正法隨拏鳴鳳李大毛宗攀到府審據楊鳴鳳供稱係賊首張彤第二子隨彤在城原聘生員袁師古女爲婚議聘儀三千兩絹段三廂城復之日銀絹官兵盡搶此其的據李大係內江縣人原住遵義亦被毛宗榮帶出竊藏各情是實等因各招詳呈報到職除輕罪人犯批行發落外看得王道達張鳴鳳原係有名首惡逸而復獲知天網不容大愆通漏省城斬

督蜀疏草

卷之五

三

者既係王道大則道達與鳴鳳併當監候待擒獲奢崇明父子一同獻俘以俟藁銜天啓三年三月初二日塘報兵部科

乞恩改給封典疏

奏爲比例陳情乞恩改給誥命事臣一介草茅濫叨隆
遇自起家大理寺評事迄陞蘇州府知府兩次考滿臣
父母及臣妻並叨恩典迨陞廣東提學叅政游歷四川
布政司左布政使兩遇覃恩榮及三代臣之遭際甚厚
而涯分已踰矣茲者復蒙皇上晉臣貳樞畀以節鉞視
前秩更加而臣源本之思更有不容已者查得大明會
典一款萬曆元年題准京堂官先任方面二品已領誥
命後歷京官三品考滿者許以京銜改給臣於天啓二
督蜀疏草

卷之五

四

年十月初十日奉旨加陞兵部右侍郎又查本年十月
一十八日該吏部題爲奉旨申明覃恩定制事奉聖旨
是這覃恩期限既經申明著自本年十月終旬停止凡
內外各官引用恩詔及年遠請乞的槩不准行在外本
章通政司不得封進欽此臣奉命之日原在覃恩未斬
之先實與例符竊惟樂莫大於榮親恩莫高於累錫臣
父隣年踰八旬相去萬里久違菽水之養獲邀錫予之
恩直草野之奇榮爲天倫之樂事臣祖以京雖不生受
亦得遠追九原有知更當踴躍臣卽捐糜何足爲報天

地之大未嘗靳於用恩犬馬所希亦既邀有成格謹瀝
情悃干冒宸嚴伏望聖慈俯允勅下吏部將臣祖臣父
查照新銜改給應得誥命仰戴高厚曷有窮期臣不勝
激切懇禱之至天啓三年三月初十日具奏奉聖旨准
改給吏部知道

督蜀疏草

卷之五

四

縣令給由疏略

題爲遵例考覈給由官員事據四川布政使司呈奉臣批據華陽縣申准本縣知縣王洪關稱湖廣黃州府蘄州人由進士云云呈乞照例會題并開具稱職考語起送到臣該臣會同巡按四川監察御史張論考覈得華陽縣知縣王琪英齡老識粹履宏才絃歌化洽言游保障功高升鐸本官職業俱脩考居稱職除批令帶俸管事任內行過事蹟徑自造冊差人齎繳五事冊揭行令咨送部院外近准吏部咨該山東撫按題該本部覆議

督蜀疏章

卷之五

聖

順天等府十一州縣及永平所屬各州縣准筭邊俸凡歷俸二年准作三年山東登萊二府州縣正官并四川貴州雲南廣西及偏沅一帶附近貴州者俱筭邊俸仍行撫按查明報部等因隨行布按兩司查明另報外今查知縣王洪邁賊之難身兼兩縣事務器具無不取辦戰守備效辛勤及查緝姦細調劑軍民皆井井有條人歡洽載道口碑有不可掩者近接邸報見部覆鉅野縣知縣趙廷慶及大名府推官陳世竣亦以捍城有功比照題准新例行取入京仰見皇上重封疆而勸賢吏

德意良厚今王琪歷俸三年應比照邊俸三年准作四年之例亟應行取考選優擢庶清華可慶得人而勞臣益有激勵矣理合具題伏乞勅下吏部將知縣王琪再加考覈酌議題覆施行天啓三年三月初十日具題奉聖旨吏部知道該本部覆議行取奉聖旨是

督蜀疏章

卷之五

四三

糾參攘功道臣疏

題爲道臣昧心攘功塗面攫利據實糾參以伸公道事
臣惟程勞課伐國有明章掠美竊貨世所共憤乃有無
勞而攘首功設局以網厚利如原任四川按察司兵巡
下川東道僉事今陞叅政戴君恩其人者廉隅盡喪物
論沸騰臣與按臣固皇上所命以飭紀綱明是非者也
誼難緘默謹畧一剖折焉夫曩者重慶之復仰賴皇上
威靈腥穢畢洗天地重開督臣張我續實主調度按臣
張論實主監理文武諸將吏覩勉其事詎曰無功顧論

督蜀疏草

卷之五

四

其大較自副使丘志充督毛兵西兵直攻佛圖各官兵
助之戮屍成坑而賊之項領斷實功也副使盧瑛田等
各率精銳以迎周鼎赴援之寇二萬人無有還者實功
也副使徐如珂徒步起義自前歲十一月卽糾集金富
廉等分門堵截屢屢血戰雖佛圖奪而復失賊竟不敢
掠於三十里之外實功也此外勞人瘁士尚難更僕寸
長片善自宜畢收卽君恩礫礫因人成事督臣亦槩爲
查敘獨是洋洋然自誇招降一節臣實不解夫招降者
必賊勢猖熾我力單微乘隙用間誘令解散卽臣亦何

常不爲此計若夫聚師十萬合圍半年敗鼓之皮煮鴨

俱盡接濟一斷斗米千金此時須招乎不須招乎賊如
樊龍張彤可降乎不可降乎爲君恩者儻能約會諸將
吏發誓盟天各抽精銳一鼓而登仍今之曰殺苗爲功
殃民必罪卽未一一無恙而所全者尚多奈何借公衆
營私圖向白日作暗事家人有何親故屢遣入城縋堞
悉係餓殍豈云奇貨既携兩賊登舟何又縱之復入以
十萬人苦攻惡戰耽耽睥睨者而欲獨納之懷袖遂致
衆怒陡發逆體支分萬炬齊紅滿城立燼試問君恩是

督蜀疏草

卷之五

望

招降也生致二賊獻之闕下乎倉庫無恙乎連雲密構
留得一椽乎哭女啼兒救得數命乎薛來胤已被斫一
刀身獨倖而得脫輒避險局攘美差臣已大薄其爲人
矣今蒙皇上不待勘議立晉三階小臣隆遇實所稀有
乃陛辭數月優游不前忽於三月初九日具稟到臣云
湖廣容美宜撫司土官田楚產勃勃技癢求臣發檄調
之赴援仍自任荆澧之間括餉以給夫君恩豈不知蜀
方用兵又豈不知土兵難用秦良玉素負忠義咫尺忠
州調之必半年始至況於遠在洞庭湘水之南風馬牛

不相及者哉蓋其營營一念既得顯名益思厚實從前
 土漢所饋僕壻所擄猶以爲江海一泓未滿所欲臣若
 不量而與之櫟今而後子姪姻親俱可將帥安家衣甲
 隨意花銷倚土官以爲市括四郡以爲囊借題高坐如
 向者援成都各將故事蜀幸而勝則曰來意甚善費不
 可追蜀不幸而不勝則曰不該驟進原當待我其疏所
 云三十幅共一轂當其亡有車之用埏埴以爲器當其
 無有器之用非常之人爲非常之業蓋正指此又云先
 發帑金三十萬韓臣等半年之需而復假以便宜使得
 督蜀疏章

卷之五

聖

爲所欲爲寬以文墨使得竟所欲竟一腔心事業已盡
 獻矣嗟嗟蜀之兵饑民困朝不謀夕監司自林宰以下
 或轉運艱難心血並嘔或迎敵指麾家難罔顧累月經
 年不敢告勞而獨君恩不說一實語不作一實事名利
 必欲兼攘是非任其顛倒計得氣張遂嗔口而欺皇上
 藐撫按一則曰臣等二則曰臣等後薪反上捷徑偏饒
 安能令勞臣不解體而戰士不灰心哉若其治邑賦穢
 口吻猶喧告逆遊移鬚眉盡剪躍冶敗羣自以爲至巧
 臣實嘆其愚也伏祈皇上勅下吏部亟議褫斥或降用

別省以維一線公道其於危疆不直小補矣天啓二年
 三月初十日具題奉聖旨該部知道

督蜀疏章

卷之五

聖

黎州土官襲替疏

題爲地方事據四川按察司呈奉臣批據分守上川南
道呈據雅州申奉本道信牌奉臣批據嘉定州儒學訓
導今陞雲南永昌府保山縣儒學教諭周師望係大渡
河所人呈稱卑職邊鄙草茅謬叨今職家本武流兄襲
祖役十世受國宏恩九代服官守禦先因本所土官瞿
馬爭構敗土削爵卷案可查未敢贅具近以苗首叛亂
土官安氏爲彼姻親屢次助逆殺機露於藏匿奢兵與
打造於箭逆形見於燒燬官店與追殺土民於天啓二
督蜀疏章

卷之五

哭

年九月二十五日調集山後西番與七枝苗兵意在攻
城直犯榮雅幸有李遊擊多方捍禦不致猖獗卑職禍
切同室救急纓冠思得馬氏之中向化效順者惟一呬
什卽今所舉土舍馬應乾乃先馬應龍胞弟自萬曆二
十九年隨安氏出穴管理地方安氏徒具虛位應乾實
有功地方昔以苗俗上蒸其嫂今以忠順大義減親乃
因諫阻逆謀安氏不從其言遂至割恩絕不相見退居
松坪地方去本所六日山行俱皆攀藤附葛卑職間行
同千總詹長直抵松坪穴中多方化諭先蒙守道陳參

政賞有字匾高義可嘉與花紅等件應乾懷此恩德卽
聚通族舍人六十餘人與本處苗人千餘同伊胞兄義
勿軟血盟誓舉順逐逆衆口一詞願得應乾爲主比應
乾一至富林營衆苗俱皆左袒而西番卽各散去卑職
嚴詞諭令隨從安氏苗民不許仍前助惡當將安氏逐
至媽箐山聽候命令隨將應乾帶至本所於十月十五
日通所土庶耆民人等漢苗共二千餘人歃血共保應
乾管理地方次日應乾卽行木刻插豎各寨去後隨據
馬族舍人各寨耆宿投具保結立案申聞閣所通議前

督蜀疏章

卷之五

四九

有降授土千戶印信見貯雅州庫中原案俟馬氏真正
土官方授今應乾係衆苗推立漢苗傾心非比乘機要
挾而衆苗觀望亦在印信若印信一給則衆苗知有其
主馬氏亦甘心效力矣但安氏謀爲不軌罪在不赦若
貸以不死乞照瞿氏故事逐出榮經縣黑麻溪幽住似
爲長便若不逐安氏則馬安之讐不深蘭酋不無望援
久之又恐再生他虞卑職雖夏蟲腐鼠每念含沙填海
應乾乃窮骨寒窮第恐有司牽於文移謂土官爲奇貨
可居以印信爲香餌可漁生一疑難之心則卑職不死

於短刺之苗則死於舞文之手且卑職私心自誓恥與
兇惡同天又何辭肝腦塗地然一家何惜一命何惜但
誤地方以誤國事不小也僥賜施行惟乞憲轍差官監
押里職至本所取具圖所結狀職今叨轉雲南教諭亦
不敢違去願與應乾共保二年三年地方無事以待大
破蘭酋方敢別委如東元三哈又係別項事件與此大
同舉立各別二犯宥則同宥罰則同罰若罪以未減罰
其軍器各百餘副亦足以助軍需第應乾得立此不過
一檄而定耳此係邊方苗情重務事理豈是病狂喪心

齊蜀疏章

卷之五

辛

希名干進自取誅戮等因奉批仰守巡上川南道會同
建昌道速查議報奉此備移巡上南道并建昌道會議
外又據雅州申奉本道信牌蒙巡按四川監察張御史
批據雅黎遊擊李毓華呈為舉忠順消逆謀以副苗望
以靖地方事據大渡河守禦千戶所申據本所鄉官土
監生員周愷李場陳良玉劉繼武周師望曹堂丁王文
翰黎之俊唐之亮黎之傑許忠國唐之愈萬文曹堂守
曹堂壁曹錦郝聯貞曹銓朱九鼎張玉唐之儀劉啟陞
李思泌等連名呈稱本所土官原設安撫司副使先年

瞿氏繼夫馬祥管印晚年聽奸鼓惑謀欲以瞿易馬致
土舍馬應龍稱兵手襲圍城倡亂奉旨勘斷追去安撫
司印信將瞿氏逐出榮經縣創應龍以土千戶職銜管
理下七枝地方尋請改授土千戶印信一顆未給應龍
身故其子馬新壽亦故安氏繼夫承立比議若將印給
安氏恐蹈瞿氏往轍向貯雅庫俟馬氏子侄承襲方行
給掌安氏管理多年功過相準近因奢崇明娶伊次女
情聯骨肉助叛情真去年賊逼省城氏亦欲圖本所賴
苗人多半歸服嫡派土舍馬呷什即今更名馬應乾多

齊蜀疏章

卷之五

至

方駕馭陰謀乃阻今復假以給改土民東元千總之故
於地名深溪陰養奸賊數人糾聚番僕數百聲言於本
年十月初四日破城長驅為奢外援且布張告示安申
文移背叛之言滿紙有據蒙李遊擊諳賊情形點集在
城軍兵清理十甲牌於九月二十五日赴教場捐金犒
勞分布防守差官點齊蠻莊井各鄉屯鄉勇千餘於漢
源街劄營備禦嚴飭各營兵目申文建昌道請援調取
雅所官軍赴用威聲大振苗方落膽當此之時苟非本
府運籌多筭預為之待本所上下協心慕爾沉黎不知

何狀目今大張天討者賊固知進無能爲第恐計窮之際地與安氏相通退而依爲黎邊之害似可虞也復蒙本府差旗牌張朝鼎千總詹長所差旗軍何惠於地名松坪喚出應乾責令協保地方隨據馬氏族衆目把耆宿馬義勿等老幼相率赴所沿門懇告口稱安氏謀叛與馬氏無干誠恐禍成壞伊爵士累伊身家情願舉順去逆保立應乾管理地方等情本所官士軍民鄉耆人等於本月十五日齊赴土主廟與馬氏族長馬義勿舍人巴路陸撤脚歪阿交耆宿賈出馬國然阿迫陸保長

督蜀疏草

卷之五

三

哥脚撤通把朱慎蘭友枝白聘簡土民張友成郭應舉等僉議俱同義勿又稱應乾是我胞弟馬深是我生子深雖派當繼襲奈何癰應待死深子年方八歲難以任事今日四境歸心通族推戴惟一應乾耳後應乾年老深子成人自當替襲無煩再議馬義勿并各舍人目把自認木刻甘結在卷訖竊念安氏爲謀不軌姑息終爲邊患殄除必煩致討不若立一馬姓則苗衆歸主耆子獨婦更復何爲土司立官惟防爭論今既議出本宗衆口一詞可無他慮夫以漢官武職年至六十卽當告替

矧安氏年近七十昏亂老嫗豈宜久養爲禍呈乞備達院道俯察下情允從輿論查照舊案循馬氏承立給印之議授應乾以土官之職則馬氏存歿快心矢忠報國黎邊享太平之福奢賊絕肩臂之望矣據此又據閩所旗軍詹長劉妙成頂汪斯王馬兒小張何惠宋貴三羅艾輕等五百名訴爲懇電逆謀俯勵忠順以明賞罰以靖地方事竊照黎州安撫司自始設立土官鈐束諸寨番苗後因瞿馬爭變土舍馬應龍誘苗圍城削職降印改爲土千戶職銜印信一顆應龍與子馬新壽相繼身

督蜀疏草

卷之五

三

故未經襲任將印信解雅貯庫立應龍妻安氏以妻繼夫權更名馬之良管理地方今經數載因叛逆耆首娶安氏之女爲妾豈氏不思國朝王法只爲姻親私念於去年妄生暗逆不意洩漏自懼誅戮逃遁深溪避罪今又聽奸撥弄擅兵圍城謀占改土地方雖事未成情已顯露幸有原隨本官協理親派土舍馬應乾頗知忠順勤理地方各寨番苗畏服今聞所土庶鄉耆見地方擾亂皆欲保舉幸蒙牌喚本族同派各支土舍耆宿目把馬義勿馬撤哥保元朱慎野馬他等恐安氏生靈累絕

馬氏爵士願立應乾爲官管理地方但查雖有先保應襲馬深已成難應不能承襲深生有子幼弱欲待成人竊慮地方多事難以久停應俟成人替襲訴懇俯將應乾備達允給印信鈐制番保庶地方有所責成軍民鄉村不遭塗炭據此又據耆民商旅富莊鄉勇徐榮陳國胤祝上策張南川等三百名訴爲懇恩備達允靖地方以明賞罰事竊照黎州安撫司自始設立土官鈐束諸寨番苗後因瞿馬爭變削職降印改爲土千戶職銜印信一顆比因土舍馬應龍父子俱亡議將龍妻安氏爲

督蜀疏草

卷之五

五

官更名馬之良管理地方看係女官故將印信解雅州貯庫俟馬氏子孫承襲之日方給掌管經今數載不料奢酋叛逆豈氏不思王法因與奢酋姻親於去冬妄言暗逆今又聽奸撥舞擅兵圍城挾占改土地方事雖未成情已顯露逃避深溪幸有親派土舍馬應乾素有忠順勤幹地方各寨番苗畏服今奉喚出應乾同派土舍各枝耆宿目把馬義勿馬撒哥野馬他朱慎蘭友枝郭應舉等恐絕馬氏爵士意願應乾爲官管理地方雖有應襲馬深已成難應不能承襲深子幼稚訴乞俯將應

乾備達允印鈐制番保庶地方有所責成鄉村軍民不遭塗炭等情又據土舍馬義勿具結投稱遵奉結得土官安氏管理數年年老不便鈐束番保有義勿所生嫡男阿的更名馬深先承襲文案在卷今男得染難應之災難以承襲具結本所伏乞轉申院司請給印信情願保舉胞弟馬呷什更名馬應乾出寨付掌管理地方仍接姪孫撫養讀書並無爭競中間不致虛冒又據各枝土舍巴路陸撒脚歪阿交苗宿等通把白啤簡等衆結稱土官馬之良年老不便料理具結本所轉申院司請

督蜀疏草

卷之五

五

給印信付與應乾以便鈐束番保據此又據下七枝苗宿阿迫陸保阿咱谷七五咀咱阿弟野馬他等結稱因主安氏管理數載年老不便料理衆苗人等情願保舉土舍馬應乾出寨管理地方結狀投所轉請給印付應乾束苗中間不致虛冒等情各投到所該本所掌印指揮潘嗣美看係舉保管理地方重務苗情事理卑所未敢專擅擬合申稟裁奪等因具申到職該卑職詳閱所申事關爵士子係匪輕違難轉詳隨批據申馬應乾是否親枝馬深有無殘廢將來深子長成如何接替務要

一、申說明白以杜後日爭擾仰掌印官會集通所於公署并取馬氏宗圖倫序確由速報以便轉詳隨據復申該本所遵奉差干總詹長前去著落土司通把舍餘耆苗人等查勘隨據土舍馬義勿等回稱因土官馬之良年老姻親奢崇明叛逆聽畏罪避躲深溪地方無人管理三家通把各寨耆苗切慮無主鈴束誠恐有壞地方罪責匪細緣義勿之子阿的更名馬深繼襲報文在卷但馬深於四十六年內得染癰瘰眼目殘廢難以動履我弟馬應乾實係馬深一派親枝忠順向上願知督蜀疏草

卷之五

五

王法義勿之子既不能承襲情願將官職付與胞弟馬應乾借襲承管地方深子桂哥年方八歲付應乾撫養成人教習讀書候應乾終身交與桂哥承襲今義勿會同本族舍人耆宿巴路等公議明白已後再無爭競之故第今地方多事通所官監生員耆老鄉民人等以馬應乾平素忠順舉保喚出請給印信管理保固地方稍賴清寧已取各土舍耆苗通把書識土民人等甘結投所在卷今奉行查理合回報伏乞俯從備達庶地方得以安靖等情據此該本所掌印指揮潘嗣美會集通所

士夫耆庶軍民重覆公議人馬義勿亟稱馬應乾實係親支胞弟保舉借襲管理地方接撫深子桂哥成人還職承襲果無異言矣比據馬應乾投遞俟深子成人還襲結狀二紙在卷及弔馬族宗圖倫序查驗委係馬義勿一派親支今奉批查擬合同報等因由詳到職該卑職看得土舍襲授先以親支為據然後於眾族公舉將來統攝各苗庶無後患向年馬應龍父子物故已蒙會勘僉定馬義勿之子馬深襲替彼深幼小恐不能約束即將安氏繼之故更名馬之良俟深長成之日方給印督蜀疏草

卷之五

五

信卷案昭然豈知本婦管理日久愈加恣肆其年雖衰邁不堪而叛形屢有的據弟應乾每見舉動即為力阻是亦苗人中之畏法者以致馬姓親族及通郡士民慮恐害及身家所以合詞保舉應乾而義勿又赴該所呈稱親男馬深癰瘰難痊深子年方八歲應乾乃同胞親弟則乾今日之借職若權以代深深子異日長成仍以繼乾且義勿應乾各書有借還甘結業已明悉土舍之舉用乃渠族樂從土庶一口黨蒙俯准與情則奸黨自爾潛消腹心之患可杜矣由詳蒙批守上南道查報蒙

此牌行印雅二州會查馬應乾是否馬氏親支馬深果否難應桂哥果否幼小馬義勿借襲與應乾果否出於意願借還甘結果否可據使二比後來不生嫌隙作事謀始况關係事情該州務須從長酌議確報施行奉此該本州併案備行印州前來同本州親詣榮經縣移會遊府取獲馬義勿馬呷什等併大所保結一千人證到官該印州知州吳燮雅州知州吳伯錡會同雅黎遊擊李毓華會看得大所之保舉呷什也逃稽土官襲替一稟於宗圖嫡長世傳所從來矣嫡長子孫有故則及

督蜀疏草

卷之五

五

嫡次子孫嫡次子孫有故始及庶房子孫以馬氏圖按之馬應龍故絕已定馬義勿之子馬深有成案矣深中道殘痼而親子桂哥幼未成丁呷什即義勿之親弟馬深之親叔非疎遠旁支也明甚義勿自供子方旦夕就木孫又胎髮未燥官印久懸不無有覬覦者願暫與呷什彼此誓有口血而呷什亦願立桂哥爲子俟終身之後即與原職付桂哥可無煩更端是彼此自爲計乃情理之必然者况老婦毫避於密簪笄者毒於相傾屬苗觀望於肘腋此地此時可一日而無管攝乎與其官

缺而起爭印塵而不予孰若從該所士民之請順苗裔調停之權夫以馬氏之官還馬氏之子既以昭彼之倫序顯以酬有勞之人陰以消反側之禍且足廣我之恩威合無請授呷什千戶職員管束苗人頒印之日仍取大所首舉一二士民親結不致唆異別情自後彼疆此界一遵萬曆二十四年明旨則世篤忠貞而邊圉荷寧謐矣等因會詳到道該本道看得襲職一事蓋難言之矣襲職固難借襲尤難借襲於世襲固難而借襲於土苗尤難之又難始事之初激於一時意氣借者願借還

督蜀疏草

卷之五

五

者認還始未嘗不慨然也迨借於人者事權既屬則中情頗熱遂有久假不歸之意而借人者把柄不操則炎涼動念隨悔從前輕諾之非二比既生嫌疑奸徒遂多唆擺始起口舌之爭尋致干戈之鬪此西南土苗之大桀也馬應乾借襲一事馬深既已病廢應候伊子桂哥出幼承襲此自正理今據詳宗枝之接派桂哥親祖馬義勿之願借與馬應乾之認還其詳具載該遊與印雅兩州會勘之詞本道再四覆酌應乾胞弟原非違支一可借頗知忠順應加風勵二可借苗心歸附聽其鈴束

三可借寢土婦不軌之謀消諸苗觀望之志四可借其中喫緊一節又在應乾無子即願立桂哥爲子自今日而言以應乾而借桂哥之官職自後日而論即以桂哥而繼應乾之宗祧祖孫父子無嫌無怨此其上也即日後應乾生子而桂哥之接襲如故借者襲者兩不相妨雖後事杳不可知而據稱目前已各有借還甘結該所士民合詞爲應乾請命卽云念切身家此急則治標之計揆之時勢大率如此既經兩州會同該遊申詳前來欲候建昌道議覆會詳誠恐地方戒嚴之日土苗生事

督蜀疏草

卷之五

本

以刁措借口合無請授呷什土千戶職員給領雅州貯庫印信令其管束苗人但借襲事關重大請乞批行按察司覆查詳奪等因由詳奉批馬應乾以親弟借襲且立幼侄爲嗣用以束苗守邊勝衰殘叵測之婦違矣仰按察司速議詳報奉此又奉本部院批據分邇上川南道呈爲舉忠順消逆謀以副苗望以靖地方事奉本部院批據雅黎李遊擊呈據大渡河守禦千戶所申稱本所鄉官士監生員周愷等并軍民鄉耆人等齊赴土主廟與馬義勿及舍人巴路陸撒等通把朱愼等會議前

情相同義勿稱應乾係伊胞弟馬深是伊生子奈何癰瘰待死難承深子年方八歲不能任事今衆苗歸心通族推戴惟一應乾後應乾年終深子桂哥成人自當還襲馬義勿并各舍人目把自認木刻甘結在卷等因由詳奉批仰按察司併議速報奉此該本司署印吳副使看得土司繼襲之法有二首依倫序次順人心倫序正則挨次繼立此其常也若時值其變漢法已窮彼中擁戴有人勢難膠柱而我且因之以爲利所謂以不治治之也馬祥故絕土婦暫替司事序當立馬義勿之子馬

督蜀疏草

卷之五

空

深而深不幸癰瘰矣馬深病廢序當立深子桂哥而桂哥幼稚不能壓服苗人矣安氏避入深山苗目渙無統領小相嶺一帶地方道路爲梗安得不早爲之計據詳馬應乾爲義勿親弟義勿情願借襲應乾無子復以桂哥爲子異日願還在今日則該所無主而有主在異日則義勿無官而有官又况應乾輸誠於我苗人歸心應乾惟恐一日不得爲主是彼之自爲計甚悉而我之爲彼計亦更無他策該道所稱四可借蓋亦深察彼我之情形熟籌時勢之緩急因其勢而利導之耳至於後來

事體不能逆料而此際所憑借還有結士民有呈勘問有案只合如是止矣既經勘問詳悉無容更議合無將卹什請授土千戶給以印信嚴行管束苗人通我建昌道路俟應乾終身桂哥長成之日仍令襲替不得久假不歸等因呈詳到臣該臣會同巡按四川監察御史張論看得黎州土官馬應龍故後無子立其妻安氏改名馬之良管束各苗從苗俗也之良有女嫁奢崇明爲小妻發而生事逆謀實其贊成前歲事發遣心腹數百人陸續赴黎與之良會約而之良徑占住黎將衙門與先

督蜀疏章

卷之三

三

年征建昌崇明所留目把黃光輝密謀起事臣在圍城適黎州百戶魏民望赴援即令其部卒葉高僞爲之良差人徑投賊營賊初索信云被官兵搶奪賊賞銀一錠止傳口語葉高出而復還曰攜銀則身且不保安能通信賊笑曰我欲殺汝謂汝詐也今信矣遂發僞勅一道併書一通徑發之良黃光輝始識其相通情狀遂密行分巡上川南道副使趙日亨先用計斬黃光輝而之良遂遁歸及江門失事之良復得志糾集各苗借言激變蠢蠢欲動中間通信而然制之馬應乾之力實居多焉

應乾係應龍同胞次弟尚有兄馬義勿之子馬深於序應襲久患癰症不能起而應乾又無子以馬深子桂哥爲子則於名極順而於情極協馬氏一族欲杜妖婦之貽累地方居民又恐兵燹之流毒公舉應乾之襲衆口一詞且以正名分而杜彙隙更有裨益焉既經三覆會議明白相應具題伏乞勅下兵部覆議上請合無准令馬應乾承襲兄馬應龍土千戶之職行臣衙門轉行司道給印管理地方應乾終身之後方令桂哥替襲庶建南道路得以寧謐而於疆圉事體藉以廓清矣天啓三

督蜀疏章

卷之三

三

年三月初十日具題奉聖旨兵部知道該本部覆奉聖旨馬應乾准就彼借襲本內錯寫名字著改正行



少師朱襄毅公督蜀疏草卷之六

塘報各路功次疏

欽差總督四川兼制湖廣荊岳鄭襄四府陝西漢中一府軍務策應緩急督理糧餉兼巡撫四川等處地方兵部左侍郎兼都察院右僉都御史臣朱熒元謹題爲塘報功次苗情事天啓三年三月初八日據長寧納谿二路四川總兵官李維新監軍紀功叅政閔夢得副使李仙品僉事劉可訓知府鄭朝棟同知段師文推官胡平督蜀疏草

卷之六

一

表等塘報本月初三日據加街遊擊舒遐報稱差塘兵范興旺一路往楠木埡水架坡哨探截殺初四日至窩尾遇賊往與文界慘劫被與旺同李勝栢等截殺生擒一名王宗貴係真苗賊婦女四口槍標長刀十一把舒遐親統兵陳旺等一路往拖船埡於初三日晚至尖岡山見白鹿廟有號火密於初四日四鼓統兵圍殺遐親斬一顆千總羅貴等殺傷賊黨一十七名各奔命逃走獲刀槍十四件紮被五床氍毹四領氍毹六頂著傷兵一名又招卜昏等處降民向桂枝男婦七十餘名口等

情同日又據鎮道塘報本月初六日午時據舒遐報稱降民葉興等欲搬出投降因賊首吳加富坐路攔阻乞發兵接援職於初五日夜統兵至尖山子卜紅槽撞遇賊兵劫殺降民卑職截殺一陣親斬一顆趙貴吳成共斬苗級一顆范興旺李勝栢各斬一顆聞登瀛胡國華等共斬一顆舒童斬苗級一顆大弩箭筒標槍短刀二十八件紮被五床等情本月十九日據鎮道報稱據叅將范繼道塘報探得賊兵三百餘在萬里箐一帶整米本月十三日隨令叅將羅尚文發千總賈元倫魯法高

督蜀疏草

卷之六

二

等率兵二百至彼出奇截殺賊敗走生擒六名同日又據范繼道塘報偵得苗父子俱退回永寧止留千餘屯割麻塘坎本月十四日發千總雷順王加勝胡俸鳴等百總武應鎬等率兵百人乘夜焚襲賊寨殺賊無數斬功四顆次日我兵又於三塘伏草賊發馬步百餘前來躡探王加勝等躍馬追趕殺死阿弟姪僞都司陳第羣賊搶去活功五名合行塘報三月二十七日據鎮道解報據叅將范繼道報稱本月二十二日據偵探官胡登拏獲姦細李翺受崇明僞叅將假報賊首胡宗祿投降

賞銀十兩去後回賊營與宗祿對坐飲酒崇明賞以金手鐲鞍馬田種三石加以偽總兵職銜復出詐誘官兵適有先被綁今走出李門子在內見飲酒賞金加銜等事對證明白解道審吐是實轉解到臣覆審是的即臬示訖三月二十七日據鎮道塘報本月二十五日寅時先發副總秦翼明先鋒張令中軍盧世卿帶領標兵前至拖船壩其餘將領徐徐進發賊復在麻塘坎割大小十二營本日秦翼明等殺入賊寨大戰生擒二名獲槍七杆馬二十匹數千賊苗望風奔逃又據盧世卿部下

督蜀疏草

卷之六

三

標兵擒獲活功五名口等因四月初二日據鎮道塘報據加銜副總秦翼明呈報麻塘坎功級計開一哨楊進忠招降婦女二口男子三名小口二名龔應照招男婦四名口小口一名冉世選擒賊一名張自先王弘化部兵等十名各俘獲大小男婦十五名口賀得興斬功一顆加銜參將秦拱明部下官兵得獲男婦七名口馬二十匹花標旗一面皮盔一頂雲肩一領槍五十枝劍刀二十五把綿甲三十七件擒獲苗賊四名加銜副總張令本日先衝酋兵將營盡燒當時偵得瀘州衛百戶戴

鳴鳳有兵三千餘在洞被賊圍住七日卑職即於二十六日三鼓領兵平明到洞酋兵一見盡逃救出鳴鳳等三千名口同督兵追至青山崖與酋交戰至午令斬苗首土指揮一顆納千總斬苗級一顆丁應科等擒獲偽胡參將母楊氏等三口中軍盧世卿部下千總雷鳴春督五標營兵當陣生擒惡賊活功六名婦女四口斬級二顆二十六日發兵前往瀘州衛遇賊突出斬獲首級四顆擒獲男婦一十一名口理合塘報同日又據道鎮塘報三月二十六日申時據將官龔崇貴報稱二十五

督蜀疏草

卷之六

四

日奉令同守備龔崇勝任世翰余一鵬等馬步兵二百同秦國偉等銜鋒至麻塘坎生擒偽千總一名柳信明斬獲功級二顆招降羅文魁等男婦四十名口二十六日各官兵又追至青山崖招降民余成德等男婦四十五名口同日又准參將林兆鼎手本據加銜守備韓自明等三員招出瀘州衛白雲洞招撫降民蔡應龍等十一名先鋒周啓王正友斬獲首級二顆刀弩二件同日據加銜副總何正光報稱據羅先春差塘兵李二等於九姓拏獲賊兵鄭應才王昌祚刀槍四件又准林兆鼎

塘報據加銜遊擊冉世烘報稱二十六日早職親督先鋒五百名至九姓與賊對敵斬首級一顆生擒四名得獲苗婦五口將官閻登瀛兵任學於落卜收生擒一名韓自明兵何貴等生擒三名口將官龔崇貴報稱二十六日同守備龔崇勝帶官兵李應學等兵千餘追至青山崖生擒二名斬功二顆加銜龔書劉世忠報稱本部官兵黎洪等至地名落簿古得獲男婦四名口督陣官耿煒獲功二顆同日又據鎮道塘報二十八日據加銜遊擊曹守爵報部兵生擒一名男婦大小五名口四月

督蜀疏草

卷之六

五

初四日據鎮道塘報三月二十八日該李總兵查得用壩地方乃賊藏匿之藪又江門觀音寺係老酋劉營之地俱爲喫緊若不乘時掃清恐賊包截我後卽日先遣張令盧世卿等內丁李棲鳳副將林兆鼎何正光兵五千打得用壩一帶又遣副將秦翼明統兵進剿觀音寺一帶遇賊大戰張令林兆鼎一路總計生擒三十名斬功十二顆俘獲男婦幼孩共四十二名口器械二十二件百子銃一門贏馬牛五隻偽勅四紙又據張令龔崇貴王受命招降得用等處苗民一千零四名口又據秦

翼明報往觀音寺大戰生擒十七名斬級九顆盈二頂槍二枝烏銃一門樊虎七大營賊並逃去營寨盡燒各回營道鎮自備花紅銀牌犒賞以作士氣功級紀驗外合先塘報同日又據道鎮塘報三月二十九日辰時據加銜秦將秦拱明呈報招到永寧衛人周可季周林等六名口四月初一日辰時據加銜副總秦翼明塘報三月二十九日奉道鎮令督兵再打觀音寺早職分兵三路一枝正攻賊營一枝由青山崖一枝由瀘州衛三面約攻生擒活功十七名斬獲功級九顆又於龍山寨擒

督蜀疏草

卷之六

六

獲許天相等男婦三十名口馬四匹解報到道審明安插功級紀驗同日據鎮道塘報三月二十九日申時准秦將林兆鼎手本報稱將官胡緯兵陳啓等於地名赤崖生擒一名李受將官程之蕃林魁兵苟時芳等於青山崖斬苗一顆生擒二名將官閻登瀛鄧彩兵朱虎於灘壩斬賊級一顆同日又據舒遐報稱二十六日領兵前往落卜列偵探與賊對陣曹庚當陣斬獲偽守備杜明舟首級一顆偽勅一道黃傘一把范興旺趙貴陳旺追上崖洞殺死賊兵五名墜崖未割首級得刀弩長槍

十五件老幼婦女三口水牛三隻又據鄒林報稱二十七日發兵往瀘州衛哨探擒獲活功二名任友榮朱法合行塘報四月初五日據道鎮塘報本月初一日據加衛副將張令督內丁李棲鳳并盧世卿挑選標管官兵王思堯等及百戶戴鳴鳳前去探剿初三日回報生獲功二名斬級二顆俘獲一口馬二匹督陣官居敬與李棲鳳等拾出九姓龍山八寨頭人偽參將王文等斬其總管二名牽所部一千餘人投降王文黃應龍等十四人斬賊來降賞花紅安插又報林兆鼎招降一百六名

督蜀疏草

卷之六

七

口斬功二級俘男婦十名口槍刀六件楊應岳部下生擒六名斬一級俘獲一口胡明臣挈獲細作二名楊光增生擒二名張洪烈部下生擒二名龔崇貴報初二日同龔崇勝奇勝招降宣撫司民雷富等一百五十四名口鄭知府部將文運開王懋官等斬八顆俘獲男婦二十七名口槍弩二十件牛馬二十九匹隻俘獲五十六名口初三日領副將秦翼明等挑選所部攻青山崖功次查明另報本月初六日據鎮道塘報本月初二日據遵義營統兵加銜參將楊應岳報稱初一日發兵攻打

崖洞對陣生擒苗賊五名隊長李國明斬功一顆把總任尚榮哨官劉興生擒一名兵王可貴胡勝生擒一名同日又據都司胡明臣呈報守備彭文舉生擒一名千總楊其修生擒一名僧一名千總羅聖甫擒獲四名又據參將楊光增呈報守備黃明把總辛尚德等領兵踰瀘州衛前二十里偵探擒活功二名鄧文旺王受又據遊擊張洪烈呈報前於三月二十九日發守備萬天機把總張昌運率兵拏獲活功二名又據加銜都司馬斗獎同南岸劉諸合打排桐洞斬功二顆除驗給功票合

督蜀疏草

卷之六

八

行塘報四月初七日據道鎮塘報本月初三日酉時據加銜副總秦翼明報稱奉令攻取青山崖卽於初三日五鼓發本部千總譚之臣等統兵一千弟拱明千總陳紹統兵八百石砮營姑女將部下坐營秦永成等兵二千餘同抵賊巢賊勢兇勇卑職卽犒賞鼓舞四面夾攻縱火焚燒自辰至午極力攻打賊猶死拒衆兵奮勇直上賊奔逃走斬擒甚多獲盔甲槍刀馬匹不計其數又據秦拱明秦永成秦可各報相同四月初九日據鎮道塘報本月初二日酉時據監紀鄭知府報稱發土官文

運開領苗兵阿撒等往掃洞苗阿撒爲首烏角爲次奮勇斬賊級二顆擒獲婦女六名口馬二匹牛四隻槍弩二十件又據加銜參將王懋官等於初二日攻打落薄林等處守備安文元把總阿柱共斬偽百總首級一顆苗兵什粗溫繼富王士賢吳興勝共斬賊級三顆阿繼張通生擒一名男婦四口牛四隻王昌胤親斬一顆湯應詔等獲苗婦二口王舉賢韓加奇等得馬四匹牛八隻王岷勝等生擒男婦九名同日據鎮道塘報本月初五日辰時據加銜副總秦翼明參將秦拱明等呈解青

督蜀疏草

卷之六

九

山崖得獲功次到道據該道鎮逐一研審但係苗胡宗祿阿弟等各部下逆黨法難輕宥者因人多不便轉解會審明白遵於令牌下徑行梟斬牛馬器械老幼發獲功各營收領投降者安插其經歷章守謂及子章志遠及胡宗祿阿么妾係干謀反重犯另文解審仍動支賞需銀二百兩分犒各獲功官兵以示鼓舞計開副將秦翼明下中軍加銜都司郭起柱營兵生擒偽將胡宗祿妾艾氏活功八十名斬級九顆男婦五十名口馬二十匹牛三十隻器械無算一加銜參將秦永成秦可馬斗

樊本營官兵生擒偽左丞相章經歷父子二人妻女二口偽元帥胡宗祿妾嚴氏阿么妾王氏賊兵一百七十四名斬級十六顆俘獲婦女一百三十名口馬四十八匹牛一百八十隻青黃傘二把器械無計又秦永成招降男婦八十名口一加銜參將秦拱明部下斬功二十九顆生擒八十四名獲男婦五十三名口馬九匹牛十隻器械無算納谿路三月十一日據鎮道塘報本月初九日辰時據江安縣報稱令加銜遊擊盧大武率兵一千至爐煙堵殺忽遇賊兵哨馬三十步兵一百連殺二

督蜀疏草

卷之六

十

陣生擒一名斬苗級一顆得馬一匹同日又據瀘州知州王新民報稱發兵至白崖壩探得賊兵二百餘下山遇敵千總鄧以孝白啓等率百總高順等奮勇殺死賊兵十二名止割級二顆生擒四名審明梟斬訖同日據鎮道塘報據加銜都司仇可陟部下百總張天威劉敬於象嶺斬功二顆又據加銜遊擊李上進部下百總孫正芳於江門伏塘生擒姦細一名又鄧懋官哨官繩守富等於蠻洞子生擒一名二十四日據李上進下兵張虎於倒馬坎生擒一名三月初四日據加銜副將劉養

鯤守備張學周下兵於蠻洞子生擒賊兵范起祿瀘州
申解守備李亮千總夏繼先等於葛石壩斬級一顆賊
子旺兒又夏繼先於大崖口斬功一顆本月初七日據
加銜僉書范祖文報稱先發丁世先親兄丁世忠從間
道回永寧招降於三月初七日有世先舊人陳用陳榮
趙民用秘約焚虎營中偽守備王先陸三萬騎馬二匹
兵二十四名奔出投降收營報効審係苗賊俱已梟示
旺兒發瀘州收養三月十四日據道鎮塘報據加銜副
將劉養鯤報稱部兵徐啓至爐煙槽拏獲苗兵三名手

督蜀疏草

卷之六

十二

執總兵令旗一杆長刀一把初九日酉時據守備王化
羅忠臣加銜都司胡汝高指揮閔法各部下兵共擒賊
兵三名兵官元斬賊級一顆本月十八日又據道鎮塘
報二道與泰謀知縣趙民戴加銜副將劉養鯤守備張
學周計議賊勢窮蹙衆心已離宜及時招降以孤其黨
養鯤卽遣人行間十五日午時有偽總兵阿交樊虎兵
藍二李有先刁惟興王之民等七十六名自賊營出川
龍山來職營投降降朱朝聘提兵援接前來各賞銀二兩
又花槍十七枝白杆槍二十三枝大弩二把降兵安置

南岸酌給糧餉以風後至二十三日據鎮道塘報據副
將劉養鯤報稱本月十五日奉令銜打鷄單山象鼻子
併中等內關擒斬功次守備孫胤燕瑞鳳馬如鹿何守
義各斬功一顆銃手張義銃打二功楊國太毛明各打
一功守備張學周生擒偽守備胡見一大功何湛然兵
何太何才共斬二級兵曾祿斬一級黑茂家兵黑斗斬
二功朱朝聘部兵朱伏斬二功何繼光家丁何文煥李
邦國等斬功三顆鄧玠率子姪鄧一傳等親斬四功鄧
一伏斬二功千戶鄧一舉斬二功百總周承宣斬二功

督蜀疏草

卷之六

十三

張伸一功石殿邦斬二級哨官劉之宸一功獲婦女一
口開燒賊營燒死三十餘人原係乘夜劫賊俱未割級
鄧玠部兵所獲花槍白杆槍十七枝綿甲二件牛二隻
長刀一把銀一錠重八兩賞兵訖鄧玠父子又於雞單
山橫山八甲招出男婦三百餘口羸馬三匹三月二十
四日據鎮道塘報據加銜副將劉養鯤等報稱將官朱
朝聘守備劉之寧於本月十六日暗入賊巢值賊首楊
選大老虎陳文督兵往進寶寺打米追斬三十餘人賊
使馬兵來救止割二縴生擒偽守備一名柳元儒僉書

胡肇虞兵斬殺三十七功生擒偽都司何守宗弟名五
么同日又據加銜副將劉養鯤塘報本月十七日據參
將鄧玠拏獲賊功周成先等三名三月二十五日據道
鎮塘報據瀘州申解據千總鄧以存等於白崖灣拏獲
活功四名十三日又據劉養鯤報遊擊朱朝聘兵於大
花石生擒二名十四日本官兵張學通等於太山廟生
擒二名斬功三顆十五日朱朝聘同贊畫黑茂部兵黑
勝等葛石堽寶月寺擒獲男婦二名口斬功二十六顆
十六日又據瀘州解據領兵生員李儒儼楊杰守備羅

督蜀疏草

卷之六

三

現聰等於葛石堽擒獲活功羅友等九名十七日又據
劉養鯤守備張學周部下百總張學通於韓家洞斬級
二顆十八日據守備燕瑞鳳督兵燕東等於葛石堽斬
功六顆任應高陳先二十二名各斬功一顆共二十二
顆燕可大等又於漏潺子斬功六顆燕天得一顆二十
日據守備鄭世臣龔惠等三十人於白崖挖捉獲活功
三名二十二日據遊擊黑茂於觀音堂斬功一顆各陸
續報道合行轉報四月初六日據鎮道塘報本年三月
二十四日據加銜副將劉養鯤報據部下百總安朝於

榜草溪擒獲賊兵一名遊擊胡國仁部兵李貴於大洲
驛得苗賊二名箭一縋大小刀長槍共十四件遊擊黑
茂部下王有貴等於白崖挖擒苗賊二名二十七日劉
副將部下指揮宋璉等暗入永寧偵探散招降小票回
至金鋼背殺賊一名兵楊啓於花崖拏獲賊兵一名挨
牌一面四月初一日朱朝聘部下指揮趙加陞守備何
金化等招出偽都司蔣貴等六十四名初二日據遊擊
鄧玠差千總夏繼堯等於木易崖斬偽都司偽守備二
顆苗賊三十一顆得獲男婦六名口花槍白杆槍大弩

督蜀疏草

卷之六

四

三十五件馬四匹又何繼光朱朝聘部下招出永寧降
民六名本月初四日劉副將牌差兵任啓招降偽總兵
阿弟樊虎部下韓允慶并男婦一百五十名口陸續解
道俱各驗明安插隨給功票候叙本月初八日據鎮道
塘報初六日據劉養鯤將官黑茂等發兵探得小酋在
乾溪舖借水西兵劉十七營又據部將喻登芳等奉令
同田有龍等督本部諸將兵於初五日夜丑時潛入太
崖口直搗八甲賊衆措手不及各兵奮勇衝殺二百餘
功生擒偽都司張才苗兵十一名苗婦四口幼孩不計

馬牛五匹隻又獲苗將樊繼昂妻并弟樊繼盛同妻鄭氏又獲寨二十餘處所獲器械甚多四月初十日據道塘報本月初八日申時據加街副將劉養鯤將官鄧懋官黑茂守備張學周等塘報本日卯時據遊擊周應宿自賊巢出報喻登芳招出苗兵一千周應宿招出一千丁世先羅奇緒共招出一千范寵招出四百餘人共三千四百已出江門又得船四隻牛馬九匹隻又報水西頭目三百先據永寧城勒西金銀苗割涼傘舖共賊四十大營又將金盞銀器重賞頭人各三百兩意圖死

督蜀疏草

卷之六

五

戰初七日我兵攻破中弔三溪橫山八甲營寨盡燒火光明一晝夜將宋江黑石包屈丑等寨俱燒訖所殺功級不知其數此一陣也軍威丕振賊皆歛退斬殺功級查明另報同日午時又據胡汝新於大風埡擊獲苗兵一名唐明陽初八日午時據守備楊承宜報稱於大崖口青岡坪擒獲苗兵二名永祥長久係偽總兵盧么家兵合行塘報本月十一日據道鎮塘報本月初九日申時據加街副將劉養鯤將官黑茂朱朝聘等報稱據將喻自忠等奉令於初七日丑時又攻破榜蟹溪等處將

偽都司先萬壽余雙和等一帶叛賊督寨盡行燒殺死屍遍地約六七百餘功止割一級解驗爲據投降降千人又據將官何繼光張學周等奉令於本日五鼓同田有龍等直衝橫山焚燒追三十餘里賊首陳實高叫不要燒待我來降所殺功級二百餘其馬口崖一帶周圍三百餘里賊巢皆苗供贖之地俱爲我所破即欲徑衝永寧因各兵糧米俱盡難以深入理合塘報遵義路本年三月初五日據監紀僉事趙邦清塘報二月二十四日酉時准加街副將秦衍祚手本報稱本月十四日本府

督蜀疏草

卷之六

六

督兵由二郎壩至灰堆山與副將沈崇極合哨搗蘭哨有賊兵本府分守備趙一傑王文學等領兵去大洪寺左右埋伏三路與蘭苗大戰斬獲多功另報三月十九日據遵義趙僉事塘報據領兵加街遊擊陳鳳報稱於本月二十五日與各部千總歃血訖兵馬向木鹽寨進發至小關口正遇奢富領兵前來接陣鳳令銜鋒穆自乾并羅安良部下千總羅友孝等兵分三路圍擊鏖戰數時鳳令四山舉砲親率各部頭人一齊躍馬風槍殺死偽長官阿楊斬首一級羅友現穆自乾羅彬王安等

共斬五級百總趙時富生擒偽總管楊榮又趙時美等
其擒抹賽冷二賊兵敗走鳳驪兵至洗馬塘袁力與斬
首級一顆李上蒙斬功一顆更得天時爲助河水忽泛
賊兵渡河不及溺死者無算得獲苗刀一把皮甲一籠
將軍銃二門喇叭一管噴筒一箇各處賊營盡行燒燬
楊守江見鳳勢大恐備雞狗與羅友現等歃血盟誓待
其子到家卽渡江投見當將投順民唐正國家小三十
餘家送至桃紅灘安劄今將功級刀甲令參謀生員李
承實解驗三月二十三日據遵義監軍道趙僉事監軍

督蜀疏草

卷之六

七

僉事盧安世塘報二月二十日復取落紅後至三月初
五日夜至二更雷雨大作賊乘機厚賞精悍苗羿三十
名渡河劫營被加銜副總秦衍祚標下中軍劉登第塘
兵齊起斬獲壯功三顆長刀二把槍弩二件皮甲二籠
生擒羿子一名供認前斬首級俱係抹賽其餘溺水身
死初九日原任副總沈崇極遣張秦凱任鑑至岔角灘
對敵箭傷披青氈騎黑馬頭目一名舒弘烈至落紅口
對敵銃傷苗賊一名誘獲利箭三百餘枝初十日又據
秦衍祚標下把守土城加銜都司袁應宸報稱應宸初

八日領兵至鬼妖寨奮勇大戰斬獲偽守備崖裏并賊
子崖新等一十一顆馬二匹又部兵蔡老虎等往銅鼓
壩偵探撞遇賊兵接殺斬獲賊級二顆以上功級該卑
職親驗給票該三月二十四日據監紀僉事盧安世塘
報本月十二日准副總沈崇極手本據標下遊擊張秦
凱羅仕傑報稱於十一日一更同降民羅華發兵渡河
攻打羅向宸全家寨至十二日辰時大戰連攻二營張
秦凱部兵斬級三顆張抹賽首級一顆千總蔡茂首級
一顆奪馬三匹羅仕傑部兵生擒馬兵一名寅狗斬級

督蜀疏草

卷之六

十六

二顆馬三匹羅華斬功六顆其餘墜崖死者三百餘賊
兩寨營房盡燒十四日又據副總秦衍祚標下千總蔡
國學報稱於石家渡斬功一顆追殺溺水死者五人同
日又據趙僉事加銜參將趙國璽報稱於本月十五日
差千總高琴至蘭州官莊坪撞遇奢兵截殺甲兵陳倅
志楊芳各斬賊一顆刀槍二件十九日差千總祝朝富
帶兵往賊穴至大村與賊兵相撞敵殺甲兵吳二徐天
錫斬苗級二顆同日又據遵義趙僉事塘報本月十七
日據督陣官羅萬勝稟稱偽都司雷小善於十四日暗

攜家口八十餘房男婦一千餘渡河投降侯衆將點過犒賞牛酒銀十兩等因報道本道多方傳諭今雷小善攜家千餘來降蘭人歸附自此始賊之羽翼漸剪理合塘報四月初二日據遵義道趙僉事塘報三月二十三日准加銜副總秦衍祚手本本月十五日據守備趙一傑報稱分布指揮袁加勤等督兵四百往蘭地青岡寨剿賊追至崖三溝大戰斬苗級十一顆落崖死者不計生擒賊婦三口槍刀弩十一件本府親監中軍劉登第又於落紅口斬級七顆得銅鼓四面槍刀五件弩箭二

備張倫山督兵將衙寨百餘間燒燬擒獲苗賊一名本官百總蘇一龍帶領王高等奮攻落紅山頂火光冲天銃打苗賊不能割級又李萬富生擒苗名苟德又據防守土城加銜參將趙文進奉道令發加銜守備趙舜王同督陣官劉興榮至黑坪圍與賊對敵趙廷華等共斬賊級九顆生擒男婦四名又據降將羅華指揮賈承宗等捉獲被擄民全文化審係荊州府客人發舒先鋒營收訖十八日舒弘烈解俘獲男婦十三名口趙文進報稱奉令至唐朝壩斬賊級二顆槍一枝絮一牀盧監軍驗訖等因四月初二日據遵義趙僉事塘報三月二十二日午時據本道差旗牌鍾倬督官董尚策稟稱蒙差役同董尚策往大羅壩招撫鄭應顯游朝炳十七日行至地名海龍壩遇駱麟土兵急報水西有馬兵步兵二名來水口寺哨探見官兵擁剿即退回落朝十八日行至落朝見水西馬兵八十步兵難以數計即潛身高阜窺其出沒何路但遵義大道止有桐梓塘兵哨探並無別兵抵敵又聞阿烏逃竄三大營於赤璧莊欲由小路衝羅村侯良柱營由桐梓截餉二十日至桐梓報商同

知卽發守城指揮楊才領兵三百星夜往婁山關樅關但水西因襲自明招邊民過河將路口把守至緊役等不知苗話難於前進回首撞遇降民胡崇富崇信卽與他盟誓私偷路與鄭游二人通話探水西賊勢看二人歸向何如候崇富回日另行再報等情到道據此本月二十三日午時准加銜副總侯良柱報稱卑職自統兵創斂箕壩以來發兵躡塘設伏拒險晝夜隄防毫無懈怠於三月十九日戌時據都司張金玉鍾仕祿塘兵王宗成等報到奢寅於水西借兵西賊允發莫德官江之

督蜀疏草

卷之六

三

龍游朝炳鄭應顯楊維新等統西兵二十七營創緝麻山嗣王廟濫泥寺俱係白布帳後面陸續添來賊兵不息等情二十日午時又據領兵加銜參將趙國璽報到奢寅暗在荷村點賊制十大營只在等西賊到齊約期夾攻我兵幸得南川參將陳一龍統兵萬餘已到貢生傅元和官兵亦已調到同創卑職創爲連珠營首尾相應有羅安良創桃紅灘趙國璽創羅村卑職一面調撤同創各官散創零星臨難應援恐墮賊計幸趙國璽細心整兵俱聽卑職調遣羅安良近日亦聽約束可再發

兵二三千赴援此時之賊非比泛常激切具報同時又據同知商良弼報稱卑職奉令桐梓招撫開墾並團集義兵士農工商方幸樂業猶恐賊兵出沒每日分投各路安塘把隘直抵遵義探聽消息近據各營官兵屢報水蘭合兵欲衝綏桐以阻糧道今見創營於緝麻里又據駱麟飛報許多哨馬已至牛碗圓時隱時見不知欲往何路以致城內居民驚疑復行逃散卑職出牌嚴禁不許擅動搖惑人心隨據各民回稱守城之兵旣發往各路把隘義兵臨時各備家口誰人相顧豈可居城待

督蜀疏草

卷之六

三

斃止願權移元田壩近山挖藏救命卑職查得元田壩民多復業耕田亦欲搬移卑職當與主簿楊燭等守備李爲棟李有富等公議將欲執一苦守恐臨難無策將欲觀變相機民甚驚惶只得暫從民便各官亦同往彼地創營一則約束鄉民且耕且守一則團聚市民便於復業且近大路防守有人庶糧道可通城內房屋不致折毀等因又據加銜遊擊陳鳳塘報本月初六日加銜侯副總牌令分布羅安良陳鳳發兵渡河合哨鳳就於是日統率羅安良部下千總百總併鳳下義兵渡江徑

抵地名木園寨只聞銃砲連響鳳卽發兵前去偵探係是守備張金玉陳永興冉世卿等率兵攻打楊守江寨財物牛馬盡行劫去守江等家眷人口盡行搬入地名天寨候守江子回日方來投見鳳比收兵回營轉至地名關王寨復遇賊兵接陣鳳當點羅安良部下千總羅加勝郭廷舟等把總王啓孝等奮勇生擒偽總管一名阿靴釋令入寨招降本月十一日楊守江爲子不來將親信總管楊國興楊國法等家口三十餘房來降又據商同知報稱據哨探把總田臣稟前至海龍壩見賊馬

督蜀疏草

卷之六

三

五六十在河邊牧放一帶俱有煙火駭麟又哨至西界鎮南關金刀坑得一舊民賈似恩審稱賊屯兵五營在苦茶園四營在玉木洞掌營者是阿烏迷阿倫親弟者烈已發人約齊西又云去借各苗府兵齊同截殺相宮兵聞報駭麟卽至崖門關屯劄等因到職報道又據本道親丁趙陞並加銜遊擊李棟舍人羅萬勝稟報二十日侯副總差金玉前去哨探見緝麻山起至孫蓋壩二十里賊兵相續不絕勢甚猖狂又三元寨蘭賊劄四大營原有不見者又據蔡將陳一龍塘報相同又蘭州奢

寅扶國禎在高籬壩劄二十營趙國璽差人去探聽招高象乾象乾云奢寅去水西借兵來衝官兵先衝沈泰二營若開卽來攻抵水崖官營又據趙國璽雷震乾本月十五日差千總高琴領兵去蘭州官莊坪哨探撞逢奢寅差來探我官兵賊兩相截殺我兵楊芳陳鳳志各斬功一顆花槍一枝刀一把絮一牀今番水西兵多乞賞文令各營俱聽侯良柱分布據此本月二十四日午時又據侯良柱塘報本月十九日戌時節據都司守備張金玉鍾仕朝報稱探得西賊劄兵八大營離營三十

督蜀疏草

卷之六

三

里乞整兵拒敵且幸陳一龍領兵先後亦到軍聲頗振今賊深入野無所掠卑職自有破敵之計至於雞晒岡功次另文解報同日又據侯良柱塘報卑職於本月十八九連日發夜不收偵探回報西賊劄二十七營至溫泥寺關王廟二處後來之賊不絕二十一日二更時分發守備何金鰲帶馬兵十騎星夜暗探天將明至三合山與賊攔頭一撞賊兵四十騎與何金鰲交戰幸我後發陶謨二探接應方得奔回大營卑職親統馬步銃手家丁并陳榮將共帶兵萬餘追至三合山趙國璽羅安

良卽時調到大戰數合畢職查得小路數條悉賊包圍
卽與陳參將趙國璽等計議必先得地利方纔取勝卽
傳令俱至青蛇嶺割營一面建營一面對敵不息逆賊
口叫水蘭二家人馬二十萬將十萬取綏桐十萬來交
戰等語乞發兵把婁山大小二關小水田等處這番賊
勢非比往常急切燃眉等因到道據此該本道看得奢
寅勢窮無可爲計又借水西兵合力夾攻除行侯陳二
將及趙國璽等萬分隄防懸賞鼓舞調兵堵殺外理合
塘報四月初三日又據趙僉事塘報爲再報西賊勢尤
督蜀疏草

卷之六

三

猖大力難拒敵事本月二十五日未時據本道旗牌鍾
倖舍人任啓稟報西賊於二十三日大勢人馬齊至毋
豬窩我兵連日大戰賊兵勢重殺傷官兵數百拒敵不
住副總侯良柱收兵退卻崇岡嶺把截桐梓士民盡數
驚散全是水西兵馬蜂擁而來勢不可當等情二十六
日未時又據加銜遊擊李棟田應斗報稱二十一日辰
時分蘭賊奢寅扶國禎奢宏奢宸計合水西莫德官阿
烏迷楊維新游朝炳鄭應顯等二土苗會合馬兵二萬
有餘步兵五萬餘還有山箐中埋伏者難以目見奢寅

扶國禎等自三元寨渡河到孫蓋壩與西賊合哨水西
莫德官阿烏迷等自鎮南關渡河由金刀坑緝麻山關
王廟孫蓋壩亦與蘭賊合哨直到陳侯二將營下侯陳
二將卽喚陳與田應斗趙國璽羅安良并各將領官登
山岡哨望出兵堵截趙國璽安樂等領兵由趙統壩侯
副將陳參將分兵由鴨屎箐追殺賊兵又於平壩園堵
截彼二土酋兵見官兵四路安排旋即退回諸將官以
衆寡難敵權將各營移割青蛇巷拒守姑俟西賊食盡
銳挫方可攻擊二十二日蚤移營方定二十三日辰時
督蜀疏草

卷之六

三

賊兵將官兵周圍數匝如蟻聚食我兵奮勇斬獲賊級
百十餘顆犒賞復戰至未時分官兵死傷衆多賊兵更
番輪戰申時分拒守不住只得退出夜卽小箐口拒守
幸於前川調到陳一龍兵至不然則全兵沒矣幸保大
半其酋兵叫罵要將趙道趕出重慶分取綦江涪州省
城乞多添將兵救援各等情到道據此爲照蘭賊奢寅
扶國禎等西賊楊維新阿烏迷等合兵數萬皆有勇悍
之徒其鋒不可當今二將之兵只可守豈敢言戰卽綦
江亦在累卵之間百姓多半出城入等避生桐梓街民

房屋復行燒燬賊勢甚熾人心俱散急須另行招兵非六七萬不可目前至緊至急合行飛報二十七日亥時又據副總侯良柱塘報二十三日賊兵添至五十餘營馬步約八萬眾將卑職與陳參將重圍核心自辰至申奮勇殺出斬功九十餘賊馬四十餘匹器械不計各賊忿恨急攻我兵久戰難支功級委棄收集各營住劄小營之前守險安營再圖進剿請乞轉報增兵增餉保守萬全又據加銜參將李長榮報稱西賊於二十五日割營崇岡嶺近桐梓十五里比見馬兵數十衝入城下聲

督蜀疏草

卷之六

三

言要出綦江取糧又截住米不使運往落紅等情本道大膽已令秦衍前兵回黃荆坪護餉以保重慶四月初九日據真安綏陽路監紀巡守川東道右參政吳國仕塘報相同仁合一路三月十四日據監紀巡下南道右參政王世仁巡上東道副使徐如珂塘報二月一十八日據加銜副總羅乾象稟稱據小關子遊擊王繼先都司曾化魯報稱十三日發兵堵截等語斬獲一十四顆生擒一名各等因陸續塘報到臣查得四路共斬功九百二十顆生擒四百六十九名口俘獲招降共七千九

百一十二名口尚有陸續招出者數萬各項軍器七百四十一件牛馬四百八十一匹隻黃傘船隻偽劄銀兩器皿不計兵聲已震無奈西賊復爾結連兼有報烏鎮陰助諸苗聯絡勢復猖狂除行長納兩路攻打永寧紅崖以牽賊勢調發官兵堵截策應相機戰守獲功行道驗紀生擒分別梟羈以俟獻俘俘獲招降給票安插牛馬器械犒賞有功官兵失事文武行令戴罪陣亡兵士查明卹給外理合具題伏乞勅下兵部案候事平之日一體敘錄施行爲此具本謹題請旨天啓三年四月十

督蜀疏草

卷之六

三

八日上奉聖旨兵部知道

飛報取永大捷疏

題爲飛報大捷事天啓三年四月十五日據長納二路監軍道蔡政閱夢得副使李仙品僉事劉可訓塘報准四川鎮守總兵官李維新報稱奉令自三月二十四日出師進剿攻破麻糖坎觀音寺青山崖天蓬洞等處分布大小文武官兵攻打永寧卽於四月十三日隨據守備陳善治劉兆斗等報稱將官秦翼明秦拱明秦永成秦可等五鼓發兵與賊戰於土地坎殺賊大敗據稱本日奢寅親統大眾五鼓迎敵我兵分爲八路接陣自己督蜀疏草

卷之六

无

至午殺敗酋寅斬功計約千級以外溺水死者無算追至老君營涼傘舖將賊大小四十營盡燒火光徹天所損頭目僞將頗多寅賊身中二槍僅以身免仍奪坐馬二匹鎗金龍傘一把斬獲僞總兵鄭章秦拱明親斬僞總兵吳繼盛首級鞍馬銀刀軍器生擒無算去永寧止十里僞總兵樊虎在陣被殺生死存亡未卜同日又據道鎮塘報將官劉養鰲鄧懋官等發兵攻打橫山八甲中弔三溪等處節次斬功九十餘顆招降苗民共一百四名口生擒五名俘獲婦女四口招出僞總兵劉亨千

總苗目戴福壽陳友等六人又楊承宜范祖文胡國仁等於青岡坪拏獲苗賊姦細三名僞都司樊其才等五名殺賊四百人獲馬二匹鎗刀二十四件又續招出男婦二萬名口馬一匹得獲大小刀五十把槍二十枝十六日又據總鎮塘報職等在瀘衛親見官兵畏怯難以驅策只得於十三日五鼓先發秦翼明等二萬攻打土地坎一帶逆賊敗退去後當夜密令張令秦國偉李維翰李棲鳳兵潛至永寧城下十四日李總兵同秦將張邦紘楊應岳秦謀陳旦贊畫官林禎內丁納尚勇總旗督蜀疏草

卷之六

三

趙瓚督陣居敬李在官陳善策胡榮并標營千總等官百餘騎兵四五百人一面令中軍盧世卿督兵隨後接應本職兵殺至城下逆賊四門堵截見勢不敵逆酋將城中房屋四亂燒起亂殺軍民張令秦國偉李維翰李棲鳳殺入小西門就於馬上生擒僞頭目周邦大楊丞相銜開大西門出降二萬餘人跳城赴水者無計城中煙燭薰天本職難以輕入止令張令等在西門外紮營本職暫於紅崖對面高山劄住有職帖書如有能擒奢酋父子出降者不但免其罪卽照額定賞格陞授官職

決不食言用箭三十矢直射入賊路至於城中驚散婦女幼子本職逐一親審有夫者查還其夫有父母者查還其父母使其骨肉完聚將逃出人民另割一山頭井不許在本營洞亂今永寧既取則土地坎老君營永安驛江門一帶自清餉道自通三軍有恃其自衛以西洞寨盡爲我役矣卽今二酋見在一處而水潦等賊兵橫割兩山十數營本職必乘機決戰生擒二賊以報國恩目今情形甚急除晝夜加謹執戈以俟決戰合先塘報又據推官胡平表加銜副總劉養銀塘報相同等因到

督蜀疏草

卷之六

三

臣看得逆酋奢崇明父子自知罪逆滔天不死不已賄結鄰苗經年衝突自二月二十七日長寧大敗黨羽漸潰方借水西諸苗以衛遵義而大將遂合長納兩路之兵併力俱進從麻糖坎大戰轉入青山涼傘歡喜中弔橫山等處擒斬無算而二逆猶假鄰方應援之衆爲背城借一之舉四路埋伏以待我兵仰恃皇上威靈諸將戮力大戰一日勢如山壓賊計窮勢蹙乃始放火而遁文武各官俱於十五日住劄永寧城下惟是禍本未除狡謀叵測況紅崖天臺木脚水姜古牛酸草等七國俱

稱天險除行督催五路上緊擒拏外一切功次行道查實紀敘理合具實飛報以慰聖懷伏乞勅下兵部案候俟事完之日一體行查敘錄陞賞施行爲此具本謹題請旨天啓三年四月十八日上奉聖旨賊巢攻克已有旨著督兵擒剿毋令元兇遁逸朱燮元調度有功併文武將吏人等事平一體敘錄該部知道

督蜀疏草

卷之六

圭

補卹死事諸臣疏

題爲續查死事諸臣乞賜分別褒卹以慰忠魂事先是奢賊發難恣肆屠戮與夫臨陣戰歿者自撫臣徐可求而下共四十三員俱經兵部覆奉明旨厚賜贈襲咨到之日一時人心感激倍爲踴躍今陸續申報尚有遺漏未經題明不敢不具請以慰幽魂行據按察司查得原任雲南洱海道副使報陞松潘道叅政李忠臣原籍陝西涇陽縣隨祖商賈住籍永寧中貴州乙酉鄉試天啓元年九月內便道抵家適值酋變不容赴任屢奉本部

督蜀疏草

卷之六

三

院牌檄密約永赤王同知何指揮等歃血擒酋不意謀泄賊擁兵入宅本官急叱四川迎接書吏徐汝勵引幼子從旁門走出遂仗劍自刎該本司會同布政司看得本忠臣散金結士約爲內應事未成而機泄棄親孤以若遺養士之效不孤致身之義已盡允宜贈卹以慰忠魂徐汝勵受主遺命脫孤虎口應免京考等因又據分守川東帶管遵義道右叅政吳國仕呈報覆查得遵義府推官馮鳳雛不避艱險親入虎穴復城據守勞苦萬狀天啓二年七月二十三日二酉夾攻本官挺身罵賊

不屈墜城及賊脅降自求一死被殺二槍卽時身斃骸骨無存威遠衛候缺經歷袁一脩本府司獄蘇璞俱義不從賊同墜城被傷身故看得三官皆勤勞王事以身殉難均應分別具題旌卹以慰幽貞等因又據按察司呈奉兩院批覆查瀘州鄉官高光死節緣由該本司會同布政司查得原任應天府通判高光於天啓元年九月因酋變本官削髮作偈曰君父誼尊削髮自盟臣子守定留鬚爲證與子生員高在崑募兵復城殺賊百人酋將本官追至大葉壩不屈同家丁十二人登時殺死

督蜀疏草

卷之六

三

在崑走脫看得高元值孤城被賊之時勵摩頂殉身之義方竭力以衝鋒迺勢窮於穿縉身膏白草血濺青鋒一時之大節已昭千載之忠魂不昧應從俎豆以勵頑風等因又據監紀巡北道叅政叙瀘道李副使呈覆查得永寧衛舉人胡縹賊未發難首抱杞憂條陳二次及酋犯省縹乃集兵截斷爐煙小路被酋將縹囚獄苦拷家口財產盡劫後賴伊弟胡緯行賄保出奔赴轅門化誨宋武等擒何若海招降二萬餘人結酋腹心多人急圍擒賊拮据四月不意本年十一月十七日營中延

燒火藥遂被焚死如縑赤心報國之臣應宜重加旌卹等因又據監軍二道呈奉本部院批覆查出陣亡各官由詳查得原任富順縣立功縣丞葛盛德同千總王成龍於天啓二年九月二十日西關與賊大戰並家丁六人力戰重傷陣亡又查出成都後衛千戶鄭應欽實授百戶汪起蛟加銜守備劉自靖俱於天啓二年七月初十日江門殺賊陣亡加銜遊擊李縉於本年十一月十四日石子山對戰手刃數人因力乏被槍身死加銜守備孫世信毛民望加銜指揮李承宗於天啓三年二月

督蜀疏草

卷之六

三五

初六日仙人庵與賊大戰身死併應照例優卹等因又據兵巡上川東道呈奉本部院批覆查出遇難陣亡各官由詳該副使徐如珂回稱查出重慶衛知事王正經巴縣典史吳應元土沱驛驛丞蕭美於天啓元年九月因撥赴撫院聽事又本院旗牌成都中衛百戶范之偉同時遇難而死大足縣主簿張志譽典史朱應舉本年十一月初一日賊首梅寵率賊萬餘攻縣二官集兵陣於西壇慶四晝夜至初五日叛賊葉省祭添兵數千夾攻張主簿並家丁張成等被槍殺死朱典史見主簿被

害奮勇衝敵亦被殺死看得王正經吳應元蕭美范之偉遇難暴棺家室流離張志譽朱應舉以縣佐小官捐身殺賊其志誠壯其死可悲各官均屬歿於王事卹典似宜分別從優等因緣由呈報到臣該臣看得參政李忠臣報國有心突圍無路投臣三揭除兇之意氣頗堅遭禍一朝滿門之屠戮甚慘偶倖脫其幼子實齋憾於重泉推官馮鳳雛獨障荒城塞遭大疫衆寡之勢既異犄角之力全孤以身殉城不踵食生之跡遺骸莫檢可徵遇害之真鄉官通判高光以杭丘棲壑之身爲稱干

督蜀疏草

卷之六

美

比戈之舉主僕十二人同嬰白刃忠魂千百載應祀覺官舉人胡縑先期具揭頗同曲突之忠謀臨難遭刑不畏犬羊之虐焰卒以奇計脫筭旋復倡義招降溢死堪嗟孤忠難掩若原任縣丞葛盛德主簿張志譽典史朱應舉揮戈血戰壯志猶生經歷袁一脩司獄蘇璞知事王正經典史吳應元驛丞蕭美遇難投城精魂未泯成都中衛百戶范之偉重慶遇難成都後衛千戶鄭應欽百戶汪起蛟加銜守備劉自靖江門戰死加銜遊擊李縉石子山戰死加銜守備孫世信毛民望加銜指揮李

承宗仙人庵戰死千總王成龍西關大戰重傷身死具
皆捨身就義併應分別優旌再照馮鳳雛被圍不屈經
城殞命遵義道僉事趙邦清已查的係西賊鄭應顯親
手執殺應顯實綏陽縣里長豈不識認原報偶爾差訛
幾致忠魂埋沒伏乞勅下兵部行巡按御史覆查照例
甄別贈卹施行爲此具本謹題請旨天啓三年五月初
一日上奉聖旨兵部知道

督蜀疏草

卷之六

三七

克園擒撫功次疏

題爲恭報攻克險岡招撫苗巢功次事天啓三年四月
十四日我兵奮勇攻復永寧已經差官張學周承差朱
人路飛報外臣隨檄行總兵官李維新監軍道府等官
閔夢得李仙品劉可訓段師文鄭朝棟胡平表等分布
兵士一面進剿追擊二酋一面招撫以安苗黨去後續
據道鎮報稱本月十五六二日打上紅崖大團賊皆披
靡又於十八日攻取天臺岡賊目卽具牛酒率黨數千
人納降又於二十日差官張華等分頭招撫水潦四十

督蜀疏草

卷之六

三八

八寨一帶隨卽安插計連日共斬獲壯功一千二十八
顆生擒僞元帥僞都督總兵監軍副參遊等項僞官張
尚義夏雲奇汪澤遠等二十五名斬獲大頭目一十一
顆俘獲男婦一百五十名口生擒活功三百三十三名
逆寅銷金龍傘一把瓜斧二隊皆龍鳳彩文槍刀衣甲
六十三件永寧宣撫司永寧赤水衛建武各千戶所百
戶印信一十九顆僞印六顆牛馬六十隻匹二酋奔入
古萌龍場一帶意欲結連西賊等情十九日又據建武
遊擊滿思謙擒獲賊目大老虎羅文有等三名納路將

官邵懋官守備劉養銀等攻打紅崖高木馬克手爬一帶斬功三十三顆生擒賊目十三名招安地方三百里降賊日十二名民婦四萬三千二百五十名口刀槍八十件馬二匹本月二十八日又據巡北叙瀘監軍三道呈解偽總兵內閣給事中巡河操江員外主事等項偽官王偕沈林并水西偽朱總督部下偽總兵曾謨七偽參將胡洞三等四十七名二十九日三道轉據推官胡平表等各部下將官潘映奎等生擒水西應接偽都督總兵駱文奇偽監軍李采并偽都司欽天監等項偽官

督蜀疏草

卷之六

三九

陳所蘊錢萬選田有金等共四十二名得興文縣并儒學及永寧千戶所印信五顆偽關防一顆逆實與母加偽徽號手卷一軸偽勅書一張交通各苗府書啓四封偽曆日一本又據遵義道僉事趙邦清報本月十六日奢寅偽總兵高象乾隨帶家眷五百餘家來降又據仁合路監軍參政王世仁副使徐如珂報據加銜副將羅乾象薛來衍報稱本月十九等日攻克白崖楠木等圍賊目舒廷彩羅書成挈家來降偽總兵酉兒及苗民萬餘亦來投降二十九日又據總兵李維新報稱探得奢

崇明父子計窮力竭寫具投狀一紙降了水西助兵四十營將欲過河老酋在獅子山將家口已送水西去訖奢寅在滑右點羿子兵欲來接陣各等因塘報到臣該臣看得紅崖天臺白崖楠木等圍爲酋三窟一朝平定酋之偽相偽將多被生俘印信一時俱獲永寧土地人民已強半還朝廷矣獨二酋奔入古蘭復有投入水西結連再出之說我官兵雖漸逼進而糧不接濟爲可慮耳除申飭文武將吏多方隄備五路漸入相機進剿掃穴擒酋一切功次行令道將查審紀驗安插候解外理

督蜀疏草

卷之六

四

合具題伏乞勅下兵部一體案候紀叙施行爲此具本謹題請旨天啓三年五月初二日上奉聖旨兵部知道

催餉辭銜免扇疏

題爲蜀局未能遽結匱餉萬分難緩仰祈聖明削去恭
轄虛銜亟求接濟實惠事蜀用兵兩年窘困萬狀蒙皇
上慨發內帑續准戶部九卿會議扣留楚蜀南京料銀
接濟前後二起共一百六十六萬八千一百八十五兩
聖恩固已浩蕩卽諸臣心力已竭臣豈有冒無心敢爾
瑣聒但探囊必求應手書併難以充饑自解圍之後臣
一面設處行糧發各兵東赴重慶一面親督大將與逆
賊父子接戰於叙南等處迄今一年有餘五路堵截每

督蜀疏草

卷之六

聖

月數戰此十六萬人誰可一日不食乎總計臣所收過
詳事曾守身解帑五萬主事王儀解帑六萬楚解二萬
共計一十四萬此外則催逼藩司不拘何項俱以應急
總計可三十萬而藩庫已蕭蕭若掃各邊軍糧且欠至
一百一十餘萬矣查據督臣張我續離蜀之日貽揭到
臣已用過帑銀四十五萬而蜀中徑用過錢糧大約四
十萬不在數內又鄖陽撫臣楊述中於兌發楚帑內支
去五萬一千七百二十七兩有零又如督臣張我續所
取楚中兌帑解襄三萬內支一萬八百兩與泰明屏兵

士援黔用餘一萬九千二百兩同後取五萬俱已起解

至湖廣常德府收貯援黔支用與蜀何與亦籌解蜀之
數此臣下任受也舍此而外尚有九十二萬六千四百
五十八兩內如四川加派遼餉油漆茶蠟生絹藥材銅
錫協濟等項共銀三十二萬零皆前歲調兵預那資賊
或逆賊殘破奉旨蠲免或以援兵經過所司徑那作供
應卽前督臣并各處用過蜀中四十萬以此相抵尚不
足數此一項又屬虛數惟是楚中前兌帑內尚該二十
六萬八千二百七十三兩後發帑該二十三萬五千二

督蜀疏草

卷之六

聖

百四十一兩合之五十萬三千五百一十四兩又南京
料銀十萬此皆皇上所明與以救蜀者張口待哺日急
一日而無奈其不能得也况當追賊入巢之時尤非安
坐待餉之日臣如灼如焚無可爲計竊照皇上特授總
督之銜兼轄楚之荆岳鄖襄陝之漢中者不過謂總攝
列郡便於催督耳但鞭之長不及馬腹遣人往返動輒
半載祇傳一紙空文何濟於事除另造收支冊備具數
目聽部科酌議外伏乞皇上將臣帶轄之銜速行削去
責成彼中撫按依數催發接濟庶幾政不多門事無推

該俾臣得少辭於庚癸之口而各將士亦獲藉以建尺
寸之效則地方之萬幸也至於議留四川銅錫生絹藥
材油蠟遼餉協濟湖貴陝等銀三十二萬兩零除天啓
三年二年分者前款已支乞准免造起解事平委官查
盤造冊開銷其天啓三年分者即作蜀中扣留三十二
萬二千九百四十四兩容臣徵收以充軍餉又南京料
銀十萬兩併賜嚴催俾帑不虛發餉得實用又臣因兵
餉急缺檄行布政司多方摻括接濟隨據左布政使林
宰回稱司帑如洗僅存低假銅錫之類各邊嗷嗷言之

督蜀疏草

卷之六

聖

痛心而天啓四年分貢扇價銀數該一萬一千八十七
兩九難措處當此兵精告乏公私罄懸民苦匠迹造辦
甚難若蒙具題照天啓二年分蠲免一年省此萬金設
法催那充餉接濟亦救急良策等情臣思任土作貢臣
子大義非敢屢徵恩澤而該司痛心之言實非得已併
乞勅下該部一體酌議覆請行臣遵照施行爲此具本
謹題請旨天啓三年五月初二日上奉聖旨該省兵餉
匱乏其發過銀兩著戶部設法上緊催解蠟茶已有旨
了四年分扇柄准免以後照例解進朱燮元奉命總督

該管地方有不遵行的當嚴行叅處豈得推辭該部知
道

督蜀疏草

卷之六

品

議處險躁監司疏

題爲議處險躁監司以肅軍政事臣惟軍旅大事疆土之安危三軍之生命係焉既當其任卽此身不得復顧而況借賊邀名藐令違期有如僉事越其杰者平臣知昏識短不識其杰底裏祇因其在荊州能收拾援遼放散之兵又隨各道共殲周鼎應援之寇意必有一段異材可任緩急適去年五月內該督臣張我續檄令提遵義之兵前往瀘合臣因而用之及見其議論浮夸全無實際心竊駭異訪之各監司俱曰馬有蹄嘴士有跡弛

督蜀疏草

卷之六

聖

本官之意實因盧僉憲熱衷意在加一道銜當此危急之秋何惜虛名不鼓實用若異日不效操縱固在也臣此時念切地方卽移會按臣張論備言其意竝爲疏聞及蒙皇上俯允授以僉事職銜正其努力自建之日矣豈意其別有肺腸不羞巾幗祇工擢名之計漫無其濟之思合江一路聚兵四萬有餘較長寧獨多原謂長寧告急則此一路徑襲其後且爲遵義聲援非欲其高坐也乃賊犯長寧八九遍危於累卵任人叫呼曾不一應又將一路之兵無故而分開三股自揀精銳爲一股追

遙河上領糧則獨先報警則不顧致各將忿恨皆求別用臣屢檄激之祇爲虛詞以相報則意其嫌此路險峻調之至納谿而不應又意各將不用命囑令明言而又不應今三月二十二日總兵李維新密告師期定於本日誓師二十四日出兵獨此一路杳然無耗臣行文切責始報於四月初六日發哨及差守備朱可榮視之尙晏處先市與各將角口也訪之衆口則云本官部將唐天貴實與酋深交常有往來改此一路執定不進賊亦不來又據遵義道僉事趙邦清揭帖稱其搜利賣賊頗

督蜀疏草

卷之六

吳

有條款臣總疑風聞未便遽發至四月初八日據上東道副使徐如珂抄送到下南道叅政王世仁告示一道皆切責監紀不肯進兵之詞至末段有云如復病狂喪心秦越相視而以土地僥倖也是彼且不顧公事而我豈顧私情便將從前擁兵冒餉受賄行私及殺降賈賊等事一盤托出以聽上人處分等語方知本官上下厭薄遠近怨咨從前粉飾牢籠之局敗壞決裂不復能施其面目矣該臣會同巡按四川監察御史張論參照得僉事越其杰意愈不端機鋒橫出朝三暮四時興平地

之波口是心非專載白日之鬼兒戲不殊於壩上戈矛
橫起於師中卽其期會故抗已干後至之章況其乖謬
多端大負前茅之任叅之情法三褫非過惟是以前効
有微績一線可原應重加降調以示懲創伏乞勅下吏
部如果臣言不謬將僉事越其本重加降調覆議上請
行臣遵照施行爲此具本謹題請旨天啓二年五月初
二日上奉聖旨吏部知道該本部覆議降二級奉聖旨
是

督蜀疏草

卷之六

聖

監儒助餉援例疏

題爲監儒仗義助餉援例乞授職銜以張勸典事據四
川布政司呈奉臣批據原任兵部侍郎高文薦家孫高
之釜呈稱蘭賊圍城百有餘日軍需浩繁公帑告匱天
啓二年正月內蒙委官親到釜家面諭借銀給散援兵
釜卽摻括銀二千四百一十一兩金器皿五百五十六
兩二錢玉帶六條大玉一塊大小玉石一十八塊大玉
石鍾四箇小楚石鍾二箇古鏡五面古銅盆一面盡交
司庫給有印信批照事寧補還釜思效忠一念何敢決

督蜀疏草

卷之六

哭

意望債願將前銀內除一千兩玉帶二條充餉更將銀
一千四百一十一兩金器皿三百兩折銀一千五百兩
照戶部頒發援遼新例俊秀子弟上納文華殿中書二
千九百兩之例賜題授職其餘見存司庫金器玉物念
係朝廷恩資所賜祖宗辛苦懇乞給還等情奉批仰布
政司查報奉此行據華陽縣回稱該知縣王琪查看得
高之釜乃鄉紳高文薦家孫也奉文借餉仗義可嘉今
據願將銀一千兩玉帶二束充作兵餉又將金銀折等
共二千九百兩照依援遼事例納入中書委與例合其

餘金器玉物亦應給還俯將高之釜照例准納中書筆
因申司據此案照先承准戶部照會頒刻援遼東征事
例內一款文華殿中書經題試職准差例今准俊秀子
弟納銀二千九百兩等因遵照在卷又據華陽縣聽選
監生李鑒呈稱蜀自奢酋犯順院司殫心竭力保衛元
黎靡不周備惟是米珠薪桂人情洶洶鑒於天啓元年
十一月內卽捐銀五十兩米豆十石麵餅三百斤徑赴
軍門進助二年正月內又蒙委龍安府楊同知成都府
梁通判親到鑒家面諭借餉鑒卽盡將家貲首飾器物

督蜀疏草

卷之六

四

共四千兩赴司交納印信批照內帑到日補還今軍需
告急卽慨賜給下亦非急公全義本心願將前銀內除
一千兩充餉查得援遼頒有開納事例歷滿聽選監生
加銀二千五百兩徑題文華殿試中書鑒於萬曆二十
七年八月內南監歷滿聽選給有應天府文引可據與
例符合尚有餘銀五百兩容將鑒子李嘉胤援例入監
准行取結起文赴部共足前銀四千兩之數誠兩便之
策也懇乞轉請具題俾鑒得叨一命之榮子需成均之
化等情據此卷查先奉兩院案驗承准工部照會俱爲

欽奉聖諭事刊發事例書冊內開一監生加文華殿中
書二千兩一童生入監納銀三百九十兩又援遼新頒
事例願加文華殿試中書二千五百兩各等因通行遵
照外今據前情該本司左布政使林宰看得奢酋圍省
集兵乏餉不得已勸借民間高之釜捐祖宦之遺貲佐
軍興之急用年甫幼冲志切於公以貨銀一千金玉帶
二束以濟軍需其餘折筭二千九百兩援例納入中書
試職餘物給還又監生李鑒捐借餉銀四千兩本生願
將內除一千兩助餉餘銀二千五百兩加授試中書又

督蜀疏草

卷之六

五

三百九十兩與子李嘉胤援例入監各與例合俱應俯
從請乞本部院類題仍批行取結咨部等因又據兵巡
上川東道副使徐如珂呈奉本部院批據本道呈據督
餉重慶府同知劉國藩申蒙本道批據本廳申領兵加
銜都司僉書王胤昌呈報自願遵例納銀八百兩穀五
百石助餉查得戶部刊發書冊內開一通行省直義助
東征銀兩生監備吏軍民人等助銀五百兩以上粟一
千石以上者許領勅書一道撫按衙門轉行有司備羊
酒導送旌表其門仍許建坊入誌以傳永久懇乞備達

具題等因今查王胤昌捐銀八百兩穀五百石與例正合申詳到道該本道看得加銜都司僉書王胤昌所輸銀穀數與例合此其志誠足嘉而其誼亦足以風矣合候詳允行令合州動支銀二十兩給付本官照例建坊示異仍候具題各等因又據該道呈稱王胤昌攻復重慶親斬苗功應照例另敘由詳到臣該臣看得監生李鑒章生高之釜李嘉胤初乃倒囊濟公次則捐金充餉此外剩存自應照數措還乃自願援例授中書監生見有部發欽依新例似當准從加銜僉書王胤昌身既效

督蜀疏草

卷之六

至

力戎行復捐銀穀共足千兩俱見急公之誼大於士馬有裨既經司道查議前來理合一併具題伏乞勅下該部查明事例將李鑒章高之釜授以文華殿試中書職銜聽差李嘉胤准授監生照例行取王胤昌查例授以遙授職銜聽臣轉行有司備羊酒建坊入誌以禮獎勵親斬功次仍候覈敘具題照例陞授酌議覆請行臣遵照施行爲此具本謹題請旨天啓三年五月初二日上奉聖旨該部知道該戶部覆奉聖旨是

保留給由府佐疏

題爲保留給由府佐官員事據四川布政使司呈奉臣批據敘州府申准本府推官宋萬畧牒稱見年四十四歲福建興化府莆田縣人由舉人萬曆二十六年五月內以副榜除授本省邵武府光澤縣儒學教諭丁父憂服闋補河南開封府洧川縣教諭陞湖廣漢陽府推官三十八年二月內陞浙江湖州府同知四十一年考察以推官調補廣東肇慶府推官四十三年四月初二日到任任內委署本府并德慶州印務督徵錢糧積貯稍

督蜀疏草

卷之六

至

穀俱已完及分數扣該四十六年三月初一日考滿已經預牒本府呈詳批允查結間隨於本年二月二十一日丁母憂服闋赴部天啓元年六月內復除今職天啓二年四月十一日到任隨署府事未徵錢糧無積貯稍穀扣該本月二十一日連前任實歷俸三十六箇月三年任滿例應給由等因照詳奉批仰布政司查報奉此行准按察司并守巡等道各咨牒查得本官委於前項年月日期到任前後二任歷俸考滿今方甫任署府數日並未追徵積穀查無違礙應准給由第今有賊造逆

地方多事需人甚殷本官職司理刑委查糧餉監紀功
次難以離任查與有事地方聽其保留事例相符呈乞
照例會題并開具稱職考語呈詳到臣卷查先准吏部
咨爲酌議考課之法以肅吏治事內開在外官員除方
而府佐照舊赴京有事地方保留聽撫按官從公考覈
賢否具奏先令就彼復職管事牌冊差人齎繳其稱職
經薦應得誥勅命者照例請給其平常不稱職者部院
會同酌處又准吏部咨開凡遇邊方管糧府佐并地方
有緊急事情官員考滿俱照舊奏留又准都察院咨爲

督蜀疏草

卷之六

五

治平要務急在保民等事內開省直撫按遇部縣各官
考滿總將二六九年修舉過五事覈實造冊定稱職平
常不稱職之差等另報部院又准吏部咨內開以後考
滿官員不論前後歷俸年月多寡俱得通理本部仍兼
查兩處賢否以行考覈各等因俱題奉欽依移咨通行
在卷今據前因該臣會同巡按四川監察御史張論考
覈得敘州府推官宋萬畧厚同嶽峙潔比冰懸折獄寬
誣洞照題材涇渭無淆稱職及照府佐給由例應赴部
但今蘭酋猖獗地方需人料理一應軍餉錢糧當及時

清查難便離任該司乞要保留相應照例題請除批行
本官照舊帶俸管事外伏乞勅下吏部查果與例相合
准令本官免其赴部止將前後任內造冊齎繳本部再
加考覈題請施行爲此具本謹題請旨天啓三年五
月初二日上奉聖旨吏部知道

督蜀疏草

卷之六

五

州縣正官給由疏畧

題爲遵例考覈州縣給由官員事據四川布政使司呈奉臣批據巴州申准本州知州賀納賢關稱見年三十九歲直隸鎮江府丹陽縣人由舉人云云廣元縣申准本縣知縣陳鴻恩關稱見年三十五歲湖廣黃州府黃岡縣人由舉人云云呈乞照例會題并開具各經薦稱職詞語起送到臣該臣會同巡按四川監察御史張論考覈得巴州知州賀納賢實心任事善政宜民光明偏昭逃亡慈愛力難周察廣元縣知縣陳鴻恩文江璀璨督蜀疏草

卷之六

琴案淒清經綸萬斛明珠撫字三春好雨二官職業俱修考居稱職除批行帶俸管事任內行過事蹟徑自造冊差人齎繳五事冊揭行令咨送部院外理合具題伏乞勅下吏部將知州賀納賢知縣陳鴻恩再加考覈酌議題覆施行爲此具本謹題請旨天啓三年五月初二日上奉聖旨吏部知道

報克古蘭擒斬西目疏

題爲再報攻克古蘭擒斬水蘭頭目事先是官兵取永克圖招撫苗巢已經二次奏聞於時臣與按臣慮師老糧乏兵心不一臣假便宜封刀五口與按臣各差專官及督責將領五面齊入馬上移會貴州督撫雲南撫臣四下發兵牽制務獲元兇廓清巢穴間續據監軍紀功道府閔夢得李仙品王世仁等并總兵官李維新塘報稱逆酋備送美女金銀結購水西借兵復出水西頭目魯仲賢等領兵自白沙所一帶入獅子山行一晝一夜

督蜀疏草

卷之六

奏

求援蘭苗隨分布編裨將領分道進取衆將秦翼明楊應岳於天啓三年五月初九日午時攻取余家山與酋對敵追至箭竹坪將酋公館營房盡燒生擒逆賊阿稱二名口加銜副將張令同殺入余家山賊營屯劉保寧府知府張翼軫十四十五兩日攻打耿家洞一帶斬獲坐鎮永赤偽衆將者惡首級一顆招降頭目王貴等十八名併招撫安插赤水後山白龍仙人等處二十三洞一帶地方苗民加銜衆將舒遐領兵至落北溝與賊酋敵斬獲偽遊擊陳自榮首級一顆苗級一顆永安驛印

信一顆千總楊倖信父子得獲永寧百戶印二顆秦將范繼道於落洞斬苗級八顆羅尚文於山羊洞斬苗級一顆生擒僞都司樂世榮苗兵尹成俘獲一口刀槍三件秦將林兆鼎於落海溝斬苗級二顆十二日秦翼明秦拱明等復領兵攻打木頭寨老箐等處我兵分爲三股殺入逆賊一見卽奔入深箐追斬五十顆生擒五名牛馬三十匹楊應岳步斬苗級一顆刀弩三件秦拱明於竹子溪斬功一顆又於落郎口與賊對敵西賊割五十管者賊割三十管被我兵殺敗十餘管追殺十餘里

督蜀疏草

卷之六

奎

斬功一顆加銜都司周朝佐追至斂箕壩擒獲馬二匹又獲筠連縣被擄生員舒應先自古蘭走出供稱賊父子糾西賊六十營去落紅與羅乾象接陣勝則復出永寧等情又據鎮道塘報羅乾象進兵於十三日大獲全勝斬獲多功生擒無算本職先於十六日發兵十八日親督進剿等因二十日據鎮道塘報據監紀知府鄭朝棟報稱十五日曾目白卜統一千餘賊欲出劫營王懋官等伏兵斬賊級一十八顆俘獲婦女二口槍弩五十餘件加銜守備任道重於李家崖追斬苗級一顆生擒

安賊二名阿九小五又據推官胡平表報稱十八日午時中軍潘映奎等徑進獅子山新寨將僞衙舍放火燒盡降苗旱二等三百名家口千餘情願協擒二賊等情五月十三日據鎮道塘報納路守備劉養觀將官鄧懋官奉令分布由手爬崖一路徑攻古蘭招降逆僞腰王僞總兵鄧國湖僞秦將袁應璧等男婦七十六名口復選勇將鄒世賢等領健卒暗入古蘭州將古蘭圍城公館衙舍街房盡行燒燬惟九鳳樓木大不燃是夜又轉燒石頭者斯螺螄等五寨苗管賊兵見火焰盛大俱逃

督蜀疏草

卷之六

奎

入深箐鄧懋官統兵追賊至滴水崖生擒酋賊楊二姜才七名又差守備劉誥等招降上里海底園等一帶宣布朝廷恩威招撫茨竹花秋廣木等處僞秦將羅高王心一等男婦五萬二千餘名口又據道鎮塘報瀘州知州王新民報稱督率所部官兵多方誘諭僞之羽翼心腹日漸剪離於是沈戴馬口等處苗民共計七千餘名投降願爲前鋒等情五月十九日據仁合路監紀秦政王世仁副使徐如珂塘報據監紀同知劉鼎新報稱四月二十八日僉書薛來衍守備張明遠報羅書成舒廷

彩等統兵至麻窩招降彼中逆民對敵當陣斬獲一十六顆又殺賊目丘明忠復招降民計五千六十二名口督陣指揮楊元譚正宸等同副將羅乾象統兵戰於銅鼓坪圍樂用等寨與賊首羅向宸偽相張向極等分三路大戰賊不能支緣崖而走衆兵追殺張向極張聯極投崖跌死我兵一擁上圍入寨斬功百有餘顆生擒賊黨二百名口牛馬器械無算各寨房屋盡行燒燬俘獲婦女即日解驗招降大寨寶瓦柿子等處山溝降人羅宗啓等二千餘名二酋借水西之兵十三營來敵我師文武大小將吏羅乾象等分布譚正修羅萬象譚大孝譚正常等由官庄分爲先鋒左右翼於本月十三日直取古蘭迎敵自辰戰至午後斬獲苗功五百餘顆內一顆係水西偽大都督元帥魯仲賢更名魯康頭重二十斤又一顆係水西偽總兵羅奇又二顆係蘭州偽總兵陳二偽參將李先芳生擒解驗水西苗賊阿呼把等七名及仲賢等首級戰馬器械不計其數乘勝殺入攻克古蘭州又燒牌坊一座賊四散逃入永善審據生擒苗黨供稱奢寅因永寧大敗苗父子將桌一張去其一腳

擢往水西借兵魯仲賢等先統十三營於五月初一日起身十二日到此大戰又供尚有三十營未到此去必來報警等情五月十七日據真綏遵義二路監紀參政吳國仕參議趙邦清塘報據加銜副將陳一龍探得奢寅父子果於四月二十七日發人挑綵紬數十擔贏馬二百隻銀子十二包男女二百名口送水西九股借兵又據加銜遊擊楊通需移報西賊游朝柄等將金雞坪等處復業降民擄去數十本官統兵追至李稍塘斬級三顆生擒一名目下見分大兵各殺入古蘭等情各塘報到臣該臣看得入永破圍之後復取古蘭賊巢兼敗水西助惡之兵斬其二頭目從此一面招撫一面廓清苗事已有次第惟是霖雨一月穴險箐深二酋之蹤跡難覓糧米之轉運甚艱况蘭未告終安復狂逞兵屢戰而疲路轉入而險如臣碌碌抱病從事尚未知機會若何除犒賞各將吏與一切機宜臣同按臣料理務獲兩逆獻之當宁魯仲賢等首級與獲水西賊兵已經解到臣衙門查仲賢係攻圍貴州首惡見委多官辨驗真確及移貴州督撫火速進兵彼此牽制外伏乞勅下兵部

查明紀叙以慰効力諸臣軍士施行爲此具本謹題請
旨天啓三年五月二十七日上奉聖旨賊巢盡破蕩平
有期員役總候查明議叙該部知道

督蜀疏草

卷之六

三

續揭報獲賊衣飾等物

爲續報得獲賊仗事職繕再報攻克古蘭擒斬水蘭頭
目疏完發行間又據監軍三道叅政等官閔夢得李仙
品劉可訓報據監紀知府鄭朝棟報稱奉院道傳檄責
成招撫天臺等大囤賊目羅輔周貴興於朝等率散目
二百五十人來歸得獲逆苗父子收藏國內偽器金冠
金銀鞍鐙違制苗服等項共二百三十五件前來理合
轉解以俟獻俘等情到職卽於公堂同文武等官逐廂
點驗封發按察司收貯候拏獲逆賊奢崇明父子之日

督蜀疏草

卷之六

三

一併解進外合行揭報以備查考施行

計開

金女冠一頂同寶石連段裏秤重十七兩
八錢

大紅段織金袞龍綠裏邊單袍一件

綠花段袞龍續繡補紅裏邊單袍一件

織金袞龍段面藍裏背心一件

紅段織金袞龍面藍裏背心一件

青花織金單袍一件

紅雲段織金單袍一件

天青段面火裏紅裝花裏邊袍二件

青段面火裏紅裏裝花裏邊袍一件

蘇官綠段面裝花裏邊單袍一件

紗綠面裝花裏邊單袍一件

紫段面繡花裝邊單袍一件

紫段面綠閃段裏邊單袍一件

大紅雲段面綠裏邊繡錦單袍一件

火裏焰花紬面插錦紅裏邊單袍一件

督蜀疏草

卷之六

空

綠閃段黃花面織金補紅裏邊單袍一件

綠閃紅拱線繡補面紅裏邊單袍一件

油綠紡紬織金補紅邊單袍一件

裝花五色段繡補單袍一件

青綠雲段織金補單袍一件

綠花絹面裝花邊單袍一件

藍閃段面繡補單袍一件

天青段看花補面紅紫裏紅裏邊袍一件

綠閃段繡補單袍一件

紫地銀花段紅裏邊單袍一件

藍段繡補單袍一件

紅花段五色裏邊單袍一件

綠素段裝花天青補單袍一件

梅紅細花彭段插錦藍邊袍一件

白綿紬細褶男道袍六件

綠花段繡補紅邊單袍一件

藍雲段繡補單袍一件

藍錦刻絲紬刻絲補單袍一件

督蜀疏草

卷之六

畜

天青刻絲補單袍一件

織金素段填金補紅邊單袍一件

藍段繡補單袍一件

織金綠袍繡補面藍紗裏袍一件

藍花紡紬織金補單袍一件

紅素段刻絲補單袍一件

青素段織金補單袍一件

綠花紡紬繡補八寶補單袍一件

綠雲段紅雲段裏補單袍一件

青素段刻絲補單袍一件

綠花段績繡補單袍一件

藍八角絹面插錦紅裏邊單袍一件

橫織金面綠絹裏女圓領一件

紅段績繡紬女衫一件

紫倭段面小袖銀花裏男衣一件

紅紵絲織金面藍裏小袖女衣一件

織金紅面大袖女衣一件

藍花紬績繡女衣一件

督蜀疏草

卷之六

奎

綠段面裝花藍絲裏背心一件

水紅拱線段面藍裏背心一件

五色裝花面藍裏背心一件

桃紅花段面藍裏背心一件

葡萄色段面綠閃段裏裏邊背心一件

內裏珠金牌釧一副金梅花十四箇

銀花紡絲紬面紅段裏背心一件

紅素紵絲福絹而藍福絹裏背心一件

繩五色裝花面紅紗裏背心一件

大紅段面綠裏裝花梅條背心一件

銀花線紬藍裏背心一件

苗女霞帔一件紅面繡錦裏邊銀飾件七

十塊墜鈴五十三箇珍珠古老錢一面

填金紅絹一疋

裝花閃絹一疋

綠素紵絲一疋

紅填金絹一疋

綠閃紅段一疋

督蜀疏草

卷之六

亥

桃紅填金段一疋

裝花紅段一疋

填金紅段一疋

裝金綠蜀錦段一疋

織金坐褥面二幅

刻絲單絨裝閃面一件

苗細褶女裙一條

紅段舊女裙一條

白綿紬二長疋二小段

藍絹女裙一條

銀紅段女裙一條

紅閃色女裙一條

紅段毳邊女裙一條

珍珠攢盒二架

毳裙邊一細

皂靴一雙

女鞋底一把

銀包金裏馬鞍一座內銀鞦珠五十六箇

督蜀疏草

卷之六

奎

銀包鞦根一件銀裏鐙一副馬纓槍纓

共一袋

又據道鎮解僞大都督樊虎大元帥錫印

一顆

又據監軍同知劉鼎新解扶國頑僞大元

帥錫印一顆

天啓三年五月二十七日揭報閣部科

殘邊加陞道臣彈壓疏

題為殘邊重地彈壓需人亟議陞用勞臣以便責成事
臣惟遵義新疆路逼水蘭內則舊民助逆外則安酋屢
犯郡城蕭蕭鞠為茂草臣自昨歲倖解錦官之圍卽有
戎州之役經年臨敵應接不暇及今解嚴始得放舟東
下永寧古蘭旣已蕩掃則惟遵義一路最爲喫緊矣近
准督臣楊述中會葉欲移總兵魯欽駐鎮遵義則不必
再設大將而扼要居衝儼然有虎豹之勢地利人事委
爲兩便及查道臣僉事趙邦清已陞川北參議又經議

督蜀疏草

卷之六

奎

委督冊事務新任道臣侯國尚未到任該臣會同巡按
四川監察御史張諭查得叙馬瀘道副使李仙品見在
軍前堪以委任除移檄外本官自辛酉年六月甫任卽
督兵東援及撤兵回叙適值二賊入犯百方拮据收旣
散之人心堵方張之虐焰來佛之戰追奔數百里恢復
建武併南六縣嗣後或泊江潯或入箐崖身先士卒艱
苦備嘗乃其嚴毅而不殘苛明察而更縝密經權互用
操縱咸宜真得師貞之歎繁者也目下取永揭蘭已建
奇功參以常格自應卽寄節鉞但二賊尚逋震鄰未戢

賢者多勞勢非得已合無加陞四川布政司右布政使
責成管理該道事務馳入新疆與總兵魯欽共相籌畫
且得與臣朝夕從事在本官爲舊游易於整頓而將士
憚其威嚴更加鼓舞人地委爲相得危苦諒所難辭理
合具題伏乞勅下吏部再加酌議將李仙品加陞右布
政使管理遵義道事頒給應得勅書覆請行臣轉行本
官遵照任事施行遺下叙瀘道員缺卽以近補遵義副
使侯國收補移駐建武宣威撫輯烏蒙鎮雄問罪東川
烏撒完此一面事局庶於安撫兩有裨益爲此具本謹

督蜀疏草

卷之六

完

題請旨

就近改補改陞府佐疏

題爲邊境佐理乏人謹遵明旨就近陞補以冀還方事
臣謂遵義自破殘之後歸鴻無恃保釐料理不可乏人
該臣會同按臣將彭縣知縣今陞雲南臨安府同知冉
峯具題就近改遵義府補同知張起鶚員缺今接邸報
見前督臣張我續復命疏中冉峯掛名彈章矣隨卽牌
行四川布政司查合屬咨俸及期相應官員作速議補
又查龍安府同知嚴實屢次告病出境地處邊徼員缺
難以久懸亦應併議以憑具題去後隨據該司左布政

督蜀疏草

卷之六

七

使林宰回稱查看得潼川州知州陳時宜當戎馬生郊
征繕旁午固西北一咽喉也本官鎮靜不擾集兵餉以
捍收圍至援兵絡繹於途魚然驚民至苦兵重於苦
賊士民安堵則該州之繫守茶葉堪茹長才艱宏能任
可知已茲已久陞平涼府同知應加成都府同知仍管
州事今冉峯旣掛彈章卽以本官改補遵義人地果得
其宜平武縣知縣李克讓見兵食之告匱義形於色屢
任數日盡捐橐中資斧三百餘兩仍傾家產再捐千
金以佐急需此其公爾忘私卽賢者猶以爲難况自蒞

邑以來府與縣虛無人焉該縣獨力支持署府籌邊苗
裔帖然政事與行誼俱優吏材與忠膽並著者今本府
同知嚴實告病決意回籍應否准其陞補員缺伏乞具
題以茲激勸其於吏治軍務不無裨益矣等因通詳到
臣該臣會同巡按四川監察御史張諭查看得夜郎天
末居水蘭接壤散而復合之民正當撫摩整頓漸復元
氣阻遏兩逆自非賦才超邁秉節孤高者不能任之潼
川州知州今陞平涼府同知陳時宜丰標昂秀才穎華
華清心室有懸魚敏手案無留牘聞報陞轉士民赴臣

督蜀疏草

卷之六

圭

苦憇借寇甚切先議加銜成都府同知仍管州事今新
任知州姚繼崇業將履任應以本官改補遵義同知以
備嘗艱苦之官當支衝起瘠之任甚屬妥便平武縣知
縣李克讓才識周詳趣操謹凜甫任數日倒囊助餉三
百復見賊勢披猖需產再勁千金俱自原籍解四川藩
司以濟急公查龍安府未任同知嚴實因病乞休未經
履任行據該司回稱久於荊州養病未痊回籍訖合無
將本官陞補前缺以爲仗義爲國者勸其於遐荒僻壤
未必無小補矣理合具題伏乞勅下吏部覆議上請將

陳時宜改授遵義同知員缺如銓補有人或於川中各
府就近改補一缺以竟其才遺下平涼府員缺另行銓
補知縣李克讓陞補龍安府同知以安邊城嚴實准令
致仕行臣衙門轉行二官遵照施行爲此具本謹題請
旨天啓三年五月二十七日上奉聖旨吏部知道

督蜀疏草

卷之六

圭

請勅專官督理黃冊疏

題爲請給督冊專官勅書董理黃冊事據四川布政使司呈奉臣紙牌照得天啓二年又該天下大造黃冊之期應於布政司左右叅政叅議內資俸尚淺者一員議詳今該司各道俱係俸深見在軍前料理况黃冊重務勢難再緩牌仰該司官吏上緊定議一員以憑坐名具題請勅專理督冊等因奉此該本司左布政使林宰查得本司分守五道上下川南見在軍前料理守東業已報陞守西又以齋捧登途今冊務已興稽覈不可無人

督蜀疏草

卷之六

三

及查遵義道僉事趙邦清已陞守北右叅議卽以二官管理督冊事其妥便伏乞具疏請給勅命庶得責成等因呈詳到臣卷查先准戶部咨爲申嚴黃冊事例特懲因仍敝習以重版圖以甦民困事該本部議覆該南京戶科等衙門署管後湖事給事中等官歐陽調律等題稱天啓二年又當大造之期覆請命下本部移咨吏部查將浙江等布政司右布政左右叅政叅議內擇其年資尚淺才力素著者每省一員并南北直隸巡撫都御史疏名上請咨部移文內府翰林院撰給勅命督理冊

務通候事完方准遷轉等因覆奉聖旨是欽此欽遵移

咨前來隨經通行去後今據前因該臣會同巡按四川監察御史張諭查得十年大造國家重務委官專管原有成例及照分守川北道右叅議趙邦清才名素著陞補方新正與例合雖資深功懋當有不次之擢而見今乏材不得不資料理既經該司議詳前來理合具題伏乞勅下該部查照往例撰給勅書與應得事宜頒發前來責成本官通行取冊覈查完日造冊奏繳施行爲此具本謹題請旨天啓三年五月二十七日奉聖旨該

督蜀疏草

卷之六

三

部知道



少師朱襄毅公督蜀疏草卷之七

卹陞鄰省仗節文武疏

欽差總督四川兼制湖廣荆岳郎襄四府陝西漢中一府軍務策應緩急督理糧餉巡撫四川等處地方兵部左侍郎兼都察院右僉都御史臣朱燮元謹題爲特報鄰省仗節之臣乞賜優卹以彰激勸事自逆酋奢崇明父子造叛不惟全蜀被殘卽黔省切近衛所荼毒不可勝言有如貴州永赤廳同知王胤昌處苗肘腋力不能

督蜀疏草

卷之二

一

抗只得慷慨投繯全家屠戮不遺一胍貴州摩尼所千戶張大策自賊發難卽舉義血戰寡寡不敵被賊綁至教場碎剝以死貴州畢節衛掌印指揮裴有章當賊初起首阻狂鋒堅城拒守已有勝形而沐兵乘夜撤回城遂不保時文武有挺身就戮者有操戈陣亡者未盡查出本官背城力戰身中八槍竟爲賊縛次第轉賣及到烏蒙偶與部下小兵相遇抱持涕泣主文羅旻報土舍祿祈母子捐銀贖取適臣差官來報卽懸賞烏蒙使之送出於時死事教官指揮之子主長庚等三人同來見

臣不勝酸楚此外復有貴州赤水普市等所指揮百戶等官許世綬周應秋等皆自賊窟集兵舉義或潛或出百折不回臣集漢土之兵攻取永寧打破紅崖天臺白崖銅鼓諸國而水西復發兵三十營扼險助敵霖雨一月膏厚穴深糧糧不繼正在皇急復思此輩嚼菜吞蕨久不火食若不急救皆爲泉下人矣卽檄監紀保寧知府張翼軫遊擊范繼道多方招撫量分糧糗協力剿賊以報血憾又查遵義柏楊岡把守楊通霖原係三科武舉兩年死守賊屢犯而屢蹶儼然爲邊界長城何黔之

督蜀疏草

卷之七

二

多材也道路隔阻往返就延死者皆中蜀禍生者見爲蜀用臣故不避越俎除移會黔中外特爲疏聞伏乞勅下該部轉行貴州巡按御史再加覆查酌議分別優卹以慰忠魂至於楊通霖屢立戰功應陞參遊裴有章與許世綬等應加守備職銜聽臣策令討賊建功事完優議再照自永寧摩尼赤水白撒普市層臺共得朝廷頒降印信四十餘顆與撫烏蒙鎮雄烏撒等事及善後之策俱關鄰省止因道阻臣一面徑行切責擒酋集議善後明白之日方得移會兩省具題外理合一併預聞爲

此具本謹題請旨天啓二年五月二十七日上奉聖旨
該部知道

督蜀疏草

卷之七

三

臣議陞擢材官疏

題爲材官屢戰建績亟議陞擢以示鼓舞事臣自去歲
移駐戎州二逆連結諸苗無一月不數戰各將領不以
信地爲詞則以疾病藉口諸凡奮不顧身摧堅陷陣者
多係加銜材官時日已久轉入轉深功多不賞無以示
勸除張邦紘林兆鼎范繼道薛來衍鄧懋官等官俱係
實職劉養鯤羅乾象張令黑茂范祖文胡肇虞鄒蔚然
胡汝高鄧玲袁可成等俱經授過職銜應候總叙外先
是臣因賊鋒甚銳急下今有能先破一陣者除照例頒

督蜀疏草

卷之七

四

賞外卽具疏請授松潘叅將見缺行據各監軍道所報
瀘衛五大戰直入永寧則秦翼明秦拱明秦永成秦可
等之功爲首勢難夷信青山崖麻糖坎二戰則加銜守
備李維翰李棲鳳納尚勇等奮勇前驅竹洞龍透兩大
戰則潘映奎陳坤袁戎李國選余權中易三桂會遐中
王懋官周良材等竭力死戰蘭州土城二大戰則譚正
修譚正常譚正通范鉞羅萬象洪綱鄒昌祚與中路宣
撫司覃懋勲等殺級甚多且擒斬水西魯仲賢各首級
去歲高珙之戰與賊相持四十八日逐賊宵遁則孔全

斌曹守爵曹有才姚化民舒遐劉有良等大有膽略遵義屢屢抗賊則陳一龍駱麟侯良柱李棟袁鑒趙文進與投降羅安良羅華趙國璽雷震乾安鑒等其功難泯預燒古蘭招降極多則畢應台范寵劉詒朱朝聘等謀勇兼資督陣官則武聲華楊元范世賢蔣繼祖何湛然久在軍中備效勞績均應亟加拔擢以資撻伐內秦翼明因父秦邦屏死難見授都司原非土司屢次功績未叙查松潘管副總兵事秦將魯美中已經題授標下中軍所遺員缺合無卽以秦翼明實授參將填補荒邊積

督蜀疏草

卷之七

五

弛可與整頓此外如秦拱明陳一龍侯良柱應授以叅將職銜潘映奎王懋官秦承成秦可譚正修譚正常譚正通覃懋勳駱麟袁鑒應授以遊擊職銜趙文進李維翰曹守爵陳坤袁戎周良材舒遐畢應台范寵劉詒應授以僉書職銜范越羅萬象范世賢蔣繼祖李棲鳳李國選余權中易三桂曾遐中曹有才姚化民李棟劉有良納尚勇洪綱鄒昌祚朱朝聘羅安良羅華趙國璽雷震乾安鑒應授以守備職銜各給憑劄聽道將分布率兵討賊守備武聲華應以原官改補遵義道下中軍成

都後衛指揮楊元應陞守備補威茂道下中軍灌所百戶加銜守備孔全斌應陞守備補監軍劉僉事下中軍加銜守備何湛然應陞守備補監軍盧僉事下中軍其餘各官候另查叙勸酬理合具題伏乞勅下兵部覆議上請行臣衙門轉行各官領兵任事庶勞苦知勸後効可期矣為此具本謹題請旨天啓三年五月二十七日

督蜀疏草

卷之七

六

劉奉聖旨是

上奉聖旨兵部知道該本部覆議秦翼明量陞叅將職銜管四川松潘地方副總兵事其原推張景房另行改用范世賢加都司職銜事平推補其秦拱明等的量給

褒旌蜀藩捐助疏

題爲蜀藩捐餉助守功高保障懇乞賜勅褒旌以勵忠賢事先是逆賊奢崇明父子突謀不軌虐焰滔天自重慶被占之後所向披靡築長圍而犯省會城中逃徙過半百無一備勢已岌岌矣乃王獨積柴以自誓募兵以助守精忠大義寔式靈於鬼神而且念臣等之困日日授餐時時下問甚至鹽菜木植一切瑣細之務無不取給隨請隨發四門俱遍總計所助銀并器皿共二萬八千三百二兩九錢金三千一百九十四兩二錢折銀一

督蜀疏草

卷之七

七

萬九千一百六十五兩二錢米一千七百八石九斗每石價銀一兩其該銀一千七百八兩九錢通共算銀四萬九千一百七十七兩夫租稅剩物社稷大計利害之際原是曉然而深宮隔絕耳目易壅自非超然遠覽其孰肯卻患貧之私圖而爲急公之至計故輿論翕然謂王天下之賢王也若夫太平王至淶汶川王宣驪獨不遷徙日在城頭奔馳防範東各捐銀俱二百兩有奇此亦抱慷慨之奇節懷爲裴貞心者矣迄今仰賴天威危而復安而賢王忠赤之捐濟之誼通國有口無不

咸頌該臣會同巡按四川監察御史張論議照得蜀王立德惟貞爲善不倦積柴塞戶凜大節於瀕危募士捐金保危城以無恙功高藩翰例合旌揚查得播事軍興蜀王發祿金二千兩米五千石助餉題奉明旨建坊優禮而前百日之苦數萬之助搜括無餘勤勞更倍伏乞勅下禮部查例覆議特賜勅諭褒嘉仍破格旌異以勵天派至於太平王汶川王查照往例一併旌表以重親親之典仍容臣等備辦花幣羊酒恭送王門以彰盛典統候聖明裁定行臣等遵奉施行爲此具本謹題請旨

督蜀疏草

卷之七

八

天啓三年六月初六日上奉聖旨覽奏蜀王捐助多金城守允賴功可嘉尚併太平汶川二王俱奮力輸貲均宜褒勸著該部卽從優議奏該兵部覆奉聖旨是蜀藩忠勞茂著著差官齎勅褒獎還賜白金二百兩文綺十端地方官著卽興建坊共太平汶川二王併專勅獎勵

議調才望道臣疏

題爲議調才望道臣料理軍務事重慶重地幅輳千里殘破之後民困已極兵巡上川東道副使徐如珂一面料理緩輯瘡痍一面監紀仁懷兵務見佳土城屢建奇功方慶得人今聞邸報已陞太僕寺少卿既已內召不便調留軍旅重務亟需異材卽新推有人未能遽至查得分巡川北道右叅政閔夢得久在行間衆心所附除行帶攝外爲照本官自天啓二年八月內行委納谿監紀鎮定於逆苗披猖之日鼓舞於士卒逃怯之餘諸寨督蜀疏草

卷之七

九

俱以身親墜人罔不心服又分遣死士出奇用間入水樹前厥功獨最卽令招徠十萬擒斬數千真經文緯武之雄材而鞠躬盡瘁之苦心也叅之勘敘常列自應破格超陞但二逆在逃未能去兵而渝州殘郡更資整頓合無以本官加陞四川布政司左布政使仍兼臬銜管兵巡上川東事務卽代徐如珂監督該路之師直入鄧家渡過河擒酋併措置糧糴協濟遵義一路庶撫民振旅於地方深有裨焉臣謹會同巡按四川監察御史張論合詞上請伏乞勅下吏部再加酌議將閔夢得加陞

左布政使兼按察司僉事管理兵巡上川東道事覆請行臣轉行本官遵照任事施行倘前缺推補有人亦卽改補分巡川北事體甚便爲此具本謹題請旨天啓三年六月初六日上奉聖旨吏部知道該本部覆奉聖旨是

督蜀疏草

卷之七

十

保留給由府佐流

題爲保留給由府佐官員事據四川布政使司呈奉臣批據東川軍民府通判馬學魁呈稱卑職見年三十八歲陝西漢中府寧羌州人由選貢云云呈乞照例會題并開具稱職考語呈詳到臣該臣會同巡按四川監察御史張論考覈得東川軍民府通判馬學魁精神堅定才具疏通資授素効勤勞撫荒共歌安堵稱職及照府任給由例應赴部但今蘭苗適匿本官正在納豁分理餉務難便離任該司乞要保留相應照例題請除批行

督蜀疏草

卷之七

士

本官照舊帶俸管事外伏乞勅下吏部查果與例相合准令本官免其赴部止造冊齎繳本部再加考覈題請施行爲此具本謹題請旨天啓三年六月初六日上奉聖旨吏部知道

塘報擒斬招降功次疏

題爲塘報擒斬招降功次事據監紀叅政閔夢得副使李仙品僉事劉可訓總兵李維新塘報奉令自天啓三年六月初一日起至二十九等日發將官范繼道林兆鼎劉養鯤等率兵招撫一面攻打負固山寨隨據回稱陸續招降猪嘴木姜牯牛等岡洞寨大頭日楊雄郭寵祝義明阿尹喻訓等三十六名苗奪男婦二萬八千八十五名口攻打黃泥鍋底斬功二十七顆生擒偽總兵二名苗界十三名俘獲十二名牛馬四十九隻匹賊寨

督蜀疏草

卷之七

三

及積糧二萬餘石盡行燒燬俘獲奢寅差苗顧友仁供稱二酋逃往龍場附近水西地方木閣等剗三十營頭日扶國羅羅用只打麥與單等西兵救援等情又據仁合一路監紀叅政王世仁副使徐如珂僉事盧安世塘報據叅將薛來衍羅乾象等報稱統兵陸續招降大寨寶瓦麻窩等洞寨頭目阿強易布等十二名苗民男婦一萬四千一十五名口攻打蝦蟆鬼妖等洞寨斬頭目偽千總二名苗級一百六十三顆生擒九十八名口俘獲十二名口牛馬六十三隻匹衣甲馬鞍槍刀弩箭一

百四十四件將奢會祖墳及崇明母墳盡行掘挖賊目羅用家丁三人自龍場壩走出供稱曾父子俱在龍場客仲壩日間相見夜間各不知所往又與水西家歌血助兵四營同把河口差人往各土司商議見在解板造船搭橋等情又據遵義一路監紀僉事趙邦清塘報據加銜叅將侯良桂陳一龍等報稱奉令合營率兵陸續招降苗漢楊黃三元等寨頭日楊守江趙懷忠歐燦等九名苗民一千八十六名口攻打木閣馬湖等營寨斬獲頭目一顆苗級五十七顆生擒八名俘獲二名拾刀

督蜀疏草

卷之七

十三

器械二十六件趙僉事於初十日進遵義城內分布等情又據真綏一路監紀叅政吳國仕塘報據原任綏陽縣監紀知縣任寵報准叅將陳一龍報奉本部院令催赴擒酋同王尚明等至竹把招降鹽井九倉等圍寨偽軍師王國才及頭目王朝臣等二十八名苗民男婦三萬餘名口攻打三鍋莊等寨斬獲偽元帥奢者梯偽總兵奢阿東等首級五顆苗功四百一十三顆得獲牛馬六隻匹槍刀絮弩一百五十八件溺河死者無算各等因塘報到臣先是各路官兵攻剋新寨木脚古蘭擒斬

水西首惡奢仲賢羅奇等已經塘報隨傳檄各路大小將領多方偵賊乘勝速入擒酋一面撫定巢穴黨羽務期底定相機戰守以副萬全去後今據前因除行各路監軍道將多方安插壯者籍入軍伍功次驗明給票生擒監候獻俘外該臣看得蘭穴與水西鎮烏為鄰實有三窟自羅乾象大勝於古蘭二逆遂隨水西敗卒寅夜渡河走入龍場客仲壩屢據偵者報稱出沒不常隨從惟扶國頑羅向宸等數輩細查地形正枕大方之後離永寧已二百餘里峭崖插天深洞無底蓋洪荒未闢之

督蜀疏草

卷之七

十四

區非人跡所易到也禍本未殄竊發可慮臣非不欲旦暮擒縛以竣此局獨是道遠菁深實難輕率况水西居為奇貨我兵若一渡河非惟救蘭實欲自救官兵以數月無糧疾疫大作庚癸莫應只得聽其散去據總兵李維新塘報已減十之四五天又降大疫死者如麻洪水大發沿江居民之漂流者不可勝記看此光景進退維谷只得分布各將據險固守乃一面鼓舞白沙普市赤水畢節等處被害之民量助銀米合吶傳塘相機剿剿遲速之期殊難預定臣患病委頓勢已阡危除另疏陳

乞理合塘報伏乞勅下兵部案候事寧一併敘錄施行
爲此具本謹題請旨天啓三年七月初八日上奉聖旨
兵部知道

督蜀疏草

卷之七

五

亟議加派兵餉實濟疏

題爲兵餉久匱勢難撐持亟議實濟以救艱危事據四川布政使司呈奉臣紙牌行司會議加增兵餉該本司左布政使林宰會同按察司按察使李守俊兵巡川西道副使吳光義議照蜀民之疲敝極矣征戰者劬勞於野罄餅者抱嘆於室兵興三年止以預徵撙括爲權宜補湊之計並未加派民間分毫夫亦大有不忍也今者犁庭掃穴之法已罄黨羽又多降伏而逆寅父子尚匿龍場結連水西應援思爲捲土重來之計是邊可安枕

督蜀疏草

卷之七

六

哉辰下十餘萬衆之雲集日費千金無餉無兵仍復有賊矧邊餉那移已極戍士庚癸頻呼帑發已盡楚兌不至本部院穆然深維弘此遠畧不得不議及加派凡有血氣同此心知一勞永逸誠非獲已除威茂汶保屏山不徵遵義原係新疆止足供本府經費况又殘破見在集兵不派長筠高拱興文居酋肘腋屢經破殘委難議加瀘納江合宜賓南溪爲賊出沒均當減免其餘經賊破劫州縣量徵二分之一未經被賊州縣每石量加銀六錢米三斗合候詳允通行所屬開徵完日造冊開銷

使士飽馬騰驤渠魁以冀地方生民得安業於旦暮矣
等因呈詳刊臣除批行外該臣會同巡按四川監察御史張論看得川民遭焚劫之後又有轉輸之苦流離未
返瘡痍莫問沿江一帶率地率不耕又兼時疫盛行水
災漂沒悲慘之狀不忍置目臣令淮陽之倉可備丹陽
之舟堪助臣即蹈國法亦所甘心忍復椎背吸髓派之
額外乎顏財寶有數兵難游饑探囊既窮點石不化當
九仞一簣之時不爲一勞永逸之計異日責臣漫無籌
算罪又大矣今日惟有請發帑請兌解請加派三策

督部疏草

卷之七

十七

耳倘皇上俯念西南半壁血戰三年再施曠蕩用救陷
危或戶部仍依前檄行楚照數起解不爲虛言此則窮
桑之壺殫大旱之甘雨蜀之大幸臣之上願若其未可
必得則不得不再索之窮民以濟急用據議每糧一石
加派銀六錢米三斗又將衝邊殘破經賊出入焚劫州
縣議免議減分爲三等追徵分濟似亦衆輕易舉倘二
賊旦暮得縛則所派者卽充爲正項照數扣抵免徵通
候事完另委監司一員查覈造冊報臣備移部科開銷
外理合具題伏乞勅下戶部再加查議覆請行臣遵照

施行爲此具本謹題詩旨天啓三年七月初八日上奉
聖旨發帑併催解協兌銀兩已有屢旨了該省額徵錢
糧酌量濟川派加不得輕議該部知道

督部疏草

卷之七

十六

請勅專官督理錢法疏

題爲遵例請勅專官董理錢法事據四川布政使司呈奉臣紙牌照得蜀中民窮費巨生利之孔已竭近奉明旨兩次議鑄銅錢行使誠爲救時良藥自應請設精明監司一員開局董理庶便責成牌仰該司官吏會同按察司即查相應道官作速通詳坐局料理與銅作何收買錢作何鼓鑄通省作何行使奉行勤惰作何勸懲工本還官外應餘之息作何設法解京以佐遼餉官司罪贖收銀不收銅錢作何立法參拏造錢抵兌數目年終

督蜀疏草

卷之七

九

造冊開報以便送部查閱舉勅總之法行則錢行上用則下用俾錢利流通民知實惠本部院於此數最諸吏願諸司慎而行之速速等因奉此又蒙巡按御史張論牌同前事蒙此俱經備行成都府查議去後隨據該府知府許士奇看得鼓鑄一節此周官九府之成規而管敬仲已試之明效也立法之不嚴錢所以自壅也民間交易一兩以下者純用銅錢一兩以上者銀錢兼搭界做保甲之法互相稽察不受錢者定罰無赦而後錢可行矣夫官民之異用錢所自壅也必除京邊錢糧而外

各官俸薪師生廩餼衙役工食贖緩事例一切收錢而後錢可行也至於錢本暫借公帑錢式俱照京樣州縣赴府搭鑄舊有定議特在一申飭問耳若夫專設一道請勅以重事權酌量才品分委以司稽覈自有憲裁非本府所敢擅議也等因由詳據此該本司左布政使林宰看得周官理財制國府之法漢室中興餘都內之金錢法之有利於人國大矣蜀今何時元愍未殊干戈旁午十室九空下貧無兼辰之業中軍闕宿飽之需錢法一行所謂化無用爲有用足國裕民計無踰此第保寧

督蜀疏草

卷之七

三

重慶緝經並用行如流水至若成都且土直視之矣上下之間官民灌輸而錢可行矣買銅鑄鑄客本司漸次辦置外查行錢之法上必有監司一員主持下必有府佐數員以司分理必有其真心體國精明有計者方能稱其任本司守西道旣以齋捧起行四道俱在軍前監督茲議添設一員其問本官俸廩公費吏書卑役之供給工食從何設處是謂得一錢之利而先糜萬緡之費必不便之數也查有巡西道副使吳光義英材剴電驅霆峻節干雲揮漢霸利弊洞如觀火嚴貞肅穆如清風

且在會城之中更屬臂指之使今歷俸已及一年六箇月矣合無加銜參政仍管巡西道事使之專理錢法所謂用一官卽得一官之用增一官不見一官之費莫有任於此者其分理各員則於開鑄處所簡其庸陋之輩明有材者令之分理一應鳩工辦置開造等項聽該道任事時酌議則叩糾之咎皆將開爲金穴而剝瘠之民或可登於富庶矣等因呈詳到臣除批行外卷查先准工部咨爲蜀省錢政已行錢法當飭謹條疏上請仰祈聖鑒特賜嚴旨勒行以貽三川永利事該四川前巡撫

將蜀疏草

卷之七

三

今陞南京兵部右侍郎饒■題前事本部覆奉聖旨錢法流通國儲可裕依議行該省及各省直撫按官一體著實舉行欽此又准工部咨爲殘廢難救敗形固圉須求長策徵陳一得以仿廟謨事該南京福建道監察御史■題前事本部覆奉聖旨是欽此又准督理京省錢法戶部王右侍郎咨爲宜九重之德意酌五事之芳模懇乞聖斷力行以新錢策以濟軍儲事該督部題協佐錢法江西清吏司主事湯■案呈前事奉聖旨這鑄錢事宜著卽與議行本內藏銅七萬斤已經御

用等監計用該部知道欽此又准戶部咨爲通行制實漸減造餉懇乞聖明嚴勅天下撫臣責成道屬軫恤民隱以開利源以固邦本事該本部督理京省錢法右侍郎李■題前事本部覆奉聖旨錢法裕國便民公私交利這所奏各省直鼓鑄事宜著行各巡撫官一體遵行京局所鑄大小制錢著遵前旨每季奏進五百萬文以供頒賞等用庶得上下流通之利餘俱如議覆行該部知道欽此又准督理京省錢法戶部李右侍郎咨同前事准此又准戶部咨爲蜀地殘破堪憐逆酋剪滅難緩

督蜀疏草

卷之七

三

等事該湖廣道監察御史溫■題前事本部覆奉聖旨是欽此欽遵備咨前來准此俱經牌行布按二司查議去後今據前因查得錢法一事該前撫臣饒■條議具疏上請奉有明旨業行布政司設局鼓鑄而成都之民頑梗不奉法旋值賊變益以廢闕今當萬分艱窘之時別無纖悉生財之孔况道路少疏滇銅漸出而蜀又自有銅穴足供採取則行錢一事實救蜀之急者也惟是預習相沿弊孔疊出自非專任責成猶然故事耳該臣會同巡按四川監察御史張論看得兵巡川西道

副使吳光義八面曉暢之材一介森嚴之操自開難叱
馭當省圖初解之時招流輯暴措兵理餉補葺月城懲
治叛卒事事綽有成效以之理錢就近加銜事權兩便
但事在藩司合加以四川布政司叅政職銜專理錢法
兼管巡西事務庶便責成至於先借帑銀買銅鑪冶開
鑄分理府佐兼督務令全省上下流通毋容阻滯州縣
等官廉其用舍舉刺勤惰其工本贏餘解京等項未盡
事宜悉聽本官任事後次第照款修舉理合具題伏乞
勅下該部覆議將副使吳光義加陞四川布政司叅政

督蜀疏草

卷之七

三

督理錢法仍管巡西道事務照例撰給勅書與應得事
宜頒發前來責成本官通行所屬立法嚴行年終造冊
報臣以憑具奏倘績懋功成照例擢用施行庶人與法
相習而艱窘獲有少濟矣為此具本謹題請旨天啓三
年七月初八日上奉聖旨吏部知道該本部覆奉聖旨
是

嚴究邊軍鼓噪盜弁疏

題爲邊軍挾糧鼓噪旋即正法嚴究盜弁以肅軍政事
天啓三年五月二十七日據四川布政使司呈准松潘
兵備道牒呈本月十七日申時據邊路把守指揮劉待
聘報稱松兵發血牌一面上書奸賊張應甲戴尚登等
自領糧餉坑伊二載錢糧不蒙放散今會漳臘威茂各
鎮軍兵歎血盟誓至敘等情又准署副總事僉書孫宜
手本據鎮城軍丁李貴林等訴稱張應甲等發餉情詞
准此該本道僉事翁登彥看得松餉告匱已三載矣荷

督蜀疏草

卷之七

三

發萬金竟入盜弁之橐而反召羣噪之鳴無端僞牌彼
謂死饑死法等耳第敢假官弄兵血淋於傳牌之上無
將之誅難宥久枵之腹當憐乞發數萬少爲濡沫不惟
保全危鎮而再造本道匪淺解等因到司該本司左布
政使林宰查得松鎮額糧先苦援遼係軍前支用近因
張應甲屢次赴司告領不得已支一萬兩給文解該道
放散乃應甲匿文不解啓鞘侵分今昭噪聚之情非真
有他意不過爲索餉計耳同日又據松潘道詳報相同
該臣檄行司道嚴諭解散毋致滋蔓又經差官行查是

何軍丁敢於操戈鼓噪務擒爲首之人正法毋容漏網
及行按察使將張應甲拏監外隨據布政司回報奉檄
馬上移文該邊隨准該道牒呈准松潘署印孫會書手
本爲擒獲首惡正法梟示事乃軍陳閏等指以欠餉把
持造反本職先借助生員商民每名給銀四錢續因巡
捕指揮汪起鰲將軍兵牧放牛馬踐踏課苗捉收監禁
卽於十七日各軍在於教場宰牛歃血欲先殺鎮城各
官次劫商民圍困成都如一軍下從先殺全家本職急
傳營操儒學等官與商民捐俸再出一月餉銀給散聞

諸蜀疏草

卷之七

七

本月二十一日三更陳閏等沿街劫掠大亂幸各營千
百總奉令拏命於二十二日擒獲倡亂首惡陳閏劉允
成丁何禮曉華吳葵陽五名孫會書會集該邊文武士
民請令告天梟示訖田興李仕鰲等二十四名各網打
一百監候有功員役當備花紅銀四十兩獎賞訖乞報
部院請賜正法准此又據松潘掌印指揮謝啓源吳繼
業等經歷陳道訓導劉必明監生徐佳胤等具呈張應
甲羅三等截餉生端陳閏等藉此鼓噪孫會書只得借
令汪起鰲出銀五十兩充作牛酒猶然作亂幸六營四

所千總旗軍將首從俱擒少紆院道之憂等情報道據
此該本道看得松鎮兵丁素稱驍悍資糧本營凡肉土
民近以餉運愆期借名起釁本道撫慰再三各官代措
已竭盡實念驍乘之稿色不忍加胥胥之嚴誅也詎意
陳閏等始託憤張應甲之日支糾眾歃血繼興疑汪起
鰲之道揭僞牌倡逆按其反狀一磔尚有餘辜若非鎮
所各官奉院道之令奮勇協擒全鎮盡岌岌矣陳閏五
名當已梟示田興二十四名伏候憲法其餘脇從准其
自新若夫各官旗甲決計擒拏俱應薦獎賞勞等因移

督蜀疏草

卷之七

七

司該本司林左布政使看得松潘一鎮地苦寒而不毛
各軍驍悍而難馴自苗難以來邊餉大半爲援邊兵
戰兵移用元年二年積欠二十餘萬無可支發其在三
年且未論也蠢蠢思動非一日張應甲以該道中軍守
備領餉一萬沉匿公文擅自瓜分陳閏等忿憾不甘又
汪起鰲道揚公然倡亂搶劫又經發餉三萬論戢解散
陳閏等該鎮梟示田興等棍責餘皆解散皆本部院遠
畧震懼致之也張應甲蒙孽當懲以法有功官旗宜加
獎賞以靖邊圉等因覆報到臣該臣看得蜀中邊餉半

爲援遼所借且兵連二年那用更多先是布政司開欠一百餘萬已經揭報部科訖松潘悍卒陳閏等積惡逞兇久欲蠢動而中軍守備張應甲復敢領銀私分以激衆怒遂爾歃血教場聚衆大噪擅傳偽牌血跡淋漓因而搶掠街市全無法矣幸各官懼禍鼓勇擒斬不動聲色卽就底定在僉事翁登彥就近帶管威信素孚僉書孫宜甫行接署新到地方倉卒定變皆可補過其他擒捕人員容臣分別獎賞以示勸勵陳閏等五名已經梟示田興等二十四名行令查審分別正法餘黨悉行宜

督蜀疏草

卷之七

三七

諭免究以銷異萌外事干地方理合具實報聞伏乞勅下該部覆議上請將張應甲行巡按御史查明依律究治遺下松潘道下中軍守備員缺另行推補庶法行而人知畏矣爲此具本謹題請旨天啓三年七月初八日上奉聖旨該部知道兵部覆奉聖旨是

地震疏

題爲邊方地震事天啓三年七月初二日據威茂帶管松潘道僉事翁登彥呈稱本年六月初七日據松潘南路平番守備許應元報稱鎮平堡於五月二十六日未時地震有聲由南而來正北而去擬合轉報據此七月初十日又據該道呈准松潘署副總事都司僉書孫宜手本報據小河所申報五月二十六日乙卯值收元宿管事申時分忽地震如雷自西南方而來至東北方而去人民驚怖椽瓦大脫房屋動搖牆壁傾倒等因到道

督蜀疏草

卷之七

三

准此該僉事查得邊方多事災異不常嚴行文武勉盡職業防禦番徠以備不虞外合行呈報等因到臣該臣會同巡按四川監察御史張論看得蜀中災沴徧野搶掠未起該邊苗賊出沒尤號重地乃鼓噪甫戢而地復告警變不虛生良由人事感召臣等拊膺大息消弭無術除待罪修省行該邊大小文武各官嚴加隄備巡行守禦以弭災異外事干地方理合具題爲此具本謹具題知天啓三年七月初八日上奉聖旨禮部知道

四次請告疏

奏爲危疾再發重任難勝乞賜休致以遂首丘事臣庸愚黠淺不堪軍旅因變承乏誼不獲辭乃不意徇馬之疾日以增加去歲痰火眩暈動履艱難已經兩次陳乞未蒙皇上俞允復加寵命責臣討賊臣感激天恩誓圖死報遂復勉就醫藥扶掖受事豈期今年五月十九日停舟納谿河下穢氣薰灼頓患嘔泄不省人事只得暫移谿州調治一月之內三次倒絕期屢發而近病屢入而深手足拘攣飲食俱廢延醫刻加相診視謂脈弱苦

督蜀疏草

卷之七

无

不對症不敢下藥益用悲感僵臥不能展轉臣身如鴻毛何足爲言而皇上親土重任豈可耽悞今二逆遁入水西出沒無定路險窄深實難下手顧蜀境不啻廓清卽然界亦已開通數百里此必須精力有餘相機調度方可了此而臣不幸病在膏肓有心無力卽溘死有餘恨矣情勢迫萬非假託伏乞皇上憫念特賜休致別選材望連行交代或就於本省監司中推用免臣守候倘自此得少延喘息歸正首丘高天厚地豈有窮恩臣不勝悚息待命之至爲此具本謹具奏聞伏候勅旨天

啓三年七月十五日上奉聖旨蜀難將平逆酋未獲朱燮元猷勞已著正賴調度剿除著用心任事不准請告該部知道

督蜀疏草

卷之七

手

請調補遊擊并中軍咨

爲請補衝邊將領以資保障事查得建南處發漳之鄉
會川鹽井等衛屈在極邊近日滇路疏通尤苦多事所
需賢能將領不可一日缺者原經補有遊擊周基命因
在援黔久未履任若候黔事結局未審何日松潘道中
軍傳宣鼓舞最宜得人今守備署都指揮僉事張應甲
以私分餉銀事犯已經易疏具題拏問尤當揀擇填補
以安衆心查得原任雅黎遊擊黃承爵臨事好謀見危
不避當逆賊困城通省見任將領衷如充耳而本官以

督蜀疏草

卷之七

三

軍政論罷之官獨率高揚董下之兵挺身透圍不避兇
鋒所建功績已在前總督今御史敘疏之中卽今委署
壘茂賞番輯亂綽有建立將材寔難不可中廢合無仍
以遊擊頂補周基命員缺松潘衛指揮僉事吳盡臣久
習邊事苗獮信服前歲隨段同知破圍援省英風百倍
斬戮多功見經勅敘應堅守備補張應甲員缺又查鎮
遠營根本之地自職連年東下中軍官隨行軍伍單弱
欠失操練近據守巡川西二道詳稱應照部例凡有應
改守備員缺查出者補請以松潘衛指揮報陞雲南蠻

哈守備徐之龍改補亦屬固本之籌合無請乞本部卽
賜具題黃承爵仍以遊擊填補周基命員缺吳盡臣陞
守備補張應甲員缺徐之龍改鎮遠營練兵庶賢勞知
勸地方行伍得人其蠻哈衛守備員缺另行推補候命
允之日各照地方填給憑劄咨職衙門以憑轉發各官
任事施行天啓三年七月十五日咨兵部該本部題奉
聖旨是

督蜀疏草

卷之七

三

五次請告疏

奏爲病勢危篤軍務廢弛仰懇天恩亟賜允放事臣才劣不足當大任命蹇無以當隆遇病魔轉展日就沉痾前七月十五日痰火陡發昏暈倒絕已成痿廢之軀莫必旦夕之命業經披瀝苦情伏枕叩頭差承差朱之貴上疏陳乞去後倘勢可強捱其敢再控乃不意八月初二日未申之間忽然眼目昏黑痰氣上壅脈伏氣閉不省人事至初四日辰時稍轉而神亂語澁全無知覺臣卽倖偷一息已爲廢人况朝露危殘時刻難待呼天則

督蜀疏草

卷之七

三

九重之高恩親且萬里之遠臣之方寸久枯一息垂斷狗馬之軀過此更不知何在矣且賊方潛避功可倖成臣不避難於兩年之前而獨求退於垂成之際自非至愚定不爲此無奈情迫勢窮萬不獲已每惟聖明可爲忠言不得不仰天而呼也爲此冒昧再控伏乞皇上矜臣狂愚憐臣危篤特准致仕回籍別選才望前來任事使殘廢病軀不悞封疆大事雖死之日猶生之年臣無任激切所懇悚息待命之至爲此具本謹具奏聞伏候勅旨天啓三年八月初六日上奉聖旨總督重任朱熒

元已有旨諭留何又連疏請告著照舊任事不得再陳該部知道

督蜀疏草

卷之七

四

府官加銜致仕疏

題爲府官思親情切憂病轉深乞加監司職銜俯准致仕事據夔州府申准本府知府胡大年關稱職於天啓三年三月初二日接家書職母因思職舊疾舉發每號哭輒爾仆地移時方甦職聞之魂飛揚不自知其身在人世也蓋職母以逾七望八之年風有冷塊之疾每憂卽痛楚每痛卽昏並職在家時延醫調治痊可方出補官今乃故病復作衰老人那堪此苦楚鬱抑耶總之爲思職之故是職爲一官以遺母憂增母疾蓋職聞督蜀疏章

卷之七

三

何用此不孝之人乎職謫劣無狀日夕冰兢忽聞此音方寸已亂伏乞俯賜具題放歸早得見母一日庶省病母一日之憂而楚蜀要途不致因人廢事矣等因由詳到臣該臣批該府長材粹履倚任方新王事靡盬不遑將母何得遽動歸與之念連寢之復於本年五月二十四日又據該府申爲婦母疾病關心重地菲庸難任懇乞俯憐斥逐調理以延母子餘生事竊念人臣以致身爲義人子以事親爲經職守夔關敢不竭力而無奈婦母之抱疾也職自萬曆四十八年正月十八日起京補

官不而慈顏者三年餘矣往固善飯今每食不滿一盂且每每忿及於職卽眩暈仆地夫眩暈而甦省尚可加調攝之方藉藥餌之力倘不然也嗟何及矣職自聞信之後方寸憤亂寢食靡寧當此多事之秋可使憤亂者日昧隱忍肩此重任哉前已哀陳恭蒙勉留敢不矢效犬馬以圖報稱惟是母病豈人子所可觀言世固未有遺親而能忠君者陳乞早賜發還歸省則母子未盡之天年皆大造所延衍也感佩恩施闔室共之奕世共之矣等因由詳該臣批夔門重地本官整頓甫及一載別督蜀疏章

卷之七

三

親未久何故頓求歸養仰安心任事切勿再陳繳又於本年六月二十四日據該府申爲婦老母病關心孤危極邊多警懇恩斥放以延殘喘事職謬以菲庸自汙調蜀感激洪恩勉圖任使如緝奸細催船隻押兵將置火器散月餉練鄉保捕逃兵修城垣督發土司覃寅化等并南岸各兵一萬二千餘員名設法催給行糧銀兩安撫驛遞嚴緝生孽構端之輩罔敢不竭心力又何敢自顧身家惟是邊塞之夫認真做事罪過多端靜俟顯黜忽於本年五月又接家信云永昌餓兵無糧於二月十

五日夜糾衆吶喊樹旗放砲市肆搶掠無遺連日尚未服帖老母幾被嚇殞闔室各自逃生職聞之魂不附體心旌如搖舊有怔忡之疾陡然復發自謂調理或可供職然母思子子憂母方寸已亂豈能復供簿書之役效兵食之力哉夔關何地乃以庸病之人磨之瘵曠可虞憂危日甚職母子不足惜如地方何萬不得已冒昧再訴祈懇允於則母子自今以往之年皆恩賜矣等因申詳到臣據此查得大明會典內開外官在任患病務由撫按官題允查明方許回籍如不候擅回者革職爲民

督蜀疏章

卷之七

三

等因遵照今據前因除批行外該臣會同巡按四川監察御史張論看得夔州府知府胡大年雅負揮霍之才力肩煩劇之任時方俗僥正藉勸勤乃因母病日篤歸思轉深陳乞至於再三至情自當體恤又經按臣移會前來合無准令回籍終養或以近有核敘之功俯照遼東萬有孚例量加監司職銜以示勸酬伏乞勅下吏部覆議上請將胡大年准其告病就便終養回籍俟另日於多事地方照新銜拔用爲此具本謹題請旨天啓三年八月二十一日上奉聖旨吏部知道

縣令給山疏

題爲遵例考覈給由官員事據四川布政使司呈奉臣批據彭水縣申准本縣知縣施恩典關稱見年三十三歲雲南雲南府昆明縣籍廣西桂林府全州人由舉人萬曆四十七年八月內除授今職本年十二月十七日到任扣該天啓二年十一月十六日連閏歷俸三年任滿蒲江縣申准本縣知縣高麟游關稱見年三十一歲直隸廬州府合肥縣人由選貢萬曆四十年十月內除授廣西桂林府靈川縣知縣四十一年三月二十一日

督蜀疏章

卷之七

三

到任四十二年十月十二日丁父憂計歷俸一年零六箇月二十一日服滿赴部補授浙江景寧縣知縣四十五年十一月初三日到任至四十六年六月二十九日丁母憂連閏歷俸八箇月零二十六日服闋赴部復除今職天啓二年四月十一日到任扣該本年十二月二十四日連閏通前實歷俸三十六箇月三年任滿例應給由照詳俱奉批仰布政司查報奉此又蒙巡按張御史批同前事俱蒙批布政司查報蒙此行准按察司守巡鹽法等道各咨牒回稱查得二官委於前項年月日

期到任歷俸考滿任內徵收錢糧鹽課清勾軍伍積貯
稻穀五事實政俱已足額修舉委官盤量無異應准給
由各開具經薦稱職詞語起送到臣今據前因該臣會
同巡按四川監察御史張論考覈得彭水縣知縣施恩
典才情周慎操履端嚴督餉迅若風行借署恩同慈戴
蒲江縣知縣高麟游精明莅事豈弟宜民一庭皎月溶
溶百里谷風習習二官職業俱修考居稱職除批令帶
俸管事高麟游前後歷任與施恩典各任內行過事蹟
徑自造冊差人齎繳五事冊揭行令咨送部院外理合

督蜀疏草

卷之七

三

具題伏乞勅下吏部將知縣施恩典高麟游再加考覈
酌議題覆施行爲此具本謹題請旨天啓三年八月二
十一日上奉聖旨

覆生員楊柱等招疏

題爲孽臣倚崖通賦聚黨逼切掠財斃命異常大變懇
乞聖明亟勅拏究以明國法以維世風事據四川按察
司呈問得犯人一名楊柱年一十八歲係蜀府左護衛
人先年考入成都縣學生員狀招已故父楊崑存日襲
授本衛鎮撫官曾在蜀府管工每月額給口糧銀二兩
八錢本官領種王田十一分每年卽於田租內除扣抵
口糧并完納外尚有拖欠不等至萬曆四十八年三月
內楊崑物故將田遺與柱管業前田應有止納麥租議

督蜀疏草

卷之二

四

將三月分口糧折白銀一兩二錢抵算租數比不在官
管莊門正史繼泰不允本年七月初十日史繼泰差在
官軍伴唐仕登楊友爵行拘追比伊等各就不合欲行
需索方許銷算噴柱不從遂扭本生先被承奉責發儀
衛司監禁病故義兄楊福帶見史繼泰彼時柱與伊在
官祖父楊鍾同至史繼泰處面質柱因年幼無知楊鍾
以老儒主持各不合情不相下因而史繼泰令唐仕登
等將楊福帶見在官廳頭蘭宗文亦因言語相激蘭宗
文遂報知今故馮承奉將楊福責治十五板收儀衛司

監候不意楊福於本月二十六日身死楊鍾等自合赴官理論又不合稱先逃今在官把總馬斯錫楊鏞狐假助威督將楊福責禁率同柱與在官業師生員楊敬亦不合不以理論柱等遂同本族在官生員楊鐸楊銓楊崙卽楊岑楊崙楊試齊往承奉司索討棺木承奉避門不出各生行至夾道內各不合與楊嶠楊試詈罵承奉彼有不在官麻子內官將柱等互相拖毆攔因夾道與宮門相近聲聞於內啓王速召曹母二長史并府縣三學教官方將楊敬等叫出原無搶掠并打傷宦官官督蜀疏草

卷之七

望

女情由比楊鍾隨赴軍門喊叫柱又不合於二十七日捏具違旨打死人命情詞告蒙督撫饒都御史批仰按察司嚴究招解比楊鐸又不合出名公呈同三學生員具聞惡殺人等詞同日呈蒙本院批仰按察司併招報府令先在官今未到不知情軍人張文達具違旨叛變事於二十八日告蒙本院批仰按察司併究報張文達又具通負國謀劫掠王宮情詞於二十九日投蒙本院批仰按察司併查報蒙司抄詞牌行成都府提審問又蒙周按察使查看得楊柱等所告係干庠序乃提學道

專職相應呈請合無改批該道提問招結由詳呈蒙本院饒都御史批該司秉憲全蜀刑名自其職掌學道巡歷較閱恐難聽理仰司查照另牌從公審究繳蒙司備牌行府審究問比楊鍾經過在官典儀王從教門首恐府差伊往各衙門投札又不合主謀將王從教家錫香爐瓶值銀一兩六錢打毀原無劫毀房屋及打傷在官宦官陶胤鶴史文福并劫駕馬情由其折毀楊鏞馬斯錫楊瓚等家淫污劫財傳奇情節亦無憑證又蒙本院饒都御史紙牌仰按察司卽便諭令三學生員并王府督蜀疏草

卷之七

望

宗室內官人等知悉除兩詞狀內互告有名者俱聽承問衙門行提秉公審究其餘無名者各循禮法不得自干法紀如再不遵者生員行提學道內官宗室本院啓王定將爲首者提解重究蒙司行府嚴諭靜聽處分帖蒙華陽縣將犯人唐仕登楊友爵張文達太宇惠銀山張矮子田老道馬狗楊國成姜二狗李元徐二宋應學楊柱楊鐸楊敬楊銓楊試楊嶠楊岑等二十一名具由申解本府馮知府逐一研審得生員楊柱之父楊崑督丁王府每月得口糧二兩八錢向來租種王田三分抵

推錢糧今年三月間物故時應運麥租議將三月分口糧折白銀一兩二錢抵筭租稅而管租門正史繼泰未之許也卽差唐仕登同楊友爵拘其家屬楊福柱與祖楊鍾俱至面質抵租兩不相下隨見廳頭苗宗文亦言語相觸卽報之承奉將福責十五板收羈儀衛司蓋六月十日至二十五日而身死柱等以福係家人遠住遂寧恐渠家告害遂衣巾控告承奉求得棺木收殮令彼家無後言也因承奉堅拒不見柱等卽出夾巷彼時言語相爭事實有之雖各生亦不能自諱適有麻子內

督蜀疏草

卷之七

四

相未知是何姓名卽率衆打楊柱一生楊鐸等亟行往救柱雖脫身而鐸等七生竟留之於門內矣此時此勢羣小亂擁鐸等亦欲聲冤遂至官門未時而入戌時猶未得出其間凌辱衣冠未得一一殫述而王命召二長史并三學教官發出七生廼柱之祖楊鍾業已急懇於本院矣次蚤王府亦懇本院三學諸生不勝忿忿思洩衆恥王府又以逋負國課等事呈之院及學道宗室青衿互相攻擊轉發本府嚴提各犯而蜀府發唐仕登楊友爵張文達等七人對審查友爵仕登俱是正身張文

達乃佃戶楊應舉代解此供自應舉且稱王命不敢不來若太字惠銀山張矮子田老道則醫生無涉者也夫蜀王賢名動聞海宇茲慨發數犯明聽處分其虛公一念誰不欽服唯是馬斯錫楊鏞等素行兇惡衆口噤噤恨不食其肉而寢其皮一時尚未並發隨行縣提竟畏罪遠遁杳無蹤跡設法拘究不下十餘家如馬狗係馬斯錫家人楊國成係楊鏞妻兄姜二狗係姜鍾秀家人李元係李芬家人徐二係徐應元家人皆應對理人犯親屬宋應學以金戶奉告在詞併行拘繫此蓋面審楊

督蜀疏草

卷之七

四

柱諸人再四研鞫一一無異衆看得唐仕登楊友爵口托催租心圖需索而拘繫敲弄實以其身為禍始卽後段毆辱一事雖非二犯下手若根究源本謂非二犯作孽以釀此擾擾者乎馬斯錫楊鏞等造謀生事雖今逃避詎能高飛遠舉不在人間今各家屬具在卽押各犯拘獲正罪可也餘牽告如宋應學輩似應乞恩免究據情論法大約不過耳耳第緣緊關人犯未齊似難定擬具由解審定奪今將長史司遍解人犯及拘獲未出各犯家屬姓名登註明白擬合解詳除遵行免拘詞牌另

繳并無干楊增蒲采石文仲何應講袁成周隨康應學
釋放將唐仕登等呈解本司并詳提學道又蒙周按察
使審看得楊柱一事其始之與門正史繼泰廳頭蘭宗
文相角也爲算租故也其繼之以衣巾控告承奉也因
其貴家人楊福通租馬斃爲求棺殮故也爾時理解亦
易易耳乃柱等夾巷訕詈寔由承奉之堅拒不理而若
輩率眾洞殿遂令七生之受辱不堪一時塗地衣冠因
欲叩關聲懇以致藩府有闖入宮門之說而三學諸生
有凌辱學校之詞此紛紜所由來矣大都此一事也在

督蜀疏草

卷之七

聖

藩王禮賢好士久洽青衿而諸生蹈矩循規素知愛鼎
無因群小之恣橫遂致輿心之不平今藩府已發唐仕
登等七人聽訊雖其中有正犯有代解之殊然皆自王
命發出益以見其虛公之表而篤念學校之重矣惟是
馬斯錫楊鐸等惡跡貫盈人情切齒今雖畏罪遠遁然
各有家屬就拘其能終滿於網乎若唐仕登楊友爵身
爲事始構此厲階百喙難追其咎太宇等之無涉宋應
學輩之被牽似應免究馬斯錫楊鐸等嚴提正法內官
蘭宗文史繼泰等啓王另治具由解蒙督撫饒郁御史

批唐仕登等處分已明解審各服無詞仰司查照究招
詳報蒙司抄詳備牌行府遵行間比柱等噴馬斯錫等
違遁遁貼公帖披猖未已國中傳聞有傳奇流布今審
無的據難以懸坐又蒙提學道胡副使批生員既果喫
虧正法各犯自有本院在也仰候院司詳行繳張文達
文具通負國課等詞告蒙巡按吳御史批提學道查報
蒙道行府轉行華陽王知縣審明將唐仕登楊友爵各
問擬不應杖罪具招中詳本府馮知府覆看得唐仕登
楊友爵借索租通重凌學校一杖猶輕戎首馬斯錫楊

督蜀疏草

卷之七

聖

鐸等嚴緝另究其楊福屍棺楊柱速行安埋而一切租
稅算明完納以全上下相成之義可也史繼泰蘭宗文
另行啓王懲治將仕登等招詳司道隨蒙本司著印李
參政批唐仕登等以催租橫索致禁斃一命其間豈無
毆逼復從中作祟輒叢毆七生衣冠頓爲掃地僅擬一
杖恐死者不瞑日生者有後言也戎首馬斯錫等未正
三尺豈可逃之海濱竟不可執問乎仰府再一會同理
刑官持平覆勘確招報奪馬斯錫等務在必獲正罪可
也駁府覆審間蒙提學道胡副使覆查看得唐仕登楊

友得需索蠅頭鼓弄狐假委苦學校幾激眾憤杖有餘辜馬斯錫楊鏞寔爲戎首難容漏網嚴緝另結張文達雖係抱狀事不相干相應免究楊柱身列青衿道惟自盡所有楊福屍棺速行安埋以後一切租稅依期蚤納亦春秋之應當責備者也史繼泰蘭宗文另行啓王懲治將唐仕登等各問擬不應事重杖罪具招轉呈巡按薛御史批唐仕登楊友爵假租酷索學校受凌杖未盡辜依擬贖完發落庫收繳史繼泰蘭宗文啓王懲治馬斯錫等另緝蒙道抄招轉行問本府將前招牒案理刑督蜀疏草

卷之七

里

羅推官覆審看得生員楊柱雖負蜀府麥課寔有父糧可抵乃史繼泰不肯通融致弄繫家八楊福於獄則唐仕登馬斯錫追呼登臺之爲也雖羣毆衣冠在七生難免輕身入禁之過然棄亡一命在公憤安得無鼓噪要以城狐宜被投鼠亦似宜忌且唐仕登楊友爵求索尚未得財催租終得藉口似覺原擬法止此耳至於馬斯錫楊鏞違遁不出亟當嚴緝但恐緝久不獲反羈係寒生誦讀合無將唐仕登楊友爵照原擬請賜允轉庶士氣有少伸之幸青衿免拖累之嗟牒蒙本府馮知府覆

查無異將唐仕登等具招覆詳本司署印李參政看得青衿楊柱通貢王租也原藉故父楊崑歷過之月糧可以兌抵不謂史繼泰堅執不允而差唐仕登等扭住義兄楊福執之承奉扑責禁繫乃梟惡馬斯錫楊鏞等脅此屬階耳及楊柱被辱諸生受毆而凌轢衣冠之罪遂浮於禁繫一命矣今馬斯錫等雖遁宜速緝究以儆憑陵唐仕登楊友爵賤隸而聽願指歷審原未索財姑依杖懲法無枉縱除史繼泰蘭宗文啓王另治將唐仕登等仍各照原擬具招於天啓元年閏二月內通詳隨案督蜀疏草

卷之七

里

巡按薛御史批唐仕登等先於提學道呈詳批發矣該司查照行繳蒙司行府遵照訖彼時撫院移鎮瓊門前詳未蒙批示票行各驛查明另報間蜀王聞各生數次告擾遂將前情具疏內稱臣祖分藩西蜀二百餘年以來樂善循禮凡係宗室皆斤斤自守不敢踰軼尺寸至於成都士子草昧之初落落如晨星臣祖始建寶賢堂收育本衛俊秀而臣父端王時以堪輿家言建橋建塔於是人文始盛科第始光至於秋試之士南宮之偶未常不殷殷隆禮故謳歌謠頌歸美賢王其芳躅不磨而

宦遊於蜀者亦人人能言之也豈謂迫臣之身青衿轉盛既無水木本源之思而朱邱遭殃竟成藩國陵葬之勢若包羞忍恥不一披露於君父之前無論臣謚先朝露日且不瞑何以見先臣地下而壞法亂紀地方且階之爲厲矣生員楊柱楊鍾楊鐸等係臣左護衛百戶楊崑之子霸占臣田七十餘分自四十二年拖糧千石課銀四百餘兩久催久抗六月間該臣行令承奉司拘其家屬楊柱包藏禍心計機積病家奴楊福搗搗抵董貢十板釋放去訖七月十四日福以病故臣在後官忽聞

督蜀疏草

卷之七

男

喊聲大震人報楊生員等率領數百餘人闖入端禮內城未幾又報入承運殿且進逼內官乘機搶掠宦官官女盡被打傷臣一時惶懼計無所出正同眷屬驚奔賴長史召同合府官員并該學教官入官勸諭方得解散臣時以仆地絕而復蘇次日杜等又糾黨數千虜撫撫臣批行按察司招解凡隸名王府者一網打盡該司轉行成都府提解柱等招貼四門復於八月初一日煽聚鼓噪將宦官陶胤鶴史文福等毆傷垂死劫去駕馬等件隨至典儀王從教家抄劫毀房又將承奉下書役楊

錫馬斯錫楊璣等家并行拆毀復肆淫污席捲諸郡王奔訴撫院羣兇把截不容官府一持正論隨即捏造傳奇并撫母王妃於內言之痛心扼腕蓋數百狂生既已要挾鄉紳則鄉紳不得不從風協應合郡士宦既已登聞當道則當道不得不從衆波流斯文重而親藩輕百足扶而孤宗慘矣獨不思生員雖非王府所轄然王臣之子也父爲臣而子行逆此可委之不問乎楊福卽云身故然風病之軀也况薄責非致死之刑調理有醫生可證此當人命爲詞乎兇徒忿爭圍繞房屋者有例此

督蜀疏草

卷之七

辛

就平民而論也今且圍繞王宮反將臣府人役撫罪重罰而聚黨行兇者可置之同究乎勢豪大戶欠秋糧五十石以上問罪監追完發附近二百石以上發邊衛充軍此大明會典所載而神宗皇帝賜勅一道內云凡官員軍民佃戶人等敢有欺凌侵越霸占久逋常賦等項輕則行撫按官拏問重則奏奏處治新綸舊例皆炳有星日也楊柱等負千餘而歷三載地方官既非職掌而又欲臣付之不問乎今日臣不足惜如太祖高皇帝之裔親何如皇上何而遂欺蔑至是乎大抵邇來士風日

壞士習口器而所稱彈壓者輒以安輯姑息爲上故有結黨而冒敵地方有司者又有聚衆而焚燒官室者每聞邸報輒爲太息而先按臣彭端吾謂成都三學生員或糾黨攫奪商貨或詐盜搶掠民財不異中國盜氛兼挾制官府則有司不敢詰問魚肉小民則佐貳惟其驅使是所由來者已漸而不意發難於臣且不意如是之慘也今世子妃彭氏與承奉馮應宗後先身故或以驚惶成疾或以侮辱傷心楊柱等雖非手刃然二命定由柱等而死至左右近習烏驚星散臣復孑然一身幽居

長沐生成之恩而渠魁惡黨永消睥睨之奸矣等因奏奉聖旨近來士風澆惡生員每每聚黨橫行大干法紀楊柱等係王尉丁之子輒敢霸占王田逋負王課却又假借人命鼓聚入官勢同倡亂甚至驚斃世子妃本當扭解來京依律正法姑念干連甚衆卽著彼處撫按官嚴提奏內有名人犯根究黨同主使并捏造傳奇之人從重擬罪不得徇情偏護一應侵占田土悉行清查退出聽本府自行名種撫按官仍親詣王官安慰以清地方還寫書與王該部知道欽此欽遵抄部送司案呈到

臣薛御史備行按察司即將奏內有名人犯嚴提到官會同布政司提學道逐一從公審實依律究擬定限一月以裏具招詳院以憑覆審具奏蒙司備行成都府提審開立字典膳所在官書辦侯大觀等又具薛臣倚岸等詞并柱等占種田畝及逋賦數目造冊投蒙巡按薛御史批按察司併問報冊附又蒙督撫徐都御史批仰按察司併查報冊併發比柱又具蟻儲璽粉額天甦命以拔沉淵以消証証事訴蒙薛御史批按察司併查報又訴蒙督撫徐都御史批仰按察司併問報俱蒙抄行

督蜀疏草

卷之七

三

成都府署印重慶府余同知查得奏內以曹母二長史并三學教官爲證移准長史司同稱先日生員楊柱等六七人始初入府不知何時後據典儀來召本司及三學教官至官門委會生員七人於時已近三鼓矣止見官門緊閉彼時將七生交付三學教官引去至於次日傳出世如著驚感疾乃官臺內事非本司所知據實回覆等情又據府學教官黃溥等回稱楊柱係成都縣學生員於四十八年六月二十五日二更時分奉蜀王令夏典儀到學喚三學教官何亞舉等同二長史隨至府

中云三學生員闖入王府緣由又據生員楊柱等喊叫哀訴等情職等據實止有生員楊柱共七人各有衣冠在府彼時眼同二長史領出各散次日生員同王府訐告兩院司道府已蒙詳審結斷在卷成都縣教諭何弘策華陽縣教諭吳成德等各回稱查得生員楊柱與王府所犯在先卑職等到任在後其中緣由惟府學見任教官得知各回報前來蒙府審提柱等一千人犯卷證到府蒙余同知審得楊柱年方十八么麼廢儒耳假令有賢父兄陶之決不至冥行入網也細審楊鍾係伊祖

督蜀疏草

卷之七

四

楊敬其師也當唐仕登拘楊福赴史繼泰時楊鍾同柱至彼此不相下釁所從來矣比再送蘭宗文又報馮承奉將福責十五板收監雖各官不念學校體面亦楊鍾不誨柱以進止之義也楊福以欠糧斃命律無應抵應理之文奈何率子弟七生往承奉司求棺承奉避而不出宜也輒詈罵內官於夾道中其被麻內官拖毆皆自取侮耳又何尤焉乃連次告擾院道以人命毆儒爲詞曉曉不休宜蜀國有此請也參看得楊鍾等始以兌糧起釁者內官也繼以楊福死求棺不遂詈罵者亦內官

也堂堂親藩豈敢輕犯惟是夾道去官不遠投鼠不審
忌器責以擅入喧譁其罪何辭比見王於端禮門七生
叩首謝罪旋呼教官發出上下分誼兩全可以已矣胡
爲既出而打毀王從教爐瓶離屬小物而釀禍由此楊
鍾爲首倡狂應徒革楊柱欠糧生端楊鐸出名公呈均
杖降青楊敬楊銓楊岑楊嶠楊試各納米法如此盡矣
其餘搶掠駕馬傳奇驚死等項事涉風聞未有的證未
經卒獲難以苛求一切田土遵旨退還另佃其所欠見
年租應追採楊柱等各執管和官收帖須抄單送府查
督勸疏草

卷之七

五

明以便追補當此皇恩浩蕩之時加以賢王仁恕之度
及於寬政所全多矣唐仕登楊友爵各照原擬馬斯錫
等免究具招連人解詳本司覆審間又蒙提學道胡副
使看得楊柱論學校則朝廷作養之子弟也論臣屬則
藩府世蓄之遺隸也培植固所當加分誼亦宜自盡而
負租不完已失終事之義僕死小隙敢冒齒馬之嫌雖
與內侍爲難實通宮闈之近以致橫遭凌毆徒令通學
之短氣觸犯王奏遂煩嚴旨之切責據該府詳審傳奇
搶掠等情雖無確證而身爲臣庶驚觸王尊一夫目犯

禍及百口閭族人人追田孰是啓衆一姓家家巷哭誰
爲株連此其觸尊犯上固三尺之所不容貫而敗羣之
秀所傷寔多亦通學通族之所飲恨而切齒者也合無
將楊柱黜革爲民盡奪其田仍與楊鍾楊鐸各照府擬
分別徒杖黜降節年逋負勒限追納以示大創之警以
正名分之尊以見惟正之供萬不容拖延至於楊敬楊
銓楊岑楊嶠楊試五生或以尊長黨謀或以卑幼隨行
雖槩犯擅入之條亦不無參差之情除各行學戒飭外
或量免一二納米以稍示賢王寬憐之意若楊姓一族

督勸疏草

卷之七

五

原果未經欠租及擅入觸犯者仍乞分別有無辜狀給
還其田以見賢王貳而執之服而舍之刑莫威焉德莫
厚焉唐仕登楊友爵需索首禍或於原擬之外量示責
治以昭示賢王宮中府中俱爲一體原無偏護斷卒而
苛求青衿之意當此寶輿濟濟之時益頌賢王虛公平
明之化此在當事者苦心大力委曲納牘非本道所敢
盡議也移關前來又蒙本司林按察使會同周右布政
使提學道胡副使審得楊柱列在青衿保府校楊崑之
子世食藩祿則固王府之臣隸也原本自出凜然冠履

之嚴迺負租不還急公之誼謂何伊僕楊福以欠租被責後因病死此一常事迺杜旣以索棺啓爭彼以被辱發難聽楊鍾同楊鐸等七生喧鬧致徹平宮門王名長史及教官領出鍾杜仍打毀典儀王從教爐瓶等器且三學呈懇之官賢王體念學校發出唐仕登等七人司府審詳懲責是亦不可以已乎迺杜駕言人命且以馬斯錫等招提未到遍貼公帖披猖未已甚至園中有傳奇之說流言傳布王其何能堪此萬里叩關豈其得已今審傳奇無有實跡出自誰手難以懸坐卽搶掠驚死

亦未有的證但此楊杜者官門之喧聲甫歇園中之譟聲復騰身爲王臣釀茲禍始夫亦至犯上至無等矣欽奉明旨之森嚴卽視其衣冠沒其田土仍編之城旦孽伊自作人乎何尤楊鍾其祖楊鐸其師也父兄之教不先子弟之率不謹階之爲禍罪復何辭應如府議分別徒杖黜降以警澆風而正名分至楊敬楊鍾楊岑楊嶠楊試等均犯擅入之條旣行學戒飭而輕重分之楊敬楊鍾楊岑以黨謀各杖楊嶠楊試以隨行姑免法非縱也若楊族田產雖係王田但其上首各有承買相沿已

久無論皆本難捐且或有祖父累繫之塚在焉其耕之則民之世業也其輸之則王之府實也有田必有佃府中固不能自耕而食之有佃必有租惟其無敢通貢輸納完額足以供給府中貢饗而已賢王豈有利焉而必盡退其田乎除楊柱楊鍾楊鐸首禍之人田應退還別佃外其餘諸家遵旨聽王府長史司會同府縣官清查果係頑貢應卽退還如歲無通租免其退佃仍諸家管種逾年照數完輸以後倘有奸頑卽聞官嚴爲懲迫用示賢王寬恤之仁以免小民啼號之苦此固朝廷雷靈中兩露賢王禮士愛民夙有令聞諒亦不難加惠茲土以永與長世者也至唐仕登楊友爵需索啟釁亦應杖警外量加責治示懲將柱等轉呈罪犯外結得每銀一兩值鈔八十貫招結是實七名楊鍾年六十五歲楊敬楊鐸各四十歲楊鍾楊岑各三十五歲係生員唐仕登二十六歲楊友爵三十歲係軍伴各招同二十員名陶應鶴史文福蘭宗文年各四十歲係內官楊鑄馬斯錫楊瓚各四十五歲李芬徐應元各四十歲係把總王從教四十歲係典儀侯大觀周英各三十八歲沈朝忠吳

應時各三十五歲周之冕席朝用各三十歲保書辦楊
嶠楊裴楊鉞各三十歲楊順二十五歲楊試二十歲俱
生員各供同議得楊柱等所犯楊柱楊鍾各除輕罪不
坐外楊柱合依誣告人死罪未決者律楊鍾依棄毀人
器物者計贓准竊盜論一百二十貫罪止律與楊柱各
杖一百流三千里楊鐸楊敬楊銓楊岑唐仕登楊友爵
俱依不應得爲而爲之事理重者律各杖八十俱有大
誅及遇蒙欽恤事例通減二等楊柱楊鍾各杖九十徒
二年半楊鐸等各杖六十俱生員審楊柱楊鍾唐仕登

督蜀疏草

卷之七

五

楊友爵俱有力候題充至日各照例楊柱楊鍾楊鐸楊
敬楊銓楊岑唐仕登楊友爵各納米價完日楊柱楊鍾
行學革退衣巾楊鐸行學降青楊敬楊銓楊岑楊嶠楊
試仍發學戒飭肄業供明陶應鶴等各寧家照出陶應
鶴等免紙楊柱楊鍾楊鐸楊敬楊銓楊岑楊嶠楊試官
紙銀各二錢唐仕登楊友爵民紙銀各一錢又贖罪銀
楊柱楊鍾各一十五兩楊鐸楊敬楊銓楊岑唐仕登楊
友爵各三兩俱追貯成都府官庫類解楊柱楊鍾楊鐸
原領蜀府田地各照數盡行退還另招佃種見年租穀

照數行追其餘俟清查明白如有頑負者退還若歲無
通租免其退佃仍照舊管種完輸又於楊鍾名下追銀
一兩六錢給王從教收領以償打毀爐瓶之價具招通
詳蒙督撫朱都御史批楊柱以細故發難犯分越規黜
革問徒已足平賢王之憤矣若楊族佃田承種已爲世
業苟無通租何必追出罪厥渠魁勿令株蔓王亦大有
問焉仰候會題行繳又蒙巡按薛御史批楊柱通租始
禍楊鍾楊鐸等羣附黨謀倚青衿而犯王章罪其何追
各依擬分別徒杖黜降發落候新院會題行繳俱經行

督蜀疏草

卷之七

卒

司轉行成都府遵照間比先不在官生員楊峙不合垂
誕前田仍霸種不還楊鐸又具憐寬豁宥情詞於天啟
二年二月十六日訴赴督撫朱都御史批仰按察司查
報蒙司抄詞備牌行府審報去後隨據長史司敬奉蜀
王令旨內云楊柱楊峙等違斷復占王田具詳呈蒙巡
按張御史批楊柱一事該司呈詳前院以交代行矣尚
未題復本院政不敢草草具奏今藩府又有此一審移
詳查原招亦有清查頑負應即退還如無通租免其退
佃之請此日不清更俟何日將毋留爲奏辯竇乎按察

司會同布政司查照原題情節覆審招報蒙司行府具
招解司間王府查楊柱等自元年奉勅插明田土起至
二年止逋租竟不完納著承奉司開造逋負錢糧書冊
內造楊柱名下未完卯銀三十五兩三錢零一釐清油
一百七十七斤稻穀三石九斗小麥五石三斗二升五
合黃豆二石六斗五升菜子一石四斗七升楊鐸名下
未完卯差銀五十九兩三錢六分五釐清油九百六十
八斤稻穀八十八石三斗八升酒穀四十九石二斗六
升小麥三十三石二斗七升黃豆三石菜子二石零六

督蜀疏草

卷之七

空

升楊敬名下未完卯銀二十七兩零四分五釐清油五
百九十八斤半稻穀一百二十八石四斗七升五合酒
穀十三石小麥十四石零五升菜子一石楊鍾名下未
完卯銀三十九兩零七分清油一千二百九十四斤稻
穀十二石八斗九升五合小麥二十九石六斗三升楊
齡名下未完卯銀十六兩二錢七分清油二百七十五
斤稻穀十石一斗八升酒米十六石二斗五升小麥五
十三石一斗五升楊義名下未完卯銀十六兩九錢四
分五釐清油三百五十六斤稻穀七石四斗九升黃豆

十二石二斗五升小麥十九石三斗六升菜子一石七
斗四升五合楊順名下未完卯銀七兩五錢一分清油
三百一十八斤稻穀十二石五斗三升小麥十石三斗
七升楊鉞名下未完卯銀十三兩四錢四分稻穀二百
二十一石八斗二升黃豆三石菜子二石七斗七升五
合小麥十石九斗一升楊嶠名下未完卯銀十八兩九
錢三分楊試名下未完銀一兩零八分菜子八斗自萬
曆四十六年起至泰昌元年止共欠前數遠年姑從寬
政及天啟元年本府奉勅到日插明招種徵收捧容札

督蜀疏草

卷之七

空

同書冊齎投巡按張御史蒙行憲牌接得藩王容札開
送楊柱逋負錢糧書冊一本到院展閱冊內逋欠者有
名未完者有數則一鞠便有歸著矣併發本司抄冊仰
府官吏查照牌內并書冊事理速查楊柱等逋負錢糧
務要逐審明確具招解司會審轉呈楊順楊試等又具
窮產殺命情詞訴赴巡按張御史批按察司會同布政
司併查報楊敬劉氏等又具奪產殺命情詞訴赴巡按
張御史批事經題請按察司會同布政司從實勘報蒙
司抄詞仰府官吏查照抄牌詳詞內事理即將有名入

犯行提到官逐一研審明確解司會審轉呈隨准長史司牒呈內稱蜀王令旨開稱楊柱楊峙復占王田緣由恁司裏可將予此情詳悉具文達之督學道希惟上遵聖意之降下體子辱之甚令予心安方得無言等因牒由到道蒙牌行府拘審間蒙本司紙牌蒙本院憲牌轉行本府會同叙州府理刑廳將生員楊峙等佃種王田通負錢糧一起犯證通拘到官查照原行情節逐一會審明確依律議擬具招限三日內解司覆審轉呈隨該本府署印管糧胡通判會同叙州府理刑朱推官會審

督蜀疏草

卷之七

奎

得楊姓各生占種王田多寡不等應盡退還府另招佃種楊峙原未入官祇因違斷復行占種王田楊柱等通負錢糧不行完納各情俱的叅看得楊柱與楊鍾楊鐸楊敬楊銓楊岑楊嶠楊試等雖列青衿然皆左護衛之子若孫也主僕之名分儼然又非尋常百姓之比領種王田而負其租何怪管莊者之急於追徵乎差唐仕登楊友爵拘柱之義兄楊福責十五板而羈候之法自應耳寧有過當十五板豈便能死人福之死蓋死於病也柱乃恃倚學校糾同楊鍾楊鐸等七人往索棺木噴承

奉之不出復喧詈於王官王亟召二長史三學教官領出時各生之衣冠如故固無搶掠之情亦無被辱之狀假令次日詣官庭謝罪認輸通租豈不可以釋忿而銷毀詎楊鍾隨以人命喊告而楊鐸又出名同三學諸生具呈凌辱仍肆其兇然將典儀王從教爐瓶打毀且遍貼公帖致訛言流布有傳奇之說是明與王爲難也名分倒置幾犯無將王是用痛心疾首具疏叩關今既奉有嚴旨三尺具在誰敢姑息假借除傳奇驚弊外柱爲禍首應黜革擬徒如律楊鍾楊鐸楊敬等七人已經屢

督蜀疏草

卷之七

啻

鞠分別革降杖戒無容再議楊峙查未入官不在七人之內止在外扶同鼓噪意欲占種並擬杖戒惟是田王田也予奪當由於王隸臣佃丁何敢執爲己業而占踞不退據發下通負數簿逐一研審楊柱楊鐸等各名下俱歷年積欠卯差銀各若干清油穀米豆各若干是應勒限照數追比仍着令退田聽另招種其田中或有墳塚姑免填平以昭王法外之仁將楊峙具招解司該本司署印吳副使會同林左布政使分守川西道戴叅政覆審看得楊柱等世隸王尉種王田其受藩府叅養

之恩亦既渥矣此日之衣冠楚楚家業隆隆木本水源皆可深長思者既獲其利又通其租即庶民有力之家亦所難忍攝其家人楊福薄責十五板監禁追租原非分外苛求柱等適因楊福病死不勝一朝之忿初與承奉爲難喧聲直徹宮闈繼糾通學典詞謗帖遍貼城市誰爲禍始而披猖適至此乎惟是傳奇原無指實驚憂世妃亦難懸坐楊柱等原疏有名七生擬城旦襦衣巾者二降青者一戒飭加杖者五田已插還明旨煌煌誰其敢悖法如是止矣楊峙原非負租之人不在鼓噪之

督蜀疏草

卷之七

奎

內王已置之度外本生復躡入事中總是雞肋難忘銘鼎念切情固可原罪亦自取此項田土乃欽賜親藩膳養之產錢糧不經有司予奪不由官府楊族之田自七生而外收之固王之分也予之實王之恩也有田必有佃有佃必有租後之投佃者未必皆孝子順孫今之悔禍者未必不感恩圖報但租完則情有可原或可仍歸於原佃租負則法在不宥卽應盡歸之府中尉固王之

家臣田與租乃王之家事總聽賢王之自裁而已楊柱等俱照原擬楊峙加杖以爲多事之戒將峙轉呈罪犯

一名楊峙年一十五歲議得楊峙所犯合依不應得爲而爲之事理重者律杖八十有大誥減等杖七十係生員併候題允至日照例折納米價贖罪完日發學戒飭肄業等因招詳到臣該前撫臣徐可求按臣薛來行欽遵明旨親詣王宮問慰訖今據前因該臣會同巡按四川監察御史張論看得生員楊柱係藩王尉丁之子名分素嚴源本當念乃通額租而不償假人命以生事始則喧呼直達於官庭繼復糾衆遍貼夫謗詞甚至打毀典儀器物披猖太甚法不可縱楊柱楊鍾興革允符其

督蜀疏草

卷之七

奎

辜楊鐸父教不先與楊敬等占種醴露均應杖懲奏內驚故世子妃及搶駕馬造傳奇等項節經多官嚴明審無證據難以深求至於楊氏一族所佃之田除首禍諸生退出別佃外其餘亦多守法未嘗違者况先人之塚墓繫繫在上法以懲頑而恩以逮下在賢王豈有成心焉人皆衙丁田皆王產既奉有明旨總聽王之自爲加惠耳理合具題伏乞勅下該部再加查議覆請行巡按御史衙門遵照發落施行爲此具本謹題請旨天啓三年八月二十一日上奉聖旨該部知道

塘報各路功次疏

題爲塘報功次事據監紀副使李仙品僉事劉可訓知府鄭朝棟總兵李維新塘報自天啓三年七月初一日起至八月二十九日止陸續據將官劉養鯤報稱奉令揀差將官鄒世賢畢唐二等選敢死士數十名暗渡何家河七月十七日到龍場壩時正三更將崇明父子巢穴上下兩街舊衙趕風放火盡行焚燬燒死男婦不知其數哭聲震地以致二酋棲止無定又據偵兵探得老酋劉姚家坪小酋劉石炭坡各統兵三營該鎮隨即督督劉疏草

卷之七

七

發叅將林兆鼎范繼道張邦紘劉養鯤鄧懋官劉宗良夏永通鄧玠等各領兵至楠木坪刁菱溝二等圍白水尾等處與賊大戰斬獲僞都司黃么兒及賊目王繼先宋堯等三十六顆苗級四百五十七顆生擒僞都司陳清等四名俘獲男婦三十四名口槍刀弩絮四十五件馬六匹招降思栗坪苦菜壩苗目蘇保王應虎侯應權羅承德等二十六名俱係陣前投降送家口赴永寧情願立功降苗二十五房又據遵義路監紀僉事趙邦清同知商良弼塘報陸續准副將秦衍祚加銜叅將陳一

督劉疏草

卷之七

三

龍侯良柱加銜守備李棟將官羅安良等各率兵攻打茶蘭橫山等燕耳園等處斬獲奢寅伯父奢阿東蠟九父子三人大頭目四名苗級三百八十四顆生擒僞總兵王朝臣蠻苗七十九名口招降高寨大頭目王廷彭家營頭目趙汝安及苗民四千餘名口陣前奪獲槍刀弩銃五件牛馬六十一匹隻奢崇德巢內投送出貴州乙卯科中第四名舉人湯師辛本道委差綏陽縣生員郭三聘招出西目游朝炳鄭一顯游朝坤楊明輝等攜家口四百餘名口於七月二十七日至桐梓投降本道

疫竝作臣暫令各將分守隘渡檄行白撒普市畢節被害之民及招賊親信頭目諭以免死協力擒首嚴行各將如遇賊警併力擒殺去後今據前因該臣看得逆賊父子挺而走險藉庇水西復聚殘苗出沒今苗目趙國壁西目游朝炳等業已投降苗勢漸弛臣病委頓發令懸賞督發總兵李維新移住古蘭催兵逼進只俟銀米稍湊即便過河擒賊所據各路擒斬招降功次理合塘報伏乞勅下兵部案候事寧一體敘錄施行爲此具本謹題請旨天啓三年九月初二日上奉聖旨兵部知道

督蜀疏直

卷之七

完

優卹併補道臣疏

題爲道臣盡瘁殞軀乞賜優卹以慰忠魂併議就近陞補以安地方事據遵義府知府胡悅安申稱監紀遵義今陞分守川北道叅議趙邦清自遵義染病移出桐梓調理不愈於天啓三年八月初五日病故等因報臣該臣看得遵義道僉事今陞守北道叅議趙邦清貫日凌霜之節轟雷掣電之材入蜀以來慨然以討賊爲任一到綦江卽斬僞總兵袁衣繡又督侯良柱陳一龍進兵斬渠魁石良三父子因而人心震懾漸就招降初營松

督蜀疏直

卷之七

三

坎繼管桐梓凡被脇舊民如安鑾羅安良趙國璽等攜家而至共六萬餘人近又發兵搗蘭招徠西目新疆諸務漸有條理厥功不爲細矣不意六月初九日親入郡城觸染腥瘴一病沉痾昇出桐梓藥餌不到惟日飲冷水數十碗延至八月初五日亥時竟以不起固本官之不幸實蜀之不幸也查得大明會典欵開在外交武官員不拘品級其以死勤事者卹典取自上裁又一欵開查有軍旅身殲助勞懋著者卹典自宜加厚等因若本官家舍已一十五年旣投夜郎魍魎之區復當玄黃血

戰之苦擔簋席草曾無片晷之寧居戮叛招攜已建無前之偉績冒炎觸瘴瘡志以歿功本當錄死實堪憐遺下守北道員缺查得監軍僉事劉可訓忠節千尋壁立雄才萬壑泉流成都圍解與叙南恢復之功俱經督按二臣題叙明白原在優陞之列厥後力拒強寇取永摶前勤勞幹濟真不知有其身者建績寔多循資應轉合無以本官就近加陞叅議填補守北道缺仍料理永寧軍務事寧之日任事理合一併具題伏乞勅下吏兵二部再加覆議上請將叅議趙邦清查例從優褒卹用示

督蜀疏直

卷之七

三

兩員僉事劉可訓加陞叅議職銜填補守北員缺軍務事寧任事庶忠魂知感而勞臣益用奮勵矣為此具本詳題請旨天啓三年九月初二日上奉聖旨

就近陞調府縣疏

題爲危邊殘邑酌議就近陞調以便責成事遵義古夜郎地原多瘴癘三陷三復之後士民遠徙無人敢往業經吏部覆用同知冉登改補臣已促之到任聞前督臣張我續疏奏復回原籍新任通判張盛治尚未赴任推官一缺自馮鳳雛遇害後尚未選補今當戎馬交馳鴻鴈哀鳴之日全無府佐任事甚苦掣肘成都府茂州當松邊孔道生熟番苗時時跳梁地方雖云不毛而關係極爲重大已經推有知州李有譽尚未赴任近報在原

督蜀疏直

卷之七

三

籍江西物故隆昌縣係川東衝邑被賊殘破城垣未補瘡痍未復一應撫綏及夫馬錢糧等事全在令得其人知縣黃榜忽以督運病故以上員缺俱係要緊地方人所畏避相應酌議人地相宜拔材使過藉以振救一方關係匪細查得原任江安縣知縣陳達道雖被賊攻陷縣治賴沿江諸邑獨江安與賊比鄰切近百姓悉爲賊用滿城虛無一人勢不能守本官獨不遠避退居隔江蕭寺乘間截殺計擒斬千有餘級及查臣自成都圍解之時具恭報逆賊前後情形疏內開報本官陸續斬獲

新繁偽知縣李之偉偽都司李梧李梅生擒偽知府李
自新招降頭目阿興等五百餘人斬偽總兵陳祈珍獲
錫印木印二顆又李獲姚應台等功寔浮於其罪至天
啓二年四月內逆賊復來占據是時士民未集實止空
城臣會按臣責成本官立功贖罪一面疏聞而達道喬
志身先不避矢石遂復縣城斬偽知縣白元柱等多功
又與弟西相持四閱月今雖革任聽勘而新補者杳然
無耗收集瘡痍百般拮据士民甚德之似當開其一面
改陞遵義府推官填馮鳳雛員缺又查得筠連縣知縣

督蜀疏草

卷之七

七

岑昌運當逆賊披猖之會處于難萬窘之地糾集鄉勇
徵運錢糧撫集流散之民倉卒古等三千八百餘家招
出投苗百姓八百餘名給票復業見經督按二臣叙核
本官歷俸幾及四年若論邊俸事例允宜陞轉應合就
近陞茂州知州填補李有典員缺又據分守下川南道
呈據叙州府申據南溪知縣李聯魁原任雲南安寧州
訓導候憑不至具呈該省布政司討有執照前來到任
四箇月徵輸紆理稍稍就緒忽聞部推新官王之朝踵
至本官推陞在先題改在後間關萬里來路之筋力已

窮耽延兩年彼地之更改難料進退狼狽實爲可憫今
照隆昌縣知縣黃榜近故請乞題補俾已試之吏不徒
役役風塵卽殘邑亦可甦生等因呈詳到臣該臣看得
知縣李聯魁歷任已經數月士民方有歸依若再候遷
入滇爲期甚遠恐滇中未必不另議銓補相應就近改
補隆昌員缺該臣原奉有就近更置留任之旨謹會同
巡按四川監察御史溫臯謨合詞上請伏乞勅下吏部
再加查議覆請將江安縣知縣陳達道陞遵義府推官
填馮鳳雛員缺筠連縣知縣岑昌運陞茂州知州填李

督蜀疏草

卷之七

七

有譽員缺南溪縣知縣李聯魁改補隆昌縣知縣填黃
榜員缺查黃榜臣已咨部報缺若銓補有人卽請改補
筠連其同知冉銓候憑到仍催復任庶殘邊廢弛之地
不致久缺而振材使過可彰激勵矣爲此具本謹題請
旨天啓三年九月初二日上奉聖旨吏部知道

塘報功次情形疏

題為塘報功次事據監紀副使李仙品會事劉可訓知府鄭朝棟總兵李維新塘報自天啓三年九月初一日起至十月十五日止陸續據叅將范繼道林兆鼎張邦紘將官鄧懋官劉養繼胡明臣張學周等報稱奉令督兵至沙木箐高家庄水落崖蕭家坳等處各大戰共斬功一百三十八顆生擒苗目一名苗羿七十七名招降阿大阿苗易脚等各送家口至永爲質立功男婦一千二百七十三名口殺手四百名陣前奪獲牛馬九十一

督蜀疏草

卷之七

奏

隻四槍刀弩器三十四件李總兵於九月十二日親統大兵至下河口鄆家渡剽營前鋒擒獲奸細冬狗等三名供報水西兵十營在銀盤山剽來援奢寅本鎮使降苗傳令過河秘諭苗之心腹羿日閻巴等二十名投降送子爲質約爲內應又稱寅賊在司紀養鬼崖生瘡養病十六日至築豆寨與符國禎對敵總鎮親安大砲隔河打死苗兵無數箭銃傷者不計二十七口侯良柱前鋒王正相與本鎮合營會事盧安世統兵亦到鄆家渡忽報水西助兵三十營至大坡頂至龍場救崇明父子

本鎮將辦備浮橋降苗等項俱交盧會事調度守禦二

十九日李總兵移營馬鈴河口連珠剽營曉夜設塘以防暗渡又報二酉見西兵到龍場欲乘勢暗渡水潦攻打永寧分頭大戰等情到鎮飛報各將如賊過河必合力擒捉合先塘報等因又據仁合路監紀叅政王世仁會事盧安世推官蔣化龍陸續報據叅將羅乾象秦衍祚將官張奏凱冉達龍王正相等奉令領兵至苟村毛坡老虎寨圓木溝漩坑洞十面村洗苗溝等洞寨擒獲奸細李三陽等三名婦女二口斬偽都司神保苗功十

督蜀疏草

卷之七

奏

二顆招降男婦二千七百九十九名口苗民人戶四百六十六房得獲牛角甲一籠細襖絮被二件刀三把槍九枝弩箭三副馬十三匹盧會事於二十七日直衝鄆家渡李總兵自大河口以上三十五里直抵赤水連營設備盧會事自鄆家渡以下三十五里聯落安營防禦等因又據監紀遵義路叅政閔夢得分理安羅路同知商良弼真綬路推官李必達陸續報據叅將陳一龍遊擊侯良柱會督路麟將官楊通露王尚明守備李棟朱天祚展朝榮等塘報即令督兵侯良柱一路至任包三

漲水九倉立崖小寨後山等洞寨大戰斬僞都督阿果
陳四僞參將蘇八抹賽阿倫劉茂等苗功四百四十三
顆跌崖死者無數招降奢宏下頭目張乾父子四名苗
日阿蕩等四十名苗民方相八千餘名口苗民男婦鄭
可發等陸百餘名口生擒符國福弟符國臣蔡金貴等
蔡金美得獲槍刀器械一百二十八件馬二十二匹招
降水西目把趙永鎮等十七名男婦三千餘名口加銜
副將趙文進招降水西老木孔大頭目聶江清小水崖
脚寨頭目王日景李友信等石洞山頭目魯萬朝係魯

督蜀疏草

卷之七

三

仲賢親叔同何金榮游朝信等携家男婦一千餘名口
陳參將督兵至黑水金刀坑遇水西僞經歷常馬色擁
兵大戰斬僞將一名賊級一百九顆生擒苗賊羅受一
名又督同將官都正極等會合黔師向方二監軍令龍
副總都司王達李之信各分兵至兩河口與西賊大戰
斬功一百一十八顆生擒一名器械一百八十八件九
月二十四日西賊馬兵九十七騎突至遵義府城外哨
探天曉不便窮追二十九日西兵萬餘衝至周水橋來
攻川黔之兵陳一龍楊通霄秦明屏等三面夾攻斬功

不計其數賊復大敗退走西界僞將周器墨阿烏迷等
又劄三十餘營於朝陽寺等處聲言四出合先飛報又
據監紀李副使劉金事報據將官劉養繼部下兵冉明
貴報稱本月十一日未時分劉養繼朱一龍王懋官傳
吉王弘化等領兵奉總鎮令發往白石崖入巢擒賊前
哨兵五百至彼忽遇賊馬兵突出截殺一陣獲馬二匹
斬功一顆後賊包崖重圍官兵抵敵不住將官各據險
奔潰同時又據傳吉王弘化王懋官俱至永城口報水
蘭之賊於白石崖清水舖等處劄十二營摩尼新添堡

督蜀疏草

卷之七

夫

各劄多營等情又據遵義路閱參政報據加銜守備蘇
廸降將鄭益顯稟報十月二十九日西賊敗回彼水西
有文來趕道及永寧路二總兵劄於紫豆寨撤營前去
救援又報基江縣發賊贏糧夫至尖山子魚岔河被賊
兵三路擁出殺傷糧夫兵士圍截獸驢四十六隻米二
十餘挑站馬二匹各等因塘報到臣爲照水蘭役合一
面衝突遵義一面助援蘭賊而二逆欲借勢再出臣機
令參將陳一龍及楊通霄等督兵合黔師以拒西賊機
總鎮行各路找搭浮橋拒河一帶招降賊黨以孤首勢

相機擒拏以完事局去後據報前因該臣看得二逆之腹心漸潰蜀局已將告竣無奈西賊復以七十營同奢氏父子窺犯永甯爲勢甚狡今且由險徑透入白石清水摩尼圍截我兵是蜀局未竣而黔局繼至蜀之剿蘭敵西爲計亦苦矣除馬上移文黔省及檄行道鎮及各路將領嚴加分布相機戰守擒酋外所有斬獲招降功次苗情理合塘報伏乞勅下兵部案候事寧一體查敘施行爲此具本謹題請旨天啓三年十月十六日上奉聖旨兵部知道

督蜀疏草

卷之七

五

地方水旱災異疏

題爲地方災異事據四川布政使司呈奉臣批據眉州申報天啓三年五月以來一向連陰自六月十七八九一連三晝夜大雨如注時刻不停至二十日夜半平地水湧丈餘城內城外蕩爲銀海洪濤激射漂流通州居民二百餘家又淹死男子馮有禮女人黃氏等七十四名口東門城外望江樓一座樓下橋梁盡被推倒漂散裝餉船二十餘隻人船不知下落傾倒城垣三百餘丈勢危將倒者不計其處通州田地豆粟未收禾苗新插者被水過處盡數漂流等因又據彭山縣申稱本年六月十八日戌時河水驟漲湧入縣城淹至縣堂東門水深丈餘四街舟行武陽街教場龍門橋各處住民水淹過簷基址房屋軍民財產民命牲畜盡行漂溺本縣登高一望苦不忍聞又據新津縣申稱六月十八日大雨如傾河水泛漲平地水湧丈餘冲破城牆五百餘丈四門城樓察院中司縣堂衙舍監倉文卷儒學殿廡牆壁俱行冲塌城內城外民房晏有梅周維翰等冲毀數百餘家淹死民婦閻應元王氏等百十餘口差馬三十餘

督蜀疏草

卷之七

六

匹災傷迥別平時等因又據鄂縣中據通縣里排鄉民彭學古等連名訴稱鄉民厄值青苗燒劫極苦無聊方復種田雨水不調已過其時入夏以來雷雨連綿水漲淹沒秧苗蝗蟲蜂起損折太多城垣民居倒塌大半時疫相傳提近水溝冲損田地四百餘丈又據金堂縣申據本縣崇德等鄉民吳國亨等訴稱居住地名九龍潭於六月二十八日寅時忽然天雨山場地裂本戶一十七家陷入地下田地種成粟豆穀稻綿花盡被水冲掃去無存又據鶴鳴上元等鄉生員吏民吳桂芳李正秀

督蜀疏草

卷之七

全

等各訴稱本年六月七月日期不等河伯爲災冲去田土千百餘丈禾苗盡掃國稅無靠該本縣隨同典史郭文卿分頭踏勘但見陸地成河狀然無際蕩裂漂散者盡成荒涼之地偃仆而蛀爛者盡寄生之禾紛紛哀訴不可殫述又據溫江新繁二縣各申稱六七兩月連值大雨平地水深數尺各將城垣樓臺橋梁等項捲掃冲塌粟豆禾苗各冲成漕淤壓大半各等因又據巴縣申據兩學生員錢嗣起劉光裕等呈稱入春多時雨或者造化之不平秋夏肆烈風意者天意之絕此類禱雨而

天不應豈其災此下民及雨而苗已枯不謂罹此凶禍八十里赤子不望生而但求速死之爲安等情又據本縣梓潼等八十里民牟一周等訴稱入夏以來上天不雨溪澗斷流五禾枯稿耕牛熬死喫水難尋箇箇輕生聲聲願死七月初五日未時天降雪彈雪水龍梳倒坐等處陡降極大天雨溝渠溢滿烈風摧樹竹木翻根禾稼偃仆泥沙顛連之狀趁今未亡之時懇恩備達上司免致窮民逃竄等情又據嘉定州申稱六月十八日偶值異常猛雨連綿晝夜兩江水壅合並橫行從女壩

督蜀疏草

卷之七

全

逆流入城城牆冲倒五十三丈竹溪大橋一座沒溺人口及房屋禾苗田地冲洗無算復於本月二十七日雷雨暴作水勢倍前冲倒城牆共四十五丈來薰門城樓及小板橋推倒會城門城樓擊壞禾苗人畜漂溺殆盡該知州李一鳳看得嘉定衝要之區而時多故立秋未及一月水災三見江邊結廬之家隨流漂沒水田陸地將成之稼半淤泥沙岸旁深谷人民率成魚鼈觸目傷心亟情難隱又據長壽縣申爲懇憐早苦等事據本縣三十七里小民方本通鄉約包興文生員鄧之震呈訴

舊前歲西變渝城漢土援兵四出沿鄉慘劫家戶一空
稱歲早傷食草聊生強耕數畝指望秋成天心下厭雨
澤愆期自五月終旬以來六十餘天何堪薰蒸烈日全
無一滴之施稻田遍野盡成龜坼高者根葉成灰低者
含苞皆耗早穀蟲傷延無粒望束手待斃面面慘慄恐
成嘯聚巨測可虞懇乞轉達少寬力役之征便是生全
之澤又據武隆縣中爲天時亢旱事據本縣排年里甲
黃甲士等訴稱本縣俱係山澗連年天旱無收苦不可
言自六月十四日起亢陽如火田禾枯槁人心慌亂東
督蜀疏草 卷之七 全

于悲號該知縣劉近顏看得山邑士民徬徨之狀菜色
極艱除甲職每早步行各廟祈禱外應合詳報又據綦
江縣申據生員里排鄉民王可禮等訴稱自五月迄今
六十餘日旱稻吐穗盡焦遲禾方秀悉成枯碎伏乞親
驗請蠲民無逋竄之虞等情該知縣鄒昌魯看得本縣
自夏及今風狂日熾時疫交侵隨行禁屠齋沐行香祈
禱並無感應係干地方災屯理合申報又據叙州府申
稱六月十九日夜陡被猛水泛漲將城外江側民舍及
大覺寺殿閣佛像盡行冲倒隨據宣化巡檢司申稱本

年五月以來天久霪雨二麥朽爛民皆枵腹六月十九
日江水泛濫巨浪滔天月波菜壩太公濠大塔小塔等
處房屋寺宇盡冲田禾淤沒老幼泚死數十餘人遍野
悲號兵火之後又見水災民乞申達不致逆貧等因到
府合行轉報據此又據青神縣申據五門隊長黨甲吳
廷蛟等報稱六月十九日天未明時江水泛漲一時湧
洶異常四門城牆冲塌城外居民呼喊悲號房屋百十
餘家盡行冲括男婦漂溺莫紀縣前水湧一丈四野田
地粟豆穀稗等項盡是沙漫土壓卑職即時遍閱高阜

督蜀疏草 卷之七 全
處禾苗冲沒低下處泥土掩壓一片水光人畜業產盡
去無蹤哭聲遍野情實可憐城垣公署牆壁無處不圯
錄係殊常災異合行申報各等因陸續申詳到司該本
司在布政使休宰看得蜀中連歲兵荒征輸煩苦特在
時和歲稔大蘇溝瘠之餘無奈天不恤禍雨暘弗若自
夏以來雷雨綿綿州彭山叙府嘉定等府州縣治在
沿河城郭冲倒城樓橋梁公署推場無存廬舍牛畜田
土漂流幾盡甚至男婦老幼化爲魚鼈不可數計巴縣
綦江武隆長壽早魘爲虐蝗蝻騰蠹賊之災抑有甚焉耶

縣新繁溫江等處在在冲圯無家無禾嗟半救之不飽
靡家靡室嘆中露之堪憐矧大兵之後又重以天行之
災哀哀子遺其何堪此第議賑則倉廩空虛既無可施
發棠之會議獨則兵食既乏又孰敢倡獨租之言古人
謂救荒無奇策亦惟今日耳請乞具題少申生靈至苦
等因通詳到臣該臣會同巡按四川監察御史溫臬談
看得蜀本荒瘠之區頻罹兵革之苦流離困頓全未收
復所賴雨暘時若田穀豐收庶幾少救萬一而又不意
屏騎旱魃一時降災如眉州新津彭山金堂青神嘉定

督蜀疏

卷之七

三

叙府一帶俱在大江之濱洪波陡泛無處遮藏順流衝
溺不可勝紀甚至城垣署宇俱為倒覆巴縣綦江武隆
長壽等縣醴遭恒陽赤地千里禾苗當吐穗之時盡成
灰糝溫江郫縣新繁等縣先被驕陽復遭大水西成無
望時日尚餘最爾遺黎將何以延一線之脈賑則積儲
盡空蠲則兵務未寧該司謂救荒無術誠可為痛哭流
涕者也今據通詳前來容臣等痛加修省及批行合屬
嚴令各有司停刑減訟以回天意仍行各州縣將自理
贖穀稍為賑恤外為此具本謹具題知天啓三年十月

十六日上奉聖旨該部知道

督蜀疏

卷之七

六

補上陞用勞臣疏

題爲殘邊重地彈壓需人亟議陞用勞臣以便責成事
臣惟遵義新羅路通水蘭內則舊民助逆外則安酋屢
犯郡城蕭蕭鞠爲茂草臣自昨歲倖解錦官之關卽有
戎州之役經年臨敵應接不暇及今解嚴始得放舟東
下永寧古蘭旣已蕩掃則惟遵義一路最爲吃緊矣近
准督臣楊述中會稿欲移總兵魯欽駐鎮遵義則不必
再設大將而扼要居衝儼然有虎豹之勢地利人事委
爲兩便及查道臣僉事趙邦清先陞守北叅議又經不
督蜀疏章

卷之七

全

陞四川布政司右布政使責成管理該道事務馳入新
疆與總兵魯欽共相籌畫且得與臣朝夕從事在本官
爲舊游易於整頓而將士憚其威嚴更加鼓舞人地委
爲相得危苦諒所難辭理合具題伏乞勅下吏部再加
酌議將李仙品加陞四川布政司右布政使管理遵義
道事頒給應得勅書覆請行臣轉行本官遵照任事遺
下叙瀘道員缺卽以近補遵義副使侯國收補移駐建
武宣威撫輯烏蒙鎮雄問罪東川烏撒完此一面事局
庶於安懷兩有裨益等因具疏於天啓三年五月二十
督蜀疏章

卷之七


全

七日差承差黃嘉宦齎捧具題本役行過黃河因雷雨
水泛將包墜陷水中打撈方獲致將前疏濕透本役畏
懼不敢投進止將各揭投各衙門訖原疏持回該臣隨
將黃嘉宦寬治外合再補題下部議覆爲此具本謹題
請旨天啓三年十月十六日上奉聖旨吏部知道該本
部覆奉聖旨是



少師朱襄毅公督蜀疏草卷之八

塘報戰敗攻永賊兵疏



欽差總督四川兼制湖廣荊岳郎襄四府陝西漢中一府軍務策應綏急督理糧餉巡撫四川等處地方兵部左侍郎兼都察院右僉都御史臣朱燮元謹題為水蘭復糾攻永官兵屢戰大勝據實塘報功次事據監軍副使李仙品僉事劉可訓知府鄭朝棟總兵李維新自天啓三年十月十七日起至閏十月初十日陸續塘報稱

督蜀疏草

卷之八

本鎮自九月十二日親統大兵直抵河口萊豆寨聯營與盧僉事分定把截直逼龍場一月有餘只待兵領十日之創卽遇河擒酋奈何各兵五日無米馬湖營兵鼓噪於本職之前衆稱銀米俱無餓死數多將何以殺賊諭之再四法不能禁各營每日餓死數人且運夫至營十日不能得到千難萬窘人人云再過二日無米定是餓死觸目委屬可憐除嚴行各將協同降苗楊順龍等把守沿河本職暫撤古蔣就諸軍之食等情十九日又據道鎮塘報據將官王懋官張邦紘等報稱探得水西

發頭目五人統兵七十餘營來與二酋云若官兵過河兩家都不好宜速分道暗渡包截烏鎮芒部陰助有兵找搭浮橋運糧於本月十三日分爲四路由尖山子三岔河高木頂官斗山包截大寨來攻永寧將把隘降將楊順龍父子并何應元等殺死又一路差賊目胡宗祿朱國政麻老虎阿什等由大壩長溪攻瀘衛出江門搶截糧道各洞寨降苗聞信各懷攜貳之心等情本職卽發張令張學禮領兵一千四百馬湖兵一千五百袁昌兵一千隨范繼道統領救援瀘衛及護糧運截殺大壩

督蜀疏草

卷之八

二

各賊發兵應援各路相機併力擒拿本職統領親丁鎮管回鎮永寧以固根本二十一日據將官王懋官王弘化等塘報西兵并路萬餘蟻聚曉夜夾攻永城本職會同二道分布粗畢二十四日已時據張令等報稱賊糾水潦洞寨及都長降苗俱復爲賊用勢甚猖獗今令等分作三路用計取勝令與張學禮爲先鋒吳一枝袁昌爲後應奮勇衝入賊營令親斬麻老虎首級張學禮槍殺阿什已死生擒蔡保等十五名僞將被殺七名令復箭射朱國政賊亂竄敗走投崖仆水死者塞川殺死數

多未割首級獲馬四匹槍二十枝奪回被擄婦女二口
督陣官劉北斗被賊連殺三槍猶然力戰回營身死等
情本職卽會二道將降民爲質父母家口移出趙場分
門固守又於城內抄獲奸細任二元等審係二酋發作
內應當卽梟示訖本日午時賊馬步苗兵漫山遍野蜂
擁殺至永寧城下時各將俱分把紅崖等隘城中止有
兵三萬本職同李副使劉僉事鄭知府卽刻登陴曉諭
各營大加懸賞鼓衆出城殺賊本職披掛率督親丁李
棲鳳等殺出東門三軍見此無不以一當百衆將林兆

督蜀疏草

卷之人

三

鼎張邦紘鄧懋官將官劉宗良胡明臣李仙德張冲霄
劉必達劉天眷等領兵四門齊出銃砲弓弩傷賊甚多
逆義營兵方虎一槍刺死傷先鋒大寨頭目歹兒各營
斬功數多賊見勢難敵尋卽收走我兵追殺三里無有
埋伏天晚撤兵奪獲衣甲馬匹無數賊上眞武山屯劄
一退石灰窰一退滴水崖本夜三更據夜不收報稱賊
復聚落窩職傳令南岸中峯遵義馬建各營還衝鋒殺
手三千黎明聽令二十六日早又據塘兵費楚政報稱
二酋同西兵未撤陰發動手苗昇萬餘一伏落窩一伏

落郎口候官兵出卽來包截苗用誘敵之計等情鎮道
計議賊既伏以待我我當出奇以制之隨發衆將林兆
鼎張邦紘等將官李仙景等一十八員親丁李維忠李
棲鳳等十一名督陣官陳善策等十員守備周良材雷
鳴春等二十四員各督所部當夜遠出兩酋伏賊之前
一枝分兩路於後追殺二十七日早發張令等兵四千
策應范繼道兵二千出清振司雞公寨旁出落窩之前
俱聽大路砲響一齊殺出至二十八日五鼓銃響發喊
前後截殺滾崖跌死數千生擒二十五名斬功數多另

督蜀疏草

卷之人

四

報奪獲賊馬四十四匹刀弩長槍二百五十餘件時值大
霧昏黑未盡割級寨房焚燬光焰冲天老苗由新寨走
脫小苗由蘭州逃遁降民周有富殺死藥虎頭人三名
得盛甲一副等情該鎮道看得是役也賊賊於大壩逐
賊於城下日奪西兵之魄而礮二酋之魂其狂謀詭計
必料官兵追逐乃設伏誘我狡謀業已勘破輕騎前後
夾擊一鼓俘馘無遺而崇明父子不顧分道各竄所謂
狼奔豕突者惜乎陰霧晦暝尚假其一息之喘耳此皆
天朝之威足以振揚我武矣第銀米俱乏三軍枵腹屢

經麀戰恐致脫巾不得不哀懇於本部院也又據范繼道報稱部將羅尚文領兵乘夜衝殺賊兵驚逃跌死深溝極多獲賊馬四匹鞍轡俱全割級一顆槍十枝等因又據仁合路監紀僉事盧安世塘報親督將官張奏凱王正相等奉令分守鄢家渡與賊對敵斬苗功三顆生擒二名供稱西賊與苗於十月十三日已暗渡上赤水矣見割四大營於對河者弄坡頂卑聯自抵鄢渡各兵無米全憑各處高粱粟稗度日今且尋盡等情又據帶管遵義監紀叅政閔夢得塘報據綦路監紀同知商良督蜀疏草

卷之八

五

湖報據副將侯良柱發將官蕭有忠探報西賊發兵救援奢酋由崖下出龍場於十月初七日有忠等查的先伏兵於崖寨小河以候次早兵果至砲響為號四下殺出降將先汝受斬偽守備阿位李長榮斬偽千總抹者侯國禎斬抹賽阿保各將親斬四十顆墜崖死者不計得馬四匹槍刀三十餘件又據監紀真綏路推官李必達報稱十月十六日申時准叅將陳一龍塘報分部將王尚明傅元勳等往遵義中庄等處合黔師龍泰二副將剿安逆賊六萬直衝清潭水奈將親督三軍二職率

兵向前殺死西賊極多斬功三百餘顆生擒阿烏迷第五子阿祿元奪獲戰馬器械無算各等因塘報到臣據此先是據報西賊添兵七十餘管同蘭酋拒守河口聲言欲渡攻永截糧臣疏報後即會按臣嚴檄各道鎮將如賊果渡即便互相通報併力擒捉以完蜀局固守城寨務保萬全及令建武瀘衛大振兵威毋容滋蔓處處截殺去後於時按臣移住叙府檄將催兵亦與臣時時計議且日擊餉賁兵饑急捐銀一千兩移臣以備賞需今據前因除動支餉銀五百兩折充花紅獎賞有功夫督蜀疏草

卷之八

六

武將吏訖該臣看得逆苗父子窮窘已甚寄命鄰苗既以辱酋乞憐復以盡剿相嚇於是水西遂發重兵於河口不惟顧奢兼以自衛若鎮烏等苗與夫受降之苗一聞水西助虐孤兔情深自相陰助窺我餉乏欲圖大逞幸藉皇上威靈諸將用命大壩一路三次大勝官兵在永寧者一戰殺其先鋒再追殲其伏賊情大霧陰霾致使逆苗逃遁是戰也道鎮協力將校血戰業已奪四奪觀望之氣矣第永寧原非蜀地二賊又在鄰界欲守則師老財匱終為不結之局欲進則路遠籌深必難為無

米之炊且聞黔師已聚勢不容緩所需楚餉自領過七萬兩之外奉旨差官勸催尚未解至道鎮屢報無糧各兵饑斃不得已量議加派又奉有不可輕議之旨斯時量沙無措點石不變臣憂心如焚形消病劇於拜疏後檄行藩司量於未殘州縣一面權宜酌徵以救目前之急俟楚餉解到即止或候事寧抵充正項稍俟餉足即發各道鎮親臨營伍渡河擒賊外所有前項功次理合塘報伏乞勅下兵部案候事寧一體查叙施行爲此具本謹題請旨天啓三年閏十月二十二日上奉聖旨兵

督蜀疏直

卷之八

七

部知道

議處貪殘庸劣有司疏

題爲議處貪殘庸劣有司以安地方事臣以督兵久駐江干凡民間疾苦廬舍蕭條之狀傷心而慘目無計可措所賴各有司扶傷救死培養生息汲汲然猶恐不逮而況有不務噢咻專圖剝嗜與夫政權旁落狐鼠橫行者尚可容於民上乎臣廉其罪狀彰著者有四人焉謹會同巡按四川監察御史溫臬謨爲皇上陳之訪得綿州知州崔含輝賦性簡傲立志卑污嚴刑慘於炮烙嗜利密於秋毫跡其行事大有可駭者一本官用聚木椽

督蜀疏草

卷之八

八

行刑動責六七十後改用大竹板每塊重七斤夾棍以鐵心枷用二百斤又有弔髮刮肋烙鐵皮鞭油捻熏鼻等非刑一商稅奉旨停免本官仍行橫徵上下商船每隻稅一兩仍設吏於下流查對贏馱每隻稅三分入店者責令店戶報稅方許發賣打死漏稅商人王二吳喜李發三田仰坡辛四官等多命又差撥吏嚴畏充巡攔頭目徒棍曹忠梁果受楊光泰放關吏快華陽啓金守第等證一城郭鄉鎮設立市稅每處用一巡攔凡每遇集期斗一張抽稅一錢一分經紀等秤一把稅銀七分

內一案稅銀六分酒一鋪稅銀一錢每月得銀二三百兩收稅吏華陽啓趙綱證一徵收錢糧明加一暗加二欠一兩以上者責五十欠三五錢者責四十仍各罰罪打死排年收頭夏時榮鄭可乾邵臣阮榮張師項清阮坤葉有梅張汝舟尚謂起唐大羅瑞胡朱貴等多命一攢造過糧每買價一百兩明索紅錢四兩暗索二兩不用布政司號票止用私刻關防任從侵匿減一丁索銀十兩無銀者加添共計得銀二三千兩過送吏胡守恭亦乘機索銀二百餘兩審丁非刑打死劉志羅泗李正

督蜀疏草

卷之八

九

官王應和等多命一派運叙府兵餉計夫一千二百五十名每名索銀二錢剩夫一百三十七名每名勒折銀三兩共得銀六七百餘兩一立吏陳友義爲監縣凡州內養蠶者俱要報稅但養二三十斤者報一二千斤索騙王大禮梁選魏雲四劉道遠王大桂朱鳳胡葵等銀二三百兩打死蠶婦李氏一勒索各吏見面錢見衆六兩候缺四兩快手二兩皂隸一兩計得銀六七百兩打死吏杜仕寵快手甘俸林揚正芳彭加貴等多命一聽吏房吏王言諸慘擊新納吏農姚天策等不經州起文

每名罰銀五兩米十石共二百三十二名計得銀千餘兩嚴畏監收非刑追比打死吏葉鳳儀等命一撥吏吳鼎黃忠赤等查算庫吏錢糧自三十六年起勒要節年庫吏王之臣李天桂李含春嚴畏等每名罰銀五十兩米三十石酷索李來林銀五百兩止完二百兩本吏脫逃仍拘妻邵氏變價一候缺吏呼喚不到差用不前各責三十板罰銀二十兩前後共罰過吏楊耀周仕祿何龍翔等銀六百餘兩一本州團練操兵三百名每名月該工食銀九錢止給八錢每季扣銀九十兩皂快查點

督蜀疏草

卷之八

十

不到盡革不補用白役勾攝害人將空役工食侵扣入已計一百五十餘兩符汝敬李忠等證一用取行戶羅文貢等段疋恠其領價將尺頭盡行摺碎給賞孤老仍復夾打枷號以致斃命各行爲之罷市其往省下程小飯等費俱發墨票取辦毫不給價暗登循環扣剋入已趙綱余朝元等證一詞訟令權吏李炳劉炳章先向原被告索賄無賄者搖頭爲號重刑拷打打死王應陽鄭士明等多命一行牌僧官月現查通州一百八十寺觀僧道俱要上銀領牒每名索銀六兩計得銀六百餘兩

打死僧人如雲等命一訪知醫官孫明揚家富將吏目捕務奪委仍委其惡叔孫榮宗爲外巡令逐日搜尋街市小事申報罰罪索得謝禮六十兩後衙待酒一丁祭文廟及各壇豬羊盡令折乾止借用屠戶豬羊通學耻笑一戶房吏鍾應朋稟領金貢士路費貢三十板罰銀二十四兩本吏證一噴教官不遞手本拏學役何富打五十板登時死一免扮春飾差吏李炳逐件折乾三十六行至戲子倡妓盡行科派因辦納遲緩將妓女梅寶貝夾死若夫往省嫌轎夫汗氣將夫楊佐梁進登時四

督蜀疏章

卷之八

七

證一借欠京債甚多山西客人王桂等索債紛紛煩言噴噴本官具揭明言於司道此一臣者官箴大壞民怨滿盈多命含冤道路以目若縱之滿載歸休何以懲前儆後臣已會按臣檄行按察司羈候聽勘應照貪酷例革職爲民仍乞勅下嚴行巡按御史究問追贓正罪者也又訪得彭山縣知縣焦三移恣睢不檢儼瞞自雄安殺殊見周章縱子全無法紀一本官天啓元年十一月內自本州回縣南門民兵周得雲一銃不響怒貢三十次日身死艾言等證一因奢酋圍城將家眷移住差頭

督蜀疏章

卷之八

主

二正永福交送樊騰證一縣民周嘉貴因忿登時打死
余加寬赴縣告理差腹阜唐汝閩行拘嘉貴將銀八十
兩交與腹書安吉傳入後衙買賄本官長子不行檢驗
黃正位等證一考試童生五名內俱先令直堂吏黃正
位報知索銀二三十兩不等預先送訖方准前列劉餘
黃正位證此一臣者性乖刑峻即礙斥亦不為過但賊
跡未甚才力可驅應照浮踪例重加降處者也又訪得
加銜成都府同知管中江縣事鍾文煊中無主宰事每
糊塗太阿以倒持而旁落群小因積玩而生奸一本官

督蜀疏草

卷之八

三

專聽吏書盛訓楊應明文選吳繼撥置人稱一堂五知
縣聽吏盛訓等年稟革去五里收頭每年錢糧八千餘
兩委四人收支私造大等加一徵收計得銀八百兩有
餘里長青思志證一將協濟建寧驛銀五十六兩扣剋
二年共銀一百一十二兩陷驛倒站余懷德證一支給
扛夫一百八十名每名年該工食銀七兩二錢每名扣
銀一兩二年共得三百餘兩吳繼孔證一運餉米夫二
百名每名索過堂銀五錢方給米起運共得銀一百兩
青思志證一本縣額設馬四十二匹每匹歲額工食二

十兩本官聽盛訓撥置傾銷低銀支給多行扣剋以致
馬戶逃走倒站王遠證一本官少京債有心腹盛訓夏
宗舜稟重犯盛如栢積有家財借銀三百兩還債本
犯不與登時取出打死申報監故盛如松證一本官支
給皂快一百八十名每名工食扣剋或一兩或五錢共
得一百餘兩吳繼孔胡現證一本官徵收鹽課八百兩
每兩加二秤收二年共得銀三百餘兩胡金甫證一本
官有總里幸安包收錢糧打死余三苟告縣賄糾楊應
明送銀二百兩寢案黃朝亨證此一臣者才本綿薄政

督蜀疏草

卷之八

四

復情竊但各賊多被剋於群奸而本官亦無苛政所當
以不及例量行降調者也又訪得璧山縣知縣尚登雲
病體纏綿才華庸闇刁疲漫無整頓衙役盡肆縱橫一
本官所任之地原係窮僻即奢酋作難該縣尚未遭大
夥衝突祇緣官無勵氣以致民無固志因而失陷城池
賊見地陋民貧三日即退縣官袖手而已一兵事惟糧
餉所關原非細故該縣以二豎頻侵征輸獨緩缺夫缺
餉率多悞事屢經道府督催漠然無以為應一該縣馬
戶因軍務旁午躲差倒站累里甲包當仍捏同差役考

索里甲希圖倍貼再充通縣民劉遐二等赴上告官仰
投府監候審馬戶厚賄差役本官聽其瞞聚差兵圍屋
抄提仍信妄呈申稱劉遐二拒捕傷兵不知遐二久在
府監矣偏聽長奸幾陷良民之命此一臣者性原寬厚
又復多病以致群奸縱肆事雖廢弛囊無厚利所當量
改教職以俟改圖者也伏乞勅下吏部再加查議上請
如果臣等所言不謬將知州崔含輝照貪酷例革職為
民乃行巡按御史究問追賊正罪知縣焦三移鍾文炳
尚登雲分別議處遺下各員缺急為銓補嚴限前來任

督蜀疏草

卷之八

五

事施行庶官邪知弊而民生有攸賴矣為此具本謹題
請旨天啓三年閏十月二十二日上奉聖旨吏部知道

揭報大壩功次

為塘報事先是奢寅父子糾同水西復攻永寧我兵屢
戰殺敗分道遁回龍場職已檄令道鎮勒兵追擊又恐
糧運愆滯另委巡西道叅政吳光義往勸納谿督理安
綿道副使謝渭料理水潦外溫御史又捐銀一千兩前
來懸賞隨據監紀副使李仙品僉事劉可訓知府鄭朝
棟總兵李維新等塘報水蘭復結皆因水潦大壩卜昏
白拘林等處苗賊誘引助惡今又欲糾普黑之苗為害
若不持清終為糧運後患於是本鎮發叅將林兆鼎張

督蜀疏草

卷之八

六

邦紘鄧懋官素翼明秦拱明將官周良材孔全斌李仙
德李棲鳳張令等掃清各洞圍本鎮一面發兵臨河布
陣擒賊天啓三年閏十月十六日起至十一月二十五
日止續據林兆鼎等報稱各統兵攻打落下黑林魚兜
河高寨落石寨等處當陣斬獲偽叅將阿垠偽都司阿
謹賊目益黨阿賽賊首阿五首級五顆苗級六百八十
六顆火煙燄死二百餘賊生擒男婦二百四十七名口
槍刀弩甲花衣苗糧三十六件牛馬七十五隻匹各將
即抵赤水上下河口鄢渡劄營搭橋探得兩酋見大兵

通急又見黔兵與遵義各將官合哨窮促至奢崇明同扶國頑朱國政等扼險守渡奢寅奔逃水西求援等情本月十七日據監紀遵義路叅政閔夢得副使侯國分紀同知商良弼推官李必達知州朱毅臣等塘報據叅將陳一龍遊擊侯良校等報稱西賊莫得官統兵二十三營助奢寅攻永大敗逃回奢寅同督苗羿偽都督扁老虎普初等欲來包截官兵見綱白頭岡等情當令副將趙文進降將楊柳及鄧朝川等分定四路暗伏本官統兵合擊長杜親斬傷叅將者罵首級一顆部斬偽都督蜀疏草

卷之八

七

司阿仲魁抹賽阿一重大頭口王興等首級四顆苗級一百八顆生擒偽守備冷齋阿東弟哥等男婦三十一名口墜崖死者不計槍刀無算又據羅安良等報於十九日連夜統兵渡江直抵奢寅與偽都司扶反兒營正三更奮勇殺入加銜指揮羅安髦斬曉日趙汝受追至木芒寨斬獲抹賽趙汝真等首級一十八顆鞍馬盔甲刀槍偽牌器械無數又據叅將陳一龍將官戴來鳳報稱奢寅委苗頭長經歷阿忠督苗至板山立寨撥發將官余興高等統兵衝殺降苗阿一叙生擒賊目阿粗陣

斬偽叅將阿忠首級一顆長經歷着箭奔回營中我兵周圍放火將長經歷阿角粗阿戶等苗羿數百人馬一併燬盡又據該道報據陳一龍塘報二首見永路攻急奔逃水西見在合賊縱橫阿烏逃搭黃高招安邦彥搭紅高招奢寅橋藍高招自二十一起逐日攻打陳戴二將奉蜀黔二院嚴檄上緊援剿今賊欲斷黔餉道加街遊擊楊通需奉本部院牌令見爲黔師前鋒本道已催侯良杜趙文進趙國璽游鄭等兵合陳戴援剿請乞發餉催兵等因又據商冉二同知陳一龍戴來鳳中軍督蜀疏草

卷之八

大

蘇迪各報二十八日川黔兵大勝斬功甚多內一大頭目驗係阿烏達長子首級陣獲大馬一匹金銀刀一把又據陳一龍報據楊通需加銜叅將李之信與邱彥奢寅大戰斬賊首百餘級奪獲鞍馬百匹奢寅大敗走回龍場又據仁合路監紀僉事盧安世塘報閏十月二十六日差前鋒加銜叅將張奏凱加銜都司華之宇督兵過落紅河偵探與偽總兵阿金帶賊兵數百于樂川撞殺加銜遊擊吳攀龍等斬賊級十四顆弩刀槍十九件藥箭四筒絮三床又報寅賊援西敗回損失數多等情

又據盧僉事塘報加銜遊擊晏可成統兵攻打追至尖山馬蝗等處斬功四十三顆招降漢苗男婦四百一十二名口羅華發袁應朝招撫鹽井壩降民車應舉等男婦一百一十三名口逆寅一面修整水頭固點賞衝鋒有王月憲等約羅用家丁男婦一百五十房又據巡下南叅政王世仁塘報舒廷彩招降民游三游五王宗龍等擒賞於十一月初六日將奢寅坐鎮官劉文虎父劉旺殺死斬首級三顆招順民一百房各等情塘報到職據此查得兵分五路業已大震兩省夾擊首正奔疲此

督蜀疏草

卷之八

五

實率庭掃穴執俘奏凱之機矣除卽刻定師期切責五路將吏一齊進取龍場擒酋完局外前項功次合行塘報天啓三年十一月二十五日揭報兵部

飛報擒獲首兇疏

題爲飛報擒獲首兇以慰聖懷事本年十一月二十九日據總兵官李維新監軍副使李仙品僉事劉可訓塘報奉令剋期五路進兵悉照指授道里日期方略行事去後本月二十五日申時據中軍坐營領兵將領等官飛報降將胡世孝廖應選等至營報稱遵奉兩院道將諭帖問計商同賊目焦崇智傳紀符國清廖受謨余六羅向宸羅用沈奇孝宋朝臣曹于海周邦臣史都者佐阿寅阿龍羅文元焦現龍謝顯貴謝君龍等於王繼宗

督蜀疏草

卷之八

三

家歎血擒酋獻功贖罪被李遠達等透露崇明父子擁衆中傷衝圍而逃廖應選等生擒李遠達廖應聘斬傷監軍李惟鼎楊選等生擒偽都督蔡金貴王繼宗等共擒崇明妻安氏偽總兵夜日官兒仍在抄山追捕等情十二月初一日又據遵義道副使侯國飛報准加銜副將侯良柱報稱屢奉密策又發家丁暗與王繼宗等定約大購懸賞於十一月二十一日提兵殺入龍場鏖戰自寅至申當陣生擒首兇奢崇明偽軍師蔡金貴并逆妻安氏斬偽相偽將首級千餘鞍馬槍刀無算其逆寅

中二槍扶馬而逃扶國禎亦中箭逃箚官兵見在撻拏等情又據該道報准侯副將文稱前報倉皇今親審各日供報與王繼宗面質各偽將輪服無異言仍有未獲頭目見在撻捕但奢崇明中藥箭命在須臾斬獲功級尚未盡審至於奢富奢宏走入崖下見在發兵擒剿計開審明逆犯大梁國偽太上皇帝奢崇明偽皇太婆安氏偽閣老蔡金貴偽總經略李廷偽都督王承恩偽開國軍師左丞相張向極偽相府何以清猱羅頭偽封司紀正總督張伸脚阻官偽兵部尚書兼總督事法各官偽

督蜀疏草

卷之八

三

兵部侍郎葉木官偽總兵樂烘官同日又據仁合路監軍道僉事盧安世塘報相同先是二逆走險負隅依鄰衝突臣同按臣已切責五路道將酌定道路剋期進取密發諭帖剴付多方間誘連會黔中及時牽制如期夾擊務遵明旨速擒二逆廓清巢穴一面報部外今據前因該臣看得逆賊奢崇明父子自遁入龍場後詐自出時而糾鄰四面衝突時而入穴莫可端倪將謂有險可憑有鄰可助欲老我師乘間狂逞茲者仰仗皇威將吏僇力大兵甫入半就擒誅逆實雖未即獲諒亦難逃天

網今據各路塘報相同似無虛假除嚴促五路官兵星火追捕逆實與各通目廓清巢穴策應黔師行事併俟道將解到諸犯質審獻俘獲功員役查實的係何路何人另叙外合先飛報以慰聖懷為此具本謹具題知天啟三年十二月初一日上奉聖旨兇酋奢崇明俱已擒獲深可嘉尚逆實及各通目催兵速捕務期蕩平督臣朱爌元調度勤勞其監軍有功將士俱候獻俘一體優叙兵部知道

督蜀疏草

卷之八

三

縣令給由疏

題爲遵例考覈給由官員事據四川布政使司呈奉臣批據綦江縣申准本縣知縣鄒昌魯開稱見年三十七歲湖廣荊州府公安縣人由舉人萬曆四十七年十二月內除授今職四十八年四月二十三日到任扣該天啓三年三月二十二日連閏實歷俸三十六箇月三年任滿例應給由照詳奉批仰布政司查報奉此又蒙巡按四川監察張御史批同前事蒙批布政司查報蒙此行准按察司守巡鹽法等道各咨牒回稱查得本官委

督蜀疏草

卷之八

三

於前項年月日期到任歷俸考滿任內徵收錢糧鹽課清勾軍伍積貯稻穀五事實政俱已足額修舉貯穀碾充軍餉委官查盤無異應准給由開具經獎稱職詞語起送到臣卷查先准吏部咨爲酌議考課之法以肅吏治事內開今後府州縣正官給由免其赴京聽撫按官從公考覈賢否具奏先令就彼復職管事牌冊差人齎繳其稱職經薦應得誥勅命者照例請給其平常不稱職者部院會同酌處又准吏部咨爲酌時宜陳愚見等事內開遇有方面有司官考滿從公考覈據實直書分

別稱職平常不稱職三等填註考語具題給由以憑本部議處又准都察院咨爲治平要務急在保民等事內開省直撫按遇郡縣各官考滿總將三六九年修舉過五事實政覈實造冊定稱職平常不稱職之差等另報部院各等因俱題奉欽依移咨通行在卷今據前因該臣會同巡按四川監察御史溫臬謨考覈得綦江縣知縣鄒昌魯材詞精明操持謹凜獨力以支危難嘔心而佐轉輸本官職業俱修考屆稱職除批行令帶俸管事任內行過事蹟徑自造冊差人齎繳五事冊揭行令咨

督蜀疏草

卷之八

三

送部院外理合具題伏乞勅下吏部將知縣鄒昌魯再加考覈酌議題覆施行爲此具本謹題請旨天啓三年十二月初一日上奉聖旨吏部知道

恭報蘭地善後機宜疏

題爲恭報蘭地情形與善後機宜仰祈聖裁以期安撫
事先是臣切責五路將吏逼進龍塲擒酋掃穴又慮西
黨懼死負固多方曉諭令其遵旨擒酋建功贖罪去後
隨據各路道將塘報官兵大至龍塲齊入得功有差降
將胡世孝王繼宗等奉諭擒獲僞都督李遠達蔡金貴
及奢崇明妻安氏等臣恐元兇未得老師賈財於是親
抵戎行中嚴賞罰道經大洲江門永安永寧與詢問古
蘭落紅大壩新寨太平瀘衛一帶皆膏腴地也衛雖隸
督蜀疏草

卷之八

三

黔土實在蜀今二酋造逆奉旨征討臣與按臣并道將
文武不惜軀命聚五路之師費三年之力以有今日雖
二逆逃奔境外尚未獻俘而蘭州疆土業已廓清矣蜀
自遵義郡縣以來不以得土爲利翻以養兵爲累故譚
及改流輒多感額但二酋造逆滔天連年血戰僅而得
之卽欲仍置宣撫將與之誰人乎况永寧一塊土西自
建武東至遵義三面而環之賊欲動則無處不可闖出
而我設防則二千里之遙最難照應譬如人腹心肘腋
之間去一虎可復進一狼乎當聖祖時天造草昧西南

苗無不畏法故特就中設建衛所以通血脈徒用牙錯
之義殊少彈壓之威浸尋至於二逆肆惡橫行已無天
日在蜀以爲土司而寬其文網在黔以爲鄰苗而置之
不較陰謀既久一朝驟發殺官戮民不啻刈草此亘古
未有之變也尚可因循苟且不爲長久計哉以臣之愚
察之衆論咸謂當以赤水河爲界自河以東龍塲一帶
悉以與黔自河以西由赤水至永寧悉以還蜀就永寧
城中設立道府與遵義建武互相犄角則呼吸相應聲
勢聯絡用以彈壓諸苗保護內地計無善於此者若黔

督蜀疏草

卷之八

五

省以爲祖制不肯更張則照黎平鎮遠之例蜀自郡縣
黔仍衛所雖曰駢枝亦無不可臣不敢侈開疆之名以
滋多事但審地勢參人情似不得不出於此惟聽廟堂
之公議皇上之酌裁耳至於二酋業已無黨無家入險
遠遁或旦暮擒縛或遲以歲月遁未可知惟黔蜀唇齒
利害相依厚據該省撫臣移會應援臣已發參將林兆
鼎提兵一萬殺衝羿子猱猱等關直入大方該撫臣卽
留合營臣又行令總鎮李維新接等事畢再發重兵應
援外獨是蜀連年用兵公私俱匱庫藏括而又括錢糧

借而又借小民之此倘未復膏血盡罄不戢自焚最爲可慮臣憂心如惓不能朝夕疆土旣清亟宜確議一面設法將各兵漸撤以省民力臣謹會同巡按四川監察御史溫臯謨合詞上請伏乞皇上俯賜裁定勅部院會集九卿科道從長確議覆請轉行臣等次第料理奏報庶西南苗界之地奠安於萬萬年矣爲此具本謹題請旨天啓四年正月初九日上奉聖旨該部便看了來說

督蜀疏草

卷之八

三

塘報功次疏

題爲塘報功次事天啓三年十一月二十九日據鎮道報據中軍坐營將領等官塘報降將胡世孝廖應選等遵奉部院諭帖商同賊目焦崇智傅紀符國清廖受謨余六羅向宸羅用沈奇孝宋朝臣曹于海周邦臣史都者佐阿寅阿龍羅文元焦現龍謝顯貴謝君寵等於王繼宗家歃血擒首獻功贖罪被李遠達等透露崇明父子擁衆中傷衝圍而逃廖應選等生擒李遠達廖應聘斬僞監軍李惟鼎楊選等生擒僞都督蔡金貴王繼宗等共擒崇明妻安氏僞總兵夜目官兒仍在搜捕等情十二月初一日又據遵義道副使侯國飛報據遊擊侯良柱報稱屢奉密策暗與王繼宗等定約大購懸賞於十一月二十一日提兵殺入龍場鏖戰自寅至申當陣生擒首兇奢崇明僞軍師蔡金貴并酋妻安氏斬僞將僞相首級千餘鞍馬槍刀無算其逆寅中二槍扶馬而逃符國禎亦中箭逃等情又據該道報准侯良柱文稱前報倉皇今親審各目供報與王繼宗面贊各僞將輸服無言未獲惡目見在搜捕但奢崇明中藥箭命在

督蜀疏草

卷之八

三

須臾斬獲功次尚未盡審至於奢富奢宏走入崖下見發兵擒捉計開審明逆犯大梁國僞太上皇帝奢崇明僞皇太婆安氏僞閣老蔡金貴僞總經略李廷僞都督王承恩僞開國軍師左丞相張向極僞相府何以清猷羅頭僞封司紀正總督張伸脚阻官僞兵部尚書兼總督事法蒼官僞兵部侍郎葉木官僞總兵樂烘官同日又據仁合路監軍道僉事盧安世塘報相同已經具疏續據逆黨道臺稱當時倭僞止獲蔡金貴李遠達王承勳余五井首妻安氏等二逆中傷潛逃一時錯認誤報

督蜀疏草

卷之八

三

原本李應崇明等情又據各路道將塘報賊見官兵大勢進逼賊黨奉諭立功贖罪生擒逆妻安氏大頭目李遠達蔡金貴等併斬李惟鼎首級來獻二逆負創奔逃莫可蹤跡臣以元兇未得於天啓三年十二月二十日直抵永寧監督六師中嚴賞格分別勦懲分佈各將士速進追賊外隨據總兵李維新監紀副使李仙品僉事劉可訓段師文胡平表知府鄭朝棟等官塘報大兵聚集龍場探得二逆逃入水西莫得官見居六卜又據報稱避匿水頭竹中竹瓦等園等本鎮奉本部院號令先

發援黔兵一萬責令加銜副將林兆鼎總統於十二月十五日自龍場起身前進水西一面追捕招撫莫得殺入大方會合黔師兵至水界界子關苗界守把難進矢石亂下是夜四鼓我兵銃砲齊發殺進關內斬功千餘跌崖死者無算據報逆寅同奢社輝母子俱在水頭一處逃躲兆鼎當蒙王軍門重賞花紅卽留大方犄角剗營其捕逃賊其各路奉令進剿者監紀僉事盧安世督仁合兵至泰政王世仁發加銜副將羅乾象督兵至遵義道監紀副使侯國發監紀同知商良弼推官李必達

督蜀疏草

卷之八

三

知州朱毅臣及泰遊陳一龍侯良柱各統大兵至於路招降萬餘集會鄧懋官秦翼明秦拱明等逼近崖上崖下奢富奢崇德親執手本下坡叩見投降獻血情願追拏二逆道鎮各賞銀牌花紅勒令立限追捕具不致縱放二逆漏網甘結又據張令屈國忠招出者務阿翁者方等三十三名到鎮投見犒賞取結本鎮同各道將發兵攻撥比洗法磨等處又報二逆於十二月十三日到崖下聽得山官兒要擒兩賊建功免死逆卽單騎隨帶小童不知去向降民王二吐稱二逆用銀二十兩雇

苗子二人引路入大箐要由小道逃入烏撒鎮雄此時
陳侯二將兵抵崖上集會各將協心擒捕又據二道塘
報發中峯營將官姚化民舒遠曹有才等兵追至黑苗
寨與黑苗接殺部斬苗級三十顆生擒十四名又據桑
將范繼道報稱抬出苗羿數千隨即安插自鑲刀灣九
股樹鎮西以至白崖營臺未昌畢節百里各各貼然取
有不致逆賊逃匿甘結又探二逆的在莫得地方匿藏
又報樊虎同逆妾馬氏胡宗祿阿弟見在鎮雄邊界母
草是實又據李總兵報稱發鄧懋官張學周雷鳴春劉
督蜀疏草

卷之八

三

奏凱張洪烈李仁貴陳善治張得勝李仙景親丁李棲
鵬李棲鶴等兵及仁合路張奏凱王正相并羅乾象統
袁奎等圍攻木頭岡至二十二日准貴州王軍門差人
約會本鎮往剿畢節抱七星關烏撒要路使兩省會合
直攻逆匪之處一省之難且暮可平等因又據烏撒府
差生員楊文烈報稱擒獲首惡符國順嚴禁鹽舍另解
各等因塘報到臣除照明旨頒懸賞格激勵將吏併諭
逆黨但能獲賊一體陞賞仍行鎮雄追捕馬氏胡宗祿
樊虎阿弟等又令烏撒知府安效良起解將國順到日

照格賞叙時按臣溫臯謨慮懸賞不敷特捐公費贖銀
二千兩前來軍中犒賞鼓舞一時將吏歡騰無不爭先
該臣看得前境雖已廓清二逆蹤跡雖定然六百里巢
穴業已蕩平二三年巨寇頃爾解散二逆羽毛既剪毋
妻不顧冒險窮奔苟延旦夕料惡貫之已盈而天網之
難漏矣除躬同道鎮文武率衆擒擒嚴檄各土司把截
要路擒拏報功仍酌量黔省機宜發兵應援兵數可汰
者漸行撤汰外至於投降苗目量賞花紅加銜鼓舞建
功之日准其安插復業安氏與李達達蔡金貴等力行
督蜀疏草

卷之八

三

賊俘外所有前項功次情形合先塘報伏乞勅下兵部
一體優叙施行爲此具本謹題請旨天啓四年正月初
九日上奉聖旨蘭巢已平逆首未獲著嚴督擒捕黔師
失利前發援兵具見急鄰還遵新旨速行應援其鼓舞
苗目安插復業等事聽便宜行該部知道

府官病休疏

題爲府官病勢日篤不能供職乞賜寬宥允放回籍調理事據四川布政使司呈奉臣批據保寧府通判許弘綸呈奉本部院批該保寧府知府張翼軫呈稱本職於天啓二年十二月內奉文取赴納谿等處征剿奢賊於天啓三年六月內偶染痰病請假回府調理經今三月愈見衰弱勸履艱難服藥罔效乞賜寬宥早放回籍由詳奉批前開該府病於永病於途以爲霍然久矣乃今尚纏綿耶仰安心藥餌痊可卽起視事不必輕言高尚

督蜀疏草

卷之八

三

也奉此又蒙巡按溫御史批同前事蒙批該府從軍前與疾而返本院業聞之矣勞後稍休自當痊可况攝事固有人也仰且杜門靜攝勿得遽萌歸念仍候撫院批行繳蒙此遵依備關本官遵照批示調理間又准本官關稱本職自承寧染病回府卽令醫生用藥調理今近五月之上前疾愈作實難供職乞賜轉達俯准早得生還恩霽再造等因備關准此相應呈請合無准令知府張翼軫回籍養病俟疾痊起用等因由詳奉批該府著績軍前正切倚藉而屢以病請何也得無其有逼迫之

情卽仰布政司查報奉此該本司左布政使林宰看得該府爲郡素有聲稱軍前儘効勞勩祇緣積勞遽患堅動浩然之念觀其屢次告休數月臥榻則病非假託是的業已拂衣應聽歸來合無准其致仕回籍以遂調攝等因呈詳到臣卷查先准吏部咨爲循職掌陳未議以仰禪聖治事該吏科給事中袁國臣題本部覆議以後請告官員在外仍令撫按官代奏等因題奉欽依移咨通行遵照外及查本官向委赴納路營中分理監紀招安朱昌狗鑽等洞一帶苗民殫心竭力勞苦備至祇緣

督蜀疏草

卷之八

書

宿食瘴雨之鄉遂染癰腫任怖之疾總兵官撤兵查點本官乃焚旌幟而歸臣切責回營料理而病體愈篤徑歸保寧日坐後堂呼僧呼道建醮禳災搬演戲劇惻然若醉更可異者以遺失所栽檉竹拏納級指揮馬穀痛加鞭朴當夜死於禁中其舉動之乖戾不意至此該臣會同巡按四川監察御史溫臯謨議照保寧府知府張翼軫夙負才名已著保障之績忽爾病躁遂恣淫虐之刑蓋二豎侵尋滿腔顛鬱卽本官亦不自知者亟宜令其休致以免士民之驚疑者也惟是馬穀之死尚未申

明而本官病急業已離任亦可暫免深求俟其病痊另加酌議伏乞勅下吏部再加查議將知府張翼軫准令回籍調理病痊酌量功罪補用遺下員缺另行銓補嚴限任事施行爲此具本謹題請旨天啓四年正月初九日上奉聖旨吏部知道

督蜀疏草

卷之八

三

議處貪弁就便調補疏

題爲議處貪弁武弁亟調材將以固要地事蜀自構難以來用兵三年全不得見任各偏裨之力每遇檄調則申報地方警信百計支吾卽奉檄至於軍前無不涕泣漣洏亟求禡斥者蓋所養非所用時弊若此乃若有聞命不起反恣瀟灑如原任建南遊擊今陞遵義參將石國勳者大可異焉本官奉遵義之命已幾二年屢檄之到任輒以地方多事候代爲詞及前督臣題補周基命而基命不赴臣乃改題黃承爵頂補前缺而本官猶不肯赴央浼官民保留及今訪之則知本官倚官爲市食利如蠅但知剝取以潤囊不顧尅苗而釀亂衆怨既集法網難寬查據訪單一本官每營虛填兵士姓名冒支餉銀曾于富營內劉耀吳之奇王高黃三胡旺王忠陸名小高橋營內文朝等宋墩堡營內張錦等鳳山營內陳懷恩等鎮城羅高營內袁三傑等王應孝營內王用等松平關營內張鳳等名每季糧到全扣入已各營百總證一小高橋半站落腰觀音等營殺死千總劉啓隆百總羅勝擄殺男婦百餘姜州堡殺死兵目吳老八鄢

督蜀疏草

卷之八

三

小狗高五等張官冲普龍瓦石魯塔麻龍伍處殺死鄉
擄人口牲畜不計其數擁兵尸位竟不救援仍捏文據
塞捕官蕭延勳等證一每年索取倉糧五百石致使倉
官張崇估危一珍將荒屯虛申坐兌窮軍甚至打死陳
檣保吳皮匠等李世武證一經歷祝應朝徵收商稅強
要瓜分致本官十未報五復差旗手趙拱極阻攔客商
每客索銀三五兩不等又將脚戶監禁每駝索銀二錢
馬承玉楊瑞七證一濫擬罪贖差役酷迫如生員父張
念二張祥孫昇生員兄吳紹仁鄭宗彥等全不減納其

督蜀疏草

卷之八

三

餘龔應鳳龔應洪游穩吳正道張元功鄒小二曹恩讓
趙惟孝等苛罰動至數十兩被害人證一陳柱先名陳
國柱投都司莊安世門下白晝抄劫監生何魯家財問
擬重辟詐死漏網走入會川改名陳柱賄充中軍心腹
用事受詞虐害軍民票取行戶怨聲載道倪端并軍民
行戶證一陳客煥金回滇宿馬承玉店內被誣尚文報
知卽差本役鎖拏監禁指作齊苗奸細勒索黃金三十
兩馬承玉證一聞報陞遵義參將擇期卽於會川到任
索取五所下程什物旗幟等項共折銀五十兩又於都

司到仕取建昌衛銀二十四兩危孟卓陳懌證一盜賣
厥木索商人蕭太衡孫智銀一百兩紅線色段十二疋
杉板五十副文聯芳劉忠余宗義證一立會里州別濟
爲里長索謝金手鐲二根重六兩銀八十兩馬四匹虎
皮二張陳柱收余承卷輩尚元證一担故抄殺熟苗者
鉄得馬一十五匹牛三十頭羊四百隻盜甲一副陳柱
收許近賢文聯芳證一差千總雷起龍將鉄廠熟苗頭
目阿得強拏監禁索取買命銀五十兩牛五十頭羊三
十隻章其智羅高證一羅銀匠告黎溪州里長白承賢

督蜀疏草

卷之八

三

殺死人命索取承賢黃牛一十五頭馬四匹銀三十兩
又令樊紅卜苴里長刁應權索黃金三兩馬二匹孟承
驤陳雲登證一普轍雙殺張官冲苗人阿都先送四銀
蹄馬一匹銀五十兩許令抄劫回寨又送土黃花嘴馬
一匹古鞍一副陳柱過證一調土舍賢俊守城差嚴應
洪索取見面錢不遂因令千總雷起龍陳柱等集兵教
場殺牛盟誓縱兵毆辱指擯蕭延勳生員劉我賢搶掠
生員許雲鳳軍人張理張守恩馬會等家財被害人證
一苗人沙牛身死差千總張其智查點家財抄沒牛三

十頭馬二匹甲二副銀五十兩趙惟孝萬冬生殷證一準折窮民劉于岱男劉招孫杜榮女杜氏吳可親媳婦馬大女等不顧部下子女樂收為奴嚴應洪楊凌雲黎積德證一別糯與者銀所殺不能制服先索別糯燕色馬一匹銀五十兩黃牛五頭後索者銀銀五兩海驢馬一匹任其互相殘害貽累地方趙勝過證該臣會同巡按四川監察御史溫皋謨奏照得原任建南遊擊今陞遵義參將石國勲性本昏庸材多忒肆聞新命而不赴明是託故避難任奸役以作威惟務營私濶索據單所

督蜀疏草

卷之八

五

臚列賊私種種大千國典若不行提到官究明何以懲貪橫而快公憤再照遵義參將缺已三年率以加銜帶掛名位卑微終難彈壓况近日水寇披猖羽書接至尤須簡用得人查得原陞補廣西永寧參將林兆鼎留征以來握兵二年搗蘭援黔皆能輕身先入功次載在勘案容另叙外合無加陞副總兵職銜管理遵義參將事務伏乞勅下兵部再加查議如果臣言不謬覆請行巡按御史將石國勲行提到官嚴加究問具奏林兆鼎加銜副總填補前缺管理遵義參將事務頒給應得勅書

劄付行臣轉行本官馳赴遵義料理任事施行為此具本謹題請旨天啓四年二月初七日上奉聖旨兵部知道

督蜀疏草

卷之八

四

辭銜疏

奏爲叨恩逾分抱病滋深乞准辭免卽賜休致以安愚
分事臣樸樸散材罷駑下品謬承軍旅之寄素乏戡定
之猷仰賴皇上威靈併各文武將吏死守血戰廓清疆
土於今二年而元兇尚爾未獲臣之不材有明效矣方
碌碌與病行間救過不暇忽於天啓四年正月十三日
閱邸報該兵部題奉聖旨是川貴撫集解圍各官勤勞
日久功當先叙朱燮元加右都御史兼兵部左侍郎照
舊總督欽此欽遵臣聞命自天驚惶無地竊惟憫勞而

督蜀疏草

卷之八

聖

加秩固皇上之盛心量力而就列尤臣下之常分以臣
迂愚謬叨今官業已不勝過分况狗馬多病蒲柳先零
痰火眩暈日增月劇年來屢屢陳乞萬非得已今自正
月初六日感冒風寒發熱不汗奄奄床褥不能動履延
醫劉加相等診視咸謂病根已深元氣盡損非謝事靜
養決無生理臣微賤一身原不足惜但疆場重任倥偬
紛紜假卧廢閣成何事體不覺拊心自痛病勢益以沉
重爲此披瀝悃誠冒昧懇請伏乞准臣辭免右都御史
職銜卽准以原官休致別選才望大臣速行交代儻白

此倖延殘喘敢忘時結臣無任激切祈懇戰慄待命之
至爲此具本謹具奏聞伏候勅旨天啓四年二月初七
日上奉聖旨叙功加恩已有成命宜卽祇受不必辭奪
首尚逋黔復告急還用心料理兵事以副委任該部知
道

督蜀疏草

卷之八

聖

塘報功次疏

題爲塘報功次事據監紀副使李仙品謝渭僉事劉可訓知府鄭朝棟總兵李維新塘報據參將林兆鼎報稱職奉令督兵至大方於天啓三年十二月二十一日奉貴州王軍門委職坐鎮海子等處二十二日大方與者大戰將職川兵撤至大方又於二十九日又令職洗剿海子掃清畢節一路職於天啓四年正月初三日發牌聯結四衛良家子弟四十餘洞避難軍民萬餘初五日職同叅遊冉世烘張倫石孟功譚正脩譚正常黃朝督蜀疏草

卷之八

四

臣等攻海子八捨等洞寨大戰斬苗級二百餘顆又據坐營劉宗良攻壩上洞斬功十顆據稱二逆逃避水頭莫得法啓正頂等國箐臣卽分道大發兵將攻洗擒拿續據鎮道報稱先發張令至大箐卽招降比茹官兒覺其游移果於初三日私逃水西屈國忠張仲等領兵趕至西地安撫斬訖比茹官兒并部苗一十二顆又於正月初八日起至十八日止本鎮會同監紀僉事盧安世知州朱毅臣及各路大小監紀分督各將張邦紘鄧懋官羅乾象劉養鯤侯良柱陳一龍袁登李棲鳳等分頭

圍洗法啓水頭莫得以翁勝等國約定前後一齊大進銃砲仰攻水頭大國險關三重秦翼明鄧懋官秦拱明張令姚化民陳善策朱一龍等剋破夾戰部斬猓獍二千餘顆追崖跌死無數生擒猓獍二名俘獲男婦三十名口牛馬五十隻匹又攻莫得箐中二賊遺下長槍三百有餘降民口報二逆止四人四馬苗扮逃往鎮雄等情盧僉事一路報奉本部院嚴令抄剿明白卽抵水西擒賊依奉至遮勒竹中連日大戰斬功一百零二顆生擒苗羿十名俘獲男婦十二名口陣獲長刀弩箭長槍督蜀疏草

卷之八

四

共八十二件簑衣二領盔甲絮被共十一件牛馬二十一匹隻猪羊五隻馬鞍一副遵義道報據監紀同知商良弼報准侯良柱部斬猓羿首級八顆生擒逆寅親伯僞都督元帥者卽卽奢崇輝僞都督崇明親枝長經歷僞總兵奢史都僞參將矮老虎賊奴陳元等四名跟隨崇明妻安氏繡女么妹小么妹阿三妻等七口僞丞相張向極妻王氏僞都督王承勳妻劉氏當陣督獲逆寅父子自披黑虎古甲一籠黑虎野豬皮古甲一籠九籠古甲二籠金線紫緞逆酋自掛金長刀一口金銀銀拖

泥長刀三口銀包左插小刀一把逆賊自騎戰馬十三匹二龍皮轡嵌銀馬鞍一副嵌銀轡頭一副墮獲槍弩七件又據監紀推官李必達報准陳一龍督部將王尚明等連日依會令哨攻圍大戰部斬猱獾苗羿三百一十五顆長刀標槍器械三十二件馬五匹戴來鳳督鍾成器奉令招出水西僞侍郎羅擢魁宋之臣焦林等六千餘戶驗明安插河梁莊又據遵義道報將降將王繼宗扶國清等八名家口降民二萬餘名口安插近地二月初三日據李總兵塘報奉臣紙牌仰職卽查十日以

督蜀疏草

卷之八

聖

來官兵所司何事曾否掃清畢節羿子一帶約會黔中夾攻火著擒酋明白以便減兵省食分布固守善後等因本職過河後再於正月二十四日發張令鄧懋官劉宗良秦翼明李仙德等各統兵前去客仲卧魚河料官崖羿子等關一帶擒搽二酋仍諭各將如黔兵在大方卽去會合夾攻完局若已退去卽爪探明白仍轉聽令據張令等擒獲西賊苗目阿么到職審據降苗報稱黔兵已退大方衆議黔兵旣已退去糧米不便難以深入撤兵回營聽令據此本職復回馬鈴諭令朱一龍周良

材李効忠等各率所部官兵把守河口又於二十八日分發張令同秦遵標桿等營官兵由谿廠出層臺至畢節與胡僉事林范二將會合俟有情形再報各等因塘報到臣據此該臣看得大兵搽洗圍箐已出水西界上數日矣而二兇匿遁無蹤且大方之師旣已撤退蜀兵亦不能再過畢節除將崇輝等及甲馬刀鞍發按察司聽候獻俘二賊臣已張示懸購烏鎮水西軍苗嚴拏其斬獲之功俱候另叙外理合塘報伏乞勅下兵部案候一體叙錄施行爲此具本謹題請旨天啓四年二月初

督蜀疏草

卷之八

聖

七日上奉聖旨

塘報功次疏

題爲塘報功次事臣准黔撫移咨煩發李總兵至畢節夾攻擒賊准此尋卽飛檄監紀道將乘勝渡河揀捕兩酋與黔夾攻業已吞復去後天啓四年二月十九日據監紀副使謝渭僉事劉可訓總兵李維新塘報正月二十四日分令參將張邦紘守馬鈴盧僉事同羅乾象守鄧渡本鎮親督各將過赤水駐師層臺會同僉事胡平表集議西目普窩阿體俱是水西大頭目各統苗萬餘若不剿除必爲我兵後患卽發參將范繼道林兆鼎秦督蜀疏草

卷之八

聖

翼明各督所部兵殺至畢節時普窩率苗正打南山洞將應襲劉相等數百人煙煤將死聞大兵銃砲解圍逃回二十六日分路攻打普窩大岡范繼道部下發中軍周繼先等攻南山小路楊時芳等進水田壩陳世本等進得勝堡胡僉事監本部兵從前路攻上林兆鼎督經歷張萬該雷安邦等出木犀關勦音梟包截五路奮勇圍打兩日范繼道部下斬功六十一顆牛馬十四隻匹將新舊衙門五十餘寨盡行燒燬明可道等斬普窩大頭目罵色夜扶阿里扶者等八名生擒大目卜目耶遮

二童者黑其意古俱解胡僉事斬訖二月初二日林范二將攻打阿體羅尙文生擒猓賊一名鞍馬一副斬功五十一顆追至烏撒界內抵朱昌洞大壩左所老塘黑張等洞彼住苗民何官劉華等軍屯俱來投見諭以朝廷恩威無不感服秦翼明督郭起柱等攻雞廠孫家鋪海子共斬功二十八顆生擒一名林兆鼎自正月二十六日起至二月初四日止攻普窩阿體二洞及阿五寨架納海子哨等處共斬功一百四十一顆刀槍標弩挨牌三十四件生擒男婦六名口牛馬二隻匹胡僉事會督蜀疏草

卷之八

聖

合諸將議黔中音信不至又經深入三日之程糧餉難運初五日議留偏將陳士鳳朱三鳳揀兵四百餘名坐鎮海子聯各洞寨把截水西要道胡僉事同秦翼明張令先行林范二將斷後從小路殺回苗猓於層臺小道及岡王扁阻截范繼道兵陣斬六十一顆馬九匹又至五里溪後槽斬功六十二顆馬十二匹生擒六名得獲弩槍十七件陣獲尋甸府通判關防一顆摩尼所百戶印一顆俱全軍徐徐撤回赤水本鎮責令衆將各照信地把截理合塘報各等因到臣該臣看得大兵發過畢

節直抵烏撒海子攻破二國斬功最夥我兵深入而
黔信不通入頓乏糧只得全軍而返除功次行監紀道
紀錄印信類報解獻外理合塘報伏乞勅下兵部案候
一體查叙施行爲此具本謹題請旨天啓四年二月二
十八日上奉聖旨

督蜀疏草

卷之八

哭

黔師失利疏

題爲震鄰可虞固圉無措伏乞聖明速集廷議酌處兵
食以救阡危事臣自天啓三年十二月十五日發帑將
林兆鼎領偏裨陳善策周良材冉世烘仇可陟譚正脩
等統兵一萬殺透孛子猥獯目得等關徑抵大方投見
黔省撫臣王三善當蒙重賞命爲前部本月二十九日
奉發洗通畢節等處天啓四年正月初五日行至海子
攻打八塘寨塘報斬功百級臣入禾軍分發大兵掃清
各岡箐間准黔撫移咨乞發李總兵速至畢節兩下夾

督蜀疏草

卷之八

平

攻擒酋完局等因准此隨發總兵李維新僉事胡平表
督兵二萬仍督同林兆鼎范繼道等直進畢節二次咨
覆各將屢報獲功有差臣目擊蘭地業已廓清援黔已
無餘力適叙瀘副使李仙品已承新命檄取安綿副使
謝渭協同僉事劉可訓知府鄭朝棟等官分頭大張告
示安置降苗乘時務農仍將生儒耆民犒賞鼓勵人心
懽然俱來復業林兆鼎又護送副使張起鶚至於永城
臣隨於正月二十四日仍出納谿至二月初一日准貴
州督臣楊述中咨稱照得黔師直抵大方逆賊糾結烏

撤烏蒙苗衆遂截失利黔危岌岌事在然倉遵義比鄰
亟應調取應援合咨貴部院煩檄遵義道速發精兵萬
餘名選能將督領星馳前來應援事切同舟毋分畛域
目擊倒懸以日爲歲同日又據遵義道塘報紛紛不一
俱稱失利情真等因到臣爲照黔撫屢戰大捷直入大
方水西已有垂滅之勢惟是狡酋僞爲聽撫以老我師
其實四面埋伏邀阻歸路官兵苦戰乏糧其氣自沮雖
經移會協攻乃黔師已於初三日徑從西溪撤退獬鬼
盜起道路隔斷蜀兵在畢節聲息不通無可爲計今准

督蜀疏草

卷之八

至

前咨除一面飛檄大將李維新等兵相機撤退卽刻差
官馳赴遵義發監紀副使侯國督統遵桐見在官兵凍
一龍戴來鳳邵朝用趙文進等及一切偏裨揀選一萬
應援外隨於二月十三日據總兵李維新胡僉事等塘
報官兵前進畢節頗有斬獲黔兵久離大方無憑會合
只得全師而歸等因該臣看得蘭土雖已廓清二逆尚
無蹤影本擬草結一局用購擒酋而不意黔省大兵頓
爾失利犬羊狂逞風鶴皆驚豈惟震鄰業且剝膚蜀中
無米爲炊已經二年強弩之末不穿魯縞如臣庸愚更

難措處除行各道鎮將揀兵嚴加固守相機行事外理
合疏聞伏乞勅下兵部作速將黔蜀事體從長酌議亟
選將材措置兵餉以固危疆而救殘黎地方幸甚爲此
具本謹題請旨天啓四年二月二十八日上奉聖旨

督蜀疏草

卷之八

至

查參貪穢有司疏

題爲查參貪穢有司以冀生民事切照蜀中二逆未縛戎馬在郊五材並用誰能去兵維是撫恤瘡痍煥煦疾苦使僅存皮骨之民無意外摧剝之痛則維是二三有司守法奉公安靜不擾庶幾可爲閭閻寬旦夕之命而不意尙有因公濟私嗜利無厭藐功令爲虛文漫不自愛查訪旣的誼難隱默謹會連按四川監察御史溫臯謨爲皇上陳之訪得夔州府通判李心得疎庸庸才斗筭小器任群奸爲心腹每事輒有叢神以指冠作生涯

督蜀疏草

卷之八

五

覓利已無遺孔查據單開一本官聽吏書孫承卿等稟稱乘楚缺鹽與販管利効勞卽給銀一百二十兩硃票封買私鹽四百包用紅船張旗假送公子撥夫運送湖廣彝陵等處發賣每百包賣銀四百兩共一千六百兩係承卿并夫頭麗賽山船夫黃仰台證一署府事時有市民魏上林余澤等與販小鹽四百六十五包本官出票每包追取常例一兩各犯不服本官怒掣回原票盡將前銀入官令站夫民兵梢夫各具領狀照市價坐筭工食在於府庫驛傳銀內扣銀九百兩入已庫吏張致

督蜀疏草

卷之八

五

書于李啓蛟站夫彭友愛等證一客民吳慶生與販私鹽越關事犯本官得銀一百兩并鹽一載徑將本犯釋放其鹽給馬戶陳禮涂時太麗桂山等坐扣工食剋去驛傳銀二百兩陳禮等證一經管鹽茶每鹽一引除正稅外索商銀一錢每年約引二千有奇得銀二百餘兩每茶一道除正稅外每道索銀五釐每年約過茶二萬餘道得銀一百餘兩三載二項共得銀一千餘兩鹽茶行陳登雲并號簿證一奉文委收銅鉛錫杉板四項稅銀驗有嘉眉叙府票者加半徵收無者加倍徵收有稅外仍罰百餘兩者又將一應貨船盡行阻留追上紅錢或五兩或三兩縱令家僮周道同積猾譚可學已講謝承年等下河邏驗自九月內起至十二月止得過稅外勒索銀一千三百兩有奇李喬等并私收號簿證一署府印時有新進生員張安因業師劉登芳索求謝禮敵手段死劉登安告府安父張雲達屬吏劉紀將赤金二十八兩銀一百五十兩私送本官執法主和通學共憤過銀吏并原告證一隨廳民兵原額六十名阜快十三名本官聽吏譚可學言將在市富民招充合役優免諸

差每名受酒價四兩共得銀二百九十餘兩收銀吏譚可學合役王仲時朱榮等證一署本府奉節縣印務通同收銀吏張廷諭將應解本省抵兌驛傳銀六百兩剋二百四十兩止將三百六十兩易換銅錢六百兩行票發縣兌給馬戶方天眷陳鶴等賞廷諭銀四兩楊茂年陳繼業并馬戶方天眷等證一奉節縣庫吏楊茂年侵欺半裁播餉共五百八十餘兩乘知縣張之仁革職本官委署縣印茂年將銀一百五十兩金幣一頂重二兩四錢古書四軸託吏譚可學賄屬本官不行接印挾制

督蜀疏草

卷之八

聖

張知縣代賠滿數方纔臨縣曾守約江柳證一薛遊擊在夔駐劄用銀五十兩買腹吏譚可學庫吏楊茂年通京本官稱兵無糧求借銀一千兩本官徑將府庫民糧六百兩縣庫裁省公費并茶馬罪銀四百兩私自借給後遊擊回籍一一補明本官復聽可學等將銀侵剋入已贖詳司道開銷李起蛟梅應壽證一萬縣雲陽奉節三縣每年應上本府太平倉米共計二千一百餘石本官每石追扣餘米樣米耗米筭席米一斗每石折銀五錢每年得銀一百零五兩除本年改解軍餉外自萬曆

四十八年起至天啓二年止計銀三百二十餘兩舍書劉芳名解戶周之鳳等證一重慶商人戴查耳淮準十七兩夾帶皇木二十餘根令工房吏胡拱北索上銀六十兩罪銀十兩八錢方將前木二根報官餘給主一委署達州印務陝西鹽商蘇敬販鹽至州發賣假以洗補票監罰銀二百兩止完一百兩使六十兩放出一查經紀寇中元與鹽商通同作弊將伊子寇來賓酷夾監追銀一百五十兩止完八十兩中元無措投河方已一本官討京債客至州用圖書帖與州民李南廷熊以澤

督蜀疏草

卷之八

聖

謝南賓劉時愛唐蛟等二十餘名每名借銀一百兩或送五十兩或二三十兩不等一王世英與王世奇因爭產業家財告赴本官世奇係監生送銀二百兩世英係生員送五十兩盡將祖產斷與世奇一生員黎芳聲被廩生呂諧鳴之害將諧鳴欺姦兒婦十惡等情揭赴本官將狀揭與直堂吏書張雷甫王愛倫私送與呂諧鳴得銀二百兩未行一操練民操二兵藉以汰革老弱每名索紅錢一兩五錢計百餘名一聽差頭文何龍黃奇稟清理城河馬道拆民房五百餘間每間罰銀三兩六

錢後見眾口多端止追得一半一五門民操二兵并州中行戶百姓周明勝等被董知州差頭劉起元之害連名赴吳按院處告准行州計贓千餘計條千款起元將金銀二百餘兩送本官遂含糊不究一鄭穩係州河渡夫鄭舉係皂隸兄弟素把持河道計贓數百本官假以巡茶出巡要人將弟兄監禁一月索銀八十兩釋放一清查八里塘堰有侵占者罰銀十兩八錢閉塞者罰三兩六錢塘堰計七十餘口一倚捕受詞本官多不坐堂全憑吏蘇時遇收進票拘不論曲直任意罰贖致民間

督蜀疏草

卷之八

五

有啞鹿之稱三年約贖千兩蘇時遇并詞訟簿可審一署府將久貯庫銀四封共二百兩假充公費私盜入已厘書朱朝卿李啓蛟等可審一署府支放傳銀每百兩扣起二十兩兌支各縣每百兩先上二十兩支兌共銀八千六十七兩共扣銀一千六百一十二兩兵房尹三聘熊起先并各夫馬可審一署府打造軍器將庫貯銅一千三百斤并倭鉛共造錢二十餘萬文費用又於各州縣取解物料或折價後於庫貯錢糧內又開銷一百四十九兩零虛冒入已工房吏李良楚百戶王德修可

審一因兵變假以盤詰奸細將過往船隻稽留每船索銀一兩方放兩年共得銀千餘兩巡江吏兵蘇時遇季可貴等可審一水漲流下大木二根值銀五百兩鋸為材板裝賣荆州黃寶可審一童生黃潞因家丁白糴屍親具告生死不明得潞銀四十兩謝永年過送黃潞可審一署達州徵收錢糧每兩加二折封時每百兩先兌去美銀二十兩方纔會封如少收頭賠補元年收頭李會元等可審一署奉節開徵錢糧每兩加二徵收得耗三百餘兩一署奉節奉文置造衣甲票取布戶李喬余

督蜀疏草

卷之八

五

學詩等布疋淨花并該價銀一百二十兩止給銅錢七十兩值時價四十二兩後開銷庫銀二百兩於內月銀一百五十八兩各行戶梁之德等證一署奉節支給夫馬工食每銀一兩止發銅錢一千文每錢一千值銀六錢共發銀一百五十兩就中得銀六十兩夫馬戶麗桂山陳禮等證一署雲陽縣印開徵每兩加三民間鼓噪無人上納後應吏譚自善稟過方纔加一徵收共收銀四千兩得美銀四百兩以致百姓有賣官之誦二年收頭劉正富等證一署雲陽聞新官李知縣將到將本縣

富豪應納錢糧盡兌與各役工食兌支銀一兩先上銀三錢共兌銀七百餘兩得銀二百一十餘兩庫吏譚希禹可審一署雲陽因本府駁問賊情鍾良等一起得良銀一百五十兩魏太過證一署雲陽出示僉報天啓三年分馬戶無分有力無力於額外多報二十名每名賄釋放銀六兩共得銀一百二十兩馬戶李通等過證一署雲陽親赴雲安場查追鹽課清筭鹽竈一百二十口每竈索紅銀三兩共得銀三百六十兩竈戶單應舉證此一臣者屢經委署總張楚肆之聲倚辦軍需盡爲乾

督蜀疏草

卷之八

五九

沒之計防閑疎縱議論沸騰應照例革職爲民仍行提問追贓正法者也又訪得大邑縣知縣翁九陞性本粗豪事每虛誕徵收惟索火耗罔念脂膏宜淫頗著穢聲全無檢押查據訪單一本官收糧不用櫃頭任憑衙役王相子楊立敬嚴上欽文全等在庫秤收每兩明加一錢三分各役仍有加索及查盤官將至方喚鄉民暫項收頭聽查仍將櫃內所收銀未及拆封者用布袋收寄入庫止將數十封或換原封或改銀數輕重參差不等其工於罔上類如此里排林雲華劉聘通等證一本

官審比排年花戶一名不到罰紙一刀折銀一兩七鄉共罰紙七百刀其問理詞訟不分曲直槩罰罪贖致民間遍貼歌謠云原告拚著被告哭你我都是三兩六莫道于證無相干箇箇都是一兩三齊心休去老翁告忍氣回家守田園楊承應魯可舉等證一本官日用布帛薪米魚肉一應物料俱用票監取并不給價又加之差役需索方行收入指稱交際索取芽茶差腹早徐應祥白忠等往霧中山中聖庵等處取過芽茶五百餘斤毫不給價差楊三才取虎皮十張索騙無厭獄戶將三才

督蜀疏草

卷之八

本

打死止拘趙吉成等罰銀五十餘兩放免行戶高文玉田可慎庵僧常佑差阜陳子新等證一本官因看苗兵變避居門子李承倅東莊與其妻及其父之妻妾姦淫賊退後令移居縣衙之後止隔一牆又將牆推倒引入衙內姦姦不絕惹得其母楊梅毒瘡又傳染承倅之妻互相纏綿本官瘡甚託言癰毒六房吏書人等斂金祈禳閭縣笑傳證一本官散給夫馬工食夫四十名每名扣銀六錢馬戶二十名每名扣銀二兩禁子舖渡看司等項工食全不給散有禁子上司訴狀本官拏回每人

打四十止給一兩八錢大頭蔣貴芳馬戶柴奉全應神等證一本縣民兵及白役共三百餘名本官每名派取穀一石充作秋冬二季贖穀又稱接取家眷各役并夫馬派取四十兩幫貼葉奉馬德等證一本官報農民通縣共一百四十名每名索銀一兩免納自願上者止二三名報大造黃冊書手共四十二名每名索過堂紙一刀折銀一兩魯可舉王全等證一鄉民常燦納糧銀少美銀六分罰穀二十四石閩縣股栗美耗愈多黃冊書手劉朝勝等九人飛糧作弊告發止各罰銀三兩六錢

督蜀疏草

卷之八

空

任其混亂通縣受害劉上書文全等證一土豪何可應打死陳二問擬抵償送銀八十兩力為辯脫土豪張聯芳活埋胡恆送銀一百兩求解脫罪強盜窩主余守益送銀七十兩許為脫罪縣民劉慥劉恆為抱養劉吉法繼嗣爭訟送銀二十兩潞紬二疋俱門子李承俸差頭馬成龍劉成化管庫王洪祿過送證土豪張朝用謀死廖迎舟活生倒埋姦占伊妻陳氏倚子張文薦為本官腹書賄進銀二百兩竟行遮護今兩道駁行邛州檢審一本縣民周四為爭水打死賈科月檢驗傷真托李承

俸父李三聘送銀五十兩又送舅爺李文攢絲四疋紋銀二十兩止斷給埋葬壓服了事縣民傅瑞為討債毆死趙心蘭已行檢驗賄托腹役王相子魯可舉蕭應舉送銀一百兩聽買和免審此一官者外貌殊覺可觀初政亦傳虛譽惟是計管阿堵遂任羣小以縱橫事好彌縫未免穢跡之敗露眾口交謫亟視非究所當照不謹例冠帶閑住者也伏乞勅下吏部再加查議上請如果臣等所言不謬將通判李心得照貪例革職為民仍行巡按御史提究追贓正法知縣翁九堃照不謹例冠帶

督蜀疏草

卷之八

空

閑住遺下員缺急為銓補嚴限前來任事庶貪邪知警而於遐陬荒微不無補益矣為此具本謹題請旨天啟四年二月二十八日上奉聖旨

申明誤報擒兇疏

題爲悞報擒兇謹再申明乞賜重祿以懲愚妄事天啓三年十二月初一日據監紀遵義道副使侯國報爲仰仗天威當陣擒獲元兇得收全捷事內開據遊擊加銜副總侯良柱報稱本職密行間諜與偽總兵王繼宗等先行定約於十一月二十一日殺入龍場鏖戰自寅至申當陣生擒元兇奢崇明偽軍師蔡金貴併逆婦賊屬斬偽丞相偽都督賊首千餘鞍馬槍刀無算其逆寅中二槍扶馬而逃等情到臣同日又據該道塘報據侯良

督蜀疏草

卷之八

三

柱文云前報奢皇今親審各目供報與王繼宗面質各偽將輸服無言計開審明逆犯大梁國僞太上皇帝奢崇明僞皇太婆安氏併偽都督李遠達等臚列甚明臣遂據以具疏於十二月初二日差承差余彭龍齎報訖至初五日忽據總鎮李維新揭稱奢崇明已被創遁去遵義所報未真等語又據該道報據侯良柱塘報彼時當陣馬上接王繼宗報已罕獲崇明夫婦及諸惡目卑職心喜神狂卽刻飛報今查尚有可疑各等情到臣當差役飛追前疏去後隨據各路解到各犯臣一一面審

如崇明妻安氏已死懸屍城外各降民無不識以爲真及審所誤稱崇明者乃崇明堂兄奢崇輝面貌兇獍亦畧相似其實非也頃奉明旨下部臣踴地踏天舉止莫措雖良柱誤該道該道誤臣而臣不詳察遽涸天聽臣之罪更大矣除侯良柱臣已行按察司查究一面責令戴罪擒賊外副使侯國借手信傳法應併治至於臣臨戎二載未展寸管元兇既被倖脫奏報又復失其業犯明章何所逃罪伏乞勅下兵部覆議上請將副使侯國遊擊侯良柱併議寬處將臣速賜重祿以爲虛妄不實

督蜀疏草

卷之八

四

者戒庶賞罰明而法紀肅矣臣無任恐懼罔越待命之至爲此具本謹題請旨天啓四年二月二十八日上奉聖旨

勘明失陷縣令疏

題爲勘明失陷縣令論功示懲以明國法事據兵巡下川南道叅政王世仁呈奉臣紙牌催勘琪縣知縣鍾兆麟原任長寧縣署印主簿沈維翰失陷情罪作速勘明以憑具覆奉此已經轉行叙州府查勘開隨據鍾知縣呈稱琪縣與永寧最近自天啓元年九月奢賊發難錢任二土官占據長寧王抹賽統苗衝琪卑職督千總李一山率衆拒戰斬獲苗目華之林等三十八級報功在卷困守六箇月及崇明父子成都敗回糾兵數萬併命

督蜀疏草

卷之八

奎

復逞二年四月初一日五路攻縣兵單糧乏難支家人鍾以福鍾以祿殺賊陣亡卑職幸護印而出初四日職督兵往衝建武歸身待罪五月二十日奉文統兵恢復琪縣卽管運糧米贖罪不敢辭勞當此奢賊猖獗之時卑職萬死一生往來殺敵止存氣魄今蒙行提伏乞憫念微勞備達寬宥等情該本府知府劉澤大看得琪縣地逼賊巢危如累卵逆酋以元年發難縣城失陷於二年四月初旬守關六月戰經幾場賊儀乍張猶多斬級賊鋒大舉家人陣亡其護印走出奉文應援恢復之勞

督蜀疏草

卷之八

奎

已多而運餉建武日涉崎嶇其轉輸之力獨苦本官雖在顛沛之時百姓羣然依之筮仕一年遭此異變卽今蒙頭荆棘身傍虎狼該縣止本官一人勞苦可知也似有可原等因呈詳院道外又據琪縣通鄉士民傳有高甘繼林等連名訴爲保舉廉能以靖地方事竊照琪縣富蘭鎮之衝府齒相連元年九月內逆酋發難全賴鍾知縣募兵堵截斬獲多功不意二年四月初一日賊攻本縣縣官督兵力戰勢不能支縣城失守家人陣亡五月內統兵恢復本官獨力防守沿鄉招集兵勇把截堵殺捐資雇募船夫轉運餉米建武接濟軍需招撫流離前後督兵接戰獲功七十餘顆但本縣以十室之邑當兩藪之衝全藉安攘撫綏之吏今蒙提勘伏乞軫念縣城爲墟防守正急俯賜備達緣情寬宥等情赴府天啓三年四月內奉本部院批據鍾知縣呈爲懇乞俯恤邊吏艱苦原情賅豁以冀後效事奉批琪縣設在賊衝初犯三次本官皆能堅守最後奢崇明五路之衆勢豈能抵律以失守誠不能辭而情固甚可原也仰府行令本官暫回縣管事候具題行繳奉此又蒙前按院張御史

批該本道呈琪縣知縣鍾兆麟等失陷城池照詳蒙批各官既在行間討賊陷城之罪姑待事平之日另詳議奪可也繳等因批道案仰該府即便行令鍾知縣遵照候事平之日另議案此俱經行令遵照訖續據該縣報稱同縣親至洞寨招撫八鄉流離在城鄉袁有智等一百七十家山路鄉會俸雲等一百九十五家水路鄉彭孝等六十家波浪鄉上羅計下羅計落幹鄉岸鄉張勸等二百二十餘家各回耕業等因冊報到府又該本府看得知縣鍾兆麟自元年九月守至二年四月始之王

督蜀疏草

卷之八

老

抹賽統賊脅降本官既能驅市人以斬巨魁繼而華之林窺伺虛實本官又能覺察剪其逆萌自謂狂鋒已摧彈丸可守尚以二千之衆救援洞底恢復長寧俘斬三十八級及奢賊潰圍回巢大張報復率數萬之賊五路來攻鍾知縣不度勢量力陳師率頭坎以拒之奈衆寡不敵自總胡萬益家人鍾以福鍾以祿臨陣被殺而琪縣遂陷本官之不能嬰城死守也失於背城一戰非失於望風奔竄也況不匝月而恢復故疆無論崎嶇督餉之勞旋定安集之苦後功固可自贖卽其守經七月衝

犯三次皆能極力堵殺前功亦足追論矣況士民戀戀不捨嗷嗷代本官稱冤功過原可相準一告豈可掩功查勘已真當爲昭釋等因到道據此該本道王右叅政看得琪縣切近賊巢原無守備顧奢兵於元年九月入犯而該縣於次年四月失守是時本道在敎目擊其倉皇窮蹙勢不能支無奈我兵微食盡力不能顧也知縣鍾兆麟前此已多堵禦之功後此又有恢復之績二奴之陣亡可憫百姓之雲集堪稱不惟宜以情原似亦當以功準者也等因呈詳到臣案照先准吏部咨爲直糾

督蜀疏草

卷之八

六

失陷城池官員以彰國法事該本部覆巡按四川監察御史張論題前事等因奉聖旨該部知道欽此爲照有備無患卽在平時猶宜繕卒乘修器具於以寇至之無日戒懼之不可以怠自奢首發難距今七八月矣使其築城鑿池聚兵治器先聲足以奪人臨難敢於致死何至賊甫出巢民各奔命長寧旣復而再陷如署印主簿沈維翰其人哉又胡至相繼淪沒如知縣鍾兆麟其人哉卽其斗大孤城難當薦食之封豕而星散一旅誰遣解瓦之人心相習成風惟逃是計如江安之再陷知縣

陳達道已尤而效之矣若不懲前易以警後既經按臣
論劾前來相應覆請合候命下將署長寧縣主簿今陞
經歷沈維翰琪縣知縣鍾兆麟江安縣知縣陳達道行
彼處撫按拏問分別究治定限次年正月終具奏回銷
遺下員缺另行銓補本部仍移撫按衙門遵照等因題
奉聖旨是欽此又准刑部咨為逃臣所在見告天威不
伸非法伏乞聖明大奮乾斷亟正逃刑以儆人心以安
宗社事該廣西道監察御史王遠宜題四川值奢變長
寧再陷經歷沈維翰逃矣琪縣淪沒知縣鍾兆麟逃矣

督蜀疏草

卷之八

充

安酋之變貴州湄潭知縣儲至謀薨安知縣時化各逃
情罪等因緣由奉聖旨這各官失守逃奔法難輕貸都
著行與該省撫按官嚴提究問正罪具奏該部知道欽
此欽遵各移咨到臣隨經備行該道行提查勘去後續
據該道詳請地方需人甚急應令各官戴罪立功事平
另議由詳准前按臣會帖批行責令軍前立功外又據
分守下川南道詳報原任宜賓縣主簿報陞神武衛署
長寧縣印經歷沈維翰既復城池隨兵追賊有功有據
沿鄉招撫把截堵殺買穀窮屋運米於蠻烟瘴雨極苦

備膏攻破永寧本官肩理老君營收支糧餉多受暑毒
染成重疾於天啓三年八月二十日身故據此又查原
任江安縣知縣陳達道歷有恢復擒斬首惡多級仍於
軍前討賊有功臣已會同按臣查勘明白會疏議陞遵
義府推官員缺具題奉旨下部訖今據前因該臣會同
巡按四川監察御史溫臯謨議照得城守失陷國典維
嚴但棄之不守與戰敗而走情罪又覺不同琪縣知縣
鍾兆麟以天啓元年八月履任九月構難當逆焰初張
鄰封被陷之日尚能斬馘立威固守半載原與望風奔

督蜀疏草

卷之八

三

潰者相去霄壤至二年四月賊以數萬眾五路齊攻本
官不揣單弱率兵血戰將官既沒一僕被殲本官計畫
無復護印逃出臣隨將本官繫逮塘報訖當據道鎮各
官因琪縣無官恐軍民逃散力請戴罪暫管縣事本官
卽同大將楊愈懋領兵於五月二十日恢復縣治仍招
撫流離督理糧運長建二路兵得宿飽本官之功果浮
於過應合準抵但議功而不論罪非法之平今准按臣
移會鍾知縣任淺遇變議將本官降俸一級仍留任事
第查琪縣已推有知縣戴之一議留不便查比鄰慶符

縣雖補有知縣牟登元一向未任在籍值報合無將本
官降俸就近調補慶符縣仍於軍前效用庶功過相準
懲勸不偏士民既快攀轅之恩而地方亦收得人之用
矣相應具題伏乞勅下吏部再加查議覆請將鍾兆麟
降俸一級填補慶符縣員缺候事寧之日敘功議復至
於江安知縣陳達道業經勘明功浮於罪擬陞遵義府
推官具題下部合候併覆原任主簿報陞神

督蜀疏草

卷之八

三

少師朱襄毅公督蜀疏草卷之九

掃蘭獻俘疏



欽差總督四川兼制湖廣荊岳邵襄四府陝西漢中一
府軍務策應緩急督理糧餉兼巡撫四川等處地方兵
部左侍郎兼都察院右僉都御史臣朱燮元謹題為廓
清蘭土生擒逆黨得獲印信存器循例解獻以彰天討
事蘭酋作逆經今三載解圍復渝已經俘獻外嗣後賊
倚藉鄰寇恣肆跳梁東衝西突日無寧晷仰藉皇上威
督蜀疏草

卷之九

一

靈閣部籌畫文武諸將吏貶勉從事業已攻取永寧掃
清巢穴散各合縱之勢開洪荒未取之區蓋捷伐克
艱於中興而展闢有光於前烈矣自天啓二年九月至
天啓四年二月陸續據監軍紀功參政閔夢得吳國仕
王世仁副使李仙品徐如珂謝渭侯國僉事劉可訓段
師文胡平表盧安世知府鄭朝棟總兵李維新各塘報
據參將林兆鼎范繼道秦翼明羅乾象劉養觀秦拱明
鄧懋官張邦紘侯良柱守備李必茂等大小血戰百有
餘場當陣生擒偽都督元帥崇明親枝堂兄奢崇輝奢

吏都長經歷矮老虎崇明妻安氏偽經吳李達達蔡金貴妖首張尚義等斬獲水西偽大都督魯仲賢等首級及永寧宣撫司與各衛所印信并違制衣甲器物偽造印信關防前來俱發按察司監收覆驗審明開報到臣該臣會同巡撫湖廣提督軍務都察院右副都御史薛貞巡撫陝西督理軍務都察院右僉都御史孫居相提督軍務撫治鄖陽都察院右副都御史蔡復一查看得各犯或係親枝爪牙或係四外亡命糾連構煽共創僭元改號之謀屠戮焚燒不顧血海骸丘之慘罪在不

督蜀疏草

卷之九

二

赦法當倖獻若候擒獲二酋併解多至瘐死何以正法除汪澤遠王有貴駱文奇等一十七名俱係偽授總副叅遊等逆犯與西之綉女么妹賊婦王氏等八口逆犯張彤母女幼子途遙難以盡解檄行司道再加覆審就近正法發落各據申報監故曾謀七等一百八名俱徑行戮屍懸示外崇明嫡妻安氏堂兄奢崇輝俱於解到三日前後相繼身故查安氏苦勸夫子保全多命既被創死合免起解至崇輝曾授偽都督逆寅呼爲皇伯則賊殺人罪大惡極今雖速斃仍應剝屍梟首傳示九邊

以爲不忠者律所有生擒崇明親枝偽都督偽經畧軍師元帥偽總兵奢史都長經歷李遠達等二十五名如法肘鎖差叙州府同知翟文簡守備武登華指揮魯希聖加銜守備百戶蔣繼祖押解關下及將得獲印信刀甲各器鞍轡偽印等物固封併交本官隨本進繳伏乞勅下兵部議覆其器械印信并偽印偽勅曆日劄付等件付內庫交收奢史都長經歷李遠達等行法司會審覆請正法汪澤遠等容臣會同巡按四川監察御史會審就近發落徑自具奏其西目魯仲賢雖奇滿賊夏景

督蜀疏草

卷之九

三

雲章守謂等首級仍應剝碎用示反叛之戒爲此具本開坐謹題請旨

計開

一逆酋至親心腹首惡三名

奢史都係崇明親枝授偽總兵西每出兵本

犯必前鋒拒敵殺人如麻業經生擒自應

正法

長經歷苗名阿枝係崇明新枝授偽都督西

方敗遁尤爲代出死力撲殺官兵惡甚

狠律應碎礫

矮老虎宜撫司人與阿枝同惡相濟暗殺不休酋之貼身羽翼也

一投賊助逆授偽都督經略元帥四名

李達達又名李達原名鄧漢傑係江津縣生

員被黜投充漢把先因撥置土司爭襲緊

獄一十三年後被倖脫卽投奔酋代爲盡

力窺竄逆謀獻封刀反計加封偽經畧及

敗走龍場結連小西時出時沒皆本犯之

督蜀疏草

卷之九

四

謀大兵會集順目王繼宗糾衆內應本犯

又泄其謀致酋父子走脫允爲倡亂之魁

應正凌遲之法

蔡金貴係仁懷縣人播平授冠帶把總見酋

叛亂指稱本縣原是苗地投獻與酋僞授

中軍都督之職屠戮生命不啻刈草及王

繼宗等舉事又復傳信二酋致令走脫罪

大惡極宜正典刑

王承勳係宜撫司人卽王承恩酋拜爲僞都

督與二酋貼身用事所過殘滅酋號虎癡其兇可見

周邦大係湖廣興國州人假官擬辟具訴領

兵至資縣唐明渡首先降賊縛縛縣官攻

圍省城敗歸永寧授偽總兵晝夜畫策作

賊先鋒允稱大逆宜加上刑

一白蓮妖首僞軍師一名

張尚義卽劉明選係羅江縣學生員以白蓮

妖術煽惑三巴僞號僭元糾合萬餘衆攻

督蜀疏草

卷之九

五

圍綿州當爲官兵殺敗逃至永寧更名李

天樞投酋父子獻龍華國寶印一顆授僞

軍師誘攻省城登壇演法官兵攻永富陣

生擒三川素受其毒萬礫庶酬其辜

一賊心腹謀士領兵僞將一十七名

徐應龍係瀘州人授僞參將當二賊圍省時

把守龍泉隘口代爲轉輸竄殺掠不可

枚舉敗後每陣常先官兵攻永追獲萬衆

切齒寸斬爲快

孟啓鄒即李椿係銅梁縣人樊龍占渝三日

後即用禮聘取偽授監軍攻打大足銅梁等縣無處不到爲寅賊親信加僞都督元帥龍透大戰本犯羅馬當先陣上生擒法無可貸

馮盛宗係永寧衛生員奢賊授以僞給事中職銜酋妻安氏生日逆寅議上伊母徽號同僞節度使張向極作表文語語無將自作之孽何可逃死

督蜀疏草

卷之九

六

許添祿係永寧中所軍隨破重慶入攻省城授僞副總兵其屠戮生靈慘不可言且與奢寅時刻相隨惡黨爲最

何天錫係永寧人附賊謀反封爲氣脉僞職樊龍張彤之變二逆差本犯入渝授以密計遂因而舉事在永一切府事皆由掌握殺人如戲二逆傾心任之此賊之心腹也羅亮洪係永寧長官應襲生員首先投附奢寅統兵攻破富順卽繼孟若愚坐鎮焚劫

極慘

羅友才係永寧人同酋謀反授僞遊擊首先攘臂攻破瀘州殺人無忌萬家宅舍一火無餘自應論死以謝衆寃

吳新係永寧人與崇明管班一應塘報諭帖及發奸細探聽等事皆出其手

劉文係合江縣人酋所募援遼千總同樊龍反叛屢在重慶解金銀回永寧授僞參將每陣當先賊之心腹也

督蜀疏草

卷之九

七

錢萬選係富順縣人久住永寧鹽客投賊授僞參將攻劫州縣無處不到

張興係宜撫司人崇明心腹管班總頭通城切齒法網難逃

羅奇舟係永寧內四里人專管奢賊鄒家山唐帽領二處兵馬又隨攻打瀘納等處放火劫財罪重莫宥

胡宗榮係宜撫司人賊之衝鋒民之狼獾天網不漏碎磔何辭

田有金係赤水驛吏授偽總兵二逆收歸
誅求苛歛本犯又投奢富作旗鼓攻省劫
州縣擄掠婦女無算轉賣鎮雄流毒頗多
按法難宥

孔聞過卽孔文谷係江西撫州府臨川縣人
慣在永寧貿易附賊謀逆授偽兵科給事
中每作書啓通各苗借兵時進密計爲賊
心腹

羅文友卽大老虎係長寧縣人本犯猖獗異

督蜀疏草

卷之九

八

常搏噬無厭獨擅老虎之號允爲佐賊之
魁

漆應係永寧衛前所軍僞授參將爲賊死士

一酋至親僞都督元帥首級一顆

奢崇輝酋名者卧係崇明親堂兄酋謀叛全

恃本犯之勇初圍省城再戰江門石子九

枝每陣當先血戰奢寅呼爲皇伯虎將授

僞都督元帥及酋敗遁而崇輝猶挺刃力

拒我師被戮者六人當陣生擒

一水西大頭目首級二顆

魯仲賢係水西人授僞都督大元帥聞奢寅
父子兵敗卽糾合莫得普嵩等統兵數萬
直衝官莊進蘭州於天啓三年五月十三
日羅乾象督兵鏖戰三晝夜陣斬此水西
第一大頭目

羅奇係水西僞總兵同仲賢統兵援蘭至中
莊被羅乾象率偏將譚懋勳譚大孝等併
力大戰陣斬其首本犯亦西目巨惡也

督蜀疏草

卷之九

九

一黨賊授僞軍師監軍總兵等首級共六顆

夏景雲係永寧衛生員僞拜大將夏永忠之

子僞授總監軍道初則住割資縣殺掠甚

於虎狼繼則每陣監督奸狡同於鬼蜮雖

經監故法應戮屍

章守謂係浙江會稽縣人先任瀘州衛經歷

寄籍納谿縣素曉天文地理刻篆僞璽暗

埋賊墓妖言有天子氣德憑謀反日與奢

寅隨營主謀與何若海竝稱相國

胡其杰係永寧衛生員本犯首倡助逆授偽監軍同攻南溪寅益重用之名列周鼎之上

張國柱係永寧人授偽總兵職銜同樊龍在重慶殺黃總兵又同奢寅圍省在北門創營賊之驍將屠戮甚慘

沈淋係永寧衛生員投賊授偽操江巡撫把守永寧晝夜盤詰為賊效力賊所最親信者

督蜀疏草

卷之九

十

王道達係九姓長官司生員領兵援遼教場行兇慘殺多命城復之日本犯隱姓名潮入散兵投降加銜守備王元第營中安插真安州元第覺而縛之此與樊龍張彤罪惡不分伯仲者也

一得獲印信五十一顆

舊四川總兵官關防一顆

永寧宣撫司印信一顆

永寧衛左千戶所百戶印十顆

永寧衛右千戶所百戶印十一顆

永寧衛後千戶所百戶印十顆

永寧衛前千戶所百戶印六顆

永寧衛前千戶所管軍印一顆

永寧衛中千戶所管軍印一顆

永寧衛鎮撫印一顆

赤水衛白撒千戶所管軍印一顆

赤水衛管赤水站百戶印一顆

九姓長官司儒學條記一顆

督蜀疏草

卷之九

十一

阿永驛條記一顆

赤水衛前千戶所百戶印三顆

摩尼所百戶印一顆

尋甸府通判關防一顆驗係私用石刻

偽造印信關防共十顆

偽大元帥印二顆

偽操江巡城總兵官關防一顆

偽兩浙都轉鹽運使司運使張關防一顆

偽欽差鎮守上川南正總兵關防一顆

偽總督前監軍道關防一顆

偽駐鎮合江監軍道關防一顆

偽順江府條記一顆

偽府督提調關防一顆

偽宣撫司奢關防一顆

偽造勅割曆日

偽勅二張筒一箇

偽割四張

偽曆口一本

督蜀疏草

卷之九

三

得獲西器等物一百二十六件

龍桌一張

銀袞龍椅一把

銷金彩畫龍傘一把

金瓜三隊

三尖兩面刀二把

標旗頂一箇

奢寅馬上使龍槍一枝

逆寅父子自披黑虎古甲一籠上有銀錢四

箇銀攪子二箇

黑虎野豬皮古甲一籠

九龍古甲一籠

金絲紫欄金吞口銀拖泥長刀一把皮帶銀

攪子

金鑲銀楠舊沙魚皮長刀一把無拖泥

金鑲沙魚皮金吞口銀拖泥長刀一把皮帶

攪子

金鑲銀銀吞口拖泥改銀攪子長刀一把皮

督蜀疏草

卷之九

三

帶

銀鑲左插一把銅攪子皮帶

苗弩四張

苗槍四枝

銀柯梯雕花古鞍一副二龍銀錢金韉履襪

羅木韉上有嵌銀攪子鹿角後鞦嵌銀轡

頭計六件

銀包金銀馬鞍一座銀鞦珠五十六箇銀包

鞦根一件銀鑲轡一副連鞍共秤重十七

斤四兩共計三件

馬纓槍纓共一袋

龍袍一疋

裝花鳳裙一疋

大紅段織金袞龍綠鑲邊單袍一件

綠花段袞龍續補紅鑲邊單袍一件

織金袞龍段面藍裏背心一件

紅段織金袞龍面藍裏背心一件

金女冠一頂同寶石連段裏秤重十七兩八

督蜀疏草

卷之九

酉

錢

大紅紬金補女衣一件

元色青紬一件

青花織金單袍一件

紅雲段織金單袍一件

大青段面火裏紅裏裝花鑲邊袍二件

青段面火裏紅裏裝花鑲邊袍一件

蘇官綠段面裝花鑲邊單袍一件

紗綠面裝花鑲邊單袍一件

紫段面綠閃段鑲邊單袍一件

紫段面繡花裝邊單袍一件

大紅雲段面綠鑲邊繡錦單袍一件

火裏焰花紬面繡錦紅鑲邊單袍一件

綠閃段黃花面織金補紅鑲邊單袍一件

綠閃紅拱線續補面紅鑲邊單袍一件

油綠紡紬織金補紅鑲邊單袍一件

裝花五色段續補單袍一件

青綠雲段織金補單袍一件

督蜀疏草

卷之九

五

綠花綢面裝花邊單袍一件

藍閃段面續補單袍一件

天青段看花補面紅紫裏紅鑲邊袍一件

綠閃段續補單袍一件

紫地銀花段紅鑲邊單袍一件

藍段續補單袍一件

紅花段五色鑲補單袍一件

綠素段裝花天青補單袍一件

梅紅細花彭段繡錦藍邊袍一件

白錦細細褶男道袍六件
綠花段續補紅邊單袍一件
藍雲段續補單袍一件
藍錦刻絲細刻絲補單袍一件
天青刻絲補單袍一件
織金素段填金補紅邊單袍一件
藍段續補單袍一件
織金絲袍續補面藍紗裏袍一件
藍花紡紬織金補單袍一件
紅素段刻絲補單袍一件
青素段織金補單袍一件
綠花紡紬續補八寶補單袍一件
綠雲段紅雲段鑲補單袍一件
青素段刻絲補單袍一件
綠花段續補單袍一件
藍八角絹面揮錦紅鑲邊單袍一件
橫織金面綠絹裏女圓領一件
紅段續補袖女衫一件

督蜀疏草

卷之九

六

紫雲段面小袖銀花裏男衣一件
紅紵絲織金面藍裏小袖女衣一件
織金紅面大袖女衣一件
藍花紬織補女衣一件
綠段面裝花藍絲裏背心一件
水紅拱線段面藍裏背心一件
五色裝花面藍裏背心一件
桃紅花段面藍裏背心一件
蒲萄色段面綠閃段裏鑲邊背心一件內鑲
珠金牌釧一副金梅花十四箇總共十六件
銀花紡絲紬面紅段裏背心一件
紅素紵絲福絹面藍福絹裏背心一件
純五色裝花面紅紗裏背心一件
大紅段面綠裏裝花梅條背心一件
銀花線紬藍裏背心一件
苗女霞帔一件紅面繡錦鑲邊銀飾件七十
塊墜鈴五十二箇珍珠古老錢一面重二

督蜀疏草

卷之九

七

斤十三兩連衣秤總計一百二十五件

填金紅絹一疋

裝花閃絹一疋

綠素紵絲一疋

紅填金絹一疋

綠閃紅段一疋

桃紅填金段一疋

裝花紅段一疋

填金紅段一疋

督蜀疏草

卷之九

太

裝金綠蜀錦段一疋

織金坐褥面二幅

刻絲單絨裝閃面一件

苗細褶女裙一條

紅段舊女裙一條

白紬紬二長疋二小疋

藍絹女裙一條

銀紅段女裙一條

紅閃色女裙一條

紅段毯邊女裙一條

珍珠攢盒二架連礮秤重五斤一兩

天啓四年四月十一日上奉聖旨

督蜀疏草

卷之九

九

州正給由疏

題爲遵例考覈給由官員事據四川布政使司呈奉臣
批據真安州申准本州知州楊汝昇關稱見年四十歲
浙江寧波府慈谿縣人由舉人萬曆四十二年二月內
除授江西贛州府贛縣知縣本年七月初九日到任四
十六年閏四月內推陞廣東瓊州府崖州知州丁憂未
任泰昌元年十月內復除今職天啓元年二月初一日
到任天啓二年八月內加陞兩淮鹽運使司同知職銜
仍管州事扣該天啓三年十一月三十日連閏實歷俸

督蜀疏草

卷之九

三

三十六箇月三年任滿例應給由照詳奉批仰布政司
查報奉此又蒙巡按四川監察溫御史批同前事蒙批
布政司查報蒙此行准按察司遵義鹽法等道各咨牒
回稱查得本官委於前項年月日期到任歷俸考滿任
內徵收錢糧鹽課積貯稍穀五事實政俱已足額修舉
貯穀委官盤量無異應准給由開具經薦稱職詞語起
送到臣卷查先准吏部咨爲酌議考課之法以肅吏治
事內開今後府州縣正官給由免其赴京聽撫按官從
公考覈賢否具奏先令就彼復職管事牌冊差人齎繳

其稱職經薦應得詰勅命者照例請給其平常不稱職
者部院會同酌處又准吏部咨爲酌時宜陳愚見等事
內開遇有方面有司官考滿從公考覈據實直書分別
稱職平常不稱職三等填註考語具題給由以憑本部
議處又准都察院咨爲治平要務急在保民等事內開
省直撫按遇郡縣各官考滿總將三六九年修舉過五
事實政覈實造冊定稱職平常不稱職之差等另報部
院各等因俱題奉欽依移咨通行在卷今據前因該臣
會同巡按四川監察御史溫皇謨考覈得真安州知州

督蜀疏草

卷之九

三

加銜兩淮鹽運使司同知仍管州事楊汝昇練能集事
明足燭奸轉輸備殫苦心保障久垂異績本官職業俱
修考居稱職查本官雖加陞兩淮鹽運同知仍在真安
料理是加其級未易其政應准給由報政以俟考覈除
批行令帶俸管事任內行過事蹟徑自造冊差人齎繳
五事冊揭行令咨送部院外理合具題伏乞勅下吏部
將楊汝昇再加考覈酌議題覈施行爲此具本謹題請
旨天啓四年四月十一日上奉聖旨

議留錢糧疏

題爲善後勢必留兵援鄰不能枵腹懇祈聖明俯留年例起解錢糧再賜發帑以救迨荒事蜀自援遼之役帑藏盡那復用兵三年公私一洗勉強拮据幸而蘭土廓清然善後之兵勢不可缺而遵義永寧兩處地界水西匪獨購者實以邊安故留兵總共五萬僅備布置尙覺不敷臣檄副使謝渭泰議劉可訓僉事盧安世胡平表與遵義下南叙溫各道并總兵李維新等酌量地方險夷苗之出沒或修城繕堡以固地方或列燈置烽以防

督蜀疏草

卷之九

三

衝突自黔撫王三善被陷以來雖二賊未敢出犯而警報時傳人情洶洶臣以病軀勉強申飭或不時出哨或懸金用間兵雖守猶戰也川中構難前後蒙皇上發帑一百六十六萬有奇爲數不少然臣奉命總督以來所得帑金與南京戶部料銀湖廣兌解餉銀合而計之總止三十三萬二千二十五兩而已見經委官盤查計日可以冊報其餘皆那借川中起存正項以供五路之師間月一紿罔敢糜濫頃者黔局頓損國威頗傷非大加懲創無以扶體統而服奉方西賊地廣積深非厚積兵

力無以彰捷伐而擒首惡况諸鄰苗懷同類之悲懼及腹之勢陰施陽設尤費調停今善後之餉久缺援黔之旨新臨當民窮財盡之時決無神運鬼輸之法及查川中各邊自援遼揭借以來欠餉百有餘萬去年十二月松潘諸苗公然燒劫入堡殺人劫財便道不散戍卒以無糧每逃去建昌以通滇商苗獍覓伺環聚四十八洞寨屢屢出劫殺官屠卒聲言出犯目下道阻不通見在抽兵措餉遣官策應據道路之口多云萬曆四十二年內撫臣吳用先同總兵劉綎等拮据兩年始得

督蜀疏草

卷之九

三

彈息各將士竟不酬叙以致莫肯效死將來光景尤不可測近見樞臣條議令蜀中固守永寧防禦遵義且謂各省應解錢糧許借留協濟應用此誠救急良藥臣謹會同巡按四川監察御史溫臯謨合詞上請伏乞皇上洞燭蜀苦軫念危疆兵旣當留食尤難缺餉將天啓四年分加派地畝與應解油漆茶蠟銅錫生絹藥材及協濟陝西黔楚等項銀共三十一萬兩零免行起解專留蜀中權餉遵義永寧見在防守五萬人之口仍祈慨發帑金數十萬兩以便增兵救黔剿賊至於建昌松潘容

臣審勢料理務求杜息存忠救寧邊土其已往勦剿之功似應查勘以勵後效乞勅戶兵二部速爲覆議上請轉行臣等遵照庶兵得宿飽守則固而援則力西南半壁期保乂安而臣亦無臨渴掘井之苦以早報命矣爲此具本謹題請旨天啓四年四月十一日上奉聖旨

督蜀疏草

卷之九

五

加銜右都謝恩疏

欽差總督四川兼制湖廣荆岳鄖襄四府陝西漢中一府軍務策應綏寧督理糧餉兼巡撫四川等處地方兵部左侍郎兼都察院右都御史臣朱燮元謹奏爲恭謝天恩事天啓四年二月初一日准兵部咨爲蘭巢既搗等事該浙江道御史張訥題前事本部覆奉聖旨是川貴搗巢解圍各官勤勞日久功當先叙朱燮元加右都御史兼兵部左侍郎照舊總督欽此備咨到臣准此臣具爲叨恩逾分抱病滋深等事疏辭接邸報本年三月

督蜀疏草

卷之九

五

十六日奉聖旨叙功加恩已有成命宜卽祇受不必辭奢酋尚逋黔復告急還用心料理兵事以副委任該部知道欽此欽遵臣卽於五月初三日恭設香案望闕五拜三叩頭謝恩任事訖切念臣賦材疎劣抱病纏綿戎事婆娑備嘗危險之苦簡書鄭重彌深淵水之虞邇者蜀土旣清蘭穴盡掃元兇走險幾同遊釜之魚鄰警忽聞復作負嵎之獸局轉變而轉大時愈久而愈難如臣庸愚詎能措置顧量已溢而寵則泝加辭雖懇而情未獲允秩陪總憲謬叨異數於崇塔職任專征濫荷重權

於外闕福既逾分類職可虞位非其人竦皇特甚臣敢
不勉矢愚鈍罔報涓埃雪耻除兇事必期於完局救焚
拯溺誼更激於同仇謹力疾以拜恩容瀝情而再控臣
無任感激屏營之至爲此具本謹具奏聞天啓四年五
月十三日上奉聖旨

督蜀疏草

卷之九

美

擒治妖教疏

題爲左道惑衆倡亂魁黨旋報就擒謹具疏上聞勅行
嚴治以弭妖氛以杜亂萌事據四川按察司呈開得犯
人一名許其山年五十四歲潼川州民狀招其山與本
州在官民沈真元各不合不務生理專習邪術向未事
露至萬曆四十六年間彼有綿州事犯拏獲監放逆道
能克其偽造見獲銅木印各一顆遊至龍安府地名白
泥壩投落別巷擬遣吳加成家住宿誘習白蓮邪教比
有另疏獻俘羅江縣生員劉應選卽劉明選聞熊克真

督蜀疏

卷之九

毛

善行邪術卽往吳加成家投拜爲徒從習前教回縣常
以術言惑衆隨有綿州今各監故民王時王雲王偉楊
梧歐仁舟施白新謝江智童如琴景時朝鄧吉同王霞
未獲男王進忠與先在官後審釋僧明正等三十六名
口安縣今各監故民周文忠僧政坤正玉洪彩卽羅金
堂與先在官今審釋何仕現等二十一名達州今監故
民黎好梓潼今監故民魏順羅江今監故民李尚續同
劉明選已獲病故妾父范廷智與先在官今審釋何永
江等十名利州衛今監故軍洪連李文章未獲洪仕祿

龍安府別卷擬配吳繼宗吳承祿潼川州今監故民張明清丁真祥姜應策僧通正未獲張庚明等各陸續赴吳加成家投拜劉明選熊克真門下習學術教德陽縣今監故民陶廷友陶文脩先在官今審釋陶廷良等四名今監故木匠郭貴鐵匠高應招各見劉明選等以邪教惑眾向彼觀看劉明選思本縣近省慮恐事發商謀移聚吳加成家立會傳教比潼川州已獲監故民方代亦投拜從習日稱川北領袖回家另立一會鼓惑愚民比其山與沈真元各不合同監故王自仁劉仕高朱朝

督蜀疏草

卷之九

三

王胡國儉郭清朝陳可軍加奇僧法禹井先在官今審釋趙金順等七十六名口各從劉明選爲師騙惑民財捏造妖書肆倡無忌至泰昌元年十月內劉明選與吳加成方代要得鼓衆爲亂攻劫州城議定先取綿州次攻潼川隨商同王時王進忠糾夥政坤正玉羅金堂姜應策通正等於羅江縣地名白土寺先故范廷仁家僞造見獲榜文一道并雇郭貴所造見獲木棒數根又雇高應招打造鐵釘釘於棒上收存在家至天啓元年閏二月內密傳方代等誘稱劉明選的係活佛出世俱要

齋戒各出香錢多寡不較的於本月十四日齊至綿州復覩活佛求免劫難等語傳衆通知劉明選又恐衆人不服口稱彌勒古佛出世本月十五日寅時動雷百般鼓衆比其山與沈真元各又不合約聚同行法禹身穿見獲白綾雙夾衣一件與監故羅仕廣各騎見獲馬一匹劉仕高騎見獲騾一隻引趙金順陳可等一十三人隨帶見獲穿用紅藍花綾衣掛一十一件并見獲劍一把於劉仕高家起行今監故軍加齊騎見獲馬一匹執見獲刀一把黑漆棍一根與衆置造見獲白綿布旗號

督蜀疏草

卷之九

三

一方各從本家起身齊往綿州聽劉明選鳴鑼掛榜劉明選王時等探得本州李知州公出卽督王偉等於十四日前往洪仕祿家取齊次日同行路由本州地名石馬鎮越臺庵門首經過政坤等口稱明日若果動雷要劫州城等語本庵不在官僧性湛竊聞其言又見政坤等身披紙甲手執白旗忽聽聞李知州回州遂往中途密報李知州隨調團練指揮馬穀出城巡警是夜擒獲政坤正玉通正三名解州問十五日黎明忽然動雷衆心拱服卽時劉明選督同吳加成王進忠羅金堂姜應

策等張旗掛榜以羅金堂爲頭目身穿大紅圓領手執大刀與方代等同至城邊見城門緊閉劉明選鼓衆於城下吶喊至午李知州看係邪教遂督領守城兵快出城追捕隨即拏獲羅金堂姜應策并審釋周加錫等四十五名拏獲馬藏二十三匹白纓絲假印榜文三道白紙假印告示二張銅印三顆日月補白甲一件綿甲一件十二件木雕小馬二匹木符二塊邪經教本共八冊大青旗一枝旗杆二根五方黃旗四杆小白手旗二十二枝大腰刀十把槍一枝手銃一杆長斧一把同棍棒等

督蜀疏草

卷之九

三

物到州比劉明選張庚美方代等奔逃去訖餘黨知罪投水者約近百人隨蒙本州通詳申報其山沈真元又不合與方代劉仕高等同逃至地名南明鎮偶遇先在官今省釋地黨梁應受李仕亮等見得各犯行走慌忙盤獲劉仕高等一十三名并藏獲兇器衣具等物首赴潼川州審出前情隨即具由通詳方代等仍行脫逃本月十七日選差官兵緝獲王時王霞等并劉明選見監母范氏及今監故妻何氏先在官今審釋僧人明正民張明齊等慘獲大紅圓領彩畫龍虎衣甲長檐門簾到

州卽具文申報隨蒙巡按薛御史牌行布政司會同按察司并巡西安綿守巡川北各道將政坤等三名審明招解加謹防禦地方蒙司轉行成都府提問該本府查得妖犯一事節據綿州安縣羅江德陽各申報前來事出倡亂具由通詳蒙本院批按察司併確究首犯招解提綿州拏獲洪彩高應招郭貴并今故鄧尚聰監候聽審問又蒙督撫饒都御史憲牌看得姜應策等糾招羅江縣生員劉明選偽榜不經公然攻城茲雖就擒固天使投網脅從姑恕嚴飭解散仰道將已獲各犯究審

督蜀疏草

卷之九

三

招詳又蒙本院於綿州申報詳內批據報妖賊聚衆偽榜惑民甚至執械狂言殊可駭異卽應發兵剿捕第恐波及無辜仰按察司會同都布二司查照行牌嚴飭該管官司擒拏首惡審實招解餘黨悉行解散不得株連良善安縣報警有無的據另詳速報儻聲勢重大該司一面飛報本院以便相機剿捕毋致滋蔓仍通行隄防偽榜併發又奉本院於按察司呈報拏獲王時詳內批邪黨王時等偽造衣甲兇器榜文並獲逆情已著仰按察司速審招解內有株連無辜者先行釋放蒙司備牌

行府提問劉明選聞知緝拿即奔投永寧逆酋奢崇明父子部下偽爲軍師謀反滇川州差兵四路緝獲其山法禹羅仕廣沈真元方代并前項馬匹衣刀又於未獲王明懷家抄出抄寫妖書一本刊刻木符一件又於未獲張應美家抄出刊刻妖書一本蒙州具由通詳蒙巡按薛御史批據報孥獲劉仕高等及妖僧政坤等黨與仰州審確招解其誤入者先行釋放又奉督撫饒都御史批據報妖賊劉仕高等從邪聚衆驚擾地方殊可駭異仰道查照另牌將見獲首惡速行審報但此妖黨

督蜀疏草

卷之九

三

多係愚民誤入宜以解散爲主該道行州審明分別究釋諭令悔過自新不得扳累仍行合屬一體防禦毋致疎虞繳又蒙分守川北道紙牌行州蒙本州陳知州逐名審據口詞分別收監釋放具由通詳蒙巡按薛御史批據一二妖書該州審明解巡北道覆審解院其有從之迹無從之心與從之從者卽次第開釋何以及盧氏等數十餘口得非愚婦妄希福報者乎亟查確釋之總期務守地方勿致牽累非辜可也又奉督撫饒都御史批據報孥獲妖賊方代等百十餘人事干多命情真者

固有而株連者未必無也仰道查照前行牌詳速移住綿州將各犯速審明白分別重輕究釋招報仍行令各屬加謹井示諭愚民省改安生繳又蒙帶管分守川北道袁副使轉呈巡按薛御史批方代等該道審確首惡招解其脅從者一面開釋蒙此隨蒙督撫饒都御史巡按薛御史將其山等悉奉欽依轉行司道蒙道備行本州審解間單加齊劉仕高朱朝玉各陸續在監病故綿州將王時等解至羅江縣地名大井鋪丁真祥在彼病故解府審問熊克真黎好各在監身故隨蒙本府馮知

督蜀疏草

卷之九

三

府會同巡捕梁通判理刑羅推官審看得王時政坤俱與首惡劉明選及王進忠鼓惑煽亂結黨樹兵謀劫綿州庫藏爲地方一大變當被擒獲黃白旗尚在共手此二犯者實爲戎首擬絞何辭楊梧號爲大老祖范廷智助陣周文忠獲時有黃衣王偉以紅掛背榜均之亂民隨劉明選奔走者應以爲從口外爲民李尚續被誘執旗魏順拾旗刀於路張明清久持齋而受旗於張庚美張應美王霞爲進忠親父而與聞邪謀徒慾允宜若郭貴之木匠置器高應招之鐵匠打釘殊非戰具陶文脩

之觀會看佛陶廷友謾與同往徒自作孽法應深入而情實可憫末減各杖總之俗尚佛法一談白蓮無不喜聲聽津津喜而此一班愚民皆煽惑於劉明選與王進思遂至殺身而不可救也按事論法必殺明選進忠方遏元謀而快衆念其餘洪彩輩且難與之同科則洪彩而下者可知矣今洪彩已服天刑政坤等各有定罪而明選進忠可終令漏網乎嚴緝得獲以正典刑各犯掛名者俱不窮究以免株連具招問覆查正犯劉明選未到各犯招稱俱未的確事關題請難以草草仰華陽縣

督蜀疏草

卷之九

雷

虛心再鞠招報魏順政坤在監各病故該本縣王知縣看得王時等過聽妖人劉明選等所惑乃嘯聚鄉愚意圖庫藏妄稱左道彌勒老祖之號以蠱平日持齋好佛之人勢雖虛張祇以自斃今劉明選等未獲正罪而二犯首論其亦何辭楊梧白尊老祖名色與周文忠王偉擅穿紅服制亦異常皆係附和而非爲各以從論不枉李尚續張明清范廷智王霞或以持齋被誘自投縲紲之中或以伺子無方釀成殺身之禍卽與之原情稍減不爲縱也他如木匠郭貴鐵匠高應招觀會之陶文脩陶

廷友各杖允宜其范氏何氏保首犯眷屬尚須羈候以便緝結具招連入解府覆審蒙馮知府覆審看得王時等隨劉明選主盟起事於吳加成家合謀於王進忠而偽榜置自范廷仁家偽印造自熊克真手遂從洪仕祿家內發足倡亂橫行聲言欲取附近州縣詎非叛逆情形第綿州出城放砲曾不逾時卽行成擒閱其器械衣服尚不逮街市演戲狀此豈真謀不軌者乎不過惑於明選動雷亂言聚衆成羣吶喊鼓噪而罪已犯不赦今政坤已繼洪彩病故固無別議王時等俱照原擬解詳

督蜀疏草

卷之九

三

吳加成聽龍安府審結劉明選與王進忠洪仕祿併緝正法又該本府署印重慶府余同知覆審相同將王時問擬妄稱彌勒佛白蓮社明尊教左道亂正煽惑人民爲首律絞王偉楊梧周文忠范廷智王霞張明清李尚續俱依爲王時從律各杖一百流三千里免其徒杖發口外爲民陶文脩陶廷友郭貴高應招各不應具招解蒙按察司審批王時等倡爲邪教煽惑愚民至敢張榜偽印公然稱亂似此無法之民奚道不赦之辟據審分別首從姑開一面亦已得情本司面鞠各僥無辭第事

係奏請最宜詳慎仰府仍會同捕刑二官再一確審報以便轉詳嚴提劉明選等正罪毋使漏網繳蒙府緝拏劉明選問隨蒙分巡川北道牌行潼川州催審蒙陳知州審得白蓮植黨頗多種禍不小未證菩提之果先張殺伐之聲本州所獲劉仕高朱朝玉等已蒙天憐余遜趙金順等已經審釋惟茲方代委係川北領袖他處供亦有姓名在卷許其山又皆方代門下士其指麾聽之法禹獲有衣馬然聲名不震蹤跡可疑大端此案必俟諸犯會審面對質而後真贗易明出入不枉未可草草

督蜀疏草

卷之九

三

按罪也具由解蒙按察司批仰州審確招解毋致枉縱繳又蒙陳知州看得方代諸人止是潼川州犯而其事實與劉明選同謀即爲首爲從亦不過就中分首從而合之劉明選又自有首從者非會審何以定罪臬司雖發本州本州亦不敢偏聽擅決查按臺原送本道審奪具由解蒙巡北道袁副使批仰州覆審分別首從具招解奪速速蒙司查文內稱有劉仕高已經天憐余遜等審釋且原疏擒獲妖賊共三十名茲該州僅解四名各犯皆監斃皆審釋乎事干題覆必須一一聲說明白併

究招解又蒙陳知州看得白蓮爲教連結甚衆若非發覺就擒潼川幾不免矣是時陸續拏妖犯共八十五名口局內什九局外者什一其誤入法門者什九夥入謀叛者什一本州廉得其情仰遵憲檄釋去王明神李加孝等二十人已病故者六人情真送審四人一一明白若夫妄拏平民誤入平民故縱奸民皆所不敢也由報訖洪彩在綿州監病故羅仕廣張明清李尚續王時高應招王霞王偉楊梧法禹周文忠陶文脩范廷智郭貴陶廷友各在華陽縣陸續監故訖劉明選又改名李天

督蜀疏草

卷之九

三

樞計令香酋直衝成都攻圍不退見得防護緊密伊又計造早船披髮仗劍攻打樓牆隨蒙諭令官兵炮銃勇擊劉明選以術得脫同奢酋逃入巢穴天啓二年正月解圍致蒙兩院具題訖又蒙分巡川北帶管守道閻參政看得方代等四犯的係白蓮妖黨屢鞠情真毫無寬濫第業經具題似宜與政坤洪彩等併爲一招難分兩案具由呈詳督撫朱都御史奉批仰按察司覆審併招報又蒙巡按張御史批按察司併究確招解報蒙司牌行華陽縣審解方代在潼川州監染病解至中途身故

蒙王知縣審得妖犯一案在逃者以劉明選爲最而在獲者以方代爲最次則異服之法禹等已有贓據可憑皆法所不赦者然皆就天誅矣今惟許其山沈真元二犯其從事邪教燃燈齋戒此即自供亦爾擬以師巫之律夫亦何辭但首犯俱死業足以正厥辜如二犯者贓證俱無猶不可同語相應速配以省殘命將其山等仍照原擬招解本司蒙司備牌行府查得各犯一發於綿州一發於潼川兩案應合一招妖首劉明選在綿州供爲羅江生員部院奏疏李天師即應選方代又供爲劉

督蜀疏草

卷之九

三

文選四案互異神奸詭譎以圖藏匿已經改正及將審釋多名悉行刪削劉明選復隨奢賊臨陣戰鬪官兵奮勇生擒押發按察司發府轉行成都縣審明選不合隱下真情假供伊係張尚義乃瀘州人蒙許知府覆審看得逆賊劉明選久懷不軌敢造彌天之孽妖術惑衆煽亂幾徧巴山作奢賊軍師惡焰遂流井野真神人所共憤而覆載所不容者也各犯初供既變幻其姓字拏獲明選尚敢隱匿其真名初審其口詞自供張尚義係瀘州人爲奢賊據山擄去授以監軍道偽銜調住延馬場

把守及奉憲批本府親審初猶不肯直認因喚府吏辨其聲音的係羅江人也又以母妻在獄至情動之遂涕泗交流因提其母范氏妻何氏相對而哽咽不能出聲直認爲劉明選矣此一賊者已犯大逆之條難同左道之律所當獻俘正法妻母緣坐者也許其山沈真元特爲明選所誘惑傳經演教附和爲非擬徒已足蔽辜矣王進忠等仍行緝結明選妻何氏於天啓三年十月初十日在華陽縣監病故結報訖將其山等招詳到司該本司李按察使看得許其山沈真元之獄已具原詳無

督蜀疏草

卷之九

三

容復贅惟劉明選始而邪教惑人號爲活佛操戈鼓衆殆欲攻城繼而事敗投奢稱爲軍師畫策領兵幾至危國在前則爲戎首在後則爲罪魁叛逆通天即移名改姓何逃重辟家屬緣坐載在刑章但犯千獻俘罪難擅擬合候明旨定奪將其山等轉呈罪犯二名口沈真元年四十七歲係潼川州民范氏年七十一歲各招同議得許其山沈真元俱各依妄稱勸誘佛白蓮等教左道亂正之術燒香集衆夜聚曉散煽惑愚民爲從者律各杖一百流三千里俱有大誥及遇蒙恩例減二等各

杖九十徒二年半俱民審各有力候招詳允照例折納米價贖罪完日寧家照出許其山沈真元民紙銀各一錢又贖罪銀各一十五兩俱發潼川州追收貯庫類解綿州見獲榜文旗幟等項潼川州見獲馬匹刀器查照原招數目變價充餉取庫收繳報未獲王進忠張庚美張應美洪仕祿王明懷分行綿州羅江潼川等州縣嚴緝其劉明選已蒙解獻止法范氏係明選母仍行同監候明旨施行餘無照等因招詳到臣據此案照先准兵部咨該四川巡撫任南京兵部饒侍郎題前事該本

督蜀疏草

卷之九

聖

部看得四川巡撫饒景暉題稱妖徒竊發於綿潼叩錦之間聚眾張榜中有收元佛化及偽印僭殊亂形大著隨宜拏縱旋報擒獲妖首政坤洪彩等百十餘人他皆逃散要行撫按衙門嚴加究審如律正罪并飭各屬將保甲之法著實修舉各一節為照川省僻在西南山林險阻之間奸盜依憑且易於藏匿別異端邪教一倡羣起愚氓迷於鼓惑地方深屬隱憂在昔有黃楠毛法等作亂旋亦撲滅今突出妖惡政坤洪彩等號招數百餘眾始而稱佛演法謬語空桑繼則糾黨聚徒恣為妖孽

甚至張榜豎旗持兵挾刃悖逆之情形已著森嚴之國法安容儻任其縱橫滋蔓流毒可勝言哉猶幸計早成擒地方安堵若不重加鞠審正法無以警戒示懲既經具題前來相應覆請合候命下將妖徒政坤洪彩等行四川撫按衙門嚴加究審如律正罪仍行各該道屬有司等官查照先該撫臣題議嚴保甲之法奉有欽依事理一體申飭欽遵著實舉行有虛文塞責者撫按官不時奏處治等因覆奉聖旨是欽此又准兵部咨該四川巡撫朱都御史題為白蓮妖賊助賊蜂起恭報擒斬

督蜀疏草

卷之九

聖

功次併乞賜通行禁戒以弭禍亂事內將劉應選投賊誘叛攻城及合屬妖黨助賊為亂情形題奉聖旨兵部知道欽此又該職方清吏司看得自昔左道流行未有不釀成大亂今四川各州縣妖賊繁興假白蓮之教為不軌之謀或助賊為亂或自立名號種種不法駭人聽聞若非撲滅之蚤則黃巾紅巾等禍復見於今日矣今元惡雖獲餘黨未除相應通行申飭以防將來未獲梅大等仍行該撫嚴行捕滅案呈到部備咨前來准此又准禮部咨為外患剝膚內變接踵國勢日棘人心愈玩

懇乞聖明亟圖易轍改絃撥亂反治事該禮科給事中
李精白奏禁白蓮聞香紅蓮等教羅祖五部六冊經書
緣由該本部覆奉聖旨這妖教著行與兩京巡城官曉
諭解散經板盡行焚燬各省撫按官還督令有司盡心
禁戢務絕亂萌不得容縱欽此又准刑部咨為妖黨猖
獗異常遐方用敝至極謹據實上聞懇祈聖明軫念以
脩防守以救然眉事該巡按四川監察御史薛敷政題
前事該本部會同都察院看得邪術惑人初為託佛騙
財之局而揭竿糾眾遂成巨奸倡亂之階彼洪彩王時

督蜀疏草

卷之九

三

等何物妖賊輒敢千百成羣公然嘯聚耶清平世界豈
容魑魅宵行就擒者所當依律典刑在逸者急宜嚴緝
正法既經撫按具題前來相應覆請恭候命下本部轉
行四川撫按衙門將洪彩等依律擬罪劉明巡督捕嚴
緝務在必獲及修城實伍次第舉行等因題奉聖旨是
欽此又准禮部咨為嚴禁左道以正人心以弭亂萌事
祠祭清吏司案呈照得白蓮紅封等教四川山東等處
已為亂首若不通行嚴禁貽害匪細合咨嚴加禁緝解
散庶杜亂萌等因各備咨前來准此俱經通行司道將

已獲者究招未獲者緝捕去後今據招報到臣該臣會
同巡按四川監察御史溫臯謨看得邪教之禍幾遍海
內而蜀中各賊獨先發大難之端簡州邛州一帶則黃
楠等首倡綿州潼川一帶則劉明選方代洪彩等勢更
猖獗甚至偽榜偽印擅改偽號公然聚眾圍劫州城幸
州衛官一時擒斬獨明選脫逃助賊倡亂今經擒解禍
本已除其餘黨羽物故者多若許其山雖係同黨實非
首惡姑以為從擬徒亦足示懲矣明選母范氏年踰七
十相應釋放至於原題所未及者如甘聰鄒胡萬明之

督蜀疏草

卷之九

三

集眾千餘在城中謀為內應南川之白傑等達州之
唐學等遂寧之宋宗吉等仁壽之梅子然等井研之管
梁選等樂縣之劉孟奇等定遠之周之成等安岳大足
之梅大等眉州之妖婦鍾氏燈黨白之行等合州之查
茂良等江津之劉顯才等嘉定之劉可厚等重慶之鄒
曰茂等遍布黨羽寔繁有徒所獲紙人紙甲併妖書偽
檄等項皆誣罔大逆法所必誅臣等遵奉功令嚴行保
甲皆隨起隨滅相繼戮誅人心亦已漸定虐焰自是可
息矣既經招詳前來理合具題伏乞勅下該部再加查

議覆請轉行臣等遵照發落施行爲此具本謹題請旨

天啓四年五月十三日上奉聖旨

督蜀疏草

卷之九

四

武弁從賊疏

題爲武弁獻印從賊據實叅處以明國法事據兵巡下川南道呈據瀘州申蒙本道紙牌奉臣紙牌照得瀘州衛逼近酋穴掌印指揮盛應鳳當時曾否拒守何無一字申報事寧尚無踪跡除會按院外擬合行查牌仰該道官吏卽查本官是否聞變棄城逃藏有無獻印降賊助逆爲害情狀印信見在何處逐查明確具由通詳以憑叅題施行奉此又蒙巡按溫御史憲票行道卽將盛應鳳投賊情由逐一究明叅罰詳院如見在管事卽便

督蜀疏草

卷之九

四

革去另委蒙此俱經備行瀘州將盛應鳳情罪逐一究明詳道以便轉呈隨據該本州王知州散拘盛應鳳到官供稱見年三十三歲原籍南直隸徐州人始祖於洪武年間從征有功陞四川瀘州衛指揮僉事高曾祖父沿襲俱故應鳳襲授前職先年本衛設於瀘州城內後因九絲大壩忤叛蕩平之後將衛改設大壩與奢酋接壤萬曆二十五年應鳳襲授二十六年四月內到任管事後蒙考選軍政於天啓元年二月內奉文行委掌印至本年九月內奢酋謀叛突衝本衛應鳳見得暴兵卒

至慮恐攻城隨將衛印拴繫右脇自合飛報上司爲是不合不思兵寡難支集兵三百名至地名歡喜坡與賊對敵致將應鳳傷及多槍當將印信遺失無存止銅牌七面符驗一道見存原無從賊情由隨被賊破城擄掠人民於時應鳳奔逃伏草後同龔遊擊等官兵於天啓二年七月內恢復衛城招撫軍民復業向未管事并將集兵於歡喜坡對敵被傷失印緣由具狀投訴逐一查審明白取獲口詞在卷該本州知州王新民看得武弁世受國恩力捍禦靖封疆者上也不幸值封豕長蛇之

督蜀疏草

卷之九

聖

變智盡力竭之秋守既不得死又不能撥時度勢亦有無可奈何者在也盛應鳳孤城當虎穴之中螳臂支大車之壓強弱不敵勝敗攸分勢也亦天也至今驗其周身槍痕遍體據供失印歡喜情節甚慘既無投賊之情合依暴兵卒至欲來攻城反叛不卽申報發兵策應者並與擅發罪同律杖一百發邊遠充軍係軍官照例免杖發邊方立功五年滿日還職仍於原衛所帶俸差操之律參照瀘州衛指揮盛應鳳叨膺世祿未練官箴遇賊而不能審勢有警而弗速備申雖出暴與其罪案辭

將應鳳奏詳到道該本道王按察使覆查看得瀘州衛之改設於永寧近地也正以防奢酋之出沒故凡值酋欲出必先該衛申請今崇明之變應鳳以掌印指揮畧無防備一時棄城而逃姑無論矣據稱印縛於脇何以脇在而印失也又何以銅牌七面符驗一張之又存也人言俱歎與酋而酋則止留其印蓋不虛耳况始而脇從猶可言也後酋入省城矣何以不出後酋進古萌矣又何以不來而云天啓二年恢復衛城夫衛城乃復於三年非二年也其心事有不可言者矣如應鳳者坐以

督蜀疏草

卷之九

聖

從叛亦復何辭第時勢果有難處而子孫似屬無辜耳姑發噤哨其子降襲庶後之爲世官者亦稍知有三尺也等因通詳到臣該臣會同巡按四川監察御史溫臯謨參看得瀘州衛指揮僉事盛應鳳身膺城守閫顧官常賊發無一字申明賊至經畧印求免事定之後方出投見其爲從叛萬無疑者據訴被創失印將誰欺乎既經該道審勘前來所當參題正罪除批候題請明示外理合具題伏乞勅下兵部覆議上請轉行巡按御史衙門將盛應鳳提問正罪具奏施行爲此具本謹題請旨

天啓四年五月十三日上奉聖旨

督蜀疏草

卷之九

哭

塘報遵永功次

爲塘報遵永擒斬功次事自天啓四年二月初五日大兵到畢節獲功疏報後職檄鎮道令加銜叅將朱三鳳督兵五百鎮守羿子關及同木西海子何官等各圍洞降民熊樂榮等聯絡屯住截殺建功又檄監軍安綿道副使謝渭僉事劉可訓胡平表知府鄭朝棟總兵李維新將善後兵二萬五千分令各叅遊守等將一面修葺永城時出偏師或七千或五千循環出哨於畢節層臺羿子滑石之間逼近西界旁撻於龍場客仲菁洞之外

督蜀疏草

卷之九

哭

一使土苗知警一以探拏兩西耀兵於西遵義道右布政使李仙品報陞偏沅巡撫要地逼近水西最爲要衝職飛檄僉事盧安世統所部兵一千馳赴綏桐會同同知冉崧商良弼推官李必達副將侯良柱陳一龍楊通霄等於二萬兵內揀選精銳爲前鋒各照分守大小婁山崖門青蛇栢楊朗山及烏江四十八渡信地宿兵戰守不時遠哨示威各取出兵功次月日結報又密行鎮烏各土司擒酋毋得容縱切責去後本年二月十一日起五月中止陸續據鎮道塘報據叅將范繼道報稱出

兵哨至海子據坐鎮朱三鳳塘報本月十六日已時有賊數十過關早職即率加銜守備陳士鳳各洞頭人熊樂榮等即出截殺斬級五顆生擒二名供係水西前哨次日馬步數千圍洞二職陣殺八名何官寨加銜守備王黑兒殺死西兵唐阿年等七名生擒總抹色者翅各官同官兵及四洞降苗趕至陸家田壩三鳳直前殺賊九顆指揮劉起元等部斬十二顆官兵殺賊一百四十六顆生擒苗賊六名朱三鳳等又斬一十九顆部斬三十一顆生擒二苗鹽十一馱馬十二匹槍刀弩被六十

督蜀疏草

卷之九

辛

二件餘述深籌研審活功稱係安邦彥點兵交著寅往毋亨接奢崇明不意撞遇天兵雄勇殺死寅賊心腹阿額親信六十餘人身披白被白袍者即是奢寅一聞砲響先即逃入山箐此時欲往鎮雄烏蒙平常往來水西客仲朝夕不定父子或時亦不同居等情解報鎮道十九日水賊者即統兵報仇先攻劉華洞各洞同官兵追殺又斬十八顆屢戰皆仗官兵出哨之力等情又據參將秦翼明塘報遵令督同郭起柱湯名楊世恩等及標營盧世卿等兵數千復衝海子畢節分爲四隊一衝長

冲溝一衝過泥河與賊大戰斬功十一顆生擒一名馬三匹牛二隻得獲赤水衛右千戶所百戶印二顆復轉哨至廖官崖斬功數十生擒西苗沙車文會斬級二顆加銜參將盧世卿督兵至轉木灣斬壯功五顆俘獲苗婦一名口槍弩三件牛二隻降將焦崇智等斬功十一顆守備陳章招降猺獯三十餘家羅運龍李仁貴等斬功二十顆生擒六名口槍刀弩絮等器二十五件牛十一隻將官張學禮胡汝高哨至養馬寺對陣生擒僞都司阿培等情又據林兆鼎范繼道塘報出兵至羿子等

督蜀疏草

卷之九

至

處督同朱三鳳與西賊大戰斬功十二顆陳士鳳等斬級九顆守備馬先殺死西目以郎部斬苗級二十二顆趕至土母地界殺死土婦一口各等情塘報到職又據遵義路監紀盧僉事塘報奉令遠哨時出時沒林箐嶮巖去處張幟置砲揀選驍勇聽令截殺四月初三日據副將陳一龍差塘兵至鎮南關偵探飛報西目陳伏虎督兵萬餘要過清水橋去鄭家壩劫貴州李同知糧餉又清水坪鄉民甘時茂稟報相同本道即刻公同各將分遣將官王尚明金文科駱麟等伏兵朗山口出五鳳

莊加銜叅將胡斯化將官晏可成等伏獅子山出散水一枝伏鐵牌寺如遇賊敗奮力追殺又飛檄侯良柱發兵出婁山速伏龍山寺中莊聽候截殺初四日據貴州督餉同知李先登飛報賊抵綠塘河求援甚切本道會同陳一龍遣先鋒度朝榮李之印趙玉舟袁桂芳吳振龍等將各率兵由水山坎同知李瓊發將官蕭應珠由打磨溪朱天祚出九杆俱至鄭家壩殺賊本道同李同知陳一龍添兵防守綏陽聽候接應仍動支官銀懸賞鼓舞至初五日黎明報稱賊將黔兵衝散放火燒糧我

督蜀疏草

卷之九

至

兵適至銃砲震天降民姚月桂姚月槐先斬陳伏虎親家混名盧花子持首級馳報審驗真是壯功賞銀十兩將官吳振龍度朝榮等各奮勇血戰斬功三十三顆箭傷銃打無算擒獲生苗王明奪獲器械四十二件俘獲男婦六名口牛馬七隻匹先後懸賞花紅二十兩審王明供稱西賊在烏撒借兵欲攻綏州永寧貴州分敵雲南大方每米一斗價銀六錢等情賊被官兵數次殺敗袁桂芳等趕至風香園生擒頭目陳金虎小苗胡兒斬功一十五顆五鳳山獅子山鐵牌寺各奮勇截殺三路

共斬四十二功奪獲刀槍器械二十六件牛馬三隻匹部兵王一俊斬功一顆於身搜獲驗係貴州向叅議行與李同知牌一張總兵魯欽報黔中兩院公文二角此是西賊攻破黔營所得等情又據副將侯良柱塘報龍山寺伏兵叅將陳鳳見賊奔逃奮威趕殺斬功六顆牛擒一名馬一匹弩槍三件中莊伏兵將官鄧朝用彭良貴截斬苗級二十一顆奪馬三匹槍弩七件各等因塘報到職該職看得兩逆最狡自分必死時居鎮雄母享或竄界于水西往來莫測設法購擒出哨制西截殺戰

督蜀疏草

卷之九

至

守務在得獲永路屢報擒斬西夸四百十二顆器械九十餘件遵路擒斬一百二十一顆器械七十八件將印信二顆併黔省向監軍魯總兵公文報解前來除功次行監紀道紀叙器械牛馬賞有功官兵印信候繳外理合塘報為此合揭本部煩請案候事寧一體查叙施行天啓四年五月十三日右揭兵部

縣令病休疏

題為縣官抱病情真亟請休致事據四川布政使司分守川西道呈據成都府申奉本道紙牌奉臣批據該府申據崇寧縣知縣張拱極呈稱卑職年踰七十血氣既衰邇來痰火大發遍身肌肉頭掉手足難舉不能動履危在旦夕實難供職懇乞垂念老病日侵必無起色俯賜轉達休致等因由詳奉批仰分守川西道查報奉此又蒙巡按溫御史批同前事蒙批守西道查報蒙此俱經備行成都府覆查去後今據回稱該知府許士奇看

督蜀疏草

卷之九

書

得崇寧縣知縣張拱極夙有風痰之症兼以道路險遠途次勞頓方履任以受事隨支離而難起浸致手足痿痺即欲慰留而縣令豈卧治之官哉相應准其致仕員缺即賜題補等因詳道該督帶帶管本道右布政使詹爾達看得知縣張拱極夙疾盤根已苦熊夢赴任間闕益成顛覆值茲時事鞅掌安能以痿痺之軀卧理哉乞休情殷應遂所請准令本官致仕回籍員缺請補等因通詳到臣卷查先准吏部咨為奏充府佐官員擅自回籍以儆將來以肅臣節事內開外官告致自知縣以上

例應題請等因移咨前來通行遵照外今據前因該臣會同巡按四川監察御史溫皋謨看得崇寧縣知縣張拱極衰老龍鍾久病難痊告致情真實非假託既經道府查勘前來應合具題伏乞勅下吏部再加查議將知縣張拱極准令致仕回籍員缺即為銓補服限前來任事施行為此具本謹題請旨天啓四年五月十三日上奉聖旨

督蜀疏草

卷之九

書

議留陞任將領疏

題爲議留陞任賢能將領莫安地方以愜輿論事據四川按察司呈奉臣批據建昌道呈據監理官及衛所各官士紳軍民保留參將陳廷對加銜復任由詳該本道按察使張邦翼看得建南乃蜀中至緊邊塞而相嶺瀘沽等處尤商賈孔道亦苗獠出沒之數年來陳參將奉本部院號令防守見山自募健兒身先士卒往來瀘相之間遇賊便殺諸奉欽哉行旅無恐本道自成都以南遇有銅錫者卽問相嶺聲息其歸防護之力於陳參將

督蜀疏草

卷之九

五

者如出一口近本官因久陞粵西參將且離地方瀘相苗賊一哨兩均滇秦楚蜀商人踴躍越雋死不敢出南溪一步此本道所親聞見者則本官之去留係地方之安危亦明矣萬一存氛日熾道路漸梗建之爲建尚忍言哉昔唐人謂大渡河之戍一不守則雅黎印嘉皆擾是相嶺雖彈丸實建南之咽喉建南雖一隅實全蜀之門戶爲安建計非留本官不可爲留本官計非加副將職銜不可蓋本官題留參將迄今已逾二年所卽副將亦應得之物况邊地勞苦猶宜破格優異乎至於本官

曾募親兵二百名未給糧餉隨從殺賊請乞具題加銜留任令本官安位行志似不可一日緩者今據該廳衛所各官師生軍民商賈合詞保留相應呈請乞將陳廷對俯從題加副總職銜移駐越雋鎮守瀘相一帶等因由詳奉批仰按察司會同布政司覆議詳報奉此又蒙巡按溫御史批該本道呈同前事蒙批按察司會同布政司覆議通詳繳蒙此隨經備移布政司會議去後隨准照會回稱該本司左布政使林宰看得建南極邊苗患匪細而相嶺瀘沽等處尤番獠出沒不常鎮壓將官

督蜀疏草

卷之九

五

不可一日缺人今陞任參將陳廷對標格瓊枝玉樹胸中紫電青霜勇敵萬人材當一面醜存出沒該參常以單騎突至麾所部驅之衆皆披靡行旅無阻賓至如歸隱然窮微一長城也加銜鎮守人地兩宜等因移司准此該本司按察使李守俊看得建南爲全蜀肘腋相嶺實建南咽喉滇黔商旅之通衢本省往還之要路向來番獠縱橫遂致道路梗澀陳參將奉文受事捐資召募親冒矢石寨苗畏縮商民安堵穀擊有摩不稱畏道皆本官之力也一聞他轉兩省界民如失所恃官爲地方

留賢民爲桑梓借寇似宜准從合無將陳廷對題留加副總職銜移駐越嶲鎮守相連一帶要隘等因由詳前來又據按察司呈奉臣批據本司呈爲傳奉事奉臣批據長史司呈奉蜀王令旨說與長史適值朔之期據五衛掌印指揮鎮撫千百戶經歷知事武舉官生三學生員四門鄉耆軍餘人等連本同詞共稱周部閫清廉博愛德政淪洽人心碩抱宏猷功業昭著西土千方念凋殘之後幸際賢明保障不惟深獲庇乎軍民抑且大有裨於藩府正欲藉表揚於兩臺豈意首掄推於部選第

督蜀疏草

卷之九

五

念莅任未幾俄然喬轉官民缺望激切文留頌聲盈庭情出一轍恁該司卽將所啓本呈備詳中達兩院司道惟希體念地方多故垂允輿論諄懇題加爵秩鎮寧蜀境官民攸賴藩封幸甚等因到司敬此敬遵案照先據成都五衛掌印指揮唐蓋劉安國何鼎李嗣裕辛邦璽等坐營守備徐之龍等操捕把總郭承勳等十四員十二所掌印指揮薛之植等十九員武舉張紹武張希良耆老顧通等全啓爲保留賢能以安全蜀以實戎政事又據成都五衛看守西門城指揮千百戶陳光裕龔

孟龍邵宏等啓爲叩主恩從預留武弁以再撫育事又據五衛經歷知事齊以禮七員啓爲預留久任以裨仁政以重軍命事又據三學生員高虞易翼孔等并五衛官生張紹成等五十名啓爲爲國留賢以培邦本事又據四門看守門軍并五衛鄉耆劉繼昌等二千餘名訴爲懇天備達預留印主以益地方以快輿情事據等情遵奉前項令旨到司該本司左右長史曹大受母習吉看得當凋殘之後都閫寄戎之司嚴防守浚城渠治軍旅責良重也今觀五衛多官三學諸生及四門鄉耆等

督蜀疏草

卷之九

五

保留周都閫呈詞累牘聯篇同舌共贊如所云胸藏萬甲氣雄千軍則韓范之威名也禮遇僚屬延攬賓朋則姬旦之吐握也革常規損紙牘行無票取則劉寵之清也公聽斷嚴賞罰庭無留訟則穆公之才敏也他如賑貧乏而給之糧米憫死亡而畀之棺衾雖發倉助麥之仁慈不是過矣課應璫而俾閑弓馬督軍士而令熟習鈐卽嘗膽臥薪之勤苦其能尚乎種種善政不可縷數誠哉千里之干城而一方之保障也乃莅任未盈一期部臺已經陪點恐一旦喬轉則他邦之雨露一新而我

蜀之甘棠徒咏此官紳士庶所以同心而控之蜀主也
惟是蜀主正欲藉金湯以蔽藩屏又安得不轉而仰託
於本院乎伏乞俯順官民之請仰體睿上之意恩賜預
留久任昔韋臯節度西土郭進鎮守西山俱多歷年所
今獨不可倣而行之乎等因由詳奉批仰按察司查議
報奉此又蒙巡按溫御史批同前事蒙批周都關一經
陪推士民遽爾合詞保留惟恐失之且致藩邸慮念可
稱民之司命國之干城矣按察司查議報蒙此該本司
看得四川都指揮使司掌印都司周官知勇足備文武

督蜀疏草

卷之九

卒

兼全恩威大洽衆心岷嶓恃爲保障官軍士民親藩蜀
府一聞別轉益切瞻依合詞請留非本官之賢能而能
得人若是似應留之久任以慰藩封而快輿情者也但
本官近雖有永寧之報恐尚未的合無俟其的報到日
代爲題請施行由詳奉批該關推陞未有的據俟真報
到日議留未晚也如議行繳奉此又蒙巡按溫御史批
同前事蒙批周都關陞轉未見邸報俟報日會議題留
繳蒙此遵照外續蒙按院憲牌照得四川掌印都司周
官望隆鎖鑰胸甲兵詰戎壁壘政觀馭士恩威並濟

誠將林之赤幟武庫之白眉也前以陪推參將隨該蜀
藩士庶同聲預借具呈按察司詳請前來該本院批候
有的報至日會議題留今照本官業開報轉合行議留
久任以安地方知會軍門外仰司呈堂行令該司照舊
任事料理屯政軍務練兵繕器保障會城該司仍查照
原詳會同布政司查議妥確通詳以憑會題蒙此備移
布政司查議隨准回稱該本司林左布政使看得都司
周官貌著鷹揚胸蟠豹畧任事有果毅之氣撫軍洽轡
續之恩該司近報陞永寧參將查永寧之衙門爲墟懷

督蜀疏草

卷之九

卒

材徒置之無用且軍前之效用已衆旅進亦等之投閑
省會重地似應以新銜管都司事其於詰戎兵而固金
湯實有裨益等因回覆到司准此又該本司李按察使
覆看得都司周官沉雄天賦機知風生分甘士卒傾心
傳令偏裨用命川西屏翰省會干城方今永寧諸將如
雲益之不足爲重會城寥寥虛弱去之不無可虞委應
議留以安重地既經移會前來相應呈請合候會題以
新銜仍管該司印務藩封幸甚地方幸甚等因通詳到
臣據此爲照建昌參將陳廷對掌印都司周官一以建

南相領滇道疏通番猥軍民相習畏服行旅無恐該道以乞賜題留鎮請一以省會保障修添繕器官軍士庶及藩府以賢能二司以留任請臣豈不知爲地方留二官以安內攘外爲心然題留將領誠爲撫綏至計第恐冒侵撓之嫌二官不無抱維谷之嘆今准按臣會稿以永寧無參將衙門無稟餉從役又有總鎮將領鎮其地而會城軍民殷殷保留若陳參將不但建邊士民商旅該道詳懇即滇中兩院士紳亦移書更切等因移會到臣該臣會同巡按四川監察御史溫臯謨看得建南

督蜀疏草

卷之九

奎

番猥跳梁爲害叵測而相嶺瀘沽一帶尤爲要害原任建昌行都司僉書題加參將照舊管事今改廣西永寧參將陳廷對額略素裕保障有方自任事以來道路疏通番猥畏避滇蜀行旅人人見德此真寒續儉粟不可一日離地方者查得越嶲原係總鎮駐劄之地自黃守魁過變之後兵戈倥偬一向虛位即今苗土掃清大將未能遽移合無以本官加陞副總兵駐劄越嶲仍兼操捕事務自會川起至大渡河止相沽一帶俱聽料理節制一切地方苗情一併責成本官至於增置俸薪柴馬

門皂等項應用俱聽該道另議原本官益感激思奮而所裨危邊亦不細矣至於原任都司今陞參將周官持已冰霜令寒刁斗錦官承亂之後緝奸訓練薄濠茸城治器實伍勞瘁委屬不虛又能約已奉法不但衛所官軍恐留情切即藩王亦爲地方請留查本官之轉永寧稟給供餉出自蘭之土司隨從等項俱係雜流應役今廓清草定無從編派衙宇煨燼銜位若虛合無姑候事寧大將議更之後另爲請設參將本官以新陞職銜仍管都司事務誠有如按臣目擊時艱之確論也既經該

督蜀疏草

卷之九

奎

司議詳前來理合具題伏乞勅下兵部再加查議覆請將參將陳廷對加陞副總兵職銜仍舊管理操捕事務鎮守瀘州一帶其原陞廣西參將員缺聽另推補周官以新陞參將職銜仍舊管理都司事務其原陞之缺俟事平總兵更議之後另行推補庶於輿情地方大有裨益矣謹題請旨天啓四年六月初八日上奉聖旨

司道援例請封疏

題爲皇恩未逮勞臣向隅懇乞援例代題以廣同仁以
隆孝治事據布政使司呈奉臣批據本司右布政新陞
偏沅巡撫李仙品左布政使閔夢得右布政使詹爾達
按察使李守俊張邦翼參政王世仁吳光義妻孔德副
使赫奕謝渭侯國張起鸞奏議來復僉事翁登彥錢時
劉可訓盧安世段師文胡平表呈稱天啓三年恭遇皇
長子誕生本年十二月二十八日接得恩詔內一款在
外方面官員五品以上歷俸二年者給與應得誥勅欽

督蜀疏草

卷之九

李

此職等歷俸俱未及二年似與詔例未合天末遠臣何
敢妄有陳乞維是人臣處多難之地則思致身以報國
人子際非常之遇則思邀榮以顯親雖鞠躬原非倖賞
而移孝實以作忠職等自赴蜀難以來同居患難之中
共竭犬馬之報或効死以守孤城或纓冠以興義旅或
收復郡邑橫身鋒鏑之場或轉戰疆場直搗虎狼之穴
或措糧置器嘔心血以供匝地之兵或嚼雪殄風窮鳥
道而挽登天之餉蓋三事俱空之國言戰言守俱爲巧
婦之炊九股側目之時居外居中盡屬貪狐之吻人人

鬚髮皆枯在在身家罔顧今幸金甌無缺又奉紫誥頒
來竊謂上可以報朝廷養士之恩下可以慰人子榮親
之念不虞俸不及期情爲例阻同患難者二十有二被
馳封者僅止兩人則是皇恩浩蕩之日草木皆霑而封
疆戮力之臣蓋帷獨靳雖鑒往轍者不欲濫與以傷恩
而鼓後效者不妨因勞以破例蓋居常則兩期不過一
瞬處變則一日可當三年此亦疾痛之所必呼而聖明
之所深隱者也查得貴州僉事李若楠等蒙彼處撫按
特題又蒙吏部議覆准給新銜誥勅兩省事同一體又

督蜀疏草

卷之九

奎

如守西道叅政戴燦以進表赴京自行陳請業已新銜
准給伏乞俯鑒微勞特賜題請俾職等各以今銜叨給
誥勅庶痛定思痛者可以忘勞而恩外霑恩者益思圖
報矣等因由詳奉批仰布政司查報奉此又蒙巡按溫
御史批同前事蒙批天末勞臣微恩成孝當亦聖明所
不靳也驗例果否可援布政司查報蒙此該本司左布
政使林宰查看得恩詔一款方面官員五品以上歷俸
二年者給與應得詔勅蓋浩蕩之中有品節焉李仙品
等歷俸尚淺誠與詔格未合但逆酋構孽絀難振古未

聞而各官効力宣勞此生罔愛護守議戰議剿卧薪膽
於鳴張系突之時督兵督餉督夫焦頭額于瘴癘炎蒸
之地捐七尺以奏三捷推陷廓清之力不敢言功出萬
死而幸一生艱危險阻之鄉委云盡瘁雖現在之筭俸
尚淺已不在歲計月計之常况前後之任事實多又非
止一朝一夕之故今者前星炳耀率土同歡身以及親
誰無烏鳥之愛情爲格沮未徵綸綍之褒宜其嘆切於
向隅而情急於叩闕也查貴州僉事李若楠等撫按具
題吏部覆給現有例在可援本省參政戴燦亦以新銜

督蜀疏草

卷之九

六

得徵曠典各官同此危疆無分勞逸聖恩同此雨露豈
有偏枯儻蒙代爲陳請准給誥勅在聖明稍推廣於格
外之恩固爲因忠以教孝在各官得徵被於格外之寵
益思移孝以作忠矣等因呈詳到臣該臣會同巡按四
川監察御史溫臯謨議照皇恩浩蕩一物不遺烏鳥私
衷更宜曲體有如布政使李仙品閔夢得等十九員歷
俸雖有參差任事均殫勞瘁或躬冒矢石拚身家於不
顧或督發轉運冒瘴癘而不辭是皆出萬死於一生較
之優遊守俸者委屬霄壤今當犁庭掃穴之時適遇錫

類推恩之典例有可援情不能已內李仙品雖已陞轉
未出蜀疆勞苦居先均當破格頒給以廣教孝勸忠之
典者也既經該司覆議又有貴州畢節道僉事李若楠
等及同官戴燦已經請給事例可援理合會題伏乞
下吏部覆議上請將李仙品閔夢得詹爾達李守俊張
邦翼王世仁吳光義髮九德赫奕謝渭侯國張起鶚來
復翁登彥錢時劉可訓盧安世段師文胡平表各照今
任職銜給與應得誥命庶曠典洪恩遐邇通濡而諸臣
得遂榮親至念將益堅報主永圖矣爲此具本謹題請

督蜀疏草

卷之九

六七

吉天啓四年六月初八日上奉聖旨

縣令給繇疏畧

題爲遵例考覈給繇官員事據四川布政使司呈奉臣批據永川縣申准本縣知縣張堯揆開稱浙江杭州府仁和縣人繇舉人云云呈乞照例會題并開具各稱職考語起送到臣該臣會同巡按四川監察御史溫臯謨考覈得永川縣知縣張堯揆才同斤運操凜霜嚴光明徇照逃亡擔荷力肩勞率本官職業俱修考居稱職除批令帶俸管事及將前後歷任行過事蹟徑自造冊差人齎繳五事冊揭行令咨送部院外查得永川縣印信

督蜀疏草

卷之九

六

天啓元年九月內遭奢賊叛亂前官遺失見經請鑄未頒該縣通詳兩院批允一應造報部院文冊俱借用巴縣印信印鈐以防奸僞理合一併具題伏乞勅下吏部將知縣張堯揆再加考覈酌議題覆施行爲此具本謹題請旨天啓四年六月初八日上奉聖旨

六次請告疏

奏爲臣病沉篤萬難供職乞恩允放免代以無悞封疆事臣至愚極陋無足比數仰荷皇上知遇二三年間恩寵渥加卽肝腦塗地不足以報萬一乃不幸力小任重福過災生二豎之祟漸入膏肓前五月初三日因控辭未允力疾起拜新命方日夜會集道府酌議兵食計圖購蜀寇而剪鄰氛汲汲孜孜不敢少寧乃六月初五日甫退後署忽然暈絕門下官李必成等集醫馬士焰劉嘉相等灌救藥俱不受至初六日天明始少甦而左手

督蜀疏草

卷之九

六

左足俱不能動履蓋已成廢人矣夫臣子報主惟此一身今方疆場多故羣卒窺伺之秋猥以臥病不起之身濫司節鉞其何以肅號令而彰捷伐臣卽不懷性命之憂奈何可貽疆場之累年來蜀境已清二逆潛遁臣豈不欲勉強旦夕以俸成功而無奈病勢沉篤何也爲此披瀝上請萬非得已伏望皇上立賜休致速選才望委任仍乞憐臣病篤特准免代俾臣得尚存一息生出藥門仰戴高厚豈有窮期臣無任激切待命之至謹具奏聞伏候勅旨天啓四年六月十八日上奉聖旨

糾劾貪縱縣令疏

題爲糾劾貪縱縣令以肅法紀事蜀值兵火民困已極所賴二三有司撫摩參養何啻救焚拯溺有如太平縣知縣馬呈祥者僻處一方罔顧三尺任情肆志民怨難堪先是本官以三年考滿通詳給縣臣頗聞其穢且徇賊公然殘劫該縣麻子園地方事尚未結臣遂駁回覆數而本官鼠量已盈狠貪無忌乖張繆戾道路駭聞儻俟計處不無留一日增民一日之害矣臣謹會同巡按四川監察御史溫臯謨將本官貪污顯跡爲皇上陳之

督蜀疏草

卷之九

三

一本官縱子馬忠繆與腹快邵九棟李詣開黃緣爲奸每日川堂傳報聽審犯人貧富因以索賄賄多則勝少則誦無則拷打通邑怨之作爲歌謠太平知縣馬呈祥信任腹快邵天王通同公子開打點黎民大小受磨殃一本縣所管三十六堡地產杉板虎皮香臍細茶花椒黃連貝母熊掌香豬等物本官每年春季票封官價差邵九棟馬茂翰等下鄉採買料取如值價十兩者止發一兩上納後仍將官價繳還以上取買物件俱發大竹河轉出漢中府發回家鄉每年約載數十船值價數百

督蜀疏草

卷之九

三

兩賠納虎皮民徐應龍萬仕儒賠納杉板民白上珠哥應龍賠納茶椒戶林起蛟陳希啓賠納香臍貝母民王守禮官士達等證一本官喪妻後假以討奴婦爲名訪得大竹河堡有客人陳大用久商不回其妻楊氏少而有姿本官卽令該堡人陳希臯作媒發財禮銀三兩硬娶入署子馬忠繆要收在房使喚本官要收做妾父子相爭攘出川堂閱縣閱傳半月後乃將楊氏退出希臯賠上財禮銀二十兩陳希臯陳啓龍證一本縣卑快民兵一百二十名鼓手十二名本官侵剋工食止給一半每名起白役二名差縱沿鄉嚇害趙九霄曾繼元等證一本縣夫馬戶係里甲輪當每年一十二號本官先索贄見每號六百虎皮一張禮物一分外上坐馬一匹凡遇迎接上司水手銀兩仍派衆馬戶代出六甲馬戶杜棟等證一本縣縣門鋪白沙鋪石塘鋪鐵礦舖司兵每舖二名自本官上任以來諭令呈報大戶應當工食分文不給計四舖共八名每年侵扣工食五十七兩六錢張友富等證一本官訪查各鄉殷實之家每家封發銀一兩取好麝子一隻送至縣堂仍令歇監快手餵養三

年約取過二百餘隻發回家鄉變價牛馬行白上珠證
一本官徵收錢糧加二取美私派侵漁歲得銀四百餘
兩排年袁耀周德證一客人王甲打死龐奇本官公子
得銀五十兩杉板一副竟自輕放後止罰罪一十八兩
蒲過時洪加明等證一排年侯之紀因會銀美餘輕少
本官故說比併錢糧即時將之紀責三十板身死侯騰
證一龐文仲因差人告拒捕拏縣將弟兄二人各責三
十板罰罪各有力弟文廣罪銀無辦收監比併三次未
及半月身死龐文仲證一賣茶小販史承光冉乾元等
督蜀疏草 卷之九 三
其七人捕兵張萬拏送到縣各罰罪銀五兩四錢茶斤
追入後衙追罪不完將七命獄死監簿禁子證一本縣
究民赴上告訴者拏回監禁打死史添祿因兵快酷害
削髮赴院告理本官差快拏回令賊犯攀搭即時打死
差人鄧九棟等證一本官新設防守坊長三十六名徑
自給賞冠帶每名索土儀香臍虎皮禮物二十四兩禮
厚者卽令川堂待茶免差間有禮薄者多遣苦差撻求
百端吹毛求疵陳希臯證本官以日暮途窮惟利是視
格外誅求無微不至且家政不肅官守貪婪自應照貪

例革職爲民者也伏乞勅下吏部再加查訪如果臣言
不謬覆議上請將知縣馬呈祥照貪例革職爲民遺下
員缺速行銓補庶貪邪之官少儆而於吏治民生亦有
裨矣爲此具本謹題請旨天啓四年六月十八日上奉
聖旨

督蜀疏草

卷之九

七三

少師朱襄毅公督蜀疏草卷之十

議留朝覲官員疏

欽差總督四川兼制湖廣荊岳鄧襄四府陝西漢中一府軍務策應緩急督理糧餉兼巡撫四川等處地方兵部左侍郎兼都察院右都御史臣朱燮元謹題爲戎馬未息料理需人議留入覲官員以安地方事據四川布政使司呈奉臣紙牌照得朝覲大典羣牧四朝述職之意惟是蜀值大難以來事雖稍寧黔警狎至戎馬未遑

督蜀疏草

卷之十

一

四郊多壘或借材於監紀督餉或專責於奠服保安更有轉餉四方奔走行伍如叙瀘渝遵一帶最當其衝者不得不議留一二以資其事及查部文有事情重大不可一日缺正官者聽臨期酌量奏留合行查議除會按院外仰司官吏即查九府六州各縣某某地方有何重大事件某某地方近奉軍旅某某見在監紀督餉應否議留正官以資料理逐一查確通詳以憑會題留任其人不得託故保留致妨大典等因奉此又蒙巡按溫御史憲牌前事蒙此俱經通行各府州縣查議去後隨准

兵巡下川東下川南遵義道各牒及合屬申覆到司該

本司右布政使詹爾達議照有司正官三年一覲大典也地方無事自宜恪守成憲孰敢輕議乞留惟是蜀自蘭首犯順東西南三道郡邑多被殘破而派夫徵餉今經三載間閭十室九空溝瘠剝肌及髓真有不忍見聞者况加之旱魃爲祟瘟疫頻行流移死殣又復強半所藉以出之湯火沃之清冷少緩須臾之死再圖樂利之生者非議留正官多方撫輯無足以爲之地矣且蘭土雖清而援黔善後更資多官分理蓋毒流四境非止一

督蜀疏草

卷之十

二

隅而多一官之留卽獲一官之用合無請乞本部院軫念蜀省多事資人分理黔省需援用官益切俯從道府所議將成都府知府許士奇叙州府知府劉澤大重慶府知府余新民馬湖府知府鄭朝棟龍安府知府伍元正夔州府知府史贊舜遵義府知府胡悅安嘉定州知州李一鳳詹州知州吳璣瀘州知州王新民合州知州呂應熊涪州知州朱毅臣長壽縣知縣徐爾一江安縣知縣陳龍光大足縣知縣鄭元凱永川縣知縣張堯揆榮昌縣知縣李雲衡聞中縣知縣周維光安岳縣知縣

趙民戴遵義縣知縣丘可恒俱留在任料理一應本冊差吏齋部再照遵義府屬綏桐二縣典史未補遵義縣典史胡一家憑尚未到仁懷縣典史石菊士民保留邊地無官併乞免覲且四縣文案燬燼一應文冊併乞免造等因回覆到臣該臣會同巡按四川監察御史溫臯議照得入覲大典理當恪遵遠方小臣得仰天顏而祝聖壽尤所踴躍者顧事勢偶有不同成例自難拘執就蜀論之蘭局未結黔事中變建南松潘處處告警此何等時也各官往返多至經年代署匪人百務俱廢臣

督蜀疏草

卷之十

三

等將何所責成以措手足乎即不敢一槩議留其關係喫緊不容一日離於地方者如成都府知府許士奇重慶府知府余新民當東西倥偬之衝值兵火傷殘之後催餉理器百責交萃叙州府知府劉澤大遍鄰諸苗營信時至馬湖府知府鄭朝棟尚在軍中未便離局夔州府知府史贊舜爲楚蜀咽喉近經黔省招兵亟資彈壓龍安府知府伍元正爲松潘要衝時下蠻苗跋扈正賴安輯遵義府知府胡悅安尚在綦江督理糧餉瀘州知州王新民眉州知州吳瓚涪州知州朱毅臣合州知州

呂應能皆爲沿江孔道理餉押兵頃刻難移嘉定州知州李一鳳係建南要道時方集兵不可缺官大足縣知縣鄭元凱永川縣知縣張堯揆榮昌縣知縣李雲衢安岳縣知縣趙民戴長壽縣知縣徐爾一江安縣知縣陳龍光均係殘破之後亟資撫輯而調兵催餉俱有分委關中縣知縣周維光秦蜀極衝地方多事遵義縣知縣丘可恒因府城殘燬尚借居綏陽以上七府五州八縣勢所不得不留者遵義典史胡一家仁懷縣典史石菊該司既以邊地乏人理合一併具題伏乞勅下吏部覆

督蜀疏草

卷之十

四

議上請將知府許士奇余新民劉澤大鄭朝棟伍元正史贊舜胡悅安知州王新民吳瓚李一鳳呂應熊朱毅臣知縣徐爾一陳龍光周維光鄭元凱張堯揆李雲衢趙民戴丘可恒典史胡一家石菊俱免應朝行臣轉行各官遵照庶事有責成而疆圉諸務不致廢弛矣其各官事蹟賢否容臣行令造冊差首領同吏徑齋部院以俟查處至於遵義綏陽桐梓仁懷四縣止造簡明文冊差吏齋部爲此具本謹題請旨天啓四年六月十九日上奉聖旨

開銷帑金楚餉疏

題爲恭報前後收支兌發帑金楚餉數目以便開銷事
蜀苦援遼帑藏盡那酋變以來公私一洗前後蒙皇上
發帑戶部兌解及徑動楚餉留四川應解銀兩爲數頗
多然始發者有前督臣與郎撫太僕支用繼發者又奉
明旨量撥通融其留用一項各有司俱稱預支那借首
變之後奉旨蠲免徒有虛數未得實濟蓋戶部咨發則
曰四川發難以來前後發兌動支銀一百七十萬有奇
而收支應用則郎撫領過帑金楚餉前後共三十萬一
督蜀疏草 卷之十 五

千有奇太僕領過五萬前督臣疏開四十五萬外又給
泰明屏及轉解辰常者八萬共筭五十三萬其後明旨
一日通融一日量撥與夫目下拖欠實計臣接任以來
收過兩京帑金楚餉共三十三萬二千零時以援黔請
餉臣於疏中畧一點明收過實數及後督餉御史入楚
憐蜀困乏催督藩司二起又共解九萬四千五百二十
三兩四錢七分一毫總而計之臣前後實收京帑楚餉
共銀四十二萬二千五百二十三兩四錢七分有奇今
南京戶部實欠五萬兩湖廣布政司實欠一十四萬八

千一百八兩三錢八分三釐九毫三絲三忽九微一塵
六纖該司曾報差官方蔭枝領解五萬兩入蜀但至今
未到除留川省錢糧三十二萬零見在委官盤查另疏
奏聞頃者臺省文章謂蜀帑當查而臣病苦行間亦不
得不先爲列數開報備查五路討蘭之兵十六萬六千
有奇自天啓二年九月至三年五月取永寧後始汰去
六萬六千留用十萬又自天啓四年二月搗巢援黔之
後汰去五萬祇留五萬若按日給直其費不貲每每鼓
以上賞激以雪憤有數月無糧不敢譁者一切收發道

督蜀疏草

卷之十

六

府取有印信實收支則俱由道府取有印信文領在卷
斷不敢朦朧草率泥沙濫用其細數文冊俟另同本省
用過錢糧分別造冊具奏外謹先列收支拖欠轉解總
撤數目開坐上聞伏乞勅下戶部銷籌未完者俯賜催
發施行至於前督臣私借河南絲價銀兩臣因接管時
三軍告糧急如星火無銀應手只得行重慶府於前項
絲價內借支二萬兩散給遵義兵士今准河南撫臣咨
催但蜀中疲困已極前銀實難措還併乞勅部開銷轉
行河南四川知會緣係恭報前後收支兌發帑金楚餉

數目以便開銷事理未敢擅便爲此具本謹題請旨

計開

一前後發兩京帑共一百零六萬兩

耶陽撫臣楊述中二起領過十五萬兩

太僕劉時俊領過五萬兩

前督臣張我績疏開各起解到支用共四十

五萬兩

查前督臣疏云四十五萬內一發十一萬兩

收貯四川布政司聽臣支用銷算行據布

督蜀疏草

卷之十

七

政司回稱前督臣支一萬兩解遵義道散

給官兵訖天啓二年三四兩月分又奉兩

院四起批允共動支二萬四千三百七十

九兩九分解上川東道給散取渝漢土官

兵并加銜副將秦明屏推官胡平表石砬

土司領作前兩月糧餉取有印領在卷又

於本年三四五月又奉臣與按臣陸續批

允共動支九萬五千六百二十兩九錢一

分解川南道取叙瀘建武一帶官兵領作

前三箇月月糧取有印領在卷以上雖曰

聽臣搗巢支用實在前督臣調遣攻取月

日內已支用無存

又查前督臣疏云四十五萬內進士李春旺

解蜀銀五萬兩到夔椒發夔州府分解納

繕建武合江遵義四路俟搗巢完日聽四

川撫臣銷算行據夔州府回稱前銀又奉

前督臣於內取一萬兩轉解辰常止有四

萬兩照文分解各路餉道補給官兵已前

督蜀疏草

卷之十

八

歷過月糧訖取有印信領狀在卷

又查疏開支剩帑銀一百八十五兩零九分

見貯合州庫查此銀見存未動以上各款

共算領用帑金六十五萬兩尚該四十一

萬兩

臣接管以來天啓二年十月十四日收評事

曾守身解五萬兩三年二月十五日主事

王儀解六萬兩三年十一月十三日南京

戶部差官呂希望丁世臣解五萬兩共收

十六萬兩行據布政司并督餉道查收動
給官兵歷過月糧訖取有印收領狀在卷
其餘准戶部咨稱三起兌留於楚派新餉
內抵解四川銀共二十五萬兩此前後發
兩京帑共一百零六萬之數也其兌於
楚者流入下款開報

一前後兌發徑動湖廣餉銀共五十三萬五千
二百四十一兩連上款流下兌帑二十五
萬兩共七十八萬五千二百四十一兩查

督蜀疏草

卷之十

九

戶部議奉明旨於後發楚餉銀二十三萬
五千四百二十一兩內題奉聖旨批定量
撥十萬兩與四川於內又開除一十三萬
五千四百二十一兩訖

湖廣前後實計該六十五萬兩解蜀

鄧撫三起支用過十五萬一千七百二十六

兩三錢二分一釐九毫六絲六忽八塵四

纖

前督臣支過一萬八百兩給秦兵援黔又支

一萬九千二百兩又支五萬兩解轉辰常
以上共用過八萬兩

湖廣布政司冊報前督臣并鄧撫太僕又共
支徑用過三千六百一十六兩七錢九分
四釐一毫此項臣不知其故應行該省查
確以上各款支用開除銀二十四萬五千
三百四十三兩一錢一分六釐六絲六忽
八塵四纖尚該四十一萬四千六百五十
六兩八錢八分三釐九毫三絲三忽九微

督蜀疏草

卷之十

十

一塵六纖

臣接管以來天啓三年二月初三日收該省
布政司差官林應舉解三萬兩三年五月
初六日差官馮天寵王尚賢解六千兩三
年六月十二日差官顧言許國柱解八千
兩三年九月初二日差官王三聘解六千
兩三年九月初八日差官余國傑解二萬
兩四年正月二十八日差官林應舉又解
五萬兩四年三月十四日差官陳嘉言解

五萬二千二十五兩二分九釐九毫臣具疏後又該督餉按臣部臣催督差官謝繼安於四年五月初六日解四萬四千五百二十三兩四錢七分一毫四年七月初三日差官唐宗瑤解五萬兩九起共收銀二十六萬六千五百四十八兩五錢行據叙州府重慶府瀘州秤收明白取有印信庫收陸續據各道府請詳支散各路官兵歷過月糧訖取有印信支領在卷

督蜀疏草

卷之十

土

一湖廣尚欠一十四萬八千一百八兩三錢八分三釐九毫三絲三忽九微一座六纖據該司文報數內又差官方蔭枝領解五萬兩但至今未到

一南京戶部欠銀五萬兩未解總計臣接管起實支用過帑金楚餉共四十二萬六千五百四十八兩五錢又借用前督臣私借河南絲價銀二萬兩併請開銷通行遵照天啓四年七月二十六日上奉聖旨

縣令給由疏

題為遵例考覈給由官員事據四川布政使司呈奉臣批據德陽縣申准本縣知縣李應元關稱見年三十六歲直隸真定府趙州人由舉人泰昌元年十月二十五日除授今職天啓元年四月初六日到任扣該天啓四年三月初五日連闕歷俸三年任滿例應給由照詳奉批仰布政司查報奉此又蒙巡按溫御史批同前事蒙批布政司查報蒙此行准按察司守巡鹽法等道各咨牒回稱查得本官委於前項年月日期到任歷俸考滿

督蜀疏草

卷之十

三

任內徵收錢糧鹽課清勾軍伍積貯稻穀五事實政俱已足額修舉委官盤量無異應准給由開具經薦稱職詞語起送到臣卷查先准吏部咨為酌議考課之法以肅吏治事內開今後府州縣正官給由免其赴京聽撫按官從公考覈賢否具奏先令就彼復職管事牌冊差人齎繳其稱職經薦應得誥勅命者照例請給其平常不稱職者部院會同酌處又准吏部咨為酌時宜陳愚見等事內開遇有方面有司官考滿從公考覈據實直書分別稱職平常不稱職三等填註考語具題給由以

憑本部議處又准都察院咨爲治平要務急在保民等事內開省直撫按遇郡縣各官考滿總將二六九年修舉過五事實政覈實造冊定稱職平常不稱職之差等另報部院各等因俱題奉欽依移咨通行在卷今據前因該臣會同巡按四川監察御史溫學謨考覈得德陽縣知縣李應元勵精任事砥節愛民解圍功著臨戎署篆名高飭法本官職業俱修考居稱職除批令帶休管事任內行過事蹟徑自造冊差人齎繳五事冊摺行令咨送部院外理合具題伏乞勅下吏部將知縣李應元

督蜀疏草

卷之十

三

再加考覈酌議題覆施行爲此具本謹題請旨天啓四年七月二十六日上奉聖旨吏部知道

議補鎮道中軍疏

題爲議補鎮道中軍旗鼓以重事權事據監軍道俞事劉可訓呈奉臣批據總兵李維新呈稱各鎮奉例設立中軍旗鼓已久獨本職員下未補查得加銜參將張洪烈加銜守備趙瓚才勇兼備功苦並隆乞將二官俱授以守備署都指揮僉事張洪烈管職標下中軍事趙瓚管職標下旗鼓事以資援黔等因奉批仰監軍道查報奉此隨移該鎮回稱新設中軍旗鼓戎政便覽中如九邊廣東福建山東俱係題授實職況職銜門體統頗隆

督蜀疏草

卷之十

四

責任更重兼值師旅繁興之際用人爲急請乞俯念二官從征日久屢屢斬功有據轉達具題等因到道該僉事劉可訓看得總鎮標下中軍旗鼓二員承平之日向從材官聽該鎮自爲選用今當戎馬倥傯之際據該鎮回稱近日新例九邊廣東福建等處俱已備員則該鎮中軍旗鼓固可援例卽以二官填補矣請乞俯念二官從戎兩年屢戰功苦題授前項員缺令其督兵援黔以酬其勞以資厥事等因到臣臣以蜀中鎮道皆在軍前新設中軍旗鼓勢不可缺乃於身親血戰從征有功各

官內揀選陸續咨補如重慶衛指揮馮世修從征日久勞苦居多曾咨補兵巡上川東道中軍守備叙南衛指揮魯希聖取永揭蘭屢著勞績曾咨補叙馬瀘兵備道中軍守備加銜守備王胤昌攻渝復瀘功績繁夥曾咨補兵巡下川南道中軍守備保寧所指揮蕭鳴鳳傳宣戰守功著解圍曾咨補安綿兵備道中軍守備至今俱未議覆今據道鎮開稱張洪烈趙贊二官者向隨鎮臣攻青山取永寧破古蘭揭龍場每每身先血戰破敵摧鋒斬功有據者也况道鎮中軍旗鼓俱奉有明例而各

督蜀疏草

卷之十

五

該衙門又見在軍前需人料理之時既經議詳前來相應一併具題伏乞勅下兵部再加查議請將張洪烈補總兵官標下中軍趙贊補旗鼓馮世修補兵巡上川東道下中軍魯希聖補叙馬瀘道下中軍王胤昌補兵巡下川南道下中軍蕭鳴鳳補安綿兵備道下中軍各加以守備署都指揮僉事職銜體統行事填給憑劄俱行臣轉行各該衙門遵照行令各官任事俾道鎮諸臣有所助勤而血戰才勇之士愈奮力報効矣為此具本謹題請旨天啓四年七月二十六日上奉聖旨

議裁守渝副總守備疏

題為議裁冗官以省浮費事據四川布政使司呈奉臣批據協守四川重慶副總兵魯應魁呈請原給操賞等項由詳該本司林左布政使查得本官每歲計算庫給公費紙劄等項該銀一千四百四十餘兩當時前部院在我馬倥偬之中需人彈壓動支軍餉今本官到任要援松潘副總事例支給今民窮財盡之日似難全允合無量支四分之一隨候議處等因由詳奉批渝城舊不設將今無衙門無軍兵一切供應將從何處措辦則此

督蜀疏草

卷之一

六

官似亦可裁仰會同按察司查議詳報奉此又蒙巡按溫御史批據該司呈同前事蒙批覆與嚴邊倥偬與承平自難相提而論亦該協所相諒者謂刑裁省在該司酌之蒙此俱經移會按察司并巡上東道查議去後隨准牒稱該本司按察使李守俊看得渝城向來原不設將一切衙門軍兵供應措辦艱難矧兵火之餘惟節省為惠是時永遵防禦周備此官委似可裁以省冗費等因又准兵巡上川東道牒稱該本道左布政使閔夢得看得渝城初復之日賊勢尤甚人情尚多疏窺蒙前

部院題設副總以防禦之第今逆酋進竄蘭土廓清已大非昔日景象况重慶舊殘破之後小民膏髓已竭若復添將添兵一切供億安從取給且向無額設衙門僦居民房於體甚藝日逐需用捐費自備於力難支至於防兵二千五百名計一歲應給月糧幾二萬兩斷非子遺之民所能辦者此官委屬可裁如魯副總壯志橫雲一鄂雄才吞海六鰲志切擒酋廉能驅鬼以彼長才而置之散地深為可惜本官亦屢具文請改他任伏乞具題另行推用尤愛惜人才之至意也副總之外尚設有

督蜀疏草

卷之十

七

守備一員專為操練兵馬防守城池今奉部文兵巡衙門銓註中軍守備則操練事務正其職掌似不必復添蛇足以耗民財相應一體併裁各等因備牒到司該本司右布政使詹爾達看得古渝腹裏近地從來未有兵將之設頃緣恢復之後永遵未靖思慮嚴防觀變修武故用魯副將協守一時權宜計耳今蘭土既已廓清則屯駐非關要害時移局換暫設顧可久仍乎况一切供應為費不貲公私交困安從措辦且以本官干城之器置之閒曠之地亦非所宜其員下練兵守備一體併裁

似應如議俯賜具題另銓亦節冗佐虛需材善任之道也等因通詳到臣該臣會同巡按四川監察御史溫鼎謨議照得重慶增設副總鎮守蓋當時郡城初復人心未定且虞遵永二面賊黨出沒故責令彈壓耳頃者地方稍寧冗兵漸撤本官居無衙門部鮮兵卒留兵二千五百歲費二萬餘金此項錢糧實難措處與其虛拘而自食大裘體統不若議裁俾本官得別地奮揚以展其才略實兩便之策也其標下練兵事務已經咨議該道添設中軍守備料理允應併裁既經議詳前來理合具

督蜀疏草

卷之十

六

題伏乞勅下兵部再加直議覆請將重慶府原議增設協守副總兵及標下練兵守備員缺與夫增置兵士盡行裁省魯應魁歷俸已久別為陸續補地方行臣等遵照施行為此具本謹題請旨天啓四年七月二十六日上奉聖旨兵部知道該本部覆奉聖旨是

咨補都司僉書李必茂

爲僉書懸缺日久特舉將材推補以便委用事四川都司僉書陳壯猷奉補年餘至今未任屢詢本官見在黔省効用未便離局於法於例均當另補今蜀方倥偬之秋需材爲急查得標下旗鼓守備李必茂才名烜赫意氣騰驤論兵六出遜奇揮槩萬人必往自解圍破敵與夫人敘恢瀘本官晝夜辛勤料理咸當迄今四年薦經七次查據敘功條例本應優擢况當援黔赴敵之時尤英雄用武之地合無暫照常格陞本省都司僉書頂補

督蜀疏草

卷之十

五

陳壯猷員缺俾得借此名銜就便委用宣勞異域庶意氣益奮而我旅有賴矣其標下旗鼓員缺伏候另行推補合咨本部煩請查照具題將李必茂陞補都司僉書陳壯猷員缺給劄任事標下旗鼓員缺另候推補施行
天啓四年七月二十六日咨兵部

就近陞補監司疏

題爲重地急缺道臣酌議就近陞補以資戎馬事天啓四年七月初二日據納谿縣申報四川布政司分守下川南道副使加陞一級赫奕向以代理總餉住居江濱陞於六月二十九日染疾身故印信吏卷理合封解等因已經另疏請卹本月二十五日又據四川按察司叙馬瀘道副使侯國詳稱難患日深兼以妻亡子病勢甚危篤萬難供職乞賜代題放歸等因據此臣批該道調理日久自當勿藥何又以病請也疆場務重彈壓需材

督蜀疏草

卷之十

三

仰安心任事繳至本月二十四日據叙州府申稱叙瀘道侯副使實因病重將印信文卷於八月二十日徑交本府貯庫起行回籍訖等因查得本官既經離任必難挽留惟是川南地方界在烏撒烏蒙東川鎮雄永寧環列之衝而馬湖一府諸苗錯峙逼近建南彈壓撫綏惟道臣是藉近者二逆雖經窮竄而睥睨窺伺之志尚未能忘群奸乘間造言不日來取永寧舊物則口欲抄叙馬上流卽今出哨將領擒獲細作供稱兩酋見糾水西烏撒苗兵欲行大逞而料理援黔諸務又一日難缺查

通省監司如巡上東道布政閱夢得守上南道參議錢
時以齋捧行新推守東之姚祚端遵義之廉第威茂之
張法孔巡上南之史樹德等俱未履任殊難借才惟巡
下南道副使許士奇蒞任方新然與臣同駐瀘陽止可
料理瀘合二路臣知近來令甲新頒不敢煩聒然軍旅
戒嚴非可同尋常寢閣者又不得不亟爲議請必得就
便陞補庶幾朝奉命而夕任事輕車就熟便於責成謹
查其資俸相應勞苦素著堪以陞任者如叙州府知府
劉澤大千尋勳節萬斛雄才當二逆來犯之日正本官

督蜀疏草

卷之十

三

蒞任之初脩城置器理餉治兵允稱叙南一大保障及
今調停土司查覈奸宄節省餉銀三萬餘金皆有成績
爲士民所愛戴而不忍釋者馬湖府知府鄭朝棟經濟
大才清嚴真品向以監理沐川平吞泥蠻四司土兵初
戰於高縣再戰於長寧與夫取永揭蘭二年來無不身
先士卒躬冒矢石蓋與原任道臣李仙品布政閱夢得
僉事劉可訓矢心共濟厥事者至今尚在永寧收支軍
餉而馬湖土兵惟本官能約束之以上二官查俸二年
以上例得序轉况其勞績表表軍民倚重臣謹會同巡

按四川監察御史溫臯謨合詞上請伏乞勅下吏部再
加查議如果臣言不謬將副使侯國准令致仕回籍將
知府劉澤大加陞四川按察司副使兼叅議職銜填補
分守下川南道鄭朝棟加陞按察司副使填補叙馬瀘
兵備道各員缺庶軍前諸務不至廢弛其於安民攘奪
有攸賴矣爲此具本謹題請旨天啓四年九月十六日
上奉聖旨該部知道

督蜀疏草

卷之十

三

優卹總餉道臣疏

題爲亟缺方面官員併議卹典以慰忠魂事據四川布政使司呈奉臣批據兵巡下川南道呈奉臣紙牌據納谿縣申報分守下川南道副使加陞一級赫奕於天啓四年六月二十九日病故緣由據此查得赫大衆守絕一塵事經萬苦不但十年來爲蜀之勞臣卽總餉一事拮据轉運于水陸蒞方尤屬盡瘁仰道卽查赫參政作何優卹有無往例相符具由通詳定奪奉此該本道參政王世仁看得已故見在行間督餉分守下南道加陞

督蜀疏草

卷之十

三

參政赫奕稜稜峻骨翼翼小心受事於島嶼叛亂之時督餉於地方殘破之日以催科而兼撫字擢脇嘔肝由儲峙而更轉輸梯山航海飲水茹糗些些不染塵埃握筭持籌粒粒可憐辛苦駐勞草也誅茅而屋疊土而床相依者藐焉一孫進永寧也蠻煙如幕瘴雨如綿從死者歷茲數數僕鞠躬盡瘁六師士飽馬騰竭力從征九伐兇酬恥雪何天不佑臨敵而公風波幸脫於黃泉雪霜卒銷夫白骨道路辛酸山川黯淡可謂真忠真廉至勞至苦者也切照各官之功在軍興者有不次之擢死於

王事者有從優之典請乞照例具題以昭國典以勵臣忠等因由詳奉批仰布政司覆查議報奉此又蒙巡按溫御史批該道呈同前事業批布政司查議報蒙此該本司右布政使詹爾遠看得該道節堅茹淡諒切急公綜理兵精助勤時變跋涉不避艱險馳驅常衝瘴癘積勞成瘁積瘁成病殫力盡忠溘然朝露官囊羞澁旅視淒清琴鶴都成助慘風雲若爲含哀查得征播時監軍參政張棟病故行間前總督李化龍具題贈厝廟祀今赫參政以死勤事勲勞懋著卹典自宜優厚以慰忠魂

督蜀疏草

卷之十

三

等因通詳到臣查得大明會典款開在外交武官員不拘品級其以死勤事者卹典取自上裁又一款開查有軍旅勲勞懋著者卹典自宜加厚等因遵照外今據前因該臣會同巡按四川監察御史溫臯謨看得分守下川南道副使加陞一級赫奕幹濟盟天矢日操持嚼雪殫水志切匡時材長經國在蜀十年清操素著自遭首變卽專督餉深入不毛之地久處瘴癘之場歷勞受傷病竟不起行道之人皆爲隕涕該道原係節制四合水陸衝要之地最爲吃緊臣已另疏具題乞補外第本官

粹勳等運積勞日久功當紀錄死實堪憐且與會典軍
旅身職之例昭合理合具題伏乞勅下該部再加覆議
上請將道臣赫奕查例從優褒卹用表忠貞庶幽魂感
佩而勞臣益知激奮矣為此具本謹題請旨天啓四年
九月十六日上奉聖旨該部知道

督蜀疏草

卷之十

五

恭報建南始募情形疏

題爲恭報建南情形併議剿撫機宜查叅始募官員以
安邊圉事天啓四年正月二十二日據建昌道詳文據
行都司掌印都司吳國輔報據團練朱一龍報熱水苗
人白歪報說有僧兩人假以募化通同奢賓妻兄苗目
安世咱爲叛等情遂將世咱擒解到道轉解前來臣令
譯者面加細審與二逆聯姻是的通同之情不肯招承
暫發瀘州羈候又據該道詳稱二月初九日沈渣桐槽
熱水等處叛苗哨聚燒劫南山砦等處該叅將陳廷對

督蜀疏草

卷之十

美

率兵至乾海子斬級五顆奪回男婦牛豬給主訖至十
三日又報苗賊復出廷對止帶團操百總周文魁家丁
四名併僕二人前至鄧家壩各苗四路齊出廷對身受
兩箭折齒破舌周文魁被砍一刀被射一箭各家丁俱
中箭殺出重圍等因又據建昌鎮南千總張盡忠等塘
報五月初四五等日建昌道調刺兵屬剿捕擒不意行
都司誤聽用苗攻苗苗兵在先官兵繼後入苗營三日
之程深入拖卜苗巢人困馬乏忽被苗賊內外衝突陣
亡名色千總張其業黃可進廖應武任守同等官兵二

十餘名本道晝夜籌畫捐俸糴餉以致聲息不通各陸續呈報到臣即馬上飛檄上南道僉事錢時於就近衛所調取守備葉達枝土官馬應乾等會遊擊陳謨率兵一千五百名前去協防又於永寧善後兵內揀撥將官羅文才羅連龍鄔廷高兵五百名兼程前去同陳廷對陳謨等前議撫諭開通道路及行布政司發餉措辦軍火器具一而行按察司查究失事員役隨於善後勢必留兵疏內上聞臣又聞滇省按臣朱國禎詔使藩士遊學臣楊師孔等與典試二主考時將入滇又檄總兵李

督蜀疏草

卷之十

三

維新分發僉書鄧懋官領兵二千星馳赴該路一面護送疏道一面相機剿撫間主考二臣奉命中返至七月二十五日朱按臣楊學臣同潘行人等俱自錦官起馬陸續往滇省訖七月二十九日據建昌道報稱桐槽熱水黑林等洞蠻苗見本道內多集兵廣屯糧草鄧僉書羅文才等大兵繼至分懸本部院大字告示以示必剿於是苗日安友衣散衣脚嚕租等三百餘名懼剿伏地請死剝狗殺牛鑽皮頂經木刻情願護守和散灑活越揭冕山一帶地方獻出擄去人口牛馬財物及稱桐槽

熱水爲諸洞之冠今已就撫地方必保無虞等因又據鄧懋官陳謨羅文才等詳報相同該臣看得苗性犬羊叛服靡定自萬曆四十二年前任撫臣吳用先督同總兵劉綎剿之後道路清寧雖經總兵黃守魁之剝削奢安諸夸之叛亂而建南一帶獨爾無恙總由威令之素行也今年四月內忽報諸夸閼然而起臣甚驚訝一面發兵應援一面差官撫諭據報六月初三日起至今羣苗聽撫道路已通詔使按臣等俱相繼入滇矣及查官兵被殺屯堡被劫關係邊防實非細故蠢爾犬羊何

督蜀疏草

卷之十

三

所屬壓若非鴨剿數洞以示國威其勢決難經久即蜀在今日亦非無兵之患獨是師行糧隨實根本至計自雅州抵建昌爲程一十三日近該錢僉事給銀督運百計調停所發四千人尚慮不支而欲多集兵將深入險阻積日累月孰爲供應况鄰警方熾通兒未獲永寧遵義兩路聚兵運餉公私之力已竭而又建南一路此殆不得之數也臣再三思維微行道將責令獻出首惡盡還搶掠從權撫定一面查補虛伍脩飭營壘趁今穀熟多積糧餉譬如治病先固其元氣仍將前後所發兵四

千分布要害申以威信使各苗保再不出犯卽與相安可也若其乍撫乍叛狡獪莫測然後疏聞議剿亦似未晚至各苗之變必有激而起臣據道路之口皆云拏安世咱以致蠢動臣譯審世咱雖與奢氏至親原非要緊頭目認守有年構逆無跡既今聽撫宜予寬政隨差材官匡榮耀將世咱押發該道聽其酌量釋放外及查建南一帶額設防兵九千五百九十名而屯軍在外臣自出圍未嘗檄調一卒而一遇有警輒稱無兵者固由糧餉之不敷亦因措置之未當該臣謹會同巡按四川監

督蜀疏草

卷之十

三

察御史溫臯謨恭看得四川按察司建昌道按察使張邦翼雅負經濟之才適遭紛紜之會本期杜囂反以啓爭如安世咱係奢賊至親擒之以杜勾連未嘗非綢繆之計而不意諸苗遂以借口諸苗平日最畏刺兵故調之以協剿而不意刺兵反戈以致挫損計雖切於固圉變忽起於肘腋拮据任事之勞實有可原而誤聽輕動亦似有不能解者既奉明旨降級毋容再議至於建昌行都司掌印都司吳國輔疎而喜事闇以債功初既輕舉以激苗繼又妄調以失律無事則縱橫自肆聞變則

縮朒不前損官劫屯誰階之屬邊徼重地可容再壞乎參將陳廷對平時雖有控禦之聲聞變忽蹈張皇之失威重既損號令不行直待臣差官到而各苗始出效順亦自不能逃罪但自來軍民相安行道感激一時偶誤情尚可原理合一併具題伏乞勅下吏兵二部再加查議上請如果臣言不謬除按察使張邦翼奉有明旨降用外將都司吳國輔重加降處員缺另行銓補參將陳廷對姑責令策勵任事庶失事邊臣知儆而於重地大有補益矣爲此具本謹題請旨天啓四年九月十六日

督蜀疏草

卷之十

三

上奉聖旨該部知道

府佐給由疏

題爲遵例考覈給由府佐官員事據四川布政使司呈奉臣批據保寧府申准本府通判許弘綸牒稱見年四十八歲浙江金華府東陽人由貢生云云各等因俱題奉欽依移咨通行在卷今據前因該臣會同巡按四川監察御史溫臯謨考覈得保寧府通判許弘綸品格恬本才猷練達稔躬衾影無愧署篆剡決有餘職業俱修考居稱職除批行令將任內署管行過事蹟徑自造冊親齎五事冊揭行令咨送部院外理合具題伏乞勅下

督蜀疏草

卷之十

三

吏部將通判許弘綸再加考覈酌議題覆施行爲此具本謹題請旨天啓四年九月十六日上奉聖旨該部知道

道臣病休疏

題爲道臣患病乞休事天啓四年八月十六日據四川按察司兵巡下川東道叅議兼僉事曾紹芳呈稱先任戶部主事差管永平邊儲彼時外拒內防增兵增餉寢食俱廢遂致怔忡冒逆之病天啓三年陞授今職兢兢修職察吏治兵自謂可稍紓上臺憂心之萬一豈期七月初四日忽接家報長子貢生曾獻策於三月內病故聞變悲號吐血數升階絕在地冒逆之疾復作數日以來勺水不入口一息不成寐火炎咳嗽而從口鼻中迸

督蜀疏草

卷之十

三

流於是性命之憂彌切功名之念頓灰伏乞俯憐病苦卽賜代題放歸等因由詳據此臣批該道才名素著經緯方新西河之痛人所時有何得偶因傷感遽念尊鱣近日戎馬未息征調殷繁此何等時而可言高尚乎仰寬懷調理卽出視事繳批行去後又據該道詳稱理應恭候批示方敢離任而無奈職自聞變以來以六十有四之年飲食不入口者三日醫生紀從泗勉投數劑結轡稍開然日止進糜粥一二盞吐血日甚一日頭不能昂舉目不能久視神極耗而將盡血極枯而垂斃之症

候也已趣裝日達州移駐夔門候示等因詳批從來念
靡鹽者不復顧家該道生平期許何等磊落乃因喪子
之痛遽萌拂衣之念其奈疆場何試較量孰輕孰重當
自翻然矣夔門要地兩院交代伊邇正宜駐劄料理仰
安心任事切勿再萌歸念繳九月二十日又據該道呈
爲病勢轉劇痊可無期二懇恩慈放還以延餘生事切
照職因家難過勸夙病舉發自揣不能供職移夔門數
日召醫官會友審診之則云神氣極耗心血漸枯必久
加靜養方得痊愈職遭骨肉之變沉痾之疾又難遽瘳

督蜀疏草

卷之十

三

恐不免爲異鄉之魂矣伏乞本部院憐其病狀去志實
堅稍寬斧鉞之誅卽是生全之德除將印信交夔州府
收貯已出夔巫沿途候命等因又據夔州府報稱曾叅
議將印信於九月初八日送府收貯該知府史贊舜晨
昏訪問多方懇留其如涕泗唏噓病委沉重業已移舟
於十三日出境矣等因呈報到臣卷查先准吏部咨爲
循職掌陳末議以仰裨聖治事該吏科給事中袁國臣
題本部覆議以後請告官員在外仍令撫按官代奏等
因題奉欽依移咨通行遵照外今據前因該臣會同巡

按四川監察御史溫臯謨看得四川按察司兵巡下川
東道叅議兼僉事曾紹芳恬夷高品經緯亮猷精神遍
注於民暑法紀大張於軍旅雖在事甫及五月而新政
綽有可觀正擬展借以膺大受不意其抱病沉疴思歸
迫切業已放舟勢難復挽除批令沿途調理候旨外理
合具題伏乞勅下吏部再加查議覆請將曾紹芳准令
致仕員缺另行推補爲此具本謹題請旨天啓四年十
月初四日上奉聖旨吏部知道

督蜀疏草

卷之十

三

參懲青衿凌蔑縣官疏

題爲青衿糾黨凌蔑縣官據實奏懲以冀肅清事據四川按察司兵巡下川東道呈據夔州府呈據雲陽縣生員王文祥詞告知縣李一星貪贓酷法加徵錢糧侵欺稅課打死義勇王躋見一十二命剋減工食私開賄賂枉賊萬餘陳情等證開款粘告又據生員譚定薦等呈爲貪酷俱全懇恩法除急救倒懸以甦民命事情詞於天啓四年八月內具呈本府該知府史贊舜看得雲陽李知縣朴實慈祥不謂其嗜有煩言也殊駭觀聽所訟督蜀疏草 卷之十 三

如真而本官尚可一日居於民上倘事出奇冤則當急爲昭雪等因詳道又據該府呈據知縣李一星申稱卑職到任年餘只知奉法不虞鹽場巨惡向世望等十餘青衿包冒竈課分文不納卑職立法於衆竈戶選有身家周蓋等十二名每月輪催致難欺騙解過課銀二千八百兩惡生王政善政簡政美等恐歲爲額不遂騙課買盡生王文祥與久故譚定薦列名抱狀虛捏條件穢蟻難堪卽汚前任朱知縣蒙鑒寬枉僅點一老生向四賢憤便本縣往府回縣惡生鼓竈戶百人及夫頭王俊

馬頭屈勝監犯冉正法等千餘持刀執斧先破庫門後破穿堂口稱殺死縣官向表等手扯本縣不許進堂更番罵辱冤寃難當奔走下河投水隨有二教官同船護送到府妻子任辱行李奪搶伏乞垂憫轉達等情除令奉節縣萬知縣前去鎮靜外地方大變惡焰沸騰合行呈報又據該府呈據李知縣呈稱收頭唐問相戈以芳周進賢向繼宗皆鹽場惡黨傾銷低假以少易多用鉄線抵換額解卑職設法嚴禁致招殺身之媒虛捏夥告乞鏡覆盆之冤等情又據該府呈據雲陽縣儒學教諭

督蜀疏草

卷之十

三

華尚信訓導岳民望文可聘申奉本府信牌云本府春日路過雲陽有生員合班捧冊爲李知縣稱頌德政乞賜轉申以旌循良本府以功令有額却之不受忽於六月據該學申據通學廩增附生員列名盛稱縣令功德并岐麥傳比隆於西京振耀於絕代本府異之不意一月之後大翻前局告訐之名又雲陽之諸生豈一令之身前竟後跼半月之內彼聖此狂前頌者今訟者仰列名具報奉此查得生員楊瀛於天啓三年春家產異麥鄉紳王道化等稱讚刻有實錄巷誦人歌黃岐鳳編德

政錄今與訟生員王政善亦刻名在傳可考不期王文祥王政善係有此訟人情翻復今諸生不附鼓譟初心不變者實多而赴訟者止文祥政善一二生也等因電府查得雲士之願李令德政方御步而訐告接踵王文祥王政善因府慰於庭連名在呈者且願且訐實冥頑之雄非明正爰書無以伏辜等因詳道該本道叅議會紹芳看得知縣李一星賦性直厚未請委蛇其催徵鹽課洗歷年積逋之弊被豪右包侵之謀微解獨多於往昔斯亦能吏也而盤據井甯惡生王政善等疾之如仇

督蜀疏草

卷之十

三

備計以爲不醜詎不足以敗其官不力驅不足以甚其辱裝點捏開赴府告訐及本官往府辯明回縣則政善等奮臂一呼羣棍響應平日之爲法受譴者皆倚政善等爲戒首相與擠縣官於公署而窘辱之政令迫切起淵幾羣魚腹自本道任事未見雲陽小民一紙告衙門者官品可知乃因急迫鹽課致政善等點污窘迫如此本官未嘗以虐聞也豈任受此哉若不亟爲正法將使雲陽一邑變爲化外而後之爲令畏足不敢入雲也伏乞本部院批委保重慶三府准官將惡生開款及李知

縣申辯秉公審實如本官穢跡果真自應褫斥如係捏謗則政善等以子弟誦道父母幾死國有典刑安得輕貸等因由詳該臣批縣官卽有不法自有惠文法治之乃雲陽惡生輒爾率衆告訐甚至逼迫幾殉河伯此亦異變也如呈先行錢李二推官會同蔣推官從公逐款對質明白送府轉道詳報又據夔州府申蒙巡按溫御史批據雲陽縣民陳情告爲貪酷事詞稱焚暴知縣李一星大張賄賂濫准詞狀加耗侵課等情開單蒙批仰夔州府將本犯周監查審速報如虛解寃蒙此又據雲

督蜀疏草

卷之十

三八

陽縣典史汪廷傑口稱本月初四日惡棍用石打入穿堂公然擊柳三次無人敢當單職匿衙三日不敢出又據雲安場鹽課司大使邢有典申稱鹽場豪惡康時與王得明等恨本職追課挾仇乘縣官被害將大使打傷冠帶公座盡毀蒙清軍廳出牌移職家口棍徒吶喊稱係假票不許搬移等情該知府史替舜看得雲陽士民真無天無日舉措任其猖狂倫理爲其倒置尙可不爲之寒心哉夫陳情王文祥王政善等之告李知縣或罪在下而罔極出於讒言或罪在上而不仁先爲播惡兇

謀異變職者不知惟是知縣一日在位尚雲陽一日之父母也非有追賊之旨非有革任明文卽積愆未伸當以黜陟之權還憲臺而併還之天子尤當以曲直付公論而併付之士師何敢戮辱惟恐其輕斥逐惟恐其晚磨拳攘臂者惡口唾面而詬者職盜虛衷以察亂形平心以擬其罪案未有劣生持斧於公門豪民拋石於官舍知縣迴而投江典史畏而閉戶而可置不同者未有軟禁其妻孥薪水不通而致隣縣之解論傳梆於堂上而致吏書潛逃大使之冒頓飽其老拳而仍毀其冠服

督蜀疏草

卷之十

堯

同知之府牌擲爲僞票愈肆其魚然而可置不問者此事職卽擬嚴拏而王政善等動以庇護同鄉爲口實伏乞憲臺速委究審主謀脅從之故一勘而本末自明原無假借士民凌逼惡習不成世界速祈正法以維風俗等因呈詳前來臣批雲陽士民結黨以攻父母已屬不法見奉提審尤應靜聽而乃持斧拋磚逼之幾羣魚腹甚至驅逐典史吏書斷家小之薪水全無天日矣仰下東道速照前詳委官鞠審明白招報批行去後該臣看得縣官管理一方爲民父母乃一旦化爲仇讎非其較

督蜀疏草

卷之十

罕

刑以懲虐必或剋取以招尤法紀森然安可假貸獨是近來士習羣凌罔顧名分得利則刻剝稱揚失意輒捏詞攘臂毀譽隨意擊擗公行此大非盛世之風卽如知縣李一星居官不法自有白簡業已准詞提問誰能罔三尺以庇一官乃王政善等糾聚羣黨公然逼逐種種兇狀殊可驚駭致本官欲捐軀於河伯道府咸避嫌於同鄉上下之分全無冠裳之誼盡掃矣除將雲陽縣印信另委同知賀納賢接管檄催保寧府推官錢允鯨重慶府推官李必達夔州府推官蔣化龍公同照款會審

依律究擬事關結黨凌虐縣官地方異變應合恭題該臣會同巡按四川監察御史溫臯謨參看得雲陽縣知縣李一星不能芻牧致起怨尤雖未究開欸之實必自有取謗之因除究勘至日會疏處分外至於生員王政善王文祥向世望等擅造好惡之柄妄肆凌逼之威既已結黨侵權又復犯上作亂士習敗壞乃至於此若不依律重治何所底止理合具題伏乞勅下該部覆議奉請行巡按御史將王文祥等所告李一星事件夔州府所申王政善等肆橫情節逐一勘問查照情罪從公議

處庶官邪士橫並知微惕矣爲此具本謹題請旨天啓
四年十月初四日上奉聖旨該衙門知道

督蜀疏草

卷之十

呈

縣令給由疏

題爲遵例考覈給由官員事據四川布政使司呈奉臣
批據大昌縣申准本縣知縣易進開稱見年三十七歲
江西吉安府安福縣人由舉人萬曆四十二年十月內
除授本省廣信府貴溪縣儒學教諭四十八年七月內
陞授今職天啓元年二月十七日到任扣該天啓四年
正月十六日連開實歷俸三十六個月三年考滿又據
榮縣申准本縣知縣蔣守洵開稱見年三十三歲廣西
桂林府全州人由舉人萬曆三十六年十月內除授直

督蜀疏草

卷之十

呈

隸廬州府廬江縣儒學教諭丁繼母憂起復補除安慶
府太湖縣教諭四十四年陞廣東雷州府遂溪縣知縣
本年十月初六日到任四十六年二月十七日丁父憂
服闋赴部天啓元年二月內補授今職本年八月二十
五日到任除前任歷俸因起復調用不報外扣該天啓
四年七月二十四日連開實歷俸三十六個月三年考
滿各應給由照詳俱奉批抑布政司查報奉此又蒙巡
按溫御史批同前事俱蒙批布政司查報蒙此行准按
察司守巡鹽法等道各各縣回稱查得二官委於前項

年月日期到任歷俸考滿任內徵收錢糧鹽課清勾軍伍積貯稻穀五事實政俱已足額修舉委官盤量無異應准給由各開具經薦稱職詞語起送到臣卷查先准云云各等因俱題奉欽依移咨通行在卷今據前因該臣會同巡按四川監察御史溫臯謨考覈得大昌縣知縣易進宅心豈弟應務周詳三年訟理政平四境民安上服榮縣知縣蔣守洵砥節無媿影衮奉公不辭勞瘁賦額無遺循聲獨慙二官職業俱修考居稱職除批令帶休管事各將任內行過事蹟徑自造冊差人齎繳五

督蜀疏草

卷之十

四

事冊揭行令咨送部院外理合具題伏乞勅下吏部將知縣易進蔣守洵再加考覈酌議題覆施行爲此具本謹題請旨天啓四年十月初四日上奉聖旨吏部知道

糾劾大計方面疏

題爲糾劾不職方面官員以備考察事天啓五年正月通屆計察之期方面官員例應糾劾以肅憲體局中自罹兵火共効勤勩前後各監司皆最勞苦而又當缺員之多實苦摻索之難顧大典難廢未敢隱庇據采訪有疵議者得四人焉臣謹會同巡按四川監察御史吳尚默爲皇上陳之四川布政司分守川西道叅政加陞二級戴燦文學素優才猷亦練卽百日城守九死一生臣與之患難同事有不忍苛求者但叅據衆論皆謂本官

督蜀疏草

卷之十

四

神情耽於吟咏而防檢多疎意氣重在交游而情面未割聽書吏張道學之請張多被指騙信指揮張應甲之聳誑遂致侵欺州縣缺官而濫委吏員經歷誰縱嚙禾之碩鼠解糧一萬而少至二千七百豈盡奸弁之侵漁奉差經歲尚無復任之音耽戀丘園殊少急公之誼所應照不及例以新銜改調僻近者也按察司清軍驛傳道僉事全良範雄心未沮暮氣無多年力既已衰遲舉動更多愆悞擔負小鹽例不起科而槩行徒擬窮民之皮骨俱銷點軍不到自有常條而送饋註免各軍之怨

謗何堪詞狀無不濫准每將強半暗發祇欲塞道途之耳目問理自有專司輒自親提招擬何以肅表帥之觀瞻至如出灌縣准狀而預借縣官之贖銀祭都江放水而私折致祭之牛半瑣屑已甚誹笑難堪但其事每過於執拗而權或竊於羣小盛氣雄心遽難抹殺亦應照不及例量調簡僻者也敎馬廬兵備道副使侯國意念真醇心地樸直偶處危苦之地亦甘馳逐之勞但耳既失聰足復病跛氣奄奄而不振心汲汲以求歸任用舍人戴伸而每事聽其指麾縱放家人出外而各官未免

督蜀疏草

卷之十

聖

私饋報功既已虛張開啓輒爾遠徙總由意念懈於當官是以防範疎於馭下浮名真如束縛三徑已賦歸來所當照老疾例子以致仕者也遵義府知府胡悅安操履本自安貞神情未免綿弱僅能株守絕少幹才郡城雖云殘燬而各屬無恙何以躊躇不前督餉既有專司而乾銷過半難謂稽查有法聽心腹何一龍等需索糧例留批不發淪戶無不吞聲任管家張一受姦占民婦悉置不問替民遂多詈口羈旅苦於棲遲艱危何曾料理但其意公真醇操持未壞戡亂雖非所長居常自能

料理併當照不及例改調簡僻者也理合具題伏乞勅下部院備加參酌分別議處庶監司知儆而表率慎肅矣爲此具本謹題請旨天啓四年十月二十八日上奉聖旨該部院知道

督蜀疏草

卷之十

聖

糾劾大計有司疏

題爲糾參不職有司官員以肅計典事天啓五年正月
適當計吏之期節奉部院申飭功令森嚴臣卽愚陋不
敢不博采廣諮以佐未議維是身處行間境屬遼闊耳
目間昧多未周知謹據司道造到冊揭備行叅酌適巡
按御史溫臯謨巡方事竣臣與面訂明白隨會同新按
臣吳尚默得各有司應議者十有八人其以病告與已
經劣轉中尚有應指摘者亦有在任微瑕而議未歸一
者俱明註冊內以候酌處除將事實底冊徑齎部院各
督蜀疏草

卷之十

呈

衙門謹臚別不肖諸狀爲皇上陳之并研縣知縣鄭天
懿一善無聞四維盡決行事既多瑕屑剋利必盡銷銖
詞狀每紙夾銀七八錢模著卽准明是以官爲市牌票
僉發定差五六人下鄉逼捉豈得與民無擾告詞訴詞
一事兩問以擬贖章役收役百計翻覆以索錢多科濫
罰卽窮民之豬羊鷄鴨破衣敗絮皆准折於當堂假公
濟私凡一切馬戶里排督夫運餉盡剋入於私橐官箴
旣已大壞吏議自當首加大寧縣今丁憂知縣李邦鑑
縱肆有聲搜噬最毒遂事需求多術剝民骨髓咸枯錢

糧每兩加耗三錢三里之簿籍可證湯戶每家索金四
兩各竈之白送堪嗟受真盜田金月之金銀而立斃無
干之李元取富商齊東池之厚賄而打死赴告之孫國
明人命幾同草刈扁送寡婦五十家而得謝二百五十
兩扁送里長六十家而得謝一百八十兩官常全爲利
媒恣取未解之糧多行乾沒妄指軍前之役徑自私侵
小民怨口喧騰去後焚聲大著宜賓縣知縣邵以嵩心
地糊塗行履狂悖沉湎酒色其神焚求全不知足用書
手涂一化爲主文每事憑其指引倚門子周思忠作心

督蜀疏草

卷之十

呈

腹諸賊悉與交關大戶劉仕坤孥監黑獄勒銀一百兩
代送有據里長萬楊樂疑其暗揭酷責四十板瘐死堪
憐拆封每十兩扣羨一兩各收頭無不有口詞狀計進
銀不計曲直卽干證會不放鬆親弟改作陳永伸任其
在外強占民婦包攬詞訟防範業已全疎楠木取造大
馬船不給行戶今娼供飯使僮作工秋毫無不具柝檢
押之潰已甚問閭之擾難堪以上三官處心全昧夫廉
恥敗類不齒於官常民怨已盈公論咸憤所當駁貪例
革職爲民者也榮經縣知縣林之棟自負才鋒實沉慾

海好惡常違人性操縱偏假神叢節令生辰盡索各商之餽原被詞訟一槩二兩之譜王仲誠子被人殺疑其揭謗而父子俱斃於杖下肺石豈免於號冤宋宗文猾吏神奸聽其唆撥而酷杖多中於無辜良民遂爲之重足鹽茶不捕私販何以飭防軍糧逐季扣侵焉能弭謗行止既苦於乖張職守難容其忝竊原任建始縣知縣今陞河南裕州知州劉世寧才窮五技守媿四知在任碌碌無稱去後嘵嘵多議徵糧明加一暗加一三年之人不貲下鄉准驛馬准土紬四境之騷最苦指軍餉借

督蜀疏草

卷之十

兗

大戶龍仕顯等二百餘兩徑入私囊何以塞里排之口借抽扣裁阜壯王大坤等二百餘金全無下落實難服各役之心馮麒麟媳通姦不行正罪而止將尚氏變價入橐是何法紀劉四私出內衙強取貨物而反責各行告討物價全昧防閑官箴既已大踰公道自當追議原任名山縣知縣今陞永安州知州劉爾完撫字無能侵漁有術託疾經年閉閣俸陞百計營私取竹木造器皿役銀匠打首飾碌碌會無虛日短典史之常俸剋卑快之工食嗷嗷致有煩言寵用書手楊升貴致令以撥置

起家苞苴之入可知重責里長王大智必欲如加二常例奇隨之推可憫竊堅既已滿盈祿斥自是難免原任永川縣知縣今陞南京兵馬將承舉性本謙和才非振勵在任猶可塗抹遇賊便爾張皇官存而印信獨亡終難推諉於被劫開糧而原單見在未可藉口於挾讎獨是患難逼迫事出異常而窖銀尚在足明初志名義殊難苛責概斥自是相宜以上四員治行無聞裂檢有據或敗露於當官或指摘於陞任均應照不謹例革職閒住者也大竹縣知縣程應詒賦性一味糊塗作事維人

督蜀疏草

卷之十

辛

播弄防維決裂狐鼠縱橫當堂審事全憑心腹傳惟士在傍傳示幾同木偶無知臥病在衙專使庫吏胡現龍拆封秤兌信是神叢有假大盜陳元光發審縱脫直至隣水拏獲而猶茫然不省總書黃雲鳳恣意侵剋陰與佐領通同而反一力祕護六曹之敝壞已甚兩年之連負獨多此一官者所當照罷軟例與以致仕者也遵義府通判張盛治遇難頗矢節槩選官途中病魔無志馳驅有心傲放憑到半年而猶戀縣印難云弘濟艱難甫入遵義而卽稱病危豈其遽染瘴癘初則移居真安後

督蜀疏草

卷之十

至

乃復出資縣百楮不同一去自決烟霞之癖已堅膏肓之病難挽所當醫有疾例與以致仕者也汶川縣知縣甘受諾才能濟暴巧以營私初政儘有聲名核實全多恣肆錢糧每十扣三又搭低假何怪軍士葉胡保等之號呼瓦寺發銀四百止與百兩總累字識熊應林等之扣補受木商馬台之三百金而給牒開厲禁之山場豈是綱繆之策因打兒加之姦使女而迫挾該土官之百兩全是激變之媒奉牌督餉而四出借銀仍迫各士民保留急公何有查取花楸而生事借變竟受高啓直餽

督蜀疏草

卷之十

至

指摘錢糧每兩加收一錢已經刑官之驗實禁獄濫收四十餘人難免無辜之受累縱公子後堂以通線索牟張明等之餽送有據責卑快領銀以買新絲傳典禮等之賄累堪嗟署邑而受各吏禮銀全無檢押點差而取火籤一兩最起煩言大開既已不守公典自是難逃以上三官或地簡任淺或督餉效勞皆無不可原之情而恣睢自肆幾激地方之變撫字無方不理士民之口均應照浮躁例重加降調者也成都府同知侯世延督營嗜利逐逐行私心地全欠光明舉止實多狼狽用吏張朝鳳爲主文私開後戶每事憑其過送縱僕五管家出羊市姦占民婦掩耳若爲不聞簡州鄉送從叛王廷達等十七名忽爾盡放則人有五十兩之饋錦官新報馬戶一百家不肯應遞則官有三百兩之扣及署資陽倉糧則每石紅錢一兩民髓俱竭問贖而追比不出三日刑毒難堪姑以守城之勞聊擬薄視之典南部縣知縣吳諭質本優柔才更庸闇四境啼號不問六曹蠹弊日滋每事取決於典史任其縱盜害民漫無覺察徵收全聽之庫吏大糧完未及半竟爾寢停當軍旅修德之日

釀冥頑弛廢之習檄屢下而不問官雖有以若無嚴邑實所不堪寒毬庶幾可擁溫江縣知縣蔣元德才猷短淺舉動凋疎寸衷漫無主持羣小任其撥置戶吏郭完美不到則不坐堂積書王寵未至卽不審事勒索錢糧火耗半入羣奸之橐催督軍前餉米全無清楚之單劉氏夫死何罪而用夾棍嚴刑則伊叔舒應嗣爭財業有百金之餽寶氏鄉居守寡理宜曲成而遣門子作媒則差頭巴文良貪色曾受後堂之囑一印二官歌謠旣已騰播十年九牧間里豈任誅求花縣實難縮符片水猶

督蜀疏草

卷之十

五

堪振鐸巴縣知縣今丁憂戴文箕儀狀頗偉識度亦明舊任雅著能聲改調使多掣肘收糧偏重於鄉戶難服黎庶之心問理多徇平情面未免紛囂之口旣任爲楚招兵而又委匪人從事公務等若弁髦領過餉銀二萬而忽稱行糧無措到處爲之騷動治撫已掛彈文巴國亦無善政維其歷任尚淺操持未壞煩劇誠非所任簡僻似可相安原任南溪縣今改雲南定邊縣知縣李聯魁心知謹畏才乏精明荒殘頗欲調停展措每多紕繆追求撻捕權盡落於奸胥致積惡能繼成之恣意橫行

督餉催夫事每至於遲違雖推官宋萬畧之嚴催不顧惟是地苦新殘官甫數月和緩或以有爲改調庶幾就理射洪縣知縣雷靈雨頗知振刷雅負剛方無奈吹索太苛遂致張弛失當甫下車而專用大板酷刑咸有易喪之思比錢糧而竟日夾搜不放遂起閭閻之號差卑下鄉追贖四境遂以騷然查井遍行科罰各戶因而逃竄蓋其志思有爲而事每任性稍裁苛刻之偏尚有循良之治以上六官治行咸乖而劣狀各異所當照不及例或調簡僻或改教職者也理合具題伏乞勅下部院

督蜀疏草

卷之十

五

備加參酌分別議處庶官邪知儆而計典有神矣爲此具本謹題請旨天啓四年十月二十八日奉聖旨該部院知道

議補邊道中軍疏

題爲議補邊道中軍員缺事據四川監軍帶管兵巡遵義道按察司僉事盧安世呈稱本道標下中軍奉兵部題奉欽依以守備武登華實授奉差獻俘推陞叅將又奉部文以茂州衛指揮曹守爵陞補查守爵向在永寧軍前染病於天啓四年六月內病故看得加銜守備蘇迪塞上干城管中幟羽論功酬勞委應實授伏乞本部院俯查節次批詳憫念伊父歿於戰陣本官屢建多功合無具題填補已故曹守爵員缺等因又據監軍道盧督蜀疏草

卷之十

五

僉事呈稱本道中軍守備奉欽依推按院下督陣加銜守備何湛然實補弟湛然向隨按院効用未到信地查得中軍加銜叅將吳攀龍措置精神豁達臨戎敢勇爭先擄查功冊本官擒斬招降爲數頗多此本道身親入巢勇往直前之將也攀龍以虛銜爲湛然代勞情屬不堪合乞題請項補何湛然員缺庶使本官前勞稍酬援黔勇敢等因各呈詳到臣據此查得遵義道中軍守備武登華已陞叅將又經推補指揮曹守爵填補該道詳稱守爵物故論功以加銜守備蘇迪題補又監軍僉事

盧安世下例有中軍一員傳宣號令該臣於天啓三年五月內具疏將守備何湛然陞補祇因湛然先隨張溫二按臣委赴石泉署理守備軍事是以未赴該道任事今盧僉事兼攝兩道業於本年十一月十六日統兵三萬進遵義府城出兵鎮南關援黔剿賊則二道中軍各有傳宣軍令重任時不可缺該臣看得加銜守備蘇迪年貌壯偉弓馬熟嫻痛父喪革之寃屢建殺賊之績加銜叅將吳攀龍穿楊絕技拔幟宏猷懋樹擒斬之功大奮撻伐之力二官之勞委應酬錄既經該道議詳前來

督蜀疏草

卷之十

五

理合具題伏乞勅下兵部再加查議將加銜守備蘇迪補遵義道下中軍守備填曹守爵員缺加銜叅將吳攀龍補盧監軍道下中軍守備員缺仍各以都指揮體統行事各給憑劄前來以便轉行二官任事建功其守備何湛然奉命二年未曾任事合無祇與守備盧銜聽按臣委用庶勞逸適均而人情競勸矣爲此具本謹題請旨天啓四年十二月二十二日奉聖旨兵部知道該本部覆奉聖旨是

縣令給由疏

題爲遵例考覈給由官員事據四川布政使司呈奉臣批據安縣申准本縣知縣沈愉關稱見年三十二歲陝西漢中府寧羗州人由舉人萬曆四十四年三月內除授山西平陽府臨汾縣儒學署教諭泰昌元年十月內陞今職天啓元年四月十一日到任扣該天啓四年三月初十日連閏實歷俸三十六箇月考滿又據綿竹縣申准本縣知縣譚先哲關稱見年三十歲貴州平壩衛籍湖廣長沙府長沙縣人由舉人天啓元年六月內除

督蜀疏草

卷之十

三

授今職本年十月初六日到任扣該天啓四年九月初五日連閏實歷俸三十六箇月各三年任滿例給由云云該臣會同巡按四川監察御史吳尙默考覈得安縣知縣沈愉慷慨能赴省難廉平最得民和野蔚桑麻庭空孤鼠綿竹縣知縣譚先哲實政曲周民隱煬修不染俗氛溝瘠春回案塵隨掃二官職業俱修考居稱職理合具題伏乞勅下吏部將知縣沈愉譚先哲再加考覈酌議題覆施行天啓四年十二月二十二日上奉聖旨吏部知道

塘報永遵二路出哨

爲塘報事據監軍道副使謝渭食事劉可訓知府鄭朝棟總兵李維新塘報奉本部院檄令仰道鎮卽統兵分兩路徑進畢節驛子直搗大方奉此本鎮於天啓四年十一月二十日移鎮赤水衛差將官湯廷耀胡汝高李國選等渡河二十四日路遇前鋒奸細西苗各將追殺斬級四顆生擒苗賊一名趕至客仲壩賊兵無數來衝官兵大戰斬級八顆馬二匹槍刀三十五件又斬易習等三顆生擒苗婦四口各苗兵走入大等至十二月初

督蜀疏直

卷之十

三

一日夜本鎮預發前鋒郭起柱潘應奎率兵分道找搭浮橋繼發將官秦衍祚劉宗良馬繩祖楊元孔全斌凌九疇等由上渡旗鼓官張洪烈趙瓚李維賢李棲鳳等由中渡次第進發本鎮於初八日親渡赤水河制營層臺又差旗牌蔡逢春龔應試督陣至板橋西賊無限接戰官兵奮勇大殺遵標二營斬十九顆馬繩祖營斬五顆楊元營斬六顆郭起柱營斬十三顆孔全斌營斬八顆李大用姚化民凌九疇潘映奎陳章周繼先楊光增張令樵崇智等各營共斬四十顆生擒獐獍二名鬼師

者弄馬二十四匹各賊敗潰奔入雪箐之中救出海子洞降將朱三鳳等鬼師者弄供稱二苗尤股烏撒官保等欲率兵三路來攻永寧等項虛實之情除深進之攻另報外等因又據監軍帶管遵義道僉事盧安世塘報本道遵令會同副總林兆鼎及加銜副將侯良柱陳一龍張奏凱將官吳攀龍等及漢土降兵共三萬五百餘名於十一月十六日齊進遵義府城公哨劄營招安百姓修葺城池發將官胡斯化王尚明各帶先鋒兵勇逼金刀鎮南遠探十二月初二日西賊四大營至板角山

督蜀疏草

卷之十

五

與官兵對敵賊兵中彈逃生者箭傷墜馬者不計其數亂竄各逃入箐我兵追趕賊棄刀槍滿路得獲器械極多阿烏逃陳伏虎等三名見勢重難敵投降本道厚賞令其立功方准投見各等因塘報到職據此查得永遵二路久已勒兵待進單候黔中信息但恐西賊狡謀出沒急撤各道鎮出兵總鎮駐赤水渡層臺兩次殺賊百餘因雪厚等大各苗逃得據險藏身遵義盧僉事前鋒遠哨遇敵雖無斬獲銃箭傷者亦多得獲器械足憑只候黔中確信一至三路大兵即會合齊進理合塘報天

啓四年十二月二十二日塘報六部職方司

督蜀疏草

卷之十

五



少師朱襄毅公督蜀疏草卷之十一

辭免尚書重銜疏

欽差總督四川兼制湖廣荆岳鄖襄四府陝西漢中一府軍務策應緩急督理糧餉兼巡撫四川等處地方兵部尚書兼都察院右都御史臣朱燮元謹奏為寵命難承危病匪假乞恩辭免特允職事臣惟國家名器不可濫膺疆場倥偬難以卧理以臣庸碌本非軍旅之才謬司撻伐之寄仰藉皇上威靈平蜀搗蘭粗有頭緒而

督蜀疏草

卷之十一

一

不意黔事中變元兇被匿局面愈遠措置維艱臣晝夜傍徨舊疾日加形骸僅存喘息幾斷忽於五年正月初八日接兵部咨奉聖旨川兵已有成功朱燮元准加尚書職銜設官守土善後事宜并具奏施行援黔派餉等項都著從便斟酌錄首功恤死難卹典查行該部知道欽此又接邸報天啓四年十二月初三日該吏部題覆為備述川土用兵等事奉聖旨朱燮元陞兵部尚書仍舊總督川湖等處地方欽此欽遵臣當設香案望闕叩頭外竊念涓埃未效顯秩渚加庠項放踵豈其敢辭但

鼷鼠之技已竭狗馬之疾滋深自去冬至今視聽俱昏

飲食少進手足強半不仁文移盈案未決卽欲覩顏尸

素其柰疆場何蓋臣行年六十蒲柳業已經秋臨戎五

年形神為之茲敝雖勉事醫藥而日就沉頓叨恩過厚

報塞不前有心無力臣之命也每惟明主可為忠言輒

敢披瀝真情仰天呼籲伏望聖明特准辭免新命卽予

休致速簡才望大臣前來交代俾臣得生歸里門一晤

衰親卽捐棄重泉啣結何已為此具本奏聞伏候勅旨

天啓五年二月初四日上奉聖旨朱燮元已改調黔中

督蜀疏草

卷之十一

二

著遵旨前赴料理軍務不准辭吏部知道

議調建昌道臣疏

題爲議調才力道臣以安危邊事蜀中建昌一邊僻在西南爲通滇要道近者蠻苗出沒不常亟須道臣彈壓一日難缺該道員缺天啓四年八月內奉旨以監軍僉事胡平表推補頗稱得人奈本官奉命之後卽以病辭堅不肯赴臣差人促之至再至三又檄行按察司查催回稱本官委果患病已將該道札印吏部給發文憑辭繳各因覆前來又接貴州督臣兩次移咨欲借本官過黔督兵等因准此查得建南自雅州起至金沙江延袤

督蜀疏草

卷之十一

三

二千餘里中有桐槽白水半站巴松等洞番苗不時出劫行商雖經遣將掃清伏陷然大半之性靡常陰雨之防宜密胡僉事既已病辭而建昌又不可一日無官臣謹會同巡按四川監察御史吳尚默查看得威茂道副使張法孔素負昂霄之品兼優戡亂之才莅任方新聲華茂著見今建昌印務係本官代攝合無就近以原官改調建昌道不惟地方有裨亦於事勢甚便至於威茂道雖係危邊事體稍簡查得監軍僉事加陞一級劉可訓提兵素饒雄畧搗蘭已著奇功在事四年勤勞居最

除另疏題敘外合無加陞參議填補威茂道員缺有事督兵進剿稍暇回道料理庶一轉移而地方得人邊情軍務兩有賴矣理合具題伏乞勅下吏部將副使張法孔以原官改調建昌道料理僉事加陞一級劉可訓加陞參議填補威茂道員缺其僉事胡平表應候調理痊可聽黔中具題陞補施行爲此具本謹題請旨天啓五年二月初四日上奉聖旨

督蜀疏草

卷之十一

四

就近改補府佐疏

題爲就近改補府佐以綏殘庶事據四川布政使司呈奉臣批據重慶府申准巴縣鄉官張似渠張孝倪斯蕙王應熊胡芳桂吳嘉賓黃世澤賈元勳等揭稱敝邑遭亂以來劫也極矣承當道仁人不念閭閻而賜之賢令長以爲梁肉屢就近調補蓋念巴人之不可旦夕無慈母也顧遷其地而能良車甫臨心迷效實無如今張知縣者莅巴纔三月而百里之內地帖頓息殆近衙官之氣不知何往胥徒無趾於里巷者裡民無漁於影射者

督蜀疏草

卷之十一

五

寓撫字於催科之中去太甚於勞止之日魴尾赤而不殮肅鴻哀而還集向在師中時或謂其提兵夜出先登無讓服其膽決者或謂其督仁令一路餉經年不內顧運遵義一路餉每單騎詣道上閱實服其精勤者其治永邑也絕火耗少罰贖郵驛通慎大獄其愛人以仁以勇其御事以識以力其事上以直以誠雖古循良莫加焉居無何有岳陽佐郡之擢國人爲之愴歎曰方子之以母而遽奪之也相與奔奏請禱災幸終噢咻之其說已具士民呈狀中此與異時情面攀留者不可同年語

仰惟當道仁人所欲與聚巴人如嬰兒之忽去其乳實不勝其喁喁取合喙以顙等情到府又據重慶府巴縣兩學生員劉世澤錢嗣起等呈爲保留賢牧懇乞轉詳就近改補以福殘黎以慰羣心事呈稱苦茲巴邑慘受兵戈向來羽檄交馳至今瘡痍未起援黔運餉尙無息肩之期拯溺救焚必賴循良之令幸遇署縣張父母當叱馭入川之日正督兵奪關之時初聞變而策單車輕三巴之險慷慨不減王尊旣在任而彈獨臂捍孤城之危保障其符余玠於時歷千里而置郵不繼閱數縣而

督蜀疏草

卷之十一

六

煙火不通能爲無米之炊兼備盤根之苦恤驛養馬躬親廩餉之勞爲法持平必爭百姓一命之冤有緣下邑得借代庖薄賦省刑雪冷萊蕪之饑民安事治風清單父之琴設木阜而追呼不假於卒徒三村無捕蛇之擾革火耗而餘羨不入於縣帑百里頌懸魚之操衙齋避而六案霜清流民歸而四郊春藹方喜塗嶺有天乃報岳陽二守在朝廷資功之典非所以酬殊勲而小民戴澤之私幸可以徵永此縱主臣不擇地而任但敝邑期得人而濡念切思何願同借冠今本府二守正缺乞詳

就近題陞以惠三巴父子弟引領慰私等情據此該本府知府余新民看得永川縣知縣張堯揆真心實政潔守長才治永久著令署巴縣起賢聲委應清華之選忽報轉岳州郡丞巴民思之不啻如赤子之失怙恃也相率泣留乞補本府同知員缺夫渝岡殘破之餘又值軍興之際調停撫綏剔釐振制非得有仁愛識力者不能勝其任而本官固饒爲之即投以所其難蓋爲地擇人非爲本官計也既經鄉紳士民全詞以請相應通詳合無俯從題請將張堯揆改補重慶府同知以安地

督蜀疏草

卷之七

七

方生民之望等因錄詳奉批仰布政司覆議報奉此又蒙巡按溫御史批據該府呈同前事蒙批知縣張堯揆才品治行當爲蜀令自創今值援鄰固圍之時倚賴尤切留用其宜布政司會同巡上東道查議詳行繳蒙此該本司移准兵巡上川東道署道事知府余新民覆看牒繇前來該本司左布政使史文煥查看得永川縣知縣余署巴縣事張堯揆根心德政信手經綸招徠澤及哀鴻撫字春生枯骨其治永而永人恨其來暮及攝巴而巴人又恐去之疾也如設木阜追呼不及於鄉村減

贖錢絲毫之苦於百姓據鄉紳公揭述民訴云省一年勾攝之費與完贖納糧之餘卽可以抵一年之額賦此亦足爲本官實錄矣且其監軍轉餉繕兵緝邪勞績尤多當此巴蜀多事之秋若以本官就近題補本府同知不惟嚴邑有賴其於時艱匡濟亦非淺渺者既經道府及鄉紳合詞前來伏乞會題以慰羣望等因通詳到臣該臣會同巡按四川監察御史吳尙默看得永川縣知縣余陞湖廣岳州府同知張堯揆揮霍應變之才堅白不染之操到任時渝城未復將永川一片瓦礫招徠收

督蜀疏草

卷之八

八

拾漸有頭緒而又督餉遵仁兩路備彈勞績近署巴縣數月舉騰萬日報陞岳州同知本官亟擬就道矣但殘地苦於乏官窮民亟思良吏巴東一帶三道俱未蒞任一切援黔黔兵督餉最苦乏員既爲地擇官不當爲官擇地合無卽以本官填補在籍病故重慶同知趙廷忠員缺俾其就近料理軍前一應事務庶於事體最便而民情亦少慰矣理合具題伏乞勅下吏部覆議上請將同知張堯揆改補重慶府同知填趙廷忠員缺移咨前來以憑行令本官任事其岳州府同知員缺另行推補

施行爲此具本謹題請旨天啓五年二月初四日上奉
聖旨

督蜀疏草

卷之十一

九

開銷三年用過錢糧疏

題爲清查三年用過兵餉具報收支細數伏乞勅部覆
查開銷事蜀自征播採木之後公私交困庫藏若掃及
元年調兵三萬遵奉部劄將一切大糧撥那三十三萬
除各兵領過外在重慶庫者悉被賊劫不可復問及賊
攻圍省城用過在庫併捐助等項一十六萬二千五百
七十三兩一錢五分六釐四絲五微皆左右政使周蔭
司其出入圍解之後該前任督臣張我續莅任所用錢
糧已經本官另疏開報其各司道州縣督兵赴援徑自

督蜀疏草

卷之十一

十

開銷者聽按臣查實另報外臣自天啓二年五月初四
日入叙州府二賊率衆已在隔河此時分毫無措該布
政司議詳通省各屬除殘破極重者外其餘州縣各將
應輸正項錢糧分作上中下三等上者預徵銀六錢米
四斗中者預徵銀五錢米三斗下者預徵銀三錢米二
斗以應目前之急秋間開徵卽除去前數竝未有絲毫
之加天啓三年亦復如之比至秋間各賊披猖未已而
松潘威茂建南馬湖等處餉銀全不接濟所在脫巾禍
且叵測是時所兌楚餉止解到七萬兩諸司道齊來告

臣謂彈壓者不復顧痛若再因循各兵盡散且無全蜀
安得有民臣不得已一而拜疏通省每石糧議加派銀
六錢米三斗亦分三等遞減徵用一面移檄起徵及未
奉俞旨而各有司遂多因循強半不解總計自二年九
月起至天啓四年十二月止藩司共解銀二十四萬八
千九百八十七兩七錢八分各屬徑解五十四萬六千
九百九十七兩六錢五分四釐三毫五忽二微臣與按
臣薛敷政張諭溫臯謨吳尚默共捐助銀五萬二千八
百二十七兩八錢七釐除貯藩司未解者實解到二萬
督蜀疏草

卷之十一

十一

一千五百四十六兩四錢四分三釐又各司道有司紳
士捐助慘括其銀一萬八千四百一十七兩五錢二分
一釐二毫三絲通共八十三萬五千九百四十九兩三
錢九分八釐五毫三絲五忽四微查得平時遵義戍兵
每年額餉三萬兩三年計之共該九萬兩總鎮標管官
兵每年額餉一萬五千兩三年共計四萬五千兩總計
共一十三萬五千俱該布政司額解年來各兵俱食軍
前之餉其該除去一十三萬五千兩外共收到蜀中藩
司及合屬解到銀六十六萬九百八十五兩四錢三分

四釐三毫五忽二微此蜀中錢糧之總數也蒙皇上捐
發帑金兌於湖廣布政司轉解并南京戶部及河南經
價前次開銷四十四萬六千五百四十八兩五錢餉臣
丘兆麟又催解到五萬兩南京戶部又解五萬兩通共
五十四萬六千五百四十八兩五錢此解到協濟餉銀
之總數也及查兵數自江門遵義建武三處失事綿亙
二千餘里賊忽東忽西無日不出衝犯臣分爲五路集
兵十六萬有奇日日堵殺自二年五月起至天啓三年
四月攻取永寧五月取古蘭至七月遂撤去六萬十二
督蜀疏草

卷之十一

十一

月掃清龍場追賊至畢節大方至天啓四年二月班師
臣又汰去五萬留二萬五千守永寧二萬守遵義五千
守土城又一年於茲若按日而給直須得三百餘萬幸
臣所用皆係蜀人深知措置之艱或給印票或願報效
卽營中日報餓死未有譁者臣每見所遺村官自永寧
遵義而出皆鵠形菜色號泣悲訴臣亦對之欷歔總付
諸無可奈何而已至於餉米一節未有舉人死地而可
令枵腹者蜀中士民所苦最在運夫而米在旱道非夫
與騾何由得入連年用夫各州縣里長攬頭祇圖科歛

全不奉法有未到而逃者或一運而逃者據各有司具詳情願折價臣行總餉道會議願折者官與代雇願運者仍舊赴運今川西川北咸願折價大槩以糧十三石派夫一名每名折銀八兩共解到夫價銀一十三萬三百四十一兩七錢六分五釐四毫九忽七微八塵陸續雇夫轉運永寧仁合等路餉米重慶府屬路近遵義情願赴運將夔州府折夫價銀一萬七千一百六十兩徑解重慶雇夫搬運遵義一路統共運過餉米五十萬一千二百七十六石九斗九升七勺五抄三圭此大米之

督蜀疏草

卷之十一

三

大數也該臣屢疏陳乞蒙戶部科道議題奉旨天啓二年留用協濟湖廣陝茶蠟邊餉及昌平富戶等銀三十二萬三千九百一十四兩三年分共留銀二十六萬六千三百一十四兩四年分議留二十六萬五千二百四十四兩以上通共八十五萬五千三百七十二兩與臣預徵加派併米數相抵外所少者雖不過六萬五千兩有奇但部文所開多係虛數如奏餉十萬兩在無事時每年起解不過三四萬兩今兵火摧殘益無設處留黔餉三萬九千八百餘兩在下川南一帶百姓逃亡尚有

未開徵者與舖一萬兩馬夫祿俸銀八千兩蜀中原無此項平糶倉穀已碾米解發軍前用盡又如屯糧一項東之重慶遵義南之叙遠建武西之寧川五衛俱被殘破惟川北之利保下東之瞿塘俱高山瘦土頻年拖欠追徵不足雖有扣裁二萬五千兩稅契一萬兩優免五千兩合屬亦以殘破難徵止解三分之一統在前布政司解到二十四萬八千九百兩之內大抵蜀民萬死驚蒐蜀地一片灰燼甫離湯火忽起催科匪惟預徵又且加派既折糧以買米又撥夫以起運頭緒多端騷擾滋

督蜀疏草

卷之十一

四

甚士民嗷嗷皆無樂生之心雖訛傳不無過實而愁苦哀鳴情景最慘今援黔用兵計更無措除行布政司酌議明白另疏上請外臣沉痾日久見求視斥所有軍前用過錢糧干係匪細不得不為具題伏乞勅下戶部轉行四川巡按御史通將圍城內外及前督臣張我續支用并各道合屬徑自徵用同司道鄉紳士民捐俸助餉各項錢糧與臣用過之數一併委官查盤核實造冊具奏施行庶查銷明而支用分別矣為此具本謹題請旨天啓五年二月初四日上奉聖旨

叙錄從征文武功次疏

題爲蜀難既清闕穴盡掃謹叙文武功罪以示激勵事
蜀自天啓元年逆賊奢崇明父子計乘調援陡發大難
慘殺多官占據重慶因而攻圍省會虐焰滔天仰仗皇
上威靈殺賊敗遁督臣張我績整率兵將恢復渝城擒
斬首叛逆賊臣亦移駐叙府督兵恢復叙南建武瀘納
仁合等處俱該督臣張我績具疏獻俘併將各路文武
功次叙疏上聞外嗣後六七月間官兵進取忽有江門
等處之失督臣奉命援黔解維東下盡以蜀事付臣是
督蜀疏草

卷之十一

十五

時賊雖在巢而糾結水西烏撒諸苗爲之羽翼加以都
都卜昏楊保舊民並起響應左衝右突曾無寧日西自
建武東至遵義二千餘里之遙處處受敵應接不暇臣
與按臣張論晝夜傍徨相與會議以僉事劉可訓馬湖
府知府鄭朝棟先任同知今加陞僉事段師文先任推
官今加陞僉事胡平表率參遊張邦紱范繼道與加銜
將官潘映奎王懋官等同任長寧建武二路以參政今
陞左布政閔夢得副使今陞偏沅巡撫李仙品率參將
林兆鼎加銜將官鄧懋官劉養胤等同任納谿一路參

政王世仁副使今陞太僕寺少卿徐如珂率將官羅乾
象薛來衍譚大孝王元第馮世倫等同任仁合一路參
議趙邦清僉事盧安世率副將沈崇極秦衍祚加銜將
官侯良柱鄧朝用等同任遵義桐梓落紅一路參政今
陞按察使吳國仕率加銜將官陳一龍趙文進駱麟等
任遵義綏陽一路嗣有遷轉等項陸續改委安綿道副
使謝渭入永寧重慶府推官李必達入綏陽同知商良
弼涪州知州朱毅臣入桐梓夔州府推官蔣化龍同知
劉鼎新入仁懷後遵義道副使侯國知府胡悅安俱新

督蜀疏草

卷之十一

十六

任至共集兵十六萬有奇又陸續委原任參政陳龍光
吳光義副使赫奕僉事錢時叙州府知府劉澤大重慶
府知府余新民同知翟文簡王國治劉國藩通判梁文
燧馬湖府陞任推官周嘉謨蓬州知州黃立言真安州
知州楊汝昌蓬州知州商之彝南川縣知縣韓應龍恭
江縣知縣鄒昌魯筠連縣知縣岑昌運西充縣知縣程
士升永川縣知縣張堯揆安岳縣知縣趙民戴梁山縣
知縣周維軫汝寧縣知縣耿塔等分督五路餉務部署
甫定賊率大衆於九月十七日突犯長寧守將范繼道

先鋒馬湖營領兵官張才等望風奔退獨原任富順縣縣丞葛盛德率五百人血戰殺賊頗多旋俱陷沒賊遂徑趨建武守將張邦紘同知府鄭朝棟以糧運不到先期撤出賊見城空遂於九月二十日徑趨高縣月中已無叙府矣適僉事劉可訓新任閬兵到縣提臣所付令劄謂衆將曰奉令堵賊我死於此有言退者斬於是衆將懾服而鄭朝棟所統王懋官等張邦紘所統周良材等兵俱集遂列營高家埡扼險樹柵凡賊所用奸細廖文潯等百餘輩無不擒戮又遣都寧驛驛丞姚化民募死士夜燒其營壘三十五所二酋睥睨四十八日屢屢窘挫至十一月初七日夜間遁去可訓使曹有才周良材姚化民李忠孔全斌等分路追之通共斬首三百一十七顆救回被擄男婦五千四百名口盛甲鎗刀一百四十二件方相持高縣之時臣慮賊勢浩大令中軍魯美中守備李必茂魏民望等率兵於沙河策應一面馬上密檄納谿仁合遵綏各路共搗其後參政閔夢得李仙品等遣副將劉養鯤等率輕騎直殺入宋江橋擒僞總兵楊選妻女追酋小妻馬氏不獲焚其營舍斬功一

百二十九顆遵義府城自推官馮鳳雛死難久爲賊據至是參政吳國仕率任國瓚陳一龍趙文進駱麟等於九月十六日敗賊扶國禎等再爲恢復至十一月十三日賊又忽出納谿先鋒李綰戰死鄧懋官左營千總余騰龍斫柵先逃縶繫荊魚之腹其餘被賊四面圍定參政閔夢得副使李仙品發張令秦國倖等救之賊散而復合直至二鼓發勁兵過河衝殺嚴圍始解次日秦翼明兄弟同秦良玉統兵俱至兵勢復振賊又於十二月十八日轉攻栢楊園黔中守將楊通雷禦之與戰數次賊俱敗遁原任綏陽縣知縣任寵率駱麟王尚明度朝榮等接應賊渡江而走斬功二十九顆僉事趙邦清督侯良柱等出大路攻克大灣石寶龕坪一帶斬惡目石良三父子陸續招降羅安良安鑾趙國璽雷震乾等共一萬一千九百名口盧安世率沈崇極秦衍祚等由小路攻克竹瓦一帶洞寨招降羅一相簡維仲等多家是時大將李維新到任任劄納谿會同二道用劉養鯤計使降將鄧份等於十二月十九日直搗葛石壩斬級一千五百一十五顆生擒七十六名口招降大苗日喻

劉母繼先等七百名馬二十匹槍刀弩絮三十三件天
啓三年元旦養鯤全張令等又夜進除斬功六百九十
七顆焚寨外擒其偽總兵喻聯芳而出初九日賊又衝
出仁懷羅乾象薛來衍等戰於小峰壩斬其頭目阿興
等共二百九十一顆奪馬四十四匹十一日范繼道出底
蓬擒賊吳啓正等二十名十二日知府鄧朝棟推官胡
平表分發潘映奎周良材等攻打都都卜昏各苗共斬
賊級三十四顆生擒三十六名馬四匹槍刀器械三十
八件各苗俱用木刻拜伏乞降五寨悉平乃旋師至二

督蜀疏草

卷之十一

九

十四日賊統大衆分兩路突犯長寧鄭朝棟胡平表與
土通判李泮王鼎等分頭血戰追殺十里次日再戰於
竹洞水劉僉事率張邦紱等移營策應共擒斬三百六
十七名顆槍刀甲絮二百一十二件救回被擄軍民二
百九十五名口二月初六日范繼道移兵仙人庵賊忽
奄至僉事段師文揮刀率各兵馮高對擊斬級十四顆
生擒一名材官孫世信毛民望戰死十五日羅乾象率
譚正脩譚正常土官覃寅化等與賊大戰恢復仁懷土
城等處斬首二百三級僉事盧安世同沈崇極秦衍祚

張奏凱舒洪烈等由陶竹壩進據落紅口屢戰屢勝擒
斬六十六顆燒賊御營及羅向宸等房一百六十餘間
刀槍器械三十八件馬四匹招降羅華王正相等四千
九百六十名口十七日賊大衆又出仁懷前鋒馬邦瑞
求援不至遂被擄薛來衍血戰負傷適叅政王世仁督
叅將鄧蔚然等援至賊乃退去十八日總鎮發標營盧
世卿兵屯象嶺賊四面驟至不戰而潰賊見稍利又於
二十七日糾步卒七八萬馬兵二三萬復犯長寧戒其
部下八營就食入叙受賞虐焰肆張山谷俱震是日胡
平表鄭朝棟土通判李泮等其連絡結營囊沙割水與
賊對打劉可訓同范繼道等各盡發兵應援賊遣精卒
數千從下流包截放水衝之潰沒幾盡至午後平表開
柵大呼曰槍先出部曲隨之各營併力賊遂大敗當擒
偽監軍李楫斬賊級六百四十七顆生擒五十八名獲
馬三百餘匹刀槍盔甲器械七百餘件泮死殺傷萬餘
守備袁可成斬一頭目獲舊鎮守四川總兵印一顆賊
父子相失各埋草間夜分遁去死者逃者不計其數二
賊計畫無復又輦金帛借水西阿烏述馬步兵八九萬

督蜀疏草

卷之十一

十

先犯遵義安羅二村守將侯良柱陳一龍等俱潰賊旋至落紅口盧僉事所督將官張奏凱等亦潰臣思我兵分爲五路每路又分四五處馬步衆寡之勢委不相敵乃乘賊間密囑參政閔夢得督鄧懋官劉養鯤范祖文胡汝高等兵五千守定納谿列陣示敵以牽兩酋一面檄總兵李維新同副使李仙品督同秦翼明等兵俱改由長寧會兵而進甫割拖船壩賊又驟至連營相拒三月二十五日總鎮發張令秦國倅李鴻功劉宗良盧世卿等戰於麻塘坎二十六日戰於瀘州衛賊俱大潰所

督蜀疏草

卷之十一

三

扎珍蛇洞太平九姓二長官司濫竊得用得貢當落垭龍山等一帶營寨盡行燒燬生擒偽都司秦將柳信明等八十五名斬級五十七顆招降偽將王文等三千八十五名救出洞中避難者百戶戴鳴鳳等一百餘名口四月初三日秦翼明秦拱明秦可等戰於青山岩乘天黑霧殺戮下一洞幾盡直上第二洞賊來迎大敗擒偽丞相章守謂并胡宗祿妻妾二人斬首二百一十六顆生擒一百五十九名牛馬五十一隻匹龍拿盔甲槍刀器械九十二件燒燬逆賊十七營是時參政閔夢得亦

於初六日督將官劉養鯤鄧懋官畢應台等直上江門馬克橋等處擒其把隘偽將柳元儒等次第打破仙人寶月橫山八里中吊三溪等處燒燬涼傘紅岩衙舍營寨斬功六百七十三顆於是各路守隘之賊盡散聚於土地坎賊會集水西烏撒援兵多出竊資憑高據險欲與官兵決一死戰大將應諸將進多不敢應副使李仙品厲聲曰有進無退身請爲先僉事劉可訓謂諸將曰爾若要走直須走到省城眼前一轉足豈復有生路乎與知府鄭朝棟並力趣之至夜分秦翼明兄弟與馬齡

督蜀疏草

卷之十一

三

郭起柱秦可等願任前驅兩道大喜立判賞券卽於四鼓發兵天明接戰直至午後前鋒多被重傷抵死不退兩道連發兵接應及斬偽總兵吳繼用賊遂披靡奔竄自出臨陣被創遁去奪其所乘馬併僭偽儀仗共斬級八百一十五顆被傷溺水者無算生擒一百五十八名兩道卽時正法訖水西各酋之兵見首戰敗飽掠而走大將身先士卒勒兵並進於是二酋知大勢已去盡焚城中室廬列兵紅崖山上城中男婦投出二萬餘人大小官兵四至追之遂走俞家山又走獅子山共擒獲有

名大頭目周邦大徐應龍妖教首劉明選等一百一十三名又招回被擄指揮袁繩武等男婦二萬餘名口斬級一千二十八顆臣與按臣張論先期草檄數道隨軍戒勿妄殺人心少輯永城遂定十八九等日知府鄭朝棟督王懋官周良材等攻天臺固苗日羅甫羅于朝父子等率苗兵數千投降獻出酋委寄金女冠良疋等物共一百一十八件羅乾象譚正脩等陸續攻破白崖楠木樂用青岡等國寨五月初三日又攻破銅鼓坪等處國寨斬功二百六十二級守備張明遠招出羅書成舒

督蜀疏草

卷之十

三

廷采等苗民楊謝等家萬餘忽水西援兵分兩路驟至一路入永者林新寨不動一路出古蘭泰政王世仁副使徐如珂并督羅乾象譚正脩譚正通等并中路軍懋勳等設伏以待至五月十三日大戰兩晝夜陣斬水西惡目魯仲賢併軍師羅奇割級五百四顆其跌溺而死者不計其數生擒西賊阿呼把等七名於是二酉隨水西敗卒夜遁過河割於龍場客仲壩係水蘭交界之所官兵齊集古蘭州燬賊所建九鳳樓掘其墳墓數千年巢穴踐為平地臣慮內地各苗陰陽難測檄總鎮親督

各將分頭攻打各國寨薛來衍打官斗山等處賊目西兒出降胡汝高畢應台等攻水角宿嘴二等國寨數十處賊目祝義明喻訓等出降范繼道等打水涼斬其頭目岳在榮其黨曾榮耀羅第哥出降總鎮標下守備李棲鳳千總李維世總旗李棲鳳李維忠等於十七十九二日攻破新寨斬二百八十三級生擒二名僉事盧安世率張奏凱王正相張洪烈等攻克唐朝落比等寨侯良柱高象乾等打破馬湖營鬼么等寨招出劉顯耀等共二萬三千三百二十二名口嗣後牯牛酸棗木姜

督蜀疏草

卷之十一

三四

等國馬蝗發窩滑石等洞俱相繼聽撫其餘負險拒敵擒斬在冊內地既粗定大將親提兵至馬鈴河賊見官兵卽展轉深入每以糧盡撤還是時按臣溫皇謨銜命下車與舊按臣張論交代卽申嚴軍令捐費大犒人心競奮九月二十七日李維新復督兵親至鄧家渡與僉事盧安世合兵造搭浮橋業將渡河賊若前若却陽以綴我一面結水西大衆潛渡赤水以抄我後適范繼道偵的預報總鎮卽撤兵於十月十五日回至永城料理守禦西賊果分三路一用大壩諸苗爲導出瀘州衛以

截糧道遣張令張學禮等於十八日連戰大勝斬級一百一十顆遂俱遁去一路由尖山子出永寧後守將劉養鯤據險固守賊不能入一路於二十四日徑犯永寧東門馬步之卒漫山塞野而來是時副使李仙品僉事劉可訓俱染瘴病甚多有獻退避之策者二道遂扶掖登城誓死督戰虛世卿部兵方虎斫一頭目落馬卽與厚賞衆心鼓舞總鎮親自披掛督各將大戰賊遂不支至晚遁去止伏數千人於落窩落彼兩溝之中次日官兵四面攻圍斬級九百三十顆奪獲刀槍器械二百五

督蜀疏草

卷之十一

十五

十二件道鎮議大埔卜昏諸苗屢降屢叛不可姑息臣隨發檄會兵剿之擒斬二百七十一顆其餘俱逃入鄰苗界內遂焚其室廬取糧數千石而還自此雞廠鍋廠白崖白撒菜豆白旦對車小水長江以內土地悉皆勦撫平定陸續擒斬招降在冊隨檄各路道將以十一月二十四日五路齊進賊覘知之乃先發扶國顧樊虎等間路欲由芒部逃入建昌頭目王繼宗等向懷忠順密受臣諭於十九日夜歃血起義被李遠達等泄之二酋得信卽踰牆而遁時永路李維新督秦翼明等官兵自

上河口入遊義侯良柱等官兵自崖下先入盧安世同仁合路羅乾象等官兵自卧魚河入五路駢集追獲崇明妻安氏并奢崇輝奢史都李遠達蔡金貴等起解投降者男婦二萬餘名口畢節層臺一帶降者更衆二逆躲入沙魁鐘等官兵分路窮搜倏有倏無爲期二月之久竟不可得臣令總兵李維新遣蔡將林兆鼎率譚正脩冉世烘等兵共一萬搗破羿子猓羅和尚三關直入大方又令遵義二路道將侯國盧安世李必達知州朱毅臣等羅乾象侯良柱陳一龍等并永路分兵

督蜀疏草

卷之十一

十六

二萬攻打崖上水頭圖朱毅臣率部士冒險先登奢富初降自誓獻賊後復遁去二賊遂隨莫德逃入火勺總鎮一面追尋一面分兵二萬同胡平表段師文范繼道等攻打畢節梅子哨等處以上連日擒斬招降在冊隨准貴州王撫臣咨文內稱黔師入水西大方以來勢如破竹蜀兵林兆鼎等已經犒賞發回只因西賊又出暫留援手且屢次咨約於天啓四年正月初三日兩省夾攻水西火勺而林兆鼎且送被羈副使張起鶚回蜀臣得報復遣道將兩路夾攻不虞黔師已於正月初三日

徑撤回省蜀兵日日與苗截殺將頭目補窩阿體等房舍積聚數十處盡行焚燬擒斬有差至二月初五日始撤回永寧臣因思曩者播州之役三省連兵四面攻圍囚窮無計乃保險固今賊既以前車爲戒且有後窟可依獨馬單人踪跡最詭高山密菁靚面難逢愈追愈走愈走愈遠惟是通迤有主未能立縛諒此遊魂假息定難久匿巴蜀一隅可少寬皇上西顧之憂矣凡爲臣子効力除兇自是職分况禍本未得詎敢言功願賊之連結甚廣披猖特甚收元僭號尚薄雄特之圖戮官屠民

督蜀疏草

卷之十一

三七

不啻巢溫之慘在我習於積玩全無預備兵旣烏合將多白徒初則血戰分五路之遙繼則追奔在千里之外各文武吏士皆冒險深入與死爲鄰吸毒殄腥受人間未經之苦攀崖涉磴開洪荒未闢之區卒令巢穴盡傾毋妻不顧僞侯假相並就俘囚險嶂幽岡忽披日月錦江還文治之舊觀銅柱標漢官之物色各官大小數百戰之勞二年之苦亦有難泯者查擒斬截殺五路總計生擒一千九百二十四名斬功二萬七千四百九十二級俘獲一萬七百三十二名口招降大頭目一百三十

四名及內外四里卜昏都都及遵綏桐仁水西畢節等處黔蜀連界漢夸苗民共二十九萬三千二百六十四名口當陣奪回被擄男婦五千五百五十三名口槍刀衣甲器械六千五百四十七件牛馬一千一百一十二隻匹印信五十七顆僞印關防十三顆僞勅曆劄二十九件五路陣亡官兵李縉等二千六百八十八名輕重傷一百九十四名至於左道之變蜀寔首難初則僞榜僭號攻掠州城繼則主謀內應禍遍通省妖書紙甲與天神符鬼臉等項不可勝計幸爾乘勢撲滅擒厥渠魁

督蜀疏草

卷之十一

三八

是亦廓清之一端也是皆我皇上聖武布昭天威輝赫突豕當龍飛之首信多難之興邦犁庭收虎闕之功真至仁之無敵蓋制勝允在廟堂而成功卽在指顧煌煌赫赫宇宙爲昭臣萬不敢仰貪天工而皇上軫念勤勞特許優叙臣思窮兇挺險既殘局之未終鄰惡新援又用兵之伊始且臣碌碌多罪之軀已蒙皇上特恩沅加顯秩而舊督按臣倂文武諸將吏經理辛勤血戰勞苦若不爲一叙亦無顏再爲督率爲是躊躇歲餘冒昧陳控除內閣重臣一德調元純衷體國贊廟謨尹任周兼

尊祖預折衝之略善邊事房謀杜斷笑譚成犁掃之勳
功在鼎彝威行華夏聖明自有特典非臣所敢僭擬前
後本兵大臣渭水協符老人奇授削平妖亂方歌袞繡
於東方指示兵機迅掃妖氛於西土威名夸夏俱震功
業竹帛爲昭司農大臣經時良策憂國焦心百計以督
轉輸不啻醪續之威士萬里而蘇憔悴恍若饑渴之切
身心懸社稷無私名與旂常並永兵垣諸臣力驅當道
名重朝陽借箸籌邊無非帷幄之勝筭肝衡體國卒收
邊境之崇勲職方諸臣法精司馬才擅人龍入參樞亮
督蜀疏草

卷之十一

二五

之謀明同觀火出畫縱指之策績著犁庭此卽酬功自
有特典臣亦不敢擬叙如原任總督臣張我續浴日補
天力量轟雷掣電丰神七豹家傳指顧落妖氛之膽雙
龍氣吐笑潭清巴蜀之塵功在三川名高九鼎湖廣巡
撫薛貞岳峙淵凝雅度雲蒸霧蔚弘猷籌畫切於鄰封
有呼必應聲名赫茲蠻服無遠不懷西上瞻依南天砥
柱原任郎陽巡撫今陞貴州總督楊述中國難家憂並
切文揆武奮威宜徒旅騰驤大振桓桓之氣雷霆煒燁
允符正正之旗心力俱勞廓清有賴原任郎陽巡撫今

陞雲貴總督兵部右侍郎蔡復一經濟參天震地籌謀
出鬼入神定謀於先不以賊逸君父應變若素自能身
作金湯允號丈人懋襄大難原任陝西巡撫今陞漕運
總督呂兆熊精凝體國籌邊力足擎華城海袖出女媧
之石缺陷旋翼身東博望之槎艱危立救威稜具悚汪
濊無涯原任陝西巡撫今陞兵部左侍郎孫居相峻岳
雪山映玉定力注海迴瀾三關八水之赫靈遐荒並震
十圍五攻之神秘聞名逆披計切輔車功垂金石先任
巡按御史張論益代材名匡時謀畧明賞飭罰伸三尺
督蜀疏草

卷之十一

三

以無私決策籌機潛九天而妙應山河不勒茂績兒童
咸識重名巡按御史溫臯謨塞天正氣救世弘籌攬轡
澄清翦豺狼之淨掃登壇規畫肅肅虎以長驅三川並
論福星四存共憚雄畧今任御史吳尚默五夜爐香獨
徹尚方劔氣常寒灑甘霖以救瘡痍未起之民捐軀賞
而賑庚癸頻呼之卒歡騰組練春盎問閭督餉御史丘
兆麟百念畢營軍國一身係重安危飭章程而八法峻
如列眉督轉輸而萬衆欣其果腹威揚闔外各竝關中
俱係憲臣不敢擅擬謹將文武在事各官據監軍各道

所開臣撮其大槩第其功次一一爲皇上陳之鎮守四
川總兵官李維新丹心許國正氣凌霄百萬貯於胸中
山川生色六奇扣之囊底蛇豕驚竄績已著於開疆名
更高於勒柱所當大加優擢仍與恩蔭以酬其勞者也
監軍道右布政使今陞偏沅巡撫李仙品浩氣吞吐虹
蜺赤膽昭回天日審機應敵力能迴日排雲履險誓師
功著犁庭掃穴監軍左布政使閔夢得雅意誓申國恥
沉謀允合師貞兵不務多而貴精奇潛九地戰每先計
而後陣動取萬全參政王世仁擔當水火不避鎮定山

督蜀疏草

卷之十一

三

岳不移恢復州城功對瀘川並永發縱古蘭名與土城
並高參政今陞廣西按察使吳國仕才名振迅意念精
勤履任經年祇是草行露宿愀城屢戰卒令氛靖烟銷
副使今陞太僕寺少卿徐如珂矢心忠赤一腔彈指風
雲八陣挈巴城以還社稷辛苦備嘗殲賊援而闢西荒
勲庸最著副使謝渭精心似鏡執法如山汰黜冗浮舉
大小衆寡而咸備處分周密雖竹頭木屑之得宜僉事
劉可訓一身是胆六出奇仗劔督兵誓捐軀以當危
敵好謀善斷鼓群力以震遠酋僉事盧安世沉怡雅度

恢拓長材料敵洞中機宜正奇迭用臨陣親擐矢石士
馬騰驤僉事段師文赤志匡時通才應變突圍援省夙
高摧陷之勲理餉籌兵克殫勦勦之力僉事胡平表炳
炳雄風堂堂偉幹血戰返魯陽之日膽落窮酋深入踐
鬼方之墟勞宣異域馬湖府知府鄭朝棟吞吞氣壯相
局機圓布德推誠遐方仰其威信汰虛抑競萬衆服其
公平以上十一員皆懋殫勞績功在封疆加恩應膺特
典中有陞任者有後至者有患病請假稍得休息者獨
李仙品劉可訓盧安世鄭朝棟等四員始終在事誓死

督蜀疏草

卷之十一

三

不移尤勞臣之最更當破格者也原任遵義道副使今
改叙瀘道侯國敦朴不欺廉謹有執擒酋誤報雖仍將
士之誑入險結戎實有擒斬之績監軍副使張起鶚假
道借兵致奪羈陷兩年在奔竄堅罵賊之忠一旦出關
大奮擒克之志所當併叙以俟優賚者也督餉參政陳
龍光持籌縝密應務焦勞念切納溝膺危病而不避計
周活鮒綜水陸而交輸參政吳光義長風破浪之志大
川利涉之材省費省勞每事咄嗟立辦恤民恤卒隨時
勞畫成宜僉事錢時應機期若然犀握筭恢同遊汎調

劑盈縮事事運以苦心奔走山原孜孜靡有餘力以上
三臣當物力既訖之秋殫日夜助勦之力寔與監紀諸
臣勞相伯仲所當破格優轉以示激勵者也各省同事
司道在本省則原任四川布政司左布政使周著範王
銘金品格昂霄登壑才猷授兵登陴危城奠磐石之固
分甘饗士窮民無畏楚之嗟左布政使史文煥品同雪嶺
宰裏盟天日思稟冰淵當倉皇戰關之衝誓廿九死酌
多寡盈縮之用嘔出寸心左布政使史文煥品同雪嶺
凝寒才似珠江耀采會計當而奸弊悉釐經緯明而問

督蜀疏草

卷之十一

三

關不擾右布政使詹爾達琮瑣貴潔川瀆停泓小民饑
溺切身計周軫恤三軍庚癸繫念力任轉輸右叅政今
加陞二級戴燦學術雅能經世丰猷卓爾軼羣志節定
於危城之衝經畫周於艱窘之口按察司按察使李守
俊恬夷縝密凝靜端方開誠而廢堅聿修執法而頑梗
自革松潘道叅政婁九德智足禦吝誠能動物厲兵秣
馬壁壘爲之一新起弊扶衰鬱苗望而知畏提學道叅
議來復繡虎雕龍杰品涵海負地弘襟慷慨憂時籌筭
精於前箸公虛得士桃李爛其盈門兵巡下川南道副

使許士奇才稱濟世梯航識明照天蠟燭視國事如家
事檢飭靡遺切鄰憂爲已憂綢繆悉當分守川北道叅
議翁登彥胸有萬斛才裕九還蒐乘簡兵邊郡威名丕
震正已率屬果州雨露方新以上十員雖未到軍前而
事事相成或發解糧餉以解士馬之饑或整飭邊防以
成犄角之勢且各捐俸助餉勞績難泯內周若久苦沉
淪亟應超擢林宰雖已陞遷祇是常格來復不但才品
俱優即搜出缺廩五千餘金以佐軍需尤爲人情所難
許士奇在郡備效轉輸之勞今轉巡道監紀督餉百責

督蜀疏草

卷之十一

四

交萃翁登彥績委餉務俱卓然有可紀之績併諸臣均
應酬以不次用示激勵者也
在湖廣則原任布政司左
布政使李叔元品格振奮心神周密手揮繁鉅四應而
恢恢有餘身任劬勞百出而孜孜不竭左布政使李春
茂動念憂時救世視躬渫雪交雲于橐于囊念震鄰而
濟急偕行偕作廢無依以興歌右布政使楊楷報國務
期勇寇恤鄰不吝纓冠酌盈濟虛持籌綽有妙筭救饑
賑乏轉輸咸荷仁膏在陝西則布政司左布政使蕭丁
泰才裕揆文奮武心懷後樂先憂閭閻弛張擔當自饒

定力輔車唇齒需澆常有餘波以上四員秩任雖殊勩勞俱最所當一體紀錄錫賚者也經理收支餉銀重慶府知府余新民節挺雪山萬仞明同玉魄一輪佐鄰饒而剝肉補瘡痛民殘而焦毛濡首叙州府知府劉澤大砥節不茹不吐臨事任怨任勞當艱窘而節省多金處喧囂而應酬獨暇瀘州知府王新民壯氣凌雲雄才製電督兵屢建奇勲起瘡大張風力以上三臣或當土司窺伺之衝或處滿城灰燼之餘一切餉務收支援兵出入日夜擔心經理迄有成績所當優轉以酬其勞者也

督蜀疏章

卷之十一

三

分理監紀重慶府推官李必達清脩暇月嶢嶢精敏治金煅煉神閒氣整計密忠周夔州府推官蔣化龍銳志弘鉅克肩長才揮叱如意入險不避東伍有方遵義府同知管仁懷縣事商良弼籌畫窮荒起色輯柔吞漢傾心清苦能甘艱難備試同知冉登規度周詳精神優裕聞變挺身赴敵撫荒瘠已分甘培州知州朱毅臣生來勁骨綽有壯心水頭天險先登城外第西匿跡分委督餉遵義府知府胡悅安老成縝密心神恬雅清虛識度與民無擾結士無譁叙州府同知翟文簡兩年瘡痍百

計支撐持籌區畫極精督運勤勞居最重慶府同知今陞南京兵部職方司員外劉國藩品同玉樹懸木才堪庖刀批欸經綸曲當摘發無私叙州府安邊同知今丁憂王國治拮据水陸咸周綜覈纖毫必悉軍懸憔悴民頌廉平成都府陞任通判梁文懋譚兵魚鳥風生督餉梯航雲集有爲有守最苦最勞馬湖府陞任推官周嘉諳精心綏輯夸番勦力撐持保障士民思德軍伍唧思原任江安縣知縣今陞遵義府推官陳達道身濱死而復生節履危以益厲招徠得法難徇多功達州知州黃

督蜀疏章

卷之十一

三

立言朗識獨祛奸弊長才力任助勦源潔流清馬騰士飽真安州知州楊汝昇固陋久奏膚功分精偏饒惠政汪瀾獨柱危郡長城蓬州知州商之義志切奉公才能集事出納不愆升斗調劑允協軍民西充縣知縣程士升偉才富有甲兵勁氣可關霹靂拊循計切跋履勞深運同管南川縣事韓應龍鎮重不爲威惕公廉素得民和績茂斬妖力勦轉運永川縣知縣張堯揆才由誠運威以廉生三軍喜解倒懸百姓赴如流水綦江縣知縣鄒昌魯烹鮮素有令名應變更饒定力繁衝就理盤錯

見奇安岳縣知縣趙民戴仗義不辭家難矢夷獨隱民
艱借著善籌提兵建績長寧縣知縣耿培和繼能贈三
軍歷險不辭百苦身忘官樣民自子來高縣知縣傅穎
孫布大信以撫苗鼓勞民而勤役曾無規避紳自調停
筠連縣知縣岑昌運心常集木臨淵才自駕輕就熟錫
銖不爽出納維均梁山縣知縣今陞雲南陸涼州知州
周維軫忠誠出自天性勤敏勸勵師貞吏不爲奸士知
威德叙州府儒學訓導饒迪兩攝荒城大憲幹濟披草
復修堵屋躬耕以勸逃亡以上諸臣皆親履艱險力殫

督蜀疏章

卷之十一

三七

籌筭均宜一體優陞以酬勞動者也通省同事効勞官
員夔州府知府史贊舜御署鎮靜端詳剖劇精明惇大
法嚴奸先惠洽瘡痍順慶府知府楊鳳念切閭閻痛癢
謀先桑土綢繆民歌安堵軍不呼庚保寧府署印通判
許弘綸實心實政克慎克勤疾徐甘苦常調緩急張弛
各當潼川州知州姚繼崇撫綏有法匡救多能一身備
殫勤劬七屬通無愆悞查理餉務保寧府推官錢允鯨
品同下壘精瑩才似吳鉤犀利仁明井運摘發無私成
都府推官李日輔醇謹依然寒素精明綽有擔當民有

蘇霖吏無藏窟叙州府推官詹先志英明洞識物情披
覽不爲文具升斗必覈出納維明督發調兵則萬縣知
縣毛羽健壯志請纓擊柝清修澡雪殄水明照逃亡力
勦強梗督夫押運則榮縣知縣蔣守洵勤民常切戴星
奉檄不辭涉瘴民亡勞止軍喜來蘇南溪縣知縣王之
朝撫字朗開心鏡揮持勁豎脊梁千艘交馳百堵皆作
桐梓縣知縣陳揚美立身灰燼之地救民塗炭之中劇
善調停更張控禦原任知州今改合江縣知縣劉應宸
撫荒嘔出肺肝救民不惜胼胝法行強悍惠洽流移以

督蜀疏章

卷之十一

三八

上十二員雖云未到軍前而料理經營與夫點兵料運
事事効勞相應紀錄優轉以示酬者也原任行都司掌
印都司陞廣西參將留用軍前今陞副總兵林兆鼎舞
鷄壯志縛虎英風單刀破猱猱之關同仇義壯一戰揭
大方之穴異域威揚原任參將今陞松潘副總兵秦翼
明銳志匡時英名懾敵挽弓躍馬共誨弱冠終軍出塞
安邊克嫺乘風宗怒遊擊侯良柱英毅多謀沉雄有膽
料敵雅同聚米賊在口中當關輒自揮戈威行域外建
武遊擊羅乾象精神奮勵標格魁奇矢志除寇不顧妻

見之慘冒險血戰遂成京觀之封僉書鄧懋官志切承
家義懷切齒師中嚴紀律壁壘增輝闔外肅威稜鼠狐
落膽守備劉養銀黃石蟠胸青萍應手設奇擒賊神鬼
莫測其機用夏變春知勇威樂爲用原任都司僉書薛
來衍產自名家才稱上駟散金饗士甘垂棠以結驩履
險衝鋒每揚旌而耀武遊擊范繼道赤心俠骨偉畧通
材招徠得達人之心隱微洞悉布置若常山之勢戰守
咸宜泰將陳一龍獨矢赤念屢抗克鋒勁草疾風允符
板蕩之節荒城半壁久宜乘障之勞遊擊秦拱明年齡

督蜀疏草

卷之十一

三九

最少意氣偏雄賈勇先登屢奏奉旗之績秉公束伍常
惡暴革之忠泰將張令雄稱虎賁銳若鷹揚習山川存
險之徑每陣居先辨苗獮虛實之情無堅不破泰將秦
衍祚技精三畧敵學萬人彎弓欲滅天驕三軍鼓壯策
馬不辭烟瘴千里標奇僉書譚正通勇仍天授武以家
傳兩戰漢鄆皆能以寡敵衆力殲巨寇不辭赴火蹈湯
遊擊譚正修磊落奇標縱橫偉略殺人如蟻腰間劍血
長腥料敵如神陣上鞭稍莫犯以上十四員在事二三
年大小百餘戰才略俱超熟練竝懋相應查照條例破

格優異者也內范繼道有長寧之潰鄧懋官有納谿之
潰薛來衍有仁懷之潰侯良柱陳一龍有安羅二村之
潰臣當時革其原職取認死甘結責令立功自贖仍查
出先逃各領兵官余騰龍等俱已梟示正法訖今各將
皆能誓死血戰克殲驅馳相應宥罪止錄戰功以示酬
勸者也都司掌印泰將周官譚兵不襲陳言製器務裨
實用寬嚴得體遐邇傾心標下練兵泰將管副總兵事
魯美中立志不欺不苟肅旅有翼有嚴刀斗風清驍
氣壯中軍旗鼓守備李必茂才名烜赫意氣騰驤機權

督蜀疏草

卷之十一

四

盡出七書訓練洞精八陣湖廣巡撫標下坐營守備陸
萬里虎頭自異豹略多奇傳宣鼓角風雄整肅牙幢色
振旗鼓守備尹應禎胸中武庫森嚴匣裏太阿灼鑠不
揚威武雅任折衝鄧陽巡撫標下中軍遊擊蔣吉嗣許
國丹畏獨炳穿霄紫氣偏高能正能奇不嫌不疎旗鼓
守備李鎮邦忠勤自誓威惠交孚揮戈自吐風雲聚米
便成山谷陝西撫院標下中軍遊擊鄧鳴皇律嚴步伐
正齊機運弛張動靜星旗映日霜戟排空旗鼓守備莫
可尚胸中富龍圖之兵掌上運鷹揚之畧雄關兇角邊

塞虎牙以上各官職任不同勞績俱茂均應查照條例
陞資者也總鎮標下都司劉宗良禦侮良才折衝巨手
營裏關山月朗行間鼓角風雄都司僉書鄒蔚然一腔
正氣三代直民寸舌賢於六師隻手力撐半壁僉書范
祖文效赤獨先臨危不懼人擬銅柯鐵幹略精玉版金
韜遊擊潘映奎氣骨霜枝才猷颯發提戈勇冠千人擬
甲風生八面僉書胡汝高龍泉騰匣駿足軼羣冒險每
用先登撫苗更饒妙用僉書胡肇虞家憤填胸首情指
掌灑泣長號月露振衣欲驟風雲守備李棲鳳雄邁不

督蜀疏章

卷之十一

早一

負家聲英敏偏饒將畧迎機輒赴履險若平守備孔全
斌雄氣逼人英材邁衆立馬馳風驟電當場誠將拳旗
守備袁可成個儻雄姿昂藏俠骨馭衆能知甘苦提兵
曉暢機宜守備姚化民膽畧驅風役雨韜鈴捫虱屠龍
介胄雄才昂藏杰品守備李忠力能扛鼎膽可包身解
圍百戰居先應敵千人自廢守備周良材劍上星辰夜
動師中刁斗時嚴詰戎威震應變才雄守備李國選智
略深沉襟期慷慨鳴鞭草木皆兵仗劍豺狼匿影生員
加銜守備汪長源氣吐成虹膽大若斗臨陣不避矢石

馭士咸服指揮守備曾選中標格雄爽謀略周詳志耻
左旋右抽力任前茅後勁守備譚大孝一門耀武百戰
揚威盡稱羅網精兵不數幽燕老將守備武聲華任事
精勤赴機敏迅陣上不愆進止行間備歷苦辛守備楊
元沉機籌畫定力擔當傳呼檄若雷霆督陣令同風雨
守備王胤昌銳志擒虎傾囊餉士一片冰壺貯露千尋
霜鏢橫霄守備魯希聖策馬周旋危難誓心掃蕩妖氛
智足當機才堪遠馭守備張洪烈英風烈烈義膽稜稜
彎弓七札能穿仗劍萬人必往加銜遊擊盧世卿譚兵

督蜀疏章

卷之十一

早一

轉若弄丸審敵瞭如懸鏡驥羞伏櫪鷹快乘風守備趙
璜奉公志潔滅賊心勤提兵氣吐堯鰲衆思同醪續
加銜參將張奏凱勇可投石超距謀精批亢擣虛復渝
者績掃穴揚奇加銜守備金文科棄文就武矢志除寇
久當震憾之衝大振胸縮之習加銜守備蘇廸才優武
略志雪父冤艱難險阻備嘗魚鳥風雲克整加銜守備
吳攀龍肅伍弓刀森密飭兵組練輝煌人稱壯士才洵
干城守備王國臣氣奮刀頭技穿楊葉敏捷雅饒幹濟
忠勤克效助勦遊擊胡綬沉雄得之天賦忠義出自性

成誓洗妖氛不辭危險以上二十九員精神奮勵意
忠勤或血戰衝鋒建捷伐之績或傳宣布置久效奔
走之勞其已經題授者尚係虛銜暫爾加銜者祇是空
名俱應查明功次優議陞補以示酬勸內盧世卿有象
嶺之潰譚大孝有江門之失張奏凱有落紅之失皆經
網打重治令其褻奢血戰功浮於罪相應錄功宥罪以
示器使者也領兵參遊守備併督陣指揮等官雷鳴春
羅運龍王思堯湯廷耀夏永通李棲鸞李維世羅應元
余權中易三桂李棟李棲鳳朱一龍羅萬象范鉞秦可

督蜀疏草

卷之十一

四三

秦允成譚正宸冉世烘凌九疇劉顯祖仇可陟吳一枝
劉必達鄭孫芝張春階羅文才張學周鄒林劉世忠范
明熙吳開先曹有才趙文進李鴻功傅元勳王尚明余
興忠朱天祚王懋官王岷勝劉天眷張青陽段牙王文
蔚劉萬華章鵬譚正常黃朝星楊應海李陽會王國柱
王元第洪綱朱邦俊任調元秦鍾英袁整戴來鳳鄧朝
用丁文明陳鳳郭尚榮度朝榮胡斯化朱國才李棟呂
年王朱三鳳高登衡陳世禎金之純劉以節陶宗成王
國禎王繼先蔣繼祖潘之玉馬繩祖陳于朝夏才魏民

望蕭鳴鳳馬世脩董三知金富廉吳伯秦明遠史其昌
雷世忠許大綬徐維垣唐謙劉安國沈仍燁以上九十
五員桓桓壯氣矯矯雄姿藉草飡風身嘗濱于九死當
關對壘志不縮於萬人相應即與陞擢以示鼓舞者也
領哨加銜參遊守把千百總等官周繼先舒遐郭思正
尹寵任道重陳章劉茂林李效忠鄭之蕃洪日中吳世
昌韓有習徐永祥劉偉劉朝用井見龍劉廷佑徐長春
魯天麒錢贊元吳尚選沈繼祖耿世昌謝遜之劉廷選
周興梅鍾碧玉范崇勝楊世杰劉弘唐廷對范明雍萬

督蜀疏草

卷之十一

四四

永吉李棲鵬李棲鶴張位何法劉熹王宗海陳諫王昌
胤苟翰羅光燦楊時芳黑茂李柱周元儒何繼光胡達
周良棟袁士弘金應宸莊亮羅尚文袁昌李舟輔趙志
上陳祥朱朝聘胡國仁何文選李茂秀馮宗泰段繼祖
林兆葵唐愛胡舜悅熊舉陳聘學王心一燕瑞鳳李培
祚羅朝俊黑有仁文起武熊國陞陳文選張翰蕭德揚
文舉杜正邦李亮何金化羅榮羅忠臣王明王訓龔惠
聖唐二張三重劉祖武張英郎廷高何多益安起龍萬
明吳一言龔奇勝李仙德楊勳臣李有勇文碧羅宗啓

楊于相劉繼武余明禎韓國卿王命壽彭國賢金元亨
黃文明苟仁程九功李金祿張貴王元龍耿允恭桑鼎
段文錦鄧伯海劉邦元開登瀛韓自明周尚文林兆椿
張夢弼張東升殷以質龔守智蘇騰蛟段高岳范德良
冉紹極宋舉雷安邦朱勝羅先燦陸元蓋陸廷楠趙明
世王開趙崇封劉沅安允恭鍾可第艾起鵬李應學青
應魁劉芬王命祿程宁任祈祿彭良貴楊用楊光增陳
善治李必吳中杰李良柱王聯甲李仙景王傑毛介方
虎孫明蔡朝冠李方勝陳旦喻應春姚廷李官趙明遠
施賢鄒昌祚孫達聖袁仕朝秦漢文高辛旺陳玄藻周
繼善蕭衍慶韓廷珊黃朝榮金麟譚大儒王鳳翔袁勳
上時志杜化龍蕭茂先譚端趙淳陳載筆朱廷臣王應
蛟苟正金羅之清王友權曹廷政羅之才任定乾羅之
臣黃朝珍黃朝惠譚訓黃朝珠戴明聖魏希尚韓其昌
黃正福黃朝棟周應道羅自發韓繼先楊冕劉大臣諫
廷華余顯祖袁之明譚龍山譚正坤魏國見譚貢譚正
思趙應嵩譚柄冉有元王朝盛譚加富石朝明周尚應
張本法劉國柱劉人龍段宗玄潘起麟曾科胡道覃培

葉自第楊名世李世貴甘仕倫文仲武趙榮高喻孔學
梁受吳茂富譚弘道蹇亨吉徐廷聰張亨文欽王應乾
王寶曾忠余官廖萬谷曹應選劉尚行周聯芳伯嗣勳
熊通陳坤孫承詹李陞李榮桂毛鳳翔劉新宗胡雲鳳
劉忠賢陳世賢田文元陳益周萬陞冉時榮泰有廉章
良信潘鳳鳴李文胤韋光陞劉起先易應洛王懷忠游
之江方勝駱陞高吳大臣何之珩陳王謨許雲生程天
柱楊起蛟李之印蕭應珠趙玉舟李登芳陳王典徐仕
李魯萬國陳慈徐昌陳明卿謝拱通李朝選劉貴選李
現王李凝朱駱文雷應試黃鳳翔熊廷信沈應龍唐紹
堯郭行達毋剛章士奇陳萬勝陳紹張應富胡文炳陳
獻廷劉霞張台芳朱可榮彭祚陳善策朱朝試李友松
以上三百二十九員舍生赴難冒險從戎存情盡在目
中銳氣常橫天外所應查照功次分別議陞議資者也
軍前報効原任荊州府通判張士彥原任楚雄府推官
楊國瑣原任建始縣知縣王世道原任長寧縣知縣蔣
如綺原任重慶衛經歷張萬該原任夔州府永寧驛驛
丞康衢原任奉節縣典史方大器原任江西德化縣典

史翟拭原任永定倉大使陳王前舉人馬名世歲貢生
傅元和宋世第王信蘇九容卞承志生員楊祖烈周無
咎張衍祺康鼎張瑜李中喬王寧楊逢時余丁春鄭夢
明劉嘉慶張宸劉嘉善王延賓刁成文鄭襄明盧嘉猷
劉向翥鄭干幹袁襄平遂袁桂芳袁學劉紹虞譚國政
朱袁王家棟伯安國監生孫源平武舉孟士斌滿如鏡
以上四十六員名急公仗義援甲枕戈或垂橐募兵直
探虎狼之穴或舍生入險招降反側之徒不食廩餼久
著勞勩各應查例陞職或超遷或超貢以爲任事之勸

督蜀疏草

卷之十一

四七

者也又查得原任綏陽縣知縣任寵首當危難久著戰
功江津縣知縣周禮嘉見危不避殺賊極多雖經臣與
按臣以他事論劾而去思實深岳池縣知縣段可賢除
奸獨早守境多能漢州知州萬砥操守無瑕轉輸獨苦
雖經議處劣轉而前勞難泯所當行勘量降原官仍行
器使者也軍前分理餉官成都縣主簿何惟正宜賓縣
典史陳光俊威遠衛經歷鄧可望遵義縣主簿楊熠真
安州吏目王國選綏陽縣典史楊名譽永安驛驛丞李
紹金墊江縣典史王政行管造火藥造船官合州州同

江濟南合江縣主簿王繼泰典史黃漢清史霸驛驛丞
胡春元牛腦驛驛丞汪元燧神山驛驛丞戴君恩李市
鎮巡檢陳仲文原任瀘州稅課局大使宋淳合屬解餉
官叙州府經歷焦自燦檢校金如璋叙州府任知事
徐省瀘州州同劉邦化寧川衛經歷周希堯宜賓縣縣
丞岳毓英蓬溪縣主簿孫光裕樂至縣主簿劉國助典
史李文英新津縣主簿馬應龍南溪縣典史黃君鼎屏
山縣典史沈光啓雅州吏目張時習山縣典史虞廷
臣以上三十員押運進剿勤勞俱堪合加陞爵以示激

督蜀疏草

卷之十一

四八

勵石砭宣慰司總兵官秦良玉矢畏慷慨督部嚴明仗
義聲傳遠徼除寇功滿全川鎮雄府知府隴應祥當波
濤震撼之衝守松栢堅貞之節處紛不擾在濁能清烏
蒙府知府陸祈忠誠自誓安靜無管上下允號同心患
難彌堅素節龍安土通判加銜知府李泮忠肝大日爲
懸肅法冰霜共稟驅馳最久勞績居多土通判加銜同
知王鼎年齡英茂意氣恢宏開營山月穹窿力戰陣雲
飛舞真安州土州判駱麟開警輒投袂而起揀檄不介
馬而馳功著捍圉才長應變忠路宜撫司應襲軍懋勲

將門有種苗部絕倫挽弓力能百石舉旗氣奪千夫內
秦良玉援省復渝著有勞績已經題叙茲駐納谿數月
以病假歸而其部將秦可郭起柱等俱竝建奇績各將
之功定良玉之功李泮自成都未圍之先首先赴援在
事最久而功最著駱麟保障新邛久著勞績軍懋勳古
蘭之戰賈勇先登均應破格酬勸者也土同知陳治安
土州判鄭延泰土舍冉達龍冉紹文夏得閏安文元悅
先民王立極以上八員名屢經調發効有戰功應照例
厚賚者也降將王繼宗焦從智羅甫畢應台夏國卿劉

督蜀疏草

卷之十一

四九

譜羅于朝趙國重雷振乾張學禮羅安良鄢价羅書成
舒廷采楊柳周朝臣羅向宸羅文垣羅向榮扶國清游
朝柄游朝坤鄭一顯王來聘秦國倬楊遂胡世孝等二
十七名皆相無反骨胸抱赤腸明禍福逆順之機例戈
自效識箐林洞穴之路投袂直前既爲順民卽吾赤子
今已暫給加銜俟其建有殊勛卽應照例實授以酬其
勞者也死事各官如原任松潘道副使李忠臣脫箐無
計報國有心及機泄以當克遂闔門而死難遵義道僉
事趙邦清氣若轟雷震電計圖滅賊擒王壯骨雖埋奇

功難掩副使加陞一級赫奕精嚴操履恪慎才猷轉輸
克殫心神跋涉不辭勞瘁以上三臣如李忠臣謀賊不
勝反爲賊殺功雖未成節實堪閔趙邦清有恢復之績
赫奕效轉輸之勞竝中瘴癘溘死道途所當查照明例
分別從優議恤者也死事各將士除總兵楊愈懋推官
馮鳳雛等已經題明者不再開外如加銜守備潘一麟
劉兆斗孔之譚遵義道中軍蘇民心富順縣縣丞姚一
燁蜀府奉祠張大任貢生周宸生員朱國賓蕭天品義
民瞿繼龍楊佐徐芳桂徐教二傳文玉李榮玉友惠朝

督蜀疏草

卷之十一

辛

又永寧倡義與副使李忠臣同時遇難生員胡稱寧沈
片劉佐聖江映星指揮丘道隆千戶陳大策義民杜林
徵何枝以上或血戰以捐軀或舍生以取義遺骸雖化
爲腐草正氣未泯於重泉久著戰功在營病死則原在
參將張邦紘茂州衛指揮曹守爵守備張明遠降將宋
武胡汝寧或周旋危難大著斬殺之績或首先向義縛
獻偽和之俘勤勞最著緣髮未酬所當一併查勘分別
優恤者也叙州府同知管合江縣事劉鼎新叙州府通
判牟道立隆昌縣知縣黃榜原任長寧縣主簿陞神武

衛經歷沈維翰成都衛經歷陳大祉吏目同光間永川縣典史張熾先高縣典史羅廣譽健爲縣典史劉位奉節縣典史劉仲臣畢節衛指揮裴育章加銜遊擊袁襲加銜將官任國瓚范龍劉誥吳聿然羅仕傑彭述古江應宿王世安周應宿潘繼美朱朝爵曾繼美馮耀顯吳三省何承胤龔崇貴鄧紹虞程尚策章加友趙甫國葉承秀張璠陳朝舟何正光以上三十六員或以督運染瘡或以臨陣負傷勤勞夙著溘死堪嗟并另冊所開均應分別議恤以示浩蕩軍前効勞吏承在臣衙門書辦

督蜀疏草

卷之十一

至一

布政司候缺通吏李一高一考令史張經猷按察司兩考役滿照例見歷三考書吏馮璣一考書吏唐承堯各經管兵馬錢糧章奏効勞最久承差雷灝朱人隆余彭龍布政司知印承差何致祥齋奏勤渠四川按院衙門書辦布政司候缺通吏許士奇胡拱宸布政司知印承差劉應選湖廣撫院衙門書辦布政司吏榮伯聰楊之奇承差杜詩陝西撫院衙門書辦布政司通吏高耀候缺令史權鳳鳴監軍道右布政使李仙品下書辦按察司一考典史丁正印劉繼寧泰政王世仁下書辦按察

司一考書吏葉宗彥僉事劉可訓下書辦按察司吏袁起蛟僉事段師文下書辦按察司吏張時仕僉事盧安世下書辦按察司一考書吏許鳴登督餉兵巡川西道參政吳光義下効勞承差陳世椿在京抄報先後提塘官朱國祐韓遇春吏陳治道俱克勤公務應查舊例示酬其餘在事官員不能盡錄臣酌量徑行獎賞除將各路擒斬等項功次員役造冊徑咨兵部外伏乞勅下該部查將前項應陞應錄應賞應恤各員役照冊通行巡按御史查勘明實徑自具奏施行庶賞罰明而戎務知

督蜀疏草

卷之十一

至二

所勸勵矣爲此具本謹題請旨天啓五年二月初四日上奉聖旨該部知道

塘報進兵施兵失利

爲塘報事遵義之兵城內分門屯守城外憑高劄營十二月內趕殺西兵至板角山等處及永兵兩路過河斬功俱經揭報訖天啓五年正月初八日據遵義監軍會事盧安世塘報連日擒斬細作吳乾等數十名梟示外至十二月二十八日辰時奢寅糾合西目阿烏迷莫德趙國政楊維新等統賊數萬蜂湧將府城圍困攻打盧僉事同副總兵林兆鼎副將侯良柱陳一龍張奏凱等分梁晝夜用七稍砲銃箭對打傷死者極衆職等筭知

督蜀疏草

卷之十一

三

賊裹糧而來勢不能久傳令外營據險石砲射擊慎勿輕動候賊疲聽號追殺偵得賊制十管於河梁三十四營在羅會水欲誘我兵正月初一日本道分林副總發張奏凱等一猛分門衝出南門迎敵斃傷百餘打死十賊侯良柱發加銜將官傅元和督王繼宗出壯門銃箭傷者八十餘應手死者一十二賊陳一龍督兵出東門殺敗賊兵趕至獅子橋溺水死者無算生擒者極多查確另報各路之賊亂竄奔逃奉令收兵入城至初三日卯時賊添兵用雲梯將城復圍綏陽縣署印推官陳達

道奉令發勇兵三千赴援黔將許成名督兵亦至本道大發懸賞大開四門內外夾攻自卯至酉賊不能抵跟踰而走我兵分道殺擊設連珠營追殺四十餘里連羅會水等賊營通行殺散四將斬功一千餘顆生擒五百餘名馬一百餘匹裝糧皮袋二百餘箇器械不計其數復令板角團將官陳鳳胡斯化等伏兵斷送後兵繼追又斬擒多功丟棄槍刀滿地奔逃過河查明冊報等因先該黔省屢約春初會師未有的期因兵已集業移檄各路俱於正月二十六日誓師以二月十一日會兵

督蜀疏草

卷之十一

四

大方至正月二十六日忽得該省檄文約於正月二十七日會兵水西除遵義路先得知令即應發進本部院隨督發永寧一路俱於三十日齊進外至二月初二日忽據監軍盧僉事副總兵林兆鼎副將侯良柱陳一龍張奏凱同黔將許成名等各塘報各將奉令時刻不懈五路發先鋒攻洗石壁等營以掃阿烏逃後路聞黔兵已入四將星夜奮勇進發至二十四日天明到白蟻坎遇賊入營在彼我兵奮力大殺斬級二百餘顆連夜趕殺匪酋至二十五日五鼓各軍齊到本圍頭又進入

八里水突遇黔省監軍會事越其杰併兵奔出六十
有奇等因又據發往龍場將官劉宗良張令等擒獲細
作王佐供報相同今蜀兵仍割要路候黔信以為進止
理合一併塘報本部煩請案候事寧查叙施行天啓五
年二月初四日塘報兵部職方司

杼蜀疏草

卷之二

辛丑

少師朱襄毅公督蜀疏草卷之二

直明邸撫悞報遵義情形疏

欽差總督四川兼制湖廣荊岳鄖襄四府陝西漢中一
府軍務策應緩急督理糧餉兼巡撫四川等處地方兵
部尚書兼都察院右都御史臣朱燮元謹題為直叙遵
義情形以明不欺事臣於本年正月內接邸報見鄖陽
撫臣畢懋康一本為蘭賊餘焰復張荆楚近患日棘謹
據邊報情形直述飛報并申前疏設將官兵之請以禦

孽孽以保危疆事奉聖旨著首糾黨戡城勢復猖獗設
將增兵及附近調官等項作速議覆以資防禦該部知
道欽此臣未見全抄不知所指何地所憑何文撫臣亦
未移會及二月二十四日始得邸報抄錄蓋荊南道僉
事喬拱璧申文據荊瞿守備潘承嗣所稟報者隨於次
日即接撫臣畢懋康會稿為續報蜀中聲息以紓聖懷
請固荊南保障以安重地事全疏移會到臣其前後互
異情節業已叙明臣隨查去年十月二十五日遵義永
安庄居民王正相家果被強賊劫擄飛報遣將發兵追

捉已無踪影此時遵義止一空城賊原不入桐梓堅守亦未來犯按臣吳尚默入境見駐夔府去瞿塘咫尺臣曾移會竝未有文飛報大抵苗蠻未戢人情易動專以鼠狗之竊張爲風鶴之驚荆楚逼近黔蜀聲勢相倚桑土衣禱理宜預戒况道將稟報相同地方人心搖惑該撫臣畢懋康既有所聞安得不據以上告業經再疏申明臣可以無言皇上臨焉西顧戒諭諄諄又於御史王昨昌疏內批停議叙成命似若臣蒙蔽掩飾不以上聞臣愚不肖何地自容故據實申明前事若此非敢一字

督蜀疏草

卷之十二

二

有欺也再照遵義郡城逼近首穴三時之後城牆俱被挖毀田野盡爲荆榛我兵不入賊亦不來去歲冬間始將城垣修復臣檄監軍僉事盧安世率副總兵林兆鼎遊擊侯良柱陳一龍等于十一月十六日督兵三萬入城屯守水西各賊於十二月初二日突犯板角營已經殺敗逃遁至於除夜復統大衆四面攻圍道將率兵出城大戰擒斬千餘追奔入巢臣維關爭方始接濟不敷未敢侈張其事止據道將塘報揭報到部亦未疏聞昔仲尼論兵曰足食足兵民信三者今民既好亂將且造

訛而有兵無食百窘千難臣庸劣病軀無計可措前事雖幸苟安後來實所難料撫臣修理城邑簡練防禦之說真綢繆之急策而纓冠之大誼所當勅部亟議舉行者也爲此具本謹題請旨天啓五年三月初四日上奉聖旨

督蜀疏草

卷之十二

三

保留給縣府佐疏畧

題爲保留給縣府佐官員事據四川布政使司呈奉臣批據成都府申准本府管糧通判胡希舜牒稱見年三十九歲陝西西安府三原縣人緣舉人萬曆四十六年四月內除授直隸安慶府通判本年七月初六日到任九月初二日丁母憂服闋赴部天啓元年四月內復除今職二年二月十七日到任扣該四年十一月十九日連前任計閏實歷俸三十六箇月三年任滿例應給縣云云該臣會同巡按四川監察御史吳尚默考察得成

督蜀疏草

卷之十二

四

都府通判胡希舜意念精勤才諳熟練擬筭曲周民隱祇節常畏人知稱職及查府佐給縣例應赴部但今援黔理餉收支紀覈地方需人難便離任相應照例保留止造冊齎部爲此具本謹題請旨天啓五年三月初四日上奉聖旨

簡兵屯守疏

題爲備陳協戰之難亟議固圉之策伏祈明聖治臣不效之罪立賜褫放勅部速議良圖以無悞封疆事臣行能淺劣濫荷重任適黔禍震鄰奉旨協援屢接黔省督臣蔡復一手札移會春初舉事臣因各兵調集一面檄各將本年正月二十六日誓師二月十一日會兵大方一面移咨黔督去後至二十七日遵義監軍僉事盧安世呈報到臣云黔省大兵已檄正月十五日渡河奉黔督令二十七日會兵水西城適該省參將許成名於二

督蜀疏草

卷之十二

五

十日到府隨於二十二日會兵進發等因臣遂飛檄永寧一路鎮道毋泥前期俱於正月三十日點發過河至二月初二日據盧僉事塘報副總林兆鼎率同侯良柱陳一龍等併黔中副將許成名會兵先發板山營胡斯化等攻破樂蒙沙溪巖孔一帶併力前進至二十三日於白蠟坎與賊對敵賊勢猖狂我兵出奇分三路包截將賊殺敗斬級三百六十三顆二十四日至八里水西賊追趕陸廣官兵甚急我兵接抵護出越僉事并滇毛兵七八千等因又據大將李維新道臣謝渭許士奇劉

可訓塘報副將秦衍祚同鄧懋官潘應聖孔全斌等前
進赤水一路初五日至層臺有馬兵殺手至海子大路
來截各兵奮勇對敵斬功二十顆生擒五名俘獲男女
一十五名口器械牛馬不計坐營劉宗良張洪烈郭起
柱張令等前進龍場一路行至養馬司賊竄搗鼓渡河
張令衝鋒右手重傷一箭追賊大敗其斬級三十餘顆
溺水死者無算自是兩路賊俱深避不出捉獲黔省潰
兵王佐等始知黔兵已退各將疑沮未敢遽進等因臣
當檄各兵撤至赤水衛馬鈴堡兩處屯劄一面差人至

督蜀疏草

卷之十二

木

黔省移問進止知該省路苗竊起未能再進臣思嚴兵
待敵已匝一月賊雖遠避必有狡謀該省業已暫停偏
師未可深入隨於三月十二日檄道將退還永寧減汰
新調且耕且守聊固吾圉獨是仰奉成命經營歲餘不
能建尺寸之效以慰皇上西顧之憂縷髮徒懸遣還貽
咎臣之罪於是無可贖矣顧臣碌碌所慮實難敢誦言
而無諱可乎夫奢崇明父子雖未正蒙衝之戮然無羽
擒斬財用罄乏獸奔鳥徙仰人鼻息所恨者安酋未受
戎索甘爲通匪耳臣稔知安酋原非勁敵去歲犯黔普

定三戰而三大敗今歲犯遵義亦大敗本之最驍雄無
如魯仲賢羅奇前歲犯古蔺一戰而擒斬厥後傾巢犯
永寧又一戰而宵奔官兵非畏之也祇是一入其界百
徑千歧旣佯退以誘我又扼險以邀我高山密箐倚木
皆巢深洞峭崿無處非窟重以陰雨晦蒙罕覩天日雖
有智勇未免張皇夫人能搏山出之虎而難逐挺險之
鹿者形不利勢不便也今日用兵全爲三逆卽殺賊數
千百人而不得元兇何濟於事此一難也兵旣深入夫
運必不能前採野無獲伏莽難防無論利鈍難知卽戰

督蜀疏草

卷之十二

七

而勝黔滇不牽其前賊併力邀截必犯情歸之忌此二
難也據黔督移約令蜀兵東出遵義西進畢節而黔專
進陸廣是蜀環賊之三面而黔獨處一又以水西城爲
信地計黔省至陸廣爲程二日錄陸廣至水西城亦程
二日蜀自瀘州至永寧爲程四日自永寧至水西城爲
程九日錄遵義而進無官程可稽然大約須六七日多
寡遠近之數迥然懸絕此又難之難也夫蜀民之困極
矣馬已竭而猶求鴻欲集而無所吸髓旣空揭竿欲起
外則建昌松潘群奔在在跳梁內則屯戍各兵嗷然待

哺膏地之餅難啖無惠之法難振如臣庸闇實所不支
昔馬援平交廣狄青取崑崙皆越二三年而始得賊首
當時未聞隣酋有如安酋之肆逆亦未聞官兵直窮其
所匿也今日卽不言戰而言守遵義逼近酋穴酋豈忘
情永寧赤水原非蜀衛奈地當全蜀之衝群酋咸伺新
附未馴勢不得不守是蜀且新增二邊稍有疎虞難杜
竊發臣所爲日夜徬徨寢食靡寧者也顧臣不獨爲蜀
憂且爲黔憂蜀尚有民而黔已無民蜀尚能耕而黔久
不耕無民誰則爲兵不耕何繇得食招募土司徒滋駭

督蜀疏草

卷之十二

八

擾之害遠候轉運更多劫掠之虞計日而戰數米而炊
前跋後蹙其苦更倍幸督臣蔡復一按臣傅宗龍昔亦
膽勁骨四應有餘西南半壁自當廓清但願皇上寬以
歲月大發糧餉勿玩小醜而急捷伐之功勿惜小費而
掣任事之肘務令完固根本剪除枝蔓足兵足食一舉
而殲厥元克卽蜀局且不勞而結此不兩待之勢也臣
方草疏據僉事盧安世揭報督臣蔡復一將移鎮遵義
此扼賊項背最得地宜伏乞勅下戶兵二部速議便宜
推廣餉額專委任而責成功戰勝固已在廟堂矣臣庸

疎病軀不稱厥職自審甚明不敢逃罪仰望聖明立議
削黜俾存殘喘高厚洪恩啣戴其有極哉除留兵需餉
另疏陳乞外爲此具本謹題請旨天啓五年三月十八
日上奉聖旨

督蜀疏草

卷之十二

九

史方伯病休疏

題爲患病危萬懇乞代題休致以保生還事天啓五年三月十四日據四川布政使司呈准本司左布政使史文煥開稱職一介愚拙行能無足比數兼家有望入老母豈復苟延任進之時舊歲叨轉蜀藩卽具疏請告乃當事者輒加避難之責駁不允上不意抵任未及數月毫無補稱偶於二月初旬感冒痰症調理罔效迄今頭目昏聩右手酸軟每執筆不能成字蓋已頽然一廢人矣兼之病中憶念老親焦苦時事神思迷離寢食俱廢

督蜀疏草

卷十二

十

前疾愈加沉重延醫李榮先等診視咸謂地方風濕之氣侵入肌骨非謝事靜攝難望痊可自思職一身浮沓亦何足惜獨是川中多事之秋衰母倚門爲望爲此具昧陳請萬非得已懇乞本部院憐念苦情別無規避俯准代題休致俾職得生入里門與親一面則母子以後之日皆賴生成之賜也除呈按院外等因錄詳臣批該司才品兼茂幹濟方新適當倭德之秋兼總錢穀之寄譬諸寒績儉穀尤萬分倚重者卽有微恙不妨一面調攝一面視事何得遽圖卸擔爲也速寢此念其理時艱

勉留去後至四月初四日據署按察司兵巡川西道按

察使王世仁詳稱三月二十五日據錦官驛報稱布政司史布政於本日發牌起程回籍本道聞之不勝駭異卽同都司周官前往攀留見本官身體羸瘦染病情真歸志已決無能挽回卽於本日已時出城訖理合通報再照印務一事關係匪小本道以一人署一堂五道省會根本重地寥寥一官本道必無署藩之理伏乞另委一員受事庶政務不墮等因通詳前來據此卷查先准吏部咨爲循職掌陳末議以仰裨聖治事該吏科給事

督蜀疏草

卷十二

十

中哀國臣題本部覆議以後請告官員在外仍令撫按官代奏等因題奉欽依移咨通行遵照外今查本官自舊年十月莅任以來一應兵馬糗糧無不經心料理文移旁午目不交睫遂致染病不能視事既經離任去志難挽除將該司印務批行按察使王世仁暫攝外該臣會同巡按四川監察御史吳尚默看得布政司左布政使史文煥雅抱霜嚴壁峻弘才斤運刃遊暇歷資深旬宣績茂當茲軍旅多事之日正藉拮据勛勤之功乃以風土不宜遂染危疾二司面慰懇留見其形體減瘦實

非假託業經離任勢不能留除行令本官沿途調理候
命外理合具題伏乞勅下吏部再加查議覆請將史文
填准令致仕回籍調理員缺速另推補庶本官與地方
兩無耽誤矣為此具本謹題請旨天啓五年四月十四
日上奉聖旨

督蜀疏草

卷之十二

十三

保留給由府佐疏畧

題爲保留給由府佐官員事據四川布政使司呈奉臣
批據成都府建昌監理通判易文明呈稱卑職見年三
十四歲湖廣武昌府武昌衛官籍漢陽府漢陽縣人縣
舉人云云起送到臣該臣會同巡按四川監察御史吳
尚默考覈得成都府建昌監理通判易文明馭紛意氣
自恬柔遠精神常到遐荒納款凋伍銜恩稱職及查府
佐給由例應赴部第今苗猥竊劫靡常正需料理難便
離任該司乞要保留相應題請除批行本官照例帶俸

督蜀疏草

卷之十二

十三

管事外止造冊齎部爲此具本謹題請旨天啓五年五
月初六日具題奉聖旨吏部知道

糾察貪婪備升疏

題爲備升貪婪異常據實糾察以安邊境事臣聞設將本以防邊用夏欲以變奪乃不意以最懦最奸之大爲極兇極暴之事刺噬已竭脂膏披猖甚於苗獍有如雅黎遊擊陳謨之所爲者方謀初入蜀臣以其將種必嫻軍旅檄之至永寧百計推阻今日捏呈一塘報云董下造亂明日又捏造一塘報云熟番糾衆出劫托該道代爲請留臣始知其懦也亡何則又具一揭云親帶烏銃手八十名皆百發百中之技欲額外加給口糧臣以爲

督蜀疏草

卷之十一

古

軍前正需此道急檄調之行僅數十次乃解十名至瀘及臣親試並無一人認得銃眼者詰其所以則知原未帶有銃手因臣檄急不得已沿途雇募以應臣乃知其貪也及去年二月建昌苗獍出劫該道報警本官直在屏苗例當應援該上南道錢金事移令督兵一千五百前赴越嶲衛乃安坐兩箇月月餉三千兩屢屢離兵在街市搶奪並不出衛城一步及臣遣材官羅文才帶四十五人度小相嶺撫諭諸苗俱出納款道路遂疏本官復視焉目撫奪之功臣又知其詐也未幾則以土官

馬應乾欲占上七枝地方詳矣又以西番抄劫化林坪詳矣及行道查之則知其詐馬應乾者因本官先在越嶲各茶商恐道路有阻每包出銀四釐呈明該道者洛土官馬應乾護送本官欲盡迫前利入已不允而故妄申也其稱西番抄劫化林坪者緣舊例有馬草銀五十兩本官欲攘爲已有故捏此詳其貪鄙無耻諱張爲幻已無人理矣尤可駭者該所見任雲南保山縣教諭周師望至瀘熱謁具一呈詞內稱本所守禦孤城四面皆番全仗此武勇之技是禦是守自設將領所重者在

督蜀疏草

卷之十二

五

新募而傳額輕所進者在白衣而實職衰每遇一官到任所取各有名色曰下程銀曰差操銀曰衙門修整銀曰什物備辦銀曰酒筵折席銀其去也廂擔銀購禮銀行李輜重俱皆軍負杉板桌椅床帳香衣盡數而行運至邛雅或嘉定交卸慘毒最極以致七姓千有餘丁今流散十不存五多係投崖飲毒撞石而死等因又開一單云發官銀一錢二分取收一石計每石值銀七錢此稍平價一發銀一錢取炭一千細沿山挖羅盡二十戶方能辦此足數其上納之時仍貼賄酒食腳步錢七八

錢計保勒完一發鹽十斤買粟一石鹽二包止八十斤
取粟十石一發鹽一百斤取椒二百斤其椒每斤時價
值銀七分一遇椒熟之時差役橫行鷄犬爲之一空一
白取山菌丁木卓面黃蠟蜂蜜山藥菜果等項萬緒千
頭一置塘報數十名或三五成羣或六七夜聚以捕賊
爲名入各鄉訪事私遞報單差票到手無論事之大小
傾家破產賣兒鬻女一白衣出差到堡卽索夫一名每
夫仍要討貼銀三五錢等情該臣批據呈危邊之苦與
夫官兵擾害之狀殆非盡假仰巡上南道移該遊衙門

督蜀疏草

卷之十二

六

查明嚴禁繳本官一見此呈卽不勝憤憤糾集所部毛
國元沈進忠周時選等徑將周師望綁至法場鳴鑼放
銃卽欲開刀通所一二千人皆爲之叩頭哀號乃姑放
免仍押至關聖廟中鑿其門牙割其頭髮越三日而始
釋之又焚劫其家男婦盡皆逃散夫地方利弊人得明
言況呈詞原不直指本官自合查其有無嘉與休息遽
爾包庇公然作亂此一段猛氣何不用以殺賊而顧用
之雪憾也然照得雅黎遊擊陳謨心毒如蝎力軟於羊
捏文避兵已甘巾幘之辱假兵請餉全係市井所爲妄

申番土之變而實以爭利構釁匪輕偶因鄉官之呈而
公然作亂藐法如戲當諸苗窺伺之秋亟思良將敗常
不類如本官者尚可一日容於地方乎理合具題伏乞
勅下兵部再加查議如果臣言不謬覆請行巡按御史
將陳謨一切贓私行提到官嚴加究問具奏遣下雅黎
遊擊員缺另行銓補施行天啓五年七月十八日具題
奉聖旨兵部知道

督蜀疏草

卷之十二

七

保留給由府佐疏畧

題爲保留給由府佐官員事據四川布政使司呈奉臣批據夔州府申准本府推官蔣化龍牒稱廣西桂林府全州人繇舉人云云起送到臣該臣會同巡按四川監察御史吳尚默考覈得夔州府推官蔣化龍朗識珠傾萬斛矯修案絕一塵幹濟多能題評不棄稱職及照府佐給由例應赴部蜀中多事需人料理軍餉錢糧當及時清查本官見奉按臣案委查盤難便離任該司具詳保留相應照例題請除批行本官照舊帶俸管事外止

督蜀疏草

卷之十二

六

造冊齋部爲此具題請旨天啓五年七月十八日具題
奉聖旨吏部知道

縣令給由疏畧

題爲遵例考覈給由官員事據四川布政使司呈奉臣批據閬中縣申准本縣知縣周維光關稱湖廣黃州府麻城縣人繇舉人云云起送到臣該臣會同巡按四川監察御史吳尚默考覈得閬中縣知縣周維光品格端凝才猷練達潔已香焚五夜恤民雨潤千村本官職業俱修考居稱職准給由除批令帶俸管事外止造冊齋部爲此具題請旨天啓五年七月十八日具題奉聖旨吏部知道

督蜀疏草

卷之十二

五

留起運錢糧疏

題爲蜀方用兵將餉甚誦乞賜允留起運錢糧以固危疆事切照遵義與水西貼鄰永寧當四省交衝落紅土城又係水蔭合縫險地必須戒嚴將士以守爲戰聊固吾圉聽候大舉除今歲三月內援黔新兵暫令歸農外仍留舊兵五萬把守永寧落紅遵桐三處就近分屯相機迎敵所資精餉一日難缺天啓四年蒙皇上允留銀二十六萬五千二百餘兩新舊援兵俱已用盡業經列數開銷訖今年官兵月餉及運米船工腳價等項總算

督蜀疏草

卷之十二

三

該銀六十三萬有奇蜀中甫出湯火連年供億民力已竭實難措辦臣雖奉有新命新撫臣尹同臬尚未履任前項兵餉係三軍命脈不亟議接濟何以使之扞禦查得四川布政司起運錢糧如黃白蠟厨料等項前歲奉有明旨不敢議留外及查歲該加派遼餉銀一十二萬一千三百四十四兩九錢協濟陝西銀十萬四百三十五兩二錢協濟湖廣銀三千五百五十八兩四錢四司料價銀一萬九千四百五十五兩二錢六分藥材銀一千八百兩四錢四分二厘銅錫銀五千七百五十一兩九

督蜀疏草

卷之十二

三

分南京鹿皮料價銀一萬一千一兩昌平州銀三百五十七兩五錢富戶銀六十四兩抽兵銀二萬五千兩潞府鹽價銀二千二百九十一兩九錢五分四厘以上共該銀二十九萬二千六百七十七兩七錢四分六厘又戶部冊開屯糧二萬三千五百四十七兩一錢六分平糶倉穀銀九千五十六兩四錢九分房屋稅契銀一萬兩優免銀五千兩共該四萬七千六百三兩六錢五分部咨內云天啓四年以後留充兵餉以上通共三十三萬七千八百七十一兩三錢九分六厘邇來蜀中藩司官更事代往往徵解不前卽奉俯允未必實數數年以來全藉帑金楚兌互爲湊濟今則止有本省起運一項此外尚缺額二十九萬二千一百餘兩況目下大張撻伐又復添兵費更不貲應候新撫臣至日另議設處臣謹會同巡按四川監察御史吳尚默合詞上請乞皇上憫念三川赤子連歲轉輸兩地留兵枕戈卧瘡俯將天啓五年分起運各款錢糧勅下戶兵二部酌議上請盡數留充軍前接濟庶戰守有資疆圉可固矣天啓五年七月二十四日具題奉聖旨戶兵二部酌議具覆

捐俸助工疏

奏爲敬捐微俸仰助大工事頃接邸報伏見宸居創建
工作肇興苞茂踵美於累朝鬼煥快瞻於萬國佳祥濟
發皇極攸芋卽庶民無不子來况臣子敢不效力臣久
處遐陬適逢盛舉歷年俸銀尚未支領謹自天啓三年
起至天啓五年止歷過三年俸銀九百兩行令四川布
政司扣貯解進外雖土壤一撮是無裨於崇高而葵藿
微忱亦少伸於萬一伏乞勅下工部查收施行天啓五
年八月二十六日上奉聖旨捐俸助建具見急公該部

知道

督蜀疏草

卷之十二

三

就近陞調急缺道臣疏

題爲急缺方面道臣酌議就近陞調以勦軍旅事天啓
五年八月二十二日據四川重慶府晉印推官李必達
申稱兵巡上川東道副使余新民偶染風痰用藥不效
於本月二十一日病故等因到臣爲照副使余新民清
白視躬忠勤任事瘡痍旣爲改色士庶罔不傾心臣已
疏令本官監紀一路籌兵理餉朝夕靡遑事冗勞積一
病不起淪城中小小男女無不悲號罷市者查本官自
解圍復淪取復遵永種種功績載在敘冊容照例會議

督蜀疏草

卷之十二

三

另疏優卹以光泉壤外但該道係遵義咽喉內應遵制
軍火器具兵馬錢糧外督二十州縣募運水陸糧餉卽
臣一入募遵該道又應督軍深入直搗鬼方委任宜急
不可一日缺官川東三道祗守東道恭政莊毓慶一人
在事本官方有督餉調兵之役難兼數局查得安福兵
備道見任副使謝渭璋精蒞事矢志吞西譚兵洞燭機
宜馭下獨持紀律向令監紀永蘭料敵無差治兵有法
蓋深得寬猛之宜而大爲本澳所懾服者相應卽以本
官調補兵巡上川東道員缺不但轉移間便可任事卽

徵發調募助勦佐助實有賴焉臣謹會同提督軍務巡撫四川等處地方都察院右僉都御史尹同昇巡按四川監察御史吳尚默合詞上請伏乞勅下吏部覆議上請如果臣言不謬將謝渭查照條格加陞四川布政司叅政兼僉事管理兵巡上川東道事務或仍以原官改調監督料理遺下安綿兵備道員缺另行銓補庶殘黎獲甦而戎務有裨矣天啓五年八月二十六日上奉聖旨吏部知道

督蜀疏草

卷之十二

誥

議改賢能官員疏

題爲議改賢能官員以資安攘事據兵巡遵義道呈稱遵義府同知冉崧於本年八月初六日病故等因到臣據此爲照遵義府城三經殘燬幾成既脫臣儆府縣各官隨同道將修補城垣招民耕墾賊屢屢出犯且戰且守料理經營稍有頭緒今新推知府李應龍履任未期通判尚未除補推官陳達道奉委查盤往來不定該府印務缺人料理臣指日移鎮凡督餉查兵諸務一時叢集勢難缺官查得達州知州黃立言才周千應守絕一

督蜀疏草

卷之十二

三五

塵理州最有聲名督餉更饒經濟閱邸報本年六月內本官推陞雲南楚雄府同知其地無瘴癘無兵革較之遵義尤人所樂趨但爲地擇官且就近取才計非得已合無將本官改留遵義府同知深爲便益又重慶府巴縣自知縣戴文箕於天啓四年二月丁艱去後至今未補查遵義進兵一向糧米器械等項俱仰給於重慶而巴縣爲首邑倚藉更切必大有才望熟習事體者方克勝任查得萬縣知縣毛羽健英姿卓識潔守通才衝疲事事改觀本漢人人頌德到任以來正黔蜀徵兵紛錯

之會屢屢議調爲士民苦留今徵發已有條理繁劇正
可改移合無以本官改調巴縣藉其才畧用理糾紛匪
惟地方之幸實捷伐之資也臣謹會同提督軍務巡撫
四川等處地方都察院右僉都御史尹同昇巡按四川
監察御史吳尚默合詞上請伏乞勅下吏部覆議具題
將達州知州今陞楚雄府同知黃立言改留遵義府同
知萬縣知縣毛羽健改調巴縣知縣其楚雄府同知員
缺另行推補巴縣倘有新選知縣卽改萬縣知縣員缺
實爲兩便天啓五年八月二十六日上奉聖旨吏部知

督蜀疏草

卷之十二

三六

道

酌議陞調縣令各

爲舊殘懸飲日久酌議陞調以安要地事爲照雲陽縣
知縣李一星於去年九月內被惡生王正祥等趕逐隨
經本部院會同巡按吳御史會疏具題見行究問明白
而本官中氣染病徑自回籍去訖今照該縣楚蜀通衢
士民兩逐縣官曷凌難馭事廢糧通缺經一年道府屢
屢申請就近調任查得巴州南江縣知縣俞相廷器宇
黃琮白璧才鋒紫電青霜不吐不茹能節能愛在邑政
有餘暇似堪投以器衡相應卽用本官改調雲陽庶幾

督蜀疏草

卷之十二

三六

振制有裨又查得敘州府興文縣自殘破以來向缺正
官雖經縉紳刊有王自修名色其實裹足不至及查該
縣原係彈丸民皆土苗在太平時尚不當大縣一小村
落今遭水火塗炭之餘絕無室廬井牧之聚若非簡一
實心任事不辭清苦之官招徠整頓不惟縣治漸爲茂
草而諸苗衝要之區誰爲保障亦甚可爲地方慮也查
得宜賓縣儒學訓導委署該縣印務饒迪撫苗得體率
僕躬耕綽有經濟之才絕無溫飽之念屢經薦舉例授
民社合無卽以本官陞補興文知縣俾令加意安輯倘

有成效卽會題破格議陞庶幾邊小邑獲資保艾矣再
照除調縣令係貴部職掌近准咨文覆奉明旨才品異
等者不時咨部以需急擢等因二官陞改二缺定非所
願但盤根錯節用別利器爲地借材計非得已理合移
咨爲此合咨本部煩請查照將南江縣知縣俞相廷改
調雲陽縣填補回籍知縣李一星員缺宜賓縣訓導饒
迪陞興文縣知縣填補王自修員缺俱俟具題允日行
令二官各遵照赴任遺下南江縣知縣宜賓縣儒學訓
導員缺及未任知縣王自修另行銓補施行天啓五年

督蜀疏草

卷之十二

天

八月二十六日咨吏部

薦舉湖陝方面疏

題爲薦舉督屬方面官員事臣奉命撫蜀兼督湖廣荆
岳鄖襄四府陝西漢中一府三年於茲矣雖地方遼遠
而各監司拮据糧餉共效勛勤其勞有不容泯者今茲
改任例得薦揚除歷任尚淺不槩敘外訪得湖廣布政
司左布政使李春茂緯武經文大抱纓冠被髮真心品
重嚴廊望崇節鉞右布政使翟師雍清修浸玉冰壺亮
節擎天石柱才誠兩合聲實俱優屯田水利道按察使
吳光義經濟一腔皆赤規爲三尺無私大法小廉刑清

督蜀疏草

卷之十二

无

政簡分守下荆南道右叅政劉廣生英標翠柏叅天偉
抱神駒躍海澄清獨負鎖鑰攸資清軍驛傳道右叅議
兼僉事張元芳心事天青日皎才諸雷厲風行氣肅軍
屯育流民部分巡上荆南道僉事喬拱璧素節玄蟬吸
露靈心赤水含珠廢墜聿修金湯增重陝西布政司右
布政使俞誨抱負作霖作礪經綸允武允文瑞石補天
慈航濟世分守關南道按察使兼叅議張國瑞蘊藉金
輝玉瑩才華雲湧川流績著漢南名高斗北分巡關南
道右叅政兼僉事吳養蒙以甲兵才挺千尋梧

積旬宣績茂等鑄聲宏督糧道副使兼參議陳陸動念憂民饑溺勵精靖世妖氛識度超羣丰猷蓋世提學道副使陳應元博雅包羅象緯清貞凜冽水霜色紫秦關芒高井絡以上諸臣俱方面之良急宜不次優擢弘濟時艱諒諸臣不負明時而臣亦可不負所舉也伏乞勅下吏部再加查訪如果臣言不謬將李春茂等從優擢用庶激勸明而監司知勵矣天啓五年九月初二日上奉聖旨吏部知道

督蜀疏章

卷之十二

三

薦舉四川方面疏

題為薦舉方面官員事臣奉命撫蜀近已得代方面官員例應薦舉除四川布政司右布政使周維京分守川西道副使鄭國昌遵義道副使廉第分守川東道副使莊毓慶分守下川南道副使王養俊才品素懋整飭方新歷任尚淺遵例不敢榮叙外訪得按察司按察使陳龍光簡淡吃樹丰標精練一清竊弊棘林無枉憲度維貞分巡川西道管理錢法按察使王世仁應變助勦最久刺繁劇應有餘一片真心九還粹品分巡川北道參政蔣仕忠峻節摩雲掃漢虛衷執玉捧盈率屬風清除奸雷厲安綏道副使謝渭清明月鏡常空勤敏霜蹄馳坂衝精擒縱績懋保釐兵巡下川南道副使許士奇精神劍耀千尋經濟珠傾萬斛匡時大器應變偉才建昌道副使張法孔剔贅俗穢都捐振刷威靈旁暢豺無當道夜每焚香監軍道副使張起鵬生從九死得完氣雖萬人必往險存洞胸等筭最精叙道副使劉澤大治郡克濟艱難蒐乘津新壁壘政無不舉人莫敢欺威茂道監軍參議劉可訓五載備嘗勞瘁百戰俱悉機宜保

障攸資才名茂著監軍道僉事盧安世立志誓掃狼群
挺身獨當虎穴人推儒將績擬銅標監軍道僉事段師
文赤膽濟以弘猷雄心兼有定力苦常燭斗楫自利川
以上諸臣皆藩臬之良當茲軍旅倥偬拮据奔馳較之
內地安閑其勞數十倍所當不次優推以示酬勸內劉
澤大今任尚淺轉自臣屬例得並薦者也再照有薦應
有刺維是現任司道強半缺員況當大舉捷伐之際需
人更亟即欲苛求而亦有不可得者非敢隱蔽以示恩
也伏乞勅下吏部再加查訪如果臣言不謬將陳龍光

督蜀疏草

卷之十二

三

等從優擢用庶勸典章而群心競奮矣天啓五年九月初二日上奉聖旨吏部知道

舉刺湖陝有司疏

題爲舉刺督屬有司官員事臣奉命撫蜀兼督湖廣荆
岳鄖襄四府陝西漢中一府所據各府縣正官賢不肖
之狀據司道開報頗得其槩今茲改任例應舉刺除任
淺者不開外訪得湖廣荊州府知府郭澆朗議精心通
才潔守剴削龍光遙映剔釐兇窟潛消襄陽府推官陳
甲耀斗文光凝冰器宇品隲朗同懸炬哀矜仁浹覆盆
岳州府推官馬易從恂恂雅度皎皎貞操三尺凜奉漢
章九流盡歸秦鏡歸州知州楊奇珍淡以守箴誠能動
物經理銜途得體撫摩瘡土流膏襄陽縣知縣樊一蘅
品鑒千山秋曙才散萬斛春濤破柱威伸拔葵節稟江
陵縣知縣黃昌爽氣絕倫宏才遊刃兩地棠陰蔽芾一
簾鶴影蕭疎平江縣知縣車夢瑤長才立解糾紛慧識
潛消城社春烟藹藹秋月溶溶房縣知縣傅永淳儻
才猷嶙峋品格雙佩龍光灼燦九苞鳳采焜煌石首縣
知縣周士麒操履霜寒絕巘精明月映長空澤盍郊圻
風清城社宜都縣知縣陸昌祚鎮定政無不舉精明吏
莫敢欺害馬悉除蜚鴻環集陝西漢中府知府金本高

督蜀疏草

卷之十二

三

品同岳時才若刃遊清風表帥列城石畫綢繆半壁漢
中府推官王東岱靈襟朗徹偉度端凝程才月旦無私
獄獄隱微畢照寧羗州知州陳明廷莖業臨淵集木撫
摩起瘠瘞枯才品並優軍民胥戴興安州知州張繼孔
宅心豈弟敷政精詳甘霖夙沛川江麗日偏高秦嶺漢
陰縣知縣李時禎冲度了無俗韻英猷盡合時宜六案
無塵于村雷潤鳳縣知縣楊茂齡才華星燦操履冰寒
邑當子午之衝民頌日星之照以上諸臣皆一時有司
之良所當薦揚以備擢用行取之選者也又訪得荊州

傳蜀疏草

卷之十二

五

府石首縣知縣今陞山西霍州知州洪文淵荒淫無度
檢押全疎徵輸絕不經心幾務盡行沉閣查據單款一
守道批發罪穀二千石召夫通縣二十一里共排年二
百一十名每名該穀九石止給六石各排各賠穀三石
召夫共穀六百三十石有奇易價入已周鉞證一通縣
二十一里除優免外共提夫一千七百名每名九十日
止入百名用工後九百名每名追工價一兩共追銀九
百兩書手王應建證一大木往縣經過通縣二十一里
共起派夫八百四十名每名徵銀二錢八分共銀二百

三十兩有零後木簾過縣止用外起派逐門人夫銀扣
入已追冊證一徵收南糧原額外止加耗米二斗今改
額外三十五升又淋尖交耳順風多徵米一千石有奇
折價扣用一徵收潞糧原額每一兩外加二錢五分爲
費用保庄總自收交兌差官本官自收每兩勒加五錢
其多收銀三百餘兩庫吏劉潤證一誣捉永州王客人
爲盜本官親自封船將貨物入庫苦刑考打成招解府
審無真贓失主行文永州查原籍保結釋放客人至縣
具領原船貨物又責二十板止發空船貨物不給卷案

傳蜀疏草

卷之十三

五

可查一奉文革退民壯李尚錫等四十二名每名上銀
二兩者准與復役不一月全收兵書證一徵收條編錢
糧私置法馬每兩外加火耗銀一錢有零扣貯入已庫
吏羅銘證一莅任一月卽差書手胡自忠娶荊州府原
相交娼婦爲妾以致妻妾不和曩至公堂周諫證一縱
子從師周秀才爲名每每在外飲酒宿娼一本官荒於
酒色不理糧餉以致任內錢糧逋欠最多貽累後官帶
徵罰俸至今無能清楚欠冊證此一臣者心地不端操
持已壞在任猶能塗飾去後噴有煩言所當照不謹例

革職閑住者也伏乞勅下吏部再加查訪如果臣言不謬將郭澆等循資擢用洪文淵革職閑住庶勸懲彰而羣工爭奮矣天啓五年九月初二日上奉聖旨吏部知道

督蜀疏章

卷之十二

三

舉劾四川有司疏

通爲舉劾有司官員事臣奉命撫蜀今已得代所有合屬守令官員賢不肖之尤者悉心體訪聞見願真復據司道開報相同例應舉劾除俸未及期不敢開敘外訪得成都府知府李一公褻躬凜凜德讓應務炳炳丰猷重地金湯專城領袖夔州府知府史贊舜峻品楷模獨肅長才批導咸宜閩境膏霖救時福曜龍安府知府伍元正朗識肩弘任鉅清修茹藥飲水溝瘠頓甦邊防攸賴保寧府知府王橋法嚴城社肅清惠溥閭閻霑溉列

督蜀疏章

卷之十二

三

城象指險閣增雄重慶府同知張堯揆千尋動氣一片寒水治邑民頌來蘇理餉軍皆宿飽烏撒府同知吳伯錡清貞自好偶儻不羣仕蜀久著芳聲委任極多勞績顧慶府同知耿進明心思兢惕規畫安詳詰戎弊絕靈釐署篆政平訟理成都府通判胡希舜精明器宇練達才華奉公一念無欺應務百爲輒辦順慶府通判連錄英爽有爲勤勞匪懈歷署法清通隱緝奸計靖萑苻保寧府推官錢允鯨品韻朱弦清越才猷寶鏘光芒法署陽春人倫水鑑成都府推官李日輔朗識洞於觀火長

材捷若運斤平反無冤品題悉當重慶府推官李必達
識度淵深才情焜耀閱歷偏多善譽持循綽有芳模順
慶府推官辛嗣進清標絕俗丹筆流膏安安恪守章程
朗朗虛懸衡鑑敘州府推官詹先志胸羅萬象目鮮全
牛治獄電掃長空署篆風清積案遵義府推官陳達道
志切吞夸勞先入險經綸動中竅繁操持可質神明劍
州知州鄭之良砥礪絕無點染剔釐雅有擔當近悅遠
來民怡吏悚運同管真安州事楊汝昇遇亂共謗墨守
從躬獨凜素絲勞績久彰循聲最懋茂州知州岑昌運

督蜀疏草

卷之十二

美

淡約自甘寒素謹凜若履淵冰夸漢輯安軍民歌咏萬
縣知縣毛羽健峻挺雪山萬仞明同月鏡一輪四野蒼
淪百城望最南充縣知縣羅宰實政民安士服清修夔
苦水寒衾影不慙聲名懋著華陽縣知縣文士昂英姿
神駿騰空粹履寒潭徹底名高赤社品重清華閭中縣
知縣周維光五紵雅操百鍊長才整頓無弊不釐撫字
有天皆雨西充縣知縣程士升昂昂勁骨朗朗精心琴
堂與水同清鐵案如山莫越南溪縣知縣王之朝才誠
並運心力俱勞萬家哀羽傾心一片切灰起色富順縣

知縣林元春陽在握秋水爲神慈祥衆樂安恬敦大事
咸修舉新繁縣知縣趙光宗砥躬節儉取下端嚴一簞
琴韻悠悠四野各風習習南江縣知縣俞相廷映玉清
心新輪妙手惻隱一腔懇款陽和萬井氤氳奉節縣知
縣萬同泰品格嶙峋才情綢繆剔蠹秋風掃蕩愛民春
雨生花長壽縣知縣徐爾一擔當定力康濟弘猷革奸
弊絕憑城起瘠背流比屋安岳縣知縣趙民戴勁氣遇
難彌堅良畫應機立辦積勞積苦實政實心仁壽縣知
縣王用汲摘奸不畏強禦沛澤丕振顛連野起謳聲案

督蜀疏草

卷之十二

美

清滯隨雙流縣知縣楊世綬心若持盈捧璧政惟守法
奉公鸞鳳歌騰羔羊節潔隣水縣知縣龔之彥運刀立
解懽憚調瑟一清器競絕無粉飾綽有擔當義眉縣知
縣王加相清貞集事豈弟宜民村中蔚有繁榮境內恬
無哀鴈東鄉縣知縣龍德正識度遠超塵外精神盡入
事中駕促戴星門如止水遵義府同知管仁懷縣事商
良弼久歷險巇力披榛莽惠政交行夸漢至誠可格豚
魚遵義縣知縣丘可恒身可探驪將虎勞真濡首焦毛
流散懷歸瘡痍頓起桐梓縣知縣陳揚美茸荒城於再

造取新附以知方綠野同春青萍吐氣納谿縣知縣吳
尚文力振無居殘邑懋宣轉運英猷心計獨精血誠堪
倚江安縣知縣陳龍光矢衷實不欺遇事調劑有法
汙萊悉聖廢墜聿修榮昌縣知縣李雲衢英茂偏饒幹
濟矯健不事嬖阿律已惟嚴與民無擾合江縣知縣劉
應辰愛民直欲寘懷守節真同捧壁政成清淨民戴慈
祥成都縣知縣翟元懿沉恂雅度朴茂醇衷御獄聲色
自如理劇科條不紊通江縣知縣易尚杰器重不浮識
精善斷批導發硃利刃清瑩出水新榮梓潼縣知縣馬

督蜀疏草

卷之十二

四

彥鰲精心能翕能張雅量不茹不吐人懷樂易政奏廉
平新津縣知縣管一鯨蒿日民暑暉精餉務節愛春回
巖谷嚴明霜肅庭階岳池縣知縣高梁楹才識疏通丰
神續密峻法不撓巨猾胞仁徧布窮瘁以上諸臣皆有
司之良所當薦揚以備擢用行取者也又訪得保縣知
縣朱拱宸心神躁妄舉動乖張喜事每拂人情信奸殊
玷官守一本官於天啓四年正月內將布政司發下番
銀七百兩貯庫不放以致鼓譟後差徐之龍解銀二千
兩往彼方取出前銀給與衆番始得安撫徐之龍證一

本官差卑隸趙拱佑張大經私印硃申稟六張前往崇
寧縣乾銷各軍兵三年分餉米五百石得受銀六十兩
楊奇受張典周松安等證一本官將達思蠻長官司欽
賞銀五百二十五兩假以查數放散取本司印領先勒
銀四十兩張大受趙頑龍證一本官假查點兵番嚇索
河西食糧番兵本卜太等礮頭紙價銀六十兩花貨四
件袁文王粹修證一本官聽信徐登階稟假以犒賞
寨首本卜太頭巾一頂勒索銀碗一個重三兩磨香二
斤張大猷王朝用證一本官奉藩司解邊糧銀三千二

督蜀疏草

卷之十二

四

百兩到縣於查盤冊內冒造使費開銷一百八十餘兩
徐應臣王禮健等證一本官將年例坐編溫江郫縣祭
銀共三十兩侵吞二載不行祭祀唐教官等證此一臣
者恃才妄作縱役作奸夸漢咸起怨咨操持亦且敗壞
所當照不謹例革職閑住者也潼川州鹽亭縣知縣區
縉律已不端馭民無法在邑已多穢狀署篆更有煩言
一本官徵收大糧條銀重取火耗每銀一兩外加一錢
折封之時先取幾錠入拜廂內方纔秤兌正數短少不
管責今收頭賠補黃光等證一庫吏趙棟收過稅契銀

一百二十兩本官拆封遂取六十兩入已仍說所收契銀不止此數夾打賠補趙棟證一本縣驛馬四十八匹縣馬四十二匹每匹工食銀二十四兩本官聽信積惡杜鳳鳴等稟每工食銀一百兩內扣除十兩任從鳳鳴包當馬戶躲閃差役仍報鄉民王金曉等每家買馬六匹替走累死一半王金曉證一本官每遇投文濫准詞狀審時擬罪不論事情大小曲直原告被告槩罰三兩六錢干證亦問紙銀二錢劉仕元等證一本官終日嗜酒票取酒戶上好高酒不計其數及酒戶領價反說酒

督蜀疏草

卷之十二

聖

不堪用應該打死價銀分釐不與行戶李忠證一本官署潼川州印務支放皇華五城古店建寧秋林等驛夫馬工食每驛扣銀四十兩入已又作成衙役需索常規遲延不發五城驛驛丞出有揭帖皇華驛李驛丞詳申證此一臣者事既糊塗守復縱肆不惟無德於百姓甚且被訐於驛官併當照不謹例革職閑住者也夔州府新寧縣知縣高文偉百般疎縱一味糊塗線索全被人牽成福專憑狐假一本官到任隨帶妻姪陳純主文看稿錢糧磨美俱經其手純住後堂左邊書房被門子載

應麟將繼母朱氏年二十五歲張之桂妻年一十九歲逐夜暗送書房色賈陳純倚勢害人後秦可啓因營管錢糧未得將陳純并羅在泗具告本道已結本官方纔知覺將陳純押送回籍通縣共知戴啓志等證一本官訪拿豪靈劉階等而機事預洩於人致刁民造反噬之謀事事掣肘意氣墮頽一本官堂規不肅每日升堂左右擁擠全憑吏曹寅書手陳以玉朱應運黃有道王德政差頭楊光現隊長戴友志快手周永仁等左右調度言出即行本官全無主持通縣合堂人役證一本官御

督蜀疏草

卷之十二

聖

下不嚴前按院考察該縣吏書獄囚無一至者本官徒付之浩嘆而事後亦不創懲致吏書全無畏憚縣中諸事俱廢一本府行各屬裁革民快各役本官聽信兵房囑票以事多差繁仍令每名幫合一名致多白役下鄉擾害差頭楊光現證此一臣者昏聩敗箴聞其廢事僻地尚然委戀前路再難更張所當昭罷軟例責令致仕者也成都府建昌監理通判易文明賦性優柔當機踟躕職守頗多疎曠吝情全欠調停一本官到任即與劣處寧越通判張爾恕彼此爭訐幾動干戈卷案證一差

卓快王光宇等前去會川衛縛拿犯人激變一衛將差人綁殺一齊上山該道張按察使撫諭始各回衛卷證一妄調刺兵致與水托苗人相通兵將失事本官寔司監紀其責難辭一天啓四年一聞苗賊蠢動卽將家眷乘便送出成都今年正月道將正缺簡檄本官料理乃假以考滿徑離信地耽延半年不復回衛此一臣者操持雖未敗壞緩急全不擔當視法紀爲弁髦以官守爲兒戲所當照不及例重加降調者也伏乞勅下吏部再加查訪如果臣言不謬將李一公等循資擢用行取朱

督蜀疏草

卷之十二

四

拱辰等分別議處庶彰肅肅而人心奮其於吏治民生未必無小補矣天啓五年九月初二日上奉聖旨吏部知道

薦舉佐領疏

題爲薦舉佐領官員事臣奉命撫蜀今已得代所有佐領官員例應薦舉訪得簡州同知楊世功清嚴不染常例勤慎綽有幹才巴州同知周德兆器宇恬然無競才華卓爾不羣嘉定州判官馮應龍委署能清通隱視躬綽有操持保寧府經歷鍾萬璋粹履恪持寒素虛衷如履淵冰重慶衛經歷譚至言奉委勤勞匪懈署邑幹濟多能安岳縣主簿沈貞甫恬雅全無俗味精勤能恤民暑以上各官皆一時佐領之良所當薦揚以備錄用者

督蜀疏草

卷之十二

四

也伏乞勅下吏部再加查訪如果臣言不謬將楊世功等酌量錄用庶簡拔不遺末品而庶職爭相感奮矣天啓五年九月初二日題奉聖旨吏部知道

薦舉王官疏

題爲薦舉藩府輔導官員事案照先准吏部咨稱今後長史等官果輔導有方操履無疵者照例保薦不妨破格優處通行遵照外臣奉命撫蜀今已得代訪得蜀府長史司右長史母習吉謙冲丰度縝密才情守城夙著勤勞輔導雅多啓沃審理所審理程文弼視躬克稱矯修治邑素饒善政淹棲共惜聲實彌騰此二臣者質行醇衷曳裾僅見所當薦揚以備優處者也伏乞勅下吏部再加查訪如果臣言不謬將母習吉等照例甄錄庶督蜀疏草

卷之十二

聖

開局不至墮心而長才咸思驥首矣天啓五年九月初二日題奉聖旨吏部知道

薦舉教職疏

題爲薦舉教職官員事臣奉命撫蜀今已得代所有教職官員例應薦舉訪得雅州學正朱汝楫博雅直躬藝圃端嚴不振師模西充縣教諭母忠珠斗常飛劍氣銀釘時伴書聲蓬州學正李仕顯開奇戶履常滿守澹門雀可羅興文縣教諭冷之澤亂後一瓊未穩筆端五色頻抽萬縣教諭高似斗矯修遠步先民端範弘開後學什邡縣訓導李廷梁下捷以文自樂擁皋惟道相摩內江縣訓導王宸極青年攻苦圖書雅志能安恬濟通江督蜀疏草

卷之十二

聖

縣訓導魏漢毓博與古人爲友慎同處女守閨宜賓縣訓導饒迪應變經綸有法視躬堅白無瑕遂寧縣訓導萬縉急難獨能捐俸色笑不肯徇人簡州訓導王從誨才華卓爾不凡器宇溫然可掬榮經縣訓導邊上儒譚道聲聲名理却贊凜凜清規江津縣訓導張應徵粹養足誇武庫清心常映冰壺雲陽縣訓導文可聘雄文樹幟雖壇潔履蜚聲虎帳崇慶州訓導趙文星恬雅能立師模通達兼長吏事重慶府訓導楊希稷英爽全無俗味清貞可樹遠猷以上諸臣皆一時教職之良所當薦

楊以備六館有司之選者也伏乞勅下吏部查果臣言不謬將朱汝樹等分別擢用庶儒官知奮而教化蒸蒸日上起矣天啓五年九月初二日題奉聖旨吏部知道

督蜀疏草

卷之十二

哭

薦舉人材疏

題爲薦舉地方人材事蜀山川奇秀夙產璋材臣自任事適遭兵火所藉境內諸賢竭力振救或製器應敵或匍匐叩關或重繭請援或集兵起義或垂橐助餉無非氣激家憂計紓國難當紛紜倥偬之時顯拮据助勦之節蓋天寔生之以供皇上之驅使者連城之壁以剖見貝困衡始作何可終弃除已受徵書趣裝在邇與新承俞旨方賦遂初者不敢槩敘外訪得原任兵部侍郎楊述中允武允文大畧作霖作楫英猷瑣輪忠於補衮

督蜀疏草

卷之十二

哭

天日長懸牙璋定計於攻心安攘攸賴未堪邁軸共擬鹽梅原任大理寺少卿宋興祖直節端操風擅扶綱傍紀潛修粹養洵能立懦廉頑芝蘭在僻而彌香蕙桂以老而愈辣原任大理寺右寺丞梁之棟千仞振衣高躅一爐告夜丹心攬轡澄清豺狼莫敢當道杜門卻掃猿鶴詎足親人應挽道思用肩弘鉅原任應天府府尹鄭璧博雅宏襟沉潛邃養歷任規天條地雅負折衝歸來閉戶著書未忘經濟衡棲其惜環名宜膺原任湖廣道御史張似渠居常習靜辭器遇難揮戈起義七尺昂藏

勁骨歷磨折而彌堅滿腔慷慨亮猷真安危之可倚原
任湖廣道御史陞福建副使未任卒志業觸邪秉凜凜
正氣南牀諫草猶新捍難奏炳炳膚功西土鄉評最懋
時清已著公道名高未許閒居原任雲南道御史李良
棟動念憂時匡世褻躬執玉捧盈獨立敢言夙著芳聲
於寒謬齋居樂道宜接潛德於隱淪原任戶部陝西司
郎中喻思恪居閒雅多著述抵掌盡是孫吳壯志未衰
尚與借簪黃石清芬可挹未應終老衡門原任湖廣左
布政使劉之龍堅白貞姿典刑重望厥歷大藩績與漢

督蜀疏草

卷之十二

辛

江俱永掛冠神武心隨巴水同清雖則息機宜膺大擢
原任陝西左布政使熊應占金莖爽潔玉尺端方膏雨
芄苗久貽分陝之澤清風草榻偏高冲斗之芒輿儼粉
榆望隆節鉞原任湖廣叅政卞承憲守節端凝棲衷澹
泊爲母陳情夙著舞綵之興縫城瀕死益高板蕩之貞
物望允孚沉淪宜起原任井陘道叅政朱之臣嶙峋氣
節端介丰猷環堵以居長謝江干車馬擇地而蹈望凝
秋水芙蓉宜賁前旌以收大器原任河南副使張與可
品融鶴唳秋空養遂蛟潛滄海身不隨時俯仰遠邇快

矩度堪摹心雖與世渾忘中外想經綸再布原任陝西
叅議黃煒峻節獨堅直道無枉叩之若黃鐘大呂聲韻
殊常就之則高山深林蘊含彌富丘壑雖饒勝致廟廊
宜拔幽人原任雲南府推官楊國瓚助餉不辭番案赴
義甘冒重圍年力正青勤勞宜錄以上皆蜀材也出處
各有不同而德望才名著於梓里皆可以蜚揚天路弘
濟時艱自遭禍亂無不殫厥心力如張似渠卒志嘆傾
家起義卒收捍禦之功楊國瓚以小臣而奮志從戎不
辭傾橐此尤臣所與同事患難者不敢不表而出之伏

督蜀疏草

卷之十二

壬

乞勅下吏部再加查議如果臣言不謬將楊述中等及
時起用庶安攘不患乏材其裨於宗社生靈匪淺眇矣
天啓五年九月初二日上奉聖旨吏部知道

舉劾武職疏

題爲舉劾武職官員事臣叨奉新命業已得代而方議
捷伐大局未終凡一切軍前効用官自大將李維新副
將林兆鼎以下業已具疏求爲晉秩與令建監卽有未
入疏者期收蕩平之效方議激勸之典俱不敢概叙外
惟是分扼各鎮與夫衛所等官不在軍前例當舉刺謹
具耳目見聞併司道開報其賢不肖之尤者一一爲皇
上陳之訪得松潘副總兵秦翼明冠玉英標彎弧絕技
志欲乘風破浪謀周末雨先霜建昌副總兵管操捕事

督蜀疏草

卷之十二

至

陳廷對雄心學劍學書偉畧能擒能縱勤勞匪懈保障
攸資叅將管都司事周官精神警敏才略縱橫譚兵奇
正迭生握篆寬嚴得體叅將管中軍副總兵事魯美中
說禮敦詩雅志輕裘緩帶儒風令肅貌貅法嚴刁斗都
司僉事李必茂七書素習百發無虛傳宣步伐不愆委
署漢夸歸信松潘南路叅將張承恩器宇昂藏才華曉
暢援甲風生八面提鞭令肅三軍叅將管建南遊擊事
秦拱明請纓年少握槩才雄一時苗傑傾心萬里金湯
生色鎮遠營坐營守備徐之龍才情俊爽體貌魁梧止

齊令肅貌貅叱咤威行壁壘平番守備許應元氣壯
整機立帷幄籌敵功推保障撫軍廉絕繭絲兵巡川西
道中軍守備王國臣搽縱悉符款會條陳切中機宜志
惕聞鷄勲期縛虎分巡川北道中軍守備夏才超群武
畧絕俗貞操三軍部伍整齊八陣神機曉暢建昌道中
軍守備魏民望英爽吳鈞出匣精勤越弩回潮壁壘改
觀屯營銜德松潘道中軍守備吳蓋臣年姿壯茂意氣
騰驤鳴鞭草木皆兵發號風雲動色寧川衛指揮周斯
盛壯志夙嫻將畧英風不墜家聲足任折衝欣看奪幟

督蜀疏草

卷之十二

至

成都右衛掌印指揮唐蓋賦性真實不欺應務勤勞匪
懈馭軍無染署篆有聲松潘衛掌印指揮謝起源聞警
每先擐甲分甘共感投醪計密衣柳才堪禦侮松潘坐
營納級指揮吳繼業智足籌邊才誇出衆劒氣橫秋颯
颯弓稍映月森森松潘衛指揮邊一廉丰姿英偉氣槩
騰驤捍城久著膚功固壘偏饒勝算松潘衛納級指揮
徐佳慶馭士分甘共苦運籌戡亂扶傾令肅傳宣威生
組練重慶衛掌印指揮高凌曜立志皎然不欺應務恢
乎能辦勤廉並著艱巨堪膺叙南衛指揮領俊俠骨昂

藏軍機熟練訓士恩聯指臂臨戎氣撼山河建昌衛指揮王國揚威儀峻整謀略淵沉撫綏極得夸心整頓克遵軍法重慶衛指揮史其昌虎頭出衆豹略蟠胸譚兵氣吐長虹起義血腥寶劍重慶衛指揮沈仍煙射可落鵬文堪倚馬遇難備遭磨折譚兵綽有謀猷保寧千戶所納級指揮王永年沉恂器宇警敏手猷宣威境內霜清恤士軍中績煖寧川衛百戶彭耐守職最甘澹泊奉委不憚驅馳洞悉險夸堪資捍禦成都中衛百戶李友松誠心應事竭力奉公彎弓足婉穿楊負材未堪伏櫪

督蜀疏草

卷之十一

聖

以上諸臣俱一時武弁之良所當薦揚以備擢用者也又訪得龍安叅將孫宜潦倒無能優柔不振經年抱病已無精銳之鋒聞警杜門殊乏捍禦之術白馬番不時出搶近堡曾無一矢相遺小河營屢次借兵護糧輒爲掩耳不問縱字識周文私冒軍丁二十名全無覺察任奸軍王二明發餉銀二百兩一味包含此一臣者操持未壞而意氣頗頗危邊多事之地殊難卧理所當革任回衛者也伏乞勅下兵部再加查訪如果臣言不謬將秦翼明等分別擢用孫宜革任回衛庶勸懲肅而疆圉

亦可飭矣天啓五年九月初二日題奉聖旨兵部知道

督蜀疏草

卷之十二

聖

先曾祖少師公在明季以名進士歷官蜀藩值永寧宣撫使奢崇明父子變作殺蜀撫徐公可求於重慶遂犯成都先曾祖厲家城守百有二日始解圍發兵追賊復州縣之陷賊者朝命卽以先曾祖撫蜀剿奢酋旋晉兵部左侍郎兼右都御史總督川湖等處軍務蘭州平晉兵部尙書加少保予世蔭錦衣指揮使而以外艱歸時水西土同知安邦彥亦反黔中殺黔撫王公三善在事督撫諸公俱待勘賊勢猖甚乃卽家起拜先曾祖總督貴州五省軍務勦水西不逾年斬元兇安邦彥平水西

跋

割水外地千有餘里建三十六城立衛所以守之晉少師復予世蔭先後在師中十七年屢請告不允卒于官年七十有三其功具載明史向者先曾祖自著有蜀事紀畧一編及督蜀督黔疏草數百道其經營規畫決勝機宜皆于是乎寓當時俱已鏤板而寒家遭罹兵燹故籍無一存者幸從弟世衡從外氏劉念臺先生家得全帙歸弄爲世寶然止一本恐流傳不廣康熙丙申人龍脩官准上寓書于弟願携所弄各本悉見付重付剞劂弟欣然許諾乃先梓蜀事紀畧一編以次及督蜀督黔

疏草各列爲十二卷其原本字有舛落加之傳鈔訛謬棘手轉多于是與有識之士商榷校訂數過而後歲厥事焉不意雕鐫垂竣而工人不戒於火其板又悉付諸灰燼嗟乎豈後人之不肖不足以傳先烈歟抑志之不固致事之鮮終也于是再爲鳩工務有以竟吾志亦庶幾先人斷簡殘編常留天壤則千古如見其人爾康熙五十八年夏四月既望曾孫人龍百拜識

跋

二

少師公督蜀督黔疏草先君從十一叔處抄得原本依
年月次序各列十二卷復校正外治以付梓人乃梓將
竣而其板燬于火先君不忍其事之輟于垂成也復梓
之以竟厥緒不意開雕甫三卷而先君遽遭不祚嗚呼
余小子其敢中廢之耶于是悉依原刻部分重加警校
越一年梓始竣奈督黔諸疏中頗多脫簡又無別本可
考不得已而闕之其前後文則自相屬也海內藏書家
如有先少師遺稿當採而補之庶幾使先君復訂是編
之意全而勿缺云康熙庚子秋七月元孫源星百拜識

跋

一

督蜀疏草十二卷

浙江巡撫
孫進本

明朱燮元撰燮元字懋和浙江山陰人萬曆壬辰
進士歷官兵部尚書總督四川貴州軍務晉左柱
國少師諡襄毅事跡具明史本傳燮元久膺闡寄
懋樹邊功威望著於西南史稱其治事明果軍書
絡繹不假手幕佐此編乃其總督四川時經理苗
疆事宜及舉劾僚屬諸疏其曾孫人龍校刻者也

朱少師奏疏鈔八卷

〔明〕朱燮元撰

中國科學院圖書館藏清雍正十一年朱源

星刻本

附《四庫全書總目·朱少師奏

疏八卷》提要

原序

大司馬制臺朱公既定錦城之變仗鉞行間犁庭拓土有成勞矣藩屬宰乃請軍中前後奏記書檄彙而梓之公曰社稷之福也上之武也將士之効命也臣何力之有嗟乎公之功寧可縷指哉神皇帝數十年來德化治平寰海咸靈鎮於忽荒曾是蟻蝨小夷有衝命而全者天奪蘭魄世濟其克忘諸播之殷鑒借戍遠爲蠹端默駭渝城烏團會省於時爲今上紀元公以左轄入覲甫登車變聞直指薛公推公權軍務而督撫軍符乃在賊

原序

中且承平久軍政悉廢壞器具資儲壩堞斥候一無可恃賊以必死之勢衝我腹心視成都不啻口中蠱公形孤而氣猛內機警而外鎮靜堅壁清野晝夜捍禦者百日竟以完城走賊聞既天子晉公大司馬賜劔推轂公乃移師歷境躬履籌募宣忠義以作士氣明賞罰以激人心千年瘴癘籍爲縣鄙牢豕釜魚漏刃晷刻破怒螳挺鹿之心壯玉壘金縷之氣於都盛哉蓋天眷盛明故疊生名碩以紓西顧之憂播孽挑禍則李公彰其武蘭靈覓死則朱公揚其威訐謨雄略昭耀後先均足以勒

鼎鑊而誓山河矣相提而論則功無軒輊而勢有難易
蓋播之罪止於逆我顏行戍我偏裨猶萬一與撫而我
亦得以撫綏之而徐爲計茲者賊知不赦而決於一逞
我且負戶而汲守陴而臨如猛獸突起搏噬壯士亦爲
失措此其難在應卒播之役非不借苗攻苗要皆輯之
邊微介以我軍權形情而驅策之未始與其患難入堂
奧也茲且聚菑褰於孤懸之一城董下瓦寺水西諸番
俱難以言語通詎可以漢法馴好令之則驅狐以擊兔
也嚴督之將拒虎而進狼也此其難在駕馭播雖橫向

原序

二

不敢踰蔡江一步吾聞左皆兵露積皆餉也茲且高羅
狂齧破殘全蜀之半氣息未屬而欲起痼疾以荷戈剗
瘡肉以飽士能乎此其難在內先耗征播時海內晏然
無事合七省全力以制夜郎死命老謀宿將兩驟雲屯
武騎材官星流電掃用稍不足取諸鄰帑如寄茲且外
結於遼內騷於魯黔中又告變甚急形分肘露而蜀且
顧影枵腹以待之不幾枯魚乎此其難在外相掣四者
集事之大患也而竟以底績蓋公善用窘而貴持重成
算在我不爭目睫敵雖跳梁踴躍終不出吾彀中假令

公從容而衝橋不又事半功倍也哉抑更有難於此者
夫逆濠之變新建以便道殄巨憝誠爲千古奇伐然以
專制則撫臣也以便宜則有兼敕也人臣急難何處不
勉公初以藩宣攝督撫匆匆焉白版空卷以當駭機遙
而陳萬里懼以意外疑迫而令三軍懼以局外玩嗟乎
當此時凡公所爲極難矣自非仁足以懷明足以攝度
足以容忠足以感指授方畧動中機宜足以詘羣謀而
得死力敷陳利害根極情狀會文切理洞若指掌足以
符廟算而當宸衷胡以得自展布之爲愉快耶方公初

原序

三

任事時宰待罪臬司日屬橐鞬以與公周旋一切號令
徵發之旁午皆所目擊及公晉秩討賊宰又忝公前官
總財賦以佐公酌取一切權宜調濟之艱難又皆所親
承故知公之所以成功者甚悉夫新建之學術不可見
而見之輶畧新建之輶畧不可見而見之奏記書檄公
亦宜然蓋公非以書爲兵而以兵爲書以書爲兵跡豈
履以兵爲書影即燈奏記書檄誠不足以盡公而舍是
亦何以見公哉猶記賊渡梓木江警報日數十至人人
莫自必其命公徐曰賊來耶吾政患其不來宰請其故

公曰賊若據重慶之險以一軍塞瞿塘而犄角叙瀘剿之誠爲費手今孤軍深入此成擒耳及圍城久莫不幾幸解嚴公曰野掠已盡賊將走矣吾正恨其走宰又請其故公曰賊頓塞城下勢如觸藩倘得二三兵使者以偏師扼其歸路而乘懈蹙之賊可立盡夫來而殲諸原與往而窮諸穴孰逸凡此者偃息譚笑玩賊股掌外若示無恐以鎮人心而實切中兵機仰留侯借箸衛公抵掌何以過是則公神宇之吐吞妙運之操縱詎可測識乎哉是書也梓者非特張九重之捷伐標元老之勲庸

原序

四

已也事之始末具存民之勞費備見蘭之沿革可考將采芑之章謀國者最焉小東之嗟牧人者念焉黃裳之占生杞之歌保爵土保首領者惕焉於以洪敷聲教而享泰寧之福於無窮詎不休哉四川等處承宣布政使司左布政使清漳林宰謹序

大司馬恒嶽朱公既定錦官之變復仗鉞臨戎次第掃平蘭土略極古不臣之地闢爲郡邑越明年以成功告於天子諸藩臬屬吏侍公久始終與公同患難與帷籌悉知公苦心狀請軍中前後奏記書檄彙而壽諸梓公

曰上之武也社稷之靈也師武臣之用命也臣實無功烏用是災梨覆瓿者爲嗟乎公之功詎奏記書檄之所能悉哉疽之作也蘊隆於輅理徐而蒸於脉發於音見於面審虛實察表裏而輕重治之雖患在腹心中醫可以奏效突發而不及知而不及備瞪目束手雖患在肢體倉公越人且望而走矣蜀之變繼三韓而起說者謂患在四肢然非中醫之能瘳也蘭首發難於渝城爲今上改元之十一月公方以輯瑞戒行報至公策曰賊據我門戶必窺我堂奧旦晚且薄成都如從去城誰與

原序

五

守遂解裝從便宜署撫院事誓衆登陴屬某等畫四門守焉時承平久銷兵賣劍長鈞勁弩千楯矢石諸捍衛具一無所有兜鍪鞋袴之士大袖長紳都雅不任革搜藩帑僅八千金城中人有謂其必不可守者賊連破四十一州縣飛翰而來所過如拉朽其視成都几上肉耳公戒勿與戰一意堅壁老之夙夜厲氣巡城修戰守具飛檄召諸郡縣土司兵爲援間出偏師擾賊無不克捷公又策曰我師雖成然彼衆我寡僅可禦賊未能走賊也密遣間謀搆賊腹心爲應遂大戰於城南賊營中火

起痛哭踉蹌以遁乘勝盡恢復四十一州縣天子嘉公功
晉開府賜尚方劍得專征伐公乃秉鉞臨戎剪樊龍於
渝驅逆寅父子於瀘密搆賊之股肱腹心若而人以爲
用逾歲舉蘭土蕩平之大都得間謀力蓋變起倉卒之
間兵不暇練糧不及籌隨機設策出人意表以收成功
於都盛哉明興無得志中國之苗賊有發輒剪李司馬
之於播王文成之於粵今其奏記書檄具在而先後勢
殊二公席全盛之餘呼兵兵應呼餉餉應知謀之士廉
勇之將投袂而從者照映史冊而今一切烏有夷考其

原序

六

運籌決策機發於九天之上神運於眉睫之間三君子
苦心先後一揆而禍發在先籌兵科餉在後肘掣神枯
收功於萬不可幾之日則易人所難公之神識不可以
常情測矣蓋公蒞蜀久德澤翔洽人心者深奔駭散亂
之衆一呼輒集是爲善用費間左蓋藏什九爲賊所掠
流離瑣尾之際猶竭力供億饑軍餒卒嚼草根樹皮殆
盡弗諱且怒是爲善用貧公威信素孚蠻貊石旌高楊
董卜諸司之兵應檄卽至驅之如孝子順孫雖賊之肺
腑姻婭悲狐兔特唇齒者得單詞片語輒屏息不敢動

是爲善用夷公至誠惻怛可格豚魚間謀所入輒深信
不疑如羅乾象張令韓袍等先皆爲賊出死力抗我頗
行者檄諭之輒俛首歸降縛賊妻擒僞將相以獻卽妻
子爲賊所戮受禍甚慘亦漠然不顧是爲善用間夫用
間用奇用正審虛實察表裏之方也至用潰用貧則犯
兵家所忌而卒以收功舉庸醫瞪目束手之症瘳之如
反掌斯奇之奇已由斯以譚當奏記草檄時出於機應
於卒止憑一片血腸上告天子中諭僚屬下通侏僂異
類一以誠感以神運公且不自知其所以然而謂言語

原序

七

文字足以盡公也哉朝廷今不惜元圭鉅壺加公以文
成之賞公之功方將勒鼎彝照竹帛垂千萬禩不朽是
集也將采芑之章謀國者最焉小東之嗟牧人者念焉
黃裳之占生杞之歌保爵土首領者惕焉匪沾沾爲公
苦心也四川等處提刑按察使司提督學政布政使司
右叅議兼僉事三原來復謹序

明特進左柱國光祿大夫少師兼太子太師兵部尚書
兼都察院右都御史總督貴湖川雲廣五省軍務兼巡
撫貴州等處地方恒岳朱公行狀

鴻寶倪元璐撰文

公諱燮元字懋和別號恒岳越之山陰人也其先以從
文皇帝封武畧將軍至五世而及贈公篋起家正德庚
辰進士仕終御史八世而及公自篋以下三世皆贈特
進左柱國光祿大夫少師兵部尚書皆以公貴也公生
而嶽異涉目成覽爲文頃刻千言達官先輩咸器重之

行狀

一

乙酉登賢書壬辰成進士自公之以廷平處囚三晉也
時則有豪強嘗以非命睚眦七人兩臺使者及州縣長
吏憚其桟塾不敢論報也而兩囚者輦金錢託親故爲
根柢公正色拒之卒獻如律以是服公神武不置遂以
平反第一出刺蘇州蘇故財賦半天下凡屬邑額輸有
滴角耗錐兩例吏胥與穴以肥身家公則使各邑自爲
科歛支解之麻誦非郡責也而後吏不得以虛聲漁屬
邑卽屬邑亦無所爲滴角錐耗矣吳民有假織造府以
手實市財者目藝藝以橫於鄉里里之人怒而磔之卽

郡縣慰諭不聽也而公固已晉川南臬副從容譬解無
不應時立散者以勞次督學南粵公與諸生晉使者奉
璽書受事爾部卽有以厭爾部心俾死灰得然者吾惟
有薑桂耳鉛槧有神毋徒多方求屬爲也於是公所得
士大抵名公巨卿爲當時譽望矣歲丁未事竣歸家色
養者逾七八年丙辰復起觀察隴右行經首山有異人
者言時事剖斷決據至風角觀占無不擅也數月之間
遂盡得其所爲奇門六壬遁甲諸書公以此妙測時籌
無不奇中云戊午晉四川右方伯先是奇材大木必於

行狀

二

隴蜀之深山越險絕復更五六載以集於涪州官吏之
卿命者非重賄不可中選公趨駕至涪第其上下而簡
料之不五日而贏一千七百餘章然則繫囚得以盡釋
而三殿之材鱗集矣蜀田爲永樂故冊畝日加闢而賦
不科公則察其已丈未丈者額爲一書畝派三釐用抵
遼餉於是歲省七萬五千有奇是時奢崇明父子與樊
龍謀據重慶水陸各會以迫成都公輯瑞束裝行有日
矣而蜀縉紳大夫耆老以全蜀生靈爲請公毅然曰吾
卽羽檄治兵公與衆晨夜兼行而貽天子西顧非所稱

爲人臣子之義也且丈夫者唯有搏取豎子得當以報上耳卽假司篆誓吾長年也同舟相呼以濟渴溺正當使艣運櫓行各效其力耳不清奸宄吾寢皆兵也不以間離其腹心而開門血戰彼肉視我我豈得弩張劍拔哉衆皆踴躍募鄉勇旬月得死士七千餘人開門抵賊寨斬賊一千七百餘級生擒數百人復得賊首羅乾象而成都之圍始解自賊之圍成都也公每出必先士卒卽飛矢雨下不顧也而公子錦衣泣以持重爲言公曰兒收父骨吾分一死耳時當冬月晝練兵夜則勞苦戊

行狀

三

卒凡百日之內肢體僵疾蜀人人無不爲公泣然者壬戌崇明父子復至叙州公兼程追剿凡所復州縣三十有七此時公以巡撫命得便宜行事癸亥進兵部右侍郎總督川湖陝西軍務七月崇明父子竄入水西當事者欲以永蘭一千餘里改置州縣公曰不然永蘭深山大箐狐鼠自嗥不可幅也若以外四里沃壤歸永寧衛以泣叙州而內四里煙霧之區以給降將使各起科人自爲守其何有於叙勲哉甲子正月錄擄巢解圍功加右都御史十一月加兵部尚書是時黔師失利賜尚方

劍移督貴州丙寅招崇明心腹拍登等遂斬僞大梁王奢寅首以獻五月丁外艱歸葬戊辰聖人紀績加少保賜蟒衣資金蔭一子錦衣世襲指揮使九月仍總督貴湖雲川廣五省軍務巡撫貴州自壬戌黔省發難勦撫兩議猶聚訟也公則以爲苗固喜戰卽當以戰懾之且黔地四山廻復鼠闖穴中將強者勝不戰而撫入秋卽犯爲策下矣八月安邦彥奢崇明莫德等犯永寧公率黔蜀將士拒戰於紅土川盡戮其元兇諸酋入壘自守親督黔兵追勦三百餘里安位窮迫率所部四十八目

行狀

四

三十六宗乞降凡擒斬二萬餘人而黔事底定矣居無何黔民盡擊殺諸欸把目先是檄楚濟黔歲餉百萬及黔兵旣罷止協七萬兩黔省驟失其資而相與樂禍公曰苗鬼自捍其主吾雖日報殺不足以爲勇也自六廣至大方山谿窮毒霧蛇蠱取而版圖之不足以爲富也於是廉其首亂者致之法而撫議復定公之安集水西也水外六目之地設關津築城堡議久任給牛種每卒墾田二十畝每畝三年後起科七升餘抵月餉計築新城三十六修舊城六開田十二萬畝科田六萬畝每

城自署屏館驛銃砲莫不僉備皆公所自經營也壬申一品考滿加少傅兼太子太傅甲戌一品六年考滿加少師蔭一子錦衣世襲指揮僉事乙亥加左柱國丙子勛擺金兩江巴香狼壩火烘五寨皆水西羽翼也凡所通上下六衙并清平徧鎮四衛一千六百餘里滇酋普名聲作亂公出師協勦而名聲既戮滇省晏然矣自公不從改設州縣之請也而適蜀帥狼貪公上疏言狀時則爲之根柢者因以蘭界首發難端公乃檄黔省監司廉察水西侵界事事卒虛不驗卽有以安位旣天小鳥

行狀

五

獻土欲問罪如播州者公悉堅持之於是數目把以宣慰地築城分屯子孫不得仍其爵號各目把嚙臂誓無他也而獻土獻印數千年金帛輅積於內府矣公以戊寅三月二十四日卒於黔享年七十有三天子震悼賜祭九壇遣官視葬卹勞臣也公天性潔異在蜀有公費贖銀三萬有奇在黔有督屬公費贖銀二萬有奇撫屬操賞公費二千有奇印冊留藩取支軍餉每當金革旁午羽書日下不吝掌記仲紙疾成事親至孝自東粵歸色養贈公必以儼恪居喪哀毀骨見嘗慟絕以爲萬里

不得親含歛也時戊辰之秋颶風大作公發策晨占知必有變盡歛其倉廩之委積者而登高自守親屬百餘人卒以得全也而悉出其所蓄以贍難民又復捐賜墓先塋資四百金以築塘障海公未沒之前兩月適有以叛苗論決者公曰乃公調御苦行以至於今乃公若殺人是復干劫也言不及私溘然而逝嗚呼此其爲天人也矣夫青田以後肅愍文成功在太常勒於金鼎古今之盛烈也而能使數千里危疆享安磐石清羅施之務域品天宇之光華逮其黔蜀旣寧志存滅賊中宵觀

行狀

六

象以壯元猶此志遂齋大星已殞當享土田之錫恭鑒麟閣之書言之無文用翹鴻匠謹狀

附內江平康民始末

已未春仲先少師任蜀右轄

兆憲

同伯兄兆寧侍行

四月抵署左方伯蘇嶺陳公方入覲少師卽攝藩篆是時撫軍爲南昌映垣饒公直指爲黃陂北陽吳公吳公一見先少師歡洽傾倒迥異常人隨問庚申於指上推算畢曰貴司偉人也願自愛八月卸藩司事至涪州督木十月事竣遂以庚申年之資捧請於兩

臺蓋辛酉八月王父之八表也兩臺允行庚申二月業已促裝就道而吳公在夔門候代忽有文止行轉批大叅冲然陳公代賁少師駭愕即趨謂饒公具言此行因公事得以自便爲親壽稱觴若不如願不能覲顏於世當具文休致飄然行矣饒公年誼甚篤躊躇久之曰至夔門見吳公堅執此意此公雖丰裁凜然然以至情相告不患不從且叩其特留何意也大叅已申文回謝矣少師於中旬順流至夔往見吳公吳公愕然曰公竟不可挽留耶少師以親壽爲言并

行狀

附年生始末

七

申休致之請吳公戚然久之淚下曰蜀人果無幸耶遂不復言少師因自叙曰某待罪屬吏而行能疎陋何意蒙公垂眷至此吳公乃問曰太公降期何時少師曰在明年仲秋然今歲貴捧冬仲便可歸里蒙公屬念某當於正月先期奉觴盡人子之誼春季至蜀矣吳公灑然笑曰如此固無憂公可放舟以慰太公入蜀必由敝邑斯時當與公作十日談也辛酉正月少師轉蜀左轄奉觴畢即於二十日就道仲兄壽宜侍行三月抵黃陂吳公相見歡甚款燕數日終無所

言泊少師辭行乃設小楹餞於郊外小墅屏人密語始言蜀中今歲九月當有大變定變者公內江有牟生名康民年雖少奇士也倉卒有事當就與之商恐其人不易致耳遂別去先是庚申正月之三日吳公方啓印見門下有一呈乃牟生所進內云辛酉九月蜀有大變起於重慶至於成都非特留牟方伯不可吳公素習方術故奇信之而有是言三月終少師抵任九月二十日正以輯瑞戒途仲兄與行李俱已登舟而重慶戕戮之報至矣變起倉卒省會皇駭直指

行狀

附年生始末

八

純臺薛公以衰暮不敢任事同蜀王藩臬共請少師回馭爲戰守之計少師毅然自任慷慨誓師調度二旬守禦之具粗備而賊鋒已抵叙州因思吳公言訪有識牟生者藩司吏劉養鯤撫院承差石文林皆云識之即作書遣二人至內江邀請牟生大笑曰此非康民事也康民有何能且尚乳臭何能爲致意朱太宗師此事自太宗師任之無不可者但努力守城至百日當鳥獸散耳又竭誠邀請曰得先生一至會城人心始安牟生但閉目搖首終不至自後重圍嚴密

亦不相聞問牟生住內江山中離縣三十餘里茅屋五六間人跡罕至傳聞奢賊亦知其名遣驍將以五百騎圍其屋必欲生致之迨賊至則聞然賊去則嘯卧如故終不可得後百日圍解少師復遣文林問以搗賊方畧未至其居而回札先候於山外大約多隱語未即可測而語不甚險怪賊可滅景象躍然言表後亦無不驗者故先少師亦得指麾如意興師六載不可謂非其默助也及再秉黔鉞已巳四月至貴陽牟生已附書在省內言黔蜀有福得太宗師再造入

行狀

附牟生始末

九

月安奢兩局俱結從此西南永保牧宰矣末復陳時事數十餘言後皆契合焉少師督黔十載每載通問或至再三往來無間其預策普名聲之必變知伯兄甲戌之道公皆在半載前彰彰於紙筆者凡蜀中臺使者至無不虛心邀請堅不肯出惟撫軍蔣生劉公一邀之至署與同寢處叩以天下事皆恍惚如醉夢語旋即睡去閱二十七日始醒知不可強禮遣之還山丁丑二月安氏復變牟生先於丙子十二月有書云穴中不日蟻鬪自當指顧平定不煩深慮但康民

久處塵世恐墜劫緣已於本月棄人寰而等願渺不得復聆太宗師教言矣據太乙星書太宗師大造八月刻度不佳急宜力請聖明退歸山里優游綠野以保餘年可也雖然戊寅之春將于徐徐反樸歸真矣自後竟不知所往屢遣文林詢之或云入秦或云化去戊寅春季少師竟爾棄世嗚呼其言之不爽如此聞其著作不下數十萬言有人見其太乙統運兵機纂青城集數書青城集兆憲猶及見之大約論天地理數下至醫卜星曆無不詳盡者

行狀

附牟生始末

十

兆憲嘗憶吳公與牟生之事而知人生遇合各有其數先少師保障西南垂二十載蜀以一決不復壅之勢黔以敝壞不可支之時而先少師定變於百日收局於半載此非天誘其畏吳公知遇於先牟生隱翼於後不重煩天子南顧之憂也幾希吳公自蜀報滿循資轉問卿未幾以忤奄削奪與鄉人同榜者相惡遂劾其壻廩生熊于宣題詩驛壁刺奄建祠又証其長公廩生某殺人吳公遂破家幾不自保幸黃陂令乃吾鄉餘姚襟海邵公不畏強禦白其長公大獄因

之掛冠其埶值媚奄直指與武昌司理竟文致棄市
吳公不勝悅憤而歿先少師丁艱歸道由黃陂是時
邵公尚未離任悉吳公之慘未嘗不為泣然也每嘆
邵公不惜一官而白吳公子之冤有古人風節所以
不及特為薦用者因黔事漸平不能為破格之舉也
清署侍庭諄諄非一故并附及之不孝 兆憲 百拜謹
識

行狀

附先生集

十二

明特進左柱國光祿大夫少師兼太子太師兵部尚書
兼都察院右都御史總督貴湖川雲廣五省軍務兼巡
撫貴州等處地方恒岳朱公墓志銘

念臺 劉宗周撰文

宗周幸以鄉前輩奉恒岳朱公也而公自辭學憲家居
日久足跡未嘗入城府無繇一奉顏色接其緒論居恒
心儀公廉靖長者遂當坐至公卿未必盡了天下事既
而公起隴西歷蜀右左轄擢巡撫總督控制西南所至
平大難策大勲始知公之才有大過人者當祖宗全盛

墓志銘

十三

時聲靈震聳四裔猶不能終安南之局至麓川之役糜
敝天下十年僅博中國一大縣而當事者倖封侯之賞
至今有遺議焉以公而觀竟何如者蓋時事至今日而
難言矣自東隅發難以來海內騷然蜀中遂有奢酋之
變云奢酋者苗屬世居蘭州為蜀外徼與黔徽安氏為
界皆爵宣慰而世相讐殺雄長於諸司天啓辛酉奢崇
明以應調援遠出兵重慶乘機賊殺撫道各官遂以重
慶反一呼得二十萬衆分道進成都所過郡縣望風天
解時公先以左轄入覲就道矣省會無主勢洶洶蜀王

率士民出東門遮道留公公慨然曰事不避難臣之職也立返旆治兵爲守禦計纔二十餘日稍得勝兵七千佐以鄉勇而賊已薄城下公出誓衆曰必致死無有二心衆皆感泣因率衆登陣分屯四門賊百計仰攻不得志乘賊懈直闖賊營斬馘千餘生擒賊目數人因得賊中要領一日盡清城內奸細誅殺二百人出示賊益出奇用間多方以誤賊而賊將羅乾象來歸賊計始窘有退志我兵漸出營城外每接戰公輒戎服當陣前矢石如雨而日不瞬諸將感奮殊死戰久之援兵大集賊乃潰奔越明年正月成都之圍凡百日而解公始得還撫報矣賊退至叙州勢復合攻城公以大兵兼程追勦又先救所過郡縣截其歸路前後死者數萬人乘勝逐北定叙州復重慶斬其驍將樊龍賊乃渡瀘水去以餉乏不及窮追又明年三月加公兵部侍郎總督川湖陝西七月遂入蘭州清其巢穴拓地千餘里公因請以外四里膏腴地隸永寧衛內四里蠻瘴之鄉分給各降將使世爲藩衛詔從之無何安氏復反水西至是安奢解仇賊得逃水西界上互相唇齒還擁衆掠蘭公復敗走

之會黔撫覆歿於大方甲子公出師遵義爲黔聲援晉兵部尚書時黔師屢劾勦撫兩無定局議改公專征賜尚方移撫貴州節制貴川雲湖廣五省軍務公還鎮重慶大治兵分道立進別用降將招奢氏懿親拍登等斬崇明之子寅首來獻寅最雄狡寅誅而崇明益無能爲公且一意討水西矣尋以父喪歸公既歸黔事益壞已仍起公貴州總督如故時安氏之亂於茲八年公受事則具陳從前所以坐敗之故而與之更始首斷以戰爲撫破一切欺罔之習於是選將練兵大懸賞格募敢死士招耕墾以資屯粒爲久駐之計而公復遍歷險隘定營壘因勢利便以規進止遂會黔滇蜀三方進勦各絕其犄角之路公督大軍駐六廣逼大方謀安兵有抵赤水者令守將佯北以誘之深入至永寧大兵出其後奮擊賊背腹不相顧大潰遂斬崇明及安邦彥等餘賊竄匿方期一鼓進兵而蜀將以爭功故拔營先歸我師示瑕安位年幼爲遠近諸種目所脅復羣起而抗王師公渡水西山溪險阻霧瘴陰毒不辨昏朝難與力爭務以計困之屯兵近地相持百餘日稍出遊兵四面迭攻

漸促以進焚其積窖斷其樵牧賊且饑坐困別將劉養
鯤密遣人入大方燒其官室安位大恐乞降公弗許要
以四事一貶爵二削水外六目之地歸朝廷三獻故賊
殺王巡撫者克首四開通畢節等驛路而位皆唯唯遂
率苗目納款會黔人不樂罷兵復起釁相讐殺公立誅
首亂者數人乃定丙子移師討擺金兩江巴香狼壩火
烘五洞叛苗益翦水西羽翼滇中沐氏土舍普名聲作
亂公會師討平之名聲伏誅蜀帥侯良柱貪橫不法公
劾奏有旨勘議而侯以輿援行反噬且修向者爭功之

墓志銘

圭

隙也因指水西侵地齟齬公謂公曲庇安氏并奉旨行
勘坐誣既而安位死黔人復欲用兵且構老烏等酋叛
黔以為公罪公一戰而定仍以款終自此貴陽上下六
衛及楚之清平偏鎮四衛計道里一千六百里皆設亭
障通商旅無虞於竊發方蜀事之初定也諸將吏咸欲
郡縣其地公曰爾等徒自營封賞不為場域萬世計輕
言改設釁釁異時咎將誰諉夫苗裔不可以中國之治
治也其地深箐而難荒其民鳥獸聚散耳力持不可乃
寢諸將吏聞之皆不喜遂起異日爭功之端及安氏之

亂公既以款終力寢郡縣之議因遂上奏曰臣惟邊徼
雖安不可妄戰制苗之法必先固本水西自河以外六
目九司之地亦頗廣衍今已悉入版圖沿河要害臣所
築城三十有六所近者控扼苗地制出入遠者聯滇蜀
通商賈皆立邸舍繕郵亭建倉廩烟火相望部曲相保
壘壘木樵較聯不絕賊必不敢卒入為寇也鴨池安庄
計河旁可耕之地通溝洫者不下二千頃事定之後無
慮營屯萬人人賦水田二十畝旱田六畝稍益之使自
贍鹽酪芻茭出其中諸將士皆身經數百戰披草萊立

墓志銘

圭

城郭咸願得尺寸以長子孫卽割新疆授之使知所勸
謹條便宜九事不設郡縣置軍衛不易其俗苗漢相安
一也地益開墾聚落日繁經界既正苗不得以民不耕
地漸侵軼二也黔地險瘠仰食於外今自食其土省轉
輸之勞三也國用方匱出太倉金錢以勞諸將不足以
爵酬之爵轉輕不若以地於國無損四也既許世其土
各自立家計經久遠永為折衝五也大小相維輕重相
制無事易以安有事易以使六也春夏治農秋冬治兵
耀旗河上揚威使武賊日備我七也從兵食之便願耕

者給之且耕且戍衛所自實八也軍耕抵餉民耕抵糧以屯課耕不拘其籍以耕聚人不世其伍使各樂其業九也臣布置有緒昧死以聞其後蜀人爭功不已又欲得水西地以自廣公復上奏曰臣惟禦苗之法治以不治既來則安不專在攻取也今水西既已納款殘蘭安敢負固惟當明定疆界使諸苗自耕牧遵往制職貢賦數世之利也若設官屯兵臣愚以爲不便夫守邊者但聞扼險不聞入險此地陡臨苗穴四面孤懸中限河水不利應接築城守渡轉運繁費捐有用以資無用且內

墓志銘

七

激蘭苗必死之關外挑水西扼吭之嫌兵端一開未易卒止如臣襲雷同之見倡可喜之談誇開封闢土之功此人臣一時之利非疆場之福也奏上明詔詰責數四公持議益堅及安位死無嗣朝議必用兵郡縣之公復上疏爭其略曰水西各酋恃其險固向阻聲教今安位殄絕疎族遠枝紛然爭立臣奉明詔一切禁止聖威遠暢有苗來賓納土獻印相繼於道臣惟水西有宣慰之土有各目之土宣慰公土宜還朝廷各目私土宜俾分守籍其戶口征其賦稅殊俗內嚮同於編氓大方西溪

谷里比那要害之地築城戍兵足以丕振國威永銷反側夫西南之境皆荒服也楊氏反播奢氏反蘭安氏反水西滇之定番彈丸一州爲長官司者十有七二百年未聞有反者非他酋之好叛逆而定番之性忠順也地大者跋扈之資勢弱者保世之策也今臣分水西之壤授諸酋長及有功漢人咸俾世守凡苗俗虐政苛歛一切除之使參用漢法可爲長久計詔竟從公跡公前後條奏真得古王者馭苗之策動可以爲後世憲當羣議沸騰貪功喜事之輩後先接踵疊或朝論致天子不

墓志銘

大

難鐫公一官謝黔人而公卒一力擔當不以利害毀譽動其心決國家長久至計倘公智不出此爲西南宿禍本中國之憂自此方大國事豈待有今日此余所謂度越前人者也公爲人惻怛有識量知人善任人樂爲用其用兵謀定而後戰尤善於用間因敗爲功矢石之下神氣愈開指揮不亂至爲降將羅乾象搶首曰公天人也敢不爲公死乎後乾象屢立戰功其禦苗一以恩信未嘗妄殺一人故所至爲人歸附旣沒皆罷市巷哭始公起隴西以勦礦寇至臨洮行經首陽山下遇一老人

與之談當世事甚契因載歸虔事之授以奇門遁甲六壬觀占諸書居數月盡得其術乃辭去故公尤長於占候而內江有牟康民隱者也精術數之學預卜西南有事定之者朱公云邇者中外交訌海內用兵幾三十年欲求公一戰一墨守一勦一撫不可得當是時惜不及進用公竟委之西南一局以老然猶幸公專制西南使縣官得并力中原以有今日而公之以一身用舍係天下安危抑豈其微哉豈其微哉公初擇褐授大理評事慮囚三晉有囚某某犯殊死而豪皆力走權貴人如警

墓志銘

九

公未出都門有暮夜投黃白不嘗以爲囚地者公毅然却之既受事閱某甲繇辭坐殺多命公特疏論辟事聞廷中皆稱平不置擢蘇州知府清美餘慎刑獄恤災傷政務畢舉又以暇集諸生執經問業風采卓然擢廣東督學副使瀕行郡中以織造監激變嘯聚數千人將甘心於中貴人諸大吏撫之不能定交諉公片言而解在粵力任風紀謝一切請托按使者林累牘薦士公却之最後竟以二十人檄藩司應試棘院公怫然不許曰侵官非法仍榜其姓名於市林恚甚卽誣指公他事朝論

竟直公至劣處御史在粵六年再錄科考所拔多名士及公侍養十年而再出還蜀右轄時朝廷方以營造殿門採木於蜀積二十年費帑數十萬官吏坐庾死者日相望而寸木未達於京師責在右轄公心疑其事趨駕至涪州木廠會官司立第其上下而去取之以其不中程者給商人爲道里費以北進五日而竣役又清通省漏籍田若干畝歲抵新餉七萬五千有奇蜀人德之及水西底定卽其地築城建堡設公署開荒屯種諸役皆公身自經營犁然可紀而費則取之公餘公才之不可

墓志銘

十

量如是然居恒一味韜藏謹繩墨絕無所異於人者識者以是愈窺公微蓋嘗尚論公沉毅如魏公忠誠如汾陽練達如文饒廉正如孝肅而特略大類趙管平允爲本朝經濟名臣冠冕終愧余知公之晚也公諱燮元字懋和別號恒岳世居山陰白洋里始祖琛以次子辛從龍功世襲壽州衛千戶封武畧將軍長子昂傳綱四傳導弘治壬子舉人任內江知縣五傳篴正德庚辰進士任監察御史六傳以京七傳璘配趙氏生三子而公季也公生神骨清異識者已卜其偉器少讀書警敏十歲

能文二十歲舉萬曆乙酉鄉試成壬辰進士累官至少
師兼太子太師兵部尚書都察院右都御史戊寅三月
念四日卒於官祭塋如例距生嘉靖丙寅享年七十二
配莊氏封一品夫人推恩三世皆如公階子男四人長
光寧以蘭功世襲錦衣衛指揮使無嗣次壽宜承襲三
兆憲以水西功世襲錦衣衛指揮僉事四兆宣官生任
南京後府都事婚配別詳女一適太學生祁象佳賜學
在九里山而葬也以戊寅年十二月念四日銘曰
川嶽儲精篤生人豪東南巨鎮禹穴胥濤世爲才數有

墓志銘

三

譽斯髦桓桓新建盟府載勞我公繼起參井之交孤城
一戰如虎怒號席卷千里深入不毛討貳舍服同歸履
禱要荒之義厥貢包茅於昭聖武不惜不憚豐功大節
麟閣名高臣寧不候臣職無逃兵事利害孰爲解嘲允
矣前修撫田擒濠我思頗牧中外建旄九原可作指揮
蕭曹豈惟才難器則斗筭三公易養暮夜微操公功取
斯舉世滔滔爰勒斯銘式歌以饒永爾萬年惇史孔褒

朱少師奏疏鈔目錄

卷一

蜀事紀畧 天啓元年公以四川左布政使值奢崇
明作亂攻圍成都守城却寇至次年進勦永寧平
蘭自記始末

逆賊奢寅父子造叛殺占重慶畧節 成都解

圍畧節 恢復建武叙南六縣瀘納合江等處

畧節 恢復重慶畧節 江門耳記遵義失事

畧節 五路大戰入永取蘭畧節 掃清龍場

朱少師奏疏鈔目錄

一

追賊畧節 斬戮元兇畧節 三復遵義畧節

擒捕通省妖教畧節 附黃總兵事 附胡

孝廉事 共十二則

卷二

撫蜀疏 天啓二年公晉都察院右僉都御史巡撫

四川等處地方提督軍務旋叙守城功加兵部右

侍郎掃平蘭賊各疏

欽奉勅印并報到任事 官兵屢戰大捷逆賊

勢潰奔逃成都圍解恭慰聖懷事 天討方張

公私俱匱懇乞聖明垂念危疆亟賜發帑以濟
然眉事 軍務方殷需材最急酌議就近推補
監軍并用贊畫官員以便責成事 恭報逆賊
前後情形併陳進剿機宜仰祈廟算以保危疆
事 重臣任事忠勤遭禍慘烈仰祈聖明厚加
優卹以慰貞魂事 白蓮妖賊助賊蜂起恭報
擒斬功次併乞賜通行禁戢以弭禍亂事 郡
邑收復功罪宜明謹列死難諸臣併各堅守失
事之樂以辯忠邪以昭勸懲事 親老身病不

朱少師奏疏鈔目錄

二

能供職乞賜休致以安愚分事 會城關係匪
輕司道全城功大懇乞念勞超擢以勵人心事
鄉紳構逆有跡誼難隱昧謹據實直陳以祈
聖斷事 仰仗天威堅城克復賊首就擒飛報
捷音以紓聖明西顧事 恭報擒獲有名巨惡
併收降黨羽以示招徠事 兩臣奉命催兵奢
酋乘隙起釁敬陳兵變顛末仰祈聖明垂照事
備述文武殉難諸臣仰祈優恤以慰忠魂事
逆賊糾衆狂逞將官血戰捐軀乞賜遴選大

帥以圖戡定併懇優卹陣亡文武官員以慰忠
魂以昭激勸事 治兵無狀乞恩放逐以安愚
分事 賊謀日狡臣病滋深乞恩放逐以安愚
分事 塘報賊情事 羣苗交煽蜀禍難支敬
陳迫切情形仰祈聖明命將發帑速救貼危事
督臣移鎮蜀勢不支仰祈聖明命將給餉蚤
爲振救併乞憐臣危病速賜褫斥以無誤封疆
事 仰仗皇威掃清內地逆賊循例獻俘并解
進得獲器物伏候聖斷處分以彰天討事 逸

朱少師奏疏鈔目錄

三

囚歸死革心可憫乞勅部議解網以廣皇仁事
恭謝天恩事 共二十四道

卷三

督蜀疏 天啓三年公晉總督四川兼制湖廣荆岳
即襄四府陝西漢中一府軍務兼巡撫四川等處
地方兵部左侍郎兼都察院右僉都御史進取蘭
州擒獲兇首事各疏
欽奉勅諭恭謝天恩事 塘報各路捷音事
道臣昧心攘功塗面擢利據實糾參以伸公道

事 請立馬應乾襲替土干總事 飛報取承
 大捷事 續查死事諸臣乞賜分別褒卹以慰
 忠魂事 恭報攻克險關招撫苗巢功次事
 再報攻克古蘭擒斬水藪頭目事 殘邊重地
 彈壓需人亟議陞用勞臣以便責成事 特報
 鄰省仗節之臣乞賜優卹以彰激勸事 材官
 屢戰建績亟議陞擢以示鼓舞事 議調才望
 道臣料理軍務事 塘報擒斬招降功次事
 危病再發重任難勝乞賜休致以遂首邱事

朱少師奏疏鈔目録

四

病勢危篤軍務廢弛仰懇天恩亟賜允放事
 塘報功次事 塘報功次事 水蘭復糾攻永
 官兵屢戰大勝據實塘報功次事 揭報大壩
 功次事 飛報擒獲首兇以慰聖懷事 忝報
 蘭地情形與善後機宜仰祈聖裁以期安攘事
 塘報功次事 塘報功次事 塘報功次事
 震鄰可虞固圉無措伏乞聖明速集廷議酌
 處兵食以救貼危事 廓清蘭上生擒逆黨得
 獲印信夷器循例解獻以彰天討事 善後勢

必留兵援鄰不能枵腹懇祈聖明俯留年例起
 解錢糧再賜發帑以救遐荒事 共二十七道

卷四

督蜀疏 天啓四年公總督四川兼制荆岳卽襄漢
 中軍務兼巡撫四川等處以叙功加右都御史兼
 兵部左侍郎一應勦撫機宜各疏

恭謝天恩事 左道惑眾倡亂糾黨旋報就擒
 謹具疏上聞勅行嚴治以弭妖氛以杜亂萌事
 議留陞任賢能將領奠安地方以愜輿論事

朱少師奏疏鈔目録

五

臣病沉篤萬難供職乞恩允放免代以無悞
 封疆事 恭報建南情形併議剿撫機宜查叅
 始畧官員以安邊圉事 共五道

卷五

督蜀疏 天啓五年公總督川湖等處軍務以平蘭
 叙功賜尚方劍加兵部尚書兼都察院右都御史
 任內軍務各疏

寵命難承危病匪假乞恩辭免特允禡放事
 蜀難旣清蘭穴盡掃謹叙文武功罪以示激勸

事 備陳協戰之難亟議固圉之策伏祈聖明
治臣不効之罪立賜赦放勅部速議良圖以無
悞封疆事 急缺方面道臣酌議就近陞調以
勦軍旅事 議改賢能官員以資安攘事 共
五道

卷六

督黔疏 崇徵二年移公總督貴州四川湖廣雲南
廣西軍務兼巡撫貴州等處晉少保兵部尚書兼
都察院右都御史平定水西安邦彥至崇徵五年

朱少師奏疏鈔目錄

六

定軍制建城設學定賦等事各疏

入黔受代恭謝天恩事 直陳黔省情形併用
兵機宜仰請聖裁以決全勝事 黔省勦局已
定偏師難恃伏乞重申明旨三方責成以靖夷
氛事 餉缺軍饑支持無策仰懇勅部議處早
求實濟事 仰仗天威官兵奮勇血戰擒斬水
蘭元兇飛報大捷事 備叙官兵血戰擒斬功
級并近日賊情分布會剿仰請聖裁事 大整
既除黨奸宜問謹陳各土司情狀亟議獎忠討

逆以正國法事 會議李桂楊述中二臣功罪

事 捷伐方張屢戰克捷謹陳近日賊情併接
濟不敷之苦仰祈聖鑒勅部速催三省照額起
解以濟急需事 稟報雲南搜勦雞土昌累捷
事 惡苗乘間出劫官兵奮勇擒斬類報功次
事 仰懇聖明酌撥新餉以資守禦事 安酋
業已投誠紳衿未肯罷戰謹陳夷情士論仰請
聖裁以決進止事 恭解元兇首級併陣擒生
俘仰請正法事 安酋續獻生俘懇請曲赦仰

朱少師奏疏鈔目錄

七

祈聖恩准與維新事 衰年危病不堪彈壓仰

祈聖恩亟賜褫斥事 奉職無狀致有煩言直
陳戰功俘獻始末懇祈聖鑒亟賜褫斥以無悞
封疆事 叛苗猖獗殺占地方發兵勦剿稟報
斬獲功次事 兩江惡苗毒劫無忌發兵剿洗
大獲全捷稟報斬獲功級事 兩江惡苗剿洗
幾盡稟報斬獲功級事 殘衛修復道路疏通
小酋効順已堅西土瘡痍漸起伏乞特頒赦宥
永勵忠貞事 回奏查覈永寧賞功銀兩事

朱少師奏疏鈔

目錄

八

題釋杓作并立安邊事宜事 遵旨查叙前後
功次以彰勸典事 列城扼險守禦粗備敬陳
善後設建衛所久任世守以固邊圉事 義年
殘廢沉頓不支仰懇特賜罷斥以免瘵曠事
寵命逾涯省循非分伏乞俯准辭免新銜事
臣病不支聞毀增劇仰祈速允禔放并勅行勘
以明心跡事 議裁添設將士就近歸併營務
以資幹理事 逆酋兇勢日盛叛形益張及今
不誅立貽後悔謹便宜布分以請聖斷事 遵
祖制清分界的議黔獨以昭法守事 洪邊議
改州治以固藩籬事 兩江苗患既清施秉縣
治宜復亟請設官以固綱繆事 解獻兩江積
叛賊首併奪獲器仗事 遵旨查訪回奏事
黔地粗寧土裔漸長照例題襲以勵忠貞事
議清通省新舊田賦以佐軍需以垂永利事
仰遵明例酌定軍制以固疆圉事 奸貪大帥
罪惡顯著據實糾叅以飭紀綱以安疆圉事
彙叙擒斬叛苗功次以昭勸典事 酌定更置

朱少師奏疏鈔

目錄

九

土司以杜爭端事 遵旨議覆設建衛所久任
世守以固疆圉事 仰遵明旨督發將士援滇
併請重事權以定煩囂錄有功以示激勸事
新疆重地請留宿將以資彈壓以便責成事
滇西正在議撫兵將不便輕發謹陳近日情形
恭請聖裁事 共四十五道
卷七
督黔疏 崇徵五年公以一品考滿加少傅兼太子
太傅照舊總督貴州四川湖廣雲南廣西軍務兼
巡撫貴州等處兵部尚書兼都察院右都御史至
崇徵八年進剿滇賊普名聲及掃除兩江惡苗巴
香積賊經理水西各疏
夷情初定勸典宜宣謹採輿論議錄忠順以風
臣節事 道將計殺元兇滇禍已除恭慰聖懷
事 回奏列城扼險事 議建新學請廣制額
以作新選方永固疆圉事 題清水蘭地界事
鳴剿巴香積賊獲功展土事 議建新學請
廣制額以作新選方永固疆圉事 兩江殘苗

朱少師奏疏鈔目錄

十

糾黨復逞督勦大捷彙報擒斬功大事 查明
蜀省二界叅成案酌邊情敬陳所見恭請聖裁
事 遵旨酌定安插地方以杜構爭釀變事
謹遵明旨據按臣論疏一一訓明仰祈聖鑒事
遵旨據實詳奏事 遵旨建造新城以固疆
圉事 再瀝悃誠祈免非常恩命伏懇俯允以
安愚分事 糾疏再至謹再據實剖陳伏祈聖
鑒取賜罷黜以謝煩言事 按臣無端誣摘謹
遵旨回奏伏乞聖明立賜罷黜仍差官查勘以
明心跡事 流寇震驚微臣誼當受罪謹用披
瀝恭慰聖懷併乞速罷庸衰飭善後之圖振維
新之治以廣孝思以靖狂氛事 水西夷漢各
日投誠獻土謹酌近日情形條例措置事宜恭
請聖裁事 聖恩逾格疊頒微臣萬難忝冒伏
乞俯允辭免併賜罷黜以安愚分事 共十九
道

卷八

督黔疏 崇徵九年統叙黔蜀三案功次加公少師

兼太子太師照舊總督至崇徵十年任內勦平各
寇勘明黔蜀疆界等事各疏

恭謝天恩事 勘明水西各土遵照明旨分土
授官以安地方事 西土分設已明酌議善後
事宜列款具陳恭請聖裁事 奉旨分設懇明
疆界事 衰年危病日就沉篤重任萬不能勝
伏乞聖恩俯允休致事 夷口復懷不軌官兵
擒斬首惡各夷忽變事關黔蜀謹請旨會剿以
安反側事 稟報軍情事 塘報事 微臣衰

朱少師奏疏鈔目錄

十一

病危迫實負委任恭請聖恩立賜譴黜以無悞
封疆事 共九道

先少師蜀事紀畧一卷督蜀督黔疏草各十
二卷其板鈐於明季兵後失焉家十三叔從
劉念臺先生家僅得一部歸康熙丙申先君
子轉自十三叔處攜至淮上付之梓人工竣
煨於火先君子復費工貲務期重刻乃重刻
甫三卷而先君子遽遭不祿余小子盡焉痛
心竭力竣事於今十四年矣但奏疏循例全

載申詳中詳出自他手且將士姓名不勝繁
冗於是稍爲節去而以全本存板家塾外另
爲簡別首蜀事紀畧則先少師任蜀藩時事
次撫蜀次督蜀次督黔疏草共得八卷卷以
先少師所歷官階以爲分界而每疏篇首卽
以題素原註語目之庶幾便於觀覽而先少
師當日掃平奢安兩酋功績亦具載於是不
少遺缺也時

雍正十一年十月既望五世孫源星謹識

朱少師奏疏鈔卷一

蜀事紀畧

蜀三面濱苗用武之地也泰寧
是二二三么麼狎爲前驅漸狎漸驕漸不可問養癰而潰
勢所固然知者見於未萌業已殺官殺士擅治兵相攻
閭閻窮奇豈其屬厭而當事者百無一備不便開端蜀
又甚厭兵卽播州之役猶謂貪功建南鵬剿久格不賞
若言奢氏父子反誰其信者醞釀至於今日草菅數百
萬灰燼數千里川四巴三幾成烏有實洪荒以來未有

朱少師奏疏鈔

卷一

蜀事紀畧

一

之奇禍而後知小忠之爲大賊小省之爲大費卽盛膺
何及矣不意無備兵家所諱空拳枵腹措置實難方爲
墨又爲輪方關於穴中又格於微外方以爲虎而難於
櫻又以爲兔而易於脫蓋自發難以來西則都都卜昏
東則楊保舊黎水西諸苗勁後羿子黑苗衝前而又兼
以越圍從逆之徒不可復返其室廬率出死力逆我顏
行今之一局固曩之十餘局也從建武轉遵義三面而
環苗穴二千餘里之遙無處不可闢出赤白之羽一刻
數至東馳西奔有同湯沸越兩年而始稍稍息肩是皆

聖天子神武如霆掃山川社稷咸式靈之文武諸吏
因緣風雲遂得勉効區區若余庸陋曾無尺寸之補禍
本尙存鄰氛未熄方日夜救過不暇其敢列之紀載以
爲披覽者辱願語有之前事之不忘後事之程也亡羊
補牢勢宜加愆今同事漸以星散稱說或多偏枯浸久
浸遠無論無以定黑白而前車之無戒綢繆謂何余身
在事中頗諳情實故爲叙其梗槩要以寧漏無飾矢之
白日知與罪通不計矣天啓四年八月日總督四川兼
制湖廣荆岳郎襄陝西漢中等府軍務策應緩急督理
朱少師奏疏鈔 卷一 附蜀事紀 二

逆賊奢寅父子造叛殺占重慶畧節

奢係保羅種其來久遠洪武間阿奇率衆歸附遂命爲
宣撫司世守其土自其子祿肇累傳至萬曆初年蜀方
征都苗宜撫奢効忠有戰功禮遇優厚遂雄長於諸
司効忠死子奢從周襲無嗣効忠妾奢世續代理世續
固水西安氏欲傳印於安前督撫聚垣喬公聲大義而
疏聞令川貴叅將周敦吉舉出崇明以傍枝承襲其宜

撫司印匿入鎮雄用兵連年始追襲崇明自以微賤突
起謬爲恭敬人皆狎之凡有徵調惟所驅使舊例土司
不入會城獨崇明召之入一見藩府雄麗密遣工圖繪
周敦吉叱之曰汝犬羊便敢乃爾恐不禁我老虎嚼也
崇明遜謝然其逆性實天成子寅更克悍勇力絕人凡
遇五方不逞之徒孜孜延納解衣推食絕不少吝遂爲
逋逃藪宜淫屠殺不可枚舉事發皆藉主文代爲飾辯
得以不究以爲人莫我何一聞遼警卽遣章守謂上疏
願提兵三萬赴援其心曲已具告矣永寧衛舉人胡縝
朱少師奏疏鈔 卷一 附蜀事紀 三

揭其將反蜀人反以爲狂及天啓辛酉檄調適中其謀
日夜借此製造軍器而行則獨後愈催愈緩待各路援
兵發盡然後使心腹樊龍輩領兵而出部差何若海蔡
金貴廖鎮權劉訓皆草澤中大猾之魁若海饒機智貴
權善戰訓多詐四人在路盟定令訓入省募兵內應而
若海等三人徑入永寧密贊逆計據其初意向不止於
圖蜀者又妖教首劉明遠改名李天樞獻龍華國寶印
一顆中秋夜會飲天樞用幻法取水盆照面獨逆寅冠
上生兩翅牙幢環列甚盛亡賴若周鼎輩鬱鬱不得志

多方激之惟崇明妻安氏苦勸不從九月初六日祭旗
十一日封刀一口差心腹何天錫赴渝密囑十三日父
子斬布客三人開刀永寧人有知識者紛紛逃出十七
日徐撫院名可求下教場點奢氏兵樊龍上臺送册倍於
調額撫院曰我只調七千糧額有定將奈何今既召集
姑每人先給數金帑金已在夷陵前途又散龍屬聲必
欲如部劄一兵十七兩撫院又慰之曰且點過又議處
遂按簿呼名爲首一人應點不知何處掠來一小子也
撫院訝之龍曰嫌小乎卽命揮刀殺之撫院怒曰我待
朱少師奏疏鈔 卷一 附蜀事紀原 四

汝不薄何得無禮若此朝廷處汝如腐鼠耳汝得無欲
反乎龍應聲曰不反何待吾來殺汝豈來赴援遂用手
一揮張彤等萬衆齊集旗鼓官王登爵挺身闖之立被
斫碎自撫院徐公并分守川東道按察司兼叅政孫好
古巡下東道副使李繼周守下南道副使兼叅議駱日
升重慶知府章文炳順慶同知洪應科叙州同知熊嗣
先重慶推官王三宅巴縣知縣段高選遵義叅將萬全
寧川衛旗鼓指揮王登爵重慶衛指揮潘頴淮重慶衛
知事王正經巴縣典史吳應元土沱驛驛丞蕭美成都

中衛百戶范之偉同時遇難總兵黃守魁船泊河下亦
被縛次日自縊而死其餘殺戮不可勝記渝城遂陷

成都解圍畧節

重慶遽變在天啓元年九月十七日承差方正清逃出
於二十一日侵晨到省余以覲事甫發而中止遂偕周
右方伯著林憲長宰守川西道戴臬副燦提學胡副使
承詔往晤直指薛公名敷政再三議定一面且以好言往
諭崇明一面急修守備藩鑰已交右轄止借司印治兵
午後直指復下檄議加鄉紳劉勿所名時俊重銜三司往

朱少師奏疏鈔

卷一

附蜀事紀原

五

它敦請任事余謂諸寮曰勿所肯任極善但不知戰乎
守乎撫乎衆曰亦直撫耳余謂桑梓大難鄉紳自當排
解若止空言往諭何必專兵柄而筦藩鑰見危授命吾
輩自當握定切勿游移躲閃貽笑天下右轄深贊余決
次日白直指寢其事已而勿所竟往未能諭也是日查
閫司軍器朽銃鈍戈不滿十件鎮遠營老弱丁壯共可
四百餘人悉無盛甲遂分頭檄調石砭羅網龍安松潘
威茂建昌等處兵入援下令募白徒集街民上城糾工
寨各水洞行各州縣分造衣甲兌糧入城礮則買之陝

西稍則取之潼川鐵則取之資陽炭則取之大邑健爲鉛則取之灌縣槍桿則取之茂州皆不能半至間司陳繼光故抗不肯造軍器火藥乃令理問鄭朝賓造絮被照磨劉九功造火藥案牘張一桂造鐵銃等器又行都司僉書張承恩經歷陸麟生另開一局指揮王國臣黑茂都事趙維正知事劉以實等專督一切工作吏苟九霄作榜諭至二十五日所差傳塘吏馮上寵來報賊先剽倒馬坎重慶信到卽分四路犯省遵義且陷所差諭官吏一被羈兩逃歸矣武生李棟倉官何一麟差入渝

朱少師奏疏鈔

卷一

附屬事

六

探信走回始知奢寅自統水廣遵義兵自仁懷出合江羅乾象朱國恩等統驛子出納鄰來化等自重慶奢崇明自長寧四路各兵數萬水陸俱占并犯成都其勢張甚士民遂洶洶出奔勢不可遏余與各寮分門關之是時上下蕩然無復法紀有一羣人怒目向余曰成都自古不守不見元人以不早迎望帝遂無遺種乎凡今生靈皆黃陂孝感人也切勿迂濶誤我生靈余問之曰果若爾言賊來先問官乎問民乎曰先官先搶藩府乎搶百姓乎曰先藩府余曰若是則吾與藩府先受其毒爾

儘有走時何故攙我法此必奸細呼左右縛一護衛百戶徐鉞鞭之數十送藩府正法餘悉散走內江知縣何起蛟告急日甚訪之五衛蔑有應者行據府薦用周邦大領募兵一千赴梓潼木鎮協內江防守雷安庶袁中緒冉世烘共領募兵二千劄龍泉山盤龍嶺張愷領募兵四百劄沙河舖策應以通塘報署茂州知事邵孚先督指揮羅英領兵二百至遂命英王其事城外用魯美中周斯盛范繼道秦明遠常恭等於四門各結一大營適松潘參將沈崇吉至省原任副總兵顧鳳翔緣事羈留

朱少師奏疏鈔

卷一

附屬事

七

薛來衍從父雲南大理知府薛承教路經成都不能歸遂俱用之又龍安土通判李泮松潘衛指揮余弘緒吳蓋臣邊一廉張維藩汪起鰲等共領兵五百至指揮馬應健督茂州三土司坤汝常等領兵四百至方部署間忽報何起蛟被賊斫傷帶印而走周邦大被縛投降降十月十六日賊至龍泉山瞿英雷安庶袁中緒列陣大戰力竭而死獨冉世烘滾崖得脫張愷聞風遠遁材官沈繼恩報至街啼巷哭卽從者多散余促各紳速出告急是夜二鼓悉歛四門兵登陴而守次日北門尙未扃而

賊已奄至逆寅大衆徑營於城北余遂同戴臬副同知
余新民駐北門以當之直指薛公輪流總巡周方伯率
都事趙維正專駐西門林憲長同劉恤部可訓專駐南
門胡學使與同知侯世延專駐東門又分通判梁文奕
守東南芙蓉樓司李羅寬守西北角樓華陽令王琪守
西南錦江樓土通判李泮守東北角樓賊初至誇其衆
盛聚槍若叢林直抵城下銃斃高招數人乃退是晚號
火遍於四野光焰燭天至十八日早則牛皮竹笆多如
繁星漸移漸近或挖城脚或樹竹梯或打弩放銃或舉

朱少師奏疏鈔

卷一 附蜀事紀略

人

火燒門若此者三晝夜不絕先余遣人決都江堰至是
水至濠滿賊方治木橋遂得少息令司吏田可登創造
七稍砲各門競用之余標下李必茂訪健卒得羅都均
等五十人夜分縋城催各路應援并往重慶徵金富康
何守忠康鼎等塞要隘行保寧守周道直募兵扼萬縣
樊虎初欲下夔門遂不敢往併趨省會蜀殿下時遣人
問勞苦百方捐助募兵協守且日授一餐竹頭木屑無
不取給焉汶川太平東鄉各宗室士民捐助錢米酒肉
四門俱遍鄉紳周民部宇高二守夢旂劉別駕奎孝廉

齊芸芳畢達生員楊祖烈張瑜等旦暮同事共議奸細
不清必不可守城中無賴有預納親女先制龍鳳衣者
有前途迎降討有免帖者有令子弟隨賊在內傳信截
竹爲號者發余同知羅司李王知縣審實正法者一百
七十餘人二十日正危急間忽妖僧覺照戎裝僞報石
徑兵到使人廉而訊之則見在標下應募而譚千總胡
孔明等實主其謀蓋自永寧所遣刺客生員楊鐸首出
同事僧應天搜獲腰間利刃數把爲逆賊祈天疏文一
道俱載姓名又妖教主鄧吳聰胡萬民陰募無籍謀爲

朱少師奏疏鈔

卷一 附蜀事紀略

九

內應其寓皆外局每屋藏數十人白日偃卧悉捕斬之
先是劉訓在省報兵三百五十派守南城魁星樓形跡
詭異一日賊專於此處聚罵訓自發二卒下城至晚武
聲華來告訓約賊三鼓劫門矣遂命李必茂同聲華執
令召訓使部卒顏易張守文抽刀斬之屆期賊驟至示
以訓頭乃退數日後西北角樓有卒打哨一聲賊即齊
出羅司李覺而擒之即訓心腹東壽本日復一卒跳城
而下賊掖之而去於是人情稍定滿街迎龍之案改而
迎關祖矣二十八日賊於南北兩營距城半里許各樹

望樓高八九丈西門則升萬福寺屋脊東門則登塔頂以窺城內馮耀顯陳于朝等告余曰賊設瞭望必四出搶掠其中虛也遂於十一月初二日侵晨密令曹守爵薛來衍周斯盛劉養鯤余弘緒陳元珪共率敢死士李忠等五百人由北門突出賊果不備恣意亂斫誠勿取級止斬其頭目奢崇義王道大而入廖鎮權亦中彈死所樹雲樓竹屋數十間頃刻爲灰越數日賊奢崇明統兵數萬與寅合又樹起楊橋一座其制後如梯形前三面俱堅皮厚板於內煎油貯水頂上繩懸一橋欲俟近

朱少師奏疏

卷一

附錄事

十

城閣女牆上尾之而進數千人吶喊鞭牛立上題筆櫺城中人途有驚死者令李必茂楊應評薛來衍武聲華吳三省等齊用大銃以何一鯨所造二三斤鐵彈擊之適中當輓一牛旁牛多斷繫而走寅賊怒甚自麾衆推挽砲石如雨擊死甚衆身幾不免乃退去是晚發兵與賊惡戰用井油三遍燒之至天明而盡自後賊攻具百出通不爲意十九日松潘監收通判段師文領兵一千三百巡上南道趙臬副日亨移原任雅黎游擊黃承爵督高楊兵一千五百千戶沈志督董卜五百保縣二百

百戶魏民望廖台垣指揮馬河圖李朝柱劉繼助共督雅黎等兵九百守上南道陳大叅龍光遣官督義船中鎮兵五百俱集城下與賊大戰突圍而出聲勢頗壯二十一日忽傳灌縣知縣左重督威茂兵赴援現與賊交先是威茂已潰回一次矣余約周方伯速開西門慶兵以綴賊初亦甚利午後高楊土司兵不知何故轟然而奔官兵失勢遂俱退回賴董卜斷後賊不敢追爭門而入自相殘死者幾二百人而高楊居大半鎮撫都聯芳方戰酣馬陷入泥田遇害左知縣是日在外戰死各兵

朱少師奏疏

卷一

附錄事

十一

乃潰去是後西門造戰車設鹿角守禦最嚴賊百計攻打無異北門而方伯與王令集羣議厚賞死士燒其土山拆其伏壁屢出而屢捷南門初以有大江兵少器械賊忽急攻余令段師文往助之憲長恤部百計鼓舞每戰師文披掛直前同范繼道秦明遠張明遠夏光裕等各出精銳所殺常數百級溺水者無算惟東門多重牆複壁不便輕出胡學使與魯美中算定始發戰亦屢勝至十二月上浣城內鹽菜雞豚俱盡夜無犬吠米價高騰不得不搜園積以救衆饑賴王令行之有法人情帖

然賊黨馮宜欲擾川北安岳令翟學程借秦明屏兵兩戰俱勝宜遂率數萬衆走入省附割北門益覺猖獗劉養鯤告余曰寇深矣難以力爭有被脇生員范祖文鄒蔚然故放被縛孔之譚通信欲偕僞先鋒羅乾象等內附不可失也余許之是夜三鼓乃令之譚縈城約祖文乾象并其男羅洪清至城下懸之而上余勞而遣之是後悉報賊舉動又有資縣人蕭德在賊營行醫亦常來告密時被圍已二月矣城中各無賴見圍久不解而生計日蹙復有異心簡州生員王廷弼扮老乞丐泣於城

朱少師奏疏鈔

卷一

附錄事

三

下及懸入搜出創亂揭數十通標兵楊進可金卜勝錢文等十數人皆托差出寄心腹者受賊僞割代出死力於藩司會兩次放火祿米倉已燃一聞梁通判救息追得火具至是始知此輩所爲甫就縛士民競啖其肉逆寅見王廷弼等頭皆高懸意甚疑忌多用鞭撻而衆心益攜余又使周斯盛僞爲書以誘之賊於夜分來獻斯盛馬一匹幼婦一人復令斯盛誣其十人爲質願下歆血設伏既定崇明果自來甫懸一韓袍上松潘兵不知而大噪遂驚走速用火器擊死從者十數人十三日叙

瀘兵備徐臬副久德委通判馬學魁督兵三千五百至崇慶州三渡水初殺賊二三百人旋復潰去其餘盡觀望不前幸順慶推官郭象儀率羅網壩譚正通譚正修譚大孝與標營吳民望等自漢州趨郫縣遇賊於棕橋鋪俘斬甚多賊始膽落比歲募軍民餒甚咸思決一死戰異省客商如李從龍黑有仁等皆自造器械率家丁助力二年正月初一日大颶兵城上日日出戰戰無不利羅乾象等來報謂賊意專在早船破之則無慮矣余遂命王國臣等造水牌二百餘面順流而下令各有司

朱少師奏疏鈔

卷一

附錄事

三

沉舟斷橋集鄉兵扼險要以待賊逸俄而西門果架起早船一隻合抱之柱四寸之板制堅而甚巧暗用牛二百頭運轂而進初猶甚遠條距城止二十餘丈同周方伯戴臬副督各將用大銃并七稍砲十三架更番用力凡八日八夜擊之盡裂賊志未已又往郫縣迎敵郭司李兵時司李續收威茂入援之衆兩戰兩大勝二逆俱受槍傷追奔三十里及聞石柱女將秦良玉兵至新都人人跳躍二十八日大開四門徑衝賊營賊初猶迎戰後見不利歛營固守是日良玉同弟明屏侄秦翼明拱

明中軍秦可泰允成大戰於新都安綿兵備馮臬副勞
謙督指揮吳國輔等忠州判官胡平表督所募兵俱與
秦合營鄉紳楊臬副述程以監軍至同都司鄧懋官將
接遼回兵一千七百餘人射洪知縣王新民德陽知縣
李應元石泉知縣商民弼什知縣謝奇舉安縣知縣
沈愉彭縣知縣冉登率兵併集聲勢大振賊四面遊兵
俱放火走歸大寨漏下二鼓祖文等有信五鼓行事矣
至期營內火四起機事不密賊父子策馬徑走羅乾泉
胡汝高胡汝寧胡肇虞祖文鄒蔚然遂俱入城四門

朱少師奏疏鈔

卷一

附蜀事紀略

古

各賊目通不知覺至天明西南二門尚抬竹笆攻城比
及辰已始狼狽並運拋棄婦女萬餘多跳河死三十日
各鄉打掠奢賊縛綁而至者應接不暇余駐北門橋上
驗實係裸體種并永寧叛人斬三百零八名餘悉縱之
是晚各授兵漸集失陷州郡中一切偽守偽將俱接踵
奔潰沿江道路始通

恢復建武叙南六縣瀘納合江等處畧節

賊既走晝夜不停資簡等處得水牌者俱斷橋挖坑四
出截殺婦女鞍馬隨路拋棄被戮者數萬道爲之梗二

逆在資縣道中拔生荳充饑至內江望烟起處搶得一
餐瀘河無船奪民居卧床而渡一登江南岸便自放膽
崇明徑歸永寧逆寅屯茜草壩以待後至收得萬餘人
先是正月間何若海設計傳偽檄於諸苗云正月十八
日已破成都且輦金帛購之二月初旬水西遂起兵犯
黔諸苗以水西爲領袖相率蠶起共造偽銀印送若海
獨鎮雄烏蒙不與焉內地從亂之民掠飽而歸不堪鄉
保之害又渡河蟻附可五六萬於是都都卜昏遵義楊
保子七十二寨舊民皆爲賊用賊勢復振而成都自正

朱少師奏疏鈔

卷一

附蜀事紀略

圭

月二十九日圍解之後各路援兵紛集至二月初七日
方盡索糧索稿藩庫若掃不得已而括措士民以應凡
半月始就緒女將秦良玉忽與羅綱有嫌判官胡平表
等解之旬日乃定所遣追兵遂不能及比月終直指張
公論入境楊總兵愈慙到省三月初三日制院張公
續入保寧軍政號令煥然一新余將以四月初二日東
下忽制院遣牌以是日入省余待至月下浣無的耗乃
發楊總兵先余至叙與巡下南道王大叅世仁鄉紳張
給諫鍵議江安不先取不能復三瀘乃遣五營將士與

劉養鯤羅乾象鄒蔚然李紹等同縣令陳達道夜分直薄城下賊初不為備一鼓而登斬偽總兵白元柱并部卒幾盡踰城而走者不過數人次日賊救至見積屍如山號哭而去正擬下瀘納間則報建武陷矣先是發難之日賊崇明統胡宗祿犯長寧知縣張振德王簿徐大禮俱仗節死叙府幾危賴徐臬副久德同鄉紳韋給諫藩卒直指志夔劉駕部繼禮尹大參伸等竭力死守賊不敢犯轉攻南溪城陷知縣王頌輔自盡仍屠之而入省獨任心腹黃光昇取建武光昇有弟光輝乃逆賊征

朱少師奏疏鈔

卷一 附屬事紀畧

六

建南時留以善後者故特寄重任欲令由建武透馬湖徑出建南建武所貢士宋世第有心計立龔萬祿為將勸偽降以誘之崇明得信益放膽徑行比光昇入則萬祿等集兵把隘脇其効順光昇曰此吾本心也攜家小并居以為信黎川土婦馬之良有女嫁崇明為小妻聞變占住泰將府舉動異常趙臬副日亨屬應襲魏民望遣二卒入賊營偽為馬氏所遣二逆發偽救一道書信一通令約光輝同起事於是用計誘光輝斬之之良乃逐川南一帶無恙者黃光昇兄弟一降一新力也故二

逆恨龔萬祿并光昇入骨既復得志糾各苗兵七八萬先破長寧進迫建武入而攻圍萬祿糧匱不能守遂殺二妾出走指揮李世助舉火自焚高洪慶符相繼俱陷余在平羌聞信於五月初四日疾走戎城賊前騎已至七星山矣賊既得險將士通無固志叙瀘李臬副仙品自授遼初到府毅然以身擔之令同赫臬副奕知府劉澤大列柵守江發兵迎戰招集各僧在兩山頂結寨處處周防十四日大戰於城南三十里來佛渡賊初至甚銳已被衝開數營後用大砲擊之遂不敢逼吳民望曹

朱少師奏疏鈔

卷一 附屬事紀畧

七

虎湯廷耀王希堯王成功等俱卸甲渡河而鬪總兵家丁蔣達子一箭射崇明落馬偽總兵焦之仁挺身當前衆遂殺之仁而棄崇明致令逸去嗣後數日天大雷雨而賊所遣間道抄兵俱剗小澗水忽高數十丈淹沒無算乃一齊逃奔慶符高洪等縣俱復龔萬祿乘勝遂復建武楊總兵追至長寧軍威大振初逆寅與父分途自統五萬由陸周鼎統二萬由水往援樊龍適薛來衍提兵二千欲進茜草壩剗於玉蟾山而寅前騎適至四面蹙之來衍同曹守爵袁可成郭思正揮部下死戰憑高

奮擊殺賊六百餘人寅怒甚正欲再圖開崇明敗賊乃舍重慶徑歸而留偽大將宋武屯苒草壩以待聲援孝廉胡縹與劉養鯉用間招出閤侍孔泰國俸等數十人恢復納谿嗣後宋武張令咸願納款密約擒賊爲報比偽相何若海出行軍於酒間縛之來獻六月初一口下南王大叅張給諫同郭司李率兵入瀘州發兵渡河與賊戰以火攻之凡賊之山營水營焚掠悉盡賊始遁去偽總兵朱國恩在合江被袁整袁舉等起兵暗襲星夜逃歸周鼎大敗於重慶走避合江民舍爲該縣把總詹朱少師奏疏鈔卷一附蜀事紀太

恢復重慶畧節

元年九月十七日樊賊既占渝城三日內士民逃出多不禁至二十一日始戒嚴嗣後小民源源復入若相安於無事者賊隨張逆寅偽詔建國大梁改元瑞應因而收其器仗數十家爲一保窘困萬狀一時文武同盡莫可主持獨忠州判官胡平表絕城得脫徑走石柱以大義勸女將秦良玉并同知陳思虞俱感動繕兵速發十

月十七日戰於城下斬張彤一弟賊方落膽次日忽放舟俱下彼此互爭不得已余檄女將軍赴援省城仍令思虞還援渝女將軍果建大功悠悠之口不足據也指揮馮世修被殺不死與史其昌王庭揚蔣繼祖等郡人金富廉張頤南李尙清等各捐資起義鄉紳多垂索以助而余與薛直指所調也梅平茶石耶西陽兵亦陸續俱集巡上東道徐臬副如珂自吳門來赴任在途聞信星夜過發直走墊江墊江令劉國藩素得衆心與馮世修共招兵得三千人臬副督之而進分布漢土兵各門拒敵祖有頭緒二年正月初一日甫誓師合州鄉紳董盡倫督兵至佛圖遇害人心憤激更益忿憤屢戰俱有新獲賊沿江有船數百艘往來搜劫出沒不常金富廉率死士夜擊沉之二月二十八日官兵三戰三勝進扼佛圖關已得險矣忽中賊間三土司與遵義馬湖兵互相殺一時潰退繫繫江魚之腹賴徐臬副調之人心復定先是成都圍解余發秦良玉同弟秦明屏二萬人由陸同知余新民督楊應評等一千人由水井下同知以遇賊屢戰不能遽前而良玉善病至二月下浣欲徑

朱少師奏疏鈔

卷一

附蜀事紀

元

歸明屏力勸進兵余同知適至復促之乃長驅來鳳白
市與賊張彤等大戰奪據二郎關聲勢頗壯賊退入佛
圖堅守四月二十一日杜總兵文煥至自白崖次日同
監軍邱臬副志充督西兵毛兵與賊連戰二日其氣甚
銳然賊憑高又多設伏未見得利二十四日西兵毛兵
奮勇當先秦兵繼之各官兵在左三土司兵在右賊大
披靡追殺三千餘人兩崖俱滿徑取佛圖關直逼城下
會有王和議者乃不果進五月初逆寅自領五萬渡瀘
赴援先遣心腹周鼎由江津而進號稱二萬割於真武

朱少師奏疏鈔

卷一

附屬事紀

丰

山前是時楚中監軍盧大叅瑛田張臬副孝與薛總兵
來裔俱攜重兵屯城下知州王新民領遵義兵扼住佛
圖關戴僉事君恩所部萬縣兵欺敵遽進而却金富廉
與平茶又却遂有建議欲盡渡河以避之者賴盧大叅
徐邱兩臬副力主遂分兵六股迎戰毛兵西兵先得利
各兵雲集四面追殺賊鮮有脫者周鼎逃至合江爲該
縣義兵所縛同知趙其杰已奉制院檄發往瀘納至是
徐臬副留之與有戰功逆寅聞崇明在來佛渡大敗且
傳其已死而前騎至玉蟾不利遂於十八日退回永寧

樊賊方張榜懸示依然狂逞至是鼎敗寅又不至乃始
垂首喪氣我兵水陸戒嚴賊接濟頓絕食糠飲水幾不
能操戈男婦縋城而下者多不問西陽冉天穎同秦明
屏遣數十人夜登城燒其營屋數十間後無繼者乃退
回金富廉勸進兵衆議未定守備孔大成與張彤相識
因令入城招誘二十七日張彤同石永高送子張國用
及偽知縣徐應舉出降各監軍縱之歸樊龍父子遂衝
圍走三土司爭而殺之各兵大開登時入城恣行燒殺
部卒沈應龍在亂軍中認實張彤斬其頭送富廉餘賊

朱少師奏疏鈔

卷一

附屬事紀

主

盡殲凡被占九閱月渝州各屬蜀江津綦江正當賊衝
知縣周禮嘉鄒昌魯殺戮頗多後被陷旋復合州守翁
登彥會同鄉紳董盡倫先殺賊所遣奸細蔡琛防守嚴
密賊不敢入銅梁知縣吳弘業率衆堅守賊攻之不能
下大足知縣高繼元督鄉勇數千列陣與賊戰率精銳
百餘人揮槩而前遂不能禦典史宋應舉主簿張志譽
俱陣亡繼元幾不免後仍督兵復縣并授渝城南川知
縣韓應龍一面設防一面捕斬妖教皆與有勞焉

江門耳記遵義失事畧節

賊父子既通歸巢勢已窮蹙三大帥兵力正盛

四川總兵楊愈

總兵文煥謝來裔方欲分檄進師奈各兵自重慶得利皆

圖休息天氣正炎制院遂聽暫撤楊總兵愈慰原議定

長寧一路者忽一日來報將由南廣徑赴三瀘余再三

挽之入叙一月不肯復留每云瀘納爲三川總會吾握

通省兵權豈可專守一隅及聞杜文煥議加宮保拍案

怒甚遂不能留晤間初不言遽進也及至納旬餘即移

會七月初四日進兵初十日至永寧余尙以爲虛聲然

心惕惕而動叙瀘李臬副仙品亦憂之向直指請假往

朱少師奏疏鈔

卷一

附蜀事紀略

幸

納規其進止甫至境而楊已被陷矣先是松潘道臬副

李忠臣本臨潼人家於永寧爲賊所陷屢有密信欲從

中起圖賊已糾死士何枝等專候大兵進境即發不幸

事露於七月初三日先遇害賊仍用其家僮質妻子欲

以厚利夜出通信楊遂信之司李郭象儀涕泣苦勸竟

不允先鋒周元儒差塘兵力阻力鞭之至江門劄營絕

地賊糾水西烏撒諸苗先攻譚大孝管大孝所攜白桿

兵俱私回餘乃瀘納間雇以充數者賊四面攻之楊又

傳令各營自固切勿出救大孝不能支奪路而走徐永

武戰死郭司李遂以身殉各營一時星散賊徑趨楊營

標下兵正出柵酣戰忽後草間一枝突出斫營直入吳

民望王成功等俱回救戰死楊度不免拔劍在手先發

親信李有芳負印馳出獨指揮馬純祖數人在側逼之

上船船沉遂自刎原任鞏昌同知宋柱國延在軍中籌

畫亦與其難李臬副是日適到納谿遂督住潰卒結壘

南岸賊不敢衝是時范繼道出瀘州衛亦小挫先已撤

回固守惟建武魏萬祿赴楊總兵之約進營於耳記山

余飛騎撤之同知辜志會與盧世卿周良材俱先回獨

朱少師奏疏鈔

卷一

附蜀事紀略

幸

萬祿強項不信曰如此是示弱也都都苗麻老虎受賊

購偽降牛酒日至因勸明日屢兵而返亦未爲晚萬祿

中其計天未明賊乘霧四面奄至麻老虎先從營內起

萬祿父子死戰不得脫遂遇害陣亡材官袁朝華等十

有六人二賊遂轉圖遵義遵義經陳一龍等恢復兩次

周之德一旦專其柄恣意殺戮多方掊剋人人俱恨入

骨聞變忽棄汎地徑走渝城軍中又大疫缺糧通無關

志賊父子同水西莫德鄭一顯等七八萬人蠶湧而至

司李馮鳳雛誼不受辱遂跳城死

五路大戰入示取蘭畧節

官兵既連挫余亟檄杜總兵鎮納谿催之一月後乃至不數日稱疾徑去楚中道將先期盡撤張制院初駐合州至是又奉旨援黔東發一時將缺兵單糧復告匱人賴奸民盡漏虛實賊又蠢蠢偽榜偽檄發出矣余同張直指定議謂我兵不入賊必突出曠口持久餉益不敷必須四路逼進以伐彼先山之謀遂檄新任僉事劉可訓同馬湖知府鄭朝棟成都同知段師文保寧推官胡平表任長寧建武二路巡北叅政閻夢得叙瀘臬副李

朱少師奏疏鈔

卷一

附蜀事紀畧

五

仙品同任納谿一路下南大叅王世仁上東臬副徐如珂同任合江一路守東大叅吳國仕專進真綏遵義僉事趙邦清進綦江又分僉事盧安世出桃竹壩小路其餘小監紀隨意取用林右方伯宰既轉左以上南大叅陳龍光巡西臬副吳光義下南臬副赫奕重慶知府余新民叙州知府劉澤大道義知府胡悅安同知王國治翟文簡劉國藩知州王新民等分委督運布置甫定賊突犯長寧守將范繼道兵止六千分列十餘處又疫病過半內馬湖一營斫柵徑走繼道手斬二人不能止獨

所部原任富順縣縣丞葛盛德率五百人與賊死鬪賊初屢却崇明怒斬頭目數人圍之十數重盛德與部卒無一生者其餘皆得退回則盛德之力也時納路閔李兩道以長寧急卽於是夜遣死士陳祥等搗宋江橋追崇明小妻不獲擒其僞將王應伏等併僞大將楊選妻屬數人而歸賊聞信速回見我兵無動靜又徑趨建武建武守將張邦紘等止兵三千馬湖鄭知府督兵四千甫至旬日雖有險可據而糧運不繼遂先期退出賊見城空於十月初一日徑趨高縣適劉僉事閱兵至手提

朱少師奏疏鈔

卷一

附蜀事紀畧

五

余所付令劍謂諸將曰奉令堵賊敢言退者卽膏吾刃遂督住長寧潰卒而鄭知府張邦紘兵亦集同於高家壩劄營數十處四下設伏與賊衆相持四十八日賊所遣奸細廖文幹等悉被擒戮又使姚化民募死士夜燒其營壘三十五所賊屢窘挫覘知余使中軍魯美中李必茂等要於珙縣并檄各路兵共搗其後乃於十一月初七日夜取間道由鎮雄黑圖長官司趣回官民尾之共斬三百一十七級放回被擄男婦五百四十名先是納路兵渡江劄龍頭舖聲言進永以解叙急十三日

賊父子間道來犯前鋒李綰戰死官兵怯者俱跳河兩道發張令等救之初亦甚銳因眾寡不敵旋復潰還我兵四面被圍至夜分兩道發勁兵過河用大砲擊之乃逸去次日秦翼明兄弟與秦良玉共統兵至軍勢復振二十日賊發扶國楨等攻柏楊屯又過落紅口至桃竹壩劄營官兵次第聯絡奮勇赴援賊俱敗走是時李總兵維新到任駐納谿會同兩道用劉養鯤計於十二月十九日使鄧玠發奇兵由間道進葛石壩斬獲首級並平馬器械甚衆三十日夜養鯤又同張令等冒雨暗入

朱少師奏疏鈔

卷一

附蜀事紀略

朱

宋江橋天啓三年正月初一日除燒營俘斬外擒其偽總兵喻連芳而出初九日賊又出仁懷羅乾象薛來衍王繼先與賊偽總兵阿興等戰於仁懷小關子斬興等數百級十一日范繼道發兵出底蓬追趕過河又生擒劇賊吳啟正等二十名餘未割級獲器甚多十二日鄭知府胡推官遣潘映奎王懋官冉世烘等共攻卜昏五村之苗越峻領十數重追斬多級十三日遊擊周良材探知都都苗麻老虎在杭鄉屯營積米督兵三枝暗襲之麻老虎負傷而逃共斬六十餘級各苗俱用木刻乞

降二十四日賊父子又兩路夾犯長寧鄭知府胡推官於龍透鋪分頭血戰大勝斬殺十里次日再戰於竹洞水劉僉事發孔全斌袁可成等策應斬功俱多營帳燒盡二月初六日范繼道移兵仙人菴賊忽衝至段同知揮刀率各兵憑高對擊所殺相當十五日羅乾象分袁奎王國楨伏土城之左袁勲孫逢聖伏土城之右乾象率羅綱兵與羅文垣大戰伏兵齊起陣斬二百三級恢復土城仁懷等處盧僉事同沈崇極秦衍祚等進據落紅口燒賊御營并羅向宸房舍招降其衆十七日賊用

朱少師奏疏鈔

卷一

附蜀事紀略

朱

符國楨計飾婦女金帛借水西兵復衝仁懷先鋒馬邦瑞求援不至遂被擄不屈而死薛來衍負傷血戰會王大參提兵率周蔚然等至先市賊乃退去十八日李總兵發標營兵屯象嶺賊四面奄至不戰而潰賊既稍利又糾各苗步兵五六萬馬兵二三萬更犯長寧誠其部下入營而食入叙而賞披猖之狀山谷俱震時二月二十七日適奉加恩新赦余皇遽拜命天忽開霽私喜仰藉聖威必破賊矣是日各營囊沙剗水深可丈許一面飽食一面對打傍午賊發精銳數千直從下流包截放

水衝之淹沒幾盡胡司李開柵大呼曰可戰矣挺槍先出各營俱奮勇協戰潘映奎等生擒偽監軍李揖守備袁可成斬一偽將於腰間搜出四川總兵關防一顆竟不知何人也賊父子相失狼狽特其各藏草間夜分遁去死者逃者可二萬餘人聲言必報此恨復借水西阿烏逃兵數萬先衝遵義安羅二村侯良柱陳一龍與戰俱失利又衝至落紅口盧僉事所督各將亦潰余思賊以合強我以分弱乃密檄閔大叅督劉養鯤鄧茂官胡汝高等列營納谿陽爲進取而一面令李總兵同李梟

朱少師奏疏鈔

卷一

附蜀事紀畧

无

副提大兵會於長寧三月二十二日甫創拖船壩則賊又至矣遂連營相拒二十五日發張令劉宗良仇可涉等與賊胡宗祿阿弟戰於麻塘坎大勝盡焚賊營二十六日戰於瀘州衛賊復潰遁救出洞中避難者百餘家四月初三日秦翼明等轉戰至青山崖山有三洞皆極險各兵乘大霧攀崖而上四面夾攻將第一洞殺盡至第二洞賊始覺一交即敗擒其偽丞相章守謂并胡宗祿妻妾二人其餘斬獲不可勝記是時閔大叅直進江門馬克橋遣劉養鯤等與知州王新民共督兵攻破橫

山八甲中弔三溪等處擒其把隘偽將柳元儒等於是四面守隘之賊盡遁合爲一路十二日賊聚水西各苗結大陣於土地坎多出犒資憑高據險誓與官兵決一死戰李總兵麾衆以進多不肯應者李梟副厲聲曰有進無退身請爲先劉僉事謂各將曰爾若要走直須走到省城眼前一轉足豈復有生路乎與鄭知府並亟趣之至二鼓秦翼明兄弟與秦可等到營自認當先二道大喜立判賞券分布各營策應侵晨大戰卽秦氏各將亦不意賊衆若此之盛也陣旣交只得死鬪有中五六

朱少師奏疏鈔

卷一

附蜀事紀畧

无

槍而不還顧者及斬偽總兵吳繼周賊遂披靡逆寅父子敝衣破甲存陣督戰而另偽扮二人乘大馬列僭偽器仗官兵并力取之翻被遁去水西各苗旣敗向二逆索命索犒飽掠先走二逆見大勢已去乃於永城四面放火遽走紅崖山上次日李總兵勒兵齊至追之走余家山又走獅子山惟將婦女鞍馬甲仗隨路拋擲以逗追兵而我兵乘勝驟進原不齎糧至是甚餒乃出永寧覓食復進十九日鄭知府率王懋官周良材等攻天臺屯苗目羅甫率苗兵數千出降獻逆所頓金女冠併連

制衣服一百十八件羅乾象譚正修等攻破白崖楠木
青崗藥用等國寨五月初二日又破銅鼓坪等處新功
頗多守備張明遠招出中箐苗目羅書成舒廷彩併雜
苗萬家忽水西發二路來援其在永寧一路行至新寨
見官兵陣整不戰而去惟魯仲賢羅奇等會同二逆率
數萬人直衝古蘭王大叅徐臬副督羅乾象譚正修譚
大孝譚正通并忠路譚懋助等設伏列陣以待十二日
在官莊連敵兩晝夜生擒水西惡目魯仲賢仲賢懼死
誑各兵曰我奢寅也遂爭而殺之偽軍師羅奇亦同時
朱少師奏疏鈔 卷一 附蜀事紀略 三

掃清龍場追賊畧節

賊既渡河剗營龍場實居客仲壩枕大方之後水蘭相
界地也山高箐深瞭見我兵一到河口即展轉深入以
水西爲窟無可下手又古蘭諸苗不怠舊主每有舉動
輒漏虛實余乃檄鎮道分頭購勦范繼道攻水潦二十
八寨斬其頭目餘黨會榮耀羅弟哥等出降胡汝高畢

應台等攻木角二等猪嘴等國數十處苗目祝義明喻
訓等出降薛來衍劉養觀攻官斗山等處苗目西兒出
降總兵標下守備李棲鳳李維世李棲鳳仇可陟等破
新寨普黑等處斬二百八十三級生擒二名僉事盧安
世率張奏凱王正相張弘烈等攻克唐朝落比等寨侯
良柱高象乾破馬湖管鬼么等寨共招出劉顯耀等三
萬三千餘名嗣後牯牛酸棗木姜等國馬蝗法窩滑石
等洞俱相繼聽撫其餘負險拒敵擒斬有差內地粗定
李總兵兩次提兵屯剗馬鈴河口二賊入箐不出每以
朱少師奏疏鈔 卷一 附蜀事紀略 呈

朱少師奏疏鈔

卷一

附蜀事紀略

呈

糧盡撤還六七月間營中疫病大作死者如麻僉事胡
平表及秦翼明等俱請假回人心搖搖幾欲棄永寧矣
獨李臬副仙品劉僉事可訓鄭知府朝棟誓以身殉九
月初旬總兵病有起色適直指溫公名阜按臨瀘納捐
貲厚犒申嚴號令衆始翕然思奮十二日總兵親督兵
至紅岩生擒賊黨阿引父子進剗鄢家渡二十七日與
盧僉事合兵造浮橋業將渡河矣忽范繼道謀得西賊
統大兵暗渡赤水衛抄我歸路余嚴檄各道鎮併力固
守互相擒截以完蜀局總兵遂於十月十五日撤回永

寧料理守禦十八日水西大眾同二逆果三路來犯一
由大壩出瀘州衛謀截糧道則僞頭目胡宗祿朱國政
麻老虎等統率都都各苗約萬餘人使張令張學禮等
設伏以待三戰俱勝陣斬麻老虎遂先遞去一路使早
二小官保等出尖山子遶出永寧之背守將劉養觀據
險固守賊不能越其莫德普窩與二逆父子等俱於二
十四日徑趨永寧東門馬步之卒漫山塞野時兩道病
未能起賊將至計米僅支四日多有獻退避之策者兩
道與鄭知府齊聲曰今日正吾輩死所更復何言皆使

朱少師奏疏鈔

卷一

附屬事紀

聖

數人掖之登城督戰手提利刃普與此賊爲存亡將士
降民無不感奮先使盧世卿統遵義營兵營之有兵方
虎砍一頭目落馬總兵隨親自披掛悉衆出戰銃砲齊
發賊遂敗遁會日暮收兵次日偵得賊連夜逃去止伏
數千人於落窩落郎口之兩溝乃令林兆鼎李維忠周
良材等以一枝繞出賊伏之前而一枝躡其後捕斬頗
多臨河而返月終秦翼明兄弟同女將所遣郭起柱等
復至永衆議謂都都卜昏各苗屢降屢叛不可復貸乃
檄各將分剿陣斬二百餘級生擒三百餘名餘俱遞入

芒部界內盡焚其房舍取糧數千石而還內地悉平先
是米用夫運最號艱難至是吳大猷光義造船五百艘
並製盤車逆流挽運費省而功倍各將士始不苦饑余
乃檄總兵督兵由馬鈴堡范繼道由赤水衛盧僉事同
羅乾象出鄂家渡侯良柱等由岩孔陳一龍等出鎮南
關訂於十一月二十三日齊進二逆覘知於是月十八
日先發扶國正樊虎等開路欲由芒部逃入建昌其部
下王繼宗焦崇智等向欲內順兩月前已通侯良柱轉
報至十八日夜合盟擒逆爲僞都督李遠達所覺立遣

朱少師奏疏鈔

卷一

附屬事紀

聖

其子維鼎飛報二逆聞信卽踰牆逃入深菁不知去向
於是五路之師並進侯良柱先到斬李維鼎追獲崇明
妻安氏并擒奢崇輝奢史都蔡金貴李遠達等數十劇
賊降者二萬餘人二逆久在鑄鐘等箐官兵搜圍乃上
水頭圍此圍懸岩數百丈下臨深水止遵義有路一線
可通而南則徑接水西盧僉事同諸將會議非得人內
應不可擒賊乃先招奢富富下圍投降立誓約以五日
獻出二逆遂捐三百金賞之不意富所遣心腹漏其信
於羿子花狗花狗洩之二逆遂於十二月二十三日徑

走水西莫得家富道訪不獲已過五日之限各官兵四面攻打涪州知州朱毅臣兵先上圍并富亦逃去矣遂會兵追至莫德家離蘭地已四日之程莫德攜二逆同走火勺窮搜苦覓竟無踪影總兵發林兆鼎督兵徑由客仲羿子關殺至大方發范繼道出赤水衝紂集海子等四十餘洞避難義民朱三鳳等日日與賊截殺余同僉事胡平表提兵一萬於十二月二十二日親入永寧監督六師相機善後時出偏師於畢節羿子間迫近西界旁搜龍場客仲菁洞之外一使土苗知警一以探拿

朱少師奏疏鈔

卷一

附蜀事紀略

蜀

兩賊適林兆鼎差兵護送被羈副使張起鶚到永備言大方情狀兩接貴州撫院咨文約以正月初三日共攻火勺乃檄李總兵同胡僉事復發重兵至畢節安綿臬副謝渭等料理策應賊皆避入老林將水西逆目普窩阿弟等數十頭領房舍積聚盡行焚毀至四年二月初五日乃旋師

斬戮元克畧節

賊父子走水西時餒困殊甚安氏本與夙讎因曾立誓不相殺遂置衣造械以資之每舉兵延為謀主督戰無

事之日父子各居一箐相去三百里崇明悔恨成病深潛不出獨逆寅尚思捲土日向諸苗挑激手提長矛刻鏗平天下四字所居名聶舌箐其山甚高旁有險洞借水西兵數營在層臺阿羅密大隘防守而四布心腹於僻徑小道據險自固五年二月鎮道屢發兵深入不過燒其營房殺迎戰者數十級已耳路遠莽深終難力取余乃檄鎮道專講購法總兵李維新會同監軍道呼降苗阿友賴文通等十餘人密與盟誓令挾妻子逃去佯懸捕格發兵追趕又令各將抽降苗有心計者質其親

朱少師奏疏鈔

卷一

附蜀事紀略

蜀

屬或販鹽布或造槍弩移住鎮雄邊界偽為避難者久之寅不復疑悉召用雖未能近左右然寅舉動無不知矣僞都督朱國政驍雄為羣賊之冠逆寅所極敬奉者守備凌九疇降將胡世孝募死士袁起龍等於厥丈地方夜斬其頭而出賞以三百金於是人人鼓舞隨於落蔣地方斬僞尚書羅世選并其子僞總兵羅萬祐又斬把關戴萬雄阿代生擒者八苗五等屢據譯者云逆寅隨身惟飛老虎及樊虎之子樊友國最勇非殺此二人不能下手適吳商韓裔祚與友國素姻厚貢生王信密

令通之友國欣然歃血約以五月初五日舉事語及其妻遂被漏泄寅先使阿引等偽爲應敵借其軍器乘間斬之并戮其部下精銳者三十餘人實天假之手也寅小童趙七傳良來索賞獻功先以殺飛老虎爲信乘寅往水西議事詭言某路有賊飛老虎持槍揮從者並出莽中伏發盡殺之寅見黨羽漸稀意念傍徨待左右益厲阿友與阿引阿交等乃定盟密差二得至永寧從皮袋中剖出書信約以十二月十五日舉事總兵親發兵渡河策應不意有人從鎮雄轉報寅遂厚集西兵在阿

朱少師奏疏鈔

卷一

附事紀要

至

羅密設伏以待前哨李棲鳳馬忽大嘶衆伏突出我兵乃登高發矢射死數十人斫其先鋒阿外等兄弟六級以黑夜有備遂不敢進多有謂阿引等爲騙局者會新任尹撫院名同閱兵至瀘勞各將曰阿友等有心人也此功必成渠手但賊死有時耳機不可失宜再圖之吳直指名向正東下亦謂釣魚萬丈之淵刺虎千尋之穴豈可以一不中遽輟哉於是總兵仍遣羅旺等伏草而進寅正恨阿友極刑苦拷用刀穿其左腿一晝夜友抵死不承乃釋之而寅走其父崇明處崇明小妻馬氏黎

州人也所攜家人馬蹇得自言兄弟六人可起董卜韓胡羊峒白馬一帶番苗四路入犯足以接逆同入建昌乃書偽敕二道用蠟封之給金四十四兩寶石四顆爲通番之費所差引路鄧世榮卽叅將范繼道遣爲聞者遂報信擒之寅自六年正月二十五日始還至聶舌阿引等已再約官兵布置有緒至二十九日忽聞山外銃聲寅對阿友等曰此官兵也又是汝等勾來乎皆曰不敢明日安塘狠殺便見真偽寅乃取酒與張向極等劇飲至醉盡唱平生之曲曰吾受用已多死亦足矣至晚

朱少師奏疏鈔

卷一

附事紀要

至

醉卧阿引與親弟苗老虎先假送茶盜出隨身二刀乃令拍登李明山入揮刀亂斫初猶大叫須臾腸出足斷死矣苗老虎等斬其首遂放火稱官兵殺至圍隨各賊驚皇不知所向至天明乃定阿引等攜家小四十二口徑過水西割營處通不覺也二月初三日賊始發兵追趕見官兵勢盛俱逃上圖寅屍尚未燃盡賊伴者公復聚火燃之包收餘骨藏於鬼房將送崇明處埋塋是夜趙七同駱可富黃友富盜之出走次日賊黨追逐黃友富被戮趙七竟負其骨來獻崇明於十六日打鬼墓寅

一時苗漢諸色人等告復業者踵至西南禍本絕矣

三復遵義畧節

遵義自改流後界在水蘭設將防守歲費三萬金俱無入額相沿二十餘年司帑甚詘府州縣吏書暨各役多異籍無賴魚肉土著於是舊民浸浸生心矣先是逆寅父子垂涎連界擅殺威遠衛百戶劉訓等全家又欲挾迫土城千戶袁見龍兄弟而見龍族衆強盛憚不敢發萬曆四十八年見龍與加銜守備雷安民援遼陣沒崇明父子拍掌稱賀天啓元年九月十七日重慶未發難

朱少師奏疏鈔

卷一

附蜀事紀

天

卽發金刀紅袍子女玉帛糾合把總石良陳加興安鑾及崇明妹夫阿烏逃水西僞元帥魯仲賢莫德等立應龍族人楊維新爲興國君將土城袁氏殺戮殆盡專以此一路委扶國正奢宏等遂於十月內率兵犯府城時遵義兵備李臬副仙品同推官馮鳳雛方督兵援遼知府杜天培知縣劉人表先期物故同知張起鸞又委署嘉定州而攝府事通判袁任素不得人心挈印先逃一時軍民悉被脇從倉庫罄劫陳加興等復率兵攻桐梓知縣洪維翰不屈縊死典史黃起明走至忠萬起兵仁

懷原無正官望風奔潰數百里間州火盡絕獨真安一州險遠賊不能入張同知時在嘉定卽謝去印務從鎮雄借徑輿轉路入遵不意行至畢節突被西賊羈留困於西溪余在重圍得報密檄基江令鄒昌魯南川令韓應龍真安知州楊汝昇同綏陽知縣任寵土州判駱麟募集漢土各兵扼險固守便宜支動倉庫以贍三軍適黔中撫按遣貴陽推官徐清督加銜叅將焦瑞麟屈朝鮮等兵至任知縣等各率兵策應遂復府城曾經黔省叙報功次訖迨成都圍解水西發難黔兵一時撤回余

朱少師奏疏鈔

卷一

附蜀事紀

天

檄之速往適鄉紳王臬副景奉制院檄委任此路未遽發而李臬副奉旨改叙瀘道已赴戎城獨馮推官單騎直入招徠流散與任知縣率陳一龍駱麟等於二年五月二十二日敵賊於金刀坑俘斬三百餘級墜崖溺水者無算數遂入城據守甫有頭緒及制院委叅將周之德來治兵一聞賊耗托故避往重慶水蘭二逆遂於七月二十三日夜放火攻城馮推官衆寡不敵與經歷袁一修司獄蘇璞俱墜城死真綏兵潰退桑木關獨守備楊通需據守柏楊園扶國正等屢次來攻俱被殺退守

東吳大參國仕尋於九月十六日督令通霑及守備任國續領兵乘月色追殺水西悉遜過江因府城兵不滿萬糧不接濟遂復撤回是月余令遵義趙僉事邦清督叅將秦衍祚侯良柱張奏凱守備李棟等各統漢土官兵由荅江進松坎而另分盧僉事安世同沈崇極由小路進桃竹壩趙僉事廉得坐鎮荅江偽總兵袁衣繡爲從逆渠魁斬以徇衆時扶國正於府後創立大營楊維新等率兵數千屯於龍山寺爲犄角之勢三年正月十一日令秦衍祚同侯良柱多帶火器暗伏攻城萬銃齊發直貫國正大營遂踰牆遁去維新等亦敗走又使侯良柱進攻大勝發坪一帶斬石良三父子因而加意招撫如趙國璽安鑾羅安良陳守江陳加興等相繼投降共率苗民六萬有餘入內地安插二月初七日賊忿楊通霑固守率兵攻圍通霑守益力賊不能得志任知縣復率駱麟戴鳴鳳等策應與通霑夾攻賊遂大敗扶國正楊維新俱負傷而逃奪其資糧器械無算三月二十三日侯良柱陳一龍等會兵進安羅二村將以搗蘭逆寅忽糾水西兵八九萬來衝二將俱潰盧僉事督兵至

朱少師奏疏

卷一

附事紀

早

落紅口招撫羅華王正相等屢有新獲至是亦潰賊因永寧告急旋即退去至六月初八日趙僉事與同知冉峯通判連銘親入遵義青蒿白骨腥穢觸人通非世界矣

擒捕通省妖教畧節

蜀中白蓮妖教其來已久至天啓元年二月內突然竊發如邛州達州保寧潼川綿州嘉定重慶等處東西南北無地無之有羅江縣生員劉明遠寄居蕭寺忽掘地得印二顆妖書一帙遂因而妄言自稱彌勒出世糾夥

朱少師奏疏

卷一

附事紀

早

大邑平武洪雅榮經遂寧仁壽南川妖賊吳加成洪彩方代王國用尹思忠姜應策妖僧正坤等六百餘名於元年閏二月十五日在綿州石馬鎮張掛白旗綠偽榜各造大紅圓領彩畫龍虎衣甲雕馬刻符并刀斧旗幟偽印邪經等物糾衆千餘吶喊大亂倡言先平綿州次平潼川次平安縣羅江時有團練指揮馬穀統兵對敵二起共擒六十三名跳河淹死者無算惟劉明遠更名李天樞逃入永寧投奔崇明合謀爲叛止獲其母妻監候達州妖民唐學等遇遊食民李成於民間倡說彌勒

古佛生於成都名曰法王老祖觀音下世投胎名曰太娘廣安州人鄧翼聰自稱南斗真官下世其妻甘氏稱為三娘與我密言分投立燈黨六萬七千座每座為一枝頭約招數十人俱稱法王弟子凡投會者於翼聰處上糧俟功成之日照銀加職妖言難以盡述擊獲唐學等研審謀叛是真各家搜出妖書妖器無數偽造佛歌云官兒最為高鐵樹開花怎生桃水火都來到黃傘青傘一齊料那時纔顯我老佛教翼聰於重慶難起糾合胡萬明先入省城暗招兵一千有餘密司內應十月二

朱少師奏疏鈔

卷一

附事聖

呈

十日廉訪得實搜出異書并暗伏黨羽悉正法宋宗吉學於遂寧造白鶴錫燈光從口出又用錫盆盛水燈下列百人序拜各從水中照出袈裟紗帽形服於是蠱惑人心各設燈黨每人按季出銀三錢三分令燈頭彙送入省大佛祖收貯且云末劫之年彌勒掌世改號天明改年中元復出入各土司煽誘反叛占邑圍省皆自此輩起之內經擊獲者分別梟斬情輕被誘出示解散仁壽縣擊獲妖民梅子然侯元等拜燈於家搜獲老太祖娘冲天冠鬼臉鳳冠鬼臉各一個皆已鍊成烝候夜薰

此冠於無人處鍊鬼剪成紙人紙馬呼之即行周伸偽受吏目上川南四州井研等燈黨皆伊包管梁選王可第吳紹湯等隨賊攻城紹湯為官兵所殺其餘俱已梟示南川妖民白僊臺立順天閣一所拜燈集眾見奢賊倡亂遂豎旗立榜四野招合偽稱順天王唐朝誦偽稱宋大王李聯芳為明疆王鄭應剛為虎利王鮮啓為定疆王秦運吳朝喜為左右護駕王立寨拜將焚劫鹵掠南川知縣韓應龍督典史朱國佐統兵擒獲梟首三百餘級獲豆兵一箱木馬一百五色紙人馬一箱定遠縣

朱少師奏疏鈔

卷一

附事聖

呈

擒斬妖賊周之成等榮縣擊獲妖賊劉孟奇周兆榮等三十餘人遂寧安岳大足仁壽白蓮賊梅大梅五等抄劫地方被安岳官兵生擒五十五人各斬首以殉眉州妖婦鍾氏拜白蓮燈黨張之行爲徒封氏爲佛祖婆臨凡號爲太娘每遇朔望日說法氏父鍾積率在會徒衆羅拜誘引江萬山王正書等傳寫妖書名新善一律內云明臺鐵柱立紫微內藏先天古佛機銀盤讀斗齊日下定高低種種無端不根之語煽動一方本州擊獲楊雄等梟示鍾氏等見監合州妖賊查茂良石省枝梁梁

然石茂枝等習學白蓮先遇鄧異聰自稱彌勒佛來州煽惑將燈黨蔡嘉友封爲賢善天本來佛下界一百四十六轉封毛氏爲紫羅官皇大聖王菩薩下界一百五十六轉降生合州欽遵佛旨本來佛東方讀斗選用墨印一顆供稱有閣下四人劉師爺陝西涇陽人鄧異聰隣水人楊應選三原縣人馬師爺石砭司人各省州縣奸民供報數百又定劫經三卷有別立世界改換乾坤等妖語累千萬言全無忌諱當獲查茂良等九名正法訖餘黨解散先是劉明選因州縣搜捕甚緊走投蘭逆朱少師奏疏鈔

卷一

附錄

星

附黃總兵事

總兵黃守魁在蜀已十餘年向處越檣從未識面及援遼過省見之則皓然一衰翁也部文止令帶兵一千守魁輒檄通省將領并各衛弁挾與俱行分上中下三等以索餽自發越檣卽劫寧越庫千金至省要索不遂意臨行在錦官驛兀坐命左右盡將供具擊碎仍折小屋

數間而去一路擄掠幼口財物至嘉定州已滿三百艘久泊淪江以待各餽適樊張二賊至把酒驪甚張形有至威爲守魁掌班以行貨數目備告二賊二賊乃厚獻土宜向守魁借各器械并兵二哨代點暗伏張國柱等於江邊與教場之變一時俱發守魁被擒領兵官吳民旺張虎徒手相搏各被數槍仍奮力衝圍救出守魁老妻并兩幼子與鄧廷高順流而奔從與俱脫者七百人其餘盡爲賊用賊縛守魁至澄清樓下鞭之無數次日自縊而死家屬至江陵檢餘貨尙存杉板數百副

朱少師奏疏鈔

卷一

附錄

星

附胡孝廉事

永寧衛舉人胡縝忿奢賊之橫數年前條其必反至天啓元年九月探知事發先托故走出納谿十七日具揭送馮知州知州達之直指具載逆謀甚悉正重慶遭變之日也俄而被賊擒回乘間逃出復爲賊所得賊加以嚴刑夾兩足脛幾斷收在黑獄其弟胡緯罄產數千金託奢富轉求安氏安氏招保在外又賄守者得逸至叙城奄奄不能動履鄉紳牟鳳區助以資斧覓醫治之旋愈卽奮志擒賊糾合義旅大有斬獲二年五月與劉養

鯢等計議招出偽大將宋武并張令秦國保等因而擒
僞相何若海部署堵截自任太里村一路正有頭緒不
意十一月十七日在茅舍中夜彈燭燼悞觸火藥兄弟
俱死焉先是二逆恨其逃出將祖墳發掘盡揚爲灰縹
涕泣彌月誓以死報忽遭此難宋武亦死所暗糾
從義者皆以爲不祥而復猶豫真蜀之不幸也

西南諸苗狡詭殘毒無所不至而其實惻然井蛙也獨
逆寅傲睨阻深薄視一世技能謀略迥出僞伍諸亡籍
皆蟻附而樂爲之死自辛酉九月發難蜀將士與之大

朱少師奏疏鈔

卷一

蜀事紀略

吳

小數百戰越癸亥仲冬掃清賊穴寅乃重繭而走隣在
蜀亦可草結一局矣不意甲子乙丑兩春黔事並裂非
不悉索敵賦竭蹶從事顧各戰一方相距千里安能及
也寅既無聊專事縱橫之策諸苗謂其敢戰倚爲前茅
耽耽焉樹連雞而挑吠犬意未嘗忘蘭也窟穴既深踪
跡靡定偶以用購得其內應一日死於亂刀之下西南
禍本於是乎絕此皆聖天子威靈震蕩百神護之假手
近習師武臣亦何力之有天啓六年三月朔燮元再書
先曾祖襄毅公諱燮元中明朝萬曆壬辰科進士時

同邑同宗者當國其子與先襄毅公同榜授意往見
可得館選襄毅公卽日出國門歸里時論多焉起家
大理評事轉寺正恤刑山右特簡蘇州知府陞廣東
提學副使忤旨直指謝病歸家居十年起陝西臬司陞
四川右藩未幾轉左值蘭賊奢寅變亂守成都百有
二日圍解晉四川巡撫蘭平晉兵部尚書總督四川
湖廣陝西三省軍務仍兼撫川賜蟒衣廢一子錦衣
衛指揮使丁外艱起復拜兵部尚書總督貴州雲南
湖廣四川廣西五省軍務兼撫貴州川東偏沅賜尚

朱少師奏疏鈔

卷一

疏

畢

方劍晉左柱國少師兼太子太師水西平廢一子錦
衣衛指揮僉事開三州十二衛拓地一千六百里卒
年七十有三賜諡襄毅擬贈威寧伯世襲以闔賊犯
京師不果行有蜀事紀畧督蜀奏議督黔奏議繕修
誌詩文各集百餘卷行於世兵燹之後多散失不可
得從弟^{世衛}劉念臺先生^{宗周}孫壻也於內家藏書
中覓之先以蜀事紀畧遠寄遂以付梓並附谷霖蒼
先生紀事本末一卷乘城日錄卒生始末同壽梨棗
庶使先人功業不致泯遺餘俟再梓以傳焉曾孫人

龍
百拜謹識

五世孫源星校刊

朱少師奏疏鈔卷一終

朱少師奏疏鈔卷一終
一跋

畏



朱少師奏疏鈔卷二

撫蜀疏

欽奉勅印并報到任事

欽差提督軍務巡撫四川等處地方都察院右僉都御史朱燮元謹奏為欽奉勅印并報到任事臣原任四川布政使司左布政使天啓二年正月三十日准吏部咨稱鄖陽撫臣楊述中題為川省異常兵變事奉旨土司樊龍等倡亂狂逞戕官據城罪在不赦其中或有激變等情兵部馬上差人著該省巡按會同鄰省撫鎮等

朱少師奏疏鈔卷二

一

官相機處置亟宜剿定毋致蔓延巡撫員缺便推有才望知兵的作速前去鎮道等官查明速補欽此該本部會同各部都察院通政使司大理寺公推疏名題請奉聖旨朱燮元陞都察院右僉都御史巡撫四川等處地方提督軍務該省兵變一應調度剿定聽以便宜行事寫勅與他欽此備咨到臣臣望闕焚香叩頭謝恩訖二月初六日又准本部移送新頒勅書一道關防一顆到臣臣接領欽遵隨據按察司呈送前撫臣徐可求發收原領符驗旗牌到臣接管行事其舊關防一顆俟事寧

查追獲日另疏奏繳外爲照臣發元模嶽小村驚駭下
品身嬰多病原無匡濟之資識不通方豈堪軍旅之寄
况重臣受禍責在保障郡邑被兵計未撲滅職守既已
多曠罪譴自應首加迺蒙皇上軫念地方特賜容恕擢
授節鉞之任責以剿定之機寵命逾涯雖捐糜以何補
忝承非分徒顛蹶之是虞顧臣七尺苦心一腔有血敢
不激勵文武殲兇頑以靖封疆申飭紀綱勤拊摩以安
黎庶莫三川磐石之固釋九重宵旰之憂此臣所以報
皇上而酬恩遇之職分也臣無任感激激切屏營之至

朱少師奏疏

卷二

二

除逆酋敗逃成都圍解情形另疏題報地方剿定應行
事宜陸續料理上陳外所有到任管理行事日期合行
奏報天啓二年二月初九日

官兵屢戰大捷逆賊勢潰奔逃成都圍解恭慰

聖懷事

竊照永寧撫奢崇明與子奢寅本一么麼小醜負國
厚恩突謀不軌自渝州殺占之後父子統兵攻陷府州
縣衛所三十餘處乘勢長驅直逼省會姦民被誘衆逾
十萬自天啓元年十月十八日圍城四門偏豎寨柵爲

立御營其稱孤僭號披猖之狀與百般攻具更迭迭換
皆耳目所未經見者幸按臣薛敷政指授方畧晝夜隄
備一時寮案同心兵將效命大小百有餘戰斬殺五千
餘賊至天啓二年正月二十八日援兵將至密約夾攻
臣與布政司右布政使周著按察司按察使林宰分守
川西道副使戴燦提學副使胡承詔恤刑員外郎劉可
訓見任雲南大理府知府薛承教監軍同知余新民侯
世延楊楠通判段師文梁文奕推官羅寬知縣王琪等
督令帶管總兵松潘參將管副總兵事沈崇極原任副

朱少師奏疏

卷二

三

總兵顧鳳翔都司陳繼光僉書張承恩遊擊魯美中原
任遊擊黃承爵原任都司范繼道加銜參將薛來衍
揮周斯盛千戶魏民望鎮撫黑茂百戶劉純祖材官陳
子朝劉養鯤茂州土官坤汝常何紹舜董應魁高子實
土通判李泮天全土舍高佐春等五十八員分布四門
各率勁兵齊出直薄賊營更番鏖戰從晨至暮斬殺甚
衆是日安綿兵備監軍副使馮勞謙督同忠州判官今
陞河南新鄭縣知縣胡平表石泉安縣知縣商良弼沈
倫守備吳國輔指揮馬繩祖王世寵李大用楊元王應

乾其兵四千石社宣撫女將秦良玉加銜恭將遊守等
官秦明屏秦拱明秦可秦翼明秦允成應義生員馬祥
齡等土兵一萬四千湖廣監軍按察使楊述程督僉書
鄧懋官率援遼回川兵一千七百射洪知縣王新民總
督鎮標營吳民望兵二千會戰於新都斬級數多賊披
靡逃回我兵克復縣城先二十四日順慶府推官郭象
儀督同恭將遊守等官譚大孝崔一玉黃正中等率兵
四千自漢州轉由郫縣兩次大戰斬獲多功崇明負傷
而逃本日亦移營二十里賊勢窮蹙衆心憤怨有賊信

朱少師奏疏鈔卷二

四

任僞先鋒羅乾象先於一月前奉臣曉諭投誠納款是
日約同伴胡汝高胡汝寧并被虜生員鄒蔚然范祖文
胡肇虞於二鼓來報欲殺賊自效至五鼓賊營果火起
喊作崇明父子驚覺狼狽而奔臣與同官恐賊懷詐隨
發官兵四千分頭接殺於奢寅營內得獲龍鳳腦包一
箇繡龍鎧甲一副雕龍玉帶一條金瓜一把刀鎗弓弩
三千餘件并獲南溪資縣印信各一顆灌縣印一角資
縣陰陽學印一顆宣撫僞關防一顆何若海僞丞相印
一顆僞契書鐵券三道及牛馬衣被器物米豆不計其

數至本月三十日各該援兵併集城下分巡上南道監
軍副使趙日亨率同東川通判馬學魁督兵亦殺至省
臣先行資簡內隆一帶州縣義勇斷橋毀路挖壘沉舟
絕賊歸計及移紮瀘兵備副使徐久德防賊衝突相機
討逆隨分布官兵三路追捕目今賊勢雖已窮蹙但黨
羽實繁淪瀘未復尙煩我皇上西顧之憂然得保此危
城以固根本仰仗天威或可漸次掃除其失陷州縣與
夫印信倉庫獄囚及殺虜情形查實另報文武各官功
罪并斬獲功次陣亡各官通候事寧分別具題懇勸外

朱少師奏疏鈔卷二

五

天啓二年二月初九日具題

天討方張公私俱匿懇乞聖明垂念危疆亟賜
發帑以濟然眉事

臣惟率土貢賦臣子職分自非萬分急迫何敢呼天妄
籲乃蜀中不幸遭此異變有不得不哀鳴於皇上之前
者先是天啓元年五月內奉旨調川兵三萬援遼部文
註定每兵一名給銀一十七兩通算共銀五十一萬而
監軍總鎮督餉等官與吏承原糧戰馬船隻俱不在內
是時臣待罪蒲政日接部檄急如星火查庫貯僅四十

八年未解加派銀四萬兩餘將京料缺官貢扇價銀各邊軍糧盡行那借共解到重慶聽支者二十二萬兩沿江經過州縣如叙馬瀘重慶等處共兌支過大糧邊餉銀七萬兩餘俟內帑找補猶慮不足復兌解巴縣大糧銀三萬兩重慶庫貯清出屯銀三萬兩該府徑行大足鄧都等縣取解五萬兩有奇貯府聽支於時西土苟安東固孔棘祇期速發以濟貼危且謂時傍冬初會計期近那新補舊猶可掙持乃不意異常之禍頓生肘腋之間其在重慶貯庫者支發未半盡為盜資川之西東財

朱少師奏疏鈔

卷二

六

賦州縣悉被殘破雖保有川北下東上南三處而援兵經過坐派行坐二糧募夫搬運民不堪命逃竄亦空臣在圍城之中與賊相持一百口先後集衆五六萬每懼經費不支與布政使臣周著釐毫必較已措過銀十萬餘兩數又不足共立券書多方括借藩府郡王縉紳士民通共助銀六萬兩其力已竭今不惟各漢土兵嗷嗷需餉裹足不前卽松建各邊經歲無糧近日諸苗乘募生事在保縣屢以生番圍城告在建昌則以蘭目蠢動告遵義兩次被占建武爲賊門戶正當戮力之秋孰肯

朽腹從事臣聞邸報蒙皇上軫念成都重地特遣督臣張我績總理四省之兵兩次發帑金三十六萬兩仰荷聖恩不勝感泣但查先年征播寇在巢穴全蜀無恙號令徧行尙動九省官兵費金錢二百七十萬兩今賊不軌禍在通省其難十倍於播雖戰敗奔逃而渝城未復元惡在通萬一賄通鄰司結連黨類豕突鴟張更難收復今若乘破竹之勢爲犁庭之舉必得數十萬餉先安各邊之心然後一意剿討四路會攻懸賞以鼓將士納降以散黨羽諒此么麼不難撲滅但兵多費廣不能剋

朱少師奏疏鈔

卷二

七

日內苦費用之不敷外懼各邊之生彘臣愚不肖若不蚤疏控額爲罪滋大懇求皇上愍念西南重地塗炭已極且蜀安而鄰省皆保蜀存而常賦自充安危得失所繫匪細伏乞俯允再發帑金五十萬兩差官陸續解發川中容臣與督臣會同三省大兵剋期剪除擒獻首惡用張天討莫安地方蘭賊既平則諸邊又易撫戢西南半壁可復視太平景象矣天啓二年二月十八日

軍務方殷需材最急酌議就近推補監軍并用

贊畫官員以便責成事

竊照逆賊奢崇明父子非小寇也衆逾十萬圍城百日
初到之時毒弩花槍人莫敢近滿城股栗號哭震天臣
與布政使周若按察使林宰副使胡承詔戴燦并府縣
將領等官效死弗去自是職分乃恤部員外郎劉可訓
一聞警變卽自邛州單騎入城相與共事初則往來策
應繼而專駐南門協力指麾屢戰大捷雖本官不欲居
功而登陴一百晝夜賊之情形將之強弱與一切臨敵
策應防禦之法不啻輕車熟路矣松潘監收通判段師
文首先赴援親履行陣順慶府推官郭象儀招率土漢

朱少師奏疏鈔

卷二

八

屢展勝猷忠州判官胡平表備歷艱辛提兵赴援射洪
縣知縣王新民自募銳師挺身討賊此皆疾風勁草堪
爲皇上效西南一臂之用者今督臣張我續行將入境
四省大兵漸次鱗集川西旣平臣當獎率六師東下叙
瀘而一時司道寥寥乏人在省止左右布政使周著林
宰與守西道副使戴燦三人在外止守巡上南道叅政
陳龍光副使趙日亨安綿上東道副使馮勞謙徐如珂
四人適當殘破之餘咸處紛糾之任士民瞻依勢難離
局而軍機重務又非臣一手一足所能料理臣謹會同

巡按四川監察御史薛敷政查得先年征播多係就近
擇人官宜於事應以劉可訓陞四川按察司僉事管監
軍道事段師文郭象儀胡平表王新民各加應得職銜
與臣同詰軍前監督理餉贊畫軍機俟功成之日另叙
優擢庶官有專責事易責成其於危疆深有裨益今賊
氛尙熾追剿宜急除令各官一面先行料理外伏望皇
上俯念西南重地軍旅繁殷需人甚急勅下吏部覆議
上請行臣轉行各官遵照俾當倥偬之秋各效馳驅之
任臣愚幸甚天啓二年二月十八日

朱少師奏疏鈔

卷二

九

恭報逆賊前後情形併陳進剿機宜仰祈廟筭
以保危疆事

臣於本年二月二十日接兵部公文內開成都被圍撫
按官無一字見報併詢知我皇上日夕焦勞臣不勝戰
慄緣臣奉旨在去年十月二十二日至今年二月初六
日始奉到勅印初八日到任管事卽將成都解圍拜疏
上聞今賊潰奔入穴百務稍有次第是臣再覲天日勉
效犬馬之時也所有逆賊一切情形并地方各官死守
力戰之狀與近日機宜所當亟請者敢縷陳之永寧土

地不過當一大縣兵不滿三萬人逆酋奢崇明以旁支
援起蒙恩獨厚故部檄徵調與其報効前撫臣徐可求
誼激邊事與疾赴渝屢次催發百計支吾初則止報三
千繼而願增一萬及誑得安家銀四萬兩即分頭行賄
鄰司招亡納叛及點發之日樊龍兵數突增數千可求
見其狂諄溫言慰勞許以權宜處給而龍方用手一揮
萬眾叢集槍刀並加登時慘阻道臣孫好古駱日升李
繼周知府章文炳同知洪應科熊嗣先推官王三宅知
縣段高選泰將萬全指揮王登爵同時遇害巡捕佐領

朱少卿奏疏鈔

卷二

十

官員併士民被殺尙難查紀是日援遠總兵黃守魁阿
奉樊龍借兵五百併盛甲器械代與點名詎料城內舉
事城外亦起魁被毒打自縊妻妾輻重悉爲賊有部下
永寧哨千總鄒世賢仍歸於賊獨吳民望張虎等倉卒
空拳奪船奔脫至雲陽縣尙有七百餘人知縣朱毅臣
捐金養之仍得赴省九月二十一日臣據報前情當查
聞司軍器不滿數十件鎮遠營不滿五百名一面調兵
修備一面行文撫諭及撫之不得乃謀救重慶不意奢
寅自統勁兵四路並進至十月初一日聲息漸近通採

輿論咸謂內江有河可斷龍泉有險可塞而一時無將
無兵行據成都府署印重慶府同知余新民薦報効官
雷安庶冉世烘周邦大袁中緒等四人可用又茂州衛
指揮瞿英領兵二百到省臣派周邦大領募兵一千協
守內江發瞿英同雷安庶等三員共領調募兵二千在
龍泉山據隘劄營又令指揮張愷率兵三百至城外二
十里沙河鋪防禦以通塘報十五日松潘衛指揮余弘
緒等龍安土通判李泮各領兵五百茂州土官坤汝常
等共領兵四百鎮西指揮百戶楊有功曹羽共領兵四

朱少卿奏疏鈔

卷二

十一

百俱到省臣又令加銜都司周斯盛指揮秦明遠常泰
加銜都司劉訓共募兵二千各分四門結營以待賊不
意賊初九日至內江縣知縣何起蛟先已敗奔初十日
周邦大與賊遇於資縣唐明渡戰敗投降十六日賊到
龍泉山至十七日鏖戰自辰至酉瞿英同雷安庶袁中
緒眾寡不敵俱歿於陣獨冉世烘壁崖得脫張愷聞風
卽棄遠遜臣見賊鋒甚銳隨於夜二鼓赴四門各敵兵
入城堅壁固守先是賊將發難遍布細作三次差人催
促留守建南頭目黃光輝通苗共叛臣行巡上川南道

副使趙日亨遣指揮魏民望將光輝用計斬之搜獲相通真筆在省劉訓與何若海尅期謀爲內應妖教計聽鄧胡萬明等密與妖首劉文選相通在城內私自招兵千餘承寧僧覺照應天等五名假扮石碓差人希圖行刺本城方大德羅尙錦余應龍等四十七人預先投降給有免帖按臣薛敷政差調兵標兵楊進可等二名臣差金卜勝等十一人皆與賊通仍携回文上城或欲燒祿米預備豐寧等倉或欲燒三司府縣各衙門乘間引賊率皆敗露簡州生員王廷弼偽扮乞丐在城下投生

朱少師奏疏鈔

卷二

三

土通判李泮弔解臣處臣就其衣縫搜出倡亂揭帖數十紙俱陸續臬示正法臣與司道皆目不交睫日夜嚴防而鄉紳周宇等舉人齊芸芳等生員胡祖烈張瑜等皆能協力齊心在城諸姦搜查略盡始得專意與相對壘賊實初來不過四五萬崇明與黨馮宜先後繼至則已十有餘萬大約瀘合江安仁懷桐梓永川榮隆富內資簡等州縣殘民與無籍之徒悉被驅使且啖以財色繩以嚴刑不得不爲效命每日專用竹笆皮洞以當矢石齊放毒弩以射梁軍忽燒城門忽挖城腳鉤梯多於

比櫛殺人不啻草菅繼而雲樓陽橋土山早船留竿火槍等攻具互換疊施城中多有望見驚死如生員楊試街民陳應郭明順等者按臣薛敷政晝夜四巡勞瘁獨甚臣與布政使周著按察使林宰副使戴燦胡承詔恤部員外劉可訓併府縣將領等授兵登陴與賊相持半月後都無人色度賊已驕至十一月初二日臣選勁卒突開北門斬其渠魁王道達奢崇義二人先鋒廖鎮權亦中彈死賊膽稍寒嗣後西南東三門相繼疊出屢獲奇捷至十一月二十一日巡上南道趙日亨遣指揮魏

朱少師奏疏鈔

卷二

三

民望劉繼勳等率董卜高楊兵二千併眉州嘉雅兵一千松潘監收通判段師文領兵一千三百入省城內軍聲益震四門通共百有餘戰擒斬并銳矢砲石打死共五千三十五人溺水者不計其數願賞者當卽給明臣料賊黨必有仗義者屢次出示遣人行間賊目羅乾象胡汝高胡汝寧被擄生員鄒蔚然范祖文胡肇虞奉諭來降臣令立功自效自後日具賊情密報至正月二十八日四門大戰從朝至暮殺傷甚衆披靡不支而援兵者兩捷於郫縣再勝於新都賊知勢潰夜見營外火起

喊聲狼狽而遁至天明各門猶有來攻城者亦有打搶未返者一時聞信四散狂奔軍資器械強半委棄男婦招降不復計數是日臣與司道雖分四門俱應接不暇凡官兵拏獲併鄉村鄉來俱驗其額無網痕并查身有刀箭銳石之傷卽梟示阿虎等三百八十名其餘無據姑寬一面縱之逃生三十日援兵俱到臣一面行布政司犒賞各官兵一面分布官兵三路追剿併飛檄各州縣速率鄉勇併力截殺去後續據成都府報解鄉勇李文斗等拏獲賊黨奢可義等十一名斬功一百六十九

朱少師奏疏鈔 卷二

古

類簡州前後擒解奢五乃等九十餘名打死二百一十餘人奪獲馬匹器械一百二十件偽劄偽示勅令文帖六十件資陽縣報解鄉勇任大孝等擒斬樊龍姪樊啓等五十名打死三百餘人又鄉勇張承楊等斬賊一千二百二十一顆擒解何國正等七十七名奪獲被擄婦女五十四口馬十一匹槍刀六十七件金堂新繁溫江等縣西江河等處鄉勇羅忠等擒解奢良等并打死五百餘人江安縣陸續斬獲新繁縣偽知縣李之偉南溪縣偽知縣何枝江安等處偽都司李梧李梅等又擒瀘

州改爲瀘陽府偽知府李自新係原任永寧宣撫司經歷每處劄給偽官不下百人招降頭目阿興等五百餘人斬級二十二顆又報率兵於倒馬坎斬獲偽總兵陳祈撥獲偽錫印木印各一顆馬絮刀槍大弩偽劄告示俱解道驗合州安岳樂至安居銅梁南川定遠岳池蓬溪射洪中江等州縣各陸續中報擒斬逃賊甚多尙未解到又據叙瀘道報稱奢崇明睡一小床偷渡瀘州河由茜草壩小路逃回巢穴訖又據巡下南道叅政王世仁揭帖內開崇明於初五日歸巢奢寅雖未見的確然

朱少師奏疏鈔 卷二

圭

各處已無踪跡人云潛入理亦有之比查各處陷沒州縣率俱恢復祇重慶尙占臣差人督促巡上東道副使徐如珂率同知趙其杰併平茶邑梅石柱陳同知等兵分道攻打又發石柱秦良玉兵一萬三千直走重慶協力恢復去後至本月二十六日忽據叅政王世仁副使徐久德報稱雲南沐兵在畢節激動水西攻陷畢節又發兵圍黔來助蘭酋兩日連接數報與符國正等合取建武等因到臣看得逆酋父子以小醜而遽大變亘古未有臣守土無狀偶爾遭遇乃相持百日不能力啖其

肉致令遷歸巢穴臣實愧之今賊衆十餘萬殺傷逃散者已去十之七八被陷州縣衛所四十處率已恢復若乘其喪敗用張捷伐必先復重慶以孤犄角之勢給邊糧以防肘腋之變若水西鎮雄烏蒙等司頗有狐兔之憐喜作犬羊之鬪據所傳報殊爲可駭亟宜宣諭俾令效順一面分布重兵於瀘州合江建武仁懷四路並進賊諒不能挿翅而逝矣至於招散脅從尤爲急務查賊黨羽多被勢迫永人卽吾人也順而貸之何必苛求伏望明旨頒諭但其部下能擒逆賊崇明父子者卽准世

朱少師奏疏鈔

卷二

六

襲宜撫仍加厚爵兩得者兩分其地則內外四里百姓皆感聖恩之浩蕩而且恨賊之貽累必爭先効力以保身家而取富貴何患苗氛之不靖也至於樊龍園困日久似亦不難破滅但各兵方聚帑金未到萬口嗷嗷無計可措今郊原千里皆成瓦礫此倘載道號哭震天若卽欲議征議派是驅之從賊也臣慮內慮外苦乏良圖非仗廟謨曷由克濟除諭鎮雄烏蒙烏撒東川等府各保爵土毋聽姦惑及將解到各賊審明正法馬匹器械給賞官兵死事并陣歿諸臣失事州縣與退怯官員及

先後一切功次俱行司道覆查確議到日另行具奏伏乞勅下該部覆議上請亟催前發帑銀星馳解蜀以濟然眉并行黔撫嚴諭安氏勿聽逆苗搖惑附和擅兵仍勒限沐兵作速前來剿賊不許藉口退避致誤軍機庶逆賊合從可消而官兵進取有賴矣天啓二年二月二十六日

重臣任事忠勤邁禍慘烈仰祈聖明厚加優卹以慰貞魂事

臣惟人臣肅將王命効力疆圉生死利害誼無可避事

朱少師奏疏鈔

卷二

七

同有出於意外變每不可以先圖故岑彭建勲忽中公孫之刺費禕出鎮不虞郭循之姦蜀變匪茹往往而是若夫誼激視師忠披報國白刃交加甘以身殉若前撫臣徐可求洎道府縣諸臣孫好古等甚可痛也天啓元年五月內皇上以東事孔棘差科道臣明時舉李達調川土兵三萬定安家行糧每名各十七兩共該銀五十餘萬限以六月出境可求方來莅任行至順慶府一捧嚴檄卽兼程赴省每語臣曰東園所畏無若川兵川兵最強無若蘭苗耆崇明受國厚恩豈其忘報若今自將而

往精銳悉隨足當一面五十餘萬金錢底不以飢寒備而皇上東顧之憂必少紓萬一矣用是與疾而赴渝臨祭之日震雷盪舟妖鳥示怪俱恬不介意惟日夜孜孜冀蘭兵之速發初遣指揮吳栢再遣同知華志會又續遣參將萬全三次諭之未嘗不委曲也給匾給劄併花紅犒賚未嘗不厚也安家行糧未嘗缺額也馬料船隻未嘗不預備也詎意逆賊蓄有異志閃爍百端先遣樊龍張彤乃其授意之心腹再發王道達周鼎用爲監督之爪牙及教場點驗之日賊之姦謀風定我之意料不

朱少師奏疏鈔

卷二

六

及片語未終萬刀叢集可求見事勢決裂惟厲聲大罵挺身受刃以一死報皇上耳同時遇害如分守川東道按察使孫好古分守下川南道副使駱日升兵巡下川東道副使李繼周重慶府知府章文炳推官王三宅巴縣知縣段高選叙州府同知熊嗣先順慶府同知洪應科遊義參將萬全旗鼓指揮王登爵俱並遭劫數同受兇鋒脫落冠裳互相枕藉常山之骨不完其弘之血盡碧嗟乎冤哉士酋未有之變突起於逆賊而從古非常之禍忽遽於諸臣遠近聞之皆號哭罷市而况臣誼切

同舟驚聞奇禍天不可問愛莫能助是所扼腕椎心泣盡而繼之以血者也臣今獎率大兵追剿逆賊仰仗天威誓雪大恨而諸臣之沉寃未白卹典尙稽心實痛之謹查大明會典欵開在外交文武官員不拘品級其以死勤事者卹典取自上裁又一欵開查有軍旅身殲助勞懋著者卹典自宜加厚又查先年各省兵變一有戕傷撫臣併司道府等官者但或以糧餉短絀或以措處乖方禍所由起皆屬有因而今者奢賊敢於造叛突然恣殺以張威誅遂分兵以犯順是黃巢復生於世而諸臣

朱少師奏疏鈔

卷二

七

不幸首當其禍一腔忠義天日爲昭較諸造孽而遇變者相去何啻霄壤且自遭難至今已踰半載或屍骸暴露未卜還葬之期或眷屬戕傷全無收殮之主夜臺有知亦爲哀籲伏乞勅下該部再加查議覆請從優賜卹施行庶大義昭明而羣情爭勵矣天啓二年三月初四日具題

白蓮妖賊助賊蜂起恭報擒斬功次併乞賜通行禁戢以弭禍亂事

竊惟白蓮無爲等教謬飾邪術煽惑庸愚累奉明禁緝

拏萬分嚴切詎意蜀地姦民喜於爲亂倡是術者實繁有徒先是天啓元年三月內據綿州申稱突有白蓮邪術結黨四五百人張掛榜文聲言攻城隨據各門兵快并圍操馬指揮拏獲妖人洪彩姜應策等四十五名到州審供羅江縣生員劉應選白稱彌勒佛出世先平潼川次平綿州安縣等語當將各犯分別監倉并拏劉應選未獲隨拾得黃布蟒龍罩甲十二件神像大旗二十九面妖書一本白絲榜文銅印木符刀槍等項業經按臣薛敷政疏聞通行各屬擒拏首惡解散習從間續據

朱少師奏疏

卷二

二

達州申稱州民唐學等遇遊師李成等到於各家倡說彌勒古佛生於成都名曰法王老祖觀音下世投胎名曰太孃有廣安州人鄧亞聰自稱南斗吳宮下世其妻甘氏稱爲三孃與我密言分投招立燈黨六萬七千座每燈爲一枝頭約招數十人俱皆法王弟子凡投會中者俱於鄧處上納錢糧待功成之日照銀加職唐學等十人各立燈堂一座誘集男婦數十燒香拜燈夜聚曉散日誦妖偈妖言難以盡述隨拏唐學到州一一供認當於各家搜出妖書無數并獲白袍黃旗戰裙法衣木

雕兵手一隻上刻千兵萬將急赴本壇客民李雲騰告投妖書一本內載潼川綿州溫江大邑名山崇慶眉州新津資陽灌縣成都涪州保寧南部順慶等處各有燈頭方大王國用等姓名又據嘉定州申稱州民杜奇諫劉智等與健爲縣民張太清何明忠等及各處人民俱禮佛拜燈約集三四人造爲佛歌云官兒最爲高鐵樹開花怎生桃水大三災都來到黃傘青傘一齊料那時纔顯我老佛教煽惑愚民傳授妖書三卷晝夜走省不停又據邛州申報州民尹思忠等與大邑縣民鄭廷

朱少師奏疏

卷二

三

美等俱稱彌勒佛在省其爲燈黨惑衆又據龍安府呈報拏獲平武縣民吳加成等各投劉應選習學妖術據獲旗幟刀槍等情俱經批行分別究處外獨劉應選查無踪跡不意應選徑逃入永寧改名李應樞與奢寅父子合謀其叛仍遣腹心四出潛布以爲內應如甘聰鄧印甘吳聰改名甘進忠與胡萬明等各乘逆賊內犯先在省城私自招兵一千餘人密訂時日欲裏應外合臣廉得其狀當拏二犯搜出異書兵冊并房屋內暗伏黨羽供明正法又據洪雅縣申報天啓元年十二月初一

日妖犯梁選宋宗吉侯元王可弟周學遠徐自大梁嘉慶宋宗富王可邦周宦周伸續高等糾賊欲攻本縣當日督兵拏獲到官審據各犯供稱與榮經縣拏獲徐弟專習白蓮邪教禮拜燈聚眾練習鬼兵助逆謀叛徐弟學於仁壽縣宋宗吉學於遂寧縣其燈用錫造似白鶴形燈光從口出又用錫盆盛水於燈下聚百十人爲一堂循序進拜各於水盆中一照或見見旒袞袍或見紗帽綠服便知將來分位於是感動眾人各立燈堂集眾每人每季出銀三錢三分令燈頭收送入省有大佛

朱少師奏疏

卷二

三

祖收貯且云末劫之年彌勒掌世改號天明改年中元各犯仍出入土司誘惑者酋自謂人心歸附遂起逆謀同酋攻圍成都仍剋期攻縣本縣督兵晝夜防守拏獲妖賊趙魁李先鮮可仰摺得反書一部內載幻妄不經逆謀反亂之語難以枚述又於妖犯劉可家拏獲仁壽縣人梅子然亦於身上摺書一紙與前相同及審各犯其係總兵指揮某係州縣正佐燈頭侯元夫婦拜燈多年於本犯家摺獲老祖太孃冲天冠鬼臉鳳冠鬼臉各一箇皆已練成炁候夜戴此冠於無人處練鬼剪成

人紙馬呼之即行又拏獲李得第等三人俱拜燈號草上飛夥造兵器當時打死周伸供稱已僞授崇慶州吏目其父周加友爲雅州拏獲上川南四州并井研仁壽等縣燈黨皆伊包管有被誘小僧廣法封質可據梁選供稱同吳紹湯王可弟宋宗吉等送銀上省隨酋攻圍省城吳紹湯被官兵殺死梁選被傷一槍幸而逃歸今將各犯遵照憲行當即正法臬示又據南川縣申稱有梓潼縣齋頭白僊臺來縣合謀秦運等於秦加謨家修立順天閣一所用純黃赤壁練畫龍鳳飛紋拜燈集眾

朱少師奏疏

卷二

三

持練陰兵及見香酋倡亂就糾遵義舊民殺劫地方白僊臺遂豎旗立榜四野招降稱爲順天王唐朝誦爲宋大王李聯芳爲明疆王鄭應剛爲虎利王鮮啟爲定疆王分爲東西南北四路秦運吳朝喜爲左右護駕王各置臺立寨拜將舉事隨發兵燒劫李高才秦加敬等百餘家擄掠男婦千餘口當差里老諭撫各賊殺死執牌快手駱維先等六人直來攻縣并舉陰兵燒劫官管隨令典史朱國佐統千總劉仕鰲等官兵四圍衝殺生擒白僊臺李聯芳等三十餘人斬獲賊兵二百餘級殺死

官兵楊旺等七十餘人得獲妖書一本五色紙人馬一箱練豆兵一箱草劍槍一箱木凳馬一百匹又據榮縣申稱募集僧兵鄉勇協力捕獲妖賊燈頭劉孟奇周兆雲等三十餘人并擒斬逆賊二十九名類奪回男婦百十餘口殺死逆賊五十餘人各賊逃去定遠縣申稱白蓮煽亂擊獲拜燈妖賊周之成等三人據獲妖書識文十五部又據遂寧安岳大足仁壽等縣各報白蓮妖賊梅大梅五等糾眾劫掠地方被安岳官兵生擒許茂德斬首二十五級首惡梅大等暗自逃散不知去向各等

朱少師奏疏鈔

卷二

書

因到臣看得逆賊者崇明父子久蓄異志招集亡賴其披猖之勢已令人震駭而不意妖人怪術一時蟻附如劉應選者本一青衿而先發大難之端復佐燎原之焰悖逆不道世所罕見本年正月初七日賊在西城造成旱船懸旗致祭有一人披髮仗劍身披五綵龍紋在於高頂指揮被官兵用厭物塗銃登時打死詢謀者以為李天師即應選也然無的證不敢遽以為真要惟此輩先賊而造叛佐賊而益張剪紙書符魘魅公行於白晝殺人放火慘毒不減於黃巾禍延通省惡已滔天幸藉

皇上威靈強半芟刈各官能多方擒捕亦不為無勞也除將白僊臺等批行正法梟示梅大等嚴行捕滅有功及死事官兵查叙給賞外第恐左道流行實繁且秘如昔年妖賊蔡伯貫等舉事一隅各省響應可為鑒已况今邊圉未寧姦宄易作則桑土之謀當為蚤計理合具題伏乞勅下該部通行各省直地方查將前項妖術嚴緝殄除庶隱禍潛消地方幸甚天啓二年三月初四日

郡邑收復功罪宜明謹列死難諸臣併各堅守

失事之槩以辯忠邪以昭勸懲事

朱少師奏疏鈔

卷二

書

自逆首者崇明父子倡亂發難渝城戕殺文武多官攻陷各處州縣衛所四十處臣前疏已悉陳其狀奈兵燹之後文移遲滯若待司道逐一查確然後具題竊恐時日稽遲功過溷冒無以勵眾志而勸將來臣謹以述其陷城之槩及分別功罪為皇上陳之逆賊奢崇明父子遣樊龍等於重慶倡亂後即發兵四路進逼省會如瀘州江安納谿合江南溪興文長寧遵義桐梓仁懷綏陽綦江等府州縣并威遠瀘州二衛或為逆賊門戶或與蘭土相鄰悉被攻陷及酋長驅入省又陷永川榮昌隆

昌內江富順資縣簡州一路至圍省後又攻陷江津大足安居壁山安岳樂至占據建武及將附省之新都漢州金堂郫縣崇寧新繁溫江雙流威遠榮縣一槩攻陷燒殺劫擄慘不忍聞蓋緣川中無備酋所稔知姦徒細作到處密布加以士民盡徙城郭一空凡各有司只合一死以塞責而人情恇怯往往奔避狂瀾勁柱實不多得如興文縣知縣署長寧縣事張振德倉卒遇賊義不受辱遂挈妻盛服舉火共焚主簿徐大禮一家服毒四口同盡南溪縣知縣王碩輔率衆固守賊甚忌之

朱少師奏疏

卷二

三

益添兵急攻力不能支城陷自盡印爲所奪桐梓縣知縣洪維翰被賊入城奪印仗節不屈當時逼死灌縣知縣左重監督威茂援兵至丁家巷被賊衝散戰歿於陣以上諸臣或節凜封疆從容以就難或誼激縷髮血戰以捐軀當歲寒板蕩之時顯殺身成仁之義所當查例亟爲褒卹者在省司道府縣等官與賊相持一百晝夜死守血戰致賊宵遁根本既完大勢遂定前疏已陳其槩在外者如合州知州翁登彥真安州知州楊汝昇銅梁縣知縣吳宏業南川縣知縣韓應龍皆能嬰城固守

屢挫賊而翁登彥且恢復安居楊汝昇且恢復桐梓吳宏業且恢復大足韓應龍且恢復綦江加銜遊擊龔萬祿自招義兵恢復建武并興長二縣藩籬堅固叙府遂保彭縣知縣冉崆中江知縣鍾文煊遂寧知縣曹元龍什加知縣謝奇舉賊衆雖未大至而屢獲遊騎防範周密以上諸臣皆當候事定一併分別優叙者至於失陷州縣雖同一失也而其中殆有數等有身與妻子並縛白及交加寧死不屈賊棄之而去二日後始有邑人解其縛者資縣知縣張盛治是也有憑城固守屢抗強

朱少師奏疏

卷二

三

敵至力屈而僅以身免近已恢復者江津知縣周禮嘉是也有勢不能敵初雖潰走旋自恢復且建有功蹟者則安岳知縣瞿學程綏陽知縣任龍江安知縣陳達道富順縣署印教諭盧安世榮縣知縣蔣守洵威遠知縣董養中雙流知縣劉鼎新是也有能擒細賊不能當大賊帶印逃出後借力以恢復者溫江知縣蕭魚榮昌知縣張綰大足知縣高繼元內江知縣何起蛟漢州知州萬砥安居知縣周文敏壁山知縣尙登雲樂至知縣劉克綏綦江知縣鄒昌魯新繁知縣王國治郫縣知縣林

必成是也有聞憂已久登舟候代印未交而城已陷者則新都知縣王之杰是也有委署資陽縣印以公務入省未及至縣而城陷者副理問王國傑是也有一籌未展望風而先奔者則遵義通判原任瀘州知州馮曾楷納谿知縣李景融合江知縣周夢可隆昌知縣黃榜金堂知縣王納科簡州知州曹懋時是也至於不守不逃噴有煩言則永川知縣蔣承阜是也甘心從賊見有確據則資縣訓導劉養銳黎應遠典史張從善是也以上失事各官自張盛治而下俱屬違法但有情當憫卹者

朱少師奏疏鈔

卷二

三

有收效桑榆功浮於罪者有功雖不多而情尚可恕者有公事家難勢出無可奈何者惟通判袁任等十一員憑城不能拒敵臨難輒自偷生甚且蒙面昧心大駭觀聽皇上設三尺法正以擊斷官邪臣祇奉明章曷敢曲庇但據失守各官亦自有說古稱與民守之效死勿去必有人而後可守也今逆賊擁衆勢同席捲而城中空無一人誰與共禦且地有衝僻賊有先後僻者後者聞警設防猶可勉力撐持衝者先者駭機卒發殊不易爲料理如瀘合仁懷納谿隆昌皆賊豕突之衝而傍省諸

縣又賊竄擾之地知州馮曾楷等子然一身內則肘腋生變外則豺虎奄至無不妻子爲戮鵠形鶉衣重繭而走僅保印信今俱願誓死殺賊以圖自贖情甚悲切總之變既出於非常綱宜開夫一面自古有捐軀以明節者亦有隱忍以立功者臣在圍中目使人縋城責以大義與其後效又連發水牌數百面俾各搖整沉舟斷橋把隘以防賊走近據資簡等處州縣所報斬殺招降不下四五萬而各鄉齊力殺賊致孔道填塞而不可行尚不在內是亦使過之微效也今千里邱墟萬戶流散姦

朱少師奏疏鈔

卷二

三

徒不忘於嘯聚援兵復恣其咆哮若州縣再無正官更難收拾臣姑責令戴罪撫戢以安人心又不敢代爲隱蔽以撓國典謹臚列其狀如此至若夔州府知府朱名世鄰水縣知縣張光初一聞警變託覲徑去龍安府推官李元標聞警稱病不奉批允而去崇寧知縣任復元被論未得交代懸印梁上與典史雷務同日逃去是其畏賊之膽更怯而擅離之罪實同至於叙州府通判陶明通見經督臣以失事擊問但據該道文移內開取回守府在督臣諒有的據且本官居官不檢久欲議處除

鄰水知縣張光初臣先已提回究問併永川知縣蔣承
畢資縣訓導劉養銳黎應遠典史張從善俱行按察司
提問外理合一併具題伏乞勅下部院再加查議覆請
將張振德等照例褒卹戰守有功官員通候事完一併
分別優叙其餘除袁任已經奉旨逮問外陶明通與張
光初等并失事各官俱行巡按御史逐一查勘甄別功
罪輕重議擬具奏庶法紀肅而激勸明矣天啓二年三
月十六日

親老身病不能供職乞賜休致以安愚分事

朱少師奏疏鈔

卷二

手

臣由萬曆二十年進士初授大理寺評事歷陞寺副寺
正蘇州知府廣東提學副使海防叅政告病回籍復起
陝西按察使轉四川布政使陞今官臣一介迂愚久塵
仕籍曾無尺寸以報皇上茲當倥偬之日復叨節鉞之
寄卽肝腦塗地曷敢不勉奈臣不幸有狗馬病每發痰
火輒至委頓前與賊相持一百晝夜未免過勞頭鬚盡
白憔悴不支又念臣父行年八十有一歲道路梗絕音
問久疎近有人自家鄉來者云臣父聞重慶之變驚皇
失措及聞成都被圍益日夜悲楚屢屢昏絕臣一聞之

不覺痛哭倒地不省人事旣而獲甦則遍身不能動履
醫生李榮先診視謂濕痰下注頗似風痺見今左足不
能動履幾成殘廢矣臣思戎務在躬賊未滅而身先病
日夜憂憤益以增劇顧疆場之事關係頗鉅若不以實
情控辭恐不任厥職負罪更甚爲此披瀝愚衷冒昧上
請伏乞皇上憐臣真病允臣休致儻自今得少親藥餌
以苟延視息皆皇上再生之賜也疾痛呼天曷勝仰望
懇祈勅下吏部速爲議覆上請施行臣愚幸甚天啓二
年三月十六日

朱少師奏疏鈔

卷二

圭

會城關係匪輕司道全城功大懇乞念勞超擢
以勵人心事

自重慶難作成都被圍皆臣等奉職無狀致貽皇上西
顧之憂今仗天威賊已敗逕該臣具報梗槩與慰聖懷
其間論功行賞有關激勸之大者一時倉卒未暇陳請
蓋緣元惡在遁渝城未復尙爲未了之局而臣身在事
中又不敢輕述以涉干澤之嫌今臣不幸狗馬嬰病恐
一旦填溝壑是使同事諸臣百日勞瘁終委於草莽也
是以直披肝膽爲皇上陳之竊照重慶之變雖若卒起

而奢崇明父子蓄異已久何若海等又日夜贊之謂海內俱畏川兵而川兵無若蔣強先乘無備據成都占蜀府以爲根本而後分兵犯順爲謀甚大其率賊衆直驅成都不突蜂擁驟如風雨自謂三日不克許唾其面一切狂悖之僞示僭越之情形真令人髮豎背裂而妖人亡命羣然附之方以爲得計時城中兵乏餉匱束手無策臣同巡按御史薛敷政左布政使周著右布政使林宰副使胡承詔戴燦恤刑員外郎劉可訓同知侯世延余新民通判梁文奕推官羅寬知縣王琪等誓衆登陴

朱少師奏疏鈔

卷二

三

俱分必死以報陛下仍相約曰吾輩同舟一處漏則滿船皆壞又如舟在急灘一篙緩則衆力俱廢欲殄外寇先平內難姦細不盡誅而城不可守十數萬衆之中必有被迫非其本心者不用問以離之而城不可守若塞竇自固賊益輕我不開門血戰而城亦不可守盟議既定按臣主巡察臣主調度周著等分屯四門各爲戰守東北二營則奢寅父子所分處也西南二門則惡目朱國用夏啓昌樊虎徐可和羅華屈國忠羅用奢崇漢樊彪李維鼎等所環據也驍勇躋捷之徒荷鉅挺槍其聚

若林毒弩飛鏡無刻不至晝則喊聲震地夜則號火徹天自十八日圍城以後忽而上橋安笆忽而扛梯倚梁忽而燒門忽而挖牆或四門齊舉或一處間發或大衆當門而空所驟至或日偶寂然而夜則突起或僞爲援兵以誑我或束擔假走以誘我或令姦民僞降以愚我至於雲樓陽橋上山旱船等項其制疊換其法彌堅設祭懸旗誇耀異常而悉被破壞無一得逞四門出戰大小百有餘陣共斬殺五千三十五人皆四臣親執袍鼓登高監紀每傷一人擊鼓一下而憑城拒敵所傷與夫

朱少師奏疏鈔

卷二

重

挾擠溺水者俱不在數內兩月以後賊自知深入決意死戰每死一人則縛三人以湊數而我兵艱食日久勢將不支按臣主議集各臣諸將而誓之曰事急矣戰亦死守亦死今援兵將集賊方疲於奔命若不大創一番賊必不走援亦不得至一時人心忿激於正月二十八日四門齊出與之併命賊屢犯而屢却自晨至暮三衝其營殺傷無算遂有受間納款羅乾象等於二更來約欲殺賊自效至五更而火起喊發賊父子乃抱頭鼠竄矣諸如城中細作層見疊出不惟妖人刺客數百爲羣

卽左右近習亦多先通賊以求全者若一刻疎虞必遭毒手諸臣處此心血俱枯頭鬚爲白考之我朝前事臨難城守者間不乏人然未有與賊相對百日間關百戰者亦未有民窮餉盡如蜀之今日且戰且守卒保無虞者總藉皇上如天之福與夫閣部大臣帷幄之謀兵垣職方調度之力而在事諸臣遂得勉以從事況成都全蜀根柢爲秦楚滇黔之藩蔽成都存而蜀存蜀存而海內不致騷動所關係匪淺鮮者今督臣新蒞氣象一新各路會兵亟圖掃穴正文武將吏奮力報効之時而

朱少師奏疏

卷二

書

諸臣不加優異無以示勸臣安得默然而處於此看得巡按四川監察御史薛敷政自聞變而後以及解圍之期首尾四閱月居中調度出奇制勝晝夜四巡勞瘁特甚左布政使周著右布政使林宰提學副使今陞河南叅政胡承詔分守川西道副使戴燦此四臣者與臣同患難躬行伍死守血戰爲皇上保此疆土而淪陷州縣衛所四十處皆已恢復厥功不細所宜照例丞議超擢以勵人心而底成績者也成都府同知侯世延署成都府事重慶府同知余新民成都府通判梁文奕行取推

官羅寬華陽知縣王瑛以上各官誼切分猷功當併叙伏乞勅下該部覆議施行其餘城守有功及諸將士汗血戰守者容臣逐一查明功次分別賞格備細另奏天啓二年三月十六日具

鄉紳構逆有跡誼難隱昧謹據實直陳以祈聖斷事

臣惟世道清寧國恩浩蕩以重臣而發大難理所必無卽語諸三尺童子亦不肯信而不意蹤跡詭異有如太僕寺少卿劉時俊所爲者臣言而不實祇得躁妄之罪

朱少師奏疏

卷二

書

若知而不言則爲扶同爲欺蔽抱罪滋大敢備爲皇上陳之去年九月十七日蜀有渝城之難時俊於一月前寓居省會聞變之日在城鄉紳語按臣薛敷政曰此事非時俊不可收拾宜加重銜捐金聽其出入速行二司具一公移卽日具題仍各造宅敦請渠乃肯任是時臣待罪首藩獨倡議曰奢崇明果不知情可以撫定豈有不畏朝廷之威靈不奉撫按之諭帖而獨斤斤聽一鄉先生乎若其主謀卽百劉宦烏能止之且吾輩食祿有年鬚眉具在卽不能殺賊取勝亦可罵賊而死何苦傍

人作活同官周著力主臣議而又有以爲當屈志全城者臣不得已貽手書問之內云渝州變後音問未通以情勢然之奢崇明定不知情止是求一司馬長卿而不得耳翁臺念切維桑且爲宣撫所憚服儻肯發咫尺之書明白曉諭其茂不濟所謂一紙賢於十萬也懷寶迷邦智者不爲萬一有事其能晏然乎次日時俊自來謁臣謂此事不敢不任但當聽我所爲臣問云何時俊曰此行但挈樊龍張彤仍往援遼重慶一節且弗說起臣應之曰若此則不惟據蜀且欲圖燕乎遂色變而別

朱少師奏疏鈔卷二

美

至十月初一日臣往謁按臣見千旌載道問之則時俊行矣至十一日諜者云時俊至隆昌而復回矣按察使林宰語臣曰適訪劉宦云賊勢浩大城必不守俄而有報臣者云南門諸生謂時俊暗藏奸細率衆搜之時俊踉蹌而出未免受辱肩輿亦被擊碎又有自重慶逃回吏書各役告臣云樊龍是日坐占衙門軍民投降請票者萬餘人匍匐墻下有劉鄉官僕持金幣書儀叩頭稱賀次日樊龍回禮四十兩差一苗人送之出門問劉宦爲誰則云不知至十五日溫江縣典史鄭烜解奸細三

人到臣內有一人涸稱縣差闖城門而入臣審之乃時俊家人從腰間搜出貽按臣手書一封真草相半內云事勢已急宜操小艇星夜往叙府潛避可有數月之安又代草一告示蒙臣當發推官羅寬轉送按臣今可取而覆閱也夫奢酋四路人犯叙當其三是時南溪之圍正急而時俊獨勸按臣行者蓋奢賊之意原欲徑取成都而成都何患無叙祇恨南溪知縣王碩輔死守故力攻耳而時俊不知何處籌咨遽得其機竅也今蒙皇上授以名卿委以贊畫爲國爲家宜何如激烈而自正月

朱少師奏疏鈔卷二

至

荆蕪募兵費已不貲督臣孤信地於叙瀘至今四閱月杳無音耗差人訪之尙徘徊於重慶百里之外被髮纓冠恐不若是五月十六日川東道僉事戴君恩有揭到臣云秘事不便明言然事關宗社不敢隱匿謹將原狀封呈臣拆視之乃樊龍一呈詞也內稱宣撫司援遼官日樊龍等爲姦宦造端發難貽累事本司世代忠良毫無別念去年內被鄉宦劉時俊差伊舅持密書到司啓內云北都圍困賀世賢等作變事情搖動土官就此援兵展步彼時撫王卽遣漢把馬養吾餽金刀護膝等物

徑到榮昌同監興師衆等遂蹈此局若有虛言天誅地滅爲此上訴臣反覆思之時倭自負人傑豈其病狂至此或狡賊謬以相陷亦未可知但以前之作用既如彼近日之聞見又如此臣身任疆場關係匪細有聞必告職分宜然謹會同總督川湖雲貴等處軍務兼理糧餉兼制陝西漢中地方兵部右侍郎兼都察院右僉都御史張我續巡按四川監察御史張論合疏上請伏祈聖明勅下部院從公查勘庶其偽明而忠邪別矣天啓二年五月十九日

朱少師奏草鈔

卷二

奏

仰仗天威堅城克復賊首就擒飛報捷音以紓聖明西顧事

天啓二年四月十二日據兵巡下川東協理監軍道按察司僉事戴君恩呈稱樊龍堅據渝城自通遠門至佛圖二郎兩關連劄一十七營宿以精兵職於三月二十八日會同兵巡上川東道副使徐如珂躬親督陣率石砭宣撫司女將秦良玉及領兵官秦明屏等官兵直逼二郎關忠州判官胡平表亦領兵到關秦良玉督兵與賊大戰官兵奮勇斬賊千有餘級總理監軍副使邱志

充統領參遊守備等官兵俱到樊賊聞風退守佛圖關同日又據胡平表呈稱三月二十八日賊首張彤與梅千總石千總卒賊兵二萬三路迎敵秦良玉同秦明屏率兵追至龍洞槽二郎關秦良玉下土兵斬獲壯苗功三百顆生擒一百一十名獲馬六十四匹秦明屏親斬與部兵斬獲壯苗功共二百二十九顆生擒正賊七十二名獲馬五十四匹職部下官兵斬獲壯苗功一百三十五顆生擒十二名獲馬騾共六匹各獲械甲無數張彤等奔守佛圖關五月初八日據總理監軍道副使邱志充

朱少師奏疏鈔

卷二

奏

貴州監軍道按察使楊述程報稱四川總兵官杜文煥同職等領毛兵營官兵於二十二日申時進攻佛圖關賊率步兵一萬馬兵五百前來拒敵被砲打死數多職直追至關斬獲正苗三顆至二十三日又攻打一陣幾入其壘而賊心膽已裂二十四日黎明杜文煥統親丁及毛兵營加銜參將楊克順等兵直衝賊營秦明屏率本部兵繞出賊後賊督兵五千出戰杜文煥指揮衆兵奮勇撲殺賊衆大敗追入佛圖關殺死三千餘人屍積深溝兩崖俱平賊營二十餘寨一時俱空職與楊按察

使日在軍前親自督陣誠摧枯拉朽從渝城有變以來
未有創賊之甚如今日者也同日又據胡平表呈稱二
郎關分布漢土官兵連營已畢即率秦良玉等攻關斬
獲甚多又據僉事戴君恩呈報職傳令各營於二十四
日齊攻佛圖關至期各官兵一齊奮勇於已時奪關將
賊營罄焚賊兵盡奔入城又據總兵官杜文煥報稱統
領漢土官兵於四月二十二日二十四日與賊交戰斬
獲賊首七十七顆內一顆據生擒部賊梁孝驗認係奢
酋偽授重慶府知府徐凱首級又據邑梅長官司統兵

朱少師奏疏鈔

卷二

罕

恭將楊光斗呈稱二十四日奉令會兵誘賊大戰衝殺
入關燒燬營寨擒斬賊苗六十二名顆又據該司領兵
守備楊光恒呈報同日督兵攻關親斬賊級二顆部斬
十一顆又據湖廣大田千戶所指揮楊通權呈稱率部
兵與邑梅合營攻打佛圖等關親斬賊級一顆部兵擒
斬四十名顆職弟千戶楊通堯親斬賊級一顆生擒一
名又據僉事戴君恩呈稱先是本道密遣親信入城詐
誘賊黨於四月二十六日獲偽指揮梁友懷五月初二
日誘獲偽守備周順李仲賢馬道初五日獲偽總兵黑

蓮頭并蓮頭親弟偽指揮成芳及友得壽兒等又據本
官呈報千總戴昌祚等率兵擒獲賊首偽叅政王光宗
據逃出生員沈崇機供稱光宗係樊張心腹王謀偽造
曆日僭稱帝號督餉領兵兇惡不在點目之下者又據
本官呈稱指揮任調元龔之霍等領兵併力殺賊敗走
追趕至大石窩斬獲大將一名佩帶銀刀身穿繡甲掩
心袱內搜獲偽璽勅書一道內有職銜姓名係總兵丁
崇理并獲黑蓮頭報功奏啓一道又據副使邱志充塘
報五月十一日有賊千人在朝天門外挑戰本道同協

朱少師奏疏鈔

卷二

罕

理監軍各道發兵趕殺擒獲偽守備趙信劉誠王安於
左臂獲印二顆斬獲偽守備魏一忠偽守備周龔各於
左臂獲印一顆先有重慶衛百戶湛斯裕陷在城中本
日亦隨出城供出各賊姓名是實又據本官塘報五月
十一日奢賊援兵二萬馬兵七八千去城五里高山下
營城中樊賊亦從通遠門傾營出兵向佛圖關衝突與
援賊呼叫相應射洪知縣王新民率遵義兵秦明屏領
本營土兵在佛圖關與賊大戰殺死一百餘賊敗潰入
城奢酋援賊一枝自正武山一枝自南正坪大呼齊進

平邑石耶西陽等司土兵并同知趙其杰兵遊擊屈通領西兵楊克順領毛兵并協理監軍叅政盧瑛田副使張孝徐如珂僉事戴君恩各部兵分路截殺賊衆大敗據本官報援兵連劄七營欲從黃葛渡搶船入城十四日被鎮道官兵四面攻殺敗走官兵直攻老寨一時七營俱潰斬首二千餘顆遺棄器械無數又偽勅數通偽印數顆殘賊尚在四十里圍聚仍飭趕殺等情又據湖廣分巡武昌道督兵副使張孝報五月十四日賊援兵在鐵矢坎屯劄徑來衝營守備王拱樞誘賊上山伏銳

朱少師奏疏鈔

卷二

聖

打死三十餘賊追上大營樞將周鼎射中一箭人馬落崖止獲黃傘二把又指揮顧紹勲親斬賊黨生員偽守備牟特首級一顆千總龐宗孟共擒斬苗功五十一顆追四十里而還又據邱志充楊述程盧瑛田張孝徐如珂戴君恩報奢賊援兵二萬馬兵七千十四日被官兵殺敗斬首落水不計其數尚有殘賊數千圍聚白節驛本夜發兵趕殺斬首千餘級餘皆四散竄伏前有江隔不能得渡俱被江津縣鄉兵捕殺無遺又據總兵官杜文煥報五月初八日聞奢實遣偽都司周鼎等統賊兵

來援重慶隨與監軍各道務兵拒剿賊去城南隔江五里高山下營向城中擊鼓吶喊焚賊領兵出通遠臨江南紀三門向佛圖關衝突與官兵大戰殺賊百人敗奔入城援賊因我兵拒堵不能渡江至十二日官兵分路截殺賊衆大敗斬首七八百級帶傷無數當與總理邱副使并監軍各道議將官兵分作三路於十四日進攻賊營各賊以馬兵在前步軍在後分頭來攻內有賊首張紅旗大書欽差提衝文武鎮東招討司節度使周卽偽都司周鼎也一張大紅紗傘卽叅軍羅世選也其餘

朱少師奏疏鈔

卷二

聖

張黃藍傘者七八人羅世選執旗指揮三營俱進官兵隨路追擊賊不能逞遂歸木柵拒守有管火器加衝守備黃章士等連放滅虜大砲數十打開木柵三路官兵并力衝入焚燒賊營房各賊四出奔走官軍追殺三十餘里周鼎重傷墜馬被賊拉去跌崖投河死者不可勝計家兵追殺偽將一級佩有銀劄偽勅各營共斬偽叅軍羅世選等及正苗二千餘級奪回被擄男婦子女六百餘名口紅黃藍傘六把旗幟三十餘面長鎗大銃弓弩衣甲等項二千餘件偽印七顆偽勅空劄三十餘紙

收兵回營等情又據監軍叅政盧瑛田呈稱千總牟海龍等在南城舖堵截奢酋救兵交鋒共斬獲賊級四十顆百總黃良碧等共斬正苗首級三顆部兵賈得勝等擒獲生苗陳友等六名又牟海龍親斬苗級二顆獲偽叅軍羅高割付一張百總徐國臣等共斬苗級十二顆加銜遊擊秦衍祚加銜守備程君恩率兵於十四日與援賊交鋒追至烏壩沱大戰程君恩生擒偽都司蕭成奪獲本賊犀帶一束偽詔一紙又據監軍夔州府同知越其杰呈稱逆賊出援重慶職發遵義加銜守備袁

朱少師奏疏鈔

卷二

聖

整郭尚榮等領兵往禦於本月十四日遇賊交鋒官兵奮勇殺賊敗追五十里十五日袁整伏兵突發賊自驚潰墮崖赴水死者千餘斬獲苗功六十一顆又指揮樊士華當陣擒獲偽守備李齊民供隨周鼎帶兵一萬三千來救重慶在陣被獲等因六月初七日據四川總理監軍道副使邱志充協理監軍道副使徐如珂會事戴君恩貴州威清兵備協理監軍道按察使楊述程湖廣協理監軍道叅政盧瑛田副使張孝遵奉本院并總督部院各檄將贊畫并道府各官招募兵士悉歸四川總

兵杜文煥湖廣總兵薛來允統領分布攻打九門仰承秘授方畧用間招誘先有賊授偽叅政王光宗偽總兵傅文進黑達頭成受等先後誘致投降又有守備孔大成原與張彤先年在劉總兵部下同事相識於二十四日行令入城招誘期以保全鄉紳士民各賊猶然驚驚不出職等遂督官兵晝夜併力攻打賊勢不支於二十七日張彤石永高送子張國用及偽署巴縣知縣徐應舉出降樊龍父子衝圍而走官兵截殺當時擒獲張彤石永高見樊賊被擒復奔城內堅壁抗敵職等又復鼓

朱少師奏疏鈔

卷二

聖

舞三軍奮勇攻戰於二十八日三更一齊登城喊殺震天城門大開將張彤并賊黨砍殺殆盡石永高并偽授督餉道胡文榮就擒又據總兵杜文煥薛來允各報到臣臣查得即陽撫臣陝西撫臣先奉有協剿之旨而楚省撫臣近領討賊之勅且陝撫遣原任固原東路遊擊祁繼祖率兵丁防守銅羅峽西安後衛指揮周宇善領標兵堵截盧納之間楚撫遣副使張孝提湖南殺手親履戎行即撫移鎮荊州與原提總理監軍道叅政劉澤深朝夕商確機宜詰兵振旅則諸臣悉同舟共濟之人

也該臣會同總督川湖雲貴兵部右侍郎兼都察院右僉都御史張我續撫治即陽都察院右僉都御史楊述中巡撫陝西都察院右僉都御史呂 巡撫湖廣都察院右僉都御史薛貞看得重慶石城天險賊拚死拒守而我兵漢土異心亦未猝下臣自成都圍解無日不催兵攻取期救此一方乃我方聚於渝而賊即暗借苗兵突陷建武六縣徑出叙南臣力疾馳駐叙府上下料理一面督總兵楊愈懋副使李仙品督率大兵渡河血戰崇明負傷敗遁失陷一時恢復一面催促總兵杜文

朱少師奏疏鈔 卷二 果

煥并監軍各道剋期攻渝自秦明屏率兵首據二郎關而杜文煥與監軍邱志充楊述程徐如珂戴君恩河南將官楊克順各領延兵毛兵直抵佛圖扼據險要湖廣監軍盧瑛田張孝總兵薛來允統領叅政劉澤深之兵亦一時鱗集僇力攻取而又殺敗賊援賊始無固志奈各奸民有暗賣火藥米鹽與賊內外交通屢屢擒斬閔不畏死甚至贊畫兵船亦販賣交通而監軍莫之能禁尤其異者幸督臣移鎮合陽指示方畧一切交通嚴爲杜絕按臣張論飛檄嚴催又捐銀千兩懸賞鼓舞遂令

軍聲大震首惡就擒餘黨悉斬恢復巖城有如破竹雖則鎮道協力同心實皆仰仗皇上神武遠昭廟堂訐謔碩畫之所致也臣將拜疏據叅政王世仁報稱首惡周鼎被加銜指揮詹君泰等擒獲解道轉解到臣審實監候以備獻俘除渝城節大功級俟查明報部有功員役另行具疏題叙外合先馳報以慰聖懷謹具題知天啟二年六月初九日

恭報擒獲有名巨惡併收降黨羽以示招徠事

六月二十五日據叙馬瀘兵備道副使李仙品報本月

朱少師奏疏鈔 卷二 果

二十日亥時降將宋武張令於本月二十日辰時引兵至中箐關口擒獲偽丞相何若海併偽相印一顆又擒假何若海係遊擊王二至營審實移會劉養銀同差官起解其隨降兵卒一萬乞賜給糧鼓舞用爲前驅等情又據將官劉養銀報六月二十一日午時據舉人胡縉報稱奢賊偽大將軍宋武并苗將張令張三重等三十餘人奉職等秘計擒偽相國軍師何若海適來合營就於食時張令從坐上先擒若海若海兵羣起宋武即呼本部兵衝殺若海兵死者千餘人綁解中途職等即差

何正光等前去護解若海罵詈不屈屢向宋武求放不應及至渡河又差何繼光并燕瑞鳳督渡到職若海自叙貧寒久客京師以詩字篆刻糊口歸苗受奢氏解衣推食之恩國士之報豈忍忘之惟一死而已言訖淚下并言丞相印係水西烏蒙烏撒東川四夷府共鑄授之約於七月初二日同舉惟雄鎮不與職等領兵七百餘名用計招降計散賊黨苗地來投者已四萬餘衆投而未至者尙多酋膽俱喪成擒可計日而待等情查先據下川南道叅政王世仁報稱奢賊偽將秦國倖陳大臣

朱少師奏疏鈔

卷二

吳

帶兵三十人馬七匹渡江來降又據劉養觀等報稱奢賊偽兵部郎中閔侍孔偽都司雷應龍帶兵五百名各仗義來降使賊潰敗并招降苗地兵民五千有餘各路擒斬偽都司黃勝等一百八十四名顆追賊投水死者不計其數俘獲婦女四十五口奪獲馬牛盔甲器械甚多又據江安縣知縣陳達道報稱奉令暗抄底蓬斬苗級二顆并計擒偽都司周之才偽指揮李方抹賽李朝陽解赴本院正法招降二千餘人賊首弟酋遠遁底蓬一帶地方清寧又據合江縣知縣周夢可報稱加銜指

揮詹君泰等擒獲首惡偽節度招討周鼎并擒賊首潘啟翔等八十餘名斬偽叅將阿成等一百五十餘級又詹應祿殺賊數十陣前殺傷難解七十四人與生擒各賊俱奉令梟示并奪獲被擄婦女馬騾器械等項又據瀘州知州馮曾楷報稱分兵恢復仁懷縣擒獲偽都御史袁昇龍偽總兵郭鼎鉉斬賊級三顆瀘州納谿合江仁懷四城相繼克復等情又據推官郭象儀報稱督兵至瀘州將茜草等處賊二十餘營俱以火攻燒走隨遣兵追殺二十里斬級五十七顆活拏男子一百零八名

朱少師奏疏鈔

卷二

吳

婦女三十九口管內搜獲納谿巡檢司印信一顆偽勅割付等項并獲盔甲器械等情今又據胡纘劉養觀等擒解何若海到臣面審若海供係遵義府舊民先年潛入北京以賣篆刻爲生後見東事孔亟屢赴各衙門條陳不用遂乘催調之差前往蘭州投入崇明父子條上三策圖謀大事逆賊從其下策遂據重慶圍省城只是土兵無紀律致有今日既不能忠天朝又不能忠大梁成得甚人只有一死而已夫何恨哉等語又稱寅父子的於七月初二日祭旗開刀領兵復出寅與水西烏撒

等府共鑄銀印授若海提調五軍都督統領御營兵馬
大元帥攝行相事經國大將軍何及驗解到銀偽印一
顆上刻瑞應元年春王正月吉旦篆文丞相之印又宋
武自獻原領偽勅一道錫鑄偽印一顆篆文大將軍印
隨據宋武張令張三重何法投見乞哀悔罪情願竭力
報効擒酋獻功臣見其情詞懇切且擒獻若海厥功匪
細應照賞格先勅餉銀二千兩給宋武等領充軍需并
給花紅獎賞仍各割授名色副總叅將遊守等官令各
統領原兵殺賊立功以示鼓舞招徠外該臣會同總督

朱少師奏疏鈔

卷二

手

川湖雲貴等處軍務兼制陝西漢中地方兵部右侍郎
都察院右僉都御史張我續看得何若海以連誅惡裔
突構逆謀自稱星宿忿涉世之多違願比黃巢恣殺人
以自快始乘催兵入蘭卽以密計唆動逆賊慘毒交逼
於西川迨至潰敗歸巢復以假旨挑動各司兵火株連
於三省狂悖無天無日殺人盈野盈城橋机窮奇世所
罕見茲仰仗皇上威武一旦就擒酋席既寒公憤咸快
卽其誓告逆語萬殫猶有餘辜若周鼎郭鼎鉉皆以內
地青衿爲西軍師委以腹心重寄僞受招討總兵惡極

罪盈擢髮難罄哀昇龍廖盛久據仁懷勢若峴虎今皆
一併成擒殆天厭兇殘使之入網至於宋武張令張三
重何法秦國俸陳大臣閔侍孔雷應龍范寵畢應台等
或爲酋總兵驍將或號彼偏裨智囊俱能悔悟俯首乞
降宜開一面姑與維新仍量給名色將領割付用鼓招
徠令其奮力殺賊用計擒酋若能建立奇功從優叙錄
再照逆酋所恃者若海與周袁郭廖等革今俱被擒手
足已剪授首之期諒亦不遠矣除將偽印偽勅并何若
海周鼎郭鼎鉉廖盛移解督臣聽候獻俘有功員役通

朱少師奏疏鈔

卷二

手

候事平優叙及催促各路將領等官剋期進剿外謹題
天啟二年七月初四日

兩臣奉命催兵省首乘隙起釁敵陳兵變顛末

仰祈聖明垂照事

准兵部咨該兵科等衙門給事中等官明時舉等奏前
事奉聖旨明時舉等奉命募兵反致擾亂有無激變情
由着該部院叅看來說欽此該本部會同都察院議行
四川撫按嚴加查勘題奉聖旨蜀變多因調募起釁明
時舉等着該省撫按官嚴行查勘具奏不得容隱欽此

欽遵備咨到臣謹會同巡按四川監察御史張論查得科臣明時舉道臣李達誼激邊事身請催兵入蜀之日意氣甚銳一片熱腸人所共諒前撫臣徐可求泣江未幾促之東下黽勉共事分所宜然不意逆酋久蓄異謀突發大難觀其慘殺之日卽有偽號告示張掛四城而永寧遵義俱於數日內前後交發則知二臣實未嘗激變也惟是勇於任事而乏長慮却顧之謀急於踐言而少籌咨參酌之雅變出異常衆皆歸咎臣等採據輿論其失有三從來用土兵必用官兵監制二臣獨持議不

朱少師奏疏鈔

卷二

聖

用漢兵一人不知渾河之戰秦邦屏雖妹嫁石砭實忠州人久在省城練兵又有戰將如周敦吉鄧起龍等督之故皆肯効死非盡土兵之力也乃衆口力爭而固執不已故自建昌建武應募而出者則卻之使返逆賊崇明止發四千又必欲迫之盈萬開門揖盜禍所從來其失一也蜀中自來征調例無安家二臣忽倡一兵二十兩之議蓋因敗衄之後人情惶怯非啖以厚利不肯勇往其意甚善然亦當度蜀之力量能辦與否及部檄減定十七兩計兵三萬需餉五十四萬雖有發帑之旨譬

之肅餅人不肯信乃欲以一月內盡皆應手以致搜那捐借處處懸罄逆酋覘知空虛其謀益決公家未受其益而桑梓先罹其害其失二也逆賊所與議謀多係內地之人二臣曾遣材官赴永寧催促其不軌光景諒已萌芽卽渝城一隅犬羊叢集肆彼野心豈知國法自宜蚤爲體察以防意外乃明不炳於幾先身獨脫於虎口何以謝死者於地下其失三也至於偽扮撫臣之肘鎖揚言土字之刺面皆構賊奸人造成套局以混聽聞與二臣實不相涉大抵慷慨任事之人多少雍容集思之

朱少師奏疏鈔

卷二

聖

度不幸而身與變會遂滋多口顧其身爲皇上耳目之臣目擊東方潰決之勢苟利社稷惟力是視意外之變原難逆料求全之毀實有可原臣等不敢曲庇亦不敢枉其實也伏乞勅下部院再加查勘覆請定奪除明時舉等見今奉旨逮問應聽按臣起解外謹題天啓二年七月初四日

備述文武殉難諸臣仰祈優恤以慰忠魂事

逆苗之敢於造難皆因倉卒無備才勇之士有技莫施故一時披靡相率奔逃而其間抗節仗義視死若飴者

亦復不少如興文知縣張振德之一家盛服赴火自焚
南溪知縣王碩輔之城陷自盡被賊支解柙梓知縣洪
維翰之誼不受辱甘心隕首灌縣知縣左重之提兵血
戰身膏原野已經前疏題明尚有死事文武并鄉紳舉
監等項及今事定各道府始陸續報到謹將各殉難之
狀據實爲皇上陳之當逆賊發難渝城長駟入省臣發
成都前衛指揮羅英同鎮西所百戶袁中繡村官雷安
庶領兵於龍泉山外禦賊各官以衆寡不敵血戰一日
俱歿於陣成都後衛指揮韓應泰督兵援省遇賊於草

朱少師奏疏鈔

卷二

書

堂寺封敵而死小河所鎮撫都聯芳於省城西門出戰
中標身死茂州衛百戶張羽百總邊一禮各領兵援省
至郫縣與賊戰死郫縣訓導趙愷於本縣西門外禦賊
而死材官楊應評於瀘州小市廂與賊戰死成都生員
周清儒率兵守城被飛石擊死建武所掌印叙南衛指
揮李世勳以城陷挈妻赴火而死興文縣署印教諭劉
希文履任半年被賊陷城大罵不屈夫妻殞命子媳皆
爲賊擄僅遺七歲幼孫劉江奇爲家僕背負走脫合州
鄉官原任涼州同知董盡倫倡舉義兵保全州城仍督

兵至重慶中途爲伏賊刺死富順縣舉人聶繩昌召集
鄉勇禦賊戰死瀘州監生吳長齡自率督兵恢復瀘州
後中賊伏父子俱戰死興文鄉官原任湖廣龍陽縣丞
胡一夔被賊綁擄不屈而死以上諸臣如張振德王碩
輔洪維翰左重或從容就義或慷慨捐軀睢陽常山未
可專美而武弁李世勳亦能挈家守節不憚捐軀疾風
板蕩乃見忠良至於鄉官董盡倫以優游林阜之人一
聞賊警毅然而出倡集義勇全城死難凜凜正氣雖死
猶生教諭劉希文以寒賤而罹此大難僅遺笑獨幼孫

朱少師奏疏鈔

卷二

書

聶繩昌以初舉孝廉與吳長齡各挺身禦侮雅有烈士
之風未遂吞賊之志均應厚加褒贈用示勸酬伏乞勅
下該部覆議上請將張振德王碩輔洪維翰左重董盡
倫李世勳劉希文各從優褒卹仍建祠崇祀瞿英韓應
泰趙愷都聯芳袁中繡張羽雷安庶楊應評邊一禮各
照例甄別卹錄聶繩昌吳長齡周清儒各贈以應得職
銜胡一夔准入鄉賢崇祀行臣遵照施行謹題天啓二
年七月初四日

逆賊糾衆狂逞將官血戰捐軀乞賜遴選大帥

以圖戡定併恐優卹陣亡文武官員以慰忠魂
以昭激勸事

七月十六日叙馬瀘兵備道副使李仙品呈稱本月十二日午時據總鎮標下隨征都司李承芳等呈稱各員役隨楊總鎮出師於六月十五日叙府起行十九日到納谿安置官兵畢本日即抵瀘州點發合江仁懷官兵後二十九日復至納谿通行諸路將領約於本月初四日發兵限初十日已時抵永寧會兵搗巢楊總鎮於初四日自納谿起行至初八日到江門安割營壘初九日

朱少師奏疏鈔

卷二

美

晚哨見奢賊數萬四山埋伏初十日黎明時分奢賊五路出兵各營即出奇兵令坐營都司趙光啓督陣與賊對敵自卯至午交戰數百合殺賊百餘力竭兵疲彼眾我寡官兵火器弓矢盡絕其標營將領吳民望王成功張子偉馬繩祖李宗顏楊柱黃金王朝舉等隨楊總鎮奮勇衝殺賊勢衆多難以抵當營內各官力勸楊總鎮上馬回營再整兵馬比總鎮堅執不肯既爲大將必當以死血戰今若遁去貽笑於酋噯李承芳羅明胡榮葉瑞鳳李枝榮親丁楊之桂先行護印出營楊總鎮復提

大兵率領坐營趙光啓加銜僉書焦之桐及從征將士與賊對敵惡戰身死等情又順慶府同知郭象儀七月初四日出師初八日抵江門率杆兵割營畢初九日申時賊至對山割營二十餘處初十日寅時賊出五路攻打杆營自寅至辰殺賊百餘不退象儀挺身交戰手刃數賊身亡隨征桐梓縣典史黃起鳴保寧千戶所指揮徐永武俱亦陣亡又利州衛正千戶楊振先與焦之桐與賊對敵當時陣亡又叙南衛指揮同知尹似康隨總鎮進征力戰身帶重傷當死於陣又富順縣鄉官宋柱

朱少師奏疏鈔

卷二

美

國隨楊總鎮參謀同於江門陣亡又准加銜副將鄧慈官移稱初十日黎明賊兵一枝攻杆兵三枝攻本聯楊總鎮差旗牌任國海督李縉兵應援又差加銜守備楊成功督陣賊死拒不退職後軍與賊亦殊死戰未幾標營前排柵已被賊毀只得將本部兵士令領兵官督住在後星夜趕至納谿請令等因該本道看得楊總鎮從容就義同知郭象儀殺身成仁其從總鎮戰死者如坐營都司趙光啓加銜參將吳民望遊擊王成功中軍馬繩祖李宗顏旗鼓張子偉加銜都司焦之桐加銜守備

王朝舉黃金楊柱叙南衛指揮同知尹似康利州衛千戶應襲楊振先叅謀宋柱國從同知戰死者加銜遊擊徐永武典史黃敬鳴皆剖赤心而報國蹈白刃以全忠鄧副將全師而歸譚大孝兵敗而遁理應分別賞罰等因到臣隨又據該道稟稱倉卒聞變未有確信及總鎮同知家丁至始問明白總鎮欲踐初十日聚齊之信未發塘報輒自深入且劄營隔絕奢賊突至初攻白杆營頃刻而潰譚大孝遂先逃走再攻標營推倒柵欄一齊擁入官兵俱潰爬山涉水各自逃命總兵自知不敵遂

朱少師奏疏鈔

卷二

奏

與都司李承芳親丁李之榮等曰我只想率住逆酋爲國盡忠不想落在圈套時勢至此有死而已你們急將印信護出各官兵跪勸上馬總鎮叱之曰人只死一遭耳那里死兩遭又督兵復與賊戰竟至陣亡郭同知走出營來親自督陣被賊殺死從征趙光啓等各亦陣亡其餘家丁小兵未開的數客查明另報聞賊劄營明塘密邇江安咫尺納谿職隨官兵不滿三百而敗兵全不足恃幸杜將軍將抵瀘陽朱指揮建南之卒五百已到亦可衝鋒共得精兵二萬職當督率深入卽裹革無恨

其總鎮印信欲行齎繳恐途次疎虞職暫收藏此時收拾人心約束兵士全在大將代庖不可一日無人或委鄧將暫署或行杜將兼管等因臣行建昌選取將官及行馬湖忠萬等處調兵以益防剿并行該道副使李仙品暫署總兵印務料理殘兵督同鄧懋官等防禦仍檄各路將領劄住隘口相機進取外該臣會同總督川湖雲貴等處軍務兼制陝西漢中地方兵部右侍郎兼都察院右僉都御史張我續看得逆賊奢崇明父子久稽天討者向以重慶之賊嬰城未下遂致顧彼失此今淪

朱少師奏疏鈔

卷二

奏

瀘建武既已廓清賊之黨羽日漸星散賊自度勢迫乃賄結鄰司調出生苗陽言走險實則暗伏屢據探報逆寅父子欲拚死殺出如勝則長驅入省不勝則甘心投江斷不效楊應龍自死於巢臣等會議既聚十萬之衆已成騎虎之勢我兵不入賊必突出曠日持久餉亦不敷不得不四路逼進以伐彼先出之謀總兵楊愈懋屢勝輕敵慨然以滅賊爲任六月十二日自叙府發兵至七月初四日督發各將分路竝進自統加銜叅將譚大率等兵二萬直抵江門原委順慶府同知郭象儀隨營

監紀又延原任鞏昌府同知宋柱國充爲參謀臣每每
貽書苗當覆咏之時宜防埋伏之奸及擒何若海到臣
面審若海吐稱奔寅父子糾合水西烏撒等府於七月
初二日祭旗開刀領兵復出臣又檄行戒嚴各路將領
去後乃總兵楊愈懋據險安營身處絕地逆賊探的情
形擁衆截橋四路攻圍彼旣以逸待勞拚死衝殺而我
兵又據狹隘之地彼此不能相顧始雖斬殺相當後則
漸不能支遂致挫衄有損國威顧總兵楊愈懋同知郭
象儀身任疆圉獨當危險揮三尺以殉難誓九死而全

朱少師奏疏鈔

卷二

卒

忠白骨雖委諸荒原赤膽常懸於皎日况楊愈懋之恢
復長寧江安郭象儀之血戰解圍其功勞尤昭昭在人
耳目不容泯滅委應從優贈廕以慰忠魂從征而死者
如鄉官同知宋柱國坐營官趙光啟併領兵官吳民望
王成功馬繩祖李宗顏張子偉焦之桐王朝舉黃金楊
柱尹似康楊振先徐永武黃起鳴一十五員皆致身軍
旅隕首疆場均無忝於髮革宜懋膺夫殊恩加銜叅將
譚大孝曾有復郾漢解省圍之功乃兵敗先逃不顧主
帥與鄧懋官等俱候另議外其餘陣亡兵士容臣等查

明徑自給卹家屬至於大將乃三軍司命不可一日乏
人雖總兵杜文煥將到瀘州勁敵在前恐非一將所能
支撐伏乞勅下兵部速爲遴選有威望智謀大將一員
勒限前來剿賊仍將楊愈懋郭象儀覆議上請從優贈
廕各建祠祀宋柱國趙光啓等一十五員各照例甄別
卹錄行臣等轉行遵照施行謹題天啓二年七月十八
日

治兵無狀乞恩放逐以安愚分事

臣本疎庸不諳軍務適承賊變濫叨重寄百日被圍三

朱少師奏疏鈔

卷二

空

月迎敵皆仰賴皇上龍靈併各將士之力驅除逆賊遁
歸巢穴臣雖下愚豈不知撫恤瘡痍休養士卒待有全
力一舉而殲之但賊結連各苗騷動數省近者黔兵屢
勝安酋之相結益深苗黨懼禍羣邪之協謀叵測且內
地亡賴好亂者衆報警之文一日數至當三空四盡之
時欲撤兵而兵不可撤欲坐食而食益不支故共議進
兵而總兵楊愈懋剋定期日銳志前驅本圖手縛元兇
豈意身膏原野此皆臣行能淺薄籌算乖違智不足以
料敵才不足以臨戎折將損威何所逃罪臣自正月以

來痰火劇發委頓不支具疏控陳接奉明旨朱熒元濟變奏功該省倚賴方切着用心任事不准請告該部知道欽此臣感激天恩誓圖捐糜而自奮力量不堪病勢日進一身爲細全蜀爲大正擬再疏陳乞而適當進剿未敢遽請不意遂有此失臣之誤國有顯狀矣執以明章首當正法謹席禁以待儆蒙皇上憐念微勞特寬刑罰恩賜放逐臣之幸也非臣所敢妄邀也臣不勝悚息待命之至天啓二年七月十八日

賊謀日狡臣病滋深乞恩放逐以安愚分事

朱少師奏疏鈔

卷二

奎

臣聞鞠躬盡瘁不避艱險固臣子之職分而審已量力以求無悞封疆尤義之所當裁也臣疎庸淺陋不諳軍旅又不幸徇馬之病適與時會自春以來痰火舉發動輒暈絕然療以醫藥猶可扶掖視事今則四肢不仁飲食罔進忽於八月初七日痰中倒地踰時方醒見今手足不能動履已成殘廢延醫李榮先等診視俱謂非謝事調養必無生理而臣所處非其地矣今賊如困獸恣意衝突且勾連水西各苗狂逞日甚兵將既遭損折糧餉又苦不敷自非精明強幹身先士卒者料理其間必

難完局而臣雖有區區之意其奈病體日沉舉止狼狽何封疆大事非可兒戲臣卽已暮齒死九牛亡一毛何所損益但以病軀悞事致醜類復爾跳梁卽百身何以自贖情窮勢迫輒敢呼天伏祈皇上垂念危疆急在得人臣病委非假託勅下部院將臣放免亟遂才望速代俾臣得一見衰親獲正首丘雖死之日猶生之年臣不勝迫切仰懇之至天啓二年八月十一日

塘報賊情事

朱少師奏疏鈔

卷二

奎

國正等恢復之後賴都司陳一龍整頓料理集兵數萬且周圍布營見謂可守乃本官以援黔出府而以加銜叅將周之德代理其事先是屢告乏餉業已兩次發銀二萬兩解濟近報歲旱無收兵多疫癘臣等方慮逆賊乘隙窺伺屢檄戒嚴詎意黔師失利突被水西賊自莫德阿烏述等擁衆五十四營與蘭賊合謀併攻遵義立舊民楊維新以爲復播之舉而染癘之卒衆寡不支既陷府城復劫綏陽今桐梓真安等處亦有累卵之危推官馮鳳雛仗節死難我兵敗衄之後賊勢益張萬一乘

勝長驅蜀事有不忍言者矣守東道叅政吳國仕代攝
遵義道務近又委令督餉駐劄南川地頗隔遠應援無
及與周之德等俱候另議至於建武加銜遊擊龔萬祿
進營耳記山者蓋欲赴楊愈懋之約也奈何本官不察
降苗之詐偽收入營中致墮狡計各賊遂乘霧衝營降
苗內應雖彼此殺傷相當然兵多奔潰龔萬祿父子與
袁朝華等俱各陣亡此皆臣燮元治兵無術致有挫損
謹席藁以待除行該道并微副總兵龍萬化叅將祁繼
祖督兵前赴綦江等處相機堵截召集兵勇另圖驅逐

朱少師奏疏鈔

卷二

寄

及今叅將張邦紘前赴建武會同遊擊范繼道等協力
固守建武長寧等處要隘以防攻叙併俟大兵齊集進
剿死事官員馮鳳雛等候查明確另疏議卹外臣等所
慮者不在兵而在餉近議進搗蘭畢需兵二十萬日費
餉銀六七千金目今匱乏屢屢脫巾加以遵義之變益
費支持日夜焦思計無所出仰祈皇上軫念蜀勢岌危
兵餉匱竭慨發帑金五十萬星馳解蜀接濟以救燃眉
更乞勅下該部速選大將勒限前來督兵剿賊仍行滇
楚二省急救黔困以牽賊勢庶黔苗不敢鼎足爲窟而

蜀黔氣脉可得流通地方幸甚臣愚幸甚天啓二年八
月十五日

羣苗交煽蜀禍難支敬陳迫切情形仰祈聖明
命將發帑速救貼危事

竊惟蘭賊之敢於狂逞其蓄謀原非一日而諸苗與之
同類惟賄是貪初猶謂奢社輝母子忠順無二近且羈
道府殺諭官矣其餘各苗悉以水西爲領袖連雞之勢
既定封豕之毒彌張故蜀與黔有一處戰勝則相結益
深有一處不利則狂逞彌甚或乘兩霧之朝或伏深林

朱少師奏疏鈔

卷二

奎

之內伺我之疎突然而出今江門建武屢屢挫損而遵
義府城又且再陷臣受皇上重寄以全蜀之大不能滅
此小醜又不幸而危病纏身卽立就誅殛猶有餘罪顧
惟用兵所恃者將耳皇上眷念西土遣楊愈懋杜文煥
薛來允三大將入蜀乃愈懋愼而中伏來允怯而違令
文煥又以患病放舟東下有將如此反貽賊笑耳計兵
數西起建武東至遵義在冊者共十五萬每月卽需十
五萬兩司帑之匱乏地方之殘破臣前疏已明天啓二
年額糧業奉旨停免所恃者帑金耳督臣張我續開數

到臣前後蒙皇上允發九十五萬或扣兌各省或延捱未解其到蜀者止二十六萬六千四百二十兩此卽兩月不足支况延捱一載乎臣力非刺虎計難點金惟以忠義二字鼓舞各將士計圖異日酬賞而久之人情自解法令難施七尺之軀何敢自愛獨恐爲封疆誤耳且蜀之財賦什九供邊今松潘威茂建南建武遵義等處兩年缺餉一百餘萬既欲寬之民間又不能得之內帑非惟外患難防抑且肘腋生變自非萬分危迫安敢妄顧惟望皇上垂念西南半壁係天下安危速檄楚粵撫

朱少師奏疏鈔

卷二

奏

臣各提重兵蚤救黔禍一面依臣前請概發帑金五十萬差官徑解蜀省務到軍前實用仍勅兵部立選才望大將一員主蜀兵柄黔平則蘭賊必擒蘭滅而黔禍亦殄此唇齒相依之勢而轉亂爲安之急着也至於微臣才劣病危屢次陳乞萬非得已伏望早賜處分臣死無恨天啓二年八月十五日

督臣移鎮蜀勢不支仰祈聖明命將給餉蚤爲拯救併乞憐臣危病速賜視斥以無誤封疆事臣惟蘭賊之變於茲一載賴督臣張我續爲政攻戰驅

逐粗有頭緒而不意本年八月二十九日奉命救黔改鎮辰沅大旆一移人心洶洶竊惟近日事勢水西諸土苗交起助虐賊有翼虎之勢我當強弩之末視之太易爲之益難欲清蜀寇必須會集各省速救黔禍蓋諸苗惟聽命於水西水西帖而四省俱無虞也蜀之救黔必須由遵義蓋遵義距平越不過三站實水之左肘蘭之後戶既斷其交通之路又阻其衝出之念一舉而兩利也乃遵義道臣經年虛位新補僉事趙邦清該督臣題改川北尚在候旨未任雖經督臣檄鄉官副使王景暫

朱少師奏疏鈔

卷二

奏

停巡視往監軍務乃自四月與臣相別八月尚在南川輟雖長其能及馬腹乎水西阿烏達等數萬衆業已退去乘人心未附流離思返之日命將激衆鼓行而前新疆之勢可以復振且咫尺平越聲息相通水既懼逼蘭且顧巢策之最急者也顧此非可託空言必須有將有糧有精銳敢戰之卒而又總理分理各專一局庶可以委任而責成功今三大將一遇害二患病去矣新委副將龍萬化痿痹不起矣監司三奉差五告病矣獨叅政吳國仕入南川副使李仙品劄納籍監軍僉事劉可訓

入長寧建武耳此千餘里內賊衝出大道有九而曲徑小隘不下百餘處安能一一設防况三邊荷戈之士缺餉二載數至百有餘萬而見集江干戰卒十有餘萬正當喫緊之會絕無分銀可支報警告飢紛如雨集臣欲徑趨遵義則叙瀘一帶賊船已成皆謂臣避衝而就僻臣欲奉駐叙南則東南下流日夜報急又謂臣圖近而舍遠臣自四月至今每見推官馮鳳雛求救之文哀哀切切未嘗不泣然流涕而有心無力竟不能庇臣罪深矣今臣即拚死而鬪不能殺數賊割肉以啖不能飽數

朱少師奏疏鈔

卷二

奏

人無奈擁腫支離病魔日益飲食既減咯血不休且暮之死人可復令詰兵戎圖戰關乎伏望皇上勅下吏戶兵三部將臣議罪覈斥速簡才望前來任事併選廉勇大將立與限期責成討賊至臣前請帑金五十萬伏乞允發徑解軍前務裨實用楚中兌解餉銀仍令早解內有分蜀二十萬兩近奉綸音黔蜀通融但蜀中勒兵候餉專望此金爲命併乞勅諭全解入蜀接濟地方幸甚臣病語無倫萬無假飾天啓二年九月十三日題

仰仗皇威掃清內地逆賊循例獻俘并解進得

獲器物伏候聖斷處分以彰天討事

據四川按察司協理監軍今帶管總理監軍道僉事戴君恩等審得逆賊樊龍張彤等戕殺大吏竊據巖城已九閱月於茲矣今官兵奮勇齊攻堅城克復擒斬無遺所有得獲樊龍張彤黑蓬頭等首級并生擒石永高樊友邦樊友臣樊友國張國用胡文榮王光宗等既經監軍紀功各道驗審已明并何若海周鼎郭鼎鉉羅朝明通應解獻闕下請旨正法等因到臣該臣會同總督川湖雲貴等處軍務兼制陝西漢中地方兵部右侍郎兼

朱少師奏疏鈔

卷二

奏

都察院右僉都御史張我績撫治郎陽都察院右僉都御史楊述中巡撫陝西都察院右僉都御史呂 巡撫湖廣都察院右僉都御史薛貞參看得斬獲逆犯樊龍張彤黑蓬頭首級三顆法應解獻於國門生擒何若海石永高樊友邦樊友臣樊友國張國用周鼎胡文榮王光宗梅占魁徐應舉傅文進陳堯峰黃高李齊民熊長庚陳君寵丁汝登周寬羅金祥伍就湯馬道董三策周汝林任嘉言傅楫郭鼎鉉玉堂王元臣羅朝明通共三十名俱係同謀爲逆人犯通應伏許於闕下既經各

道會同審驗明白委應分別起解除梁友懷丁崇禮趙信等首級行令劉礫羅貴李維垣沈朝益羅勝梅受王國重李自新成芳等或在監染疫或在途抱病物故悉行驗明斬首梟磔及周順李仲賢等就近發落外其樊龍張彤黑蓬頭首級三顆如法醃收并逆賊何若海石永高樊友邦等三十名如法肘鎖議委兵巡下川東監軍道僉事戴君恩管押赴關及將得獲器物印信并偽印偽勅劄付共計六十九件併交該道隨本進繳伏乞勅下兵部議覆其器械印信并偽印偽勅劄付等件付

朱少師奏疏鈔

卷二

半

內庫交收何若海石永高樊友邦等行法司會審如果情實罪當恭候覆請照依律例分別正法周順等行巡按御史會審明確分別重輕就近發落徑自具奏其樊龍張彤黑蓬頭首級仍應剉磔與同各犯首級應否傳示天下以爲主司目犯人等反逆不軌者之戒統候聖裁爲此具本開坐謹題天啓二年九月十五日

逸囚歸死革心可憫乞勅部議解網以廣皇仁事

臣惟貪生怖死物之常情有隙可圖何謀不逞况豺狼

橫行之日正狡兔幸脫之時屢據各有司報獄囚破械斬關而出者不可勝數乃有誼不從賊甘心歸死如簡州溫江郫縣等邑獄犯黃金玉沈憲等或周旋官側執杖荷戈相向而哭毫無叛意者或挺身効力不畏鋒鏑躬走賊營偵探消息者或妖黨亂約爲內應而堅拒不從首官撲滅者或取賊旗令與賊營樹皮爲驗以俟官司查質者臣在圍城得聞是信猶意其偶偷目前之生旋爲苟免之計而不意圍解賊退此輩自請枷鎖慷慨就獄所據申報鑿鑿不謬夫覆盆難照逝水不同晝

朱少師奏疏鈔

卷二

主

地爲牢誰不縮步故有一聞賊警卽出妻獻子俛首乞憐與夫引賊殺掠草菅生命皆不過貪此一生遂冒大戮而詎意必死之夫獨能奉法出柙之後不怠故固若各囚所爲亦異矣夫衛官首賊是其功也束身就死是其忠也功不可掩忠不可棄聞且見者知大辟尙懷報國棘林不乏義士於以鼓人心之忠憤而揚盛世之休美所關不細昔貞觀初釋應決之囚四百三年而應期畢集此猶謂法不可逃有異倖之心以今日較之更有出於常情之外陛下首登大寶而有此就獄之囚誠德

化所致古今奇事也各犯會奉決單罪有差等法當通減按臣職掌所係自有定評臣惟反獄從賊之徒未得盡捕而革心向化之輩不被恩赦何以激勸人心磨礪治化謹會同巡按四川監察御史張論合詞上請伏望皇上特勅該部酌加通減大施寬政議覆上請轉行巡按御史照例備述各犯情罪與効力就獄緣由造冊奏聞定奪俾天下後世咸知皇上慧照圓扉仁流解澤堯天舜日光被無涯矣天啓二年十一月二十四日

恭謝天恩事

朱少師奏疏鈔

卷二

三

天啓二年十二月十四日准吏部咨爲蜀撫勞深積著懇乞特賜加銜以鼓將吏以竟成功事該本部題四川巡撫朱燮元守城有功加銜緣由奉聖旨是朱燮元守城禦賊懋著勤勞着加兵部右侍郎兼都察院右僉都御史照舊巡撫仍候提叙其餘各官通著優行叙錄欽此備咨到臣卽於本月十七日焚香望闕叩頭謝恩任事訖竊念臣賦質迂愚抱材庸下居常猶苦躑躅應變更乏勛勤皇上俯念疆圉特寄節鉞汲深綆短旣人地之相違食少事煩更愁病之叢集一籌莫展三禡尤寬

而茲者復荷聖慈再頒溫諭晉以貳樞顯秩錄及登陴微勞恩寵彌增深慶遭逢之異責成轉厚益虞報塞之難况二賊未俘三方多事醜類恃其黨援出沒靡常將士久乏資糧情厥難振雖犬馬不忘於圖報而枵櫛終恐其不材裹革徒懸飲水增凜惟是仰藉威寵勉効馳驅畢智竭愚誓掃旣稔之惡逆扶傷救死用殺未集之哀鴻亦有肺肝敢同木石臣無任感恩激切屏營之至天啓二年十二月十八日


五世孫源星校刊

朱少師奏疏鈔

卷二

三

朱少師奏疏鈔卷二終



朱少師奏疏鈔卷三

督蜀疏

欽奉勅諭恭謝天恩事

欽差總督四川兼制湖廣荊岳鄖襄四府廣西中
府軍務策應緩急督理糧餉兼巡撫四川等處地方兵
部左侍郎兼都察院右僉都御史臣朱燮元謹奏為欽
奉勅諭恭謝天恩事天啓三年二月十七日奉到勅書
一道總督關防一顆臣於郊外跪迎入署叩頭開讀勅
書內云皇帝勅諭兵部左侍郎兼都察院右僉都御史

朱少師奏疏鈔

卷三

一

朱燮元朕以奢安二酋聲勢相倚據險為難必分道進
攻方可取勝茲特命爾總督四川兼制湖廣荊岳鄖襄
四府并陝西漢中一府軍務策應緩急督理糧餉兼巡
撫四川等處地方討平蘭賊一應戰守機宜悉聽便宜
區畫各該撫鎮布按都三司副參遊守等官并所轄境
內土司衛所土漢官兵俱聽節制調度如武官有臨陣
逗遛退縮偵事者總副參遊先取死罪招徠令其戴罪
殺賊都指揮以下悉以軍法從事即文職中有貪酷不
職阻撓軍務者四品以上指實參寃五品以下徑自舉

問其境內土司有忠順効力聽爾便宜破格獎勵如或
負固恃強讐殺搆亂及與逆賊通謀不法即相機征剿
毋令滋蔓事關黔省與雲貴總督同心協力彼此應援
不得自分界域致誤事機合用錢糧已經戶部設處如
有不敷聽於所轄地方量行支用具奏銷算爾向者乘
障保城宣力盡瘁今承茲重任當益竭新猷用成前績
以副朕簡用至意欽哉故諭欽此臣自念材質極下報
塞無能五內驚惶一身靡措亟欲瀝情控辭而大敵在
前誼難推諉臣謹叩頭謝恩任事原領巡撫勅書一道

朱少師奏疏鈔

卷三

二

遵照新勅仍兼撫事俟任滿方繳巡撫關防一顆另疏
奏繳外伏念統轄專征天地之恩彌大綿材薄植犬馬
之力無多矧茲水蘭交構之秋正值公私并匱之日嘯
山號澤虎豹正肆其咆哮掃穴犁庭甲兵實苦於單弱
既欲緩播以搗蘭必先安夏以及苗緩則耗費日深急
則撐持未定如臣碌碌實懼不勝頓仰仗皇上之威靈
用激將士之戮力賊惡既稔彼蒼正有定之時軍勢不
張小醜無不滅之理七尺具在片語不欺惟是糧糈獲
充庶覺師期之可定而鄰封協濟仰煩天語之丁寧此

又臣所日夜延頸以期共濟者也天啓三年二月二十九日具奏

塘報各路捷音事

天啓三年正月十五日據鎮守四川總兵官李維新監軍道四川按察司僉事劉可訓報本月十一日辰時叅將羅尙文都司郭廷高守備劉邦元至底蓬與賊接戰追趕過河擒獲苗賊二十名馬四疋槍刀氈絮等件偽關防一顆帶傷哨官一名兵二十餘名正月十六日又據李總兵劉僉事報本月十三日監軍推官胡平表奉

朱少師奏疏

卷三

五

密諭於初八初九兩日燒打明離口草延崖聯絡七營賊首阿弟敗遁當陣生擒苗賊李新林等一十一名斬獲賊級一十六顆馬三匹燒燬賊倉二十餘處俘獲男女審係降民徑行釋放本月十四日千總羅權等奉令攻打下洞寨當陣斬獲首級一顆馬二匹牛二隻守備冉世烘范德良等於十一日攻打卜昏奮攻上下兩洞當陣斬獲一級各兵追斬首級六顆得獲馬二匹牛五隻刀二把高招槍二枝火藥十五斤大鏡一門弩四張等物正月二十五日又據李總兵劉僉事報本月十二

日建武領兵遊擊周良材探得奢賊麻老虎在杭鄉屯營積米良材同督陣官賈仁等督兵分作三枝密進十二日黎明與賊鏖戰伏兵齊喊三面受敵賊遂大敗周良材親斬苗級一顆守備黃文明何秀一等各斬首級奪獲馬匹及長刀標槍等甚夥正月二十七日又據李總兵劉僉事報本月二十四日申時守備何正光奉緊督領將官鄒林等至龍透鋪應援馬湖府鄭知府報劉長寧路口見奢賊兩路直衝杆子營事急職自督各將先衝逆酋後營酋見我兵奮勇直上賊兵大敗追殺十

朱少師奏疏

卷三

四

里千總王起榮等斬偽都司楊栗功一顆又殺偽宋守備銳打箭傷三十餘賊千總曹繼祖等獲百子銃銳弩花槍刷刀等件同日又據李總兵劉僉事報本月二十四日馬湖知府鄭朝棟探得酋賊分兵三路議定杆子兵堵竹洞水上漕馬湖兵堵下漕叅將林兆鼎石砬土僉事冉紹文堵長寧二十五日早起杆兵戰勝後稍却本府令叅將王懋官同守備何正光即撤營帶兵六千由間道赴援賊即潰走追至賊營糧餉營帳燒棄殆盡所獲器械無算斬獲苗級甚多守備冉世烘千總王宗

海再紹文胡緯等徑進截殺賊敗追至梅子嶺焚其營寨殺傷頗多本日又據監軍推官胡平表報稱二十四日探得奢崇明父子統馬步不知其數徑至武林寨營前十里竹洞水河內外劄大小二十三營白塔山劄七營號火徹天職於本日一更先令中軍將官潘映奎等十四員各發衝鋒旗手銳弩等兵二千過河登山暗伏草中次早霧散賊分五路包裹我分兵三路奮勇齊衝伏兵內外夾攻賊敗奔潰營帳盡行燒燬我兵一夜露處從辰大戰至午獲功頗多餓困傳令暫收賊復起來

朱少師奏疏

卷三

五

我兵只得將俘斬功級丟下轉戰被傷十數人我兵各路掃營接應旗手周萬諒殺死白綾甲賊將一名馬兵哭叫主子殺了上前將萬諒刺了兩槍奪去又潘映奎同總旗手陳益殺死銀甲賊一名卽時監軍道援兵先至徑過龍透鋪堵截監軍鄭知府林參將龍冉等漢土官兵各奮勇接殺賊始大敗奔逃天晚收兵狂鋒已挫除將俘斬功級查明另報外又將陸續接山捕獲姦細指揮林登寅至明灘口挈獲楊友貴程梯張用胡從義守備潘濟美部下塘兵拏獲雷一明指揮李承宗部下

塘兵蔣興接山拏獲童兒加衙都司楊有功兵伏奇拏獲趙義守備潘濟美塘兵拏獲奢賊偽百總張太陳啓法守備胡舜等拏獲陳宗啓共十名解報前來二月二十九日監軍道僉事劉可訓報據保寧府監軍推官胡平表報稱二十七日辰時逆賊奢崇明奢寅領賊兵數萬共六枝一由武林寨中漕衝後營一由右嶺下衝右營一由左嶺下衝左營一由三江過渡登左後嶺劄梁一枝欲過渡從左營後包裹一由龍透鋪牽制馬湖林冉等兵使不得救應奢寅披青氍毹白鼻烏馬親下左

朱少師奏疏

卷三

六

嶺督兵過河衝犯左營四路一齊大戰交鋒自辰至申五箇時候銳打箭傷賊死無數不肯退步職躬環介胄與寅對敵呼天拚命挺槍出營率領將士易三桂李國選唐受劉大宗余權中余美等過河衝鋒將士騎兵望見皆墮淚死戰奢寅大敗追殺上嶺殺死馬步賊并奪馬甚多後營中軍潘映奎領守備袁戎將士旗兵過河交戰大勝追殺數里右營守備陳坤領精兵過河交戰大勝後漕將士譚弘道胡雲鳳曾選中等領兵追過三江截殺大勝不損一兵一將殺死馬賊無數不知逆寅

性命在否然賊兵膽落魂銷我師忠勇愈奮除生擒偽監軍李楫等并官兵俘斬功級奪獲器械馬匹俟查明解報同日又據監紀馬湖府知府鄭朝棟報稱逆賊於二十七日六路來犯龍透武林朝棟與胡推官林參將等營各各分布力戰賊自石笋進兵馬建兩營兵自寅時封敵至未時斬獲首級二十一顆生擒十六名被銳箭傷死者不計其數得獲賊馬六十四匹衣甲刀槍四十餘件朝棟又單率兵將追殺十里至黃葛鋪衆賊奔逃而去甫晚勒兵回營乃賊鈔長寧小路出其不意已圍

朱少師奏疏鈔

卷三

七

龍安之營職復與馬建兵攻逐退勢屬全勝三月初一日又據監軍道報守備袁可成當陣獲四川總兵官關防一顆二月三十日又據監軍道報本月二十八日遊擊舒遐領兵追趕逆賊偽都司湯文臣至仙鷲洞敵殺乘勝又追至水車壩斬級數十顆俘獲大小男婦七名口花槍二枝白杆槍二十三枝大小弩十一張長刀七把飛標五枝氍衫二領馬一匹此長寧一路之功也正月二十日據李總兵監軍紀功分巡川北道叅政閔夢得叙馬瀘兵備道副使李仙品報都司范祖文先於

朱少師奏疏鈔

卷三

八

天啓二年十月內暗遣守備羅奇杰指揮滿應宸持兩道牌劄前往白沙密約樊虎營中偽參將丁世先血決十二月二十九日復差二人間道接取於正月十六日丁世先携兵二百餘人同妻子至趙壩投順建功二月初七日又據李總兵報本月初二日發納谿兵六千前鋒哨探初四日午時官兵盡行渡江初五日戌時遊擊王思堯等十三員率兵至白崖坨截殺賊兵本夜五鼓遇賊坐路對敵銳砲打死奢賊數十王思堯王耀李上進劉諧楊應岳等各斬功級獲槍刀馬絮腦包多件其餘未割首級我兵帶傷四名二月初九日據總兵李維新報二月初五日酉時標營百總陳登高等督兵至羅乾溪與賊對敵當陣斬獲苗級六顆二月十五日據李總兵監紀閔叅政李副使報本月初十日令將官鄢一价鄢一傳等領兵於本日黎明直衝黑狗坪賊寨三營殺賊數百餘人奉令不敢割級止生擒偽都司姚倬才大苗目樊繼盛汪世崇劉琦王同五名內姚倬才樊繼盛大喊不行斬級解驗賊馬一匹賊營放火燒燬千總喻釗分兵衝劫賊首萬祥一營斬殺苗兵四十餘人止

割三級生擒一名解道臺示同日又據李總兵與監軍二道報大兵於二月十八日五鼓已取象嶺去永寧甚近因逆賊糾合諸苗於二十一日四面攻圍我兵奔退破傷不多以上納溪一路之功也正月十四日據李總兵監紀兵巡下川南道右叅政王世仁兵巡上川東道副使徐如珂報稱正月初九日戌時加銜副總兵羅乾象後營遊擊孫逢聖分布將官周震范鉞陳國玉等三十員名領兵八千分作三路至小關子葫蘆溪悶頭箐殺賊斬獲苗級三百顆獲馬一百餘匹刀槍器械不計

朱少師奏疏

卷三

九

其數二月十五日又據李總兵王右叅政徐副使報本月初十日副總薛來衍叅將鄒蔚然先於初八日天明差旗鼓郭思正督兵令洪綱招降阿富陳大全等攻羅書成後圍殺傷賊百餘斬苗級三顆獲馬二匹長槍三枝投降一十八家共男婦百餘口二月二十二日據兵巡下南道王右叅政報稱十二日逆賊阿九引兵來攻箐壩督兵百戶黃榮吉提調徐茂爵截殺一陣部兵李成第李宏業等斬功三顆加銜指揮王懿下兵王國奇等斬功二顆指揮易元亨陳聘學各部下兵斬功三顆

生擒逆賊一名石應收監二月二十二日又據李總兵王右叅政徐副使報稱副總羅乾象於十五日子時分兵袁登王國正領兵鈔路埋伏土城之左遊軫袁勳孫逢聖等領兵埋伏土城之右乾象親督大兵直至觀音崖叛賊羅向宸扶國正阿金等三路迎敵守備譚正修等官二十五員分路奮勇大戰銳砲齊發打死三十餘賊兩處伏兵齊出斬苗級二百餘顆督陣指揮楊元親斬壯苗一顆追至儒溪河邊落水死者千餘偽總兵九朝旺淹死賊將乾象第三子僅三歲殺死周宸等兵用

朱少師奏疏

卷三

十

銳打死五六十人奪獲大小船三十七隻器械槍刀不計已戰復土城二月二十六日據兵巡下川南道王右叅政兵巡上川東道徐副使報本月十二日加銜都司僉事王元第郭定魯哨得偽叅將阿九銳兵割營土城河岸地名箐壩約同王繼先出奇斬賊首阿九部衆其二十四顆生擒二名二月二十二日據二道報逆寅於本月十七日天明率羿子徑衝石子山馬邦瑞土兵奔逃薛來衍被圍殺出損兵一百三十名邦瑞被虜以上仁合一路之功也二月初二日據監紀督餉遵義道四

川按察司僉事趙邦清報本年正月二十一日副總秦衍祚奉本道密令發守備龔自明羅廷孝等統兵前鋒偵探堵截正月初七日據龔自明報稱蒯賊扶國正領兵數千拒占遵義府城又於府後創立大營西賊遊朝炳楊維新鄭應顯等領兵數千於龍山寺屯劄五營又於總府後山劄三營爲犄角之勢本府會同叅將侯良柱大犒三軍卽於本日發加街都司劉登第同龔自明等兵一千前鋒趙一傑文在茲王文學兵三千名慣熟火器弓弩手數百各令捲甲劉登第等兵暗伏後川陳

朱少師奏疏鈔

卷三

十一

心得兵四百伏白田壩本府親領河南家兵百餘馬步弓弩三千直攻扶國正大營各受計訖本月十一日丑時分本府親督攻城萬弩齊發火磚飛蝗直貫國正大營國正踰牆潰走陳心得見號火領兵截至獅子橋劉登第領兵後川殺出遊朝炳楊維新鄭應顯等見國正敗走各偷路潰圍而逃侯叅將督發守備陳獻廷等領馬步銳手夾擊當陣斬獲偽叅將鄭應明偽都司遊朝帝抹賽阿烏受等死級四十顆生擒男婦十名口戰馬四匹苗槍刷刀弓弩共十五件追至中莊收兵招撫流

移本月二十二日又准叅將侯良柱報稱發守備陳獻廷等領馬步銳手三千員各帶火器傳令捲甲夤夜進發初十日夜先發精兵七百名暗伏教場兩頭接應我兵從龍山寺後路直上連發火器賊衆驚潰首尾夾攻斬獲扶賊抹賽偽都司劉蛟等并苗級四十五顆生擒偽指揮陳信等二十一人戰馬五匹大弩二十一架長槍二十八枝絮二十牀賊營盡行燒燬追殺至中莊見賊遠遠喊聲應援不敢遠追仍於府城內外多張營伍仍於龍山寺後劄營固守一面招安百姓看得府城

朱少師奏疏鈔

卷三

十二

今雖恢復但內地空虛糧餉不繼恐孤軍難以久守等情正月十八日又准副總秦衍祚報稱標下守備董國忠本月初七日發祁文通弟祁文仕百總蔣應貴領兵三十行至花秋坪偵探安鑾在彼招兵欲隨奢寅途中偶遇祁文仕生擒吳鑾斬高招李塘斬死功一顆又獲賊婦三口長刀一把等情本道奉檄恢復搗蕩多方招撫遂將大頭目羅安良趙國璽雷應乾陳加興陳朝殿王守玉趙祥任朝龍何銘等相繼來歸前後約四千五百餘衆屢移秦侯二將乘機恢復遵義本道業已訂期

以本月二十七日移沈副總由點脚壩進落紅口秦副總侯參將進安羅二村共取古蘭其擊獲反賊吳鑾體貌其是強梁恐其逃走當即晨斬訖正月二十一日又擊獲奢寅偽遊擊袁衣錦係元帥袁衣縉胞弟天啓元年十一月內犯搶募江縣卽衣縉弟兄攜人妻女被害趙文棟等認實隨將衣錦梟示訖二月初五日又據監紀遵義道趙僉事報稱正月二十三日酉時本府方收兵入遵義城忽報中莊一帶賊兵復至急令千總袁加勦羅起高等領兵前去截殺至宅門頭接戰當陣斬獲

朱少師奏疏

卷三

三

首級二十四顆賊始奔逃二月二十五日據監軍遵義道趙僉事報本月初七日都司周朝陞奉令領兵至大小二岡偵探賊首李貴於初五日率兵數百拒敵卽同張文斗千總何鎮等督兵大戰斬獲首級三十五顆賊首陳茂先又據侯參將招降前來同日又據遵義道趙僉事報二月十八日酉時參將侯良柱報稱職屢奉本道密札切切以招撫奢寅以大頭目安鑾楊守江卽金寶官兒爲第一義近者奉使安鑾心交僧人了相等三次密勸安鑾歸投職奉令揭剿竊見羅村隔拒大河安

鑾爲一方巨寇故職惓惓招撫期剪奢酋右臂十二日奢富領兵數千至孫益壩各援兵未到職孤軍獨立勁敵在前誠恐衆心解體賊衆乘虛賒用參謀胡來賓等畫策兵家有沉舟破釜之計置之死地而後生遂於當夜殺坐騎馬四匹會集三軍羅拜歃盟措需犒賞枋腹之衆踴躍歡呼願決死戰卽先發守備李承文張興榮火攻手一百名先於亭子山頭埋伏十四日寅時發守備陳金倫等引步兵誘敵且戰且走火器大發賊知有計不敢深追我兵乘勝掩殺斬獲偽遊擊者抹長官江

朱少師奏疏

卷三

四

五抹賽牟大旺等賊首十二級卽差旗牌楊應芳前去暗誘安鑾心腹大管事劉崇德親管羅加旺張大旺等前來投見職密諭厚賞以結其心發回勸化安鑾彼見奢富潰敗向順之念愈堅隨卽暗約助兵挾取妻子渠料我軍未必發兵亦藉以窺我虛實職深察此意一面令羅安良進陶安灘以牽賊勢一面點選精兵舍人侯國藩侯忠等七百員名多帶火器渡河溯同安鑾步兵於十五日夜徑抵楊黃三寨銳砲震天賊不知我兵多少扶國正帶兵先走餘衆倒戈叫降安鑾當將妾石氏

子安在嵩盡數撤回并黃楊三寨及董戴二坪偽都司盧江等計五千餘口即日渡河職先令多兵割河接渡賞安鑒子安在嵩紅段一端三兩銀牌一面冠帶一副即與黃傘簪插二兩銀花鼓樂迎獎其餘目把逐一厚賞其安鑒之子及爲官盧江盧淮趙興朝劉崇德羅加旺唐忠韓富黃永堅趙廷富韓興郎明才蔡成榮姜榮余四嚴桂山王才全其前來投見據安鑒稱齊富扶國正正共三千願作鄉導引官兵攻取立功等語職謂彼初投不宜擅令立功雖令隨營以收全提齊富等酋可

朱少師奏疏鈔

卷三

五

計日而擒也俟事就之日即令安鑒并前獲陳茂先同來投見等因二月二十七日又據監軍僉事盧安世副總沈崇極報已取落紅口招過羅華羅用七十二洞苗民見在約會秦羅二將之兵進討古蘭等情以上遵義一路之功也各等因到臣看得官兵四面環集計擒斬之功千餘爲數頗多而逆賊四出衝突披猖之勢猶熾獨長寧兩次大勝與取土城落紅招徠安羅卜昏諸洞足以剪羽翼而寒賊膽但近日黔中撫剿之局未定諸土司搥拽有推奢氏爲盟主之說者故二酋猙獰之狀

雖切愈張官兵單弱之處間有不利且京帑楚帑望眼將穿而漢土各兵告餉日急遵義殘疆無米接濟即有薪糜之策恨無雨粟之供此一事又臣所深爲隱憂也獲功兵將重加獎賞鼓舞失事官兵行令戴罪討賊外理合具題伏乞勅下兵部立案賊平一體查叙施行天啟三年三月初二日題

道臣昧心攘功塗面攫利據實糾參以伸公道

臣惟程勞課伐國有明章掠美竊貨世所共憤乃有無

朱少師奏疏鈔

卷三

六

勞而攘首功設局以網厚利如原任四川按察司兵巡下川東道僉事今陞參政戴君恩其人者廉隅盡喪物議沸騰臣與按臣固皇上所命以飭紀綱明是非者也誼難緘默謹畧一剖晰焉夫曩者重慶之復仰賴皇上威靈腥穢畢洗天地重開督臣張我續實主調度按臣張論實主監理文武諸將吏電勉共事詎曰無功顧論其大較自副使邱志充督毛兵西兵直攻佛圖各官兵助之戮屍成坑而賊之項領斷實功也副使盧瑛田等各率精銳以迎周鼎赴援之寇二萬人無有還者實功

也副使徐如珂徒步起義自前歲十一月卽糾集金富
康等分門堵截屢屢血戰雖佛圖奪而復失賊竟不敢
掠於三十里之外實功也此外勞人瘁士尙難悉數寸
長片善自宜畢收卽君恩碌碌因人成事督臣亦槩爲
查核獨是洋洋然自誇招降一節臣實不解大招解者
必賊勢猖熾我力單微乘隙用間誘令解散卽臣亦何
嘗不爲此計若夫聚師十萬合圍半年敗鼓之皮煮鹽
俱盡接濟一斷斗米千金此時須招乎不須招乎賊如
樊龍張形可降乎不可降乎爲君恩者儻能約會諸將

朱少師奏疏鈔

卷三

七

吏發誓盟天各抽精銳一鼓而登仍令之曰殺苗爲功
殃民必罪卽未一一無恙而所全者尙多奈何借公衆
營私圖向白日作暗事家人有何親故屢遣入城總壞
悉係餓殍豈云奇貨既携兩賊登舟何又縱之復入以
十萬人苦攻惡戰耽耽睥睨者而欲獨納之懷袖遂致
衆怒陡發逆體支分萬炬齊紅滿城立燼試問君恩是
招降也生致二賊獻之闕下乎倉庫無恙乎連雲密構
留得一椽乎哭女啼兒救得數命乎薛來允已被斫一
刀身獨幸而得脫輒避險局攘美差臣已大薄其爲人

矣今蒙皇上不符勘議立晉三階小臣隆遇實所稀有
乃陛辭數月優遊不前忽於三月初九日具稟到臣云
湖廣容美宣撫司土官田楚產勃勃技癢求臣發檄調
之赴援仍自任荆澧之間括餉以給夫君恩豈不知蜀
方用兵又豈不知土兵難用秦良玉素負忠義咫尺忠
州調之必半年始至況於遠在洞庭湘水之南風馬牛
不相及者哉蓋其營營一念既得顯名益思厚實從前
土漢所饋僕傭所獲猶以爲江海一泓未滿所欲臣若
不量而與之微今而後子姪姻親俱爲將帥安家衣甲

朱少師奏疏鈔

卷三

大

隨意花銷倚土官以爲市括四郡以爲囊借題高坐如
向者援成都各將故事幸蜀而勝則曰來意甚善費不
可追蜀不幸而不勝則曰不該驟進原當待我其疏所
云三十幅共一轂當其亡有車之用埏埴以爲器當其
無有器之用非常之人爲非常之業蓋正指此又云先
發帑金三十萬贖臣等半年之需而復假以便宜使得
爲所欲爲寬以文墨使得竟所欲竟一腔心事業已盡
獻矣嗟嗟蜀之兵饑民困朝不謀夕監司自林宰以下
或轉運艱難心血并嘔或迎敵指麾家難罔顧累月經

年不敢告勞而獨君恩不說一實語不作一實事名利必欲兼獲是非任其顛倒計得氣張迷哆口而欺皇上藐撫按一則曰臣等二則曰臣等後薪反上捷徑偏饒安能令勞臣不解體而戰士不灰心哉若其治邑職職口吻猶喧告逆遊移鬚眉盡剪躍治收羣自以爲至巧臣實歎其愚也伏祈皇上勅下吏部議疏斥或降用別省以維一線公道其於危疆不直小補矣天啓三年三月初十日題

請立馬應乾義替土千總事

朱少師奏疏鈔

卷三

九

該臣看得黎州土官馬應龍故後無子立其妻安氏改名馬之良管束各苗從苗俗也之良有女嫁奢崇明爲小妻嬖而生事逆謀實其贊成前歲事發遣心腹數百人陸續赴黎與之良會約而之良徑占住參將衙門與先年征建昌崇明所留目把黃光輝密謀起事臣在圍城適黎州百戶魏民望赴援卽令其部卒葉高僞爲之良差人徑投賊營賊初索信云被官兵搶奪賊賞銀一錠止傳口語葉高出而復還曰携銀則身且不保安能通信賊笑曰我欲殺汝謂汝詐也今信矣遂寫爲勅一

道併書一通徑發之良黃光輝始識其相迫情狀遂密行分巡上川南道副使趙日亨先用計斬黃光輝而之良遂遯歸及江門失事之良復得志糾集各苗借言激變蠢蠢欲動中間通信而默制之馬應乾之力實居多焉應乾係應龍同胞次弟尙有兄馬義勿之子馬深於序應乾久患癰症不能起而應乾又無子以馬深子桂收爲子則於名極順而於情極協馬氏一族欲杜妖婦之貽累地方居民又恐兵燹之流毒公舉應乾之襲衆口一詞且以正名分而杜弊端更有裨益焉既經三覆

朱少師奏疏鈔

卷三

三

會議明白相應具題伏乞勅下兵部覆議上請合無准令馬應乾承襲兄馬應龍土千戶之職行臣衙門轉行司道給印管理地方應乾終身之後方令桂歌替襲庶建南道路得以寧謐而於疆圉事體藉以廓清矣天啓三年三月初十日題

塘報功次舊情事

天啓三年三月初八日據長寧納谿二路四川總兵官李維新監軍紀功參政閔夢得副使李仙品僉事劉可訓知府鄭朝棟同知段師文推官胡平表等報本月初

三日據加街遊擊舒遐報稱差塘兵范興旺一路往楠木埡水架坡哨探截殺初四日至窩尾遇賊往與文界搜劫被興旺同李勝栢等截殺生擒一名王宗貴係真苗賊婦女四口槍標長刀十一把舒遐親統兵陳旺等一路往拖船埡於初二日晚至尖岡山見白鹿廟石號火密於初四日四鼓統兵圍殺遐親斬一顆千總羅貴等殺傷賊黨一十七名各奔命逃走獲刀槍絮被氈衫氈帽等物者傷兵一名又招卜昏等處降民向桂枝男婦七十餘名口等情同日又據鎮道報本月初六日午

朱少師奏疏

卷三

主

時據舒遐報稱降民葉興等欲撤出投降因賊首吳加富坐路阻攔乞發兵接援職於初五日夜統兵至尖山子卜紅槽撞遇賊兵劫殺降民職截殺一陣親斬一顆趙貴吳成范興旺李勝栢圍登瀛湖國華舒童等共斬苗級五顆大弩箭筒標槍短刀二十八件絮被五床等情本月十九日鎮道報稱據參將范繼道探得賊兵三百餘在萬里箐一帶整米本月十三日隨令參將羅尙文發千總賈元倫魯法高等率兵二百至彼出奇截殺賊敗走生擒六名同日又據范繼道偵得酋父子俱退

回永寧止留千餘屯制麻糖坎本月十四日發千總雷順王加勝胡倬鳴等百總武應鎬率兵百人乘夜焚襲賊寨殺賊無數斬功四顆次日我兵又於三塘伏草賊騎馬步百餘前來躡探王加勝等躍馬追趕殺死阿弟姪偽都司陳第羣賊搶去活功五名三月二十七日鎮道據參將范繼道報稱本月二十二日據偵探官胡愛奎獲姦細李翔受崇明偽參將假報賊首胡宗祿投降賞銀十兩去後回賊營與宗祿對坐飲酒崇明賞以金手鐲鞍馬田種三石加以偽總兵職銜復出詐誘官兵

朱少師奏疏

卷三

主

適有先被綁今走出李門子在內見飲酒賞金加街等事對證明白解道審吐是實轉解到臣覆審是的即臬示訖三月二十七日據鎮道報本月二十五日寅時先發副總秦翼明先鋒張令中軍盧世卿帶領標兵前至拖船埡其餘將領徐徐進發賊復在麻糖坎割大小十二營本日秦翼明等殺入賊寨大戰生擒二名獲槍七杆馬二十四匹數千賊苗望風奔逃又據盧世卿部下標兵擒獲活功五名口四月初二日據鎮道報據加街副總秦翼明呈報麻糖坎功級招降男婦名口俘獲大小

男婦名口加銜參將秦拱明部下官兵得獲男婦七名口馬二十匹花標旗皮盔雲肩槍五十枝刷刀二十五把綿甲三十七件擒獲苗賊四名加銜副總張令本日先銜酋兵將營盡燒當時偵得瀘州偽百戶戴鳴鳳有兵三千餘在洞被賊圍住七日職印於二十六日三鼓領兵平明到洞酋兵一見盡逃救出鳴鳳等二千名口同督兵追至青山崖與酋交戰至午令斬苗酋土指揮一顆納千總斬苗級一顆丁應科等擒獲偽胡參將母楊氏等三口中軍盧世卿部下千總雷鳴春督五標營

朱李師奏疏鈔卷三

三

兵當陣生擒惡賊活功六名婦女四口斬級二顆二十
六日發兵前往瀘州衛遇賊突出斬獲首級四顆擒獲男婦一十一名口同日道鎮報三月二十五日將官龔崇貴奉令同守備龔崇勝任世翰余一鵬等馬步兵二百同秦國倬等衝鋒至麻糖坎生擒偽千總一名柳信明斬獲功級二顆招降羅文魁等男婦四十名口二十
六日各官兵又追至青山崖招降民余成德等男婦四十五名口同日據參將林兆鼎報稱加銜守備韓自明等招出瀘州衛白雲洞撫招降民蔡應龍等十一名先

鋒周啟王正友斬獲首級二顆刀弩二件加銜副總何正光報稱羅先春差塘兵李二等於九姓拏獲賊兵鄭應才王昌祚刀槍四件林兆鼎報據加銜遊擊冉世烘報稱二十六日戰親督先五百名至九姓與賊對敵斬首級一顆生擒四名得獲苗婦五口將官閻登瀛韓自明各差兵生擒四名口將官龔崇貴同守備龔崇勝帶官兵李應學等兵千餘追至青山崖生擒二名斬功二顆加銜叅書劉世忠報本部官兵黎洪等至落簿古地方得獲男婦四名口督陣官耿煒獲功二顆二十八日

朱李師奏疏鈔卷三

三

加銜遊擊曹守爵部兵生擒一名男婦大小五名口同日李總兵查得用壩地方乃賊藏匿之藪又江門觀音寺係老酋割營之地俱為喫緊若不乘時掃清恐賊包截我後即日先遣張令盧世卿等內丁李棲鳳副將林兆鼎何正光兵五千打得用壩一帶又遣副將秦翼明統兵進剿觀音寺一帶遇賊大戰張令林兆鼎一路總計生擒三十名斬功十二顆俘獲男婦幼孩共四十二名口器械二十二件百子銃一門騾馬牛五隻偽勅四紙又據張令龔崇貴王受命招降得用等處苗民一千

零四名口又據秦翼明報往觀音寺大戰生擒十七名
斬級九顆盛二頂槍二枝烏銃一門樊虎七大營賊盡
逃去營寨盡燒各回營道鎮自備銀牌犒賞以作士氣
又據道鎮報三月二十九日辰時據加街參將秦拱明
呈報招到永寧衛人周可孝周林等六名口四月初一
日辰時據加街副總秦翼明報三月二十九日奉道鎮
令督兵再打觀音寺分兵三路一枝正攻賊營一枝由
青山崖一枝由沿州衛三面約攻生擒活功十七名斬
獲功級九顆又於龍山寨擒獲許天相等男婦三十名

朱步師奏疏鈔

卷三

五

口馬四匹解報到道審明安插功級紀驗又據參將林
兆鼎報稱將官胡緯兵陳啟等於赤崖生擒一名李受
將官程之蕃林魁兵苟時芳等於青山崖斬苗一顆生
擒二名將官開登瀛都彩兵朱虎於灘壩斬賊級一顆
舒遐於二十六日領兵前往落卜列偵探與賊對陣曹
庚當陣斬獲偽守備杜明舟首級一顆偽勅一道黃傘
一把范興旺趙貴陳旺追上崖洞殺死賊兵五名墜崖
未割首級得刀弩長槍十五件老幼婦女三口水牛三
隻鄒林於二十七日發兵往瀘州衛哨探擒獲活功二

名任友榮朱法四月初一日據加街副將張令督內丁
李棲鳳併盧世卿挑選標營官兵王思堯等及百戶戴
鳴鳳前去探剿初三日回報生獲功二名斬級二顆俘
獲一口馬二匹督陣官居敬與李棲鳳等招出九姓龍
山八寨頭人偽參將王文等斬其總管二名卒所部一
千餘人投降王文黃應龍等十四人斬賊來降賞花紅
安插林兆鼎招降一百六名口斬功二級俘男婦十名
口槍刀六件楊應岳部下生擒六名斬一級俘獲一口
胡明臣孛獲細作二名楊光增生擒二名張洪烈部下

朱步師奏疏鈔

卷三

五

生擒二名龔崇貴報初二日同龔崇勝招降宜撫司民
雷富等一百五十四名口鄭知府部將文運開王懋官
等斬八顆俘獲男婦二十七名口槍弩二十件牛馬二
十九匹隻俘獲五十六名口初六日鎮道報本月初二
日據道義營統兵加街參將楊應岳報稱初一日發兵
攻打崖洞對陣生擒苗賊五名隊長李國明斬功一顆
把總任尙榮哨官劉興生擒一名兵王可貴胡勝生擒
一名都司胡明臣呈報守備彭文舉生擒一名千總楊
其倖生擒一名僧一名千總羅聖甫擒獲四名參將楊

光增呈報守備黃明把總辛尙德等領兵踰瀘州衛前
二十里偵探擒活功二名鄔文旺王受遊擊張洪烈呈
報前於三月二十九日發守備高天機把總張日運率
兵擊獲活功二名加銜都司馬斗榮同南岸劉諧合打
排桐洞斬功二顆四月初七日道鎮報本月初三日酉
時據加銜副總秦翼明報稱奉令攻取青山崖卽於初
二日五鼓發本部千總譚之臣等統兵一千弟拱明千
總陳紹統兵八百石砦營姑女將部下坐營秦永成等
兵二千餘同抵賊巢賊勢兇勇職卽犒賞鼓舞四面夾

朱少師奏疏鈔

卷三

三

攻縱火燒焚自辰至午極力攻打賊猶死拒衆兵奮勇
直上賊奔逃走斬擒甚多獲盔甲槍刀馬匹不計其數
初九日鎮道報本月初二日酉時據監紀鄭知府報稱
發土官文運開領苗兵阿撒等往掃洞苗阿撒爲首烏
角爲次奮勇斬賊級二顆擒獲婦女六名口馬二匹牛
四隻槍弩二十件又據加銜參將王懋官等於初二日
攻打落薄林等處守備安文元把總阿柱共斬僞百總
首級一顆苗兵什粗溫繼富王士賢吳興勝共斬賊級
三顆阿繼張通生擒一名男婦四口牛四隻王昌永親

斬一顆湯應詔等獲苗婦二口王舉賢韓加奇等得馬
四匹牛八隻王岷勝等生擒男婦九名本月初五日辰
時據加銜副總秦翼明參將秦拱明等呈解青山崖得
獲功次到道據該道鎮逐一研審但係胡宗祿阿弟
等各部下逆黨法難輕宥者因人多不便轉解會審明
白遵於今牌下徑行梟斬牛馬器械老幼發獲功各營
收領投降者安插其經歷章守謂及子章志遠及胡宗
祿阿么妾係干謀反重犯另文解審仍動支賞需銀二
百兩分犒各獲功官兵以示鼓舞納谿路三月十一日

朱少師奏疏鈔

卷三

六

鎮道報本月初九日辰時據江安縣報稱令加銜遊擊
盧大武率兵一千至爐烟堵殺忽遇賊兵哨馬三十步
兵一百連殺二陣生擒一名斬苗級一顆得馬一匹同
日瀘州知州王新民報稱發兵至白崖壩探得賊兵二
百餘下山遇敵千總鄧以孝白啟等率百總高順等奮
勇殺死賊兵十二名止割級二顆生擒四名審明梟斬
訖同日鎮道報據加銜都司仇可陟部下百總張天威
劉敬於象嶺斬功二顆加銜遊擊李上進部下百總孫
正芳於江門伏塘生擒姦細一名又鄧懋官哨官繩守

富等於蠻洞子生擒一名二十四日據李上進下兵張虎於倒馬坎生擒一名三月初四日加街副將劉養鯤守備張學周下兵於蠻子洞生擒賊兵范起祿盧州甲解守備李亮千總夏繼先等於葛石壩斬級一顆賊子旺兒又夏繼先於大崖口斬功一顆本月初七日據加街僉書范祖文報稱先發丁世先親兄丁世忠從間道回永寧投降於三月初七日有世先舊人陳用陳榮趙民用秘約焚虎營中偽守備王先陸三萬騎馬二匹兵二十四名奔出投降收營報効審係苗賊俱已梟示旺

朱少師奏疏鈔

卷三

五

兒發瀘州收養三月十四日道鎮報據加街副將劉養鯤報稱部兵徐成至爐烟槽拏獲苗兵二名手執總兵令旗一杆長刀一把初九日酉時守備王化羅忠臣加街都司胡汝高指揮閔法各部下兵共擒賊兵三名兵肖元斬賊級一顆本月十八日道鎮報二道與參謀知縣趙民戴加街副將劉養鯤守備張學周計議賊勢窮蹙衆心已離宜及時招降以孤其黨養鯤即遣人行間十五日午時有偽總兵阿交樊虎兵藍二李有光刁惟興王之民等七十六名自賊營出川龍山來職營投降

朱朝聘提兵援接前來各賞銀二兩又花槍十七枝白杆槍二十三枝大弩二把降兵安置南岸酌給糧餉以風後至二十三日鎮道報據副將劉養鯤報稱本月十五日奉令衝打雞罩山象鼻子併中箐內開擒斬功次守備孫永燕瑞鳳馬如鹿何守義各斬功一顆銳手張義銳打二功楊國太毛明各打一功守備張學周生擒偽守備胡見一大功何湛然黑茂朱朝聘何繼光等部兵俱斬有功級鄧玠率子姪鄧一傳鄧一伏千戶鄧一舉百總周承宣張伸石殿邦哨官劉之宸等共斬功六

朱少師奏疏鈔

卷三

三

級獲婦女一口圍燒賊營燒死三十餘人原係乘夜劫賊俱未割級鄧玠部兵所獲花槍白杆槍十七枝綿甲二件牛二隻長刀一把銀一錠重八兩賞兵訖鄧玠父子又於雞罩山橫山八甲招出男婦三百餘口羸馬三匹三月二十四日鎮道據加街副將劉養鯤等報稱將官朱朝聘守備劉之寧於本月十六日暗入賊巢值賊首楊選大老虎陳文督兵往進寶寺打米追斬三十餘人賊使兵馬來救止割二級生擒偽守備一名柳元儒僉書胡肇虞兵斬殺三十七功生擒偽都司何守宗弟

名五么於本月十七日據參將鄧玠拏獲賊功周成先等三名三月二十五日道鎮據瀘州千總鄧以孝等於白崖灣拏獲活功四名十二日又據劉養鯤報遊擊朱朝聘兵於大花石生擒二名十四日本官兵張學通等於太山廟生擒二名斬功三顆十五日朱朝聘同贊畫黑茂部兵黑勝等葛石垵寶月寺擒獲男婦二名口斬功二十六顆十六日又據瀘州領兵生員李儒儼楊杰守備羅現聰等於葛石垵擒獲活功羅友等九名十七日劉養鯤守備張學周部下百總張學通於韓家洞斬

朱少師奏疏鈔

卷三

三

級二顆十八日守備燕瑞鳳督兵燕東等於葛石垵斬功六顆任應高陳先二十二名各斬功一顆共二十二顆燕可大等又於漏潺子斬功六顆燕天得一顆二十日守備鄭世臣龔惠等三十人於白崖垵捉獲活功三名二十二日遊擊黑茂於觀音堂斬功一顆四月初六日鎮道報本年三月二十四日據加銜副將劉養鯤報據部下百總安朝於撈草溪擒獲賊兵一名遊擊胡國仁部兵李貴於大洲驛得苗賊二名箭一箱大小刀長槍共十四件遊擊黑茂部下王有貴等於白崖垵擒苗

賊二名二十七日劉副將部下指揮宋璉等暗入永寧偵探散招降小票回至金綱背殺賊一名兵楊啟於花崖拏獲賊兵一名挨牌一面四月初一日朱朝聘部下指揮趙加陞守備何金化等招出偽都司將貴等六十四名初二日遊擊鄧玠差千總夏繼堯等於木易崖斬偽都司偽守備二顆苗賊三十一顆得獲男婦六名口花槍白杆槍大弩三十五件馬四匹又何繼光朱朝聘部下招出永寧降兵六名本月初四日劉副將牌差兵任啟招降偽總兵阿弟樊虎部下韓允慶并男婦一百

朱少師奏疏鈔

卷三

三

五十名口陸續解道俱各驗明安插隨給功票候叙本月初八日鎮道報初六日據劉養鯤將官黑茂等發兵探得小酋在乾溪舖借水西兵割十七營又據部將喻登芳等奉令同田有龍等督本部諸將兵於初五日夜丑時潛入大崖口直搗八甲賊衆措手不及各兵奮勇衝殺二百餘功生擒偽都司張才苗兵十一名苗婦四口幼孩不計馬牛五匹隻又獲苗將樊繼昂妻并弟繼盛同妻鄭氏又燒寨二十餘處所獲器械甚多四月初十日鎮道報本月初八日申時據加銜副將劉養鯤將

官鄧懋官黑茂守備張學周等報本日卯時據遊擊周應宿自賊巢出報喻登芳招出苗兵一千周應宿招出一千丁世先羅奇縉共招出一千范寵招出四百餘人共三千四百已出江門又得船四隻牛馬九匹隻又報水西頭目三百先據永寧城勸商金銀倒涼傘舖共賊四十大營又將金壺銀器重賞頭人各三百兩意圖死戰初七日我兵攻破中弔三溪橫山八甲營寨盡燒火光明一晝夜將宋江黑石包屈丑等寨俱燒訖所殺功級不知其數同日午時又據胡汝新於大風埡擊獲

朱少師奏草

卷三

聖

苗兵一名唐明陽初八日午時據守備楊承宣報稱於大崖口青岡坪擒獲苗兵二名永祥長久係偽總兵盧么家兵本月十一日道鎮報本月初九日申時據加街副將劉養鯤將官黑茂朱朝聘等報稱據將官喻自忠等奉令於初七日丑時又攻破榜嶺溪等處將偽都司先萬壽余雙和等一帶叛賊營寨盡行燒殺死屍遍地約六七百餘功止割一級解驗爲據投降千人又據將官何繼光張學周等奉令於本日五鼓同田有龍等直衝橫山焚燒追三十餘里賊首陳寶高叫不要燒待我

來降所殺功級二百餘其馬口崖一帶周圍三百餘里賊巢皆首供贍之地俱爲我所破卽欲徑衝永寧因各兵糧米俱盡難以深入理合塘報遵義路本年三月初五日監紀僉事趙邦清報二月二十四日酉時准加街副將秦衍祚報稱本月十四日本府督兵由二郎壩至灰堆山與副將沈崇極合哨搗苗有賊兵本府分守備趙一傑王文學等領兵去大洪寺左右埋伏三路與苗苗大戰斬獲多功三月十九日遵義趙僉事報據領兵加街遊擊陳以報稱於本月二十五日與各部千總

朱少師奏草

卷三

聖

歃血兵馬向木壘寨進發至小關口正遇奢富領兵前來接戰風令衝鋒穆自乾并羅安良部下千總羅友孝等分兵三路圍擊塵戰數時鳳令四山舉砲親率各部頭人一齊躍馬鳳槍殺死偽長官阿楊斬首一級羅友現穆自乾羅彬王安等共斬五級百總趙時富生擒偽總管楊榮又趙時美等共擒抹賽冷二賊兵敗走鳳驥兵至洗馬塘袁力與斬首級一顆李上蒙斬功一顆更得天時爲助河水忽泛賊兵渡河不及溺死者無算得獲苗刀一把皮甲一籠將軍銳二門喇叭一管噴筒一

箇各處賊營盡行燒燬楊守江見風勢大急備雞狗與羅友現等歃血盟誓待其子到家即渡江投見當將投順民唐正國家小三十餘家送至桃紅灘安劄今將功級刀甲令參謀生員李承實解驗三月二十三日遵義監軍道趙僉事監軍僉事盧安世報二月二十日復取落紅後至三月初五日夜至二更雷雨大作賊乘機厚資精悍苗羿三十名渡河劫營被加銜副總秦衍祚標下中軍劉登第塘兵齊起斬獲壯功三顆長刀二把槍弩二件皮甲一籠生擒羿子一名供認前斬首級俱係

朱少師奏草

卷三

重

抹囊其餘溺水身死初九日原任副總沈崇極遣張秦凱任鑑至公角灘對敵箭傷青氈騎黑馬頭目一名舒弘烈至落紅口對敵銳傷苗賊一名誘獲利箭三百餘枝初十日秦衍祚標下把守土城加銜都司袁應宸報稱應宸初八日領兵至鬼妖寨奮勇大戰斬獲偽守備崖婁并賊子崖新等一十一顆馬二匹又部兵蔡老虎等往銅鼓埡偵探撞遇賊兵接殺斬獲賊級二顆三月二十四日監紀僉事盧安世報本月十二日准副總沈崇極報據標下遊擊張秦凱羅仕傑報稱於十一日一

更同降民羅華發兵渡河攻打羅向宸全家寨至十二日辰時大戰連攻二營張秦凱部兵斬級三顆張抹囊首級一顆千總蔡茂首級一顆奪馬三匹羅仕傑部兵生擒馬兵一名寅狗斬級二顆馬三匹羅華斬功六顆其餘墜崖死者三百餘賊兩寨營房盡燒十四日副總秦衍祚標下千總蔡國學報稱於石家渡斬功一顆追殺溺水死者五人同日趙僉事加銜參將趙國璽報稱於本月十五日差千總高琴至蘭州官莊坪撞遇者兵截殺甲兵陳偉志楊芳各斬賊一顆刀槍二件十九日

朱少師奏草

卷三

重

差千總祝朝富帶兵往賊穴至大村與賊相撞敵殺甲兵吳二徐天錫斬苗級二顆同日遵義趙僉事報本月十七日據督陣官羅萬勝稟稱偽都司雷小善於十四日暗携家口八十餘房男婦一千餘渡河投降侯參將點過犒賞牛酒銀十兩報道本道多方傳諭今雷小善携家千餘來降蘭人歸附自此始矣四月初二日遵義道趙僉事報三月二十三日准加銜副將秦衍祚報本月十五日據守備趙一傑報稱分布指揮袁加勤等督兵四百往蘭地青岡寨剿賊追至崖三溝大戰斬苗級

十一顆落崖死者不計生擒賊婦三口槍刀弩十一件
中軍劉登第又於落紅口斬級七顆得銅鼓四面槍刀
五件弩箭二副皮甲一籠船二十隻生擒二名放火燒
燬賊房十餘間報道同日遵義近趙僉事報三月二十
四日准副總沈崇極核稱本月十六日本職會同監軍
盧僉事督率漢土官兵下河行遊擊舒弘烈等找搭浮
橋四座半日即完即日大喊山搖岳震登崖接級弘烈
部下銳手汪大業打死馬兵一名舒弘謙部下千總鄭
雄王來陞斬首一顆燒燬余家寨談廠寨九溪寨并明

朱少師奏疏

卷三

七

九二家房屋數百家追進三十餘里十七日又據舒弘
謙報稱部兵吳宗林斬首一顆又據守備張倫山督兵
將衙寨百餘間燒燬擒獲苗賊一名本官自總蘇一龍
帶領王高等奮攻落紅山頂火光冲天銳打苗賊不能
割級又李萬富生擒苗名苟德又據防守土城加街參
將趙文進奉道令發加街守備趙舜王同督陣官劉興
榮至黑坪岡與賊對敵趙廷華等共斬賊級九顆生擒
男婦四名又據降將羅華指揮賈承宗等捉獲被擄民
全文化十八日舒弘烈解俘獲男婦十三名口趙文進

報稱奉令至唐朝壩斬賊級二顆拾一枝絮一牀四月
初二日遵義趙僉事報三月二十二日午時據本道差
旗牌鍾偉督官董尙策稟稱差役同董尙策往大羅
壩招撫鄭應顯遊朝炳十七日行至海龍壩地方遇駱
麟土兵急報水西有馬兵步兵二名來水口寺哨探見
官兵擁制即退回落朝十八日行至落朝見水西馬兵
八十步兵難以數計即潛身高阜窺其出沒何路但遵
義大道止有桐梓塘兵哨探并無別兵抵敵又聞阿烏
逃竄三大營於赤壁莊欲由小路衝羅村侯良柱營由

朱少師奏疏

卷三

八

桐梓截餉二十日至桐梓報商同知即發守城指揮楊
才領兵三百星夜出婁山關樅關但水西因襲自明招
邊民過河將路口把守至緊役等不知苗話難於前進
回首撞遇降民胡崇富崇信即與他盟誓私偷路與鄭
遊二人通話探水西賊勢看二人歸向何如侯崇富回
日另行再報本月二十三日午時准加街副總侯良柱
報稱職自統兵剿斃箕壩以來發兵羅塘設伏拒險晝
夜隄防毫無懈怠三月十九日戌時據都司張金玉鍾
仕祿塘兵王宗成等報道奢寅於水西借兵西賊允發

莫德官江之龍遊朝炳鄭應顯楊維新等統西兵二十
七營劄緝麻山關王廟監泥寺俱係白布帳後面陸續
添來賊兵不息二十日午時又據領兵加銜參將趙國
璽報道奢寅暗在苟村點賊劄十大營只在等西賊到
齊約期夾攻我兵幸得南川參將陳一龍統兵萬餘已
到貢生傅元和官兵亦已調到同劄職劄爲連珠營首
尾相應有羅安良劄桃紅灘趙國璽劄羅村職一面調
撤同劄各官散劄零星臨難應援恐阻賊計幸趙國璽
細心整兵俱聽職調遣羅安良近日亦聽約束可再發

朱少師奏疏鈔

卷三

堯

兵二三千赴援此時之賊非比泛常激切具報同時又
據同知商良弼報稱職奉令桐梓招撫開壘并圍集義
兵士農工商方幸樂業猶恐賊兵出沒每日分投各路
安塘把隘直抵遵義探聽消息近據各營官兵屢報水
藺合兵欲衝殺桐以阻糧道今見劄營於緝麻里又據
駱麟飛報許多哨馬已至牛碗岡時隱時見不知欲往
何路以致城內居民驚疑復行逃散職出牌嚴禁不許
擅動搖惑人心隨據各民回稱守城之兵既發往各路
把隘義兵臨時各携家口誰人相顧豈可居城待斃止

顧權移元田壩近山挖炭救命職查得元田壩民多復
業耕田亦欲搬移當喚主簿楊燭等官備李爲棟李有
富等公議將欲執一苦守恐臨難無策將欲觀變相機
民甚驚惶只得暫從民便各官亦同往彼地劄營一則
約束鄉民且耕且守一則團聚市民便於復業且近大
路防守有人庶糧道可通城內房屋不致折毀等因又
據加銜遊擊陳鳳報本月初六日加銜侯副總牌令分
布羅安良陳鳳發兵渡河合哨鳳就於是日統率羅安
良部下千總百總併鳳下義兵渡江徑抵水圍寨地方

朱少師奏疏鈔

卷三

早

聞號砲連響鳳即發兵前去偵探係是守備張金玉陳
永興冉世卿等率兵攻打楊守江寨財物牛馬盡行劫
去守江等家眷人口盡行搬入大寨候守江子回日方
來投見鳳比收兵回營轉至閭王寨復遇賊兵接陣鳳
當點羅安良部下千總羅加勝郭廷舟等把總王啓孝
等奮勇生擒偽總管一名阿靴釋令入寨招降本月十
一日楊守江爲子不來將親信總管楊國興楊國法等
家口三十餘房來降又據商同知報哨探把總田臣前
至海龍壩見賊馬五六十在河邊牧放一帶俱有烟火

駱麟又哨至西界鎮南關金刀坑得一舊民賈似恩審稱賊屯兵五營在苦茶園四營在玉木洞掌營者是阿烏迷阿倫親弟者烈已發人約者酋又云去借各苗府兵齊同截殺制官兵聞報駱麟卽至崖門關屯劄等因又據本道親丁趙陞并加銜遊擊李棟舍人羅萬勝稟報二十日侯副總差金玉前去哨探見緝麻山起至孫蓋壩二十里賊兵相續不絕勢甚猖狂又三元寨蘭賊劄四大營原有不見者又蘭州奢寅扶國正在高離色劄二十營趙國璽差人去探聽招高象乾象乾云奢寅

朱少師奏疏

卷三

三

去水西借兵來衝官兵先衝沈秦二營若開卽來攻抵水崖官營又據趙國璽雷震乾本月十五日差千總高琴領兵去蘭州官莊坪哨探撞逢奢寅差來探我官兵賊兩相截殺我兵楊芳陳鳳志各斬功一顆花槍一枝刀一把絮一牀今番水西兵多乞令各營俱聽侯良柱分布本月二十四日午時又據侯良柱報本月十九日戌時節據都司守備張金玉鍾仕朝探得西賊劄兵八大營離營二十里乞整兵拒敵且幸陳一龍領兵先後亦到軍聲頗振今賊深入野無所掠職自有顧敵之計

至於雞栖園功次另文解報又據侯良柱報職於本月十八九連日發夜不收偵探回報西賊劄二十七營至蓋泥寺關王廟二處後來之賊不絕二十一日二更時分發守備何金熊帶馬兵十騎星夜暗探天將明至三合山與賊攔頭一撞賊兵四十騎與何金熊交戰幸我後發陶謨二探接應方得奔回大營職親統馬步銳手家丁并陳參將共帶兵萬餘追至三合山趙國璽羅安良俱時調到大戰數合職查得小路數條悉賊包圍卽與陳參將趙國璽等計議必先得地利方纔取勝卽傳

朱少師奏疏

卷三

三

令俱至青蛇嶺劄營一面建營一面對敵不息逆賊口叫水蘭二家人馬二十萬將十萬取殺桐十萬來交戰等語乞發兵把婁山大小二關小水田等處等因四月初三日又據趙僉事再報西賊勢尤猖大力難拒敵本月二十五日未時據本道旗牌鍾倅舍人任啟稟報西賊於二十三日大勢人馬齊至母猪窩我兵連日大戰賊兵勢重殺傷官兵數百拒敵不住副總侯良柱收兵退衛崇岡嶺把截桐梓士民盡數驚散全是水西兵馬蜂擁而來勢不可當等情二十六日未時又據加銜遊

擊李棟田應斗報稱二十一日辰時分蘭賊奢寅扶國正奢宏奢宸計合水西莫德官阿烏逃楊維新遊朝炳鄭應顯等二土苗會合馬兵二萬有餘步兵五萬餘還由山箐埋伏者難以目見奢寅扶國正等自三元寨渡河與西賊合哨水西莫德官阿烏逃等自鎮南關渡河由金刀坑緝麻山關王廟孫蓋壩亦與蘭賊合哨直到陳侯二將營下侯陳二將即喚棟與田應斗趙國璽羅安良并各將領官登山岡哨望出兵堵截趙國璽安璽等領兵出趙統壩侯副將陳泰將分兵由鴨屎箐追殺朱少師秦疏鈔

卷三

聖

賊兵又於平壩園堵截彼二土酋兵見官兵四路安排旋即退回諸將官以衆寡難敵權將各營移劄青蛇巷拒守姑侯西賊食盡銳挫方可攻擊二十二日蚤移營方定二十三日辰時賊兵將官兵周圍數匝如蟻聚食我兵奮勇斬獲賊級百十餘顆犒賞復戰至未時分官兵死傷衆多賊兵更番輪戰申時分拒守不往只得退出夜即小箐口拒守幸於南川調到陳一龍兵至幸保大半其酋兵叫罵要將趙道趕出重慶分取綦江涪州省城乞多添將兵救援各等情二十七日亥時又據副

總侯良柱報二十三日賊兵添至五十餘營馬步約八萬衆將職與陳泰將重圍垓心自辰至申奮勇殺出所功九十餘賊馬四十餘匹器械不計各賊忿恨急攻我兵久戰難支功級委棄收集各營住劄小箐之前守險安營再圖進剿又據加銜參將李長榮報稱西賊於二十五日劄營崇岡嶺近桐梓十五里比見馬兵數十衝入城下聲言要出綦江取糧又截住米不使運往落紅等情本道已令秦衍祥兵回黃荆坪護餉以保重慶四月初九日據真安綏陽路監紀巡守川東道右參軍吳朱少師秦疏鈔

卷三

聖

國仕報仁合一路三月十四日據監紀巡下南道右參政王世仁巡上東道副使徐如珂報二月一十八日據加銜副總羅乾象據小關子遊擊王繼先都司會化魯報稱十三日發兵堵截箐壩斬獲一十四顆生擒一名各等因到臣查得四路共斬功九百二十顆生擒四百六十九名口俘獲招降共七千九百一十二名尚有陸續招出者數萬各項軍器七百四十一件牛馬四百八十一匹隻黃傘船隻偽劄銀兩器皿不計兵聲已震無奈西賊復爾結連兼有報烏鎮陰助諸苗聯絡勢復猖

在除行長納兩路攻打永寧紅崖以牽賊勢調發官兵堵截策應相機戰守獲功行道驗紀生擒分別梟戮以俟獻俘俘獲招降給票安插牛馬器械犒賞有功官兵失事文武行令戴罪陣亡兵士查明卹給外理合具題伏乞勅下兵部案候事平之日一體叙錄施行謹題天啟三年四月十八日

飛報取永大捷事

天啟三年四月十五日據長納二路監軍道叅政閔夢得副使李仙品僉事劉可訓四川鎮守總兵官李維新

朱少師奏疏鈔

卷三

聖

報稱奉令自三月二十四日出師進剿攻破麻塘坎觀音寺青山崖天蓬洞等處分布大小文武官兵攻打永寧即於四月十三日隨據守備陳善治劉兆斗等報稱將官秦翼明秦拱明秦永明秦可等五鼓發兵與賊戰於上地坎殺賊大敗據稱本日奢寅親統大衆五鼓迎敵我兵分爲八路接陣自己至午殺敗奢寅新功計約千級以外溺水死者無算追至老君營涼傘舖將賊大小四十營盡燒火光徹天所損頭目偽將頗多寅賊身中二槍僅以身免仍奪坐馬二匹鎗金龍傘一把斬獲

偽總兵鄭章秦拱明親斬偽總兵吳繼盛首級鞍馬銀刀軍器生擒無算去永寧止十里偽總兵樊虎在陣被殺同日又據道鎮報將官劉養觀鄭懋官等發兵攻打橫山八甲中弔三溪等處節次斬功九十餘顆招降苗民共一百四名口生擒五名俘獲婦女四口招出偽總兵劉亨千總苗目戴福壽陳友等六人又楊承宣范祖文胡國仁等於青岡坪擊獲苗賊姦細三名偽都司樊其才等五名殺賊四百人獲馬二匹槍刀二十四件又續招出男婦二萬名口馬一匹得獲大小刀五十把槍

朱少師奏疏鈔

卷五

聖

二十枝十六日又據總鎮報在盧衛親見官兵畏怯難以驅策只得於十三日五鼓先發秦翼明等二萬攻打土地坎一帶逆賊敗退去後當令密令張令秦國倬李維翰李栖鳳兵潛至永寧城下十四日李總兵同參將張邦絃楊應岳參謀陳且贊畫官林正內丁總向勇總旗趙瑨督陣居敬李在官陳善策胡榮并標營千總等官百餘騎兵四五百人一面令中軍盧世卿督兵隨後接應本職兵殺至城下逆賊四門堵截見勢不敵逆酋將城中房屋四亂燒起亂殺軍民張令秦國倬李維翰

李樓鳳殺入小西門就於馬上生擒僞頭目周邦大楊丞相衝開大西門出降二萬餘人跳城赴水者無計城中煙焰熏天本職難以輕入止令張令等在西門外剗營本職暫於紅崖對面高山剗住有職帖書如有能擒酋父子出降者不但免其罪即照頒定賞格陞授官職用箭三十矢直射入賊路至於城中驚散婦女幼子本職逐一親審有夫者查還其夫有父母者查還其父母使其骨肉完聚將逃出人民另剗一山頭並不許在本營濶亂今永寧既取則土地坎老君營永安驛江門一

朱少師奏疏鈔

卷三

聖

帶自清餉道既通三軍有恃其自衛以西洞寨盡為我役矣即今二酋現在一處而水潦等賊兵橫剗兩山十數營本職必乘機決戰生擒二賊以報國恩目今情形甚急除晝夜加謹執戈以俟決戰合先塘報到臣看得逆酋奢崇明父子自知罪逆滔天不死不已購結鄰苗經年衝突自二月二十七日長寧大敗黨羽漸潰方借水西諸苗以衝遵義而大將遂合長納兩路之兵併力俱進從麻塘坎大戰轉入青山涼李歡喜中弔橫山等處擒斬無算而二逆猶假鄰方應援之衆為背城借一

之舉四路埋伏以待我兵仰恃皇上威靈諸將戮力大戰一日勢如山壓賊計窮勢促乃始放火而遁文武各官俱於十五日任剗永寧城下惟是禍本未除狡謀叵測況紅崖天臺木脚木姜古牛酸草等七圍俱稱天險除行督催五路上緊擒拏外一切功次行道查實紀叙理合據實飛報以慰聖懷伏乞勅下兵部案候俟事完之日一體行查叙錄陞賞施行謹題天啓三年四月十八日

續查死事諸臣乞賜分別褒卹以慰忠魂事

朱少師奏疏鈔

卷三

聖

臣查奢賊發難恣肆屠戮與夫臨陣戰歿者自撫臣徐可求而下共四十三員俱經兵部覆奉明旨厚賜贈襲咨到之日一時人心感激倍為踴躍今陸續申報尚有遺漏未經題明不敢不具請以慰幽魂行據按察司查得原任雲南洱海道副使報陞松潘道叅政李忠臣原籍陝西涇陽縣隨祖商賈任籍永寧中貴州乙酉鄉試天啓元年九月內便道抵家適值酋變不容赴任屢奉本部院牌檄密約永赤王同知何指揮等歃血擒酋不意謀泄賊擁兵入宅本官急叱四川迎接書吏徐汝勵

引幼子從旁門出遂仗劍自刎遵義府推官馮鳳雛不
避艱險親入虎穴復城據守勞苦萬狀天啓二年七月
二十三日二酋夾攻本官挺身罵賊不屈墜城及賊脅
降自求一死被殺二槍即時身斃骸骨無存威遠衛候
缺經歷袁一脩本府司獄蘇瑛俱義不從賊同墜城被
傷身故瀘州鄉官原任應天府通判高光於天啓元年
九月因首變本官削髮作偈曰君父誼尊削髮自盟臣
子守定留鬚爲證與子生員高在崑募兵復城殺賊百
人首將本官追至大葉壩不屈同家十二人登時殺死

卷三

崑

在崑走脫永寧衛舉人胡模賊未發難首抱杞憂條陳
二次及首犯省纓乃集兵截斷鹽烟小路被首將戮四
獄苦拷家口財產盡劫後賴伊弟胡緯行賄保出奔赴
轅門化誨宋武等擒何若海招降二萬餘人結首腹心
多人急圍擒賊拮据四月本年十一月十七日營中延
燒火藥遂被焚死原任富順縣立功縣丞葛盛德同千
總王成龍於天啓二年九月二十日西關與賊大戰并
家丁六人力戰重傷陣亡成都後衛千戶鄭應欽實授
百戶汪起蛟加衛守備劉自靖俱於天啓二年七月初

十日江門殺賊陣亡加衛遊擊李縉於本年十一月十
四日石子山對戰手刃數人因力乏被槍身死加衛守
備孫世信毛民望加衛遊擊李承宗於天啓三年二月
初六日仙人庵與賊大戰身死重慶衛知事王正經巴
縣典史吳應元土沱驛驛丞蕭美於天啓元年九月因
擄赴撫院聽事又本院旗牌成都中衛百戶范之偉同
時遇難而死大足縣主簿張志譽典史宋應舉本年十
一月初一日賊首梅龍率賊萬餘攻縣二官集兵陣於
西壇歷四晝夜至初五日叛賊葉省祭添兵數千夾攻

卷三

華

張主簿并家丁張成等被槍殺死宋典史見主簿被害
奮勇衝敵亦被殺死等因呈報到臣臣同按臣看得恭
政李忠臣報國有心突圍無路投臣三竭除兇之意氣
頗堅遘禍一朝滿門之屠戮甚慘偶倖脫其幼子實齋
憾於重泉推官馮鳳雛獨障荒城蹇道大疫衆寡之勢
既異犄角之力全孤以身殉城不踵貪生之迹遺骸其
檢可徵遇害之真鄉官通判高光以枕邱棲壑之身爲
稱干比戈之舉主僕十二人同嬰白刃忠魂千百載應
祀魯官舉人胡模先期具揭頗同曲突之忠謀臨難遭

刑不畏犬羊之虐，燭卒以奇計脫，旋復倡義招降，盡死，堪嗟孤忠難掩。若原任縣丞葛盛德、王簿張志譽、典史宋應舉，揮戈血戰，壯志猶生。經歷袁一脩司獄張璞、知事王正經、典史吳應元、驛丞蕭美遇，難投城，精魂未泯。成都中衛百戶范之偉、重慶遇難成都後衛千戶鄭應欽、百戶汪起蛟，加銜守備劉自靖、江門戰死加銜遊擊李籍、石子山戰死加銜守備孫世信、毛民望，加銜指揮李承宗、仙人庵戰死千總王成龍、西關大戰重傷身死，俱皆捨身就義，併應分別優旌。再照馮鳳雛被圍不死，俱皆捨身就義，併應分別優旌。再照馮鳳雛被圍不

朱少師奏草鈔

卷三

聖

屈堤城殞命，遵義道食事趙邦清已查的係西賊鄭應顯親手執殺，應顯實綏陽縣里長，豈不識認原報偶爾差訛，幾致忠魂埋沒。伏乞勅下兵部行巡按御史覆查，照例甄別，贈卹施行。謹題。天啓三年五月初一日。

恭報攻克險岡招撫苗巢功次事

天啓三年四月十四日，我兵奮勇攻復永寧，已經差官張學周飛報外。臣隨檄行總兵官李維新、監軍道府閔夢得、李仙品、劉可訓、段師文、鄭朝棟、胡平表等，分布兵士一而進，勦追拏二酋一而招撫，以安苗黨。去後續據

道鎮報稱：本月十五、六二日，打上紅崖大圍，賊皆披靡。又於十八日，攻取天臺圍，賊目卽具牛酒率黨數千人納降。又於二十日，差官張華等分頭招撫水潦四十八寨，一帶隨卽安插。計連日共斬獲壯功一千二十八顆，生擒偽元帥偽都督總兵監軍副參遊等項偽官張尚義、夏雲奇、汪澤遠等二十五名，斬獲大頭目一十一顆，俘獲男婦一百五十名口，生擒活功三百三十三名。逆寅銷金龍傘一把、爪斧二隊、皆龍鳳彩文槍刀衣甲六十三件，永寧宜撫司永寧赤水衛建武各千戶所百戶

朱少師奏草鈔

卷三

聖

印信一十九顆，偽印六顆，牛馬六十隻，匹二首，奔入古蘭龍場一帶，意欲結連西賊等情。十九日，又據建武遊擊滿思謙擒獲賊目大老虎羅文有等三名，納路將官鄧懋官守備劉養觀等攻打紅崖高木馬克手爬一帶，斬功三十三顆，生擒賊目十三名，招安地方三百里，降賊目十二名，民婦四萬三千二百五十名口，刀槍八十八件，馬二匹。本月二十八日，又據巡北叙瀘監軍三道呈解偽總兵內閣給事中巡河操江員外主事等項偽官王偕沈林并水西偽宋總督部下偽總兵曹謨七偽參

將胡洞三等四十七名二十九日三道轉據推官胡平表等各部下將官潘應奎等生擒水西應接偽都督總兵駱文奇偽監軍李采并偽都司欽天監等項偽官陳所蘊錢萬選田有金等共四十二名得興文縣并儒學及永寧千戶所印信五顆偽關防一顆逆寅與母加偽撮號手卷一軸偽勅書一張交通各苗府書啓四封偽曆日一本又據遵義道僉事趙邦清報本月十六日奢寅偽總兵高象乾隨帶家眷五百餘家來降又據仁合路監軍恭政王世仁副使徐如珂報據加銜副將羅乾

朱少師奏疏鈔

卷三

書

象薛來九報稱本月十九等日攻克白崖楠木等圖賊目舒廷彩羅書成挈家來降偽總兵酉兒及苗民萬餘亦來投降二十九日又據總兵李維新報稱探得奢崇明父子計窮力竭寫具投狀一紙降了水西助兵四十營將欲過河老曾在獅子山將家口已送水西去訖奢寅在滑右點羿子兵欲來接陣各等因到臣該臣看得紅崖天臺白崖楠木等圖爲酋三窟一朝平定酋之偽相僞將多被生俘印信一時俱獲永寧土地人民已強平還朝廷矣獨二酋奔入古蘭復有投入水西結連再

出之說我官兵雖漸逼進而糧不接濟爲可慮耳除申飭文武將吏多方隄備五路漸入相機進剿掃穴擒酋一切功次行令道將查審紀驗安插候解外理合具題伏乞勅下兵部一體案候紀叙施行謹題天啓三年五月初二日

再報攻克古蘭擒斬水蘭頭目事

竊照官兵取永克圖招撫苗果已經二次奏聞於時臣與按臣慮師老糧乏兵心不一臣假便宜封刀五口與按臣各差專官及督責將領五百齊入馬上移會貴州

朱少師奏疏鈔

卷三

書

督撫雲南撫臣四下發兵牽制務獲元兇廓清巢穴續據監軍紀功道府閔夢得李仙品王世仁等并總兵官李維新報稱逆酋備送美女金銀結構水西借兵復出水西頭目魯仲賢等領兵自沙所一帶入獅子山行一晝一夜來援蘭苗隨分布偏裨將領分道進取叅將秦翼明楊應岳於天啓三年五月初九日午時攻取余家山與酋對敵追至箭竹坪將酋公館營房盡燒生擒逆賊阿稱二名口加銜副將張令同殺入余家山賊管屯剗保寧府知府張翼軫十四十五兩日攻打耿家洞一

帶斬獲坐鎮永赤偽參將者惡首級一顆招降頭目王
貴等十八名併招撫安插赤水後山白龍仙人等處二
十二洞一帶地方苗民加銜參將舒遐領兵至落北溝
與賊衝敵斬獲偽遊擊陳自榮首級一顆苗級一顆永
安驛印信一顆千總楊俸信父子得獲永寧百戶印二
顆參將范繼道於落洞斬苗級八顆羅尚文於山羊洞
斬苗級一顆生擒偽都司楊世榮苗兵尹成伴獲一口
刀槍三件參將林兆鼎於落海溝斬苗級二顆十二日
秦翼明秦拱明等復領兵攻打木頭寨老等處我兵

朱少師奏疏

卷三

聖

分爲三股殺入逆賊一見卽奔入深箐追斬五十顆生
擒五名牛馬三十三匹楊應岳部斬苗級一顆刀弩三件
秦拱明於竹子溪斬功一顆又於落郎口與賊對敵西
賊剖五十營奢賊剖三十營被我兵殺敗十餘營追殺
十餘里斬功一顆加銜都司周朝佐追至簸箕壩搶獲
馬二匹又獲筠連縣被擄生員舒應先自古蘭走出供
稱賊父子糾西賊六十營去落紅與羅乾象接陣勝則
復出永寧等情又據鎮道報羅乾象進兵於十三日大
獲全勝斬獲多功生擒無算職先於十六日發兵十八

日親督進剿等因二十日據鎮道報據監紀知府鄭朝
棟報稱十五日酋目白卜統一千餘賊欲出切管王懋
官等伏兵斬賊級一十八顆俘獲婦女二口槍弩五十
餘件加銜守備任道重於李家崖追斬苗級一顆生擒
安賊二名阿九小五又據推官胡平表報稱十八日午
時中軍潘映奎等徑進獅子山新寨將酋衙舍放火燒
盡降苗早二等三百名家口千餘情願協擒二賊等情
五月十三日據鎮道報納路守備劉養鯤將官鄧懋官
奉令分布田手爬崖一路徑攻古蘭招降逆酋腰玉偽

朱少師奏疏

卷三

吳

總兵鄧國湖偽參將袁應璧等男婦六十七名口復選
勇將鄒世賢等領健卒暗入古蘭州將古蘭圍城公館
衙舍街房盡行燒燬惟九鳳樓木大不然是夜又轉燒
石頭者斯螺嶺等五寨苗營賊兵見火焰盛大俱逃入
深箐鄧懋官統兵追賊至滴水崖生擒酋賊楊二姜才
等七名又差守備劉詒等招降上里海底圍箐一帶宣
布朝廷恩威招撫茨竹花秋廣木等處偽參將羅高王
心一等男婦五萬二千餘名口又據報瀘州知州王新
民報稱督率所部官兵多方誘諭酋之羽翼心腹日漸

剪離於是沈戴馬口等處苗民共計七千餘名投降降願
爲前鋒等情五月十九日據仁合路監紀叅政王世仁
副使徐如珂報據監紀同知劉鼎新報稱四月二十八
日僉書薛來衍守備張明遠報羅書成舒廷彩等統兵
至麻窩招降彼中逆民對敵當陣斬獲一十六顆又殺
賊目邱明忠復招降民計五千六十二名口督陣指揮
楊元譚正宸等同副將羅乾象統兵戰於銅鼓坪圍樂
用等寨與賊首羅向宸偽相張向極等分三路大戰賊
不能支緣崖而走衆兵追殺張向極張聯極投崖跌死

朱少師奏疏鈔 卷三

聖

我兵一擁上圍入寨斬功百有餘顆生擒賊黨二百名
口牛馬器械無算各寨房屋盡行燒燬俘獲婦女即日
解驗招降大寨寶瓦柿子等處山溝降人二千餘名二
酋借水西之兵十三營來敵我師文武大小將吏羅乾
象等分布譚正修羅萬象譚大孝譚正常由官莊分爲
先鋒左右翼於本月十三日直取古蘭迎敵自辰戰至
午後斬獲苗功五百餘顆內一顆係水西偽大都督元
帥魯仲賢頭重二十斤又一顆係水西偽總兵羅奇又
二顆係蘭州偽總兵陳二偽參將李先芳生擒解驗苗

賊阿呼把等七名及仲賢等首級戰馬器械不計其數
乘勝殺入攻克古蘭州又燒牌坊一座賊四散逃入深
菁密據生擒苗黨供稱奢寅因承寧大敗酋父子將果
一張去其一腳擡往水西借兵魯仲賢先統十三營於
五月初一日起身十二日到此大戰又供尚有三十營
未到此去必來報警等情五月十七日據真綏遵義二
路監紀叅政吳國仕叅議趙邦清報據副將陳一龍探
得奢寅父子果於四月二十七日發人挑絲紬數十擔
羸馬二百隻銀子十二包男女二百名口送水西九股

朱少師奏疏鈔 卷三

奏

借兵又據加街遊擊楊通需移報西賊游朝柄等將金
雞坪等處復業降民擄去數十本官統兵追至李稍塘
斬級三顆生擒一名目下見分大兵各殺入古蘭等情
各報到臣該臣看得入永破圍之後復取古蘭賊巢兼
敗水西助惡之兵斬其二頭目從此一面招撫一面廓
清蘭事已有次第惟是霪雨一月穴險菁深二酋之踪
跡難覓糧米之轉運甚艱况蘭未告終安復狂逞兵屢
戰而疲路轉入而險如臣碌碌抱病從事尚未知機會
若何除竊賞各將吏與一切機宜臣同按臣料理務獲

兩逆獻之當宁魯仲賢等首級與獲水西賊兵已經解到臣衙門查仲賢係攻圍貴州首惡見委多官辨驗真確及移貴州督撫火速進兵彼此牽制外伏乞勅下兵部查明紀叙以慰効力諸臣軍士施行謹題天啓三年五月二十七日

殘邊重地彈壓需人亟議陞用勞臣以便責成

臣惟遵義新疆路逼水蘭內則舊民助逆外則安酋屢犯郡城蕭然鞠爲茂草臣自昨歲倖解錦官之圍卽有

朱少師奏疏鈔

卷三

奏

戎州之役經年臨敵應接不暇及今解嚴始得放舟東下示寧古蘭既已蕩掃則惟遵義一路最爲喫緊矣近准督臣楊述中會葉欲移總兵魯欽駐鎮遵義則不必再設大將而扼要居衝儼然有虎豹之勢地利人事委爲兩便及查道臣會事趙邦清已陞川北叅議又經議委督冊事務新任道臣侯國尚未到任該臣會同巡按四川監察御史張論查得叙馬瀘道副使李仙品見在軍前堪以委任除移檄外本官自辛酉年六月甫任卽督兵東援及撤兵回叙適值二賊入犯百方拮据收既

散之人心堵方張之虐焰來佛之戰追奔數百里恢復建武併南六縣嗣後或泊江潯或入菁崖身先士卒艱苦備嘗乃其嚴毅而不殘苛明察而更縝密經權互用操縱咸宜其得師貞之寡繁者也目下取禾揭蘭已建奇功恭以常格自應卽寄節欽但二賊尚連震都未戢賢者多勞勢非得已合無加陞四川布政司右布政使責成管理該道事務馳入新疆與總兵魯欽共相籌畫且得與臣朝夕從事在本官爲舊游易於整頓而將士憚其威嚴更加鼓舞人地委爲相得危苦諒所難辭理

朱少師奏疏鈔

卷三

本

合具題伏乞勅下吏部再加酌議將李仙品加陞右布政使管理遵義道事頒給應得勅書覆請行臣轉行本官遵照任事施行所遺叙瀘道員缺卽以近補遵義副使侯國改補移駐建武宣威撫輯烏蒙鎮雄問罪東川烏撒完此一面事局庶於安攘兩有裨益謹題

特報鄰省仗節之臣乞賜優卹以彰激勸事

自逆酋奢崇明父子造叛不惟全蜀被殘卽黔省切近衛所荼毒不可勝言有如貴州永赤廳同知王允昌處苗肘腋力不能抗只得慷慨投緼全家屠戮不遺一爪

貴州摩尼所千戶張大策自賊發難卽率義血戰衆寡不敵被賊鄉至教場碎列以死貴州畢節衛掌印指揮裴有章當賊初起首阻狂鋒堅城拒守已有勝形而沐兵乘夜撤回城遂不保時文武有挺身就戮者有操戈陣亡者未盡查出本官背城力戰身中八槍竟爲賊縛次第轉賣及到烏蒙偶與部下小兵相遇抱持涕泣主文羅曼報土舍祿所母子捐銀贖取適臣差官來報卽懸賞烏蒙使之送出於時死事教官指揮之子王長庚等三人同來見臣不勝酸楚復有貴州赤水普市等所

朱少師奏疏 卷三

幸

指揮百戶等官許世綬周應秋等皆自賊窟集兵舉義或潛或出百折不回臣集漢土之兵攻打永寧打破紅崖天臺白崖銅鼓諸圍而水西復發兵三十營扼險助敵霖雨一月箐厚穴深棧糧不繼正在皇急復思此輩嚼菜吞蕨久不火食若不急救皆爲泉下人矣卽檄監紀保寧知府張翼軫遊擊范繼道多方招撫量分糧糴協力剿賊以報血憾又查遵義柏楊園把守楊通儒原係三科武舉兩年死守賊屢犯而屢蹶傲然爲邊界長城何黔之多材也道路隔阻往返就延死者皆中蜀

生者見爲蜀用臣故不避越俎除移會黔中外特爲疏聞伏乞勅下該部轉行貴州巡按御史再加覆查酌議分別優卹以慰忠魂至於楊通儒屢立戰功應陞參遊裴有章與許世綬等應加守備職銜聽臣策令討賊建功事完優議再照自永寧摩尼赤水白撒普布層臺共得朝廷頒降印信四十餘顆與撫烏蒙鎮雄烏撒等事及善後之策俱關都省止因道阻臣一面徑行切責擒酋集議善後明白之日方得移會兩省具題外理合一併預聞謹題天啓三年五月二十七日

朱少師奏疏 卷三

幸

材官屢戰建績亟議陞擢以示鼓舞事

臣自去歲移駐戎州二逆連結諸苗無一月不數戰各將領不以信地爲詞則以疾病藉口諸凡奮不顧身摧堅陷陣者多係加銜材官時日已久轉入轉深功多不賞無以示勸除張邦柱林兆鼎范繼道薛來衍鄧懸官等官俱係實職劉養鑑羅乾象張令黑茂范祖文胡肇虞鄉蔚然胡汝高鄧玠良可成等俱經授過職銜應候總叙外先是臣因賊鋒甚銳急下令有能先破一陣者除照例頒賞外卽具疏請授松潘參將見缺行據各監

軍道所報瀘衛五大戰直入永寧則秦翼明秦拱明秦永成秦可等之功爲首青山崖麻槽坎二戰則加衍守備李維翰李棲鳳納尙勇等奮勇前驅竹洞龍透兩大戰則潘映奎陳坤袁戎李國選余權中易三桂曾選中王懋官周良材等竭力死戰蘭州土城一大戰則譚正修譚正長譚正通范鉞羅萬象洪綱鄒昌祚與中路宣撫司軍懋勳等殺級甚多且擒斬水西魯仲賢各首級去歲高瑛之戰與賊相持四十八日逐賊宵遁則孔全斌曹守爵曹有才姚化民舒選劉有良等大有膽畧遵

朱少師奏疏

卷三

軍

義屢屢抗賊則陳一龍駱麟侯良柱李棟袁整趙文選與投降羅安良羅華趙國璽雷震乾安鑾等其功難泯預燒古蘭招降極多則畢應台范龍劉詒朱朝聘等謀勇兼資督陣官則武聲華楊元范世賢蔣繼祖何湛然久在軍中備效勞績均應亟加拔擢以資撻伐內秦翼明因父秦邦屏死難見授都司原非土司屢次功績未叙查松潘現管副總兵事參將魯美中已經題授標下中軍所遺員缺合無卽以秦翼明實授參將填補荒邊積弛可與整頓此外如秦拱明陳一龍侯良柱應授以

參將職銜潘映奎王懋官秦永成秦可譚正修譚正長譚正通譚懋勳駱麟侯袁整應授以遊擊職銜趙文進李維翰曹守爵陳坤袁戎周良材舒選畢應台范龍劉詒應授以僉書職銜范越羅萬象范世賢蔣繼祖李栖鳳李國選余權中易三桂曾選中曹有才姚化民李棟劉有良納尙勇洪綱鄒昌祚朱朝聘羅安良羅華趙國璽雷震乾安鑾應授以守備職銜各給憑劄聽道將分布率兵討賊守備武聲華應以原官改補遵義道下中軍成都後尉指揮楊元應陞守備補威茂道下中軍

朱少師奏疏

卷三

書

百戶加衍守備孔全武應陞守備補監軍劉食事下中軍加衍守備何湛然應陞守備補監軍盧食事下中軍其餘各官候另查叙勸酬理合具題伏乞勅下兵部覆議上請行臣衙門轉行各官領兵任事庶勞苦知勸後効可期矣謹題天啟三年五月二十七日

議調才望道臣料理軍務事

重慶重地幅員千里殘破之餘民困已極兵巡上川東道副使徐如珂一面料理綏輯瘡痍一面監紀仁懷兵務見任土城屢建奇功方慶得人今閱邸報已陞太僕

寺少卿既已內召不便議留軍旅重務亟需異材卽新
推有人未能遽至查得分巡川北道右叅政閔夢得久
在行間衆心所計除行帶攝外爲照本官自天啓二年
八月內行委納谿監紀鎮定於逆苗披猖之日鼓舞於
士卒逃怯之餘諸寨俱以身親降人罔不心服又分遣
死士出奇用間入禾燒蘭厥功稱最卽今招徠十萬擒
斬數千真經文緯武之雄材而鞠躬盡瘁之苦心也叅
之勘叙常例自應破格超陞但二逆在逃未能去兵而
渝州殘郡更資整頓合無以本官加陞四川布政司左
叅少師奏疏 卷三 奏

布政使仍兼臬銜管兵巡上川東事務卽代徐如珂監
督該路之師直入鄂家渡過河擒酋併措置糧糧協濟
遵義一路庶撫民振旅於地方深有裨焉臣謹會同巡
按四川監察御史張論合詞上請伏乞勅下吏部再加
酌議將閔夢得加陞左布政使兼按察司僉事管理兵
巡上川東道事覆請行臣轉行本官遵照任事施行倘
前缺推補有人亦卽改補分巡川北事體甚便謹題天
啓三年六月初六日

將報擒斬招降功次事

據監紀叅政閔夢得副使李仙品僉事劉可訓總兵李
維新報奉令自天啓三年六月初一日起至二十九等
日發將官范繼道林兆鼎劉養銳等率兵招撫一面攻
打貢固山寨隨據回稱陸續招降猪嘴木姜牯牛等圍
洞寨大頭目楊雄郭龍祝義明阿尹喻訓等三十六名
苗夷男婦二萬八千八百八十五名口攻打黃泥鍋底斬功
二十七顆生擒偽總兵二名苗羿十三名俘獲十二名
牛馬四十九隻匹賊寨及積糧二萬餘石盡行燒燬擊
獲奢實差苗顧友仁供稱二酋逃往龍場壩近水西地
未少師奏疏 卷三 奏

方水關青創三十營頭目扶國正羅用只打麥喫單等
西兵救援等情又據仁合一路監紀叅政王世仁副使
徐如珂僉事盧安世報據叅將薛來衍羅乾象等報稱
統兵陸續招降大寨寶茂麻窩等洞寨頭目阿强易布
等十二名苗民男婦一萬四千一十五名口攻打蝦蟆
鬼妖等洞寨斬頭目偽千總二名苗級一百六十三顆
生擒九十八名口俘獲十二名口牛馬六十三隻匹衣
甲馬鞍槍刀弩箭一百四十四件將奢酋祖墳及崇明
母墳盡行掘挖賊目羅用家丁三人自龍場壩走出供

稱酋父子俱在龍場客仲壩日間相見夜間各不知所往又與水西家歃血助兵四營同把河口差人往各土司商議見在鋸板造船搭橋等情又據遵義一路監紀僉事趙邦清報據加銜叅將侯良柱陳一龍等報稱奉令合營率兵陸續招降苗漢楊黃三元等寨頭目楊守江趙懷忠歐燦等九名苗民一千八十六名口攻打木園馬湖等營寨斬獲頭目一顆苗級五十七顆生擒八名俘獲二名槍刀器械二十六件趙僉事於初十日進遵義城內分布等情又據真綏一路監紀叅政吳國仕

朱少師奏疏

卷三

李

報叅將陳一龍奉本部院令催赴擒酋同王尚明等至竹把招降鹽井九倉等國寨偽軍師王國才及頭目王朝臣等二十八名苗民男婦三萬餘名口攻打三鍋莊等寨斬獲偽元帥耆耆梯偽總兵奢阿東等首級五顆苗功四百一十三顆得獲牛馬六隻匹槍刀絮弩一百五十八件溺河死者無算各等因塘報到臣先是各路官兵攻克新寨木脚古蘭擒斬水西首惡魯仲賢羅奇等已經塘報隨傳檄各路大小將領多方偵賊乘勝連入擒酋一面撫定巢穴黨羽務期底定相機戰守以副

萬全去後今據前因除行各路監軍道將多方安插壯者籍入軍伍功次驗明給稟生擒監候獻俘外該臣看得蘭穴與水西鎮烏為鄰實有三窟自羅乾象大勝於古蘭二逆遂隨水西敗卒黃夜渡河走入龍場客仲壩屢據偵者報稱出沒不常隨從惟扶國正羅向宸等數輩細查地形正枕大方之後離永寧已二百餘里峭崖插天深洞無底蓋洪荒未闢之區非人跡所易到也禍本未殄竊發可慮臣非不欲旦暮擒縛以竣此局獨是道遠等深實難輕率況水西居為奇貨我兵若一渡河

朱少師奏疏

卷三

奏

非惟救蘭實欲自救官兵以數月無糧疾疫大作庚癸莫應又值洪水大發沿江居民之漂流者不可勝紀進退維谷只得分布各將據險固守乃一面鼓舞白沙普市赤水畢節等處被害之民量助銀米合哨傳塘相機擒剿遲速之期殊難預定臣患病委頓勢已貼危除另疏陳乞理合塘報伏乞勅下兵部案候事寧一併叙錄施行謹題天啓三年七月初八日

危疾再發重任難勝乞賜休致以遂首丘事

臣庸愚黠淺不堪軍旅因變承乏誼不獲辭乃不意狗

馬之疾日以增加去歲痰火眩暈動履艱難已經兩次
陳乞未蒙皇上俞允復加寵命責臣討賊臣感激天恩
誓圖死報遂復勉就醫藥扶掖受事豈期今年五月十
九日停舟納谿河下穢氣薰灼頓患嘔泄不省人事只
得暫移瀘州調治一月之內三次倒絕期屢發而近病
屢入而深手足拘攣飲食俱廢延醫劉加相診視謂脈
弱苦不對症不敢下藥益用悲感僵卧不能展轉臣身
如鴻毛何足爲言而皇上疆土重任豈可耽悞今二逆
遁入水西出沒無定路險菁深實難下手顧蜀境不啻

朱少師奏草

卷三

奏

廓清卽黔界亦已開通數百里此必須精力有餘相機
調度方可了此而臣不幸病在膏肓有心無力卽溘死
有餘恨矣情真勢迫萬非假託伏乞皇上憫念特賜休
致別選材望速行交代或就於本省監司中推用免臣
守候倘自此得少延視息歸正首丘高天厚地豈有窮
思臣不勝悚息待命之至天啓三年七月十五日

病勢危篤軍務廢弛仰懇天恩亟賜允放事

臣才劣不足當大任命寒無以當隆遇病廢轉展日就
沉痾前七月十五日痰火陡發昏暈倒絕已成痿廢之

軀莫必旦夕之命業經披瀝苦情伏枕叩頭差承差朱
之貴上疏陳乞去後倘勢可強捱其敢再控乃不意八
月初二日未申之間忽然眼目昏黑痰氣上壅脈伏氣
閉不省人事至初四日辰時稍轉而神亂語謔全無知
覺臣卽伴偷一息已爲廢人况朝露危殘時刻難待呼
天則九重之高恩親且萬里之遙臣之方寸久枯一息
垂斷狗馬之軀過此更不知何在矣且賊方潛避功可
倖成臣不避難於兩年之前而獨求退於垂成之際自
非至愚定不爲此無奈情迫勢窮萬不獲已每惟聖明

朱少師奏草

卷三

奏

可爲忠言不得不仰天而呼也爲此冒昧再控伏乞皇
上矜臣狂愚憐臣危篤特准致仕回籍別選才望前來
任事使殘廢病軀不悞封疆大事雖死之日猶生之年
臣無任激切祈懇悚息待命之至天啓三年八月初六
日

塘報功次事

據監紀副使李仙品會事劉可訓知府鄭朝棟總兵李
維新報自天啓三年七月初一日起至八月二十九日
止陸續據將官劉養銳報稱奉令揀差將官鄒世賢畢

唐二等選敢死士數十名暗渡何家河七月十七日到龍場壩時正三更將崇明父子巢穴上下兩街舊衙赴風放火盡行焚燬燒死男婦不知其數哭聲震地以致二酋棲止無定又據偵兵探得老酋劉姚家坪小酋劉石炭坡各統兵三營該鎮隨卽督發將林兆鼎范繼道張邦紘劉養觀鄧懋官劉宗良夏永通鄧玠等各領兵至楠木坪刁菱溝二等圍白水尾等處與賊大戰斬獲偽都司黃么兒及賊目王繼先宋堯等三十六顆苗級四百五十七顆生擒偽都司陳清等四名俘獲男婦

朱少師奏草抄

卷三

圭

二十四名口槍刀弩箭四十五件馬六匹招降思栗坪若菜壩苗目蘇保王應虎侯應權羅承德等二十六名俱係陣前投降送家口赴永寧情願立功降苗二十五房又據遵義路監紀僉事趙邦清同知商良弼報陸續准副將秦衍祚加銜恭將陳一龍侯良柱守備李棟將官羅安良等各率兵攻打茶蘭橫山箐燕耳園等處斬獲奢寅伯父奢阿東蠟九父子三名大頭目四名苗級三百八十四顆生擒偽總兵王朝臣蠻苗七十九名口招降高寨大頭目王廷彭家營頭目趙汝安及苗民四

千餘名口陣前奪獲槍刀弩銃五件牛馬六十一匹隻奢崇德巢內投送出貴州舉人湯師辛道臣委差綏陽縣生員郭三聘招出西目游朝炳鄭一顯游朝坤楊明輝等攜家口四百餘名口於七月二十七日至桐梓投降動支餉銀大加獎賞鼓舞令其立功蘭目趙國璧於八月初五日過江投降被扶國正知覺同偽副將周之富統兵趕至青岡坪趙國璧斬周之富加銜遊擊雷震乾等部斬十四顆又據綏陽路監紀叅政吳國仕報准陳恭將移報分發加銜都司傅元勳傅天鎮攻打白蕩

朱少師奏草抄

卷三

圭

毛臺等處斬獲黑苗大頭目阿楞李狗兒苗級二十一顆又於杜包等處招降偽守備李廷相蒙瓊苗衆五十餘房各等因到臣先是掃穴之後因糧糗不繼洪水大疫並作臣暫令各將分守隘渡檄行白撒普市畢節被害之民及招賊親信頭目諭以免死協力擒酋嚴行各將如遇賊警併力擒殺去後今據前因該臣看得逆賊父子挺而走險藉庇水西復聚殘苗出沒今蘭目趙國璧西目游朝炳等業已投降曾勢漸迫臣病委頓發令懸賞督發總兵李維新移居古關催兵逼進只俟銀米

稍奏即便過河擒賊所據各路擒斬招降功次理合報
聞伏乞勅下兵部案候事寧一體叙錄施行謹題天啓
三年九月初二日

塘報功次事

據監紀副使李仙品會事劉可訓知府鄭朝棟總兵李
維新報自天啓三年九月初一日起至十月十五日止
陸續據叅將范繼道林兆鼎張邦紘將官鄧懸官劉養
觀胡明臣張學周等報稱奉令督兵至沙木箐高家莊
木落崖蕭家坳等處各大戰共斬功一百三十八顆生

朱少師奏捷錄

卷三

董

擒苗目一名苗弄七十七名招降阿大阿苗易脚等各
送家口至永爲質立功男婦一千二百七十三名口殺
手四百名陣前奪獲牛馬九十一隻匹槍刀弩器三十
四件李總兵於九月十二日親統大兵至下河口耶家
渡割管前鋒擒獲奸細冬狗等二名供報水西兵十營
在銀盤山割來援奢寅本鎮使降苗傳令過河秘諭質
之心腹羿目閔巴等二十名投降送子爲質約爲內應
又稱寅賊在司紀養鬼崖生瘡養病十六日至葉荳寨
與扶國正對敵總鎮親安大砲隔河打死苗兵無數備

就傷者不計二十七日侯良柱前鋒王正相與本鎮合
營會事盧安世統兵亦到耶家渡忽報水西助兵三十
營至大坡頂至龍場救崇明父子本鎮將辦備浮橋降
苗等項俱交盧會事調度守寨二十九日李總兵移營
馬鈴河口連珠制管曉夜設塘以防暗渡又報二首見
西兵到龍場欲乘勢暗渡水潦攻打永寧分頭大戰等
情到鎮飛報各將如賊過河必合力擒捉等因又據仁
合路監紀叅政王世仁會事盧安世推官蔣化龍陸續
報稱將羅乾象蔡衍祚將官張奏凱冉達龍王正相等

朱少師奏捷錄

卷三

董

奉令領兵至荷村毛坡老虎寨圖木溝滾坑洞十面村
洗苗溝等洞寨擒獲奸細李三陽等三名婦女二口斬
僞都司神保苗功十二顆招降男婦二千七百九十九
名口苗民人戶四百六十六房得獲牛角甲一籠袖襖
絮被刀槍弩箭等物及馬十三匹盧會事於二十七日
直衝耶家渡李總兵自大河口以上三十五里直抵赤
水連營設備盧會事自耶家渡以下三十五里聯落安
營防禦等因又據監紀遵義路叅政閔夢得分理安羅
路同知商良弼真毅路推官李必達陸續報稱遊擊侯

良柱督兵一路至任包三漲水九倉立崖小寨後山等洞寨大戰斬傷都督阿果陳四偽將蘇八抹賽阿倫劉茂等苗功四百四十三顆跌崖死者無數招降奢宏下頭目張乾父子四名苗目阿湯等四十名苗民方相八千餘名口苗民男婦鄭可發等六百餘名口生擒扶國正弟扶國臣蔡金貴蔡金美等得獲槍刀器械一百二十八件馬二十二匹招降水西把目趙永鎮等十七名男婦三千餘名口加銜副將趙文進招降水西老木孔大頭目聶江清小水崖鄉寨頭目王曰景李友信等

朱少師奏草抄

卷三

軍

石洞山頭目魯萬朝係魯仲賢親叔同何金榮游朝信等攜家男婦一千餘名口陳恭將督兵至黑水金刀坑遇水西偽經歷常罵色擁兵大戰斬傷將一名賊級一百九顆生擒苗賊羅受又督同將官都正極等會合黔師向方二監軍令龍副總都司王達李之信各分兵至兩河口與西賊大戰斬功一百一十八顆生擒一名器械一百八十八件九月二十四日西賊馬兵九十七騎突至遵義府城外哨探天曉不便窮追二十九日西兵萬餘衝至周水橋來攻川黔之兵陳一龍楊通霄秦明

屏等三面夾攻斬功不計其數賊復大敗退走西界偽將周器墨阿烏達等又劄三十餘營於朝陽寺等處聲言四出等因又據監紀李副使劉僉事報據將官劉養龍本月十一日未時分同朱一龍王懋官傳吉王弘化等領兵奉總鎮令發往白石崖入巢擒賊前哨兵五百至彼忽遇賊馬兵突出截殺一陣獲馬二匹斬功一顆後賊包崖重圍官兵抵敵不住將官各據險奔潰同時又據傳吉王弘化王懋官俱至永城口報水關之賊於白石崖清水舖等處劄十二營摩尼新添堡各劄多營

朱少師奏草抄

卷三

軍

等情又據遵義路閔叅政報稱十一月二十九日西賊敗回彼水西有文來趕道及永寧路二總兵劄於築豆寨撤營前去救援又報茶江縣發賊麻糧夫至尖山子魚岔河被賊兵三路擁出殺傷糧夫兵士圍截賊驢四十六隻米二十餘挑站馬二匹各等因到臣為照水關殺合一面衝突遵義一面助援蘭賊而二逆欲借勢再出臣檄令叅將陳一龍及楊通霄等督兵合黔師以拒西賊檄總鎮行各路找搭浮橋拒河一帶招降賊黨以孤首勢相機擒拿以完事局去後據報前因該臣看得

二逆之腹心漸潰蜀局已將告竣無奈西賊復以七十
管同者氏父子窺犯永簡爲勢甚狡今且由險徑透入
白石清水摩尼園截我兵是蜀局未竣而黔局繼至蜀
之剿辦敵西爲計亦苦矣除馬上移文黔省及檄行道
鎮及各路將領嚴加分布相機戰守擒酋外所有斬獲
招降功次苗情理合報聞伏乞勅下兵部案候事等一
體查叙施行謹題天啓三年十月十六日

水簡復科攻永官兵屢戰大勝據實塘報功次
事

朱少師奏疏鈔

卷三

率

據監軍副使李仙品食事劉可訓知府鄭朝棟總兵李
維新自天啓三年十月十七日起至閏十月初十日陸
續報稱本鎮自九月十二日親統大兵直抵河口菜豆
寨聯營與盧僉事分定把截直逼龍場一月有餘只待
兵領十日之餉卽過河擒酋奈各兵五日無米馬湖營
兵鼓噪各營每日餓死數人除嚴行各將協同降苗楊
順龍等把守沿河本職暫撤古苗就諸軍之食等情十
九日又據道鎮報稱水西發頭目五人統兵七十餘營
來與一酋云若官兵過河兩家都不好宜速分道暗殺

包截烏鎮芒部陰助有兵找搭浮橋運糧於本月十三
日分爲四路由尖山子三岔河高木頂官斗山包截大
寨來攻永寧將把監降將楊順龍父子并何應元等殺
死又一路差賊目胡宗祿朱國政麻老虎阿什等由大
壩長溪攻進衛出江門搶截糧道各洞寨降苗聞信各
懷攜貳之心等情本職卽發張令張學禮領兵一千四
百馬湖兵一千五百袁昌兵一千隨范繼道統領救援
進衛及護糧運截殺大壩各賊聚兵應援各路相機併
力擒拏本職統領親丁鎮營回鎮永寧以固根本二十

朱少師奏疏鈔

卷三

笑

一日據將官王懋官王弘化等報西兵每路萬餘蟻聚
曉夜夾攻永城本職會同二道分布粗畢二十四日已
時據張令等報稱賊糾水潦洞寨及都長降苗俱復爲
賊用勢甚猖獗今令等分作三路用計取勝令與張學
禮爲先鋒吳一枝袁昌爲後應奮勇衝入賊營令親斬
麻老虎首級張學禮槍殺阿什已死生擒蔡保等十五
名僞將被殺七名今復箭射朱國政賊亂竄敗走投崖
仆水死者塞川殺死數多未割首級獲馬四匹槍二十
枝奪回被擄婦女二口督陣官劉兆斗被賊連殺三槍

猶然力戰回營身死等情本職卽會二道將降民爲質
父母家口移出趙壩分門固守又於城內搜獲奸細任
二元等審係二箇發作內應當卽臬示訖本日午時賊
馬步苗兵漫山遍野蜂擁殺至永寧城下時各將俱分
把紅崖等隘城中止有兵三萬本職同李副使劉僉事
鄭知府卽刻登陴曉諭各營大加懸賞鼓衆出城殺賊
本職披掛率督親丁李棲鳳等殺出東門三軍見此無
不以一當百參將林兆鼎張邦紘鄧懋官將官劉宗良
胡明臣李仙德張冲霄劉必達劉天眷等領兵四門齊
出銃砲弓弩傷賊甚多遵義營兵方虎一槍刺死僞先
鋒大寨頭目歹兒各營斬功數多賊見勢難敵尋卽敗
走我兵追殺三里恐有埋伏天晚撤兵奪獲衣甲馬匹
無數賊上真武山屯劄一退石灰窰一退滴水崖本夜
三更賊復聚落窩職傳令南岸中峯遵義馬建各營選
衝鋒殺手三千黎明聽令二十六日早據塘兵報稱工
首同西兵未撤陰發勁手苗彈萬餘一伏落窩一伏落
郎口候官兵出卽來包截首用誘敵之計等情鎮道計
議賊既伏以待我我當出奇以制之隨發參將林兆鼎

朱少卿奏疏鈔

卷三

朱

張邦紘等將官李仙景等一十八員親丁李維忠李棲
鳳等十一名督陣官陳善策等十員守備周良材雷鳴
春等二十四員各督所部當夜逃出兩箇伏賊之前一
枝分兩路於後追殺二十七日早發張令等兵四千策
應范繼道兵二千出清振司雞公寨旁出落窩之前俱
聽大路砲響一齊殺出至二十八日五鼓統籌發喊前
後截殺滾崖跌死數十生擒二十五名斬功數多另報
奪獲賊馬四十四匹刀弩長槍二百五十餘件時值大霧
昏黑未盡割級寨房焚燬光焰冲天老酋由新寨走脫
小酋由蘭州逃遁降民周有富殺死樊虎頭人三名得
盛甲一副第銀米俱乏三軍枵腹屢經塵戰恐致脫巾
等情又據范繼道報稱部將羅尙文領兵乘夜衝殺賊
兵驚逃跌死深溝極多獲賊馬四匹鞍轡俱全割級一
顆槍十枝等情又據仁合路監紀僉事盧安世報親督
將官張秦凱王正相等奉令分守鄆家渡與賊對敵斬
苗功三顆生擒二名供稱西賊與酋於十月十三日已
暗渡上赤水見劄四大營於對河者弄坡頂職自抵鄆
渡各兵無米全憑各處高粱粟稗度日今且就盡等情

朱少卿奏疏鈔

卷三

朱

又據帶管連義監紀參政聞夢得蓋路監紀同知商良
弼報據副將侯良柱發將官蕭有忠探報西賊發兵救
援奢酋由崖下出龍場於十月初七日有忠等查的先
伏兵於崖寨小河以俟次早兵果至砲響為號四下殺
出降將先汝受斬偽守備阿位李長榮斬偽千總抹者
侯國正斬抹賽阿保各將親斬四十顆墜崖死者不計
得馬四匹槍刀三十餘件又據監紀真綏路推官李必
達報稱參將陳一龍分部將王尙明傅元勳等往遵義
中庄等處合點師龍泰二副將剿安逆賊六萬並衝清

朱少師奏疏鈔

卷三

全

渾水泰將親督三軍二職率兵向前殺死西賊極多斬
功三百餘顆生擒阿烏迷第五子阿祿元奪獲戰馬器
械無算各等因到臣先是據報西賊添兵七十餘管同
蘭酋拒守河口聲言欲渡攻永截糧臣疏報後即會按
臣嚴檄各道鎮將如賊果渡即便互相通報併力擒捉
以完局固守城寨務保萬全及今建武瀘衛大振兵
威毋容滋蔓處處截殺去後於時按臣移駐叙府檄將
催兵亦與臣時時計議且目擊餉匱兵饑急捐銀一千
兩移臣以備賞需今據前因除動支餉銀五百兩折充

花紅獎賞有功文武將吏訖該臣看得逆酋父子窮窘
已甚寄命鄰苗既以唇齒乞憐復以盡剿相嚇於是水
西遂發重兵於河口不惟顧奢兼以自衛若鎮鳥等苗
與夫受降之苗一聞水西助虐狐兔情深自相陰助窺
我餉乏欲圖大逞幸藉皇上威靈諸將用命大壩一路
三大勝官兵在永寧者一戰殺其先鋒再追殲其伏
賊惜大霧陰霾致使逆酋逃遁是戰也道鎮協力將校
血戰業已奪四夷觀望之氣矣第永寧原非蜀地二賊
又在鄰界欲守則師老財匱終為不結之局欲進則路

朱少師奏疏鈔

卷三

全

遠籌深必難為無米之炊且聞黔師已聚勢不容緩所
需楚餉自領過七萬兩之外奉旨差官勒催尚未解至
道鎮屢報無糧各兵饑蹙斯時量沙無指點石不變臣
憂心如焚形消病劇於拜疏後檄行藩司量於未殘州
縣一面權宜酌徵以救目前之急俟楚餉解到即止或
候事寧抵充正項稍俟餉足即發各道鎮親臨營伍渡
河擒賊外所有前項功次理合報聞伏乞勅下兵部案
候事寧一體查叙施行謹題天啓三年閏十月二十二
日

揭報大壩功大事

竊照奢寅父子糾同水西復攻永寧我兵屢戰屢勝賊分道遁回龍場職已檄令道鎮勒兵追拏又恐糧運愆滯另委巡西道參政吳光義任劄納路督理安綽道副使謝渭料理水潦外溫御史又捐銀一千兩前來懸賞隨據監紀副使李仙品會事到可訓知府鄭朝棟總兵李維新等報水藪復結皆因水潦大壩卜昏日拘林等處苗賊誘引助惡今又欲糾普黑之苗為害若不掃清終為糧運後患於是本鎮發參將林兆鼎張邦紘鄧懋

朱少師奏疏

卷三

金

官秦翼明泰拱明將官周良材孔全斌李仙德李棲鳳張令等掃清各洞回本鎮一面發兵臨河布陣擒賊天啓三年閏十月十六日起至十一月二十五日止續據林兆鼎等報稱各統兵攻打落卜黑林魚堯河高寨落石寨等處當陣斬獲偽參將阿根偽都司阿謹賊目益黨阿賽賊首阿五首級五顆苗級六百八十六顆火烟殛死二百餘賊生擒男婦二百四十七名口槍刀弩甲花衣苗袍三十六件牛馬七十五隻匹各將即抵赤水上下河口鄧渡劄營搭橋探得兩酋見大兵逼急又見

黔兵與遵義各將官合哨窮促至寤崇明同扶國正朱國政等扼險守渡奢寅奔逃水西求援等情本月十七日據監紀遵義路參政閔夢得副使侯國分紀同知商良弼推官李必達知州朱毅臣等據參將陳一龍遊擊侯良柱等報稱西賊莫得官統兵二十三營助奢寅攻永大敗逃回奢富同督苗羿偽都督扁老虎普初等欲來包截官兵見劄白頭圍當令副將趙文進降將楊柳及鄧朝用等分定四路暗伏本官統兵合擊良柱親斬偽參將者罵首級一顆部斬偽都司阿仲魁抹賽阿一

朱少師奏疏

卷三

金

重大頭目王興等首級四顆苗級一百八顆生擒偽守備冷奢阿東弟哥等男婦三十一名口墜崖死者不計槍刀無算又據羅安良等報於十九日連夜統兵渡江直抵奢寅與偽都司扶反兒營時正三更奮勇殺入加銜指揮羅安鼐斬賊目趙汝受追至木芒寨斬獲抹賽趙汝真等首級一十八顆鞍馬盔甲刀槍偽牌器械無數又據參將陳一龍將官戴來鳳報稱奢寅委苗頭長經歷阿忠督苗至板山立寨撥發將官余興高等統兵衝殺降苗阿一奴生擒賊目阿祖陣斬偽參將阿忠首

級一顆長經歷着箭奔回營中我兵周圍放火將長經歷阿角粗阿戶等苗昇數百人馬一併燬盡又據該道報二酋見永路攻急奔逃水西見在合賊縱橫阿烏達播黃高招安邦彥播紅高招奢寅播藍高招自二十一日起逐日攻打陳戴二將奉蜀黔二院嚴檄上緊援剿今賊欲斷黔餉道加街遊擊楊通霄奉本部院牌令見爲黔師前鋒本道已催侯良柱趙文進趙國璽游擊等兵合陳戴援剿請乞發餉催兵等因又據商冉二同知陳一龍戴來鳳中軍蘇迺各報二十八日川黔兵大勝

朱少師奏軍功

卷三

金

斬功甚多內一大頭目驗係阿烏逃長子首級陣獲犬馬一匹金銀刀一把又據陳一龍報據楊通霄加街恭將李之信與邦彥奢寅大戰斬賊首百餘級奪獲鞍馬百匹奢寅大敗走回龍場又據仁合路監紀僉事盧安世報閏十月二十六日差前鋒加街恭將張奏凱加街都司輩之字督兵過落紅河偵探與偽總兵阿金帶賊兵數百於樂用撞殺加街遊擊吳攀龍等斬賊級十四顆獲弩刀槍十九件藥箭四筒絮三床又報寅賊援西敗回損失數多等情又據盧僉事報加街遊擊晏可成

統兵攻打追至尖山馬嶺等處斬功四十三顆招降漢苗男婦四百一十二名口羅華發袁應朝招撫鹽井壩降民車應舉等男婦一百二十三名口逆寅一面修整水頭國點賞衝鋒有王月憲等約羅用家丁男婦一百五十房又據巡下南恭政王世仁報舒廷彩招降民游三游五王宗龍等犒賞於十一月初六日將奢寅坐鎮官劉文虎父劉旺殺死斬首級三顆招順民一百房各等情到職據此查得兵分五路業已大震兩省夾擊曾正奔疲此實羣庭掃穴執俘奏凱之機矣除卽刻定師

朱少師奏軍功

卷三

金

期切責五路將吏一齊進取龍場擒酋完局外前項功次合行揭報天啟三年十一月二十五日

飛報擒獲首兇以慰聖懷事

本年十一月二十九日據總兵官李維新監軍副使李仙品僉事劉可訓報奉令尅期五路進兵悉照指授道里日期方略行事去後本月二十五日申時據中軍領兵官飛報據降將胡世孝廖應選等至營報稱遵奉兩院道將諭帖間計商同賊目焦崇智傳紀符國清廖受讓余六羅向宸羅用沈奇孝宋朝臣曹于海周邦臣史

都者佐阿寅阿龍羅文元焦現龍謝顯貴謝君龍等於
王繼宗家歃血擒酋獻功贖罪被李遠達等透露崇明
父子擁衆負傷衝圍而逃廖應選等生擒李遠達廖應
聘斬偽監軍李惟鼎楊選等生擒偽都督蔡金貴王繼
宗等共擒崇明妻安氏偽總兵夜目官兒仍在搜山追
捕等情十二月初一日又據遵義道副使侯國飛報加
銜副將侯良柱屢奉密策又發家丁暗與王繼宗等定
約大購懸賞於十一月二十一日提兵殺入龍場鏖戰
自寅至申當陣生擒首兇奢崇明偽軍師蔡金貴并逆

朱少師奏疏

卷三

全

妻安氏斬偽相偽將首級千餘鞍馬槍刀無算其逆寅
中二槍扶馬而逃扶國正亦中箭逃箐官兵見在搜拏
等情又據該道報侯副將前報倉皇今親審各目供報
與王繼宗面質各偽將輸服無言仍有未獲頭目見在
搜捕但奢崇明中葉箭命在須臾斬獲功級尚未盡審
至於奢富奢宏走入崖下見在發兵擒剿等情爲照二
逆走險負隅依鄰衝突臣同按臣已切責五路道將酌
定道路尅期進取密發諭帖劄付多方間誘連會黔中
及時牽制如期夾擊務遵明旨速擒二酋廓清巢穴一

面報部外今據前情該臣看得逆賊奢崇明父子自遁
入龍場狡詐百出時而糾鄰四面衝突時而入穴莫可
端倪將謂有險可憑有鄰可助欲老我師乘間狂逞茲
者仰仗天威將吏戮力大兵甫入半就擒誅逆寅雖未
卽獲諒亦難逃天網今據各路塘報相同似無虛假除
嚴促五路官兵星火追捕逆寅與各逆目廓清巢穴策
應點師行事併侯道將解到諸犯質審獻俘獲功員役
查實的係何路何人另叙外合先飛報以慰聖懷謹題
天啓三年十二月初一日

朱少師奏疏

卷三

全

恭報蘭地情形與善後機宜仰祈聖裁以期安
懷事

先是臣切責五路將吏逼進龍場擒首掃穴又慮首黨
懼死負固多方曉諭令其遵旨擒首建功贖罪去後隨
據各路道將報官兵大集龍場得功有差降將胡世孝
王繼宗等奉諭擒獲偽都督李遠達蔡金貴及奢崇明
並安氏等臣恐元兇未得老師置財於是親抵戎行申
嚴賞罰道經大洲江門永安永寧詢問古蘭落紅大壩
新寨太平瀘衛一帶皆膏腴地也衛雖隸黔土實在蜀

今二酋造逆奉旨征討臣與按臣并道將文武不惜軀命聚五路之師費三年之力以有今日雖二逆逃奔境外尚未獻俘而蘭州疆土業已廓清矣蜀自遵義郡縣以來不以得土爲利翻以養兵爲累故譚及改流輒多蹙額但二酋造逆滔天連年血戰僅而得之卽欲仍置宣撫將與之誰人乎况永寧一塊土西自建武東至遵義三面而環之賊欲動則無處不可闢出而我設防則二千里之遙最難照應譬如人腹心肘腋之間去一虎可復進一狼乎當聖祖時天造草昧西南苗無不畏法

朱少師奏疏

卷三

允

故特就中設建衛所以通血脈徒用牙錯之義殊少彈壓之威浸尋至於二逆肆惡橫行已無天日在蜀以爲土司而寬其文網在黔以爲鄰苗而置之不較陰謀既久一朝驟發殺官戮民不啻刈草此亘古未有之變也尚可因循苟且不爲長久計哉以臣之愚忝之衆論咸謂當以赤水河爲界自河以東龍場一帶悉以與黔自河以西由赤水至永寧悉以還蜀就永寧城中設立道府與遵義建武互相犄角則呼吸相應聲勢聯絡用以彈壓諸苗保護內地計無善於此者若黔省以爲祖制

不肯更張則照黎平鎮遠之例蜀自郡縣黔仍衛所雖曰駢枝亦無不可臣不敢侈開疆之名以滋多事但審地勢參人情似不得不出於此惟聽廟堂之公論皇上之酌裁耳至於二酋業已無黨無家入險遠遁或旦暮擒縛或遲以歲月通未可知惟黔蜀唇齒利害相依屢據該省撫臣移會應援臣已發參將林兆鼎提兵一萬殺衝羿子猱羅等關直入大方該撫臣卽留合營臣又行令總鎮李維新搜捕事畢再發重兵應援外獨是蜀連年用兵公移俱置庫藏括而又括錢糧借而又借小

朱少師奏疏

卷三

辛

民之低僞未復膏血盡罄不戢自焚最爲可慮臣憂心如忼不能朝夕疆土旣清蚤宜確議一面設法將各兵漸撤以省民力臣謹會同巡按四川監察御史溫臯謨合詞上請伏乞皇上俯賜裁定勅部院會集九卿科道從長確議覆請轉行臣等次第料理奏報庶西南苗羿之地莫安於萬萬年矣謹題天啓四年正月初七日

塘報功大事

天啓三年十一月二十九日據鎮道報降將胡世孝廖應選等遵奉部院諭帖商同賊目焦崇智傳紀符國清

廖受讓余六羅向宸羅用沈奇幸宋朝臣曹于海周邦臣史都者佐阿寅阿龍羅文元焦現龍謝顯貴謝君寵等於王繼宗家歃血擒首獻功贖罪被李遠達透露廖明父子擁眾負傷衝圍而逃廖應選等生擒李遠達廖應聘斬偽監軍李惟鼎楊選等生擒偽都督蔡金貴王繼宗等共擒奢崇明並安氏偽總兵夜目官兒仍在搜捕等情十二月初一日又據遵義道副使侯國棟遊擊侯良柱報稱屢奉密策暗與王繼宗等定約大購懸賞於十一月二十一日提兵殺入龍場鏖戰自寅至申當

李少師奏疏

卷三

全

陣先擒首兇奢崇明偽軍師蔡金貴并首妻安氏斬偽將偽相首級千餘鞍馬槍刀無算其逆寅中二槍扶馬而逃符國正亦中箭逃等情又據該道報侯良柱前報倉皇今親審各目供報與王繼宗面質各偽將輸服無言未獲惡目見在搜捕但奢崇明中藥箭命在須臾斬獲功次尚未盡審至於奢富奢宏走入崖下見發兵擒捉續據遵義道稟稱當時倥偬止獲蔡金貴李遠達王承勲余五并首妻安氏等二逆中傷潛逃一時錯認誤報原未拏獲崇明等情又據各路道將報賊見官兵

大勢進逼賊黨奉諭立功贖罪生擒逆妻安氏大頭目李遠達蔡金貴等併斬李惟鼎首級來獻二逆負創奔逃莫可蹤跡臣以元兇未得於天啓三年十二月二十日直抵永寧監督六師申嚴賞格分別勸懲分佈各將士速進追賊外隨據總兵李維新監紀副使李仙品僉事劉可訓段師文胡平表知府鄭朝棟等報大兵聚集龍場探得逆首逃入水西莫得官見居六卜又據報稱避匿水頭竹中竹瓦等園箐本鎮奉本部院號令先發援黔兵一萬責令加銜副將林兆鼎總統於十二月十

李少師奏疏

卷三

全

五日自龍場起身前進水西一面追捕招撫莫得殺入大方會合黔師兵至水界驛子關苗驛守把難進矢石亂下是夜四鼓我兵銃砲齊發殺進關內斬功千餘跌崖死者無算據報逆寅同奢社輝母子俱在水頭一處逃躲兆鼎當蒙王軍門重賞花紅卽留大方犄角劄營共捕逃賊其各路奉令進勦者監紀僉事盧安世督仁合兵至叅政王世仁發加銜副將羅乾象督兵至遵義道監紀副使侯國發監紀同知商良弼推官李必達知州朱毅臣及叅遊陳一龍侯良柱各統大兵至於路招

降萬餘集會鄧懋官秦翼明秦拱明等逼近崖上崖下
奢富奢崇德親執手本下坡叩見投降獻血情願追擊
逆首道鎮各賞銀牌花紅勒令立限追捕具不致縱放
逆首漏網甘結又據張令屈國忠招出者務阿翁者及
等三十三名到鎮投見犒賞取結本鎮同各道將發兵
攻搜北洗法啟等處又報逆苗於十二月十三日到崖
下聽得苗目官兒要擒賊首建功免死逆即單騎隨帶
少童不知去向降民王二吐稱逆首用銀二十兩雇苗
子二人引路入大箐要由小道逃入烏撒鎮雄此時陳

朱少師奏疏鈔

卷三

奎

侯二將兵抵崖上集會各將協心搜捕又據二道塘報
察中峯營將官姚化民舒遐曹有才等兵追至黑苗寨
與黑苗接殺部斬苗級三十顆生擒十四名又據參將
范繼道報稱招出苗弁數千隨即安插自鐮刀灣九股
樹鎮西以至白崖層臺朱昌畢節百里各各貼然取有
不致逆賊逃匿甘結又探逆苗的在莫得地方藏匿又
報樊虎同逆妾馬氏胡宗祿阿弟見在鎮雄邊界母享
是實又據李總兵報稱發鄧懋官張學周雷鳴春劉養
銀張洪烈李仁貴陳善治張得勝李仙景親丁李棲鵬

李棲鵬等兵及仁合路張秦凱王正相并羅乾象統袁
葵等圍攻水頭圍至二十二日准貴州王軍門差人約
會本鎮住劄畢節扼七星關烏撒要路使兩省會合直
攻逆匿之處二省之難旦暮可平等因又據烏撒府差
生員楊文烈報稱擒獲首惡符國正監禁鹽倉另解各
等因到臣除遵照明旨頒懸賞格激勵將吏併論逆黨
但能獲賊一體陞賞外仍行鎮雄追捕馬氏胡宗祿樊
虎阿弟等又令烏撒知府安效良起解符國正到日照
格賞叙時按臣溫學謨慮懸賞不敷特捐公費贖銀二

朱少師奏疏鈔

卷三

書

千兩前來軍中犒賞鼓舞一時將吏歡騰無不爭先該
臣看得蘭境雖已廓清逆苗蹤跡難定然六百里巢穴
業已蕩平二三年巨寇頓爾解散逆苗羽翼既剪毋妻
不顧冒險窮奔苟延旦夕料惡貫之已盈而天網之難
漏矣除躬同道鎮文武率眾搜擒嚴檄各土司把截要
路擒拏報功仍酌量黔省機宜發兵應援兵數可汰者
漸行撤汰外至於投降苗目量賞花紅加銜鼓舞建功
之日准其安插復業安氏與李遠達蔡金貴等另行獻
俘外所有前項功次情形合先報聞伏乞勅下兵部一

體優叙施行謹題天啓四年正月初九日

塘報功次事

據監紀副使李仙品謝渭僉事劉可訓知府鄭朝棟總兵李維新據參將林兆鼎報稱職奉令督兵至大方於天啓三年十二月二十一日奉貴州王軍門委職坐鎮海子等處二十二日大方與賊大戰將職川兵撤至大方又於二十九日令職洗剿海子掃清畢節一路職於天啓四年正月初三日發牌聯結四衛良家子弟四十餘洞避難軍民萬餘初五日職同叅遊冉世烘張倫石

朱少師奏疏鈔

卷三

奎

孟功譚正脩譚正常黃朝臣等攻海子八堵等洞寨大戰斬苗級二百餘顆又據坐營劉宗良攻壩上洞斬功十顆據稱逆酋逃避水頭莫得法破正頂等國等臣即分道大發兵將攻洗擒拏續據鎮道報稱先發張令至大箐即招降比茄官兒覺其遊移果於初三日私逃水西屈國忠張伸等領兵趕至西地安撫斬比茄官兒并部苗一十二顆又於正月初八日起至十八日止本鎮會同監紀僉事盧安世知州朱毅臣及各路大小監紀分督各將張邦紘鄧懋官羅乾象劉養鯤侯良柱陳一

龍袁參李樓鳳等分頭圍洗法敵水頭莫得以翁勝等圍約定前後一齊大進銃砲仰攻水頭大岡險關三重秦翼明鄧懋官秦拱明張令姚化民陳善策朱一龍等尅破夾戰部斬裸羅二十餘顆墜崖跌死無數生擒裸羅二名俘獲男婦三十名口牛馬五十隻匹又攻破莫得箐有二賊遺下長槍三百有餘據降民口報逆酋止四人四馬苗紛逃往鎮雄等情盧僉事一路報奉令搜剿明白即抵水西擒賊依奉至遮勒竹中連日大戰斬功一百零二顆生擒苗羿十名俘獲男婦十二名口陣

朱少師奏疏鈔

卷三

奎

獲長刀弩箭長槍共八十二件簑衣二領盔甲絮被共十一件牛馬二十一匹隻猪羊五隻馬鞍一副遵義道據監紀同知商良弼報准侯良柱部斬裸羅首級八顆生擒逆寅親伯偽都督元帥者卧即奢崇輝偽都督崇明親枝長經歷偽總兵奢史都偽叅將矮老虎賊奴陳元等四名跟隨崇明妻安氏繡女么妹小么妹阿三妻等七口偽丞相張向極妻王氏偽都督王承勳妻劉氏當陣督獲逆寅父子自披黑虎古甲一籠黑虎野猪皮古甲一籠九龍古甲一籠金絲紫欄逆寅自掛金長刀

一口金銀銀拖泥長刀三口銀包左插小刀一把逆賊自騎戰馬十三匹二龍皮轡嵌銀馬鞍一副嵌銀轡頭一副陣獲槍弩七件又據監紀推官李必達報准陳一龍督部將王尚明等連日依會令哨攻圍大戰部斬猓羅苗三百一十五顆獲長刀標槍器械三十二件馬五匹戴來鳳督鍾成器奉令招出水西偽侍郎羅擢魁宋之臣焦林等六十餘尸驗明安插河梁莊又據遵義道報將降將王繼宗扶國清等八名家口降民二萬餘名口安插近地二月初三日據李總兵報奉臣牌過河

朱少師奏疏鈔

卷三

七

後於正月二十四日發張令鄧懋官劉宗良秦翼明李仙德等各統兵前去客仲卧魚河料官崖翠子等關一帶擒獲逆酋仍諭各將如黔兵在大方即去會合夾攻完局若已退去即偵探明白仍轉聽令據張令等擒獲西賊苗目阿么到職審據降苗報稱黔兵已退大方眾議黔兵既已退去糧米不便難以深入撤兵回營聽令據此本職復回馬鈴諭令朱一龍周良材李効忠等各率所部官兵把守河口又於二十八日分發張令同秦遵標桿等營官兵由務廠出層臺至畢節與胡僉事林

范二將會合各等情到臣該臣看得大兵搜洗囤箐已出水西界上數日矣而逆兇匿遁無蹤且大方之師既已撤退蜀兵亦不能再過畢節除將崇輝等及甲馬刀鞍發按察司聽候獻俘臣已張示懸購烏鎮水西軍苗嚴拏逆賊其斬獲之功俱候另叙外理合報聞伏乞勅下兵部案候一體叙錄施行謹題天啓四年二月初七日

塘報功次事

臣准黔撫移咨頒發李總兵至畢節夾攻擒賊等即飛

朱少師奏疏鈔

卷三

八

檄監紀道將乘勝渡河搜捕逆酋與黔夾攻去後天啓四年二月十九日據監紀副使謝渭僉事劉可訓總兵李維新報正月二十四日分令參將張邦紘守馬鈴盧僉事同羅乾象守鄂渡本鎮親督各將過赤水駐師層臺會同僉事胡平表集議西日普窩阿體俱是水西大頭目各統苗萬餘若不勦除必為我兵後患即發參將范繼道林兆鼎秦翼明各督所部兵殺至畢節時普窩率苗正打南山洞將應襲劉相等數百人煙爇將死聞大兵統砲解圍逃回二十六日分路攻打普窩大圍范

繼道部下發中軍周繼先等攻南山小路楊時芳等進
水田壩陳世本等進得勝堡胡僉事監本部兵從前路
攻上林兆鼎督經歷張萬該雷安邦等出木犀關觀音
橋包截五路奮勇圍打兩日范繼道部下斬功六十一
顆牛馬十四隻匹將新舊衙門五十餘寨盡行燒燬明
可道等斬首窩大頭目罵色夜扶阿里扶者等八名生
擒大口卜目耶遮二童者黑其意古俱解胡僉事斬訖
二月初二日林范二將攻打阿體羅尚文生擒猓賊一
名鞍馬一副斬功五十一顆追至烏撒界內抵朱昌洞

朱少師奏疏鈔

卷三

完

大壩左所老塘黑張等洞彼往苗民何官劉華等軍屯
俱來投見諭以朝廷恩威無不感服秦翼明督郭起柱
等攻雞廠孫家舖海子共斬功二十八顆生擒一名林
兆鼎自正月二十六日起至二月初四日止攻普窩阿
體二洞及阿五寨架納海子哨等處共斬功一百四十
一顆刀槍標弩挨牌三十四件生擒男婦六名口牛馬
二隻匹胡僉事會合諸將議黔中音信不至又經深入
三日之程糧餉難運初五日議留偏將陳士鳳朱三鳳
揀兵四百餘名坐鎮海子聯各洞寨把截水西要道胡

僉事同秦翼明張令先行林范二將斷後從小路殺回
苗寨於層臺小道及關王扁阻截范繼道兵陣斬六十
一顆馬九匹又至五里溪後槽斬功六十二顆馬十二
匹生擒六名得獲弩槍十七件陣獲尋甸府通判關防
一顆摩尼所百戶印一顆俱全軍徐徐撤回赤水本鎮
責令衆將各照信地把截各等因到臣該臣看得大兵
發過畢節直抵烏撒海子攻破二回斬功疊疊第我兵
深入而黔信不通久頓乏糧只得全軍而返除功次行
監紀道紀錄印信類報解獻外理合報聞伏乞勅下兵

朱少師奏疏鈔

卷三

百

部案候一體查叙施行謹題天啓四年二月二十八日
震鄰可虞固圉無措伏乞聖明速集廷議酌處
兵食以救貼危事

臣自天啓三年十二月十五日發叅將林兆鼎領偏裨
陳善策周良材冉世烘仇可陟譚正脩等統兵一萬殺
透界子猓獯目得等關徑抵大方投見黔省撫臣王三
善當蒙重賞命爲前部本月二十九日奉發洗通畢節
等處天啓四年正月初五日行至海子攻打八搭寨斬
功百級臣入永寧分發大兵掃清各岡箐間准黔撫移

杏乞發李總兵連至畢節兩下夾攻擒酋完局等因隨
發總兵李維新俞事胡平表督兵二萬仍督同林兆鼎
范繼道等直進畢節各將屢報獲功有差臣目擊蘭地
業已廓清援黔已無餘力適叙瀘副使李仙品已承新
命徵取安綿副使謝渭協同俞事劉可訓知府鄭朝棟
等官分頭大張告示安置降苗乘時務農仍將生儒耆
民篤賞鼓勵人心惟然俱來復業林兆鼎又護送副使
張起鶚至於永城臣隨於正月二十四日仍出納谿至
二月初一日准貴州督臣楊述中咨稱黔師直抵大方
朱少師奏疏鈔 卷三 重

逆賊糾結烏撒烏蒙苗衆邀截失利黔危岌岌事在然
眉遵義比鄰亟應調取應援煩檄遵義道速發精兵萬
餘名選能將督領星馳前來應援等因到臣爲照黔撫
屢戰大捷直入大方水西已有垂滅之勢惟是狡酋僞
爲聽撫以老我師其實四面埋伏邀阻歸路官兵苦戰
乏糧其氣自沮雖經移會協攻乃黔師已於初三日徑
從西溪撤退難免遽起道路隔斷蜀兵在畢節聲息不
通無可爲計今准前咨除一面飛檄大將李維新等兵
相機撤退卽刻差官馳赴遵義發監紀副使侯國督統

遵桐見在官兵陳一龍戴來鳳鄧朝用趙文進等及一
切偏裨揀選一萬應援外隨於二月十三日據總兵李
維新胡俞事等塘報官兵前進畢節頗有新獲黔兵久
離已廓清二逆尙無蹤影本擬草結一局用購擒酋而
不意黔省大兵頓爾失利大羊狂逞風鶴皆驚豈惟震
鄰業且剝膚蜀中無米爲炊已經二年強弩之末不穿
魯縞如臣庸愚更難措處除行各道鎮將揀兵嚴加固
守相機行事外理合疏聞伏乞勅下兵部作速將黔蜀
事體從長的議亟選將材措置兵餉以固危疆而救殘
朱少師奏疏鈔 卷三 重

黎地方幸甚謹題天啓四年二月二十八日

廓清蘭土生擒逆黨得獲印信夷器循例解獻
以彰天討事

臣惟蘭酋作逆經今三載解圍復淪已經俘獻外嗣後
賊倚藉鄰夷恣肆跳梁東衝西突日無寧晷仰藉皇上
威靈閱部籌畫文武諸將吏勉從事業已攻取永寧
掃清巢穴散各夷合縱之勢開洪荒未取之區蓋捷伐
克煥於中興而展闢有光於前烈矣自天啓二年九月
至天啓四年二月陸續據監軍紀功叅政閔夢得吳國

仕王世仁副使李仙品徐如珂謝渭侯國僉事劉可訓
段師文胡平表盧安世知府鄭朝棟總兵李維新各報
據叅將林兆鼎范繼道秦翼明羅乾象劉養鯤秦拱明
鄧懋官張邦紱侯良任守備李必茂等大小血戰百有
餘場當陣生擒偽都督元帥奢崇明親支堂兄奢崇輝
奢史都長經歷矮老虎崇明妻安氏偽經畧李達達蔡
金貴妖首張尚義等斬獲水西偽大都督魯仲賢等首
級及永寧宣撫司與各衛所印信并違制夷衣甲器物
偽造印信關防前來俱發按察司監收覆驗審明開報

朱少師奏疏鈔

卷三

三

到臣該臣會同巡撫湖廣提督軍務都察院右副都御
史薛貞巡撫陝西贊理軍務都察院右僉都御史孫居
相提督軍務撫治鄖陽都察院右副都御史蔡復一查
有得各犯或係親枝爪牙或係四外亡命糾連構煽共
創僭元改號之謀屠戮焚燒不顧血海骸山之慘罪在
不赦法當俘獻若候擒獲二酋併解多至庾死何以正
法除汪澤遠王有貴駱文奇等一十七名俱係偽授總
副叅遊等逆犯與曾之綉女么妹賊婦王氏等八口逆
犯張彤母女幼子途遙難以盡解擬行司道再加覆審

就近正法發落各據申報監故曾諱七等一百八名俱
徑行戮屍懸示外崇明嫡妻安氏堂兄奢崇輝俱於解
到三日前後相繼身故查安氏苦勸其夫保全多命既
被創死合免起解至崇輝曾投偽都督逆實呼為皇伯
團城殺人罪大惡極今雖速斃仍應剝屍梟首傳示九
邊以為不忠者律所有生擒崇明親枝偽都督偽經畧
軍師元帥偽總兵奢史都長經歷李達達等二十五名
如法肘鎖差叙州府同知瞿文簡守備武登華等押解
關下及將剿獲印信刀甲夷器鞍轡偽印等物同封併

朱少師奏疏鈔

卷三

三

交本官隨本進繳伏乞勅下兵部議覆并偽印偽勅曆
日劄付等件付內庫交收奢史都長經歷李達達等行
法司會審覆請正法汪澤遠等容臣會同巡按四川監
察御史會審就近發落徑白具奏其西目魯仲賢羅奇
蘭賊夏景雲章守謂等首級仍應剝碎用示反叛之戒
謹題天啓四年四月十一日

善後勢必留兵援鄰不能楊腹懇祈聖明俯留
年例起解錢糧再賜發帑以救遐荒事

蜀自授遼之役帑藏盡那復用兵三年公私一洗劫強

括指幸而蘭土廓清然善後之兵勢不可缺而遵義永寧兩處地界水西匪獨購奢實以遏安故留兵總共五萬僅僅布置尚覺不敷臣檄副使謝渭參議劉可訓食事盧安世胡平表與遵義下南叙瀘各道并總兵李維新等酌量地方險夷酋之出沒或修城繕堡以固地方或列燧置烽以防衝突自黔撫王三善被陷以來雖二賊未敢出犯而報時傳人情洶洶臣以病軀勉強申飭或不時出哨或懸金用間兵雖守猶戰也川中構難前後蒙皇上發帑一百六十萬有奇爲數不少然臣奉

朱少師奏疏鈔

卷三

夏

命總督以來所得帑金與南京戶部料銀湖廣兌解餉銀合而計之總止三十三萬二千二十五兩而已見經委官盤查計日可以冊報其餘皆那借川中起存正項以供五路之師間月一給罔敢糜濫頃者黔局頓損國威頗傷非大加懲創無以扶體統而服夷方西賊地廣窟深非厚積兵力無以彰捷伐而擒首惡况諸鄰苗懷同類之悲懼及腹之勢陰施陽設尤費調停今善後之餉久缺接黔之旨新臨當民窮財盡之時決無神運鬼輸之法及查川中各邊自援遼揭蘭括借以來欠餉百

有餘萬去年十二月松潘諸苗公然燒劫入堡殺人劫財梗道不散戍卒以無糧每每逃去建昌以通滇苗獮窺伺環聚四十八洞寨屢屢出劫殺官屠卒聲言出犯目下道阻不通見在抽兵指餉遣官策應據道路之口多云萬曆四十二年內撫臣吳用先同總兵劉綎等拮据兩年始得寧息各將士竟不酬叙以致莫肯效死將來光景尤不可測近見樞臣條議令蜀中固守永寧防禦遵義且謂各省應解錢糧許借留協濟應用此誠救急良策臣謹會同巡按四川監察御史溫臬謨合詞

朱少師奏疏鈔

卷三

夏

上請伏乞皇上洞燭蜀苦軫念危疆兵旣富留食尤難缺俯將天啓四年分加派地畝與應解油漆茶蠟銅錫生絹藥材及協濟陝西黔楚等項銀共三十二萬兩零免行起解專留蜀中權餉遵義永寧見在防守五萬人一口仍祈慨發帑金數十萬兩以便增兵救黔剿賊至於建昌松潘容臣審勢料理務求杜息夷患救寧邊土其已往賜剿之功似應查勘以勵後效乞勅戶兵二部速爲覆議上請轉行臣等遵照庶兵得宿飽守則固而援則力西南半壁期保乂安而臣亦無臨渴掘井之苦

以早報命矣謹題天啓四年四月十一日

五世孫源星校刊

朱少師奏疏鈔卷三終

朱少師奏疏鈔卷三

夏



朱少師奏疏鈔卷四

督蜀疏

恭謝天恩事



欽差總督四川兼制湖廣荆岳鄭襄四府
府軍務策應緩急督理糧餉兼巡撫四川
部左侍郎兼都察院右都御史臣朱燮元謹奏為恭謝
天恩事天啓四年二月初一日准兵部咨為蘭巢既揭
等事該浙江道御史張訥題前事本部覆奉聖旨是川
貴揭巢解圍各官勤勞日久功當先叙朱燮元加右都
御史兼兵部左侍郎照舊總督欽此備咨到臣准此臣
具為叩恩逾分抱病滋深等事疏辭接即報本年三月
十六日奉聖旨叙功加恩已有成命宜即祇受不必辭
著舊尚遵黔復告急還用心料理兵事以副委任該部
知道欽此欽遵臣即於五月初三日恭設香案望闕五
拜三叩頭謝恩任事訖切念臣賦材疎劣抱病纏綿戎
事婆娑備嘗危險之苦簡書鄭重彌深淵冰之虞邇者
蜀土既清蘭穴盡掃元克走險幾同遊釜之魚鄰警忽
聞復作負嵎之獸局轉變而轉大時愈久而愈難如臣

庸愚詎能措置顧量已溢而寵則存加辭雖懇而情未
獲允秩陪總憲謬叨異數於崇階職任專征濫荷重權
於外岡福既逾分顛蹶可虞位非其人悚皇特甚臣敢
不勉矢愚鈍圖報涓埃雪耻除克事必期於完局救焚
拯溺誼更激於同仇謹力疾以拜恩容瀝情而再控臣
無任感激屏營之至謹具奏聞天啟四年五月十三日

左道惑衆倡亂魁黨旋報就擒謹具疏上聞勅
行嚴治以弭妖氛以杜亂萌事

該臣看得邪教之禍發遍海內而蜀中各賊獨先發大
朱少師奏疏 卷四 二

難之端簡州邛州一帶則黃楠等首倡綿州潼川一帶
則劉明選方代洪彩等勢更猖獗甚至偽榜偽印擅改
偽號公然聚衆圍劫州城幸州衛官一時擒斬獨明選
脫逃助賊倡亂今經擒解禍本已除其餘黨羽物故者
多若許其山雖係同黨實非首惡姑以爲從擬徒亦足
示懲矣明選母范氏年逾七十相應釋放至於原題所
未及者如甘聰御胡萬明之集衆千餘或城中謀爲內
應南川之白仙臺等達州之唐學等遂寧之宋宗吉等
仁壽之梅子然等并研之管梁選等榮縣之劉孟奇等

定遠之周之成等安岳大足之梅大等眉州之妖婦鍾
氏燈黨白之行等合州之查茂良等江津之劉顯才等
募定之劉可厚等重慶之鄒曰茂等遍布黨羽實繁有
徒所獲紙人紙甲併妖書偽檄等項皆証罔大逆法所
必誅臣等遵奉功令嚴行保甲皆隨起隨滅相繼誅戮
人心亦以漸定虐焰自是可息矣既經招詳前來理合
具題伏乞勅下該部再加查議覆請轉行臣等遵照發
落施行謹題天啟四年五月十三日

議留陞任賢能將領莫安地方以愜輿論事

朱少師奏疏 卷四 三

據四川按察司呈詳到臣據此爲照建昌參將陳廷對
掌印都司周官一以建南相嶺滇道疏通番猥軍民相
習畏服行旅無恐該道以乞賜題陞留鎮諸一以省會
保障修濠繕器官軍士庶及藩府以賢能二司以留任
諸臣豈不知爲地方留二官以安內攘外爲心然題留
將領誠爲撫綏至計第恐冒侵撓之嫌二官不無抱維
谷之歎今准按臣移會到臣該臣會同巡按四川監察
御史溫臯謨看得建南番猥跳梁爲害巨測而相嶺瀘
沽一帶尤爲要害原任建昌行都司食書題加參將照

舊管事今改廣西永寧參將陳廷對轄畧素裕保障有方自任事以來道路疏通番猺畏避滇蜀行旅人人見德此真寒績儉粟不可一日離地方者也查得越嵩原係總鎮駐劄之地自黃守魁遇變之後兵戈倥傯一向虛位卽今蘭土掃清大將未能遽移合無以本官加陞副總兵駐劄越嵩仍兼操捕事務自會川起至大渡河止相沿一帶俱聽料理節制一切地方苗情一併責成本官至於增置俸薪柴馬門皂等項應用俱聽該道另議庶本官益感激思奮而所裨危邊亦不細矣至於原

朱少師奏疏鈔

卷四

四

任都司今陞參將周官持已冰霜令寒刁斗錦官承亂之後緝奸訓練濬濠葺城治器實伍勞瘁委屬不虛又能約已奉法不但衛所官軍懇留情切卽藩王亦爲地方請留查本官之轉永寧廩給供餼出自蘭之土司隨從等項俱係雜流應役今廓清草定無從編派衙宇燬燼銜位若虛合無姑候事寧大將議更之後另爲請設參將本官以新陞職銜仍管都司事務誠有如按臣目擊時艱之確論也理合具題伏乞勅下兵部再加查議覆請將參將陳廷對加陞副總兵職銜仍舊管理操捕

事務鎮守瀘相一帶其原陞廣西參將員缺聽另推補用官以新陞參將職銜仍舊管理都司事務其原陞之缺俟事平總兵更議之後另行推補庶於輿情地方大有裨益矣謹題天啟四年六月初八日

臣病沉篤萬難供職乞恩九放免代以無俟封疆事

臣至愚極陋無足比數仰荷皇上知遇二三年間恩寵渥加卽肝腦塗地不足以報萬一乃不幸力小任重禍過災生二豎之崇漸入膏肓前五月初三日因控辭未

朱少師奏疏鈔

卷四

五

允力疾起拜新命方日夜會集道府酌議兵食計圖購蜀寇而剪鄰氛汲汲孜孜不敢少寧乃六月初五日甫退後署忽然暈絕門下官李必成等集醫馬士炤劉嘉相等灌救藥俱不受至初六日天明始少甦而左手左足俱不能動履蓋已成廢人矣夫臣子報主惟此一身今方疆場多故羣夸窺伺之秋猥以臥病不起之身濫司節鉞其何以肅號令而彰捷伐臣卽不懷性命之憂奈何可貽疆場之累年來蜀境已清二逆潛遁臣豈不欲勉強旦夕以俸成功而無奈病勢沉篤何也爲此披

歷上請萬非得已伏望皇上立賜休致速選才望委任
仍乞憐臣病篤特准免代俾臣得尚存一息生出夔門
仰戴高厚豈有窮期臣無任激切待命之至謹奏天啓
四年六月十八日

恭報建南情形併議剿撫機宜查奏始露官員
以安邊圉事

天啓四年正月二十二日據建昌道詳報熱水苗人白
歪報說有僧兩人假名募化通同奢賓妻兄苗目安世
咱爲叛遂將世咱擒解到道轉解前來臣令譯者面加

朱少師奏疏

卷四

六

細審與二逆聯姻是的通同之情不肯招承暫發瀘州
羈候至二月初九日沈渣桐槽熱水等處叛苗咱聚燒
劫南山砦等處該泰將陳廷對率兵至乾海子斬級五
顆奪回男婦牛豬給主訖至十三日苗賊復出廷對止
帶團操百總周文魁家丁四名併僕二人前至鄧家壩
各苗四路齊出廷對身受兩箭折齒破舌周文魁被砍
一刀被射一箭各家丁俱中箭殺出重圍五月初四五
等日建昌道調刺兵鵬勳擒捕不意行都司譔聽用苗
攻苗苗兵在先官兵繼後入苗菁三日之程深入拖卜

苗巢人困馬乏忽被苗賊內外衝突陣亡名色千總張
其業黃可進廖應武任守同等官兵二十餘名各陸續
呈報到臣卽馬上飛檄上南道僉事錢時於就近衛所
調取守備葉達枝土官馬應乾等會遊擊陳謨率兵一
千五百名前去協防又於永寧善後兵內揀撥將官羅
文才羅運龍鄔廷高兵五百名兼程前去同陳廷對陳
謨等酌議撫諭開通道路及行布政司發帑措辦軍火
器具一面行按察司查究失事員役隨於善後勢必留
兵疏內上聞七月二十九日據建昌道報稱桐槽熱水

朱少師奏疏

卷四

七

黑林等洞蠻苗見本道內多集兵廣屯糧草卽命書羅
文才等大兵繼至分懸臣大字告示以示必勦於是苗
目安友衣襟衣脚嚕租等三百餘名懼勦伏地請死剝
狗殺牛鑽皮頂經木刻情愿護守相嶺瀘沽越崑崙山
一帶地方獻出擄去人口牛馬財物及稱桐槽熱水爲
諸洞之冠今已就撫地方必保無虞等因到臣該臣看
得苗性犬羊叛服靡定自萬曆四十二年前任撫臣吳
用先督同總兵劉綎鵬剿之後道路清寧雖經總兵黃
守魁之剝削奢安諸夷之叛亂而建南一帶獨爾無恙

總由威令之素行也今年四月內忽報諸夷闕然而起
臣甚驚訝一面發兵應援一面差官撫諭據報六月初
三日起至今羣苗聽撫道路已通詔使按臣等俱相繼
入滇矣及查官兵被殺屯堡被劫關係邊防實非細故
燕爾犬羊何所屬屢若非勦數洞以示國威其勢決
難經久卽蜀在今日亦非無兵之患獨是師行糧隨實
根本至計自雅州抵建昌爲程一十三日近該錢僉事
給銀督運百計調停所發四千人尙慮不支而欲多集
兵將深入險阻積日累月孰爲供應况鄰警方熾通兇

朱少師奏疏鈔

卷四

八

未獲永寧遵義兩路聚兵連餉公私之力已竭而又添
建南一路此殆必不可得之數也臣再三思維撥行道
將責令獻出首惡盡還搶掠從權撫定一面查補虛伍
脩飭營壘起今殺戮多積糧餉譬如治病先固其元氣
仍將前後所發兵四千分布要害申以威信使各苗保
再不出犯卽與相安可也若其乍撫乍叛狡獪莫測然
後疏聞議勦亦似未晚至各苗之變必有激而起臣據
道路之口皆云羣安世咱以至蠢動臣譯審世咱雖與
奢氏至親原非要緊頃日認守有年構逆無跡既今聽

撫宜子寬政體差材官臣榮耀將世咱押發該道聽其
酌量釋放外及查建南一帶額設防兵九千五百九十
名而屯軍在外臣自出關未嘗撤調一卒而一遇有警
輒稱無兵者固由糧餉之不敷亦因措置之未當該臣
謹會同巡按四川監察御史溫學恭參看得四川建昌
道按察使張邦翼本期杜疊反以敬爭如安世咱係奢
賊至親擒之以杜勾連未嘗非綢繆之計而不意諸苗
遂以借口諸苗平日最畏刺兵故調之以協勦而不意
刺兵反戈以致挫損計雖切於固圉變忽起於肘腋指

朱少師奏疏鈔

卷四

九

据任事之勞實有可原而誤聽輕動亦似有不能解者
既奉明旨降級毋容再議至於建昌掌印都司吳國輔
疎而喜亭關以償功初既輕舉以激苗繼又妄調以失
律無事則縱橫自肆聞變則縮朒不前損官劫屯誰咎
之屬邊疆重地可容再壞乎參將陳廷對平時雖有控
禦之聲聞變忽蹈張皇之失威重既損號令不行直待
臣差官到而各苗始出效順亦自不能逃罪但自來軍
民相安行道感激一時偶誤情尙可原理合一併具題
伏乞勅下吏兵二部再加查議上請如果臣言不謬除

按察使張邦翼奉有明旨降用外將都司吳國輔重加

降處員缺另行銓補恭將陳廷對姑貴令策勵任事庶

失事邊臣知警而於重地大有補益矣謹題天啓四年

九月十六日

五世孫源星校刊

朱少師奏疏鈔卷四

終

朱少師奏疏鈔卷四

卷四

十

朱少師奏疏鈔卷五

督蜀疏

寵命難承危病匪假乞恩辭免特允禩放事

欽差總督四川兼制湖廣荆岳郎襄四府陝西漢中一
府軍務策應緩急督理糧餉兼巡撫四川等處地方兵
部尚書兼都察院右都御史臣朱燦元謹奏為寵命難
承危匪病假乞恩辭免特允禩放事臣惟國家名器不
可濫膺疆場倥偬難以卧理以臣庸碌本非軍旅之才
謬司捷伐之寄仰藉皇上威靈平蜀搗蘭粗有頭緒而

朱少師奏疏鈔卷五

卷五

一

不意黔事中變元兇被匿局而愈遠措置維艱臣晝夜
徬徨舊疾日加形骸僅存喘息幾斷忽于五年正月初
八日接兵部咨奉聖旨川兵已有成功朱燦元准加尚
書職銜設官守土善後事宜并具奏施行援黔派餉等
項都著從便斟酌錄首功恤死難卽與查行該部知道
欽此又接邸報天啓四年十二月初三日該吏部題覆
為備述川土用兵等事奉聖旨朱燦元陞兵部尚書仍
舊總督川湖等處地方欽此欽遵臣當設香案望闕叩
頭外竊念涓埃未效顯秩游加摩頂放踵豈其敢辭但

麗鼠之技已竭狗馬之疾滋深自去冬至今視聽俱昏
飲食少進手足強半不仁文移盈案未決卽欲覲顏尸
素其奈疆場何蓋臣行年六十蒲柳業已經秋臨戎五
年形神爲之並敝難勉事醫藥而日就沉頓叨恩過厚
報塞不前有心無力臣之命也每惟明主可爲忠言輒
敢披瀝實情仰天呼籲伏望聖明特准辭免新命卽予
休致速簡才望大臣前來交代俾臣得生歸里門一瞻
衰親卽捐棄重泉鄙結何已爲此具本奏聞伏候勅旨
天啓五年二月初四日

朱少師奏疏鈔

卷五

二

蜀難旣清蘭穴盡掃謹叙文武功罪以示激勵事
蜀自天啓元年逆賊奢崇明父子計乘調援陡發大難
慘殺多官占據重慶因而攻圍省會虐罔滔天仰仗皇
上威靈殺賊敗逆督臣張我續整率兵將恢復渝城擒
斬首叛逆賊臣亦移駐叙府督兵恢復叙南建武瀘納
仁合等處俱督臣張我續具疏獻俘併將各路文武功
次叙疏上聞外嗣後六七月間官兵進取忽有江門等
處之失督臣奉命援黔解維東下盡以蜀事付臣是時
賊雖在巢而糾結水西烏撒諸苗爲之羽翼加以都都

卜昏楊保舊民並起響應左衝右突曾無寧日西自建
武東至遵義二千餘里之遙處處受敵應接不暇臣與
按臣張論晝夜徬徨相與會議以僉事劉可訓馬湖府
知府鄭朝棟同知今陞僉事段師文推官今陞僉事胡
平表悉衆遊張邦紘范繼道加銜將官潘映奎王懋官
等同任長寧建武二路以叅政今陞左布政閔夢得副
使今陞偏沅巡撫李仙品率叅將林兆鼎加銜將官鄧
懋官劉養鰲等同任納谿一路叅政王世仁副使今陞
太僕寺少卿徐如珂率將官羅乾象薛來衍譚大孝王

朱少師奏疏鈔

卷五

三

元第馮世修等同任仁合一路叅議趙邦清僉事盧安
世率副將沈崇極秦衍祚加銜將官侯良柱鄧朝用等
同任遵義桐梓落紅一路叅政今陞按察使吳國仕率
加銜將官陳一龍趙文進駱麟等同任遵義綏陽一路
嗣有陸續改委安綿道副使謝渭入永寧重慶府推官
李必達入綏陽同知商良弼涪州知州朱毅臣入桐梓
夔州府推官蔣化龍同知劉鼎新入仁懷後遵義道副
使侯國知府胡悅安俱新任至共集兵十六萬有奇又
陸續委原任叅政陳龍光吳光義副使赫奕僉事錢時

叙州府知府劉澤大重慶府知府余新民同知翟文簡
王國治劉國藩通判梁文奕馬湖府陞任推官周嘉誥
達州知州黃立言正安州知州楊汝昌蓬州知州商之
夔南川縣知縣韓應龍綦江縣知縣鄒昌魯筠連縣知
縣岑昌輝西充縣知縣程士升永川縣知縣張堯揆安
岳縣知縣趙民戴梁山縣知縣周維軫汝寧縣知縣耿
堦等分督五路餉務部署甫定賊率大衆於九月十七
日突犯長寧守將范繼道先鋒馬湖營領兵官張才等
望風奔退獨原任富順縣縣丞葛盛德率五百人血戰

朱少師奏疏

卷五

四

殺賊頗多旋俱阻沒賊遂徑趨建武守將張邦紘同知
府鄭朝棟以糧運不到先期撤出賊見城空遂於九月
二十日徑趨高縣市中已無叙府矣適僉事劉可訓聞
兵到縣提臣所付令劔謂衆將曰奉令堵賊我死於此
有言退者斬於是衆將懾服而鄭朝棟所統王懋官等
張邦紘所統周良材等兵俱集遂列營高家壩扼險樹
柵凡賊所用奸細廖文瀚等百餘輩無不擒戮又遣驛
差姚化民募死士夜燒其營壘三十五所二酋睥睨四
奔及旦屢屢窘挫至十一月初七日夜間遁去可訓使

曹有才周良材姚化民李忠孔全斌等分路追之通共
斬首三百一十七顆救回被擄男婦五千四百名口盈
甲鎗刀一百四十二件方相持高縣之時臣慮賊勢浩
大令中軍魯美中守備李必茂魏民望等率兵於沙河
策應一面馬上密檄納谿仁合遵綏各路共搗其後參
政閔夢得李仙品等遣副將劉養觀等率輕騎直殺入
宋江橋擒偽總兵楊選妻女追首小妻馬氏不獲焚其
營舍斬功一百二十九顆遵義府城自推官馮鳳雛死
難久爲賊據至是參政吳國仕率任國瓚陳一龍趙文

朱少師奏疏

卷五

五

進路麟等於九月十六日敗賊扶國正等再爲恢復至
十一月十三日賊又忽出納谿先鋒李績戰死鄧懋官
左營千總余騰龍斫柵先逃鼎彝堊江魚之腹其餘被
賊四面圍定參政閔夢得副使李仙品發張令秦國倬
等救之賊散而復合直至二鼓發勁兵過河衝殺嚴圍
始解次日秦翼明兄弟同秦良玉統兵俱至兵勢復振
賊又於十二月十八日轉攻栢楊國黔中守將楊通鑑
禦之與戰數次賊俱敗遁原任綏陽縣知縣任龍率驛
驎王王尚明度朝榮等接應賊渡江而走斬功二十九

賴僉事趙邦清督侯良柱等出大路攻克大灣石寶窰坪一帶斬惡目石良三父子陸續招降羅安良安鑾趙國璽雷震乾等共一萬一千九百名口盧安世率沈崇極秦衍祚等由小路攻克竹瓦一帶洞寨招降羅一相簡維仲等多家是時大將李維新到任住劄納谿會同二道用劉養銳計使降將鄧价等於十二月十九日直搗葛石壇斬級一千五百一十五顆生擒七十六名口招降大苗目喻劍毋繼先等七百名馬二十四匹槍刀弩絮三十三件天啓三年元旦養銳全張令等又夜進除斬功六百九十七顆焚寨外擒其偽總兵喻聯芳而出初九日賊又衝出仁懷羅象乾薛來衍等戰於小峰壇斬其頭目阿興等共二百九十一顆奪馬四十四十一日范繼道出底蓬擒賊吳啓正等二十名十二日知府鄭朝棟推官胡平表分發潘映奎周良材等攻打都都下各苗共斬賊級三十四顆生擒三十六名馬四匹槍刀器械三十八件各苗俱用木刻拜伏乞降五寨悉平乃旋師至二十四日賊統大眾分兩路突犯長寧鄭朝棟胡平表與土通判李泮王鼎等分頭血戰追殺十

里次日再戰於竹洞水劉僉事率張邦紘等移營策應共擒斬三百六十七名顆槍刀甲絮二百一十二件放回被擄軍民二百九十五名口二月初六日范繼道移兵仙人庵賊忽奄至僉事段師文揮刀率各兵憑高對擊斬級十四顆生擒一名材官孫世信毛民望戰死十五日羅乾象率譚正脩譚正常土官覃寅化等與賊大戰恢復仁懷土城等處斬首二百三級僉事盧安世同沈崇極秦衍祚張奏凱舒洪烈等由陶竹壩進據落紅口屢戰屢勝擒斬六十六顆燒賊御營及羅何宸等房一百六十餘間刀槍器械三十八件馬四匹招降羅華王正相等四千九百六十名口十七日賊大眾又出仁懷前鋒馬邦瑞求援不至遂被擄薛來衍血戰負傷適奉政王世仁督參將鄒蔚然等援至賊乃退去十八日總鎮發標營盧世卿兵屯象嶺賊四面驟至不戰而潰賊見稍利又於二十七日糾步卒七八萬馬兵二三萬復犯長寧戒其部下入營就食入叙受賞虐焰肆張山谷俱震是日胡平表鄭朝棟土通判李泮等共連絡結營叢沙剝木與賊對打到可訓同范繼道等各盡發兵

應援賊遣精卒數千從下流包截放水衝之湔沒幾盡至午後平表開柵大呼挺槍先出部曲隨之各營併力賊遂大敗當擒偽監軍李梅斬賊級六百四十七顆生擒五十八名獲馬三百餘匹刀槍盔甲器械七百餘件湔死殺傷萬餘守備衣可成斬一頭目獲舊鎮守四川總兵印一顆賊父子相失各埋草間夜分遁去死者述者不計其數二賊計無復之又釐金帛借水西阿烏迷馬步兵八九萬先犯遵義安羅二村守將侯良柱陳一龍等俱潰賊旋至落紅口盧安世所督將官張奏凱等

朱少師奏疏鈔

卷五

八

亦潰臣思我兵分爲五路每路又分四五處馬步衆寡之勢委不相敵乃乘賊間密囑衆政閑夢得督鄧懋官劉養鯤范祖文胡汝高等兵五千守定納谿列陣示敵以幸兩酋一面檄總兵李維新同副使李仙品督同秦翼明等兵俱改由長寧會兵而進甫劄拖船垵賊又驟至連營相拒三月二十五日總鎮發張令秦國倅李鴻功劉宗良盧世卿等戰於麻塘坎二十六日戰於瀘州衛賊俱大潰所扎珍蛇洞太平九姓二長官司濫壩得用得貢當落垵龍山等一帶營寨盡行燒燬生擒偽都

司恭將柳信明等八十五名斬級五十七顆招降偽將王文等三千八十五名救出洞中避難者百戶戴鳴鳳等一百餘名口四月初三日秦翼明秦拱明秦可等戰於青山岩乘天黑霧殺戮下一洞幾盡直上第二洞賊來迎大敗擒偽丞相章守謂并胡宗祿妻妾二人斬首二百一十六顆生擒一百五十九名牛馬五十一隻匹龍傘盔甲槍刀器械九十二件燒燬逆賊十七營是時秦政閑夢得亦於初六日督將官劉養鯤鄧懋官畢應台等直上江門馬克橋等處擒其把隘偽將柳元儒等

朱少師奏疏鈔

卷五

九

次第打破仙人寶月橫山八里中弔三溪等處燒燬涼傘紅岩衛舍營寨斬功六百七十三顆於是各路中隘之賊盡散聚於土地坎賊又會集水西烏撒援兵多出犒賚憑高據險欲與官兵決一死戰大將麾諸將進多不敢應副使李仙品厲聲曰有進無退身請爲先食事劉可訓謂諸將曰爾若要走直須走到省城眼前一轉足豈復有生路乎與知府鄭朝棟並力趣之至夜分秦翼明兄弟與馬齡郭起柱秦可等願任前驅兩道大喜立判賞券郎於四鼓發兵天明接戰直至午後前鋒多

被重傷抵死不逞兩道連發兵接應及斬偽總兵吳繼用賊遂披靡奔寅白山臨陣被創遁去奪其所乘馬併偽偽儀仗共斬級八百一十五顆被傷溺水者無算生擒一百五十八名兩道卽時正法訖水西各酋之兵見酋戰敗飽掠而走大將身先士卒勦兵並進於是二酋知大勢已去盡焚城中室廬列兵紅崖山上城中男婦投出二萬餘人大小官兵四至追之遂走俞家山又走獅子山共擒獲有名大頭目周邦大徐應龍妖教首劉明選等一百一十三名又招回被擄指揮袁繩武等男

朱少師奏疏鈔

卷五

十

婦三萬餘名口斬級一千二百八顆臣與按臣張諭先期草檄數道隨軍戒勿妄殺人心寧輯永城遂定十八九等日知府鄭朝棟督王懋官周良材等攻天堽園苗目羅甫羅子朝父子等率苗兵數千投降獻出酋委寄金女冠段正等物共一百一十八件羅乾象譚正修等陸續攻破白崖楠木樂用青岡等園寨五月初三日又攻破銅鼓坪等處園寨斬功二百六十二級守脩張明達招出羅書成舒廷采等苗民楊謝等家萬餘忽水西援兵分兩路驟至一路入永者林新寨不動一路出古

蘭泰政王世仁副使徐如珂并督羅乾象譚正修譚正通等并中路軍懋勲等設伏以待至五月十三日大戰兩晝夜陣斬水西惡目魯仲賢併軍師羅奇割級五百四顆其跌溺而死者不計其數生擒西賊阿呼把等七名於是二酋隨水西敗卒夜遁過河割於龍場客仲壩係水蘭交界之所官兵齊集古蘭州燬賊所建九鳳樓掘其墳墓酋千年巢穴踐爲平地臣慮內地各苗陰陽難測檄總鎮親督截糧道遣張令張學禮等於十八日連戰大勝斬級一百一十顆遂俱遁去一路由尖山子

朱少師奏疏鈔

卷五

十一

出永寧後守將劉養銀據險固守賊不能入一路於二十四日徑犯永寧東門馬步之卒漫山塞野而來是時副使李仙品僉事劉可訓俱染瘴病甚多有獻退避之策者二道遂扶掖登城誓死督戰盧世卿部兵方虎所一頭目落馬卽與厚賞衆心鼓舞總鎮親自披掛督各將大戰賊遂不支至晚遁去止伏數千人於落窩落彼兩溝之中次日官兵四面攻圍斬級九百三十顆奪獲刀槍器械二百五十二件道鎮議大孺卜昏諸苗屢降屢叛不可姑息臣隨發檄會兵剿之擒斬二百七十一

類其餘俱逃入鄰苗界內遂焚其室廬取糧數千石而還自此雞廠鍋廠白崖白撒葉豆白旦對車小水長江以內土地悉皆勦撫平定陸續擒斬招降在冊隨檄各路道將以十一月二十四日五路齊進賊規知之乃先發扶國正樊虎等開路欲由芒部逃入建昌頭目王繼宗等向懷忠順密受臣諭於十九日夜歃血起義被李遠達等泄之二西得信即踰牆而過時水路李維新督秦翼明等官兵自上河口入遵義侯良柱等官兵自崖下先入盧安世同仁合路羅乾象等官兵自卧魚河入

朱少師奏疏鈔

卷五

主

五路駢集追獲崇明妻安氏并奢崇輝奢史都李遠達蔡金貴等起解投降者男婦二萬餘名口畢節層基一帶降者更衆二逆遁入沙魁鑄鐘等箐官兵分路窮搜倏有倏無爲期一二月之久竟不可得臣令總兵李維新參將林兆鼎率譚正脩冉世烘等兵共一萬搗破拜子猱猱和尚三關直入大方又令遵義二路道將侯國盧安世李必達知州朱毅臣等羅乾象侯良柱陳一龍等并永路分兵二萬攻打崖上水頭圍朱毅臣率部士冒險先登奢富初降自誓獻賊後復遁去二賊遂隨莫

德逃入火勺總鎮一面追尋一面分兵二萬同胡平表段師文范繼道等攻打畢節梅子哨等處以上連日擒斬招降在冊隨准貴州撫臣王咨文內稱黔師入水西大方以來勢如破竹蜀兵林兆鼎等已經擒實發回只因西賊又出暫留援手且屢次咨約於天啓四年正月初三日兩省夾攻水西火勺而林兆鼎且迭被羈副使張起鸞回蜀臣得報復遣道將兩路夾攻不虞黔師已於正月初三日徑撤回省蜀兵口與苗截殺將頭目補補窩阿體等房舍積聚數十處盡行焚燬擒斬有差至

朱少師奏疏鈔

卷五

主

二月初五日始撤還永寧臣因思曩者播州之役三省連兵四面攻圍首窮無計乃保險固今賊既以前車爲戒且有後窟可依獨馬單人踪跡最詭高山密箐觀面難逢愈追愈走愈遠惟是遁迹有主未能立縛諒此遊魂假息定難久匿巴蜀一隅可少寬皇上西顧之憂矣凡爲臣子効力除克自是職分况禍本未得詎敢言功顧賊之連結甚廣披猖特甚改元僭號尚薄雄特之圖戮官居民不啻巢溫之慘在我習於積玩全無預備兵既烏合將多白徒初則血戰分五路之逼繼則追

奔在千里之外各文武吏士皆冒險深入與死爲鄰吸
毒餐腥受人間未經之苦攀崖涉磴開洪荒未闢之區
卒令巢穴盡傾母妻不顧僞侯假相並就俘囚險嶂幽
岡忽披日月錦江還文治之舊觀銅柱標漢官之物色
各官大小數百戰之勞二年之苦亦有難泯者查擒斬
截殺五路總計生擒一千九百二十四名斬功二萬七
千四百九十二級俘獲一萬七百三十二名口招降大
頭目一百三十四名及內外四里卜昏都都及遵綏桐
仁水西畢節等處黔蜀邊界漢夷苗民共二十九萬三

朱少師奏疏鈔 卷五

古

千二百六十四名口當陣奪回被擄男婦五千五百五
十三名口槍刀衣甲器械六千五百四十七件牛馬一
千一百一十二隻匹印信五十七顆僞印關防十三顆
僞勅曆劄二十九件五路陣亡官兵李縉等二千六百
八十八名輕重傷一百九十四名至於左道之變蜀定
首難初則僞榜借號攻掠州城繼則主謀內應禍逼通
省妖書紙甲與犬神符鬼臉等項不可勝計幸爾乘勢
撲滅擒厥渠魁是亦廓清之一端也是皆我皇上聖武
布昭天威輝赫突豕當龍飛之首信多難之興邦羣庭

收虎關之功誠至仁之無敵蓋制勝允在廟堂而成功
卽在指顧煌煌赫赫宇宙爲昭臣萬不敢仰貪天工而
皇上軫念勤勞特許優叙臣思窮克挺險旣殘局之未
終鄰惡新援又用兵之伊始且臣碌碌多罪之軀已蒙
皇上特恩游加顯秩而舊督按臣併文武諸將吏經理
辛勤血戰勞苦若不爲一叙亦無顏再爲督率爲是購
謝歲餘冒昧陳控如原任總督臣張我績湖廣巡撫薛
貞原任郎陽巡撫今陞貴州總督楊述中原任郎陽巡
撫今陞雲貴總督兵部右侍郎蔡復一原任陝西巡撫

朱少師奏疏鈔 卷五

圭

今陞漕運總督呂兆熊原任陝西巡撫今陞兵部左侍
郎孫居相先任巡按御史張論巡按御史溫臯謨今任
御史吳尚默督餉御史邱兆麟俱係憲臣不敢擅擬謹
將文武在事各官據監軍各道所開臣撮其大槩第其
功次一一爲皇上陳之鎮守四川總兵官李維新監軍
道右布政使今陞偏沅巡撫李仙品監軍左布政使閔
夢得叅政王世仁叅政今陞廣西按察使吳國仕副使
今陞太僕寺少卿徐如珂副使謝渭僉事劉可訓僉事
盧安世僉事段師文僉事胡平表馬湖府知府鄭朝棟

等十一員皆懋勞績功在封疆加恩應膺特典中有
陞任者有後至者有患病請假稍得休息者獨李仙品
劉可訓盧安世鄭朝棟等四員始終在事誓死不移尤
勞臣之最更當破格者也原任遵義道副使今改叙瀘
道侯國監軍副使張起鶚所當併叙以俟優賚督餉蔡
政陳龍光蔡政吳光義僉事錢時等三臣當勸力匱誠
之秋殫口夜勸勸之力實與監紀諸臣勞相伯仲所當
破格優轉以示激勸者也各省同事司道在本省則原
任四川布政司左布政使周著左布政使今陞太僕寺卿

朱少師奏疏鈔

卷五

六

林宰左布政使史文煥右布政使詹爾達右參政今加
陞二級戴燦按察司按察使李守俊松潘道參政婁九
德提學道泰議來復兵巡下川南道副使許士奇分守
川北道參議翁登彥等十員雖未到軍前而事事相成
或發解糧餉以解士馬之饑或整飭邊防以成犄角之
勢且各捐俸助餉勞績難泯內周著久苦沉淪亟應超
擢林宰雖已陞遷祇是常格來復不但才品俱懋即搜
出缺廩五千餘金以佐軍需尤爲人情所難許士奇在
郡備效轉輓之勞今轉巡道監紀督餉百責交萃翁登

彥績委餉務俱卓然有可紀之績併諸臣均應酬以不
次用示激勸者也在湖廣則原任布政司左布政使李
叔元左布政使李春茂右布政使楊楷在陝西則布政
司左布政使蕭丁泰等四臣秩任雖殊勤勞俱最所當
一體紀錄錫賚者也經理收支餉銀則重慶府知府余
新民叙州府知府劉澤大瀘州知府王新民等三臣或
當土司窺伺之衝或處滿城灰燼之餘一切餉務收支
援兵出入日夜擔心經理迄有成績所當優轉以酬其
勞者也分理監紀則重慶府推官李必達夔州府推官

朱少師奏疏鈔

卷五

七

蔣化龍遵義府同知管仁懷縣事商良弼同知冉奎涪
州知府朱毅臣分委督餉則遵義府知府胡悅安叙州
府同知翟文簡重慶府同知今陞南京兵部職方司員
外劉國藩叙州府安邊同知今丁憂王國治成都府陞
任通判梁文燁馬湖府陞任推官周嘉誥原任江安縣
知縣今陞遵義府推官陳達道達州知府黃立言真安
州知府楊汝昇蓬州知府商之葵西充縣知縣程士升
運同管南川縣事韓應龍永川縣知縣張堯接綦江縣
知縣鄒昌魯安岳縣知縣趙民戴長寧縣知縣耿增高

縣知縣傅穎孫筠連縣知縣岑昌運梁山縣知縣今陞
雲南陸涼州知州周維軫叙州府儒學訓導饒迪以上
諸臣皆親履艱險力殫籌算均宜一體優陞以酬勞勛
者也通省同事効勞官員則夔州府知府史贊舜順慶
府知府楊鳳保寧府署印通判許弘綸潼川州知州姚
繼崇查理餉務則保寧府推官錢允鰲成都府推官李
曰輔叙州府推官詹先志督發調兵則萬縣知縣毛羽
健督夫押運則榮縣知縣蔣守洵南溪縣知縣王之朝
桐梓縣知縣陳揚美原任知州今改合江縣知縣劉應

朱少師奏疏鈔

卷五

太

宸等十二員雖云未到軍前而料理經營與夫點兵督
運事事効勞相應紀錄優轉以示酬庸者也原任行都
司掌印都司陞廣西參將留用軍前今陞副總兵林兆
鼎原任參將今陞松潘副總兵秦翼明遊擊侯良柱遊
擊羅乾象僉書鄧懋官守備劉養鰲原任都司僉書薛
來行遊擊范繼道參將陳一龍遊擊秦拱明參將張令
參將秦衍祚僉書譚正通遊擊譚正修等十四員在事
二三年大小百餘戰才略俱超勲績並懋相應查照條
例破格優異者也內范繼道有長寧之潰鄧懋官有納

谿之潰薛來行有仁懷之潰侯良柱陳一龍有安羅二
村之潰臣當時革其原職取認死甘結責令立功自贖
仍查出先逃各領兵官余騰龍等俱已梟示正法訖今
各將皆能誓死血戰克殲驅馳相應有罪止錄戰功以
示酬勸者也都司掌印參將周官參將管副總兵事魯
美中中軍旗鼓守備李必茂湖廣巡撫標下坐營守備
陸萬里守備尹應正助陽巡撫標下中軍遊擊蔣吉嗣
守備李鎮邦陝西撫院標下中軍遊擊郭鳴皋旗鼓守
備莫可尚等各官職任不同勞績俱茂均應查照條例

朱少師奏疏鈔

卷五

太

陞資者也總鎮標下都司劉宗良都司僉書鄒蔚然僉
書范祖文遊擊潘映奎僉書胡汝高僉書胡肇虞守備
李棲鳳守備孔全斌守備袁可成守備姚化民守備李
忠守備周良村守備李國選生員加銜守備汪長源守
備曾遐中守備譚大孝守備武聲華守備楊元守備王
允昌守備魯希聖守備張洪烈加銜遊擊盧世卿守備
趙璜加銜參將張奏凱加銜守備金文科加銜守備孫
迪加銜守備吳攀龍守備王國臣遊擊胡綬等二十九
員或血戰衝鋒或傳宣布置其已經題授者尚係虛銜

暫爾加銜者祇是空名俱應查明功次優議陞補以示
酬勸內盧世卿有象嶺之潰譚大孝有江門之失張泰
凱有落紅之失皆經網打重治令其裹瘡血戰功浮於
罪相應錄功宥罪以示器使者也領兵參遊守備併督
陣指揮等官雷鳴春羅運龍秦可等九十五員身常濱
于九死志不縮于萬人相應卽與陞擢以示鼓舞者也
領哨加銜參遊守把千百總等官周繼先舒遐等三百
二十九員舍生赴難冒險從戎夷情盡在目中劍氣常
橫天外所應查照功次分別議陞議資者也軍前報効

朱少師奏疏鈔卷五

手

原任荊州府通判張士彥原任楚雄府推官楊國瓊原
任建始縣知縣王世道原任長寧縣知縣葛如綺舉人
馮名世歲貢生傅元和生員楊祖烈監生孫源平武舉
孟士斌等四十六員名急公仗義久著勞勩各應查例
陞職或超選或超貢以爲任事之勩者也又查得原任
綏陽縣知縣任寵江津縣知縣周禮嘉岳池縣知縣段
可賢漢州知州萬砥錐經議處劣轉而前勞難泯所當
行勩量降原官仍行器使者也軍前分理餉官成都縣
主簿何惟正等三十員押運進剿勩勞俱應合加陞資

以示激勵石砭宜慰司總兵官秦良玉鎮雄府知府隴
應祥烏蒙府知府陸所忠龍安土通判加銜知府李泮
土通判加銜同知王鼎正安州土州判駱麟忠路宣撫
司應襲覃懋勲等驅馳既久勞績實多內秦良玉援省
復渝勳庸更懋已經題叙茲駐納谿數月以病告歸而
其部將秦可郭起柱等俱建奇績各將之功實卽良玉
之功李泮自成都未圍之先首先赴援在事最久而功
最著駱麟保障新疆久著勞績覃懋勲古蘭之戰賈勇
先登均應破格開勩土同知陳治安土州判鄭延泰土

朱少師奏疏鈔卷五

手

舍冉達龍冉紹文夏得閻安文元悅先民王立極等八
員名屢經調發積有戰功亦應照例厚賚降將王繼宗
焦從智羅甫畢應台夏國卿劉譜羅于朝趙國璽雷振
乾張學禮羅安良鄧价羅書成舒廷采楊柳周朝臣羅
向宸羅文垣羅向榮扶國清游朝柄游朝坤鄭一顯王
來聘秦國倬楊選胡世孝等二十七名既爲順民卽吾
赤子今已暫給加銜俟其建有殊勩卽應照例實授以
酬其勞至于死事各官如原任松潘道副使李忠臣遵
義道僉事趙邦清副使加陞一級赫奕等三臣所當查

照明例分別從優議恤者也死事各將士除總兵楊愈
懋推官馮鳳雛等已經題明不再開外如加銜守備潘
一麟生員朱國賓等二十三員名或血戰捐軀或舍生
取義其久著戰功在營病死者則原任參將張邦紘等
五員所當一併查勘分別優恤者也叙州府同知管合
江縣事劉鼎新等三十六員或以督運染瘴或以臨陣
負傷動勞夙著渣死堪嗟并另冊所開均應分別議恤
以示浩蕩洪恩軍前効勞吏承在臣衙門書吏李一高
等經管兵馬錢糧章奏効勞最久承差雷澆等齎奏効

朱少師奏疏鈔

卷五

奎

劾撫院司道衙門書辦俱亦克勤公務應查舊例示獎
其餘在事官員不能盡錄臣酌量徑行獎賞除將各路
擒斬等項功次員役造冊徑咨兵部外伏乞勅下該部
查將前項應陞應錄應賞應恤各員役照冊通行巡按
御史查勘明實徑自具奏施行庶賞罰明而戎務知所
勸勵矣謹題天啟五年二月初四日

直叙遵義情形以明不欺事

臣於本年正月內接邸報見郎陽撫臣畢懋康一本為
蘭賊餘焰復張荆楚近患日棘謹陳邊報情形直述飛

報并申前疏設將增兵之請以禦憂孽以保危疆事奉
聖旨着暫紓黨破城勢復猖獗設將增兵及附近調官
等項作速議覆以資防禦該部知道欽此臣未見全抄
不知所指何地所憑何文撫臣亦未移會及二月二十
四日始得邸報抄錄蓋荆南道僉事喬拱璧申文據荆
瞿守備潘承嗣所稟報者隨於次日即接撫臣畢懋康
會稿為續報蜀中聲息以紓聖懷請固荆南保障以安
重地事全疏移會到臣其前後互異情節業已叙明臣
隨查去年十月二十五日遵義永安庄居民王正相家

朱少師奏疏鈔

卷五

奎

果被強賊劫擄飛報道將發兵追捉已無踪影此時遵
義止一空城賊原不入桐梓堅守亦未來犯按臣吳尚
默入境見駐劄府去瞿塘咫尺臣曾移會竝未有文飛
報大抵苗蠻未戢人情易動專以鼠狗之竊張為風鶴
之驚荆楚逼近黔蜀聲勢相倚桑土衣柳理宜預戒况
道將稟報相伺地方人心提戢該撫臣畢懋康既有所
聞安得不據以上告業經再疏申明臣可以無言皇上
聰焉西顧戒諭諄諄又於御史王祚昌疏內批停議叙
成命似若臣蒙蔽掩飾不以上聞臣愚不肖何地自容

故據實申明前事若此非敢一字有欺也再照遵義郡城逼近酋穴三陷之後城墻俱被挖毀田野盡爲荆榛我兵不入賊亦不來去歲冬間始將城垣修復臣檄監軍僉事盧安世率副總兵林兆鼎遊擊侯良柱陳一龍等于十一月十六日督兵三萬入城屯守水西各賊於十二月初二日突犯板角營已經殺敗逃遁至於除夜復統大衆四面攻圍道將率兵出城大戰擒斬千餘追奔入巢臣維圖爭方始接濟不敷未敢侈張其事止據道將塘報揭報到部亦未疏聞昔仲尼論兵曰足食足

朱少師奏疏

卷五

書

兵民信三者今民既好亂將且造訛而有兵無食百窘千難臣庸劣病軀無計可措前事雖幸苟安後來實所難料撫臣修理城邑簡練防禦之說真綢繆之急策而纓冠之大誼所當勅部亟議舉行者也爲此具本謹題
天啓五年三月初四日

備陳協戰之難亟議固圉之策伏祈明聖治臣不效之罪立賜褫放勅部速議良圖以無悞封疆事

臣行能淺劣濫荷重任適蒙禍震鄰奉旨協援屢接

省督臣奏復一手札移會春初舉事臣因各兵調集一面檄各將本年正月二十六日誓師二月十一日會兵大方一而移咨督去後至二十七日遵義監軍僉事盧安世呈報到臣云黔省大兵已檄正月十五日渡河率黔督令二十七日會兵水西城通該省參將許成名於二十日到府隨於二十二日會兵進發等因臣遂飛檄永寧一路鎮道毋泥前期俱於正月三十日點發遇河至二月初二日據盧僉事報副總兵林兆鼎率同侯良柱陳一龍等併黔中副將許成名會兵先發板山營胡

朱少師奏疏

卷五

書

斯化等攻破樂蒙沙溪巖孔一帶併力前進至二十五日於白蟻坎與賊對敵賊勢猖狂我兵出奇分三路包截將賊殺敗斬級三百六十三顆二十四日至八里水西賊迫趕陸廣官兵甚急我兵接抵護出越僉事并滇毛兵七八千等因又據大將李維新道臣謝謂許士奇劉可訓各報副將秦衍祚同鄧懋官潘應臺孔全斌等前進赤水一路初五日至層臺有馬兵殺手至海子大路來截各兵奮勇對敵斬功二十顆生擒五名俘獲男女一十五名口器械牛馬不計坐營劉宗良張洪烈郭

起柱張令等前進龍場一路行至養馬司賊縣搗鼓渡河張令衝鋒右手重傷一箭追賊大敗共斬級三十餘顆溺水死者無算自是南路賊俱深避不出捉獲黔省潰兵王佐等始知黔兵已退各將疑沮未敢遽進等因臣當敕各兵撤至赤水衛馬鈴堡兩處屯紂一面差人至黔省移問進止知該省路苗叢起不能再進臣思賊兵待敵已匝一月賊雖遠避必有狡謀該省業已暫停偏師未可深入隨於三月十二日檄道將退還永寧減汰新調且耕且守聊固吾圉獨是仰奉成命經營歲餘

朱少師奏稿

卷五

奏

不能建尺寸之效以慰皇上西顧之憂縷髮徒懸逍遙貽咎臣之罪於是無可贖矣顧臣碌碌所處實難敢誦言而無諱可乎夫奢崇明父乎雖未正羣街之戮然黨羽擒斬財用罄之獸奔鳥徙仰人鼻息所恨者安酋未受戎索甘爲通匪耳臣稔知安酋原非勁敵去歲犯黔普定定戰而三敗今歲犯遵義亦大敗夷之最驍雄無如魯仲賢羅奇前歲犯古蘭一戰而擒斬厥後頗巢犯永寧又一戰而宵奔官兵非畏之也祇是一入其界直徑干岐旣佯退以誘我又扼險以邀我高山密箐倚水

皆巢深洞峭嵯無處非窟重以陰雨晦蒙罕覩天日雖有智勇未免張皇夫人能搏出山之虎而難逐挺險之鹿者形不利勢不便也今日用兵全爲三逆卽殺賊數千百人而不得元克何濟於事此一難也兵既深入夫運必不能前採野無獲伏莽難防無論利鈍難知卽戰而勝黔滇不牽其前賊併力邀截必犯情歸之忌此二難也據黔督移約令蜀兵東出遵義西進畢節而黔專進陸廣是蜀環賊之三面而黔獨處一又以水西城爲信地計黔省至陸廣爲程二日緣陸廣至水西城亦程

朱少師奏稿

卷五

主

二日蜀自瀘州至永寧爲程四日自永寧至水西城爲程九日緣遵義而進無官程可稽然大約須六七日多寡遠近之數迥然懸絕此又難之難也夫蜀民之困極矣馬已竭而猶求鴻欲集而無所吸髓既空揭竿欲起外則建昌松潘郡夷在在跳梁內則屯戍各兵嗷嗷待哺盡地之餅難啖無惠之法難振如臣庸闇實所不支昔馬援平交廣狄青取崑崙皆越二三年而始得賊首當時未聞隣酋有如安酋之肆逆亦未聞官兵直窮其所匿也今日卽不言戰而言守遵義逼近酋穴豈忘

情永寧赤水原非蜀衝奈地當全蜀之衝群苗咸伺新附未馴勢不得不守是蜀且新增二邊稍有疎虞難杜竊發臣所爲日夜傍徨寢食靡寧者也顧臣不獨爲蜀憂且爲黔憂蜀尚有民而黔已無民蜀尚能耕而黔久不耕無民誰則爲兵不耕何繇得食招募土司徒滋騷擾之害遠候轉運更多劫掠之虞計日而戰數米而炊前跋後蹙其苦更倍幸督臣蔡復一按臣傅宗龍皆赤膽勁骨肆應有餘西南半壁自當廓清但願皇上寬以歲月大發糧餉勿玩小醜而急捷伐之功勿惜小費而

朱少師奏疏鈔

卷五

天

掣任事之財務令完固根本剪除枝蔓足兵足食一舉而殲厥元克卽蜀局且不勞而結此不兩待之勢也臣方草疏據僉事盧安世揭報督臣蔡復一將移鎮遵義此扼賊項背最得地宜伏乞勅下戶兵二部速議便宜推廣餉額專委任而責成功戰勝固已在廟堂矣臣庸碌病軀不稱厥職自審甚明不敢逃罪仰望聖明立議削黜俾存殘喘高厚洪恩啣戴其有極哉除留兵需餉另疏陳乞外謹題天啓五年三月十八日

急缺方面道臣酌議就近陞調以勦軍旅事

爲照副使余新民清白親躬忠勤任事瘡痍旣爲改色士庶罔不傾心臣已疏令本官監紀一路籌兵理餉朝夕靡遑事冗勞積一病不起渝城中小男男女無不悲號罷市者查本官自解圍復渝取復遵末種種功績載在敕冊容照例會議另疏優卹以光泉壤外但該道係遵義咽喉內應遵桐軍火器具兵馬錢糧外督二十州縣募運水陸挽輸卽臣一入綦遵該道又應督軍深入直搗鬼方委任宜急不可一日缺官川東三道祇守東道叅政莊毓慶一人在事本官方有督餉調兵之役難

朱少師奏疏鈔

卷五

天

兼數局查得安綿兵備道見任副使謝渭彈精蒞事矢志吞首譚兵洞燭機宜馭下獨持紀律向令監紀永蘭料敵無差治兵有法蓋深得寬猛之宜而大爲夷漢所懾服者相應卽以本官調補兵巡上川東道員缺不但轉移間便可任事卽徵發調募助勦佐助實有賴焉臣謹會同撫臣尹同昇按臣吳尚然合詞上請伏乞勅下吏部覆議上請如果臣言不謬將謝渭查照俸格加陞四川布政司叅政兼僉事管理兵巡上川東道事務或仍以原官改調監督料理遺下安綿兵備道員缺另行

銓補庶殘黎獲甦而戎務有裨矣天啓五年八月二十六日

議改賢能官員以資安懷事

爲照遵義府城三經殘廢幾成既脫臣散府縣各官隨同道將修補城垣招民耕懇賊屢屢出犯且戰且守料理經營稍有頭緒今新推知府李應龍履任無期通判尚未除補推官陳達道奉委查盤往來不定該府印務缺人料理臣指日移鎮凡督餉查兵諸務一時叢集勢難缺官查得達州知州黃立言才周千應守絕一塵理

朱少師奏疏鈔

卷五

三

州最有聲名督餉更饒經濟聞邸報本年六月內本官推陞雲南楚雄府同知其地無瘴癘無兵革較之遵義尤人所樂趨但爲地擇官且就近取才計非得已合無將本官改留遵義府同知深爲便益又重慶府巴縣自知縣戴文箕於天啓四年二月丁艱去後至今未補查遵義進兵一向糧米器械等項俱仰給於重慶而巴縣爲首邑倚藉更切必大有才望熟習事體者方克勝任查得萬縣知縣毛利健英姿卓識潔守通十衝疲事改觀夷漢人人頌德到任以來正黔蜀徵兵紛錯之會

屢屢議調爲士民苦留今徵發已有條理繁劇正可改移合無以本官改調巴縣藉其才畧用理糾紛匪惟地方之幸實捷伐之資也臣謹會同撫臣尹同臯按臣吳尚默合詞上請伏乞勅下吏部覆議具題天啓五年八月二十六日

五世孫源星校刊

朱少師奏疏鈔卷五

終

朱少師奏疏鈔

卷五

三



朱少師奏疏鈔卷六

督黔疏

入黔受代恭謝天恩

欽差總督貴州四川湖廣雲南廣西軍務兼巡撫貴州湖北湖南川東偏沅等處地方少保兼都察院右都御史臣朱燮元謹奏為入黔受代恭謝天恩事崇徵元年九月十一日臣守制在籍接奉吏部咨為本部等衙門會題奉聖旨是朱燮元起兵部尚書兼都察院右都御史總督貴州四川湖廣雲南廣西軍務兼督糧餉巡撫貴州湖北湖南川東偏沅等處地方移駐貴竹寫勅與他欽此欽遵備咨到臣臣自揣疎庸不堪任使皇上俯念舊勞再頒新命任以八年難結之局畀以五藩統轄之權負重力微憂惶靡措疏求辭免未荷俯俞隨即成行於本年二月初一日入湖廣境至三月二十六日前督臣張鶴鳴出至沅州將原奉預備倉糧及督木割不清偏鎮四衛屬黔勅諭各一道令旗令牌各八面副達字二百三十六號符驗一道總督貴川五省軍務糧餉兼巡撫貴州湖北等處關防一顆并

朱少師奏疏鈔卷六

一

文卷書吏親交到臣當設香案望闕叩頭陳謝接管行事外伏念臣束髮受書頗聞致身之義弱冠通籍渥叨綦養之恩尺寸未能仰酬頂踵自當俯效念此逆賊久通天誅狐鼠橫行惡已極於盈貫天人交怒時將屆於期斬馘擒兇洗清半壁妖氛永奠百年桑土此臣所日夜孜孜圖報涓埃者也除進剿機宜與措餉革茲等務容臣備細籌畫續後另疏上聞外所有到任日期合先奏報崇徵二年四月初三日

朱少師奏疏鈔卷六

三

直陳黔省情形併用兵機宜仰請聖裁以決全勝事

臣一介庸愚荷皇上重任屢奉旨責成條畫敢不矢庸竭駑期效萬一自歷黔境乃知萬山皆苗獨上下六衛一線通道迤西畢烏赤水四衛久被酋隔計省城歸業者尚不滿五百家敗址殘阡蕭條滿目祇有營哨各兵略為裝點該先任按臣傅宗龍以泊前督臣張鶴鳴皆逐衛設兵出據屯堡迄今滇路疏通米不騰貴實有攸賴近日龍場六廣乾溝洋狼剗佐等處築城數座漸進

逼賊大剿規模似亦粗立但此戰局也城多則守廣勢分則力微酋隔河立哨日夜耽耽譬則騎虎安能復下曩所恃者安其爵欲得官而效順今被逆彥逐入東川箐峒矣海子峒民兵居酋腹心頗有牽制今已淪陷矣入秋水涸酋必四出大犯此定勢也臣惟八年以來局而屢換或專言剿而殺其獻功之人益致狂逞或專言撫而未張捷伐之威酋亦不附今日之策在於以守爲戰以戰寓撫專講致人之法嚴爲先事之防將必求於摧鋒兵必期於用命爵秩太易則精神全在競賞提哨

朱少師奏疏鈔

卷六

三

太多則臨陣反相推諉業已申明備爲訂定若墨陣紙兵謬居參贊之職白衣遊食爭誇軒蓋之榮此皆軍中大蠹臣先從此輩破情斤絕隨過歷各監觀其營壘移平就險改近據衝日取各將士較其膂力多寡試其銳弩槍刀三試而不中程者卽行汰革其地方最爲害者在於零星小功緣各將坐耗廩餼無可搪塞有虛報賊級而殺順苗以送驗者有一將已經撫定而一將乘隙掩殺者有本來投順而詭稱設伏縛獻驍首就戮者夫環黔皆苗安能盡殺御以威信總是良民況六衛腴土

儘多全賴此輩耕墾惟是殺不當罪事每失信遂致勾夷生暴叛服不常臣三令而五申之逆則必剿母縱惡以養奸順則共撫毋此收而彼殺肘腋之閒安靜妥帖然後一意圖賊募耕墾以資粒食懸賞格以廣招徠戮詭匿以定煩瑣省差遣以絕需索清邇邇以節虛費把兵精勇者悉收之降將有才者參用之任忠實之士司選履勝之弩手用一將必求當一將之才養一兵必期得一兵之力日夜孜孜不敢怠遑按臣蘇琰與臣同心持火攻秘方親於公署督造試有奇效一切指麾風行

朱少師奏疏鈔

卷六

四

雷厲司臣朱芹等道臣張允登等皆拮据勛勤不遺餘力倘糧餉獲敷三方畢會臣自當親率將士直搗長驅若其勢有可乘機難明布用奇迭出惟力是視固不敢孟浪以蹈前車亦不敢優遊而稽天討蠢爾小酋伎倆有限安位一駭豎于夷漢相猜各目爭政正夷運告終之日仰仗皇上威靈一二年間或可滅此妖氛以少靖疆圉矣除會兵措餉另疏干冒外謹題崇徵二年五月十一日

黔省剿局已定偏師難恃伏乞重申明旨三方

責成以靖夷氛事

安酋叛亂於今八載罪大惡極萬無有理近且恃其難連之勢屢張豕突之兇而黔已嚴兵河隘築城屯種賊之腴土既失勢所必爭我之戰局已成更難中輟矣臣疎庸黠陋謬肩重任在黔言黔不能及遠如蜀之遵義地勢相連猶可控馭至於赤水烏撒雖爲黔衛被首隔斷遠道迂迴相距千有餘里形格勢阻萬難照料夫蜀不出赤水以塞四夷合縫之區滇不出烏撒以杜安邊助逆之計黔雖有強將利兵譬如逐獸而予之莽捉賊

朱少師奏疏鈔

卷六

五

而開之門何濟於事故黔不得不借力於蜀滇也但蜀自海峽一失夷氛頻張久附諸苗新多掉臂烏撒府固蜀郡也皇上已與安其爵而安邊一豎子遠烝婚安氏占住鹽倉近且搬火器以助攻海子峒此實蜀之責任不專爲黔也滇省以撫銷兵計非不善但逆彥誘安邊遠出外藩已折跡其狡謀不惟明據烏撒抑且陰有潛益情形已見犬羊叵測此實滇之責任亦不專爲黔也操舟者篙工柁師併力並查雖愚急流蔑有不濟蓋茲僮鬼安能四出以應三省之師臣閱邸報皇上新命張

論撫蜀王伉撫滇此兩臣者皆倜儻非常之才經緯咸

宜之略協力同讎自能滅此朝食惟是錢糧兵馬各有攸司一柄兩操兵家所忌黔省自普安三岔恩臘鴨池六廣以及遵義諸路臣不敢不任赤水烏撒必應專責蜀滇兩撫臣各任一路約束期會當自臣出一切遣將厲兵臣不敢撓其事新誠獻四臣亦不敢分其功要於共據實心畢聚羣力屏絕形骸之見竝振犁掃之圖則臣所願與二臣矢心共誓者也除措餉一節另疏申明外惟望皇上重申天語分任責成西南半壁佇可廓清

朱少師奏疏鈔

卷六

六

矣謹題崇徵二年五月十一日

餉缺軍機支持無策仰懇勅部議處早求實濟事

臣惟黔省用兵日久費帑實多卽今部覆已足百萬臣豈敢尙存乎見少但臣自入黔省閱布政司申報餉冊庫存僅九分九釐各營官兵缺餉已九箇月隨查戰兵在省併分布上六衛者五萬七千有奇戰馬三千四百餘匹每月該放銀七萬二千奇在偏鎮等處防苗者就大餉內割去五萬以餉之屯駐普市官兵五千三百員

名每年用蜀中協濟三萬七千四百七十四兩五錢不足以大餉補之通不在數內計九箇月共欠餉六十五萬臣歷各伍查其衣甲器械俱稱典實嗷嗷叫呼不堪聽聞其有投匿倡亂如材官江之圖者臣立斬之羣豎稍定一切汰冗黜浮百計撙節非不少有減省然不過千百之十一有何謬巧能一日而措此六十餘萬乎況各兵士著最少總滇秦楚蜀浙直江右四方轉聚之人告飽無時誰肯悅首臣行據湖廣辰沅兵備督餉道右布政兼副使王世德查全楚協濟除稅契一項原無定

朱少師奏疏

卷六

七

額其正雜項計今五年共欠五十八萬八千二百六十八兩零元年奉旨於七十九萬九千四百三十兩零內撥還南京九萬三千五百八十兩以蜀中秦餉十萬四百三十五兩零抵黔計今兩年該銀二十萬八百七十四兩四錢曾未解動又粵中折兵銀每年五萬元解過六萬二百兩餘全未解先任督臣閔夢得題准淮鹽增銀六萬五千兩經今三年亦未起解以上數項催贖如雨通未有解名爲續命之膏實係畫地之餅談者謂臣總轄五省何難催併願以皇上之成命部覆之諄切而

各省藩臬有司尙爾玩愒卽臣大聲叫呼豈能遽應今臣不求增餉以修費但願縮額以速濟如楚餉在二年者自應全解外其拖欠五十八萬八千二百六十八兩零酌量地方饒瘠責成司道府官以完及七分爲率速行催解其蜀中二年秦餉該銀二十萬八百七十四兩錢臣方會同舉兵願留十萬爲遵永兩路添兵之費其十萬八百七十四兩四錢應速起解廣西五萬該省向無軍旅應盡起解淮鹽之引已增而銀無下落臣實不曉其故合行巡鹽御史衙門責成兩淮鹽運司備查起解

朱少師奏疏

卷六

八

有無之故各商作焚之繇立限催督早爲接濟至於祖制楚蜀併各土司協濟實功銀共七萬三千七百九十二兩米一萬二千三百二十四石原爲各屯官吏師生俸廩之費在蜀者那以餉兵在楚者逋欠甚多如土司額賦銀米久被拖負至事例一項原無定額近已漸縮臣逐款細核大率烏有夫枵腹之兵決難應敵紙上之糧誰肯用命今突烟長冷已成欲潰之形庚癸頻呼實鮮消弭之策若得以上數項早爲接濟該部或別有督發以濟燃眉臣愚不肖或勉矢焉鈍於萬一若其以虛

當實依然秦越前人罄瓶臣乃耻鼻即不敢愛頂踵其
奈疆場何除將未解銀數備造文冊齎送部科外伏乞
皇上垂念危疆勅部速行酌處嚴限責成早求實濟危
疆幸甚臣愚幸甚謹題崇徵二年五月十一日

仰仗天威官兵奮勇血戰擒斬水蘭元兇飛報
大捷事

八月十六日酉時四川總兵侯良柱永赤總兵許成名
監軍副使劉可訓畢師監軍參政鄭朝棟副總兵羅乾
象等各報到臣據候良柱許成名報稱水蘭合各夷府

朱少師奏疏

卷六

九

糾賊十萬餘攻圍永城盤踞內地月餘全蜀共震該職
會同監軍道劉副使大發懸賞於八月初六日犒賞各
營衝鋒官兵初八日誓師分布初九日子時揮督各營
衝鋒官兵四路直衝賊營賊馬如林賊矢如雨我兵銳
弩火器齊發自寅至申鏖戰百十陣斬賊無數賊兵大
潰官兵奮勇追殺斬獲偽都督總管四夷府大元帥安
邦彥偽都督大軍師莫德偽大梁國王奢崇明偽總兵
阿恩係安邦彥次男各首級生擒偽都督大元帥大頭
目杓作織金偽都督大頭目落易係安邦彥長男烏撒

備紀偽總兵大頭目阿痴總統客戶兵偽都督元帥陳
文魁管木跨地方偽總兵補溪管阿架地方偽總兵阿
注杓作長男偽總兵白彭協理客戶兵偽總兵王紀西
時追至穿山峒老虎關海壩營生擒斬殺及跌崖死者
數萬屍積如山血流成河內有元兇首級及生擒者因
天晚功多各兵勞瘁一時難辨俟同監軍道查明與衝
鋒各官兵及重傷輕傷一併另報賊馬萬餘半為官兵
所得半跌崖死隻蹄不返官兵殺聲震天驚地山
動谷搖元兇擒戮殆盡誠從來未有之大捷也監軍參

朱少師奏疏

卷六

十

議張允登總兵林兆鼎副將范邦雄張雲鵬商士傑都
司陳謙等報稱直搗三岔獲功六百餘顆副將王國正
章有功參遊都司牟文綬段喬森方國安等報稱三渡
六廣直搗賊巢一百五十里斬獲數多遵義監軍副使
盧安世報稱會同原任副將劉養鑑見任副將陳一龍
四面出奇俘獲甚重除另本彙報外為照西賊自破海
子峒逆焰益張一面逼挾鎮雄烏蒙與之同叛一面假
奢崇明偽號併力攻犯永寧聚眾如蟻直逼城下披猖
之勢遠近騷動倘逆謀得遂蜀黔事益難結局矣今賴

皇上威靈赫然遠震各道將協謀誘之深入四面布置業已堅密遂奮勇血戰擒斬幾盡真奇功也所獲功級臣止據報上聞仍容備細查覈明確另疏叙明合先報聞崇徵二年八月十七日

備叙官兵血戰擒斬功級并近日賊情分布會剿仰請聖裁事

臣於八月十六日據侯良柱報官兵奮勇血戰擒斬水蘭元兇卽具疏報聞訖今據良柱續報除前斬安邦彥莫德耆崇明阿思外今多扶國正揚維新吳道南等元

朱少師奏疏

卷六

十一

兇三十八級協從共四千八百七十二顆生擒除前約作官落易阿痴陳文魁補漢官阿注白彭王紀外今多黃應台威援江之京等元兇共二十一名協從共一百二十二名許成名初報斬頭目莫德阿戶安邦彥第三子阿撤協從七百餘級外續報追斬安邦彥首級一顆當陣追敗先後生擒賊目一百五十名斬級一千一百五十三顆羅乾象初報大勝續報斬獲逆目米傑果忠首級二顆壯功九十六顆協斬安邦彥首級一顆前後當陣追敗共斬功三百餘級臣查安邦彥莫德兩處俱

報得級屢訊救出難民併各路謀報逆賊安邦彥父子與莫德並斬情極的確除莫德原兄弟兩人一爲鬼師一爲頭目業已俱死可置勿論獨逆彥二級當辨一真蜀人不識黔人識之臣差官提級親驗許成名已於九月初六日解到獨蜀功尙未解到臣因延候日久先將黔級發司道府縣會齊衛所里老親驗俱結認爲實第未經並驗尙難偏據當經移兩省巡按御史會查另報又遵義路監軍副使盧安世副將劉養觀陳一龍等先後共報擒斬三百一十三名顆總兵林兆鼎監軍參議

朱少師奏疏

卷六

十二

張允登威清道僉事楊時龍共報三分一路各將領先後擒斬共七百一十六名顆副將王國政六廣一路先後擒斬一百一十名顆生擒頭目劉可仁阿獲孫威虎李大四名除永寧各生擒協從移四川巡按御史馬如蛟就近正法一切功級俱移覆驗黔中各路道將解到功級委監紀知州陳良言查驗明白通候御史蘇琰覆查其自八月十六日以後續據黔遵各路獲功另行彙報外爲照逆賊安邦彥狂逞九年罪惡盈貫臣移營劉河聚衆謀逆莫德謂烏撒有安邊滇已不復南下只

永亦此須兵將牽拽我後今以我兵力攻取何啻反掌
取永寧以交付奢崇明打開建武南六縣以交付法舍
然後挾烏鎮兩府之助移掃遵義取黔及滇大事可圖
誰能抗者衆目齊聲稱善遂決逆謀以支費等六目防
六廣小阿烏謎等六目防遵義阿鮮怯等十二目守鴨
池三岔六月與師聚衆十餘萬僭號僭元偽牌偽璽聲
勢震動遠近惶駭叙瀘一帶逃徙幾空黔之上下衛諸
苗亦蠢蠢動矣幸永寧道鎮併畢赤道鎮持重堅忍敵
兵誘敵至八月初三日各出一戰官兵與賊殺傷相當

朱少師奏疏

卷六

三

次日賊復移兵傍城五里四出高峭衣險爲營綿亘一
十五里一面分兵回敵黔兵一面四出焚掠永寧道鎮
整頓已齊聯絡俱密遂賞激將士誓死決戰初九日發
鄧祀李國選等八千人分作三路直衝賊營戰至午未
賊勢漸潰而畢赤道併鎮副將羅乾象等已逃出桑家
壩打破後營賊進退兩難人馬齊壓元兇大戮擒斬幾
盡仍又督兵追逐直至百里之外殺獲首從多功可稱
奇捷臣一得報卽催督四路各將一面大張兵威一面
出示許安位就撫仍發小票給各漢目俱聽自新而不

意安位釋子聽信群奸愈肆狂逞見集賊二十餘萬與
黔兵對壘此殆天歷其惡自就滅亡也官兵屢戰大有
斬獲維是首地壁峭崖懸籌深洞遠一入其險雲霧晦
蒙兵無戰法糧無運法賊每乘我情歸四出邀截千百
年來率墮其術臣與巡按御史蘇琰再三酌議欲爲三
省長久之圖當作一勞永逸之計必須四面攻圍逐步
剿洗順者質其家口逆者盡爲誅鋤處處應手將將同
心使賊奔馳不暇資儲告匱勢必困蹙而最喫緊者則
在滇蜀並出杜其走路截其外援賊乃可擒也臣除蜀

朱少師奏疏

卷六

十四

滇兩路後兩省撫臣添兵督鎮將並進外其在黔中以
總兵胡從儀督兵孫養龍與遵義副將劉養鯤陳一龍
台又添調秦拱明督石砭兵以擊賊之尾總兵林兆鼎
督副將張雲鵬都司陳謙等與副將王國正分任鴨池
六廣二路以衝賊之腹總兵許成名原駐赤水今奉部
議撤回安南歸集比怯以擊賊之項背臣不揣迂愚
謬爲分布願與三省撫按諸臣殫力殫掃垂期底定謹
具疏上請伏乞聖明裁奪仍勅下兵部覆議施行崇徵
二年九月二十八日

大慈既除黨奸宜問謹陳各土司情狀亟議獎

忠討逆以正國法事

臣惟朝廷設立土司原以藩衛內地嘉隆以前俯首聽命莫不率從者祖宗之法行也嗣後內地軍政不飭一遇有事輒行調發以致各土司妄自尊大漸圖不逞糾聚漢奸爲之謀主誘張萬狀自逆寅啟疆而蜀地千里爲墟迨逆彥繼起而黔疆九年未靖養癰至潰勢所必然今賴皇上威靈水蘭元兇一戰擒斬雖大局未易收拾而諸司平日爲順爲逆情態不一若不亟行申明賞

朱少師奏疏鈔

卷六

五

討無以杜瑕隙而靖封疆該臣查得烏蒙女官祿祈乃鎮雄女知府隴應祥之女頗曉文墨明禮義自蘭變以來並不發兵助逆忠貞顯著東川知府祿千鍾當水蘭初發難時業已附和從叛及雲南撫按二臣責以大義頓爾斂戢自臣履任屢次申文請討安邊此亦能補過者也獨是憲益士舍安邊乃已故土知州安遠之弟不居信地突入烏撒假以招撫通路爲名烝婚安氏赴逐安其爵自稱烏撒知府於茲兩年今歲二月賊攻海子峒則盡搬火器以效力近日挑紅壩大戰生擒阿痴又

係烏撒大頭目尙得謂之不反乎安效良妻安氏戕殺

烏撒生靈慘同刈草管良相等忠魂至今未卹三省士民誰不思食其肉邊之烝婚猶可以苗俗爲解而甘附大逆不回需益其意謂何安其爵之襲知府皇上已有成命乃倚藉逆焰公然驅逐所犯豈細查逆邊一庸釋俗子皆夷目鷄世昌從中主謀爲滇省計藩籬宜固道路宜通逆婦之罪宜問烏撒之守宜還似難久墮雲霧置之不問鎮雄女知府隴應祥素感國恩堅守臣節自發難至今各日候其開口便即啟疆而應祥誓不從逆

朱少師奏疏鈔

卷六

六

即近見西酉雲集上大跨國以避之其義甚烈但主事紹雄原係水西人其二弟法舍見爲水西頭目而幼弟隴懷玉今爲應襲者則又奢崇明之婿也情義牽連每發兵暗助近日逆彥等出入鎮雄地面一月有餘儼然爲東道主矣其主文王允中曾良士乃叙州府人向年曾見臣於瀘州盛誇夷焰自任必反臣笑而遣之逆寅授首頭目胡宗祿朱大旺朱國恩麻老虎等驟入鎮雄允中等讓宅共居臣屢檄擒獻悍然不顧臣差死士袁起龍入鎮雄版丈地方殺逆寅僞大都督朱國政二

賊復設計以獻功誘起龍伏兵殺之受逆寅原賞誠鬼
蜮豺狼合而爲一者也今當元兇擒斬三省並舉之日
養奸釀亂法所不載伏乞天語申飭責成滇蜀兩撫臣
與臣協力會師明賞飭罰以清積蠹倘安邊能獻出逆
婦安氏以謝烏撒一城之寃退歸益東身待罪隴懷
王獻出胡宗祿等四賊與王允中曾良士二奸助討叛
逆獲有首功則照剿撫之法猶可曲赦不然三省卽移
師向之諒此小醜亦似不難擒縛庶杜跋扈而明法守
西南半壁獲有寧宇矣臣謹會同撫按各臣合詞上請
朱少師奏疏鈔 卷六

七

伏乞勅下兵部議覆行臣等遵照施行崇徵二年九月
二十八日

會議李樞楊述中二臣功罪事

崇徵二年 月科臣許譽卿追論撫臣李樞受賄督臣
楊述中不救王三善事部咨該地方撫按覈實奏聞該
臣會同巡按貴州監察御史蘇琰會看得督撫二臣特
承簡命職任封疆用以表帥寮屬彈壓四夷若果索金
啟釁忘僚失援如所論列李樞楊述中者此誠毀常失
律大千國紀科臣職在繩糾例得風聞言事廟堂之上

不可無此一段正論但皇上命臣覆勘備查顛委有不
敢不據實以陳者先是水蘭二酋自恃疆盛大生跋扈
遠左失事差給事中明時舉御史李達到蜀調祭者崇
明督兵赴援適中逆謀而水西大軍師莫德與崇明至
親兩人密議遂決反計四川布政司解安家銀五萬兩
當卽轉解莫德及占據重慶又三次解財物人口以媚
各目而逆彥等遂攻破畢節殺走滇中援兵逼殺道臣
孫克恕等及次年正月何若海偽造一檄稱已占蜀府
各賊恥不如前分集犯省不可復遏此黔省發難之繇
朱少師奏疏鈔 卷六

六

也安位六歲幼孤突然告襲署布政司事叅政邵應正
爲避嫌疑不肯擔承乃不意司吏曹之英承差邵周輔
假官爲名向逆彥需索金銀及逆彥肆口詈罵李樞偶
聞卽出示提吏與按臣史永安會疏題其其事甚明疏
案具在黔省士紳共痛屠戮之慘未識起釁之繇遂以
二吏索賄轉誣道臣邵應正致應正被叅忿鬱以死貧
不能殮及應正死而不曉事者踵訛襲謬轉以此誣李
樞在長安實聞此言在李樞實無此事先經奉旨查勘
已該先任御史侯恂疏明其誣今據科臣所指過送之

焦瑞麟當圍城逃出被賊殺死原索賄之曹之英脫逃客死邵周輔走至常德被馬超凡等歐死今獨可質之見在士紳與原日門下各官章有功孫時茂等俱具有公揭齊口稱冤臣請揆理度勢堂堂撫臣豈有妄索賄賄之事嫌小更換行同市販鄉里自好者不爲而況標固素負勁節者乎且以被論回籍之身當蘭西發難之日方督兵將恢復遵義又會按臣啓藩帑六千金給發逆彥論其討蘭此時慮切剝膚護同驕子惟恐不得其驩心而尙向之索賄乎安邦彥目中已不知有朝廷而

朱少師奏疏鈔

卷六

九

肯賄報罷之巡撫乎是非久而自明吹索多而愈白事之在李標者如此楊述中之爲總督與撫臣王三善其此兵將一柄不能兩操撫臣既已自任督臣止可催督所留守省者僅一千五百餘人而撫臣屢勝最屬奇功久駐未免失算撤兵之後步步遇賊一線羊腸前後隔斷同行道將如雲莫知所指而述中遠隔二三百里何能相援如督知府曹進可募苗兵繇渭河進僉事段伯舛副使朱家民叅將劉范和陰朝陽等分募土兵繇三忖思臘進都司藍補哀募兵萬餘解餉以十二月十五

日同知梁思泰都司章有功募兵萬餘解餉以十二月二十五日先後入大方述中之力量似已殫竭及出鎮遠與督臣蔡復一交代實在六月初十日已距失事五箇月王三善家僮出揭歸咎乃憤痛偏詞原不足據事之在楊述中者如此該臣看得李標力障孤城死守十月吞饑擔苦不可殫述同事弁紳譚及未有不爲之嗚咽流涕者幸保此一塊土以還皇上至今猶得措手以收拾遺黎而疏通大道厥功原自不細同事御史史永安業已驟膺顯職而儒一語究誣十載沉痾何以昭公

朱少師奏疏鈔

卷六

十

道而勸勞臣此臣之所未解也楊述中不援原非其辜持後曾未先走當王三善覆沒之餘兵將死者述者十去八九羣苗議起一日數驚述中竭力撐持亦非容易第與撫臣同事封疆撫臣有失自應並受其罰科臣執此以律述中詞嚴義正殊難自解所有援渝與持後之功似應削去不復再叙長與投閒卽述中自當心服臣據事直陳不敢欺昧伏惟聖明勅下部院再加查覈覆議施行崇徵二年九月二十九日

捷代方張屢戰克捷謹陳近日賊情併接濟不

敷之苦仰祈聖鑒勅部速催三省照額起解以
濟急需事

竊惟水西叛逆爲首倡謀雖蘇安邦彥莫德二賊而四
十八日與夫蔡龍等苗無不濟惡故二逆受戮不思悔
罪求成反發憤聚兵分道雜出黔本兵力單弱而路徑
既多勢不得不分我兵稍歛賊即大出勢又不得不戰
幸賴皇上威靈自六廣鴨池發龍三岔以至遵義數月
間大小五十餘戰俱幸勝賊六廣副將王國正屢屢出
奇今與鴨池副將張雲鵬遊擊陳謙等過河會哨已剿

朱少師奏疏

卷六

圭

入水西城總兵胡從儀打開大草壩賊巢阿受等箝日
有俘斬遵義一路道將已掃空六目地方招撫斬獲甚
衆將渡渭河安位始差目把周廷鑑徐永華具文求撫
昔日謾語雖已盡削而詞意含糊實借以窺探虛實全
未可信四川撫臣張論久駐瀘州檄徵調不遺餘力
雲南撫臣王伉赴任過黔指日可抵霑益三方之師將
集十道之勢並張譬如騎虎不可復下臣已於十一月
初七日誓師移駐龍場隨擇本月二十五日渡六廣河
身入戰畧一面督率各將申嚴賞罰一面再審賊情相

機剿撫除俟另疏外惟是師行糧從萬不可缺而各兵
庚癸頻呼計無以應查臣四月到任各餉缺九箇月行
各路道將每補放一月多算六日計放十月可省銀十
四萬兩每兩不顧怨謫計圖接濟而不意起解之數比
前歲愈縮九月之欠依然尙在查楚省陸續解過元二
年餉共四十三萬兩廣西解過一萬四千四百兩其餘
通未補到今歲三月臣飛檄如雨大聲疾呼而漫不應
手當此雪凍嚴寒踰河冒險而又令其典器賣耗枵腹
從事此萬不可得之數而臣於此再無支吾之策矣臣

朱少師奏疏

卷六

圭

用兵六箇月一切糧糗原不求增於數外祇與無縮於
額中各省司道府州縣宜切同舟之雅共收一簣之功
不惟分所當然抑亦情所當體者伏乞皇上勅部速照
定額行各省催解俾臣得藉以激勵將士勉效馳驅臣
愚幸甚疆圉幸甚崇徵二年十一月二十一日

彙報雲南搜勦鷄世昌累捷事

崇徵三年正月十六日據雲南監軍右布政使周士昌
報稱本月初七日准參將蘇從訓報稱攻打叛賊鷄世
昌圍寨各漢土官兵沙源普名聲王顯祖陶明卿安其

蘇龍在田沙如玉普嗣宗謝天佑等各率所部官兵齊
力奮勇直搗賊巢共斬賊級一百零三顆生擒四名奪
獲鳥銃器械火藥糧糗牛馬焚燒二十餘寨除將功級
聽監紀官紀驗類報外合行報聞本月十五日監紀推
官朱穀報稱鷄世昌雄據二城前大後小俱天生鐵壁
小城堡固四層已經普兵攻進三層惟第四層勢難力
取職懸賞發李阿味等挑選精兵乘夜襲取十三日二
更於大城之傍安置大銃以張聲勢隨督普兵并職親
兵於三更時直抵城下各兵扒上衆賊驚起對敵箭傷

朱少師奏疏鈔

卷六

重

一兵幸我兵奮勇血戰斬級二十八顆墜崖者不計奪
獲險圖繇此攻取大城直如破竹矣又據監紀推官朱
穀報稱叛賊鷄世昌所據險圖大小二城前後犄角挺
峙萬山峭立四壁賊於崖上壘巨石爲城小城圍固四
層大城後有深箐前有深溝凡近城稍平處鑿濠安鐵
門開三處路皆羊腸曲徑攀躋而上勢若登天賊約三
千倉廩盈積先年被普安破平夷明越恃此負固且助
兵水西更主使安邊悉婚安氏挾收雷烏營火結成一
片截糧斷餉使滇兵不敢協進大方近奉督撫按三院

俯淮安其祿到任先收雷益營長俾爲我用隨發兵征
討以清內患計令李阿味等於十三日夜奪獲小城後
賊因無水取給於外二小溝卽令普龍各兵分割於上
以沙兵逼近對山用銃炮打入城內分布漢土各官兵
四路圍固賊膽遂寒於十五日夜二更時令普兵由後
城攻進龍在田王顯祖普化霖沙源沙如玉張寶由前
城攻進一面舉火一面打開城門各兵齊進賊猶拒敵
官兵奮勇大戰城中擒斬三百餘賊餘皆奔潰審據生
擒方成龍等口共鷄世昌推倒城塼挈家逃出職當督

朱少師奏疏鈔

卷六

重

親兵出城接箐箐中擒斬二百餘俘獲男婦牛馬器械
不計其數俱經驗明各等情具報到臣除雲南善從事
宜聽該撫按從長酌議外所有前項各擒斬功次理合
上聞伏乞勅下兵部案候施行崇徵三年三月二十六
日

惡苗乘間出劫官兵奮勇擒斬類報功次事

先該臣於崇徵二年十一月初七日督師搗巢養龍一
路檄調總兵胡從儀提兵同思石道布政司叅政周鴻
圖監軍進剿至於下六衛地方則責之各衛指揮料理

其賊監管哨仍責舊管管參守各官隄防時有狼壩賊首汪抱糾連九股黨三三江掛丁等處逆賊并賊首吳拔楚黃栢山苗王何大巴等糾苗萬餘出劫村寨攻打凱里上自清平下至思銅省溪一帶俱蠢蠢騷動節據思州府知府胡柟報稱苗出打劫江貢九屯黃泥眼受斗杉木屯油麻冲山背蔡溪并汾河等處坐鎮凱里指揮李友桂報稱苗出不定烏黨仇七等處攻打凱里焚燒近寨守備楊一祥衝殺數陣殺死多賊因馬中箭傾跌陣亡指揮王孫奇挺身對敵賊眾我寡亦歿於陣思

朱少師奏疏

卷六

重

石叅將秦可報稱苗出沈家灘劫掠村寨臣隨嚴檄各把隘管哨并汛守各官偵探堵截去後續據安位差人蕭文乞撫臣行令各路官兵退剿以故得檄思石道參政周鴻圖與總兵胡從儀除留兵一半駐劄該路待撫外量調官兵一半前去相機剿撫於崇徵三年二月十二日據該鎮道報稱本月初五日鎮遠府申報九股惡苗攻圍施秉縣城隨發守備尹志道赴彼應援去後至初八日據尹志道報稱奉令行至鼓樓管遇守備潘師孔報稱攻圍施秉苗賊已退職領兵回營聞黑苗率眾

先於思石地方攻劫路瀨屯寨擄掠牛馬甫過河回巢戰帶兵追至地壩與苗對敵自辰至酉當陣斬獲苗級壯功四十二顆奪回大小牛六十二隻又偏橋掌印指揮陶弘勳同巡捕指揮史標名汪若漢督義兵齊至斬獲賊級二顆本月十五日又據該鎮報稱節奉密令撫剿汪狂抱角彼自知殺官攻營拆衙占屯罪在不赦糾合黑苗將狼壩屯田盡予之屢經分款招撫離其黨羽散其腹心十二日發林耀等攻石關王嘉勛等攻石蒙鍾鳴將蒙恩賜等攻凱烏三路約進各賊家業牛畜久

朱少師奏疏

卷六

美

已搬移入箐又將屯軍墳墓盡挖丟棄將自己墳墓挖藏帶去寨中止存男子凡接戰十餘次所斬功級約三十餘顆皆窮追死戰所得輕重傷漢苗官兵約二十餘人除鍾鳴將等大戰得頭功另報外其狼壩壩梗大溫鼠場共三十九寨一時盡復二賊遁逃本月十八日又據該鎮報守備林耀鍾鳴將土官蒙恩賜等報本月十二日奉令攻打狼壩石蒙凱烏等寨當陣斬獲壯功二十九顆奪獲尸口四名并牛隻器械陣亡北將一名解明輕重傷官兵十七名本月二十日又據該鎮報稱十

五日發兵攻打蕎麥黨稿等寨賊聚甚多獲功二百顆
損傷高招十餘名又據思石叅將秦可程繼勳報據省
溪司應義楊勝德報稱奉令相機撫剿逆苗吳拔楚等
遵依會同劉幹及守備李上進洪貴楊政新前至苗匡
營隨令把總吳國卿同里老人等將吳拔楚楊老三張
老晚石拔擾侯加元五苗計擒縛獲其餘苗一面計斬
另報又據馮高稟報奉令協同守備李上進督兵前至
黃栢山擒獲首惡何大巴斬獲伊弟龍娘科餘黨侯擒
獲另報又據劉幹報稱同楊勝德斬獲石老貴吳老六

朱少師奏疏

卷木

主

吳老二苗功三顆各等情先後報到除再調都司陳謙
挑選所部官兵前赴總兵胡從儀軍前聽令合力撫剿
有功另報外所有前項擒斬功次理合報聞伏乞勅下
兵部案候施行謹題崇徵三年三月二十六日

仰懇聖明酌撥新餉以資守禦事

竊照黔自酋變日尋干戈藉楚協濟於今十載目下安
位雖已投撫而士民忽有異議羣結營深益滋蔣蔓臣
非不欲極力樽節以寬物力而上下防苗與扼河汛守
非兵四萬不足分布又平清偏鎮四衛添設之兵與夫

鎮余遵守各官之廩俸須得四十餘萬而舊欠尚七箇
月未補外患內憂俱岌岌臣揣時度勢不敢不議汰
減若裁損太甚實難支持萬里一線恐不可保前督臣
疏請二百萬卽部議亦予一百萬今請量行裁減如天
啓四五兩年楚餉尙欠一十七萬零雖係正額而民力
有限據各屬皆援赦例以應獨貨粵西原派折兵銀一
十五萬查元二兩年止完五萬兩餘銀十萬兩未解原
撥蜀中每年泰餉十萬四百兩零改以餉黔毫無起解
臣願將前兩項餉銀歸還戶部聽其分撥查得楚省年

朱少師奏疏

卷木

主

額除兩折前撥一半解還南慶計協黔正雜并撥存南
折共七十一萬有零臣願於崇徵三年新餉內將撥存
南折九萬三千兩零盡撥還南將通省雜項九萬八千
兩零并無額稅契銀兩盡歸於楚又於加派項下撥去
荆岳二府額餉九萬三千兩零與楚督解濟邊外臣止
於崇徵三年武柵十五府州加派內請撥四十二萬二
千兩零以濟黔用其海邊米盡於各屬雜項內買運不
得又動濟黔加派愈虧其額此在文武將士深以爲少
而臣未敢多請蓋扞圍宜亟綢繆而經費實當節省今

一面築城扼險一面督發犒苗又一面分地開耕俟荆榛剪闢黍穀收穫計其所入以資粒食自可逐年遞減此亦非成數也臣謹會同楚撫臣洪如鍾楚按臣黃宗昌黔按臣蘇琰合詞上請伏乞皇上軫念黔疆速勅戶部將崇徵三年楚省加派除去荆岳二府外止於武柳一十五府州照額早賜撥發催解接濟保固危疆其天啓四五年楚省逋欠及崇徵三年雒項南折并蜀粵各年派黔未解銀兩盡還戶部酌南者歸南協奏者歸秦裁損者濟邊請蠲者豁免總聽戶部處分非臣所敢朱少師奏疏鈔卷六

三

預議者也謹題崇徵三年三月二十六日

安酋業已投誠紳衿未肯罷戰謹陳夷情士論仰請聖裁以決進止事

竊照水西逆酋造叛九載屢煩天討兇首安邦彥併軍師莫德等擒斬之後各自猶不悔禍日夜聚兵與黔抵敵幸將士戮力每戰克捷蜀滇兩路共張聲援安位始差目把周廷鑑等繼差艾天申等續又差宋之本等三次乞撫臣責以四事一貶宣慰之爵一削水外之土一獻當日害巡撫王三善兇首併通藏各逆一開通畢節

等道路業經承認其三只土未肯盡削復行纏擾臣謂安位入省拜賀聖壽隨班參謁應還城外舊宅基址聽其葺屋住居除六廣鴨池三岔伴狼要害處所業已築城扼守無庸再議其與新城隔遠者俟其出投酌還私莊數處以資食費自谷里至畢節五驛仍令走遞官爲量給馬價隨參將冉天允守備聶承祖葉瑞鳳等與之定議安位感激流涕一一順從差目把阿縱怯沙學劉光祚等起兵往聶舌等內擒出重慶于刃巡撫徐可求逆賊樊虎於三月十一日解獻又於本月二十日具朱少師奏疏鈔卷六

三

文稱將逆寅妻爲后馬氏併僞世子阿甫起解集四十八月三十六宗親俱出六廣河邊照夷俗獻刀一把木刻一條自誓永作藩籬不敢復叛臣委六廣副將王國正遵義副將劉養鯤中軍副將章有功僉書張嘉謀守備奚光先等按臣門下官萬吉齡李逢霖等曉諭明白俱叩首納款懽呼散歸訖臣思奉命討賊不能盡殲其黨僅以一撫了事實負大罪但查酋之造叛實係安邦彥父子首倡而莫德主謀漢夷各目迫於威脅不得不從位毋奢社輝爲此氣死是時位年甫七歲全無知識

情實可憫臣入其境所見閭閻糾紛露悔逃天實生
成舒嗣為苦通敵鼠潛禾突倏忽異狀人馬技擊俱不
易逞卽一日直犁其庭而種類實繁未易盡殺多兵設
防愈滋煩費計自去年四月至今正月蜀黔各路陣斬
首級共一萬七千八百八十二顆生擒共一千九百八
十六名救出被擄難民四千五百八十一名口攜家出
投者四萬九千六十七名口亦可少紓積忿而不振國
威當茲庚癸頻呼之日權宜予撫扼住河岸且耕且守
操縱之權實在於我安位又具文稱永寧所擒約作老

朱少師奏疏錄

卷六

三

成知事今伊子阿縱能擒大逆畢赤所擒傑曼係位鬼
師六廣陣擒王之龍係位跟用目把哀求併宥用作保
認臣惟國恩浩蕩一面可開且能信安位不能信各日
合將三賊俱留羈監俟三年後果無叛萌另為請赦既
廣皇上法外之仁且合昔人服心之議隨據漢把左之
賓宋之本等七名於三月二十三日到省投見認定招
集流離修復畢節求臣給發照示間至次日臣方開門
忽鄉紳馬文卿潘潤民楊秉鋒曹育俊何圖呈等率領
士民至臣署中哀號赴訴謂殺戮積忿斷不能銷夷情

狡詐斷不可信且岌岌有寇在左右之恐臣一時勢緩
急併接濟困乏之狀再三告之意不相信旋別赴按臣
蘇琰處赴訴無何則報有一等亡賴徑至城外歇家內
擒出左之賓等七日登時打死又波及遊義投文千總
湯思偉并參將冉天允跟役數命不惟酋目行李鞍馬
盡行搶奪又搶守備蓋承祖趙一杰唐啟貴等數家除
行按察司查究另疏外為照臣謹叨節制之權屢奉便
宜之旨剿撫進止未得自專而紳衿憤痛激烈亦自有
一段至情恐一撫而兵餉漸汰後更難支為慮願長今

朱少師奏疏錄

卷六

三

盡殺投款之人頓懷已成之局連日雖據安位具文仍
求予撫或厭禍而情切或懷毒而言甘俱未可知臣外
既失信於諸酋內且見拂於紳衿進止狼狽不知所裁
二十七日各紳衿具有訴詞至四月初一日另有公疏
條議草稿示臣除行令徑自奏聞外臣謹會同巡按貴
州監察御史蘇琰合詞上請伏乞勅下該部酌議覆請
聖裁行臣等遵奉施行崇徵三年四月初四日

恭解元兇首級併陣擒生俘仰請正法事

竊照水西土同知安邦彥造逆背叛流毒九載殺害撫

臣道將併一切生命不可數計既誘安邊悉婚安氏以堅烏撤之叛又欲攻取永寧界奢崇明以阻蜀兵之援甚至僭號僭元惡焰日熾幸藉皇上威靈閣部籌畫文武將吏電勉從事殲厥元兇斬獲累累滔天罪惡庶幾少懲查八月初九日之戰四川總兵侯良柱與畢赤總兵許成名於初八日夜分認一前一後次早竝發良柱雖在前戰勝而所報逆彥莫德二級因各將妄認遽以入報實非真也許成名初謂蜀已得彥意不復追及審陣降孔思明報彥衝開血路易馬遁去於是五路窮追

朱少師奏疏鈔

卷六

書

至次日已時部將趙國璽雷應乾竝斬彥於紅土川是時仁合路總兵羅乾象追騎竝至分護二將併逆彥全屍於九月初六日起解赴黔臣差官弔蜀級竝驗久不解赴只得先發黔級行司道衛所里保人等辨驗無一人不以爲真直至十一月初四日四川撫臣張論嚴檄李國選將二級解黔臣因四川按臣馬如蛟隔遠移會按臣蘇琰照前發驗則無一人不擡首以爲僞者蓋逆彥年已五十八歲面麻鼻歪齒疎髮稀耳長左足有瘰瘡黔級俱合蜀級全非至僞軍師莫德與逆第三子阿

撤爲已故畢節指揮朱萬葉材官許盡忠王顯等於初九日破陣親斬不獨面貌對同卽鬼書鬼仗鬼帽併生擒書記鬼師猱毆俱有確據臣惟逆彥等罪大惡極重煩天討理應告廟傳邊關係匪細課功實明是非臣之職也臣再三查確無異除叅政鄭朝棟加銜叅將趙國璽雷應乾先差入援謹差會書李棲鳳陳王謨守備吳獻夫軍前監紀官王輔陳元揚各帶親兵管押起解上獻以正小醜背逆之罪用彰天朝撻伐之威至於陣上生擒各賊永寧一百二十二名畢赤一百三十八名臣

朱少師奏疏鈔

卷六

書

俱先行道鎮徑自正法外其生擒頭目如永寧侯良柱所擒杓作畢赤所擒猱毆六廣王國正所擒王之龍據安位併各漢把目俱稱三賊老成知事乞留監禁貴州保認不反俟上下相安方敢求釋臣已另疏議請外其奢崇明首級併永寧見監卧租等十一名俱移會四川撫臣聽審實另文會解所有貴州六廣生擒白馬與安位所獻重慶亂首樊虎相應同三級一併起解餘犯周世佐宋文相陳啓明王伏宗劉中明者甲沙九石元者黑等九名恐道路繹驛仍行監候合請聖明勅下該部

議覆行臣就近正法以省煩費崇徵三年四月初九日

安西續獻生俘懇請曲赦仰祈聖恩准與維新

事

三月二十一日據水西應襲安位具文解出逆犯奢寅妻馬氏印安氏併其子阿甫赴黔岡土民發難及河而返該臣具疏將士論夷情恭請聖裁外今連據安位具文稱各日昔年造孽深重偶被毆死自所甘心仍將安氏阿甫差漢把周廷鑑楊淮陳國基解出隨請官前赴畢節衛認修舊城重立驛舍具結伏五紙到臣該臣看

朱少師奏疏鈔

卷六

聖

得朝廷討逆誅叛止問首惡今擒斬已多天威丕振安位本無知識一線可延既來則安自是常理敢請聖明憐其孤幼曲施浩蕩之恩俾還王享之舊仍一面經理善後以固吾圉西南一局似可收拾臣不揣庸昧特為乞宥再照安氏阿甫蠡婦釋子本不足為重輕但一則逆寅之偽后一則造叛之孽種翦草而不去其根恐異日有不逞者借為口實合應起解以聽處分除差叅將段喬森守備孟成祥督押起解恭候勅下刑部照律發給外臣謹會同巡按貴州監察御史蘇琰合詞上請伏

乞聖明裁酌肆赦行臣等遵奉施行崇徵三年五月初

七日

衰年危病不堪彈壓仰祈聖恩亟賜優卹

臣繇萬曆十三年進士初授大理寺評事歷陞寺副寺正蘇州府知府廣東提學副使再任叅政告致回籍四十四年起陞陝西按察使歷陞四川布政巡撫僉都御史加兵部侍郎右都御史兵部尚書回籍守制崇禎元年六月復蒙皇上起臣以原官任貴州川湖雲廣等處總督軍務臣受恩隆渥自誓捐糜與疾馳驅業已一載

朱少師奏疏鈔

卷六

聖

目下雖罪人已得釋子投誠而犁掃之功未奏士紳之議相違無所短長之效已灼然矣臣又不幸有狗馬病每苦痰壅不省人事漸發漸劇與歲俱增今年屆古稀止欠五稔而身嬰危病食不半盂步履艱難藉人扶掖決非能久延視息者即欲擐甲策馬再趨行陣實不能矣伏枕悲痛負皇上養養之恩萬死莫贖願一身為小疆場為大與其尸位耽悞曷若瀝悃控陳伏望聖明憐臣衰年鑒臣真病亟賜優卹斥別選才望速赴任事臣不勝迫切待命之至崇禎三年五月初七日

奉職無狀致有煩言直陳戰功俾獻始末懇祈
聖鑒亟賜矜斥以無悞封疆事

臣至愚極陋仰荷皇上委以軍旅假以便宜日夜凜凜
惟是勉修實事以期報塞萬一黔之地小而力微借資
鄰省敢不曲意聯屬以期共濟不意大局未完爭端紛
起閱邸報四川按臣馬如蛟前後三疏與貴州按臣蘇
瑛相駁語多刺臣雲南按臣趙洪範皆臣二失臣疎庸
多戾自審甚明二臣所列猶存厚道業已奉旨發部院
公勘自當席蓑恭候處分顧戰功俾獻始末情節甚明

朱少師奏疏鈔

卷六

署

是非難昧臣屢疏俱在御前疆場事重難避嫌怨敢再
一陳之臣於二年四月入黔先任督臣張鶴鳴與按臣
蘇瑛已於本年二月內察總兵許成名余政鄭朝棟移
駐永寧衛責令修復赤水爲進取之計至六月成名乘
水漲督兵修理功甫報竣而賊警四起至七月賊大衆
自鎮雄出吼西關直趨永寧臣恐兵分勢弱飛檄成名
回永與蜀合勢比成名回則蜀將閉城不納乃遂徇於
魚島山上與賊對壘結營夫永寧原係黔衛乃道鎮駐
劄之區欵兵迎敵未可謂之走也八月初三日蜀兵先

出黔兵四路接應所殺相當道臣劉可訓總兵侯良柱
俱有稟揭到臣頗感成名之援嗣後可訓揣知賊分兵
敵黔又分兵打入建武攻圍叙南六縣機有可乘遂懸
賞勵士決一大戰初八日夜侯良柱親入許成名之營
議定一前一後五鼓並發是日蜀將鄧玘李國選等當
前血戰立摧強敵豈非偉功而許成名部將朱萬葉等
實打入後營先殺軍師莫德與安邦彥第三子阿撒頭
目阿戶等其餘擒斬與蜀相去不遠至十六日酉時侯
良柱劉可訓許成名鄭朝棟羅乾象五人並至臣署臣

朱少師奏疏鈔

卷六

署

逐一審問黔蜀二報便爭莫德一級臣門下官高仲魁
謂莫德原有兄弟二人一爲鬼師一爲頭目始各無言
臣閱良柱報得兩省元兇故遂全錄而成名報第云大
畧相同一語此得功報功之情節也至二十三日許成
名又飛報擒斬偽王安邦彥據報稱初九日晚降賊孔
思明報彥已脫走易馬換羸身穿黃衣成名乃五路發
兵部將趙國璽雷應乾等於次日追斬於紅土川得其
全屍因蜀兵邀截迂道數日始得達黔臣尚未敢信甫
差官弔驗而蜀中道鎮挾忿疾呼謂黔人冒功矣臣解

之日安邦彥決無兩頭蜀人不識黔人識之兩處各有生俘其語難據但將二級解黔白晝大都之中糾集府衛官者公同辨驗誰能掩其正偽而道鎮忿爭如故臣又解之日戰以當前爲首而逃後爲從級以前戰爲首而追得爲從今第少一驗耳若黔級是正當感其相成亦只分蜀二三若黔級是假則同出竝戰亦當推讓二三成功難居功更難爲范宣子母爲王濬臣以此倦倦勸勉而道鎮必欲取諸於撫按三次差官弔驗堅不肯解臣十七日即發旗令催道鎮乘賊摧敗協黔直搗而

朱少師奏疏

卷六

美

劉可訓且出重慶迎謁兩院侯良柱亦出瀘州悍然不顧矣臣不得已始將黔級行司道府衛集鄉紳衛弁與諸耆老辨驗無一人不以爲正者臣遂據實續疏報聞訖至十月二十九日四川撫臣張論體念共事嚴峻將官李國選將蜀中二級解黔此時按臣如蛟決無入黔之理臣勢不得不驗於是仍照前法發驗而無一人肯認者臣遂明白曉諭謂功自首蜀級宜獻真照例犒賞發之使回此驗功一段情節也查崇明係蜀賊臣屢疏聽四川撫臣審明會解祇是浮議籍籍謂其未死臣又

據安位第二次求撫申文願獻崇明及馬氏阿甫樊虎四賊不得不以相告及樊虎解出詰以崇明何在則云實無下落前者偶爾誤報適撫臣張論有書到臣謂水西日把陳萬典稱崇明實死鎮雄水西肯出結狀臣謂前者司文報獻定爲奸把所誤今但取二司結認便可俘獻以完大局此查崇明一段情節也臣任寄頗重詎敢模稜假令如蛟設身處地決不能舍通國之口而以偽掩真亦未有同舟之中而有聞不告者祇是總兵侯良柱不肯居偽遂爾飾欺即其報疏自任封侯擅操論

朱少師奏疏

卷六

罕

叙掩人揚已情狀已露皇上立捐三萬金之賞臣奉部咨原謂初九日大戰得二元兒也議分黔中各路二千兩原不竝戰不敢濫受其餘擅自分派卽建武敗遁亦得與賞而畢亦一路竝戰得功之將獨無絲毫及之果不妬否據其報冊斬逆彥者則侯應琛其子也斬奢崇明者則劉正華可訓侄也不操戈而竝誅元兇果不欺否最可異者臣在戰壘五十餘日良柱擁兵數萬竝不發一塘報亦不出赤水一步及移問撫臣張論則知其挑激鎮雄俾點兵自備遂倡固圍之說以快倚柱之觀

至今年正月臣已撤兵議撫而良柱於二月十三日始發一分布各兵塘報又每每捏造六廣鳴池遵義等處敗衄虛報以聳聽聞按臣蘇琰激而有言臣以大局未克未遑論次不意如蛟獨信良柱之堅也張一珍受賄妄呈業有通衛之簡舉羅乾象懼禍改口難抹屢次之塘報范祖文等細人說構其可據乎至於獻俘臣因得級日久一面草疏一面將疏稿移會四川撫按二臣促令會解蜀近而黔遠自可相及謂臣潛解詆為陳倉暗渡臣所不敢受也雲南按臣趙洪範謂黔累滇此係實

朱少師奏疏

卷六

聖

事但維世昌脫走之後向黔安普道叅政朱家民認罰求撫具詳到臣臣移會撫臣王伉處分未定未便撒手兩省唇齒勢亦不得不代黔出力至警臣有二失臣失實不止此臣哀病多病原無勘定之具構爭突起議論日煩總歸人微才劣不能取信無所長短之效已明見矣伏望皇上鑒臣愚悞憐臣衰病速賜褫斥別簡才望以冀疆圉臣不勝激切待命之至謹題崇徵三年九月初三日

叛苗猖獗殺占地方發兵剿剿稟報斬獲功次

事

崇徵三年十月初二日擬定番州小龍司土官龍雲騰申稱司屬黨拱寨被惡目王國卿等糾聚苗仲數百圍殺本寨殺死龍得奇等多命擄去男婦索牛馬百十隻贖命屢行燒劫霸占撒馬地方又據鎮寧州火烘司土官韋天慶申稱叛苗光保光成等聚眾燒殺司屬夾西等三十一寨地方悉行占據殺死司民三十六命到臣隨行安平威情二道委官查勘撫諭各苗聚眾抗拒大肆狂逞臣於是密行貴州總兵官林兆鼎并調撥副將

朱少師奏疏

卷六

聖

王國正楊正芳叅將陳謙遊擊金良田探捕僉書張舜齡副將班麟貴僉書袁可成覃載勳等各統部下官兵分作三路並進又行副將商士傑叅將范邦雄各督部下官兵密至火烘撲剿光保等去後隨提總兵官林兆鼎報各將領官兵俱於十一月初四日會合併攻羅金孔引等處大寨各賊棄弩長槍四出拒敵官兵奮勇鏖戰至午先破擺金賊敗奔潰撥兵分路追殺副將王國正斬賊首阿用阿寧等三十五級生擒賊首阿五獲偽牌二張救出難民一名副將楊正芳遊擊金良田共斬

賊首阿彪等二十八級參將陳謙斬五級生擒賊首阿賣合書張舜齡部斬十七級副將班麟貴部斬偽總兵老廷柱初五日撥接江渡擺金擺塞擺藏茶山等寨管副將楊正芳部斬十一級參將陳謙斬偽都司老楊箇等十二級初十二日攻打擺拱擺榜擺錦等寨副將王國正斬賊五十七級副將楊正芳斬賊首阿明等十六級獲偽劄一張參將陳謙斬偽都司老田柱等六級獲偽劄一張偽兵符一道合書張舜齡副將班麟貴守備耿世昌各有擒斬並獲數年懸賞未獲安邦彥親校

朱少師奏疏

卷六

聖

賊首阿香阿倉并二賊妻朱文慶劉正宗羅聯芳王自貴共斬賊首阿虫阿茂等二十九級獲偽牌一張十二日夜守備張清楊雲戈大任劄營江渡苗賊劫營斬十二級生擒苗賊阿猛各獲牛馬不計又據該鎮報稱二十日發兵至二十一日抵通州攻破各寨副將王國正楊正芳參將陳謙等共斬獲賊首王國卿王璋阿曹等一百三十三級袁可成生擒王璋親弟王林并獲偽劄一張又攻打盧山麻响木瓜大華等寨王國正楊正芳陳謙朱文慶各有斬級各獲牛馬器械不計又據副

將商士傑參將范邦雄報稱各官兵前至火烘光成光保光明等賊各劄大圍數處日每拒敵至十二月初一日夜三鼓發令各官兵攀崖附葛偷至圍頂四面埋伏一齊舉火剋破犀牛圍初四日拔搭雲梯明以火器誘攻暗使勇士偷入圍中官兵奮勇四路夾攻初五日五鼓攻破安卜籠圍斬苗王光明等三十五級除投火自焚跳崖墜坑并獲牛馬不計又據二將報稱復攻破石頭圍斬級甚多獲大百子銃一門又銅銃一門銅鼓一面牛馬綿被盔甲刀弩不計各報到臣該臣看得黔省

朱少師奏疏

卷六

聖

自遣酋變慘殺幾盡者戎首雖係安酋而恣毒全係苗仲今安位帖服而各苗舊額糧馬依然抗拒不納甚且燒劫侵占漫無顧忌勢不得不興兵一問及擒斬賊首擒出腰間偽劄皆逆彥所授其助惡不悛真同禽獸除行各土官聽令餘苗出投認納糧馬責令速輸并將得獲牛馬器械變價充餉外所有前項擒斬功次合報上聞伏乞勅下兵部案候施行謹題崇徵三年十二月十二日

兩江惡苗毒劫無忌發兵剿洗大獲全捷彙報

新獲功級事

該臣履任卽值安酋突犯永寧調督各將分頭迎敵不暇旁及去歲四月撫事方定隨檄總兵胡從儀參將陳謙先搗狼峒壩出劫殺官之賊甫竣事而定番擺金等苗與安順府火烘司賊苗大肆猖獗又檄總鎮林兆鼎率王國正楊正芳陳謙商士傑范邦雄各將分頭討之至今年正月火烘之役未竣而黑苗又復蠢動於勢不得不剿查得此苗造叛日久最號兇悍向來各將議及無不色沮甚至將施秉舊縣題裁以避之臣與按臣張

朱少師奏疏

卷六

續酌議若不超此兵力督率鳴剿以後益難爲力矣共進總兵林兆鼎議之慨然力任隨令兆鼎督率副將王國正參將陳謙等各領所部官兵共八千名并調副將楊正芳下官毛禮領兵二千名臣標下遊擊彭應魁官兵七百名清浪參將程繼勳守備李上進原任參將索可各統部兵二千名又調平越五土司兵二千名隨同進剿及行署新鎮道事參政勞永嘉移駐軍前監理去後隨於崇徵四年二月初二日據該鎮道報於正月二十四日發師以副將王國正參將陳謙統領該部官兵

朱少師奏疏

卷六

劉鎮藩等謀東坡進攻崖屬平崖翁角龍等寨圖本鎮標下都司俞書查悉修盧吉兆守備燕啓周羅聯芳等官兵縣備橋先見營進攻黃岑等寨聞參將程繼勳索可守備李上進等官兵縣施秉進攻龍塘等寨是日各抵巢穴劉營二十五日副將王國正參將陳謙親督官兵保文變等與賊大戰自辰至午賊衆大敗斬功數百俘獲賊屬牛馬器械不計二月初五日又據該鎮道報正月二十五日攻打夷西等寨官兵奮勇查悉修羅吉兆羅聯芳王自貴及百戶馮明德土官楊世茂各有斬級於二十六日伏兵河下又斬賊五級初八日又據該鎮道報正月二十五六兩日參將程繼勳守備李上進楊光增等官兵攻打龍塘等七寨共斬九級俘獲賊屬馬牛鐵甲盔弩槍刀寨可尹三聘等官兵共斬十八級得獲牛隻鐵甲二十九日兩江惡苗湊集萬餘分爲八股過河分作五路圍敵官兵李上進金光祖敵前路守備楊光增王文龍敵右路寨可繼後應援丁學錫楊光舉敵左路尹三聘敵西北程繼勳敵東南自辰至未前路李上進部斬苗級銳弩打傷甚多賊敗渡水楊光舉

朱少師奏疏卷六

聖

等奮力追殺溺死河中者數百右路楊光增勇往前衝部兵李龍張應文周興楊九共斬苗級不意光增先登馬蹶被槍陣亡各兵追至江邊抵敵數陣各賊重傷甚多遂敗過河餘路苗賊見前路潰去亦各回巢同日又據該鎮道報稱逆賊聚於黃岑膽寨所恃者濫田淤泥又兼小河環於其外官兵對峙持久未決本鎮急檄王國正陳謙速赴應援二官隨即順梯苗隆凱弔龍分等處徑達黃岑遂密傳各營每兵帶草一束於正月三十日五鼓將草填滿濫田又以苗賊米倉竹笆鋪上人馬易行火箭火炮奮力齊攻斬級甚多賊遂敗潰膽寨涼傘白壩岑溜數十逆寨一時俱破官兵急追賊奔過河溺死千餘水急不能割功查懋修盧吉兆羅聯芳王自貴等官兵共陣斬五十三顆毛禮部斬一十七顆又王國正陳謙秦可等攻破崖鷹等固寨王國正部斬一百三十三顆陳謙部斬二百六十四顆秦可部斬二十四顆百戶馮明德土官楊世茂共斬二顆二月十二日又據該鎮道報各官兵於本月初三日分作四路渡江各賊設伏拒敵查懋修毛禮王國正陳謙馮明德等共斬

朱少師奏疏卷六

奏

三百餘級橫坡司應襲土舍楊舉霄及侯榮鑾劉起鳳共斬數級又馮明德楊世茂把截崖門後路伏兵遇賊斬級二十九顆劉起鳳侯榮鑾擒獲賊首申月阿林阿呆三名把總張騰龍把截河灘生擒先年越獄賊首老張一名本月十六日又據該鎮道報稱本鎮往施秉施洞口河邊調度官兵伐搭浮橋賊衆數千阻扼接殺隨分布令陳謙督馬騎於從化鎮以牽賊勢令王國正督步兵用小舟渡於下津馬騎浮水而渡步兵已達賊後前後夾攻賊衆大敗連破老毛二國王國正陳謙查懋修毛禮程繼勳秦可楊通寅楊儒共斬二百二十四級二十三日又處該鎮道報本月十六十七兩日攻打擺螺岡程繼勳楊昇雲楊通寅馮明德楊世茂何錫共斬二十三級又查有賊首申繳買呆阿莽上年與汪狂抱角作叛攻打營堡復圍凱里總兵胡從儀征進逃遁九股今見兵剿兩江仍復糾賊出沒山等截殺官兵本鎮隨發官兵搜捕去後今據侯榮鑾劉起鳳官兵斬獲申繳買呆阿莽又斬苗級十顆查懋修王國正陳謙李上進楊光星呂守成楊通寅部斬共六十餘顆餘慶五司

土兵共斬七顆秦可部斬一十七顆臻洞司土官劉起鳳部斬一十三顆二十五日各官兵擒斬有名賊首老拘石保吳阿良三名二十六日各官兵分布四路找搭浮橋三座人馬經行自十九日起至二十一日攻打鬼接寨大飯台等處程繼勳李上進毛禮楊昇雲部斬共七十一級秦可親斬保強係膽寨苗頭呂守成楊光星守備李奇土官宋民倚共斬八級楊弘基劉起鳳何順德楊通寅鄭魁明馮明德楊世茂共部斬十九級又二十一起至二十四日攻打長灘橫坡桑奔山秉等寨

朱少師奏疏鈔

卷六

提

國查悉修盧吉兆羅聯芳王自貴毛禮楊昇雲等共部斬九十二顆王國正部斬一百三十七顆陳謙下丁顯爵等部斬一百七十六顆程繼勳秦可何順德等共斬五十八級其俘獲賊屬牛馬器械無算二月初七日各官兵接捕各國寨山箐毛禮楊昇雲李奇呂守成楊光星宋民倚李上進等共部斬二十五級秦可部斬五十七顆等情又卷查崇徵三年十二月十九日據威清道僉事楊時隆副將商士傑奏將范邦雄報本月十二日夜發兵攻圍南關大園自十三日辰時鏖戰至午賊始

敗遁入箐險園遂破斬級五十四顆俘獲賊屬十名口諸葛鼓一面百子銃二門苦牛二隻本月二十三日又據該道將報十八日夜挑選精勇兵士各帶火毯攀崖偷入羊場園中順風舉火燄烈冲天各賊措手不及棄園奔潰險園復剋斬獲功級俟查明另報崇徵四年正月初八日又據范邦雄報稱賊首陳大有統賊出劫壩陽守備毛翼明督兵追捕大有斬獲今伊兄陳二聚黨數千於本月初三日攻圍壩陽邦雄議留商士傑駐守安卜龍石頭園外邦雄帶兵兼程前赴壩陽與賊相持

朱少師奏疏鈔

卷六

辛

自辰至未陣斬賊首阿嘩方得解圍各兵追抵石頭楊柳冲邦雄部下官兵斬功二十九顆獲偽劄一張廣銳二門賊屬一十七名口牛馬三十餘商士傑任先覺單載勳毛翼明各斬多級獲有賊屬馬牛等物二十三日連破犀牛諸園各賊計窮出箐投見訴乞饒命情願認罰納糧退還原日殺占火烘司地方不敢爲逆等情各報到臣除行威清道會同商范二將撫諭各苗如果實心歸順准令退還原占地方照舊辦納糧馬併將各官兵俘獲諸葛鼓移解布政司貯庫銅銃留於軍前應用

賊屬牛馬變價偽賞有功官兵外為照黔省惡苗好劫
宵殺度有寧日一處不創各處放尤幸西事就撫得以
餘力賜剿今兩江逆寨洗幾盡其餘逃入九股以內
者各將見在追捕不日可竣至於善後事宜俟班師之
後當會同按臣計妥具奏經歲戰功各臣另疏查叙所
有前項擒斬功次合先上聞伏乞勅下兵部案候施行
謹題崇徵四年三月初十日

兩江惡苗剿洗幾盡彙報斬獲功級事

該臣節據都清道參政勞永祐總兵官林兆鼎報剿洗

朱少師奏疏

卷六

聖

兩江惡苗自崇徵四年正月二十五日起至二月二十
八日止擒斬功次業經具疏彙報外續於三月初九日
據該鎮道報稱鬼車寨僅離焦溪官道二十里向來出
劫鬼車尤甚隨發本鎮并副將王國正等官兵攻打一
戰賊敗前營羅聯芳中營查懋修右營王自貴後營盧
吉兆王國正焦溪營楊弘基等共斬八十餘級隨乘勝
分布官兵接剿高坡等圍寨守備雷聲鳴奮勇前驅斬
賊二十餘級因山路窄險馬蹶被箭守備王維躍馬急
戰亦被賊箭一官傷重陣亡各營官兵大墜繼至賊勢

朱少師奏疏

卷六

聖

敗潰王國正及虎威營朱文慶凱里百戶馮明德土官
楊世茂等共斬三十五級李奇楊昇雲秦可及石戶劉
登臺等共斬二十餘級十四日攻打八寨鬼亮岡寨王
國正陳謙秦可程繼勳楊通寅侯榮鑒羅聯芳王自貴
等共斬四十餘級又自初七日起至十六日止陸續攻
打圍寨并接山箐王國正程繼勳部斬二十一級生擒
賊首張馬秦可部斬二十四級生擒賊首李強其羅聯
芳史標名楊勝榜楊通寅劉起鳳馮明德楊世茂楊貽
葉楊應瑞毛彩雲等亦各有斬級四月初一日各官兵
伏路苗賊經過各兵追殺侯榮鑒程繼勳劉起鳳楊正
士各有斬級初四日發兵接捕山箐消潭草塘二司土
兵及程繼勳等各有斬級初六日又據該鎮道報自正
月二十四日進兵連破黃岑等數十圍寨各賊即奔過
河總創偏寨巴臘老毛大圍官兵乘勝追趕於施峒口
遇河四路攻擊賊眾披靡逃竄九股潛匿隨分布各營
官兵緝長灘橫坡五岔等處齊壓九股界境仍傳諭九
股苗蠻即將兩江逃入逆苗盡行縛獻免其進迫若抗
違一槩剿洗九股各苗見官兵勢大畏懼不敢容留兩

江逆苗復潛回任制偏寨老毛國富即遣人諭令過河聽撫各苗猶然負固遂於本月二十七日酉時發令標營將官查懋修林之瀛盧吉兆羅聯芳王自貴毛禮清浪參將程繼勳清平都司李上進將官楊光星楊弘基并草塘五司土兵及監軍道隨帶官兵葛邦翰等縣下乘渡河從小汀包截老毛國後路以副將王國正下官兵保文繼周民望王治民顧法等同虎威營朱文慶等縣施峒口偏寨過河前進本鎮督同王國正於從化鎮督戰約於二十八日黎明聽從化鎮砲響四面一齊夾

朱少師奏疏

卷六

聖

攻逆賊拒敵屢戰至已時賊力不支總奔老毛險圍桶石如雨官兵難以近前待其櫓石將盡賊力疲竭遂催兵奮勇直上前有保文繼并虎威等營官兵後有標營查懋修林之瀛盧吉兆羅聯芳王自貴毛禮并清浪清平等營官兵土兵前後攻打我兵奮勇齊登圍頂銳砲噴筒齊發各賊潰敗生擒黃飄寨賊首阿強陣斬賊級共一千餘顆墜崖落水死者江河斷流搜獲原日逆苗劫奪橫坡長官司印信一顆俘獲賊屬器械不計有遊擊保文繼左腿刀傷回營身故各營輕傷兵共三十五

名初七日又據該鎮道報查得甕涼翁西黃岑騰寨白壩等寨逃竄逆苗仍復糾聚過河徑回本寨斷路險隨發參將陳謙帶兵前赴查探各賊出散官兵四面攻圍賊衆奔敗斬級三百餘顆奪獲賊仗不計十一日又據該鎮道報分布官兵搜捕圍箐王世裕馮明德及清潭草塘二司土兵各有斬級程繼勳部斬五十七顆標營官兵斬級一十三顆顧法楊通寅等亦各有斬級又據該鎮道報分發官兵前往翁西等寨剿洗復回逆苗陳謙部斬二百三十一顆秦可部斬一十一顆又前攻

朱少師奏疏

卷六

聖

打偏寨老毛國復回負固逆苗查懋修并毛禮官兵斬級三百二十二顆虎威營朱文慶等斬功十顆王國正部斬二百七十二顆楊通寅部斬十顆程繼勳部斬六十五顆秦可何秉正共斬一十一顆十九日又據該鎮道報各營官兵陸續搜捕圍寨山箐程繼勳部斬六十顆標營侯榮繼等斬功二十五顆秦可顧法馮明德楊世茂劉起鳳楊正士楊貽葉及清潭草塘司土兵共斬二十餘級等情各報到臣該臣看得兩江惡苗負固數十年四出劫殺殆無虛日茲因西甯帖兵力稍暇仰仗

天成擒斬數千剿洗幾盡活俘賊屬併獲刀槍弩甲等項不可勝計其餘諸苗哀乞求撫認納糧差兩江自此廓清軍民可獲安枕矣除一應善後事宜業行該鎮道查議去後俟詳報至日臣再酌妥另行疏請外所有前項擒斬功級合先報聞伏乞勅下兵部案候查叙施行謹題崇徵四年四月二十四日

殘衛修復道路疏通小酋効順已堅西土瘡痍漸起伏乞特頒赦宥永屬忠貞事

該臣看得水西安酋自建宣慰以來世効忠順黔中物

朱少師奏疏

卷六

聖

力甚儉一切徵調課稅強半取足於酋故得以通道滇雲附稱一省較諸別土府祇屬靡而無干涉者實有裨益不意者酋作亂各目陰與合謀乘間續發十年罪大惡極藏之俾無遺種亦何足惜惟是起禍有因造叛有魁奢社輝一婦人不能制壓諸目憤氣以死安位此時年甫七歲原無知識今兒首如安邦彥併弟安邦俊以及魯仲賢此三賊者業俱陣斬其餘附從各目芟除殆盡通計三省擒斬為數頗盈亦足以洩衆忿而伸國法矣安位雖孺子漸有知識投誠納款所責四事一一承

詔畢節修城之役頗竭心力道路疏通行旅無恙且向年被擄難民陸續送出十年頑局業可告竣臣前歲渡河親入營壘所見投出各苗皆披草食木絕非人類一望千里帶岫糾纏雲霧盡晦此決非用武之地也昔高宗三年而僅克武侯七擒而復縱治夷之法不過若此夫聲罪致討已彰皇上捷伐之威存孤撫順尤冀皇上浩蕩之恩伏乞憫念無知特肆赦宥仍乞天語申飭俾其恪修職業永無越軼疆圉幸甚其永赤同知仍應設立合請併勅吏部簡才選授以便責成經理謹題崇徵

朱少師奏疏

卷六

聖

四年四月二十四日

同奏查覈永寧賞功銀兩事

竊臣思自兩酋發難以來戰勝非止一次而永寧一捷皇上特頒三萬兩之賚原謂是日竝得元兇稱奇捷也臣宣楊德意遠近雷動雖云賞不踰時用以示勸而生死正傷亦應一查是日血戰蜀兵在賊營之前黔兵在賊營之後仰仗國威擒斬繫繫蜀固偉功黔亦不薄如畢赤一路業已實得元兇且生擒賊目一百七十四名斬賊級一千四百零一顆斷難以意見之齟齬盡行抹

殺者也他如叙瀘失利之師與納谿合江遠在數百里者皆得與賞又如黔中六廣等三路雖過河大戰原不同日並出亦議分二千兩而獨無絲毫及畢赤一路殊覺偏枯臣是時身在戰壘見各將默然有不平之色遂未批行及至三年二月內四川撫臣張論移咨內稱查得欽賞銀三萬兩先該本院牌行布政司動解永寧監軍道鎮查照明旨分賞衝鋒將士并各路應援官兵去後今據該道詳議六廣遵義叙瀘下南仁合等路應援官兵欽賞銀五千七百兩除蜀中各路一千七百兩本

朱少師奏疏鈔 卷六 聖

院分給外其六廣赤畢等路二千兩應解赴黔中聽候分發至赤畢許鎮之兵除攜往黔外留永兵五千雖未據該鎮紀冊交代而據各兵稟稱實有此兵在數既在應援之列亦當均沐皇仁應否於前議貯二千兩內酌給許鎮留永之兵以廣曠典或俱俟取解黔中分行頒賞等因臣閱咨中有畢赤二字遂持咨遍告將士謂四川撫院持議虛平既不埋沒血戰之功且又念及留永之卒則如永寧道鎮所云一兵俱無者其說自破矣於是衆情始帖服無辭其所分二千兩俱不願領者以數

月血戰不肯當應援之名且留永之兵既無黔將統領卽分之未必實惠故臣因衆情不願移咨回復臣與撫臣事同一體曾無相左貴州按臣蘇琰原有監軍之責見道臣所詳深懷不平遂據風聞入疏致起元黃殊不念撫臣奉旨發資照議均攤就中遺漏者特爲聲說明白公平一念自是昭灼臣今覆查絕無異議且先經撫臣造有清冊業經兵部覆勘無異臣又行布政司取具支發細數除二萬八千兩俱已給散外其所留子黔二千兩或起解助餉或留蜀給兵或仍發黔以終大賚之

朱少師奏疏鈔 卷六 聖

局臣未敢擅便伏乞勅下該部查議覆請定奪施行謹題崇徵四年四月二十四日

題釋杓作并立安邊事宜事

竊臣於本年三月內接閱邸報兵部題覆雲南巡撫王伉一本爲謹陳露島近日議論情形乞賜聖斷以圖可久之局事奉旨覽奏安邊不宜輕徇事理甚晰著卽行朱熹元熟計機宜以圖善後王伉亦宜同心共濟毋僅以旁議撓成致開他釁欽此該臣看得滇中撫按二臣爲安邊一事疑臣輕徇娓娓責備顧其中顛委尙有未

悉該臣因安位報畢節城告竣而道路未疏查縣畢節而西爲層臺則屬鎮雄縣畢節而南至黑張則屬烏撒烏蒙必須各夷齊出効力臣發牌遍催去後適四川撫臣督鎮雄女知府隴應祥出層臺通路至於畢節臣亦會同督安位到衛共議修復隨據畢節衛官一日一報隴應祥同安位建醮掩骼誅茅以招難民仍歸聚處安位旬日後卽歸大方隴應祥屢屢告歸臣因其爲諸夷之長可以聯絡且各民苦爲乞留藉其保護故未聽其歸若撫臣王伉疏中所云據烏撒土知府安其爵報稱

朱少師奏疏鈔

卷六

堯

水西差頭目果諸測都租機鎮雄差頭目說雄古幹阿安等將銀六百兩賄屬本府頭目補雄諾墨等仍令糾兵攻打衛城助彼一臂之力補雄改過自新正言直拒等語又按臣疏中所云據白宗凱塘報苗目雄所阿烈阿克被水西芒部拏去逼反今領兵十六營住劄野馬川又雷益知州孟紹孔報稱水西安邊將七星關橋梁盡行拆毀用兵把扼共報安邊安氏吞併霑烏地方等情臣再三查審蓋緣兩酋聚會隨帶多人挾疑妄猜原無此事卽滇省初發布政周士昌帶兵東下亦知其虛

久已回省若雞世昌一節滇省初不用兵緣臣有三方竝舉之疏該兵部覆奉明旨臣據咨接原任撫臣謝存仁按臣甘學澗督監軍道張學懋領兵東下將次周泥適撫臣王伉蒞任謂雞世昌首惡撤兵還剿臣閱移會初疏謂連破逆城大獲賊功及雞世昌走脫疏稱元兇兇脫終非偉績謬謂事亦不細當結一局適雞世昌走入普安州普陌各營火內屢屢乞哀遂據道詳移咨相詢一向不報今據二臣疏謂喪狗釜魚可置不問且詆臣不必收之局中無容再議獨是安邊未有着落似應

朱少師奏疏鈔

卷六

卒

酌議妥爲處分臣請備陳之安邊者已故雷益土知州安紹慶之孫先曾入繼亦佐沙氏後撫臣謝存仁因其兄安遠故絕取回襲州者也安其爵其祿亦紹慶之孫其父安效良借襲烏撒土知府與妻安氏隨逆彥作亂戕殺烏撒一衛又殘破霑益炎方等處天啟六年病故其爵其祿則其妾舍白所生之二子也先是撫臣謝存仁主撫欲親入大方招諭逆彥故行同知呂聲揚督發安邊權署烏撒藉以行撫詎意邊一見逆彥不惟不能撫且被脅與俱叛矣督臣張鶴鳴主剿有經歷李友芝

材官白宗凱獻策謂其爵母子恨安氏廷逐意圖報復遂遣二人往諭果有圖謀之心事未成而偽張一報謂殺傷多人逆彥僅免等語於是督臣遂題安其爵襲府奉有明旨李友芝授畢烏通判白宗凱加遊擊後逆彥知其事發兵誅逼其爵遁入東川倚其姐夫祿千鍾居住一向不出及臣到任友芝宗凱又爲安其祿獻策令祿千鍾報集兵一萬其爵報集兵三千兩日一至云割出境上只候差官一到督押前發惟是需益四十八營火向附安邊恐其巨測合應權與安其祿署州便可後

朱少師奏

卷六

空

勁臣誤墮其術移會撫臣共給一劄及差官王嘉龍等三次督之則所稱劄兵境上者毫無影響凡此三人皆蠢然與類聽奸指使不可按以國法而望以人理者也臣因友芝宗凱譸張太甚去年六月具題該兵部覆奉明旨裁革訖安邊安氏一向住於烏撒督火阿克之寨去年八月內遊擊步上達領該省懸賞千金選用魯宏等苗十二名竊以厚賂使之行刺事未就而語遍傳一時夷情頗覺洶洶安位遂妄爲安邊誦冤求官臣先已嚴批禁絕矣第恐地方別生事端故貽書參酌求一安

頓之法撫臣皆以爲不可臣卽置之專聽處分實未有一字與邊許其入烏也今奉明旨行臣會議安邊實不在水西安位方悔罪不暇安肯代滇爲整叅據衆論皆謂其爵其祿例當爲奴曾無尺矢寸鐵之勞而突得一府一州已過初願安邊所依二三營火只合令照舊居住仍責成管束保認道路一節俾其自存取其爵不相警殺安位不得助虐各一認狀則其爵既全弟兄之情而安邊不蹈觸藩之苦其勢自可以相安舍此似無別法臣爲此議又適符撫按二臣以撫爲狗之說顧從來

朱少師奏

卷六

空

禦夷不過焉糜兩臣之以臣爲鴿祿恐安邊以婚媾之故異日勾引水西將不利於滇界耳然貽此孽者滇也今其爵其祿方以親妹與安位爲妻情昵更密又將何以處之乎臣據臆直陳深慚茫昧烏撒土府實隸四川安邊乃滇省土夷又滇省所遣兩省撫臣各有灼見遠識伏乞勅下四川撫臣張論會同雲南撫臣王伉再酌定議善爲安頓疆圉幸甚其步上達守烏撒衛之兵業已咨移該省撤還白宗凱劄兵一百三十名於黑張臣不與聞或留或撤應聽之該省至若杓作一事該臣初

撫之日恐各夷反覆議三路活俘各留其一杓作係安位族長故疏請弔監黔省以便提挈及四川御史馬如蛟疏稱首惡臣遂不敢復言今年三月初七日適四川撫臣張諭咨爲懇隆恩信事據瀘州申據西目杓作訴前事等情該本州知州全天德看得今日之不遺一矢而於樽俎之上屢獲僞巡撫僞太子僞皇后以獻俘者皆謀出萬全鼓舞杓作化誨其子阿縱所致今作效順有功而尚在羈勒日以江之鯨等前轍爲恐蓋不知中朝舉動非如夷地之草率也職再四宣揚朝廷聲靈少

朱少師奏疏鈔

卷六

奎

寬愁泣而苗性多疑終未釋然祇因不遂釋放之願而憤烈難馴時懷短見雖其一人生死固不足惜乃中國信義所關諸苗觀望所係必使其中無缺望庶撫局完成而久安長治可以坐享職亦庶免典守之虞矣等因呈詳到院該本院看得杓作乃奉旨羈留蜀中之水西夷目也先旨聽貴院操縱繼旨着該督撫酌議詳確具奏似已在釋放之列但候貴院酌其可否堪任善後實用耳今空繫川中未見著實議善後本犯訴乞題放該州恐有不虞有失恩信應否釋放事在貴院主衡非

本院所敢擅專也等因備移到臣正躊躇間適鎮雄隴應祥具文稱杓作病危乞發永寧衛城內暫羈以便醫治等因臣即據文移聽撫臣定奪去後今奉明旨該臣細查杓作係該司官名年已衰老領兵者乃其弟前歲在道病死今獻出多功儘足自贖聖恩浩蕩一面可開四川撫臣張諭熟於操縱與臣同心伏乞徑行該省撫臣酌量議釋或仍行監候疏請定奪施行謹題崇徵四年四月二十四日

遵旨查叙前後功次以彰勸典事

朱少師奏疏鈔

卷六

奎

該臣看得天討赫張罪人斯得魍魎魍魎既已盡泐於見覲城池疆土漸且再振夫新觀扼河岸以建壩頗覺便於控制就拓土以屯種兼可漸省灌輸從此一面修繕一面休息桑土綢繆保無意外廟堂之上可少寬西顧之憂而楚蜀滇三省亦庶幾免於剝膚之患此皆皇上威武布昭神人效順掃十年豺狼虺蜴之禍甦半壁水火塗炭之危日月洞開乾坤大闢赫赫煌煌輝映今古文武諸將吏因緣倖倖豈其偶然以封疆撫按諸臣論之有近日芟夷之功有歷年經理協助之功蓋安奢

合謀造叛實在重慶發難之時流毒延蔓遂至十載臣始終在事稍習顛委大抵事勢至於近日流亡漸歸將士習戰野有壘而倉有儲猶可措手若夫昔年豺狼塞途白骨如莽斗米不啻千錢諸務全無一備鼎沸繩亂天日幾晦而諸臣或守死孤城或深入險阻或開誠布公以勵衆或捐貲冒險而赴援其難其苦更爲十倍新功固當備叙全局亦宜總論如四川撫臣張論四川巡按御史馬如蛟十年以來第一奇績原任雲南巡撫右副都御史今回籍謝存仁見任雲南巡撫右副都御史

朱少師奏疏錄 卷六 奎

王伉去任貴州巡按御史蘇琰陞任貴州巡按御史張鑄前任雲南巡按御史甘學開現任雲南巡按御史趙洪範以上六臣皆兩年來同任封疆親履兵革在事雖有淺深厥勞俱屬異等現任湖廣巡撫右副都御史魏光緒去任湖廣巡按御史黃宗昌現任湖廣巡按御史白士麟現任廣西巡撫右僉都御史許如蘭前任廣西巡按御史汪應元現任廣西巡按御史畢佐周以上六臣皆共分疆土之憂各殫協恭之誼殲瘡獲全厥功匪細以全局論原任貴州總督今致仕楊述中雖入祠爵

仍應紀叙原任貴州總督今陞京管戎政尚書閔夢得原任貴州總督今回籍張鶴鳴二臣者實有成績而臣繼之卽茲徵敘實係前猷原任貴州巡撫今回籍李樞原任貴州巡撫御史歷陞兵部右侍郎今回籍史永安原任貴州巡撫歷陞南京戶部右侍郎今回籍王城原任雲南巡撫歷陞南京工部尚書今回籍沈儼煥原任雲南巡撫今陞都察院左都御史閔洪學原任四川巡撫兵部右侍郎兼右僉都御史今回籍尹同舉原任四川巡撫右副都御史今回籍田仰原任貴州巡按御史

朱少師奏疏錄 卷六 奎

今任太僕寺少卿仍管四川道事傅宗龍原任貴州巡按御史今任太僕寺卿陸獻明以上十二臣在危疑震憾之中顯致身定難之畧勞深績偉允合優崇再照蜀功三案如臣叨冒實逾涯分而一切監司効勞該兵部覆議加級優擢者未經吏部查覆止照本等俸序陸續遷轉輿情久憐今除已經加恩者不再述外如原任四川按察司按察使歷陞南京戶部侍郎今致仕林宰原任四川提學道副使歷陞南京太僕寺少卿今致仕胡承詔原任兵部下川南道歷陞南京太常寺卿吳光義

皆乘障常敵壞之時督運著廉平之譽廟堂自有公議俱不敢舉擬以鎮道監司論有新功亦有舊勞如四川永寧監軍道副使今陞巡撫蘄州右僉都御史劉可訓總兵官侯良柱厥功最偉錫予宜超兵巡下川南道副使喬繼仁合總兵官羅乾象都督僉事武聲華各有顯猷俱應優錄其效勞監司如四川布政司右布政使張國柱等一十八員有司如成都府知府楊應宿等五十三員永寧路領兵將官鄧玘等八員張令鄧懋官等四員湯廷耀等一十五員朱朝拭等四十六員周應祥等

朱少師奏草鈔

卷六

奎

八百零九員劉化龍等六員胡汝高等二十一員報効生員盧嘉猷等一十二名押運佐領等官張問達等一十二員仁合路領兵加銜將領陳全忠等十一員瀘州衛領兵加銜將領李仁貴等十四員永寧陣亡百總趙啟勝等三十七名俱經四川撫臣張論按臣馬如蛟先叙到部又建武一路向未詳報到臣以上合照撫臣所擬茲不復贅遊義一路自八月初九日以前功次已經四川撫按兩臣查叙自後與賊相持數月實與黔局共竣監軍副使盧安世功在兩藩資當破格副總兵管參

將事劉養繼副總兵陳一龍若二將者最顯壯猷俱宜陞座銜鋒各將領加銜等官楊柳等六十六員已經四川撫按二臣會疏查叙外所有臣差發領兵都司鄒蔚然督陣都司僉書蔣繼祖遊擊陳于朝領兵遊擊今降二級立功張奏凱守備程之藩唐天貴雷振乾李棟袁蕙芳韓國正雷端揆高辛旺馮世雋趙可畏皆奮志除兇揮戈耀武調到擬授副總兵羅京周石珪司領兵遊擊秦佐明內京周昔年手斬逆寅厥功最大以上各查照條例分別擢陞庶酬忠勇雲南一省如勦雜世昌連

朱少師奏草鈔

卷六

突

築可渡儋塘二城事在滇省種種功次聽撫臣查叙外查得恢復烏撒收集流移披荒闢穢厥功最偉總兵官沐天波布政司右布政使周士昌安普監軍道副使張學懋並有奇功允合加級遊擊吾必奎步上達金爲貴束金章沐府管事阮承麟指揮加銜守備耶啟榮陳鴻猷王嘉龍歐明弼楊祖烈發憤血戰竭力繕城均應陞資以示勸酬貴州畢赤一路監軍道參政鄭朝棟總兵官許成名所斬逆彥莫德二級經臣親驗一次發司道府衙紳耆耆老會驗二次通國一詞的係真級顧當前

戰勝蜀功居多次日追殺偶幸得之該臣審驗既確不敢不以真獻至於論叙原議首蜀其餘擒斬累疊併修復三城功本昭灼許成名鄭朝棟此二官者並膺異數庶協輿評其衝鋒得功將領趙國璽雷應乾爲首胡斯化余佳允爲從此四將者永寧道鎮欲一手抹殺公道自明良心難昧合應照例陞賞庶可激勵鼓舞加銜叅將戴來鳳實授食書守備等官周良材等一十七員皆湯火不避險阻備嘗推阻廓清大著戰績均當超陞以示異酬畢節衛指揮朱萬葉併千百戶等官韓繩祖等

朱少卿奏疏

卷六

奏

十二月九日衛守備顧君誥等十五員皆猛力衝鋒立殊兇首赤木衛指揮實授守備許大綬同本衛千百戶等官劉鳴鳳等三十二員皆痛忿夙讐協力血戰均應重酬用彰偉績衝鋒都守等官周霖等九十七員俱當優擢永寧衛指揮加銜叅將蘇似洵守備雷世忠指揮袁輔朱皆率子弟造火器佐戰應予資酬其餘不便盡錄紀註另冊六廣鴨池三公明家渡安普五路之兵自崇徵二年七月十五日起至三年正月十五日止總兵官林兆鼎原任總理監軍道副使張允登課功爲最晉秩

宜崇安普一路監軍道叅政朱家民威清一路監軍道食事楊時隆明家渡一路監紀副使周鴻圖均係勞臣宜優顯秩六廣路副總兵都督僉事今陞總兵官王國正鴨池一路副總兵楊正芳安莊副將商士傑普定叅將范邦雄管部司事叅將陳謙叅將牟文綬原守平壩遊擊今改中軍彭應魁叅將段高森遊擊方國正劉鎮藩以上十員在事十年身親百戰不特高牙應予延世守清水堡叅將冉天允宜晉元戎所部加銜守備叅承祖朱國梁勞苦異等應超級秩以屬忠勤各領兵將領

朱少卿奏疏

卷六

奏

等官林兆鼎標下食書守備等官陶弘謨盧吉兆查悉修燕啟周胡從儀標下食書守備等官尹志道王嘉勳林耀鍾鳴將六廣一路遊擊食書守備等官保文鑾周民望溫如珍錢應科孟成祥張順鴨池一路遊擊食書守備等官金良田任先覺屈朝宜張景珍軍載勳毛禮李守文三岔一路食書守備等官張景珠張景珂王天寵朱中鉉明家渡一路叅遊食書守備等官祁繼光袁桂芳李棲鳳敖國正臣標下四營領兵守備楊雲丁顯爵朱文慶戈大任安普一路叅遊食書守備等官梁東

旭劉理焦大綬嚴三倫施國顏以上三十八員皆赤心自負屢戰摧鋒俱係積勞之將應加異等之遷銜鋒各將僉書守備等官李玉華袁正輝廖必顯等以上一百五十一員皆十年以來糾合四方之銳無陣不赴無苦不嘗已授者宜晉二階加銜者合予實授其餘數不勝收照功紀冊各効勞監司在貴州則左布政使朱芹按察使蕭象烈署按察司事左布政使趙日亨貴寧道右叅政朱之臣都清道右叅政勞永嘉河防道僉事沈翹楚在湖廣則左布政使杜詩辰沅督餉道右布政使王世德分守辰沅道副使樊良樞在四川則左布政使華敦復在廣西則左布政使鄭茂華署司事分守桂平道副使謝士章在雲南則左布政使婁九德以上一十三員皆共懋勳勤有功疆土酌量陞資應如成例以全局論則原任監軍提學副使劉錫元原任總理監軍按察使劉宇烈原任監軍威清道叅政尹伸原任監軍叅政陸夢龍原任監軍都清道副使楊世賞原任安平道副使顏欲章原任思仁道副使向日升原任思石道副使陳堯言原任題陞貴州按察司僉事萬福原任湖廣督

餉道副使方尙恂副使郭忠宁趙鵬程皆殫精餉務不避怨勞通省軍民罔不啣戴原任四川兵巡下川南道右布政使王世仁叅政許士奇原任貴州屯田道副使孫森以上一十五員總係勞臣例當併錄合採輿論分別示酬督餉有司在貴州則貴陽府知府洪聲遠清軍同知李春先平越府同知王履祥在湖廣則辰州府知府姚繼崇兵糧同知張允復阮陵縣知縣韓芳在四川則重慶府知府周士登遵義府同知黃立言在雲南則麗江府通判馬超凡以上九員均係共事之良宜在優陞之例各路監紀有司在永寧則原任長寧縣知縣葛如綺仁合道衛則瀘州知州全天德遵義則正安州知州龔之彥在六廣鴨池等路則原任獨山州知州陳良言畢赤路則永寧衛經歷胡天靖經歷羅嘉言明家渡一路則加銜守備高秉直以上七員皆辛苦行間恪遵法紀查覈無私其勞宜錄已故原任總督貴州兵部右侍郎兼右僉都御史蔡復一巡撫貴州右僉都御史王三善已故原任偏沅巡撫右僉都御史李仙品已故原任巡撫四川右僉都御史徐可求原任湖廣督餉道布

政使楊楷原任四川巡按御史薛敷政原任重慶府知府余新民以上七臣可謂鞠躬盡瘁無忝致身內有經贈卹者有未議及者亟宜併議以慰幽冥已故原任貴州總兵官胡從儀原任四川總兵官李維新二將皆實心實力功高兩省地方共思俎豆廟堂應予褒嘉畢節衛指揮朱萬葉奮力除兇卹典宜優又查前任督臣張鶴鳴疏叙死事文武諸臣除撫臣王三善今復經臣錄叙外如文臣孫克恕等一十七員武臣魯欽等一百零一員應查原案一併優卹再查近日死事及前督臣未

朱少師奏章錄

卷六

五

經議及者則副總兵李之信都司黃如龍守備姚月槐等指揮邱道隆等以上二十六員名事同一體均合顯褒臣標下中軍副總兵今回籍章有功從戎血戰已三十年局竣告休厥勞難泯四川撫臣標下中軍叅將王國臣雲南撫臣標下中軍守備陶廷祥臣標下差委轉餉督陣遊擊王尙德等以上一十五員貴州操捕都司俞書張舜齡四川都司俞書林天庚雲南都司魯希聖以上三員貴前畢節威平安普等衛指揮千百戶應襲等官邵邦俊朱國安王九如等血戰遠輸大有裨補也

田守把等官沈芳等以上三十六員均應陞賚以勵忠勤其餘在事官員不能備錄臣已酌量徑行獎賞訖除將三省各路官兵擒斬招降等項功次造冊咨送兵部外再照黔局經今十年經以前督撫諸臣題叙者共十七案通未覆覈臣不能槩叙應聽新按臣覈明覆題庶了積案以慰輿情伏乞勅下該部查將前項應陞應叙應卹應免歷超選各員役一併查叙施行謹題崇徵四年四月二十七日

朱少師奏章錄

卷六

五

世守以固邊圉事

臣惟邊徼雖安不可忘戰制夷之法必先內固木西自河以外六日九司之地亦頗廣衍業已悉入版圖大渡要隘俱築建新城列兵據守既有扼項附背之勢當爲深根固本之謀從來人土財用原自相因衆議必必須分建衛所貴成有功各將久任世守不惟鼓舞激勵用爲酬勸之資且因以勞來安集永杜窺伺之漸請備陳之安箇地方早有河一條安莊與普定適中之所爲三岔泉水至此始匯爲河繼金臥道等箇皆緣此出犯

臣於三年四月內牌行參將范邦雄在地方鐵王旗築城一座距安莊九十里普定六十里距河向十五里建高寨一堡另設山京下窩化處將義架底五哨以環之繇鐵王旗迤北與平壩衛相對爲思臘河係應察阿壑阿傀等各酋出犯之路臣牌行遊擊金良田離平壩西三十里樂平地方爲三路總隘建城一座移兵屯劄又都司僉書任先覺率里民於七百房沿河築一石堡離樂平又四十里繇思臘而北爲簸箕隴又迤北十里爲鴨甸河又迤北三十里爲鴨池河此則各酋會聚出入

朱少師奏疏

卷六

七

之大隘與威清衛相對隔一百四十里崇徵二年六月臣與御史蘇琰查此一路羣賊如毛先於距威清六十里乾溝地方督副將楊正芳一面擊殺一面建造石城以便駐師及後過河戰勝臣因與撫撤出各兵劄於河上總兵林兆鼎率同楊正芳陳謙彭應魁袁可成覃戴勲等各將共於鴨池河岸上分定丈尺建城一座都司僉書任先覺亦於簸箕隴建城一座皆上據高原而下瞰長流卽一葦片刀無不瞭然者自鴨池迤北三十里爲大索橋乃各賊暗渡之所已建一石堡又迤北四十

里則爲六廣此曾千百年通省官道也天啟六年該前任御史傅宗龍行副將今陞總兵官王國正建劄佐等處五小城又崇徵元年前任督臣張鶴鳴會同巡按御史陸獻明行本官建龍場大城一座題奉明旨命名敷勇臣履任後與御史蘇琰酌審地勢去河向遠仍牌行王國正責成將官方國安劉鎮藩於六廣河岸建城一座又於迤北三十里虎場地方建城一座以防暗抄自此迤北三十里爲黃沙渡臣行袁桂芳於九莊地方築城一座距渡可十里又迤北六十里爲明家渡先是崇

朱少師奏疏

卷六

八

徵元年督臣張鶴鳴行參將牟文綬建城一座題奉明旨命名息烽臣閱其規制稍狹行參將牟文綬展拓工未竣而奉調入衛臣行袁桂芳同守備牟海奇修築報竣今年二月又於烏江渡口築一小堡遇此河皆邊屬境矣以上各城如敷勇鐵王旗乾溝俱九里三分高二丈鴨池息烽俱七里三分高一丈八尺六廣六里三分高一丈六尺虎場九莊簸箕隴樂平劄佐俱三里三分高一丈五尺內外用石包砌以上皆在舊地控制河岸用以防邊者也貴州省城向苦湫窄居民多在北關

曾變將積聚盡焚以致大餒臣行王國正楊正芳陳謙
彭應魁張舜齡孫志學袁可成單載勲等共築新城一
千丈添造三門廣順州無城向苦賊害三年二月內行
屯田都司孫志學定廣守備蔡紹周署州事都事馬登
崙新築石城一座洪邊開科地方該河防道僉事沈翹
楚親督築石城一座又安南普安二衛地方該叅政朱
家民督率各將前後築新城十一座此該防盜竊蔡用
以內固者也迤西四衛除永寧衛城堞無恙畢節衛安
酉代修其赤水衛普市所摩泥站多被毀掘該道叅政

鄭朝棟會同總兵許成名督各將從新修造用以聯滇
蜀而馭夷通商者也以上各城木因於箐石因於山採
取扛擡則因之兵力惟木石二匠磚灰二窰頗費價値
皆各將捐貲督兵拮据共効臣與按臣或助工費或屬
工匠俱載部冊爲費頗省臣據各將報到工次悉其苟
且搪塞於今年正月初八日自省出巡南至普安北至
烏江遍歷查閱至二月十七日回省查驗所報俱符中
有未建月城與丈尺稍不合者摘出修補今四月內陸
續俱報到臣該臣看得城垣立則屯劄有區田土闢則

粒食漸廣與酋相隔近則一河遠亦不過數十里聲息
易聞哨探聯絡若守之俾無失墜定無意外惟是各將
勞苦十年無不勃勃各懷出谷之思臣惟久任屢煩明
旨重地須用宿將近日兵部推用王國正爲總兵不惟
人地相宜且見功苦得酬將士暮氣剗然一開此亦鼓
舞貢成之大關鍵也所有各款事宜具列於左

一 設建衛所

查得通省新城如安普十一座廣順開科等處皆係內地祇是整頓舊日營哨因疊爲守不煩更置

朱少師葵疏鈔

惟沿河自三岔起至於烏江內如鴨池敷勇各宜
設衛鐵王旗息烽各宜設一直隸守禦千戶所敷
勇則以六廣虎場九莊烏栗爲四所衛佐小索橋
凹綬設爲三哨鴨池則以大索橋兼箕隴乾溝樂
平爲四所七百房安家橋麥城設爲三哨鐵王旗
則以山京下窩化處蔣義架底設爲五哨息烽則
以烏江明家渡落邦開科設爲四哨大索橋鴨池
臂使指無事荷鍤而耕有警一呼可應

朱少師奏疏鈔卷七

督黔疏

夷情初定勦典宜宜謹摺具奏謹錄
臣節事

欽差總督貴州四川湖廣雲南廣西軍務兼督糧餉巡撫貴州湖北湖南川東偏沅等處地方少傅兼太子太傅兵部尚書兼都察院右都御史臣朱燮元謹題為夷情初定勦典宜宜謹採輿論議錄忠順以風臣節事該臣看得西南諸夷受累朝黎養之恩均宜恪守臣節共

朱少師奏疏鈔

卷七

一

拜亂萌不意者寅安邦彥相繼造叛致煩天討用兵十年今渠魁既殄向化仍舊正當申明大義分別逆順雖夷性無常而其中實有懷忠向義堪作榜樣者似應卹獎以示風勵行據貴州布按二司會勘得貴州宣慰司安位之母耆社輝素修誠款不意偶逢逆彥悖叛柄被旁侵恐毀忠義致捐身憤斃凡有耳目皆所共見今據安位訴母至情哀求昭雪亦是移孝為忠之念也相應呈請乞賜題卹等因又據貴州按察司分巡畢節道按察使鄭朝棟呈看得鎮雄府土知府龍應祥土府中一

朱少師奏疏鈔

卷七

二

婦人耳當水蘭交訂之日非但不肯從叛且與伊女龍孝祖協謀效順即兩賊屈以威武曾不少挫又能諭安位投款縛獻逆酋不難以開道復城故奔走於蠻烟瘴雨間竟積勞成病殞命途中此真勞王事以死者也并其女烏蒙龍孝祖自酉叛以來並未助一兵宜亟為表揚以風異域等因又據貴州按察司按察使朱家民詳查得永寧州募役長官司禮思明孫禮庭訓普安州黃草壩營長黃汝貴難場營長龍應奇三土司者於衆夷搶攘之時彼獨挺立不變今又以完糧為諸夷先且歷查其行徑保全道路贖全子女修橋砌路廣行善事蓋非勉強一時一事而禮庭訓率思明之攸行又可稱媲美法應旌淑以彰風勵等因各詳報到臣該臣看得耆社輝龍應祥皆婦人也當羣奸蜂起之日恪守臣節社輝因不能禁戢各自致憤鬱以死臣而審原任撫臣王三善門子屠惠恭政孫克恕跟役劉起義潘大義監軍副使岳具仰家人岳虎畢烏同知楊以成義男楊三扶匱而出皆備言社輝在日防護恭敬與其哀號迫切之狀鑿鑿不謬者龍應祥與其女龍孝祖并矢忠順應祥

保全畢節難民數千人又復城通路竟客死於途皆屬
可憫其女烏蒙龍孝祖夷叛十年不助一兵尤見大節
黔中各土苗自安逆造叛無不蜂起響應獨永寧普安
二州土司禮思明黃汝貴龍應奇三人奪志忠貞絕不
助逆遇變則收養流離保全士庶事寧則早輪犢馬修
橋砌路其功有難泯者夫西南諸夷不啻蠅毛而臨難
不改獨此數人疾風勁草信不易值似應擢出表揚以
慰效順之思併爲諸夷之勸伏乞勅下該部議覆行臣
徑行奏卹施行謹題崇徵五年六月十三日

朱少師奏疏

卷七

三

道將計殺元兇滇禍已除恭慰聖懷事

該臣看得滇賊昔名聲不念國恩恣行兇暴侵佔殺擄
神人共憤甚至官兵征剿輒敢逆我顏行賄結交夷戕
殺無算誠天討所必加者惟是大營潰後資儲匱乏野
賊四起不得不暫假便宜且其招集亡賴實繁有徒急
則抵死迎敵緩則乘間相圖此情勢之易見者也今蒙
皇上允撫臣之請暫開一面於是酋部俱相對感泣矢
心圖報而賊志氣益驕防範頓疎迨將蘇萬保陳謙遂
得用間屬其左右吳道泰等同伊妻萬氏用藥立斃雖

未有血戰之功而不煩軍旅餉饋立除禍本賢於用兵
遠矣除安插餘黨清理侵佔收卹瘡痍還祿洪以故土
遇交夷之助逆一切善後事宜移會雲南撫臣蔡佩德
兵官沐天波等處置寧妥另報外合先報聞伏乞勅部
查考施行謹題崇徵五年九月二十九日

回奏列城扼險事

竊惟朝廷名器最宜慎重而邊境新開之土責成駐防
與腹裏大不相侔有難以常格拘者查得水外一帶地
方本苗賊窟穴自被兵以來觸體蔽道荆棘成林絕無

朱少師奏疏

卷七

四

土著餘民可以徵發獨賴有功各將士分營駐屯既殫
勞於版築且盡力於耕耘冒瘴披榛互相守望其勞苦
實倍於戰且給土作俸以耕代祿既無原籍畫錦之榮
又非省會安閒之地咫尺夷剽枕戈爲業即議延世亦
非各將之所覬覦也惟是開以功名之路鼓其奮勵之
心則人知向往可以督責臣前疏二衛八所設官一節
已經部覆奉旨俞允似應仍照原議其指揮以下部議
欲選省一級留餘地以待後舉最爲有見另開四可議
併見詳慎大抵此局雖首論戡功而爲善後計所重實

在屯築如林兆鼎首創鴨池新城二工又躬親涼傘之役實爲功首其所開屯雖止二千畝祇因調發不常故兵部所開多改併於各將之下譬如賞操舟者必首舵師似屬非冒其許成名胡從儀等皆大著戰功而實未屯築本部論叙自有成例若謂兆鼎等先議世及覺有偏枯自當於總叙案內劑量盈縮非臣所敢擅議也新開之土腥毒荒涼人不樂居查例三年後方議起科今分給養兵尙苦不足宜俟漸充漸廣得省額餉其利自倍至於納賦未便輕議其各將已授者開得二千畝擬

朱少師奏疏

卷七

五

晉一階各紀錄將官開得六千畝者擬授千戶三千畝者擬授百戶統候巡按御史踏勘明白會疏上請大抵人情戀土方可驅使受爵方可責成今營域外之地養無俸之官責以効力千畝永固磐石非藉進取一途實難鼓舞臣區區之愚總爲地方計長久不敢有私於各將士也相應題請伏乞勅下該部酌議具覆行臣遵奉施行謹題崇徵五年十二月二十一日

議建新學請廣制額以作新題方永固疆圉事
該臣看得干戈俎豆勢每相資文武並用方可長久國

家開設黔省卽首建宣慰司一學用夏變夷良有深意自夷造亂省會幾空一切大小將官携有子弟萬里從戎勢不得不收之庠序以示鼓舞今查新設二衛十所併開州一州在學者共三百零八人昔皆附入省城府縣二學干戈旣寧械櫜漸茂舊籍諸生旣苦隘其入貢之途又恐侵其賓興之額紛紛訴擾勢不相容行據布政司臣朱芹按察司臣朱家民提學道臣張讚等再三酌議咸謂新設衛所州各請建學不能遍徇酌宜就便當立敷勇衛一學蓋敷勇逼近夷方不失祖宗化夷之

朱少師奏疏

卷七

六

意而庠序另設士有所歸旣開以功名之路必堅其戀土之心查鎮西修文等衛所與開州相距不遠皆可併入創造文廟各將業已捐貲食廩生照例二十名併教官膳貲與一切祭祀齋役等費俱出自苗田廠稅不煩另措當如所議獨是賓興之額太隘敢爲籲請查貴州與雲南雖肥瘠不同而十府十八衛併平清偏鎮四衛及近新設二衛十所開州一州遊庠之士數實相埒雲南鄉試中額四十八名而黔省獨縮其十頗似不均今日復有新舊二籍舊籍苦隘而復被旁侵將爲爭府新

籍遊庠而不入制額亦屬虛名卽不敢望雲南之例合
照一司學臣之議請加鄉試中額二名自崇徵六年爲
始棘試之日另編字號專待新籍則文武並奮而新舊
兩得皇上薪樞作人赫然一盛典也再照新籍一開恐
遠方躁進者實緣倖入須申以畫一之令嚴以扶同之
罰非將士子弟入庠在天啓年間有住址有眷屬者俱
不准收一有假冒會疏獲革仍將掌印衛官重究揭參
庶興文兼以飭法而遐方聞習事與文物矣相應題請
伏乞勅下禮部議覆行臣等遵奉施行謹題崇徵六年

朱少師奏疏

卷七

七

三月初九日

題清水蘭地界事

竊照西酋就撫於今四年威皇上曲赦之恩新效職貢
維是安位庸稱憑目把主使全無定持如水蘭界址一
事自萬曆初年二夷卽爭許警殺綿延不休非始於今
日先據四川撫臣張論移咨謂據蘭目夏國卿等稱內
有本連寨小水木脚納羊箐姚家坪等處河外有龍場
壩滑石喇岩上岩下革宋白兆插鼓等處據安位稟稱
則經前任撫臣張鶴鳴代上一十三疏兵科抄參的係

已地臣查舊案俱因用兵毀失惟一言以折之日蘭夷
所居卽是蘭界固不當爭亦不必勘自罷兵以後四川
道鎮向不清理至崇徵三年二月內據降將王繼宗請
詳駐鎮臣檄之速往則總兵侯良柱具詳撫臣張論留
之不遣隨檄侯良柱親往而又稱不係職掌抗不奉行
隨據帶管道臣常任賢據委官知縣夏肇虞條議欲於
龍場等處設將添兵臣卽移四川撫臣主議去後臣查
蘭地東西南北各有四五日之程俱入版圖漸可疆理
其餘馬鈴堡鄧家渡兩處過河如龍場克仲等壩乃昔

朱少師奏疏

卷七

八

日賊寅父子逃敗依傍水西潛匿暗伏之窟險礙叢菁
人跡罕到今元兇雖除殘寇尙衆所謂寨者不過就山
阿曲誅茅數片草衣木食無異鹿豕四五年來蜀中鎮
道曾不遣一人渡河祇請會勘頗似築舍崇徵六年五
月二十六日據四川叙瀘道臣右布政常任賢遵義道
臣叅政盧安世貴州畢節道臣副使王台彥前集赤水
衛會勘安位仍具文力爭據三道詳文必須查昔日原
題舊案確有的據方可折其貪占之雄心此確論也遵
義一府盡與水西接壤叛後多被占據崇徵四年內臣

撤遵義道臣叅政盧安世副將劉養親始定出七隘恢復舊業獨沙溪一隘猶復互爭據安位初詳云自設宣慰卽有沙溪巡簡司載在會典通誌原非侵越臣行據道臣盧安世回詳則云水西自有沙溪巡簡遵義自有沙溪里界址相連以小河一道爲界且有萬曆四十八年納糧版經與圖誌爲憑臣又檄行安位則云先年播平後蒙總督王都御史巡按李御史委官踏界於我後澤鄰地設立黎門鎮沙溪鄰地設立沙岩鎮新經兩省勘明責令認納草子糧一千二百石卽是此地爭辦不

朱少師奏疏

卷七

九

已此一段卷案俱在蜀省必須備查原行分出界址首果侵越以成憲折之自當吐退諒不敢違至若隘將所報燒房歐佃強橫無狀漸不可長臣行切責則又混賴以爲竝無此事總縣承平日久苗齒漸繁漢奸唆之藐視三尺近四月內安位糾同鎮雄烏蒙假以通道爲名賁暗發兵助安邊趕逐安其爵安其祿兄弟雖已遵檄撤退而位出則爵祿潛伏位歸則爵祿又尾之兩比譬殺似無已時臣衰病朦朧不能彈壓無所短長之效業已昭灼祇因小爭私關於地方未甚關切故未敢上聞

業於五年八月內備將界址事情咨覆兵部訖今奉明旨詰問臣悚愧無地除席葉恭候覲見外謹叙前後情詞具奏伏乞勅部備查昔年兩省題部舊案議定界址分別曲直行四川撫按二臣併臣遵奉施行謹題崇徵六年六月初九日

鵬勦巴香積賊獲功展土事

據總鎮王國正呈稱巴香貢山阻河叢林密菁苗仲之最點者有阿拿阿票阿珍阿朝阿庫其人然潛住彼中爲阿拿等諸苗主盟作亂梗我聲教者又獯鬼之阿友

朱少師奏疏

卷七

十

也况接壤於龍里新添平越慶安遵義六廣龍場一帶官道喉舌之間易於出沒殺擄搶掠久爲肘腋之患在昔副將陳寅以重兵討之弗克迨水西之叛始而阻截援省何副使及徐用賓之官兵繼而坐路殺死都勻鄉官楊名高追截指揮賈功陞邵國柱等官兵滔天之惡久應膏我斧鑕然所以開一面者以水內甫懷好音凡水外諸夷皆不妨予以自新詎謂其虐焰愈熾也大小谷龍司土官宋一龍宋三陽密納司土官宋大成虎陸司土官宋繼榮通受其屠毒屢報殺劫曾距會省僅八

十里門庭之間詎可復容巨寇於是遵奉密令以六廣
參將方國安龍場參將劉鎮藩開州守備許盡忠各帶
所部官兵協同遊擊謝上徵把守共邊光金乾壩兩公
一帶江渡以龍新守備張國用指揮孫善謀千戶陳聖
典把守清水江落白河阿五等大渡以平伐守備孟成
祥把守落邦紅岩烏乍鐵爐花甲各箐以遊擊彭應魁
都司張舜齡同坐營黃奕熙中軍張順旗鼓舒維泰督
領守備劉世臣周民望李應甲盧仲勳曹瑞麟王貴龍
盧仲熹虎威五營守備朱文慶陳國榮楊雲楊通選沈
芳石應燧操捕奇營伍權周宗臣武邦賢劉廷珍周祚
國陳良輔郭時芳坐鎮指揮顧從新立功指揮白瑄共
領勁兵三千有奇於四月初三日出師初四日卯時直
抵賊巢分頭攻打谷頂種者高花金翁改水塘尖坡龍
井平寨谷惹冗冒溝開口寨得黑梭籠板橙炭九莊紅
岩花甲等箐寨除剋破蝦蟆箐追殺投河溺水者不可
勝數外所有攻打各寨陸續通共斬功二百一十二顆
俘獲賊屬男婦五百二十五名口牛三百零四隻馬八
十四匹賊首阿反復聚索籠初六日又移光金偏岩深

箐迤北一帶於時李應甲顧從新等歃血誓師分爲四
路一係張登貴榮貴聰由翁改至板橙炭一係封卽冠
韓士琦莫宗文蘇新寨甲底至光金一係羅大臣黃志
高羅現韋應魁劉大普左天明孫虎場至羅銅一係羅
文金把守渡口初八日定約諸路進發而江朝祖卽於
是日領賞引兵先登三軍氣奮直逼其巢初九日五鼓
砍賊左腳賊始被曉撞石自斃全身授首本鎮以大慈
既戮餘黨悉殄度其山川錯繡田畝膏腴乘此蕩平之
餘卽爲守禦之策尋同遊擊彭應魁都司張舜齡中軍
張順旗鼓舒維泰虎威奇正等營官楊雲朱文慶等會
謀就於巴香舊營基內量地二百五十丈開畫圖本以
各營之兵力造土城一座卽拆賊所居之屋改爲坐鎮
衙署一所凡附近順寨查能向化者仍令顧從新招撫
共納報効米六百餘石所拓賊田卽撥參將劉鎮藩下
守備李應甲統本營兵三百員各與顧從新善後屯種
兵不待別募餉不待別輸善後之計未有便於此矣至
於所獲賊屬五百一十名口牛三百零四隻馬八十四
匹當該遊擊彭應魁都司張舜齡同坐營黃奕熙逐一

估議分發各營通共變價銀一千四百二十兩七錢五分除賞功外尚餘銀四百六十八兩已經呈奉批解貯布政司庫是役也洗數百年負固之賊穴戮神人共憤之名酋除會省切慮之憂免七衛邑伏莽之患諸將血戰之功誠有不容泯者以始計論遊擊彭應魁都司張舜齡坐營黃奕熙也如逆類之必剿算策無遺監諸路以摧堅功收全捷以獲賊首論始而分兵遙搗斬阿票阿庫阿珍者旗鼓舒維泰督守備張國用楊雲朱文慶謝上徵陳國榮盧仲勳王貴龍部官胡宗聖郭裴方元

朱少師奏疏錄

卷七

三

相也斬賊首阿朝阿拿者中軍張順督白醇如守備李應甲周明望許盡忠孟成祥劉世臣盧仲熹五權包玉劉武奎龔應龍也繼而卒得渠魁阿反者又守備李應甲指揮顧從新戰將韓士琦是皆出奇奮勇殲厥渠魁功應首叙以提兵搗壘一洗諸夷論則守備楊通選孫善謀沈芳石應燧周宗臣武邦賢劉廷珍周祥國陳良輔郭時芳千戶陳聖典也此數將者或銜令而統貔貅身先破壘或扳蘿而登險箐力掃殘夷亦功之最者乃若發兵整旅而士卒用命倚角外援而夷無漏網者又

皆參將方國安劉鎮藩也等因到臣該臣看得巴香貢固積賊流毒日久祇緣貢山阻箐先年屢進不利以致蔓延今一舉而殄厥渠魁拓土開田以資兵食亦善後之急策也理合題報伏乞勅部再行巡按御史覆查施行謹題崇徵六年十月二十四日

議清通省新舊田賦以佐軍需以垂永利事

該臣覆查得黔省自撫西酋之後軍民漸次復業臣與文武諸臣勉求綏輯分出新屯舊屯科田三項蒙皇上就臣原疏穆然深念仍恐流民之未歸各軍之失伍覆

朱少師奏疏錄

卷七

十四

載弘仁洞徹萬里臣雖衰庸敢不効末議以佐德意臣原疏所開絕田者必其一戶盡被屠戮始謂之絕若戶丁尙存與在逃新歸者卽入科田之列其有士紳在外卽未歸而先求田者查府縣有冊案亦卽給之若其來歸而原無業者則如道臣楊先芳所議將沿河曠土隨便給耕但恐其不就招徠斷不忍絕其生計也至於各軍在承平時已失祖額十之五六亂後更不可問若拘清勾之例止益追呼之擾不勝擾且不勝勾也計惟有清查屯額爲喫緊第一義蓋軍雖缺而屯固在按籍而

清其原屯按屯而查其畝數不問是軍是兵是民果精壯願耕者即聽註冊服業兵耕之則除其月餉民耕之則輸糧贍操兵與民即軍也軍歸而耕之有一軍可省一兵軍即兵也以屯爲招局課耕而不拘其籍以耕爲實著與業而不世其伍只求人人精壯處處墾闢人壯則耕戰守呼應自靈田墾則軍兵民干畝皆裕處此荒敗之區不得不爲通變之計二三年來如龍里貴州貴前威清平獨普定安壯安南普安等衛俱被殘破其集軍九千六百九十七名都勻平越新添清平興隆等衛

朱少師奏疏

卷七

五

黃平一所雖未殘破止存軍三千五百八十一名迤西永寧畢節赤水烏撒四衛普市一所殘破更甚已招回軍三千四百六十名業經不次申飭先將各荒土查清在案責令各官設法招徠務令七分在屯三分入操每歲年終以開墾之多寡爲官評之殿最仍應需之歲月漸漸生聚非可以旦夕計功也再照各衛指揮千百戶等官兵亂之後窘迫無聊氣骨俱靡非玩愒廢事則生奸轉鬻其弊有不可勝言者須責守巡道臣躬親勘履分別懲獎杜豪強之侵隱搜奸胥之影射徵收出入一

一清楚人各有土可戀自當趨赴如安平道副使臣楊先芳職司通省儲糧不憚勞苦刻勵振刷事事有稽臣等所資以共圖疆理者茲陞遷期近合請加銜責以久任而課以成功庶僻壤窮荒可望起色臣迂愚無當謹條列其情欸若此伏祈聖明垂鑒勅部覆議行臣等遵奉施行謹題崇徵六年十一月二十四日

議建新學請廣制額以作新邇方永固疆圉事

朱少師奏疏

卷七

五

物而諸將官子弟實爲領袖故議建新學廣制額總爲地方計圖永久祖制設立省會卽建宜慰司學無非欲耀開智於光明改弓弩爲誦習良法美意居然自遠昔旣以節變而題裁今當另立一學以示激勵禮臣就等疏復設七議嚴典制而酌物宜詳且盡矣該臣等看得第一議謂土著豪人子弟可誘化者不應槩拒此臣邇年廣設社學頒書教誦之本心也只因將官各子弟產自楚蜀秦晉江浙充豫閩粵等處俱知文理而土人甫能向化未便薪樵故前議聲說未明非獨遺土著也

第二議入學止限二十名以抑營競第三議廩額止限十五名以省濫餼第四議科舉入場數目不得濫額以遵典制此所當行提學道臣斤斤遵守者也第五議謂另編字號不可輕縱以蜀之遵義爲比臣向在蜀中稔知遵義諸士多有資才而不能與諸大郡角藝十有餘科未得一雋既阻上進之途未免託足邪徑如何若海張向極等所爲者亦當設郡開學時條議未妥臣所欲言而未及者今黔省議增額而不另立字號所增名數必仍爲各府衛所奪合應暫行數科俟其田廬墳墓久

朱少師奏疏鈔

卷七

七

相服習然後合併以彰大公似未爲晚弟六議謂水銀廠稅不便充費最爲遠慮查得西南二萬山原係賊藪二三四五年礦脉不現所採水銀不足充防守之費五年內忽報有砂據守備楊得勝解到司庫共水銀一千三百五十五斤變價銀四百七十四兩五錢一分抵充兵餉臣已於本年奏銷冊內報明訖今六年九月內又報礦脉漸微空者漸散原不可據以爲常嗣後若有解到仍應充抵兵餉每年照例奏銷查得宣慰司舊學原有教官併一切祭祀廩貢之資殘破之後雖強半失微而

舊額自在按籍求之省減其半自可支應第七議以提調改屬貴陽府體統甚正而彈壓亦甚便俱當遵行不煩再議臣查黔省鄉試始自嘉靖十六年解額二十五名至嘉靖二十五年撫臣王學益按臣蕭端蒙題請奉旨准加五名萬歷二十二年撫臣林喬相按臣薛繼茂題請奉旨准加五名萬歷四十二年撫臣張鶴鳴題請奉旨增加二名總謂天末荒蕪加意飭勵在承平時屢請屢允惠及遐裔今瘡痍欲起烟瘴初開皇上旣溥柔遠之仁自合大展興文之治臣等請增額三名總爲填

朱少師奏疏鈔

卷七

八

實新土有禪疆場非敢市私也相應具題伏乞勅部議覆行臣等遵奉施行謹題崇徵六年十一月二十四日

事

兩江殘苗糾黨復逞督剿大捷彙報擒斬功次

崇徵六年十月二十五日據貴州總兵王國正報稱兩江地方界連楚粵軍屯民寨與苗錯雜而居無奈諸夷狠獸爲心貪殘成性時出官道劫財荼毒先奉兩院令前總鎮林兆鼎提師征剿業奏膚功遂擴地開田建城屯兵然犬羊之性叛服無常尙有流離殘孽見中後二

營守備官兵調裁遂糾集九股諸苗剝牛刻箭買跳盪之鐵甲名曰老虎鸞百鈞之藥弩慘如毒蛇負其地險敢肆憑陵於崇徵六年六月初五日攻打新城幸守備羅聯芳王自貴等守禦拒敵一面星馳告急本鎮亟發中軍張順統騎兵以作前茅次發守備楊雲率步卒以爲後勁雖能全保孤城未克殲諸小醜等因到臣又據新鎮道副使洪聲遠目擊情形亦詳請加剿經臣指授先遣都司黃奕熙前往撫諭隨令鎮臣王國正於崇徵六年十一月初三日自省會起行統領虎威五營數勇

朱少師奏草錄

卷七

七

濯靈鎮西威武廣興定廣九莊諸管官兵又量調勻哈新添銅仁清浪官兵齊赴兩江自重安開城凱里臻洞崖門容山偏橋七都司順苗一百餘寨安堵不驚官兵所至於秋毫無犯於本月十二日寅時發令攻打冷西逆寨賊雖堅拒我兵奮勇格鬪賊遂大敗擒斬二百五十四名類各苗見冷西已破將家屬潛寄別寨奔據擺桐回國高萬仞攻至辰時復令分兵三路仰攻齊進火發圍焚賊傷無算但滾木礮石如雨我兵伴退誘賊下圍斬級三十二顆賊謀亦狡日憑險以綴我兵夜潛伏

以窺動靜鎮臣差順苗梅保偵探得實於十二月初二日酉時密發兵符令清浪副將羅安邦統督各營將兵前進小江以奉圍後令遊擊李進忠統兵以出圍前賊四顧踉蹌死力拚拒我兵分左右正在攻擊間有辰沅兵備道蕭副使念冠連楚徵詳請楚省撫院用原任勾哈副將王觀國催督楚哨官兵前來策應本官自製火器火箭擊助軍前頗得一臂之力由是生擒斬級二百五十七顆又於本月二十二日攻剿擺桐凱少舊州等寨圍斬級三百五十顆二十七日攻打狗洞斬級三十

朱少師奏草錄

卷七

七

四顆并賊屬盔甲刀槍弩箭等件俱經塘報一一解驗訖續於十二月二十四日清鎮都司李上進報稱叛逆賊寨見我兵攻剋擺桐險圍羽黨唇寒逃聚鬼撤寨章地方出犯劫殺施秉縣屬鎮臣於二十九日選發守備周民望羅聯芳王自貴張才等馬步勁硬殺手千名聽副將羅安邦督同李上進官兵乘年夜過節之期料其無備我兵黑夜四面圍定賊寨黎明銃砲齊舉賊拒不任奔潰當陣擒斬功級六十二顆連前擒斬已三大捷矣乃除歲之夜官兵猶有血戰之功非大將甘苦與共

必藏賊而後朝食曷克臻此所獲功次合報併入前功一體彙叙謹題崇徵七年二月十九日

查明蜀省二界叅成案酌邊情敬陳膚見恭請
聖裁事

臣接到部咨蜀撫按二臣屢以水西侵占地界爲言致屢聖懷責臣清理臣待罪封疆事屬統轄寸土尺壤詎敢輕棄而舊章成案不得不考祇因兵火遺失冊案今據四川遵義道按察使盧安世送到萬曆三十三年內清理沙溪卷案一宗臣又差官往賴州移取原任巡撫

朱少師奏疏鈔

卷七

圭

張鶴鳴查勘龍場壩水蘭界址諸藁事有把柄始便稽覈兩處界址有見已清復者有清復而應酌議者謹分別二款爲皇上陳之一曰遵義府沙溪地界查得水西有沙溪場遵義有沙溪里止以一河爲界遵義府因地方隔遠且遭兵火久失清理以致雜苗混占十有五年卽安位幼穉通未之省今兩道一鎮穿箐履險親行躍勘經二旬而始有條緒各苗聞風俱各遁避立石七座界址已明又據遵義道臣盧安世報稱定界之後五月初二日西目小阿烏謫將逃將遊朝柄父子自火烟峒

朱少師奏疏鈔

卷七

圭

內擒解處死具見效順以後責成隘將嚴訪干陬自無他虞無容再議者也一曰龍場壩水蘭地界查得龍場者乃水蘭各寨之苗每遇辰日聚集交易之所迤南爲正西里迤北爲以臘里先年自奢崇明襲授宜撫卽與水西奢社輝爭此二里屢屢戕殺自黔撫言奢寅不宜爭正西以臘之地致起釁端則社輝之計遂矣其何以服永寧之心乎蜀撫言社輝不宜陰鬪爵土而欲將正西以臘二里查非賠償不論管業久近斷歸蘭州則奢寅之欲足矣其何以塞水西之口乎今照兩撫并按臣疏食謂必須勘明地界以杜後日之爭端夫天下無懸斷之事則勘之誠是也但以臘正西之地在水西自社輝始侵占者乎抑自社輝以前安氏所久據者乎在蘭州自崇明始被占者乎自崇明以前或賠償或侵奪者乎此則不待勘而可知者也儻自社輝近日所侵自崇明近日被占則蘭州守土自應還之蘭司若侵占不自社輝被占不自崇明則各令照舊管業不必以久遠之事又開一番爭端所謂以不治治之者也亦何待勘哉萬歷四十六年兵部覆奉神宗皇帝聖旨將正西等地

著該撫按官卽與查明管業不許互構爭端則其地明屬水西矣但水西始雖力爭後忽和好仍將此地安插蘭夷與本部諸夷交錯而處及者崇明父子敗遁則專以龍場尅仲爲窟水西不惟不問且竭力護之臣每遇漢把訢辨報責之曰既係爾家故土何以有蘭夷蘭夷所處卽是蘭界各目亦自語塞今據蜀省所執以尅仲漸爲蘭界臣查有蘭夷奢宏見住此壩卽此是界亦最分明外如正西沔陽白兆岩上岩下等處俱有蘭夷住居無恙則原日舊址固盡在無失也獨是龍場尅仲等

朱少師奏疏鈔

卷七

重

處深入夷穴開闢以來曾無漢人得入者天啓三年臣因追拏奢賊始發總兵官李維新併副叅林兆鼎王國正譚正修等親入其地俱云此地距大方只六七十里離永寧實有六日山峻箐深不產稻穀旁有滑石峒一種習子天生瘳惡如蟻如蜂卽水蘭不能制多棄爲甌脫臣惟禦夷之法治以不治既來則安不便再開剿局且水西業已納款豈殘蘭尙敢負固每每持議欲四川總鎮差官帶舊日蘭目過河查明蘭夷住址俾照往例納款認糧毋許憑陵則界限既明而葛藤可斬乃總兵

侯良柱併叙瀘道臣常任賢持議必欲於龍場壩設將添兵撫臣劉漢儒據議移咨商之於臣臣竊以爲不可大抵守邊者扼險未聞入險此地枕在夷穴四面孤懸限隔一河不便接應據議築城守渡設哨轉運捐有用以事無用無論經費不貲且內激蘭夷窮獸之鬬外挑水西扼吭之嫌弊端一開未易收拾昔年四川撫臣饒景暉欲差一官往龍場坐鎮黔撫臣張鶴鳴上疏爭之具有成案臣雖衰庸亦有血性豈敢不圖疆理而苟且塞責但考之成案質之輿論處置之法不過如此疆場

朱少師奏疏鈔

卷七

重

利害理當暢言未敢創可喜之譚以釀無窮之害此臣迂愚之見與蜀相左者也謹會同按臣劉士正條例上請伏乞聖裁勅部查議或行四川撫按酌安上請再行具覆行臣等遵奉施行謹題崇徵七年五月十七日

遵旨酌議安插地方以杜構爭釀釁事

竊臣看得安邊係需益土舍其父安效忠兄安遠故絕邊係應襲先年滇省撫臣謝存仁差往撫諭安邦彥遂爾被誘久陷水西安其爵其祿乃安效良之庶子其父叛逆理應革襲而先任督臣張鶴鳴欲借其力以攻逆

彥遂題奉明旨淮安其爵襲承父職若其祿原未題授
委管益州土知州之務以蜀舍而爲滇官人情不服
今兩省會議以安邊還舊益承襲舊業而其祿回烏撒
予以荅應知府職銜國法與情最爲允愜惟是安其祿
久據益漢奸助之實繁有徒每每阻邊歸路故安位
因各營火之請發兵送之實非得已業經發檄嚴諭當
卽撤回於地方絕無騷擾亦見其守法矣安其祿雖桀
驁近據遊擊黃世俊報已同蜀差官退回嗣後蜀省嚴
行申飭俾無妄動數年爭構自可永戢至於烏撒遊擊

朱少師奏疏

卷七

重

黃世俊素負才名堪寄一面但原非額設之官地方無
事似覺疣贅且滇省物力有限不能代黔蜀設兵措餉
應改推別地以展其用既經各報前來相應具題伏乞
勅下該部議覆行臣等遵奉施行謹題崇徵七年閏八
月初三日

謹遵明旨據按臣論疏一一剖明仰祈聖鑒事

臣奉職無狀致被四川巡按御史劉宗祥參論蒙皇上
詰問愧悚無地顧按臣疏中語極無稽謹一一剖明爲
皇上陳之臣自天啓三年率兵攻取永寧逆寅父子連

戰潰敗渡河遁入龍場壩時內四里苗民實繁有徒不
習漢將寅父子又耽耽窺伺時遣人渡河招誘臣權宜
命降將羅乾象胡汝高等分頭招集籍爲守禦聽各屯
種以省轉輸於是各民共就約束及逆寅父子糾水西
數萬衆於五月初二日由鄢家渡過河直犯內地乾象
等與戰於官莊斬其頭目魯仲賢羅奇并零級千餘而
西賊喪膽至天啓六年二月內以夷攻夷逆寅部下羅
京周爲首夜斬逆寅率衆來降行令仍往古蘭是時元
兇雖已殄殲而崇明未死逆彥方熾日尋干戈未暇殲

朱少師奏疏

卷七

重

理臣旋於本年五月內丁父憂回籍至崇徵元年蒙皇
上起臣田間兼理軍務適有永寧之捷二兇並殄安位
就撫蘭土既清可議賦稅臣移會四川撫臣張論委官
清丈酌議善後至崇徵四年閏十一月十四日據叙瀘
道臣常任賢呈據清丈內外四里田地外四里共田五
萬九千一百餘畝內四里共田二萬七千四百餘畝起
科議照上中下三則派徵銀五千一百九十五兩零冊
報到臣恐有欺隱行令覆查隨具有遵祖制清分界一
疏末一款議仍用降將分守各隘給土抵餉兵部覆奉

俞旨這清址移鎮及桑將巡道改駐永寧俱依議至給地事宜還着該督撫按詳酌長便合議確奏因奉部咨仍行會議向不咨覆臣無憑入告今宗祥突指臣三罪一謂擅放杓作臣查永寧之提點蜀生俘甚衆安位具文祈請量釋數人臣查得蜀將所擒之杓作係位族長黔將所擒之猓受係位鬼師王之龍係位掌家議將三酋拘監俟三年後酋無異萌釋之又撫臣張論題議杓作緣由奉旨杓作著暫羈四川聽督臣操縱不必解京後四川按臣馬如蛟上疏執沮臣遂不敢復與崇徵四

朱少師奏疏

卷七

七

年閏十一月二十四日臣准四川撫臣咨稱杓作蜀中久已會題釋放隨即差役曉諭杓作令其入黔聽釋蚤完此局以昭柔遠之道以廣不殺之仁將杓作移解到臣臣蒙皇上許臣縱舍撫臣既已議釋臣亦不便復留至三年限滿而釋之此一么麼小酋原無關係而誣臣用鼓吹花幣導送罪臣起釁臣不任受也一謂臣擅分蘭土臣當捷伐倭德之日將內地分任降將自爲戰守以防賊偷渡時勢不得不爾及今田土清丈局面更變事隔十年撫臣四易宗祥所開內外里任牧多人臣絕

不與聞今按臣党崇雅見在地方若如所云將內外里盡付諸夷不留寸壤果臣入黔後查有片紙可據自甘斧鑕乃無端而罪臣擅分臣不任受也一謂臣故違祖制臣惟二祖開闢夷疆悉以有功各將分土世守俾令管束苗民催辦糧馬無論雲貴處處皆然即永寧宣撫不有九箐長官司乎蜀自平播後凡有功者悉授威遠衛世官自指揮授田三百畝迨至一兵亦予田三十畝臣爲此議實倣成例以違制罪臣臣不任受也大抵戰守異局今昔殊觀倭德則假權宜承平則飭法紀臣去

朱少師奏疏

卷七

七

蜀已九年悉將全局聽撫按二臣勘酌更置以求長便臣已在局外聽四川撫臣與按臣酌量處分正以明其不敢擅也宗祥持斧西蜀事權在握臣何嘗敢掣其肘而顧借舊事以發難哉臣查遵義自設府後初則養兵一萬近日減至六千本地額賦不足又於通省加派三萬以益之蜀人以爲口實臣議用降將守各隘不過欲省兵省餉爲全蜀惜物力耳道臣常任賢持議改夷爲漢於古蘭設兵五千臣惟自古帝王不易民而治永寧有一總鎮一桑將集兵近萬又駐一道臣豈遂不能彈

歷當平播時庫有餘銀今蜀連年被兵蕭然煩費計兵五千歲費餉五六萬而築城建署與設哨轉運之費尙屬不貲批行布按兩司料量經費宗祥謂任賢以此賈怨蓋妄疑今歲計處爲臣所中也抑何不情之甚臣疏云內四里多荒山險固惟古蘭稍有腴土此道其實臣向入永寧城外之山四面皆童問諸樵採皆在數十里之外卽如疏所云千里極腴而清丈田畝爲數無幾亦可槩見乃指荒山二字爲臣罪案以傳民屯種爲認賊作子延寇登堂必如道臣所言數萬降民置之何所若

朱少師奏疏

卷七

壬

一一剪除恐傷皇上不殺之仁而苛求不已或生意外此臣所不敢不言者也至於水蘭界址臣前五月內具爲查明蜀省二界參成案酌邊情一疏奉聖旨據稱沙溪地界因阿烏謫投冊始明龍場壩仍含糊未結且兩省事關一體何云與蜀相左後來激釁釀禍責將誰諉併阿烏謫來投情由及處置機宜通未奏明又不述前旨是何緣故還着遵旨同川省撫按妥確會疏速奏欽此臣惟道臣常任賢等會勘止在赤水詰問一番未曾親履其地移會撫院檄貴州總兵官王國正同四川總

兵官張爾奇再行會勘宗祥之疏謂安位侵於遵者猶小而侵於蘭之龍場則巨鎮也夫所謂巨鎮必商賈交通人煙繁集以臣訪問又殊不然細查成案此地枕大方之背深入夷穴乃四五十年來二酋不了之爭兩省互構之局而宗祥信道臣之言謂臣私授安位必欲渡河聚兵以開剿局捐無益之費興得已之役此於喜事者甚快而實非封疆之利也臣受命遄荒貳討服舍已受皇上成命卽夷性犬羊不敢保其無他但軍旅大事自須審度情形原無異萌未可輕議萬不敢朦朧詭飾

朱少師奏疏

卷七

壬

以欺聖明宗祥忽馳域外比例播蘭指臣前事之非誣穢首功之將聽唆縱談不稽情實明旨謂後來激釁釀禍責將誰諉固已洞見萬里之外此又臣所不得不言者也宗祥屢疏論臣吹索不已總由臣衰庸闇陋不堪任使業已席藁另疏陳控恭候嚴譴其蘭地內外四里已無不清之土善後事宜候撫臣咨覆龍場界址候再勘明白另疏回奏外謹遵回話明旨一一剖明恭候聖鑒謹具奏聞崇徵七年十月初二日

遵旨據實詳奏事

該臣等看得小島謫即安祚遠與其父向協理宜慰司事者也安位年漸長大欲收司權每每偏聽任意行法各夷目實有離心適祚遠欺占逃拘之妻爲其父出首位拘之於監欲正以法祚遠遂毆監而逃徑奔違義先是位具文請道鎮會勘沙溪地界總兵官王國正因出師偏鎮至二月內始訂期同往祚遠方奔逃之際遂獻出各田土細冊止退明白又殺遊朝柄父子以自効於是道鎮不沒其誠欵會詳到臣且題在案嗣後安位屢發目把江之龍等拘拏輒爲所殺又招集亡命時出搶

朱少師奏疏

卷七

至

掠位師率多不利而兩比警怨日以益深夫祚遠雖効小忠而朝廷馭夷自有大義方其獻冊退土此實効順誠心不得不收若快其叛主而遽議犒掃名願不順勢實不可臣惟微遵義道將毋聽聞入切勿助兵以免西酋之借口又檄安位捐棄夙憤許祚遠自贖不得侵犯邊界一草一木以干國憲乃祚遠具揭到部聲位十罪假効順之名爲攘奪之計無將已著履霜宜戒其謂安位恨其求撫故加之罪皆非本情唯謂位據巢不出是誠罪案緣先日允撫時位請城外舊址并私莊數處以

爲往返食費臣怪其不出向不准給每每具文所請卽按臣考察亦託疾差人代稟此則其無可自解者察其隱衷實懼黔人之不能釋憾故爾踴躍似無他腸若貢馬折價取諸厥稅乃向來成例六驛供應不敷量求協濟俱係細事未足深求所云發李阿二等於巴香原無此事至於克運酒色併疎斥骨肉等五六款臣不得而知亦不得而問也臣待罪封疆撫馭各夷惟是宣布皇上德威昭示大信昔人所謂蕩佚簡易飭大綱寬小過俾其不侵不叛永修職貢已耳大半擗關何日蔑有同

朱少師奏疏

卷七

至

類相殘似亦邊境之利部議謂不得以穴中之鬪致煩天戈最爲確論臣二覆行道鎮酌議俱未有別法獨是嚴飭守禦以備不虞數月以來位患危病亦無妄動若永遠一切塘報按之情實多屬風影故未敢上聞倘安位果有不逞之形朝廷當與問罪之師敢不星夜馳奏恭請聖裁謹題崇徵七年 月 日

遵旨建造新城以固疆圉事

臣看得黔自安苗變後十年兵燹千里邱墟臣初入境巡閱衛所邊隘各軍兵或棲山巔或潛深峒棄田土而

不墜聞風鶴而皆驚總由居無城郭不能保聚也自蒙
皇上開恩與撫兵革既寧始於沿邊各隘扼險建城行
伍既飭商賈漸通計三四兩年內陸續造過石城二十
六座該臣疏聞已蒙皇上命名世守外今五十六七三年
地方無事兵力閑暇遵照部檄亟議興行揀總兵官
王國正守巡道臣楊森楊先芳等會議會謂堵賊出沒
應當衝設險者有六如省會道北之巴香定番之雞場
界蜀之烏江兩江之涼傘平越府之楊老黃絲以上六
處皆從來積賊出沒之區不可無城其居中接應藩籬

卷七

事

省會者有四自定番州入省兩日中為青崖廣順州入
省兩日中為馬場堡巴香入省兩日中為隴落堡以上
四處用以聯絡內外緩急照應皆不可無城其舊城應
改拓者有五威清衛逼近省會緩急攸資舊城狹窄無
水議展開三百六十丈內包六井樂平城已奉明旨定
為柔遠所因原築稍隘議展開三百二十丈以便屯牧
連雲城因遠汲道議改建於盤江橋上以收形勝遷安
縣城先年被賊殘毀知縣韓文曜詳議展開一百五十
丈增高三尺圍入井泉施秉縣久陷於苗城垣盡毀知

縣姚載典申請重新建造架築三城據臣據衆議會同
移會按臣分任各將責成修築按臣劉士正因邇歷之
便到處親閱規度形勢酌量經費同臣先後各捐俸廉
以充各匠工費其扛擡搬運悉出兵力自崇徵五年四
月間興工至七年八月內各工俱陸續報竣臣遍出巡
閱所見疊石堅厚堆堞雄壯既處處稱堅人人殫力矣
今據司鎮備開將官効勞名數前來該臣會同巡按貴
州監察御史臣劉士正看得黔省夷漢雜處最稱匪僻
除先年扼險建城外今再造十城展改五城塞各險之

卷七

事

衝通入省之路居有保聚勢相聯絡似不無小補各將
士桑土綢繆原係本分卽胼胝版築何足言勞維是疊
石疊土最費工力既不上煩官帑又不下用民力三歲
之內各工落成其勞亦有應紀者若不量議酬資無以
示勵似應照成例授職加銜紀錄褒獎以酬勞勩伏乞
勅下該部查議覆請行臣等遵奉施行謹題崇徵七年
十二月二十七日

再歷個誠祈免非常恩命伏懇俯允以安愚分
事

臣先因部叙點功奉聖旨朱榮元加少師廕一子錦衣衛指揮僉事世襲仍賞銀五十兩大紅蟒衣一襲欽此臣蒙加異數誼難忝冒隨具疏辭免茲於本年正月十一日接閱邸報內奉聖旨追提酬叙賡賞資已有成命卿宜祇承不必遜辭該部知道欽此臣受此特恩望闕叩頭可任感泣顧臣庸庸自揣疆場倖德既無功之可居同事猜嫌又多戾之見摘七年尸素涯分已逾乃以待罪之軀復置非常之典譬如蚊負重益自戕此臣所大懼也夫進而彌衰耆年也積而逾深者病也日久而

朱少師奏疏錄

卷七

聖

事益艱者職務也交搆而嫌彌積者議論也臣衰病疎庸救過無暇方且涇情以求黜豈敢觀顏以冒恩皇上聽顧西南各將士血戰功苦分別叙資業已大彰激勸如臣碌碌因人成事崇銜世廕本非分誼之所安蟒服兼金益苦庸鈍之難受戰戰兢兢措躬無所輒敢申明分誼再行仰控伏祈聖恩俯憐迫切盡准辭免曲全微悃實有餘榮爲此奏聞伏候勅旨崇徵八年正月十三日

糾疏再至謹再據實剖陳伏祈聖鑒聖賜罷職

以謝煩言事

臣因四川巡按御史劉宗祥無端妄摘奉明旨著臣回話臣於崇徵七年十月初二日業已具疏據實剖明茲於正月十一日接閱邸報見宗祥又有蜀疆大壞臣誼當糾一疏臣閱之語語誣妄昧心太甚不敢無說而處於此宗祥自疏往巡蜀方封疆其首務也則宜綜覈諸文武保全蜀境始不負職六年十二月內流寇已入巴東所解各餉悉已却回羽書押至此何等時而乃潛住成都令各道臣共修賀歲之儀漫不爲備使各賊恣意蹂躪顧撫臣劉漢儒日夜奔馳率諸將士撲剿出境然已破壞府州縣十有餘城失餉二十八萬是蜀疆可謂大壞壞之者實係宗祥此全蜀人人怨恨者也乃欲卸已罪恣口橫噬一疏再疏專以攻臣臣誅蘭逆開蘭土當佐僉用兵之日據道鎮公議以永寧內四里給降將降民以外四里給蜀省軍民分頭屯種資其粒食各爲戰守不過因時揣勢暫假權宜及臣入黔仰藉皇上威靈掃除各逆臣即移會撫臣委同知徐文璉等遍行清

朱少師奏疏錄

卷七

聖

大照則微賦中間漢夷委有大難然自來無殺降之例

先臣李化龍平播創設遵義郡縣所治者皆楊應龍舊民未聞盡驅之而盡屠之也今蘭土各民居常耕作則徵其賦調剿流寇則用其力十年以來遵奉約束卽宇內諸郡邑百姓亦不過輸賦當差已耳宗祥顧謂臣大壞皇上試務廷臣公論臣果壞耶不壞耶尚賊既平之後理宜更置善後臣任貴州以督兼撫故於沿邊內外創列各城建設衛所已奉明旨先行粗立綱紀若蜀中則撫按二臣爲政先任撫臣張論業已條列具疏及部駁會議宗祥身在事中自合會同撫臣斟酌覆議上請

朱少師奏疏錄

卷七

七

乃置之高閣屢催不應反謂臣不能保尺寸之地以還朝廷豈永寧內外四里之民以耕以鑿熙攘而處獨非王土獨非王民乎龍場壩地界一節乃昔年兩酋所爭正西以賦二里之地業經兵部覆奉明旨給還水西但西酋不應仍聽蘭夷屯住臣屢疏謂蘭夷所處卽是蘭界未嘗不殫竭心力崇徵三年四月間卽檄王繼宗清界而撫臣行牌禁阻王又教總兵侯良玉現生而亢不肯行及委道臣常任賢等會勘止一到赤水衛五六年來并未遣一人渡河查理乃突云安位不逞起兵將王

繼宗逐回皇上試問宗祥王繼宗以何年月日到壩安位以何年月日起兵兩陣相接必有傷損道將何無若報撫按在事又何不以上聞乎遵義沙溪界址臣行道鎮勘明釘立界牌七座甫畢而叙道道臣常任賢塘報兩院謂安位差人將界牌盡碎及兩院行查遵義道臣盧安世具詳辨無此事臣亦差人密探牌俱無恙誣枉甫明不一月而忽有人擊毀二碑踪跡甚詭臣切責安位併夷目安祚遠查究至十一月二十一日祚遠解出二賊一爲積賊王么臣行按察司審實正法一爲擊碑

朱少師奏疏錄

卷七

七

之陳勝邦臣見發遵義道對審候審明并清界事一併另疏具奏外安位生前原無異志宗祥欲攻臣每每聽人嗾使借位以發難如川貴副將武聲華祇以不捏誣安位卽疏其受賄代作奸細各邊隘安得不望風承奉其肆譎張顧宗祥可以妄言臣則自當據實地方本無事而宗祥必欲擾之夷本安靜而宗祥必欲激之身負境對之大罪而反造無事之危形欺罔天聽臣無情臣因其具糾奉明旨着臣回話敢不披瀝前後情節一一上陳乃誣臣曲辨謂臣失體夫皇上命臣回奏而宗

祥欲籍臣口是又其無人臣體悖謬之大者臣本疎庸不堪任使二年之內祇供宗祥射鵠頑鈍觀顏止足已晚入春以來偶中風寒痰火爲祟一息奄奄莫保朝夕伏乞皇上垂念衰病亟賜罷黜以謝宗祥臣愚幸甚封疆幸甚爲此謹具奏聞崇徵八年正月十六日

按臣無端誣摘謹遵旨回奏伏乞聖明立賜褫黜仍差官查勘以明心迹事

臣因御史劉宗祥有蜀疆大壞臣誼當糾一疏正月十六日方具疏劄明茲於二月二十九日接閱邸報劉宗

祥又有督臣通苗賣地一疏備極詆毀奉聖旨據奏朱

卷七

榮元通夷受賄事情殊可駭異併水銀厥餉兩項著自行回奏龍場壩苗土內外里事宜已有旨了該部着議速奏安位立後該省巡按御史查議奏奪欽此臣疎庸無狀致此誣罔皇上不卽處分令臣回奏感激天恩可任隕越竊念臣蒙皇上委以西南半壁軍旅重任不遇欲除暴安民年來元兇殄滅兵革敉寧一片殘疆稍

有寧宇地方本無事宗祥屢屢妄造危形恣口橫噬安位既死無可借端則突言撫事之非指臣通夷受賄妄

造臣差冉天允與安位黃傘牙椅等物與之交際此卽

市井小人所不肯爲者臣叨重任忝與大臣之列彈壓

小夷自有體統豈忍蒙面爲此污行又云遵義沙溪併

龍場壩地述道臣常任賢語謂安位言一扛金一扛銀

所買沙溪界被占在萬曆四十八年龍場壩各夷投附

水西在萬曆初年果係私賣當問之昔年在事者與臣

何與今沙溪界臣已代爲清理遵民任種於今二年龍

場壩地界據巡下南道臣何閔中報稱蘭夷滿亨扶奉

世等二千餘人俱出投見蘭人既歸其土自清祗是蜀

朱少師奏疏

卷七

早

委同知伯承恩尚未到界而水西無主未經勘退明白未敢具奏宗祥持斧全蜀不能自清而兩界俱臣代爲清不清者賣乎抑代清者賣乎今冉天允見在威茂常任賢既證其言必有傳說之人伏乞皇上先將臣黜罷卽差風力利臣一員并勅冉天允常任賢同入黔省喚集水西夷漢各日併黔省一切官民從公審鞠舉頭有青天通省有輿論臣既解任自無人代臣掩飾試問過付何日見證何人果有絲毫實跡臣伏法而死所甘心矣水銀厥臣入黔時卽歸版圖厥課以砂脉衰旺爲數

盈縮各厥頭每年納課有一項貢馬銀萬壽聖節貢馬四疋折銀三十二兩朝覲貢馬三十疋折銀二百四十兩皆自開創以來徑解藩司代奏起解臣因而不變此外則威清龍場六廣養龍劄佐烏江六驛既割其水外之地卽以前稅抵充夫馬各費在安酋祇應水內六驛當初撫時卽據道鎮議有成案計七年之內收稅變價納銀不過七千一百三十兩今宗祥以爲臣仍與安酋每年有稅萬金誣罔殊甚至於黔餉臣入黔正用兵餉億之日庫無半鎰舊欠官兵餉銀九箇月該補餉六十

朱少師奏疏鈔

卷七

聖

三萬兩臣查部撥各餉爲數百萬臣卽題還南糧九萬三千五百餘兩蜀餉二十萬又將積通奏報戶部提解一十六萬四千四百餘兩仍創爲增日給餉之法百般汰縮幸不脫巾迨三年請餉四十二萬二千六百餘兩楚省解到二十二萬二千二百餘兩廣西折兵准鹽楚蜀協濟等項共解到銀七萬九千六百餘兩四年請餉二十七萬七千七百餘兩解到二十二萬六百餘兩兩內以三萬四千餘兩分助滇省五年請餉二十七萬七千七百餘兩內以十四萬六千七百餘兩奉旨徑解滇省

在黔止留額十三萬零九百餘兩解到十萬八千餘兩其自六年至八年各兵汰減止留二萬一千名每歲請餉七萬六千餘兩部覆三年而止臣疏叙明自八年後原不敢復請夫黔固用武之地不能去兵臣自三四兩年撫定水西仍有火烘狼獾擺金等處貧固各苗兩江惡苗占據施秉縣披猖日久兩縣大兵剿洗恢復縣治又剿開巴吞百年賊穴至發總兵許成名胡從儀入衛近發副將王觀國援楚數俱在內計七年所費未及前人一年之費近於七年十二月內將通數具題還部二

朱少師奏疏鈔

卷七

聖

十三萬九千餘兩臣勉矢愚鈍日夜與道臣楊先芳等清丈田畝講求設法稍有贏餘卽補入餉逐年奏銷冊開報雜項總共二十六萬五千二百六十四兩五錢五分零俱可細覈除行布政司備造二冊送戶兵二部候查外仍乞皇上將兩項併行查勘有無如宗祥所云餉案庶國課清而公道自明也其永寧內外四里之地既入版圖建設衛邑前撫臣張論已有條議祇是部駁覆勘久不咨覆實非臣所得專先臣李化龍平播之後在蜀五年故能完善後之局臣誅逆寅卽以憂歸及誅崇

明而身在黔省故以潤色望之後人乃宗祥不起念封疆而借題相攻夫土地既開勢必謀耕安得有餘謀耕所入不過照上中下三則起賦今其自疏問道臣云蘭土尚存若干又云租戶歸羅京周一歲豬三百六十口此夢囈語乃可欺罔天聽乎據云降民必須文武官治之永寧一總鎮一叅將又一兵備道臣獨非治之之人乎據云殺人不取問所殺者何人宗祥獨不能以惠文法治之乎鎮雄府土知府龐懷玉乃安位同堂之兄紹雄乃其胞兄原非螟蛉臣行道鎮勘議曾未許襲若安

朱少師奏疏鈔

卷七

聖

其爵安其祿安邊俱雲南霑益土知州安紹慶之孫與安酋同姓而絕不相干乃以爲親枝正派抑何謬乎臣受國恩四十四年疆場利害不避生死行已徑徑自有本末萬里孤踪有何黨援今突云臣與吏部侍郎張捷合謀報復此真風馬牛不相及不知宗祥何據而爲此言總之事不稍情實則平地可以生波言不期質証則憑空可以妄造臣不求報黜無以謝宗祥皇上不亟行勘亦無以白臣之冤惟冀聖恩俯允勘處臣不勝悚仄待命之至謹具奏聞伏候勅旨崇徵八年二月初六日

流寇震驚祖陵微臣謹當受罪謹用披瀝恭慰聖懷併乞速罷庸羨飭善後之圖振維新之治以廣孝思以靖在氛事

臣待罪遐荒邸報遲滯三月二十五日接閱邸報知流寇披猖自河南汝潁直闖鳳陽將祖陵享殿兩廡併周圍林木縱火延燒聖祖在天之靈必有不安皇上敦念源本甚切焦煩主憂臣辱普天同恨微臣叨任節鉞聞此異變神驚骨慄日夜徬徨正席慕間又聞各死賊漸入斬黃承德之郊臣惟承天陵寢爲神龍發跡之基與

朱少師奏疏鈔

卷七

聖

鳳陽祖陵並重臣叨督楚蜀誼切同儕先於正月十一日聞各賊入豫卽委副將王觀國督發守備李奇官兵四百名因見邸報又於四月初二日發守備楊芳領兵四百名俱指處六箇月餉銀前往協護又據楚省撫臣唐順按臣余應桂胎剗到臣委原任副將楊正芳弟楊聯芳子楊大勳招兵一千五百名臣親行點閱量給犒資併助軍器督發外竊照流寇縱橫動輒數十萬往來颺忽乘我無備該省兵力單微寡不敵衆卽招募併臣所發亦杯水之救車薪恐無濟於緩急今督臣洪承疇

大兵將集賊必四散奔伏轉瞬秋冬非入蜀必仍出楚
決富厚集兵餉塞其要衝俾隻馬不入庶揚我威武今
蒙皇上允廷臣之議添兵給餉頒發大詔嘉與維新遐
荒異域無不人人踊躍想望德化臣惟撥亂必先用人
治兵必先指餉今搶攘多事之秋必須才力優裕者方
稱任而愉快如臣碌碌衰病侵尋屢被指摘實負委任
除屢疏乞罷外伏乞聖恩亟允概放別選才望任事此
封疆之至計也水西宣慰故絕見奉明旨會同按臣酌
議分土罷戩其龍場地界已經兩次會勘明白移會蜀

朱少師奏疏鈔

卷二

聖

省另疏外西南半壁似可不煩聖上西顧之憂其八年
以後黔餉臣不敢復請乞皇上勅楚蜀各撫臣加意綢
繆仍聽楚省盡移明歲黔餉以濟急需此又封疆之大
計也夫殷憂多難原屬興資以呈土神武赫怒除殘指
日可奏蕩平丕彰允塞萬祈少寬聖懷以慰臣民之望
臣愚不肖獲荷襁放得與田夫野老歌詠太平生死有
餘榮矣爲此謹具奏聞崇徵八年四月初七日

水西夷漢各目投誠獻土謹酌近日情形條例

措置事宜恭請聖裁事

該臣看得水西各酋倚險負固千有餘年從來疎節漏
目未能深治今安位故絕紛紛爭立臣遵奉明旨申明
皇上德威三覆曉諭夷漢各目俱改心易慮具呈獻土
獻印用夏變夷實維此時臣查該司有宣慰之土各目
之土宣慰公土宜還朝廷各日私土宜聽分守惟將田
土戶口查勘造冊徵其賦稅則一切邊夷皆我赤子其
大方西溪谷里比那各要害處所叅據衆議宜各築巖
城分遣各將督兵彈壓自可不振國威永消反側惟是
局面初改措置方新不得不寬以文法普示招徠查雲

朱少師奏疏鈔

卷七

聖

貴兩省處處皆設土司即如定番彈丸一小州亦立十
七長官司二三百年勢分力弱并未敢有跳梁者祖宗
成例似可做行其卧這安世係正支首先獻土化沙亦
係親支具呈獻印似應各加土知州職銜世襲以示激
勸其各頭目輸心向化者應各授長官司司俾令世守漢
把李奇方周廷鑑劉光祚陳國基袁倅陳萬典楊啟禮
吳道端丁士林等招集納款者或盈萬或盈千合照部
議分別授以世官一切糧額各獯鬼最苦宣慰之苛應
照夷額十中減二以甦其困所遣撫諭各將深入化導

俾各効順併應叙錄以示激勵臣愚未敢擅便謹將各箇情形併錯置梗概先行馳奏恭請聖裁顧臣尤有說焉夷地深險步步羊腸犬羊之性一日數變漢奸撥之其狡百出勢不得不需兵力一面合力版築一面勦除頑梗庶可建威消萌計垂長久黔省儉瘠百務掣肘一切經畫事宜尚有疏所未盡者容臣會同按臣陸續具請除安祚遠所獻蜀省雄所土地移會四川撫臣會勘明白併呈詞謬妄查明究擬另疏奏聞外伏乞聖鑒勅部覆議行臣等遵奉施行謹題崇徵八年八月初六日

朱少師奏疏鈔 卷七

聖

聖恩逾格疊頒徵臣萬難忝冒伏乞俯允辭免併賜罷黜以安愚分事

該臣因部叙黔蜀功次奉聖旨內朱燮元加少師廕一子錦衣衛指揮僉事仍賞銀五十兩大紅蟒衣一襲欽此臣具龍命逾涯一疏控辭奉聖旨宣捷酌庸叙廕賞賚已有成命卿宜卽祇承不必遜辭該部知道欽此欽遵臣復具再瀝悃誠祈免非常恩命一疏奉聖旨酌功原屬典典卿還遵命祇承不必固辭該部知道欽此欽遵又於七月初二日接閱邸報見吏部一本爲給繇事

覆奉聖旨朱燮元一品六年考滿著就彼復職加左柱國給與應得誥命欽此欽遵臣焚香望闕叩頭外竊照非常之賞原以酌功逾分之榮不堪冒受臣緣祿無狀屢被指摘救過不暇何敢言功今蒙皇上加臣師保一品之銜重以兼金蟒服之賜廕授金吾寵延世世此朝廷之異數而臣子之奇榮也臣何人斯可以濫冒至受任危疆於今七載實抱多愆蔑有寸豎報滿祇遵常職加級復冒殊恩臣聞命傍徨不任踟躕周任有言不能者止臣三復斯語不勝負媿况衰年重病五官幾廢生

朱少師奏疏鈔 卷七

吳

理漸微無福消受今宇內多事亟需匡定必年力精強才名優裕方堪疆理之任如臣奄奄一息精已銷亡自合早覲以避賢路爲此披瀝陳情不憚瑣控萬分迫切毫敢假伏祈聖恩准將所頒銜廕金幣盡准辭免允臣休致別還才望任事俾臣得以病骸歸里詠歌聖澤仰戴高原生死有餘榮矣臣不勝激切待命之至爲此具本謹具奏聞崇徵八年八月初七日

朱少師奏疏鈔 卷七 終

五世孫源昇校刊

朱少師奏疏鈔卷八

蜀黔疏

恭謝天恩事



欽差總督貴州四川湖廣雲南廣西軍務兼督糧餉巡撫貴州湖北湖南川東偏沅等處地方少師兼太子太師兵部尚書兼都察院右都御史臣朱燦元奏為恭謝天恩事臣接准部咨因叙黔蜀三案功次奉聖旨內朱燦元加少師應一子錦衣衛指揮僉事世襲仍賞銀五十兩大紅蟒衣一襲欽此臣具龍命遵涯一疏謹奉

朱少師奏疏鈔卷八

聖旨宣提調庸叙廉賞資已有成命卿宜卽祇承不必遜辭該部知道欽此臣復具再瀝悃誠祈免非常恩命一疏奉聖旨酬功原屬獎典卿遵命祇承不必固辭該部知道欽此又准吏部咨為給繇事覆臣六年考滿一疏奉聖旨朱燦元一品六年考滿著就彼復職加左柱國給與應得誥命欽此該臣以衰病不能仰承又具聖恩逾格疊頒微臣萬難忝冒一疏奉聖旨卿久歷歲履叙功考滿加恩原非逾格著卽遵命祇受不必固辭水西事情正藉殫力料理志圖善後毋得以引陳弛卸

該部知道欽此欽遵吏部於崇徵九年二月十二日移咨到臣臣感激弘恩不勝隕越謹焚香朝闕叩頭仰謝外伏念微臣力小任重原無截定之才福過災生特嬰沉篤之病異數原難忝冒屢辭實出至情乃荷皇上未准臣辭責成彌厚天地高深曷由報塞臣疏詞已瀆未敢再為控陳疆務方新敢不力為料理倘狗馬尚延其視息卽竭蹶何愛於髮膚除水西分土一事見在酌圖善後容臣親入夷地查勘妥當會疏報聞外謹具奏聞崇徵九年二月二十日

朱少師奏疏鈔卷八

二

勘明水西各土遵照明旨分土授官以安地方事

竊照水西宣慰司設自洪武初年而其源派肇自秦漢章武年間封羅甸國王相沿千有餘年恃其險阻叛服不常其地界連滇蜀楚三省提封二三千里六廣河外轄有九長官司卽貴州省城亦金筑司舊治國家文治熾盛漸漸剪闢不意壬戌年突有逆彥之變勞兵費餉十年而後定臣仰藉皇上威靈以剿為撫於崇徵二年割其水外各地方六百里建設三十六城據險扼要已

絕無寬伺之心矣七年十一月安位病故無嗣各夷紛紛爭立漢把艾天中等請立隴懷玉之子安隴璧等請立卧這安世烏蒙請立未嫁之女烏蒙請立已逐之妹皆於理法不順臣皆斥絕隨遣中軍副將譚正修守備李先躍等督兵直入大方畢節諭以聖恩寧以國法俾各出投見效順以歸王化時有化沙頭目安良輔補慮頭目安良相等併卧這安世俱各傾心納款具呈獻土獻印誓無反側臣隨具疏條列奏聞該部覆奉明旨分土世官量土授職卽以安祚昌爲例併要害處所築城

朱少師奏疏鈔 卷八 三

遣將田土戶口造冊徵賦及糧額量減事宜俱依議卧這化沙及各夷目漢把各獻土若干應授何銜還著該督按詳明開列奏奪宜慰公土作何設置一併確議具奏其合力版築剿除頑梗該督一面悉心料理務期永圖綏定以奠嚴疆鎮雄烏撒事情另有旨了奏內祖宗字違宜高擡改正行欽此欽遵該臣看得水西土地除水外各土久已入黔外尚存十一宅吉臣與按臣先後巡歷大方等處喚集各目一一傳諭犒餉酌其地方大小糧馬共議分設凡宜慰公地俱歸朝廷其各目私土

悉予世守責以催辦糧馬供應郵驛併除宜慰一切苛政在事各將俱能遵守法度絕無傷害衆情悅服謹將各設地方併應授官職條列於左

一化沙頭目安良輔首矢忠義衆口撓之堅執不搖先既令子安重抱獻宜慰印信併獻囤積今八月二十日又親獻羅甸國王大銀印一顆烏蒙總管府銅印一顆畢節衛千戶所銅印一顆忠欵傑出深應嘉賁

一卧這頭目安世具呈獻土一片忠誠迥越僞伍且

朱少師奏疏鈔 卷八 四

通漢音絕不安爲以上二官應授土知州世襲

一頭目安隴璧其子安祚遠先已獻土於蜀本官與子一心今安祚昌已歸谷里應將隴璧發回原業亦應授土知州世襲

一木勝宅吉東至閣鴉驛南抵女農革河西連鎮雄界北攬蘭界南北一百里東西一百八十里公地計五莊人民共二十七寨戶口二百四十五房秋糧每年共該倉斗米一千三百一十一石目地大小頭目共六十二處秋糧每年共算該倉斗米六百五十八

石六斗一升阿五夷目安知糧馬衆多獻印有功應授正長官阿戶夷目安寧糧馬多於衆目應授副長官阿腿夷目安時獻印有功應授副長官阿底夷目祿承天糧馬衆多素懷忠順應授土千戶木草以堵補窩者夷目安良佐羽翼獻印應授土千戶莫德夷目安然糧馬衆多應授土千戶得札夷目安庶羽翼獻印應授土百戶以庶夷目安部護印有功應授土百戶補窩舍夷目安良才與安良輔協謀獻印應授土百戶喇內夷目安玉糧馬雖少而獻印之功多應

朱少師奏疏鈔

卷八

五

授土總旗

一火掌宅吉東至裏朵河南至歸宗目西聯烏撒挖穴樣北交女農河水勝界南北二百六十里東西二百四十里公地計六莊人民共二十一寨戶口二百二十房秋糧每年共該倉斗米一千二百八十石目地大小頭目共六十處秋糧每年共該倉斗米八百六十五石一斗七升卧這安世已擬授土知州補處夷目安良相獻印獻國積功著最著應授土指揮歸宗夷目安正素懷忠義應授正長官杓佐夷目安良

知協築署仲城有功應授副長官以支夷目安良能糧馬數多應授土指揮以賦夷目安儒國糧馬數多應授土千戶以列夷目安于仁糧馬數多應授土千戶阿母遮夷目安義獻印有功應授土千戶慕德業夷目安白則糧馬數多應授土千戶總機夷目安逸糧馬數多應授土百戶怕那夷目安于禮糧馬數多應授土百戶麻隴夷目安菊糧馬數多應授土百戶土母夷目祿福卧贊勸獻印應授土百戶

朱少師奏疏鈔

卷八

六

一架勒宅吉東聯毋革大等南抵巴朗小河西聯雷益州界北聯烏撒界南北一百五十里東西一百八十里公地計二莊人民一十三寨戶口共一百戶秋糧每年該倉斗米五百五十五石二斗目地大小頭目共一十一處秋糧每年該倉斗米二百六十八石九斗得素夷目沙國忠糧馬多於衆目應授正長官一安架宅吉東止怯里目南至普安界西聯雷益界北抵架勒巴朗河南北一百五十里東西一百七十里公地三莊人民共計十一寨戶口二百一十房秋糧每年該倉斗米五百九十九石五斗目地大小頭

目二十處秋糧每年該倉斗米一百九十六石三斗
歸集夷目祿承恩獻印有功忠義素著應授土指揮
比怯夷目祿承寵首納糧馬銀兩并祿私記銀關防
應授土指揮

一的都宅吉東至鴨甸河南抵恩蠟河西聯東徐宅
吉北抵擺華河南北八十里東西一百二十里公地
共計八莊人民計四十九寨戶口七百一十房秋糧
每年該倉斗米一千二百二十四石五斗目地大小
頭目三十一處秋糧每年該倉斗米二百五十七石

朱少師奏疏鈔

卷八

七

六斗二升五合阿傀夷目安雲鵬糧馬數多應授土
千戶阿阻夷目保元糧馬數多應授土百戶隴華夷
目安隴華向化出力應授土百戶

一朶徐宅吉東至恩蠟河南聯三岔河西至六華河
北抵六歸河南北八十里東西二百六十里公地計
八莊人民共七十七寨戶口一千三百五十餘房每
年秋糧該倉斗米五千三百八十七石五斗七升五
合目地大小頭目四十二處每年秋糧該倉斗米四
百零六石二斗六升纖金夷目安朝祚獻地設所納

恩夷目安朝佐首先歸順獻地築城應授副長官一
一則窩宅吉東聯水西驛南抵六歸河西至西溪驛
北至渭河南北四十里東西一百二十里公地計十
莊人民計五十寨戶口共八百六十餘房每年秋糧
該倉斗米四千一百九十三石四斗五升目地大小
頭目共三十八處每年秋糧該倉斗米四百一十五
石六斗九升祭架喇以這以朶夷目安如鼎糧馬數
多應授正長官白沙夷目安伯糧馬數多應授副長
官

朱少師奏疏鈔

卷八

八

一以著宅吉東至擺河南抵虐華西聯則窩宅北抵罵
色河南北一百二十里東西一百里公地計六莊人
民共一十九寨戶口二百一十餘房秋糧每年該倉
斗米八十四石七斗五升又旱糧一百石目地大小
頭目共三十六處每年秋糧該倉斗米六百三十三
石八斗五升永則夷目安隴卧糧馬數多應授土千
戶傀傍夷目安隴智糧馬數多應授副長官納勒夷
目安普德首出投順應授土百戶度這夷目安朝係
糧馬數多應授土千戶

一化角宅吉東至西溪河南抵界梁河西至閭鄉北止
構界南北六十里東西四十里公地計三十寨戶
口五百六十四房秋糧每年該倉斗米一千四百五
十八石七斗五升又旱糧八十石目地大小頭目共
十七處每年秋糧該倉斗米三百五十五石三斗五
升化沙安良輔已擬授土知州得初夷目安榮羽翼
獻印應授正長官得額夷目安底額糧馬數多應授
土百戶

一雄所宅吉東至鎮南關南抵黃沙渡西至渭河北

朱少師奏疏鈔

卷八

九

聯簡界南北一百四十里東西三百四十里公地計
因莊人民共一百三十九寨戶口二千五百九十房
秋糧每年該倉斗米六千二百四十四石九斗一升
前地已經四川議割目地大小頭目共一百二十處
每年秋糧該倉斗米二百三十六石七斗阿烏謫安
隴壁已擬授土知州迷杓夷目安燕糧馬數多應授
土百戶
一隴勝宅吉東至的都南至三岔西聯歸宗北止架
勒南北一百二十里東西三百二十里公地計二莊

人民共六十寨戶口一千二百房秋糧每年該倉斗
米五百石目地大小頭目一十五處秋糧每年該倉
斗米二百四十三石七斗白女夷目白麻糧馬數多
應授土千戶比得夷目祿阿土糧馬數多應授土千
戶六威隴勝夷目祿媽特糧馬數多應授土百戶

以上十一宅吉公地秋糧每年共該倉斗米二萬二千
八百三十九石六斗三升五合目地秋糧每年該倉斗
米四千五百三十八石一斗五升五合二項通共每年
倉斗米二萬七千三百七十七石七斗九升又旱糧一

朱少師奏疏鈔

卷八

十

百八十石其各目酌減共設土知州三員正副長官共
十一員土指揮六員土千戶十二員土百戶十八員土
總旗一名正副長官俱請頒給印信世襲不給官俸土
指揮千百戶俱請給割世襲附大方比那二衛聽道鎮
提調節制

一鎮雄土知府隴懷玉發兵護送安良輔獻印忠誠
最著應加銜一級

一漢把加銜副總劉光祚自安邦彥授首諸夷目愈
肆忿恨謀動干戈光祚獨排衆論諭安位聽撫又

死而衆目爭繼光祚力主安良輔獻印忠順之心百折不回其功甚偉應廕指揮使以貳夷漢

一漢把加街參將楊敬鑾安位死喪目爭立于戈互起鑾督率夷漢諸人民擁安良輔獻印功亦不尠應廕指揮使事以獎忠義

一漢把陳國是李時芳陳國基楊啟祥周廷鑑李奇芳以上六名安良輔與安隴璧互爭衆皆分左右袒

獨六人堅持一心懲惡獻印招夷萬衆應廕土百戶一漢把楊啟運劉顯祚楊啟鳳胡珽陳萬選陳國本

朱少師奏疏鈔

卷八

十一

黃朝鳳周士順吳道端吳道弘楊淮黃德李先春陳國榮黃恩楊德顧龍正吳楚漢孫應奇杜應林曹一龍高中正高明盛高明旺丁志明趙廷宣高仲文羅士夔萬鎮祿以上共二十九名俱效勞化諭備殫心力應各紀錄候別効有功再爲題叙

以上夷漢各目把當分設之初紛紛求榮此正良心鼓動之時可借官爵以示激勵臣等再三酌議不能曲徇抵據公論應與者採訪的確方敢議叙伏乞勅部覈議行臣等遵奉施行謹題崇徵九年九月二十五日

西土分設已明酌議善後事宜列欵具陳恭請聖裁事

竊照水西各夷分其自有之土共輸公家之賦除煩去苛俾各樂業已歡然無爭矣維是草昧初開經制伊始不講控禦之術定爲經久之圖犬羊靡恒奸人撥之安能保其無越志乎臣與按臣先後入大方等處周咨遍覽地薰深箐險峭人皆烏言卉服夜郎自大獷悍成性亟須築城扼要以操居重之權設學申教以化侏僂之陋授之官以鼓向上之心分其土以散連街之勢蕩佚

朱少師奏疏鈔

卷八

十二

簡易滌去煩苛俾令漸摩薰染循性所安庶可轉狂獫以爲文物草創之與潤色固不可一時并議也所有善後事宜列欵於左

一議版築

查得大方爲宜慰舊基西夷會聚之地民居頗稠應築一城共一千丈已委副將方國安率五營兵督修一水西城爲通衢要路先洪武年間築城今俱圯壞舊址尚在議築一城共一千丈以西接大方東通谷里一谷里爲六廣接應門戶應築一城

共五百五十丈以通往來一比那地在各夷中心
不設兵駐守無以杜其負固議建一城共八百五
十丈委副將劉鎮藩都司僉書鄭載勳署盤江遊
擊趙國璽僉書張才共築山比那至虎場六十里
東接三分定南所宜建一城共四百丈委趙國璽
專築自大方六十里至六歸河水西城六十里至
得札河委方國安袁桂芳各建一堡以通比那自
大方至歸化驛六十里議建一城四百五十丈以
通畢節委迤西守備朱朝聘原任遊擊李應忠督

朱少師奏疏

卷八

主

築署仲地方界臨烏撒宜築一城以扼其衝議委
守備李先躍併夷日安良知督築以上各城如大
方水西谷哩那工已就緒尚未報完其餘有甫築
一半有甫起工者各將士竭力版築不煩公帑祇
臣等量捐廩餼以犒工匠勞苦殊不可泯俟工完
之日容臣題叙議酌伏候聖裁

一議學校

水西各夷披毡負弩曾不知有禮義惟榮以衣冠
教以詩書可以挽回化導臣與按臣先後入其地

凡夷目漢把識字者俱經面試內有粗通文理共
得六十人皆可化誨業予以衣巾教之習禮各夷
無不欣躍此正其一綫向上之良可鼓動也查太
祖高皇帝經制之初卽建宣慰司儒學查該司登
鄉會榜者十有餘人後宣慰禁不習讀又各夷懼
出痘疹不渡六廣其業遂廢既無上進之路祇攻
毀構之術今惟有建設庠序以示鼓舞該臣同按
臣已將宣慰司署折毀改置先師木主率各子弟
習禮開講人情欣悅似應比照敷勇建立文廟但

朱少師奏疏

卷八

南

各熟習書史俟已卯科赴提學道考試另題補廩
科舉人數此作新之一大機括也伏候聖裁

一議衛所

分設既定版築方新其各夷目亟宜有所統攝以
新耳目而定心志查大方比那宜設二衛水西城
宜建一守禦所谷里歸化署仲織金虎場宜各建
一所內如木勝安架火掌朵徐以着化角六宅吉
宜附大方架勒則窩隴勝的都四宅吉宜附比那
各糧俱赴畢節道掛號發該衛官查收一切提調

聽於府廳按院巡歷一體赴衛考察不許規避其
衛官止議三人爲數雖少然黔省一十八衛指揮
等官儘可選委署印似不必拘於本衛也各城俱
仍夷方舊名不便稱呼臣未敢擅議伏祈皇上賜
以新名以便宣達如蒙俯准仰請勅部頒給印信
俾可行用伏候聖裁

一議驛遞

查宣慰地方原有九驛除水外三驛臣久割其土
地人民不復責成外今尚存谷里水西奢香大方

朱少師奏疏鈔 卷八

五

閣鴉歸化六驛向係宣慰支應該司分派苗民量
地大小出供馬匹又按日派夫走遞各管事目把
多方指尅苗民深苦其苛今紛紛具訴情愿折銀
上納另僉官頭代爲支應臣行道將覆議俱謂解
煩甦因此爲第一義除照舊額派馬一匹折銀十
五兩上納派夫一日折銀三分各責成該管輪納
敢有通負者卽行究罪加罰各夷稱便帖服伏候
聖裁

一議駐守

查得大方要區議守兵二千臣已委副將方國安
撥發六廣敷勇五營兵錢應科陳斌劉國柱賈登
聯朱輔等駐守比那議委副將劉鎮藩帶定南所
兵六百名趙國璽帶盤江兵二百名鄭載勳帶榮
遠所兵三百名合營駐守水西城議委息烽遊擊
袁桂芳帶兵三百名併分鎮西衛兵六百名又敷
勇遊擊王自貴帶兵二百名原任遊擊趙文進合
營駐守谷里城委修文所加銜都司僉書徐毓栢
帶兵二百名駐守畢節衛四夷統會逃徙尙多委

朱少師奏疏鈔 卷八

六

守備李先躍督兵四百名併原任遊擊李應忠督
兵一百名駐守歸化所委迤西守備加銜僉書朱
朝聘督兵一百五十名駐守烏撒衛委原任遊擊
白宗凱督兵一百五十名駐守一切屯田拋荒城
堡圯壞俱責成從新整飭仍行畢節道臣不時巡
歷稽察行惰以爲功罪若擾各夷一草一木者臣
卽白簡從事庶各城聯絡接應根本可固以上李
先躍朱朝聘徐毓栢化夷獻印併竭力版築應准
實授趙國璽白宗凱李進忠趙文進才畧可用應

予原官任事統候工完容臣會叙伏候聖裁

以上各款臣祇就目前經畫所當條議者粗陳梗概至於日後事務紛紜有應補議者容臣等酌查陸續奏報謹題崇徵九年九月二十五日

奉旨分設懇明疆界事

竊惟水西幅隕不小昔年黔既割收水外五六百里蜀於七年勘定龍場場界直至界子關水西各夷退去三千里今又割去渭河迤北一帶所存者少矣查渭河以內有雄所一宅吉宣慰委安祚遠父子承管非其私土

朱少師奏疏鈔

卷八

七

內有宣慰兩巡司設自洪武初年的非播地今水西各目盡獻其土歸之朝廷同是王土何分畛域况夷情反覆正藉唇齒蜀撫臣王仇發兵犄角嚴諭鎮雄使其助是獻印願費心力卽割此區區之土亦屬相應聞撫臣說有黔蜀并轄之說原不自專維是昔日獻土皆云安祚昌所爲今祚昌仍回谷里不肯入蜀臣問其昔何以獻今何以歸則蠢然未知惟戀舊居麾之不去查安隴壁已將幼子安祚新發寄祿氏承祚遠之業祚昌授官指揮應否歸黔所當亟議至於漆山歸宗一帶苗民

原係黔省糧馬百姓今趙國政等驅逐不容屯住黔更

有何閒地能安插乎法應仍還其舊業以供糧馬既可免各夷失所之悲且不悖撫臣兼轄之議臣叨忝銜事權不宜倒置今各夷紛紛哀訴方議善後所不得不申明者也至於宣慰公莊糧銀爲數不少應聽蜀議或輸之朝廷或留充兵餉非臣等所敢與也伏乞勅部議請明旨行臣等遵奉施行謹題崇徵九年九月二十五日

衰年危病口就沉篤重任萬不能勝伏乞聖恩俯允休致事

朱少師奏疏鈔

卷八

太

臣庸碌無狀濫叨委任於今八載倘蒲柳未衰心力可竭臣之一身皇上所繫養也卽摩頂放踵其敢自愛無奈衰年病侵有心無力連年乞骸未荷俞允適有水西分設一事不敢不力疾驅馳本年七月內冒暑涉險直入大方等處咨輒相度在途感染風氣遂增吐瀉眩暈之症方理藥裹忽聞寇患震驚畿輔臣豎髮裂眥亟圖奮義於九月十一日喚集諸將調兵入衛忽然在堂一中倒地賴關臣吳盡臣張舜齡扶掖得起半日始甦雖尚未就木而頭額磕損面目青腫一息奄奄已不能復

支矣當此疆圉多事寇盜交訌之日皇上何等焦勞亟圖匡定然用人須審年力幹濟必資壯健如臣待盡微軀萬難補塞若不及早控額匪惟貽誤在臬抑且大曠厥職一身之性命爲輕皇上之封疆爲大爲此冒昧披瀝下情呼天抑挫伏乞聖恩俯憐其哀真病特准休致俾得少延一喘歸死先人闕下感激天恩生死銜結臣無任激切待命之至爲此具本謹具奏聞崇徵九年十月二十一日具奏奉聖旨卿勞著嚴疆水西善後事宜正藉綢繆著殫力料理不必引請該部知道

朱少師奏疏鈔

卷八

九

夷目復懷不軌官兵擒斬首惡各夷忽變事關黔蜀謹請旨會剿以安反側事

水西自安位物故各夷目安良輔安世安隴璧等議立宜慰互爭不定遂各具呈獻土獻印併獻國積臣因其各出投誠不得不與開納業經親履其地人人撫諭各俯首歡然絕無異意遂爲疏聞不意語尚未終而其心忽變今年正月內良輔起兵往郎岱欲與苗民隴朝用韓殺恨官兵不助遂於二月初三日與安隴璧相會密謀數日各具稟到臣云安位死久未葬今集各夷做鬼

勢不容已臣差官查問俱回稟云並無別意惟副將方國安劉鎮藩等屢據各順目密報知其反謀具稟到臣隨移按臣馮晉卿夷情叵測在我不可不防按臣隨疾馳回省會議抽調在省各兵至六廣相機應援其比那水西二城版築未半不便據守卽行劉鎮藩撤出三岔袁桂芳王自貴等撤出谷里間乃二月二十一日良輔忽率各目領兵到大方初猶面會各將只言做鬼數日後集兵漸多詞氣頓厲云我家專取大方要將漢官漢民一一盡洗副將方國安憑城諭以利害勉以大義不

朱少師奏疏鈔

卷八

十

啻諄切而輒然不顧至念六念七念八攻城三日箭傷兵數命國安等見其逆勢已成不可復挽遂於二十九日率加銜參將楊啟鑾等開門接戰良輔挺鎗當先大呼撲斫衆憤協力當陣殺死又殺其主謀頭目安鳳鑾并普局小土毋經握等小目二十一人斬夷級千顆其餘各夷紛紛逃散至三月初六日塘報到臣此舉剪除首倡之惡撲其方張之焰未爲不痛快而安隴璧恥計謀未遂輒糾安祚昌盡起苗兵代爲報復既阻大方出路又塞六廣援道蟻聚蜂起勢極披猖臣屢行遵義道

臣盧安世禁戢祿氏兵不得濟惡該道業已擔承十一日據烏江守備吳遇龍塘報龍壁又差漫沮在各處起兵則遵義雄所一帶亦動矣且龍壁時時對人恨其子祚違獻土歸蜀故令安祚昌仍回舊居不授指揮之職既思逞志於黔且流毒於蜀狼子野心不可望以人理臣一面徵調各處兵將一面催總鎮范邦雄併原任總鎮許成名道臣鄭朝棟俱赴六廣督兵撲剿惟是黔蜀屏齒兩處俱動必該省協力合討庶可掃蕩狂氛查苗中尚多順日不附者有附而勉從者或仍求撫戢亦未

朱少師奏疏鈔

卷八

主

可知除臣待罪封疆不能消弭致夷突變席藁候旨處分外謹會同巡按貴州監察御史臣馮晉卿合詞具陳伏乞勅行四川撫臣作速發兵會勦行臣等遵奉馳會施行謹題崇徵十年三月十三日

彙報軍情事

竊照水西各目投款未幾忽爾不軌臣初不得其故再三詢訪則知秦楚流奸四五人暗入在內煽誘主謀而黔省連年旱荒兵災地方空匱實為夷所窺若遵義祿天已同謀助叛蘭夷鎮西白兆濂刀灣等目與烏撒頭

目阿克無不聽安龍壁並起勢遂披猖黔省官兵自渡六廣各將奮勇血戰屢獲大捷大方守將方國安與加銜參將楊啟鑾因賊起倉卒城無積貯死守七十餘日與賊四五十戰無不取勝賊大勢已潰敗惟是城內乏食嚼草為糧十有三日延頸望濟而總鎮范邦雄逗遛不前諸將有涕泣請者哀如充耳全不為動方國安等飢不能忍只得重圍出合大師楊啟鑾自誓必死先將家口閉之一室放火焚燒隨被部下楊小南孫應奇殺獻於賊其情最慘今大兵分札水西谷里城四出撲剿

朱少師奏疏鈔

卷八

主

而各目仍復求撫黔人奮激必欲滅此朝食容臣相機勦撫續疏報聞外該臣待罪封疆不能預揣亂萌致茲犬羊忽然生變措餉集兵三月有餘尚未能遏茲寇虐臣罪無可辭謹席藁候旨處分其范邦雄懦不任事合請勅部議處或責策勵圖賊以期後効併所勅四川撫臣責成遵義叙瀘二道臣嚴禁屬夷無令助叛地方幸甚謹題崇徵十年閏四月二十八日

塘報事

崇徵十年四月十九日據防守七百房守備夏承禹報

稱本月十五日賊剽諭於十七日渡河遊擊舒維泰督領官兵出至河口巡查賊數路埋伏突出將舒維泰并領兵生員劉芳祖殺害又畢節衛指揮韓純祖報稱四月二十九日化沙等夷賊將木稀海子二洞燒破殺擄軍民後等處俱遭擒戮夷目甲納等逐日領兵臨城挑戰祖與遊擊李應忠且戰且守城池無恙二十一日駐守畢節衛遊擊李應忠報本月十六日賊齊攻畢節賊統兵自辰至酉戰斬賊級一十二顆連戰三日共斬賊級四十餘顆斃傷百餘二十二日防守廣興城守備

朱少師奏疏鈔

卷八

重

劉正發報本月十九日有阿忙長孔白岩系金者貢賊首受西賊劄付統賊百餘攻圍徐家莊地方殺傷數命職卽統率部兵并合把民兵截殺追至風林尅如與賊對敵數十餘合職親斬賊級二顆生擒賊首阿忙部斬壯級一十四顆奪回被擄生靈殺傷苗婦五口衆賊潰散入箐二十六日畢節道右布政鄭朝棟報據加衛守備趙維宗報稱本月二十三日督落脚卧安允順帶領苗兵出哨偵探突遭賊兵百餘伏草截路窺伺我兵入塘四面峰起圍困核心奮勇衝殺賊兵中傷潰敗生擒

逆賊四名梟示六月初二日定廣守備王國寧報稱水西差賊目阿堂暗入各夷寨糾賊阿晏等統夷攻圍雞場新城劫殺甚是急迫初五日王國寧報稱賊目阿堂逃入箇箐地方有苗人阿焰索賞情愿擒解六月十九日調防恩蜡路平藺總兵官羅京周泰將彭應魁都司黃之奎夏永禹等報稱本月十六日賊知范總鎮往三岔點兵一面差人投撫十七日早又糾聚各目賊兵札於光聲寨賊等各統所部兵馬追趕下河斃矢齊發賊中傷者數十人賊競渡沉歿二船本月二十四日總兵

朱少師奏疏鈔

卷八

重

羅京周報稱本月二十二日辰時賊目應察糾合烏謎卧這騰格等賊二千有奇徑衝哨樓前後喊戰當傳各營接陣趕殺土地關下南壩至光聲壩奮勇爭先加銜泰將羅洪政斬頭目老應從首級一顆衝鋒羅之芳陳明友各斬級一顆殺傷無數奪獲槍刀器械復督部兵乘殺追殺賊大潰敗本日畢節道鄭朝棟報據防守修又所都司徐毓栢報稱本月十六日亥時有漆山羅鬼數十餘人圍寨劫殺擄去財畜并殺人民職兵布防各隘隨督馬兵十餘騎救應截殺追至黃沙渡過河彼岸

賊衆我兵甚寡更值天黑不敢窮追等情七月初一日
總兵羅京周報稱於二十七日盤獲應擦奸細三人一
名老狗一名老賽一名易賽據供稱應擦長子二十二
日箭傷已死是時陣斬四人傷死者二十人其餘中傷
甚多至老狗等三人天暑路梗不敢起解於二十八日
辰時斬示於光祿河下本月初三日鎮守貴州總兵官
范邦雄報據三岔路副將劉鎮藩商士傑等報稱本年
二三等月內節據軍民及順苗密報有後寨賊首阿料
兄弟三人暗受水西割付鎗馬偽稱水外總提督同老
朱少師奏疏鈔 卷八 圭

卜龍老卜留號召苗仲先掃圍堡人畜次攻新城四月
內帶兵潛渡思蠟幫助應擦出犯損我兵將本月內賊
出三岔我兵奮勇銃弩齊發賊黨中箭回寨藥發身死
只聞哭聲六月二十八日續報阿料老卜龍老卜留又
在集兵於七月初四日復攻思蠟隨差偵探有據遂奉
總鎮密令以劉鎮藩統督領兵官華宗明熊世忠熊世
孝等由灣河攻圍之左以商士傑統督牛應松卜乃猷
李加華等由六谷攻圍之右以王之綸周霖劉正宗等
由楊柳攻圍之後本鎮躬督趙良臣方矩等由穿心峒

攻圍之前於本月二十九日夜御枚進發黎明各官兵
奮勇直攻各賊矢石力敵至午各兵鼓銳齊登陣斬阿
料老卜龍老卜留等及賊級三十一顆俘獲賊屬牛馬
中傷無算險圍逆苗一鼓就戮新疆自可獲安枕矣等
情各報到臣臣惟各賊自大方兵將衝出之後俱退伏
深箐整備器械惟一面具文差夷漢目把乞撫一面又
遍傳偽劄在水外糾合苗仲作叛今官兵俱以炎熱撤
扎各隘料賊伎倆有限應候漸次掃除及查蜀撫臣屢
次差官代黔言撫臣亦豈樂多事但撫非空言必驛遞
朱少師奏疏鈔 卷八 圭

糧馬併各分土諸務一一承認明白方可議寬若狡謀
叵測勢難罷兵容臣會同按臣馮晉卿議妥方敢具疏
上聞合先題報伏乞勅下兵部案候施行謹題崇徵十
年七月二十日

微臣衰病危迫實負委任恭請聖恩立賜譴黜
以無悞封疆事

臣本疎庸不嫻軍旅年逾七十精已銷亡自受任以來
仰藉皇上威靈勉矢愚鈍緩輯漢沔有條緒去歲登
目卧這阿烏謫與化沙出獻印土囤積面陳懇款遂信

而上聞不意南奉命吉遠爾造叛黔謂蜀擄或係妄倚
蜀謂黔激更非公道議論紛紜志益倣迄今半載剿
撫未定夫臣受任封疆不能彈壓各忝威信之不孚綱
繆之不固臣之罪也大方副將方國安戰守七十五日
饑不能忍潰圍而出總鎮范邦雄督兵撲剿業幸屢勝
而迂道採糧遂悞救期此皆將士之罪卽臣之罪也數
月以來集兵索賊俱潛伏不出用乞許撫賊又觀望
不決時日就延餉費日窘臣日夜徬徨無繇消弭真如
烈火燒心衆猶擗體忽於九月初八日痰火上炎心肺

朱少師奏疏鈔

卷八

奏

俱服服藥罔効幾於不起至十六日稍知人事奈聲嘶
日增步履益艱不惟不能身親戎馬臨敵指麾卽欲批
荅文移舉手便錯臣殆旦暮之死人矣夫封疆重任軍
旅大務決非奄奄待盡之軀所能料理皇上明照萬里
何待臣言臣登籍四十六年督撫前後十有七年受恩
深重豈吝捐糜惟是有心無力徒負委任不得不具詞
哀控伏乞勅部責臣奉職不效速治臣罪或憐臣老病
祿放回籍俾正丘首雖死之日猶生之年臣曷勝迫切
待命之至爲此具本謹具奏聞崇徵十年九月十七日

五世孫源星校刊

朱少師奏疏鈔卷八終

朱少師奏疏鈔卷八

奏

先曾祖少師公在明季以名進士歷官蜀藩值永寧
宣撫使奢崇明父子變作殺蜀撫徐公可求於重慶
遂犯成都先曾祖厲衆城守百有二日始解圍發兵
追賊復州縣之陷賊者朝命卽以先曾祖撫蜀剿奢
酋旋晉兵部左侍郎兼右都御史總督川湖等處軍
務蘭州平晉兵部尚書加少保予世廕錦衣指揮使
而以外艱歸時水西土同知安邦彥亦反黔中殺黔
撫王公三善在事督撫諸公俱待勘賊勢猖甚乃卽
家起拜先曾祖總督貴州五省軍務勦水西不逾年

朱少師奏疏鈔

卷八

三

斬元克安邦彥平水西割水外地千有餘里建三十
六城立衛所以守之晉少師復予世廕先後在師中
十七年屢請告不允卒於官年七十有三其功俱載
明史向者先曾祖自著有蜀事紀畧一編及督蜀督
黔疏草數百道其經營規畫決勝機宜皆于是乎寫
當時俱已鏤板而寒家遺罹兵燹故籍無一存者幸
從弟世衛從外氏劉念莖先生家得全帙歸弄爲世
寶然止一本恐流傳不廣康熙丙申人龍傳官淮上
寓書于弟願携所弄各本悉見付重付剞劂弟欣然

許諾乃先梓蜀事紀畧一編以次及督蜀督黔疏草
各列爲十二卷其原本字有舛落加之傳鈔訛謬棘
手轉多于是與有識之士商榷校訂數過而後釐厥
事焉不意雕鐫垂竣而工人不戒於火其板又悉付
諸灰燼嗟乎其後人之不肖不足以傳先烈歟抑志
之不同致事之鮮終也于是再爲鳩工務有以竟吾
志亦庶幾先人斷簡殘編常留天壤則千古如見其
人爾康熙五十八年夏四月旣望曾孫人龍百拜識

朱少師奏疏鈔

卷八

三

少師公督蜀督黔疏草先君從十三叔處抄得原本
依年月次序各列十二卷復校正舛落以付梓人乃
梓將竣而其板燬于火先君不忍其事之報于垂成
也復梓之以竟厥緒不意開雕甫三卷而先君遽遭
不祿嗚呼余小子其敢中廢之耶于是悉依原刻部
分重加鐫校越一年梓始竣余督黔諸疏中頗多脫
簡又無別本可考不得已而闕之其前後文則自相
屬也海內藏書家如有先少師遺稿當採而補之庶
幾使先君復訂是編之意全而勿缺云康熙庚子秋

朱少師奏疏鈔

卷八跋

三

七月元孫源星百拜識



朱少師奏疏八卷

兩江總督
採進本

明朱燮元撰此編爲其曾孫世衛所重刊冠以倪
元璐所撰行狀及劉宗周所撰墓誌銘未有世衛
跋稱燮元奏疏原鐫成二十四卷案此卽以督蜀
疏草十二卷朱
裏毅疏草十二卷合而計
之非別有二十四卷之本以板留家燮又別抄一
百三十餘疏合蜀事紀畧共爲一帙其蜀中疏草
刪爲四卷黔中疏草刪爲三卷蜀事紀畧又自爲
一卷冠於蜀中疏草之前

湖湘五畧一

湖湘畧畧序

聖天子臨御四十餘年廣布
浩蕩之恩刑蓋累措不用
云直指巡方期畧獄平反
得當以稱揚

湖湘畧畧序

一

天子德意厥任重矣廼多率
以一切繩之爰書旣成覆
盆莫照悲緒衣載塗圉土
貫城斃相藉也嗚呼主刑
者民之司命含冤抱憤不

湖湘五畧十卷(存湖湘畧

畧二卷湖湘詳畧二卷

湖湘詳畧補二卷)

〔明〕錢春撰

遼寧省圖書館藏明萬曆四十二年刻

本

附《四庫全書總目·湖湘五畧

十卷》提要

雨飛霜一不得情且上千
天和容可忽乎哉
侍御錢公按楚諸大利大
害所關

國計民命亦既慷慨為楚民

胡湘集卷一

序

二

提福無遺而仁明天植更
重有味乎欽恤之旨特疏
釋繫宗累臣得報

旨中外傳播曠典行部十五
郡邑閱所具獄自鬼薪城

旦上至虔劉抵者靡不傾
側比覆元惡大憝當即詭
譎其詞毋喊間鍛鍊覆沒
雖文溪詆巧窮詰冤狀必
悉凡一周歷訊讞而回枯

胡湘集卷一

序

王

者肉骨者若干人人各有
錄公以經術飭吏治筆端
灑灑宵綦洞達能發伏抉
竅讀之未終而數年不決
之獄已如觀火不肖嘗侍

公識獄矣見鯁鯁然哀矜
怛悼若艾其一體而不忍
入者雖入之也意慘慘不
擇見乎色書稱折獄詳慎
惟明惟允公真其人哉銘

成而錄其傳曰識畧謂楚
地廣獄繁所識未易臚述
而志其畧云耳噫獨畧乎
哉昔咎繇作士師明五刑
而其寃俾有虞氏從欲以

治四方風動史傳不朽公
今者明刑弼教立司命之
赤幟仰稱

朝廷浩蕩德意即以垂百千
萬立祥刑傳可也至楚人

士之永永尸祝又不待言
已竊嘗攷宋歐陽鄭公每
夜篝燈覆辟獄至廢書嘆
曰求其生而不得我與
者俱無憾因百計生之後

子文忠公為宋名臣說者
以為好生之報又不知天
之報公當何如也是為序
省

萬曆甲寅嘉平穀旦湖廣

等處提刑按察司按察使
池陽王一楨頓首謹書

湖湘讞略

審錄武昌道屬

武昌府

一起依勢豪強奪良家女姦占律絞犯壹名

易繼先

會審得易繼先以武弁而附璫虐民已經論遣乃復
合計倪守寬強擄徐大兒輪姦月餘是又犯以勢豪
姦奪良家女律矣出遣入絞夫復何詞第查大兒為
湖湘讞略 卷一
徐一卿女則良為王如堯婢則非良矣論餘情此四
無生道論斯事此囚似無死法况守寬已斃於獄而
其僕易信復殞於枷今再以繼先擬絞於法於情是
否允協該道再勘確招奪

一起依闥毆殺人律絞犯壹名 劉四

會審得劉四盜砍劉永之主之柴反嗔其斥阻也而
毆之先以之鑣柄繼以之石塊命斃限內絞抵吳詞
第查四以一人盜新而未有五人同遇毋論四以負
屈怯敵奈何敢于以一敵五乎永所借之肆人又何

吳蘭陵錢春

故任求一人以與四敵而竟袖手不為之援乎。招云石擊顙門骨破。因應過死。當不能延至二十五日矣。况毆死若真。則永之主人倏而求息。抑獨不念人命之重乎。又查陳知縣初審之詞。有謂永係趕四跌石波頭。並未交手。倘亦非無據。而云然者。牛辟刑不嚴。慎詳該道再一訊勘。妥確另招詳奪。

一起依闕毆殺人律絞犯壹名 李春樹

會審得李春樹藉瑞虎據倚父鳴張玉僧一乞禿耳善戲謔。今逢彼之怒。遂斃而付之波臣。又復遷怒以筆解構之沈狗兒。林朝選者。跛其足焉。今死屍難開而活口可憑。况黨父而再斃孫秀於杖下。一絞不尚有餘憾耶。監候詳決。

江夏縣

一起依威力制縛因而致死律絞犯壹名

曾自謙

會審得曾自謙倚藉奉文修舖侵官銀而派民夫以忿曹守義之抗命而責罰併施。何恠何氏之護夫而拳脚交毆。致過體之。就當夜而隨斃何物鄉約。

敢於僥法至此耶。三檢傷符。歷審情確。即欲以情還辯。其如愈捏愈虛。一絞允宜監候詳決。

賀承家 賀喜

一起依強盜窩主律斬犯貳名

會審得賀承家身列贊門。甘為盜藪。利玉如言之富厚。而使李一澄等強劫之。禦得厚資。悉從其家俵散。珠寶寶細。樓下之起獲。既真。引路開門。賀喜之向導。又確。是僕是主。速藏而為省會者。庶有寧宇也。斬無足惜。監候詳決。

湖湘錄略

卷一

主

一起依闕毆殺人律絞犯壹名 雍順

會審得雍順之於郭尚義也。原無睚眦。夙仇祇緣買腐細故。子言誤聽。遽挺毒拳。儘力一麾。而致飯穢並出。當午就斃。兩檢有傷。屢審有証。擬以絞抵。若不為枉弟董知縣初檢。審詞謂尚義跌倒在地。口雖稱痛。而頭髮網巾猶然未動。隨郭族人等扛擡至雍居。謙門首有宗室聲說。將尚義鎖送究治者。由此觀之。則既死而扛屍與未死而由賴。尚未可確然定執也。藉第令由賴。不無影響。則賣腐實見于族眾。一二百人。

曾何關心此其志不過居為奇貨耳彼尚義之死于
一拳與死于衆擠又奚能臆決乎况伊時居譙五歲
女非痘瘁亡或因其幼姑置之夫當家業糞粉時就
謂驚死豈虛哉大抵以一拳議辟原在可矜而以兩
命相當復難偏重不可不再一勘明以服其心且求
其平也該道研審明確另招詳奪

一起依闕毆殺人律絞犯壹名 李 滔

會審得李滔以幫差白役橫索柳氏忿丁榮從傍辯
折逞兇推跌奪擔狼毆致榮死于是夜見証有人檢
驗有傷擬以絞抵誠不為枉第初驗刑骸饑瘦面黃
似饒病狀而復檢腮腴血盆等處俱皆微紅色即致
命處未見重傷則榮死之速果盡由于毆耶况初審
安登止見揪扭而柳氏不改其說豈深恨于滔者且
反為左袒乎招中情節不無可疑該道再研審明確
另招詳奪

一起依強盜得財律斬犯叁名

梅復春 劉少峯 陳得勤

會審得梅復春以積年劇寇屢歲披猖先劫黃州當

舖陳良則有同徒供名在案後劫省城當舖陳茂則
有金銀丁香業已主認矣若陳得勤賊雖花費而擒
自寨中况原係懸賞所購之盜焉得以無贓置疑也
與復春駢斬俱不為枉惟劉少峯劫分贓銀二兩既
曰未獲又曰完贖之金即是原贓此可謂之確案乎
且招稱本犯會刺字後查無疤痕卷案殊未的也况
稱賣子完贖在行劫之先與人共宿在行劫之夜果
爾則所謂仇板豈盡謬歟弟其中恐有賄買執証情
弊該道再一訊確另詳

武昌縣

一起依強盜得財律斬犯貳名

陳東陽 王文高

會審得陳東陽王文高之夥劫楊興元也當失主鄉
兵鳴鑼阻止敢奮螳臂持鎗殺入舉其所有之物而
席捲之倖倖蓋異常也幸官兵追獲德興而各盜漸
次成擒雖文高姓名供自續獲性堅之口然所獲絹
襖暖耳等贓主認已確况鄉保共指其為非則本犯
之真不待言矣若東陽被獲最後原贓無存似無足

異弟刼興元家獨本犯分賊項下未見開有未獲為
何物况稱刼趙萬十家失主原未鳴官則強竊皆不
可曉且起存之等帳褐襖初提萬十到官不肯認領
此皆事理之不能無疑者該道再研審明確另招詳
奪

一起依強盜得財律梟斬犯人柴名

蔡子仁 梟 高廷模 高守先 楊廷瞻

楊廷仕 楊廷任 楊一科

會審得蔡子仁等之夥刼殷萬胡也排闥拷媳焚廬

湖湘雜略 卷一

大

擄財情最慘幸天厭群醜不惟使各盜敗露就擒
而俱獲有真贓經主認領分別梟斬皆無可疑若高
廷模曉曉置辯則狡脫之情耳何者就令同徒吳廷
權供報其名于武昌固可諉之于警而養子高守先
獲于鮎魚口巡司亦供吐無異豈亦警耶布被等衣
獲自魯氏者雖曰氏供不一可以藉口而銅盆等贓
獲之當主者亦可他諉耶况本犯先夥王文高強刼
楊興元家竟以無贓漏網今欲復蹈故轍耶與各盜
併辟猶有餘憾固監詳決

重刊縣

一起依因姦謀殺親夫律凌遲犯婦壹口
魏氏

會審得魏氏稔姦於李興周而恨親夫魯學孟者之
嚴禁也遂指示興周為鳩聚仇家以殺之假請醫以
行兇于午夜懼露跡而棄屍於深潭亡論殘骸撈獲
冬文供明即避匿林中猶恐不死之語則謀情不啻
確矣况諸兇皆斃而基禍妖狐尚可令其偷生于囹
圄耶磔不宜遲固監詳決

湖湘雜略 卷一

陳可用

七

一起依強盜得財律斬犯壹名 陳可用

會審得陳可用之獄據稱呈首其名者吳志指擒其
人者亦吳志而吳志旋為盜黨所屠矣則可用之盜
已似無不實第云行刼鄭耕李把總二家得贓渺無
一獲失主並未到官况本犯身為陳十之僕主竟逃
而僕卒獲贓與証猶似未確也恐終不能封其口無
曉曉耳該道再訊確另詳

一起依卑幼毆尊屬死者律斬犯壹名

張啓任

會審得張啓任以田穀被盜而妄疑族叔張世恭父子輒率眾往搜之逮不獲而受其詈語亦自取也乃不勝忿怒矚其他之而執棍追毆焉既令太陽左肋受傷斃不越宿亡論檢審已確就其井作逋逃非情真心怯而何擬以絞抵誰曰不宜惟是招云執挺行兇者啓任一人耳而被毆與救援者世恭與張啓時啓奏則有三入矣豈三人不能當一人乎况世恭既傷則何啓奏反扶啓時先回而肯舍世恭在後乎此皆事理之不能無疑者雖屢經駁勘而毆打初情終

湖湘雜略

卷一

八

未究明若不直窮到底本犯不無藉口該道再一研審妥確另招詳奪

咸寧縣

一起依強盜得財律斬犯三名

戴希賢 姜 奇 王萬定

會審得戴希賢等夥已故施長保劫施邦典家既已賊獲主認駢斬似無容喙矣第查覽原呈及詳玩原招當時邦典名爲盜劫實爲捕逃惟不暇細察而擒攘惟賊曹之聽其言而信其言有姓戴約夥之言而希

會審得熊才以黨會祿與袁氏謀殺蕭良臣論辟夫繩勒石擊既真則加功之絞誰曰不宜第祿與袁氏恨良臣阻姦謀之是也才何恨于良臣而亦與其謀歟就云才與祿素相交好但殺人何事而顧唯唯聽命蓋與人太暱或割愛爲難然事不干已則捨身匪

湖湘雜略

卷一

九

之曰不勞毋乃隱刺之乎此政非確案也該道再虛心研訊另招詳奪

一起依謀殺人從而加功律絞犯壹名

熊 才

會審得熊才以黨會祿與袁氏謀殺蕭良臣論辟夫繩勒石擊既真則加功之絞誰曰不宜第祿與袁氏恨良臣阻姦謀之是也才何恨于良臣而亦與其謀歟就云才與祿素相交好但殺人何事而顧唯唯聽命蓋與人太暱或割愛爲難然事不干已則捨身匪

足以致殺也且平時未聞有約而即邀即行原不腐心遽加毒手閱招至此殊未釋然若不勘破終番辯實該道再訊勘妥確另招詳奪

通城縣

一起依謀殺人得財律斬犯壹名 周應聘

會審得周應聘以應考儒童祇隨隣孩壽兒者一銀手鐲之爲利也遂誘之林中而石破其腦手梓其腎慘矣此非儒名而盜行省乎壽兒幸獲復生政天留之以爲惡少證也况鐲自襖內搜出斬復何喙監候詳決

湖湘縣略

卷一

十

一起依強盜得財律斬犯壹名 劉顯舜

會審得劉顯舜夥劫鄭經歷家既暗進明出又獲有多賊論強擬斬夫復何詞第查始謀原止行竊况既踰牆進屋物隨手得而未聞驚覺救護則何故哨吶出門以自取亡滅乎後此黃濟軒之馬亦是行竊始終偷兇行徑耳雖云前刻之未露著有五祗據捕官之由乃所摘錄楚下語無一的證也何得據以定辟

即除惡務盡而法無深入該道再一訊勘確招詳奪

漢陽府

一起依強盜得財律斬犯伍名 藍廷甫

李科 劉華台 李少橋 戴三

會審得藍廷甫等烏合群兇駕操飛艇或假舟人而攬載或扮商賈而賭牌墮其術則損財忤其意則喪命如程心宇主僕以賭後論爭而即打溺江流儘其所有席捲之若非同徒藍四出首且不獨二命沉冤不白其爲江洋之害寧有既耶雖原屍不獲微似可疑然貴細諸賊此豈貧兒宜有况被誘者不可數記而推溺者又不知凡幾非併置斬刑何以懲兇惡而安良善哉固監詳決

湖湘縣略

卷一

十

一起依鬪毆殺人律絞犯壹名 蔡嘉慶

會審得蔡嘉慶與蔡嘉恩皆蔡養廝奴也慶情恩動兩不相能已非一日及恩以車水切責而慶以屢斥爲憾遂持車手破其頭腦而恩不旋踵登鬼錄矣賴作事而勇殺人奇哉家主首證已確三檢傷痕又符擬以絞抵何說之詞監詳決

漢陽縣

一起依謀殺人得財律斬犯壹名 劉仲貴

會審得劉仲貴歆圖滿載之米而遂謀殺於守正等三命沉之江捏遭風以告照自謂掩飾最工矣庸知夫風遭船在人沒米存有難掩於指視者乎同夥之劉忠劉仲信已經決故不斬仲貴恐魚腹之沉寃猶若不盡白也監決

一起依強盜得財律斬犯二名

王長兒 張么兒

湖湘縣略

卷一

十三

會審得王長兒張么兒之夥劫荊州曹鄉官也當漢陽初擒之時即供有獲故王應龍名目審應龍既為真盜則供應龍者當為真夥矣况又賊獲主認斬復何詞第由荊之漢路以八九百里計何初六劫于荊而初十即至漢也就云順流可至則漢陽捕役又何以遽識其為盜而伺緝之查劫後二犯與應龍同船到省二犯獲於初十應龍即獲於十一而招稱應龍到省既娶娼又典屋又設法寄頓贓物則初十一夜何即能幹辦如許事以情理度之必各犯來此當有

數日乃可耳其初六劫曹之說能盡信其然乎又云

長兒之首飾八錢係屠教化妻代賠么兒之銀二兩在王允賢處追出夫隨劫隨行隨到隨獲彼長兒之首飾從何遽費而么兒之銀兩且憑誰轉寄於允賢者所謂攜船搭船一槩混拿之辨似亦不可不為之詳察也事關兩辟該道再虛心評勘明確招奪

漢川縣

一起依強盜得財律斬犯八名

陳大器 吳庸 徐瑞 李金

湖湘縣略

卷一

十三

萬德景 八楊成學 王選

會審得陳大器等群諸不逞流毒有年其劫彭清一也內陳大器具庸徐瑞李金同徒首明賊經主認駢斬無容喙矣王選招稱被挾同行守船未至其門復擬斬辟不無可矜楊成學守船先遁是未同行事後與賊又未得受緣情改擬誠不為縱萬德景八據稱曾劫楊成條家第查成條被盜不惟二犯無賊即眾盜亦未獲一物且二犯若果同夥何具序不邀之劫彭而獨振其劫楊豈無故耶况歷審大器等皆為二

犯辨若據定辟中間恐致虧枉該道再一查審覆招詳奪

一起依闖毆而誤殺傍人律絞犯壹名

許會賜

同招依故殺堂妹律絞犯壹名 許盛賜

會審得許會賜許盛賜真一門惡孽戢以已屋被燬於火而疑陳嘉官毋坐之有碍也乘其豎碑率眾打搶及嘉官負傷而奔威亦殫矣而猶以傍觀李么兒者為陳人僕持棍毆傷頭顱致其死于限內即此丁

湘湖錄略

卷一

十四

黃州府

一起依強盜得財律斬犯壹名 蔡栢

會審得蔡栢夥故盜彭朝俸等一夕而連劫李熊兩家亡論陣擒朝俸等五盜供有姓名在案即義父王楠之執送鄉約王容等之協呈則辟案已確然矣乃訊者以未得財為疑抑未思石牛舖衣物四包政公

共之賊特緣捕役追拿未暇分耳非眾盜已分而本犯獨未分也同盜既的一斬奚逃監決

一起依強盜得財律斬犯二名

張騰霄 洪三兒

會審得張騰霄再世為盜兩刺不悛晚劫徐密家獲賊雖止轡頭然出自伊妻認自事主賊真盜真斬復何疑惟洪三兒招分馬價揭櫫等賊竟未追出一物似有可疑且云馬係湯么兒賣與萬先春先春又轉售周翦子則三兒未與翦子等交易明甚乃招以周翦子為証猶似未確况既曰三兒截賣盜馬見犯羅田又曰犯盜該縣見今被逮此不謂之一事而兩為說乎夫強盜重辟必的有根據方可載之招中豈可憑臆突語遂稱鐵案耶該道再查始末招卷訊確另詳

湘湖錄略

卷一

十五

一起依強盜得財律斬犯一十二名

周環 沈二 魏四兒 張三兒
丘丙兒 王巳卯 羅玉 鄧長一
皮龍兒 羅三漢 鄧丑漢 徐花子

會審得周環等糾合多兇連劫錢國重陳大富陳廷
極等數家內環等八盜皆獲有真贓經主認明駢斬
夫復何云至皮龍兒初獲葉林楊二板報有名續獲
羅三漢亦供吐不爽所獲楊被雖微然被有紅面綠
裡主認甚易似難與常賊比斬亦非冤惟徐花子爲
王風子在監寄與大婆子起贓之帖上有同花子寄
贓之語故應捕跟緝執花子以爲盜夫盜首所供之
人尚有不足信者豈續獲王風子所寄之帖遽可以
爲左券耶且起獲之布襖布衫皆民間恒有之衣不

湖湘雜錄

卷一

十六

知失主有何記號可憑而認爲已物也羅王獲有錫
壺扇子之贓擬碎似矣第查所劫之孫失主既不知
其名胡倉官又未到官賊未認領何稱鐵案况本犯
向稱扇子乃代羅三漢發賣物手鄧丑漢連劫四主
賊無一縷已不無可疑查沈二曾供丑漢係是船家
雖盜口不足信而無贓似可矜且此獄監斃者不下
十餘人見在者又十二人難謂中無枉也該道再研
審明確另招詳奪

蘄州

一起依強盜得財律斬犯壹名 方紹春

會審得方紹春與穆故兄方紹新俱與陳回祖同居
而共出入者其夥劫回祖也贓物既經總獲同徒又
爲認質且屢經勘詳似無可疑矣第查此夥原止四
盜而同屋者兩人當回祖跪於堂前之時紹春弟兄
雖云塗畫面貌而同居許久詎不略認音聲且非深
廈相懸而有無在家豈不微覘行徑招稱紹春弟兄
恐形跡敗露懼不出門然既不出門則先何自而來
後何自而去也况首狀無名贓未分受終難杜其無

湖湘雜錄

卷一

十七

言此夥已盡斃園扉止存本犯該道再一訊勘妥確
另招詳奪

一起依謀殺親夫律凌遲犯婦壹口 范氏

會審得范氏之耽淫嗜殺夙著湯門乃陳良諫以青
衿而復娶爲妾情矣奪嫡專房惡多成怨復竊財戀
外合謀於父以殺其夫慘矣即良諫自取殺身第事
關風化礫此婦以樹淫毒之戒可也監決

一起依闖殿殺人律絞犯壹名 高繼兒

會審得高繼兒恃勇無忌之廝藐視青衿之子祇以

囑審細故而憤晉王大儒嗔其啓王也而追毆于藩府之前脚踢中腎致一笑而氣絕矣扶送有人見證有人且兩檢有致命多傷絞復何詞監候詳至聽決

一起依強盜得財律斬犯二名

查天碧 萬乙酉

會審得查天碧萬乙酉之夥劫詹洲山也天碧面貌認於火下銀衣起於家藏且係由竊轉強斬無詞矣惟乙酉者查行劫時以年幼因驚仆地何怯乎查分賊處係張顯等四盜共之故起賊亦第稱搜獲於各盜身上彼無有也揆情而論本犯似屬挾從至云復劫張王二主賊証亦未見明悉終屬可疑該道再一訊確另招詳奪

黃岡縣

一起依謀殺親夫律凌遲犯婦壹口 彭氏

會審得彭氏與夫堂弟黃桂姦稔因親夫黃朴恨阻而謀殺之骸沉長河血浮刀簞既驚悸而匿外宜踈漏而湯藏已而石脫屍見巧借網于漁翁何倫適屈其傍黃榜腥聞滿室豈非天怒兇淫而故假手於人

以誅妖孽耶擿屍有桂弟而証姦又有桂妻謀殺最真陟口奚益桂斃徹底彭氏之礫猶嫌其緩矣固監聽決

一起依鬪毆殺人律絞犯壹名 李自新

會審得李自新以越界採薪之忿與郭延祚等叢毆余進生死于信宿擬以絞抵似不為枉但招稱自新以拳脚延祚以鑣柄鑣柄較之拳脚孰重孰輕此人情之所易辨也再查額角血盆傷皆斜長其出於鑣柄明矣如左乳後肋傷皆圍圓則為拳脚無疑耳初招以自新擬碎以延祚擬戍是手足反重于鑣柄而額盆更輕于乳肋也况原詞告有熊五汪榮等亂行賜打止緣照提日久屍復漂流問官姑以見在為主而不暇追究耳及兩犯捉獲皆以累死第不知死于何地是否足償死冤此獄雖經恤題未允然助力之人死若有據該道不妨勘明參酌新例確詳報

一起依謀殺親夫律凌遲犯婦壹口 朱氏

依姦夫同謀律斬犯壹名 倪仕彥

會審得倪仕彥身列衣巾心同狗彘與朱氏姦稔恨

親夫吳漢臣聲言殺死遂假以裝穀誘之同往漢臣一去不返非仕彥謀殺而何擬以重辟誰曰不宜惟是殺無的據屍稱烏有以致二十餘年竟成不決之獄蓋欲入之恐漢臣以別竄生將欲出之又恐漢臣以含冤死故讞者以漢臣無生還之日兩犯亦無出獄之期也今浙江餘姚縣關云原任四川孫都司先帶漢臣為義勇改名孫啓于三十三年病故殮埋訖果爾則仕彥朱氏不無可原之路矣第此關文不知黃岡果何據而往彼行查抑彼與此奚干而忽為代

湘湖錄

卷一

二十

白也查招中未見移關情節止 卹部駁出此端該道細查關文虛實或再移文彼中查覈則真假自然畢見而展轉自不能容已速具詳報毋令久延可也

一起依故殺雇工人律絞犯壹名 喻大舉

會審得喻大舉因爭斷贖之田謀搶胡宜仕之穀預帶眇嬭林氏以往其意不良可知迨宜仕來爭輒推林氏毆致傷頭顱血流昏地及氏扶歸而大舉加功死于夜半擬以故殺雇人律似不為冤第當場見毆者有人而夜半加功者無證且宜仕既未行兇何又

出財行賄即果迫于威勢何行賄之後不即具告直待喻依赴愬而始稱為大舉故殺耶其不能使大舉甘心服罪無一言也亦有由然矣招中疑情種種似非山岳不移之案該道再一研審明確招詳務無枉縱

一起依謀殺人得財律斬犯伍名 王新茂

孫廷貴 李 六 王國臣 孫廷富

會審得王新茂等贓艇江濱忽假舟人以攬載忽冒商客以潛形凡異鄉孤旅一墮其術靡不喪命傾貲

湘湖錄

卷一

三十一

如謀布客李近泉等二人言之已腐心矣而又自供擅機等客一十三命皆為屠沒江流則未供未吐者又不知其幾向非敗露于稅廠流禍寧有已哉王新茂孫廷貴李六併縛于舟中王國臣孫廷富俱擒于異省况所獲記號之布有屍親李東之認領清油之賊有經紀錢華宇之質證乎五犯俱應速斬以雪神人之憤固監催詳報決

一起依強盜得財律斬犯壹名 胡繼宇

會審得胡繼宇與故盜熊福等皆無賴舟子也因窺

姚氏有色而欺伊夫瞽目易制遂逞兇傷其主擄其妻又并財物而掠之以強擄斬夫復何辭第細閱招情當姚氏被擄之初而燕客與司兵水陸併追即是時盜如猛虎自不能飛假令果能登岸而逃豈盜首熊福等猶然在舟而獨繼宇等能脫網耶彼熊福等到官供審並未報有繼宇名目直熊福故後而熊受兒等始扳及之今受兒以年幼改成是供人者既有可矜而供于人者能無矜乎况本犯與張小溪等共得帽鎖等賊又稱為未獲之物賊既無存而供報又未確疑情種種似非鐵案該道再一研審明確另招詳奪

湖湘雜略

卷一

十三

一起依強盜得財律斬犯案名

王繼祖 王梅 滕麻子 王三元

宋勝祖 程宗舜 程四兒

會審得王繼祖等夥劫程化家繼祖王梅滕麻子各有真贓俱經主認無容喙矣惟王三元名雖供自繼祖而原報繼祖之孫查尙未嘗供有三元且分贓累繫不獲一物未必中無疑也宋勝祖據初審謂無主

白布長衣一件係彭萬兒與以債宿債續審則謂青布長衣一件白布二疋為陳氏之贓矣及駁查失單則又謂青布長衣雖非劫賊而白布二疋的為陳化故物也夫強盜重辟原以失主之確認為真奈何游移無定乎况姓名又非初供安能塞其啾啾之口耶至程宗舜程四兒為續獲蔡覓兒所供然覓兒未故之先亦曾擬釋則所供之人不確可知况宗舜之井口女襖云買之曹自友四兒之白衣酒壺又稱為自已物且曰係失主侄孫因產積仇者也盜口固不足憑然未有贓証不確遽可以論盜者似應再勘以服其心該道務細鞫的確另招詳報

湖湘雜略

卷一

十三

一起依鬪毆殺人律絞犯一名 汪昇陽

會審得汪昇陽本以逐末妄欲貪花是自不揣于人何尤乃恨馬夏兒以財竭而情踈遂恣以一朝擊之數斧使倚門弱質轉作游魂抑何愚而狠也自認投江為鬼兵阻轉則諸證可弗問矣為色亡身絞何足惜固監詳決

一起依鬪毆殺人律絞犯一名 仲勝五

會審得仲勝五以收責子錢而乘夜索毆陳六斤使人至于畏避亦可以已矣追揪雷公列上而拳脚交加水棍橫擊奚爲者既遍體俱傷宜五日速斃放利不得且以微害利害同門信矣哉擬以絞抵毫無虧枉固監詳決

一起依因姦威逼致死律斬犯壹名 蘇憲

會審得蘇憲真人類中狗彘哉慕舅妻之紅顏啖岳母以白鏹假會飲以招之來而強摟之幸李氏身雖受污心尚知耻乘倉之酣睡而引刀自刎以見志焉

湖湘雜略

卷一

十五

亦可憐矣狴犴以圜有罪然何得留以污此土宜速殲以風世教可也固監催詳報決

麻城縣

一起依弟毆兄死律斬犯壹名 徐思雲

會審得徐思雲乃徐起雲的弟也自以浪遊落魄於兄乎何尤顧乃假名養母而攘穀於兄操棍逞兇于野而厥昆立橫屍於川所矣忍心哉天倫王法漸滅盡矣檢証既真宜速殊死以儆世之弗克恭者監決

一起依姦弟妻律絞婦壹口 舒氏

會審得舒氏通姦親伯而安然同寢一室無耻無忌亦已極矣止緣夫婦之互瀆因令兄弟之胥殘姦伯見殺當時親夫致斃園土誰生厲階此婦尚可容其視息以污人間世耶速絞爲當監決

一起依雇工人謀殺家長律凌遲犯人貳名

劉二生 劉春生

會審得劉二生劉春生恨主劉廷棟者御下寡恩包藏弑逆乘其夜往所私陳氏家而互爲槌擊之頃刻游河渚之魂矣機洩于姦氏而事証于三宰不磔二

湖湘雜略

卷一

十五

犯何以瞋故主之目予監候詳至聽決

一起依謀殺人從而加功律絞犯壹名

李小兒

會審得李小兒黨兄李天宇者窩盜胡大試於家既圖其財而併主僕俱殺之沉二屍於深潭鬻妻兒于遠地今屍浮衆首妻還見轉將何詞以掩謀情耶夫借窩殺盜又備盜賊爲天之誅惡巧矣哉首惡既未正刑本犯亟宜絞決以儆效尤聽決

一起依同謀律絞犯壹名

胡大成

會審得胡大成實充裁蕩分奎而取償于同師之弟乘王伍之持禪又以擊斃之惡心變作殺心禪仗化而依此亦空門一異事也助毆雖有已逃之道猶不能為大成分下手之絞監候詳至聽決

一起依殺一家非死罪三人律凌遲犯人壹名

萬長齡

依殺一家非死罪三人為從律斬犯肆名

萬里鵬 萬里鵬 萬里宰 萬里奇

湖湘錄略 國卷一

五十六

會審得萬長齡叔侄祇叩程仲受訐告之忿而夥眾登樓持刀砍殺縱火焚燒以致一家五命立燼菊兒既熟記其情狀而程儒又詳認其面貌且二馬放圓其轡首宛然萬里宰物也若真即擬以礮斬何說之詞第萬里鵬以枷號未到初審云密帖約索幫貼如不從拖家毒打今且登樓慘殺是否元謀再查密帖未獲則有無謀毆亦未必非懸斷矣况假盜燒殺氣焰甚熾葉云長齡同萬里宰等俱用包頭抹額遮面何以又稱內有二人黑墨塗面一即是萬里宰耶前

叙入樓行兇者止於五人後云自內開門與眾盜二

十餘人一齊奔出則五人入樓時二十餘盜將安在

耶且奚事耶高一兒等俱逃躲無門而菊兒者獨能

從窓洞中鑽出夫菊兒雖小的係男身女使侍寢之

間豈應夾雜既云暗中先逸則把火行兇之事又奚

以周知至于殺人而令多熬痛苦舉火而必以油澆

榻照出而云點把凡四亦甚從容甚細密甚整齊矣

其然豈其然乎若程儒認真馬轡而巧挾之來扒伏

廳牆而果從之往看匪面之兩眼而長齡等叔侄俱

湖湘錄略 國卷一

五十七

名氏耶豈此外係長齡糾合遠方流盜獨不畏人識認者耶夫鄉鄰守望相助救焚毛髮堪雋既聞殺聲又見火起則救火之與逐盜皆屬急事而程儒第從容蹲伏以覘動靜又豈應閒暇有心計若此此不獨可疑亦難解矣及查原詞謂跟隨叫喊將馬丟放今招則云乘馬諱却尤屬矛盾况隣族保結未必不由賄囑而止取憑程儒一人之口寧保不係私仇大抵仲受有財無見覲覲者多程繼善非親生之子其今

目之堅執不過提撥得人想係是掌家之僕其昔日之硬坐無非解使去已獲既臥房豈無一物不失財似匪真情若止報仇婦女何罪槩燒殺必非無故招中疑情種種似應再勘以服其心也該道務委精明官細鞠妥確另招詳奪

一起依圖毆殺人律絞犯壹名 陳周兒

會審得陳周兒祇以陳六清負兄束脩三分代取不得遂同兄毒毆牧場致斃當夜兇人見證戶人公舉周兒何能解下手之絞耶第周兒與大清既為

湖南獻略

卷一

三

同宗招前何不叙出服制又本犯曉曉堅諉於已迺聖兒者亦未可竟置不察大辟宜慎該道再一鞠訊確招詳奪

一起依監守自盜庫錢律斬犯壹名 鄭重

依常人盜庫錢律絞犯壹名 鄭王

會審得鄭重以主藏之吏通同親弟鄭王竟侵盜漕折銀二十有奇此豈視公帑若路遺而等縣官如廟塑者耶鄉紳皆側目以受累縣官已鬱氣而隕生乃本犯猶然偷視息何以紆象也宜速置之斬絞監

傳詳決

一起依勢豪之人強奪良家妻女姦占為妾者律絞犯壹名 李直民

會審得李直民倚富爵恃強欺弱他種種不法者毋論即如吳希爵欲借勢鬻身此於伊弟吳希孟者風馬牛不相及也乃勒寫全家擄占其婦嘻甚矣今不惟有李氏活口足憑而且有斷指可驗不置之絞何以懲大慙而安善良耶第事非由於告發而李氏果否為姦該道再訊確妥招詳奪

湖南獻略

卷一

三

斬水縣

一起依圖毆殺人律絞犯壹名 談鏡

會審得談鏡以浮白佐歡戎生孟酒操鋤一擊致貝錡以腦破彌留于午夜矣此非易賓延為殺場而反談笑為戈矛者乎屢檢傷符四坐客證宜置一綫以樹酗酒伐身之戒監決

一起依子罵母律絞犯壹名 朱壽兒

會審得朱壽兒棄母養而不顧已有死道乃復出言罵詈而致其含忿投河人憐然尚復有生理

乎壽兒雖蠢奴也而亦人子也斷不可姑寬一絞以倡瀆倫犯上之風監候詳決

黃陂縣

一起依威力主使毆打致死律絞犯壹名

喻子才

會審得喻子才與妹夫成攻構怨忿伊親解遊之左袒也而奪之牛特因追至余延門首而主僕喻節等持棍毆之以至于死擬以威力絞殊若不為枉第初審謂子才下手獨重律以鬪殺續審謂子才右手

湖湘雜錄

卷一

三十

患坐以主使夫果以先審得情則無如手難未便行兇若以後審是實又近於因手疾而傳會入律非確然以應坐之罪罪之也且解遊死于余延之門而余延始終未見質証中間不無可疑該道再細加鞠審另招詳奪

黃安縣

一起依姦夫自殺其夫律斬犯壹名 殷三漢會審得殷三漢之戀姦毛三兒也因誘遊不從而謀死其夫柯天戴庶幾絕其顧戀求撫為室耳不謂毛

氏雖赴桑中之期而良人亦猶在念故乘其強揚聲闖于兄以就執之此亦天理人心之不容遽戾供吐謀殺與引起屍骸皆自本犯而檢審之傷證又可弗問之矣情真罪當一斬允宜監決

廣濟縣

一起依謀殺人得財律斬犯壹名 劉一老

會審得劉一老圖財圖姦謀殺吳倫於鳳子港沉屍於武山湖雷擊屍浮繩存石在且駁勘屢屢斬之似矣第招情亦頗有可疑者夫鳳子港謀人何不即沉

湖湘雜錄

卷一

五

之港內而必遠沉於八里外之湖也其疑一連奎末言是一老何人何以叫聲則據絕無衛命而此亦公然無忌耶其疑二劉尚禮曠舟願渡先或未知又見拋屍下水詎不慮其禍之延及於已而謂一哀逸遽肯為彌縫乎其疑三一老與田氏素有姦但謀情氏既不與詎不防其易心而肯遽以剝脫倫之白衫明着於身以耀之亦愚已其疑四田氏既見夫之白衫矣即當就衣詢夫而顧身無異實以跡之又胡為者疑五吳賢既聞有謀人遺有白裙白褲矣者

委是倫物豈一老衫可着而此獨不能并匿以滅跡
與其疑六此似皆不近人情若不勘破終非定案該
道再細訊確招詳奪

審錄荊西道屬
承天府鍾祥縣

一起依設方略而誘良人因而殺人律斬犯壹
名 李十七

會審得李十七假冒易為名以興販為實割人骨肉
絕人宗祀已非一朝即其一舡而載二十餘口噫甚
矣况嗔夏庚許萬科之挾阻兇逞橫生立殺之於水
中科屍雖屬漂流庚屍撈獲證據略賣而兼殺人一
斬猶有餘辜監決

一起依鬪毆殺人律絞犯壹名 王明

會審得王明之毆死江先也隔晚石擊之家內次早
肘撞之府前見證有地方檢傷有致命擬以絞誅誠
不枉矣第細閱招情如鍾祥初審則謂行毆無隣人
為證而高雲兒亦非王明妻矣至荊門再審又云雲
兒久為明妻因與江先通姦而明雙毆之於姦所有

隣人韓大為證也以此推詳是前後情節迥異而姦
殺鬪殺尚未歸一此可謂之確案乎况府前為衆目
共睹之地若明毆江先於是時則環視而挽救者當
不止一人僅以一原議事之地方為據似屬可疑該
道再研審妥確招詳

一起依同謀共毆致死律絞犯壹名 表文

會審得表文嗔教節恩兄弟講和未及邀飲而遂駕
言蹊田而奪之牛及聞節恩赴告遂要於路而毆之
彼空拳隻手何當棍尺交加其頃刻化為異物豈足
異哉推屍於水詳云自溺故殺禿僕欲圖抵賴何兇
而狡耶檢審已明眾證不爽即有喙三尺難解一絞
矣監候詳至即決

一起依謀殺人造意律斬犯貳名

侯應楨 傅大儒

恤部辯問犯人壹名 侯瑚

會審得侯應楨以分產不均聽謀侯瑚約請沈應傑
等刦害親伯侯環旋因應傑執約挾騙復謀傅大儒
下手以殺應傑而大儒又主令應楨之故僕隨跟等

毆殺應儻之妻女以希滅跡果爾三犯併斬何辭但屍親沈錫被害侯環曾稱應儻大儒等原為大盜因劫環未果自相戕害故殺應儻與伊妻女者係大儒隨跟所為耳且歷審侯環乃環親弟而謀殺二節實未與事又原立行劫之約未曾追出故 恤部矜疑侯環奉 文准改辯問今積以與瑚事同一體瑚情既涉虐則其謀殺之情亦未必盡實惟是傳大儒等之殺應儻一家果以盜殺盜抑果應賴等主使皆不可不一勘明以杜曉曉該道須虛心細鞠務得真情

另招詳奪

一起依強盜得財律斬犯伍名 李 鎧

陶 二 陳文秀 何連兒 郭 祥

恤部辯問犯人壹名 鄭九生

會審得李鎧等之罪 效誠也獲有真贓經主認領併置於斬俱不為枉內惟郭祥招稱所分銀兩轉買貨物夫金銀之類原不足憑而况轉為貨乎然此外尚有銀鐲之贓當為確證第近經刑官覆審又云銀鐲原係碎銀不知失主果何據而認為已物也疑

實應須勘破况駁經 前院未行覆審何以服本犯之心而封其口哉該道再一確訊另詳至於鄭九生雖經 恤部 題允准改辯問亦應審明具招詳奪一起依強盜得財律斬犯陸名 王 現 伍孟元 陳可立 傅可大 陳 冕 劉從登

會審得王現等皆巨寇劉文瀾之黨也當郡城鬧市之中公然行劫黃大軍等五家傷人捲財勢甚猖獗如現與伍孟元陳可立等可大劉從登先後就擒賊

伏隨獲斬斬何枉若伍孟元執稱行劫之夜見在府監但細閱招情止被供之時拘於縲紲安得以行劫數家一一俱在獄中為解乎且姓名供於王現真贓起於家藏盜情最確似無可疑惟陳冕止分贓銀一兩又稱失單未載况王現不供名於先而報名於後其中不無可疑該道再研審明確招詳其劉文瀾縱逃一節招中竟未一究下落何也一併查明詳報一起依強盜得財律斬犯貳名

馬長兒 王七兒

恤部辯問犯人壹名 陳可德

會審得馬長兒王七兒之糾劫黃廷詔也多賊主領歷審情真併斬更復何詞惟陳可德一盜前院與恤部俱稔疑辯問今本院細閱招情果有可矜可疑蓋亡論本犯之銀與茶壺皆難必為真贓即本犯既未劫漢陽曹鄉官又無寄銀武春兒之事貳端已假其餘能信其真乎况馬長兒初供無本犯之名至今亦不質為同夥則本犯或係携本貿易誤搭盜艇而為積捕面財裁害情亦未必盡虛也若臬司疑審之詳亦不過以成獄年久欲再鞠審以示鄭重意耳事既可疑勘訊欲速再遲不將蹈張守倉等之續耶該道覆確另招詳奪

京山縣

一起依同謀共毆致死律絞犯壹名 吳可敏會審得吳可敏與兄可教之毆死鄒東也忿緣爭席氣激傾盆可敏擔傷腦肋可教脚踢陰囊此登時就斃耳辟可敏而配可教誠得情矣第查鄒東辭避之時可敏與可教同追而共毆之擔撻雖狠而其卒命

也未必不係於陰囊之一踢當時屍男之歸報單執可教而屍妻之初告亦首列可教豈無見哉則今可敏曉曉以可教之斃配為辭其情微似可原該道再一訊勘妥確另招詳奪

潛江縣

一起依強盜得財律斬犯貳名

李 林 梟示 楊 琰

窩主斬犯壹名 郭來慶

恤部辯問犯人壹名 王文伯

會審得李林嘯聚醜類夥劫多家手刃董大省之命聲擄張宇等之財起獲真贓經主認的梟斬不枉郭來慶為群盜之居停獲有披風等賊斬亦無辭惟楊琰一犯據稱眾盜行劫一十餘家而琰止劫朱添慶一次豈後入耶不然何與事之時少耶且所分之贓僅一青布直身而又起自王和尚處前招中雖稱和尚到官未見作何質證今該縣細審又稱原未到官是本犯分贓既贖而獲贓又未明也况一布衣民間恒有之物不知有何記號可憑其中不無可疑該道

再一訊確另詳其王文伯雖先奉有 欽依改擬辯問續又奉有決單應再監候聽呈 部院另行

沔陽州

一起依強盜得財律斬犯壹名 劉尚禮

會審得劉尚禮假名捕魚操艇肆掠其夥劫劉五魚並劫通哨兵屍後而本犯奔逃原賊全獲舟中名帖併搜匣內雖賊之分受未定而已離盜所况原照帖捕擒在在啻陣獲者乎兩地同供一斬吳枉監決

景陵縣

湖湘叢略

卷一

三

一起依威力主使人毆打因而致死律絞犯壹

名 蕭良儒

會審得蕭良儒因與鄒知孔訟爭湖地乃忿郭文賜之勘界也而棍徒於當日反誣知孔以故殺也而累殞於園扉又以追捕警蕭應和而借溺死二僕以駕告以摘伏恨諸問官而捏辯冤一書以詆毀兇狡故良儒也已干肆大辟矣一絞又何詞耶監決

一起依強盜得財律斬犯貳名

胡滿三 彭良甫

會審得胡滿三彭良甫之夥劫黃德家也滿三賊獲累累且起之伯母柩下明係寄藏斬無說矣若良甫者乃黃德義孫果為嚮導行劫毋論有無分賊罪不容誅今查招係事主疑而指告且既分銀二兩衣二件安得盡寄已逃楊旺之家若不勘明終屬有詞該道再細訊妥確另招詳奪

荊門州

一起依因姦謀死親夫律斬犯壹名 劉古楫

依姦婦雖不知情律絞犯壹口 孫氏

湖湘叢略

卷一

三

會審得劉古楫姦表弟胡九節之妻孫氏而賣棄髮妻謀溺九節真孤淫成性狼毒為心者耶九節之屍雖墜魚腹而楫父之帖見存氏手即氏留帖待證殺夫似不知情然而起釁由姦夫死何異自殺斬古楫而絞孫氏各不為枉監候詳決

德安府安陸縣

一起原擬強盜斬罪續奉駁問改杖犯人壹名

宣更二

會審得宣更二之獄第以失主續詞指告已難信為

確然況起出青衣一件稱係葉唐賈賄之賊且不隨
眾越獄固有不肖與盜俱波者乎已經前院具題
改擬今應照舊固監聽候 明文至日另行

一起依殺壹家叁人爲從律斬犯貳名

汪碧 汪么兒

會審得汪碧汪么兒濟惡朋兇鴻毛人命因挾朱大
正首盜之恨而聽汪泛等會盟之謀使其父子並盡
於醉鄉而妻子胥戕於室處已而一炬焚廬陸屍隨
燼嘻甚矣即窮苛禱杭豈應殘慘至是哉雖倡首造

湖湘縣略

卷一

四十

意別有大慙而執棍持磚二犯亦非小醜已多年亡
命幸一旦就擒屢審得情駢斬爲晚監候詳至聽決
一起依強盜得財律斬犯貳名

張東一 劉秋兒

會審得張東一原係照拿漏盜復夥故盜陳應舉等
行劫李家傷主掠財兇焰特甚以保甲奮勇追襲
當陣就擒原賊宛然在手論斬夫復何詞惟劉秋兒
初爲東一所供即無賊似已足信弟東一亦曾報嚴
端兒等後皆審係攀援獲釋能必秋兒獨無一隙耶

且該縣初審本犯稱無一賊直至駁審招稱布衫女
裙伊妻賣與不知名人得米一斗送監食用夫夫既
以盜繫獄爲妻者欲掩賊猶虞不密何得顯然出囂
鬻而又巧遇一不知名姓之主乎况被擒時想捕役
未有不搜賊者又安能深匿不爲搜取直待繫獄之
後而姑徐徐執之以易粟耶此皆事理之不能無疑
者該道再研審明確招詳

一起依強盜得財律斬犯壹名 周懷

會審得周懷乃故盜朱崇福黨也當其同劫羅從敦

湖湘縣略

卷一

四十一

家時焚屋掠財兇橫甚著雖久作逋逃而姓名固已
昭列於訊案矣某年不返那得原賊首賊既骨輒思
狡脫猶不虞李延繼者固能以窩証盜也於是乎懷
之舌不得不縮矣論斬非冤監候緩決

一起依主守故縱與囚同罪律絞犯陸名

楊徵璧 高世文 曹奇義

張應元 胡世元 康吉

會審得刑吏楊徵璧獄卒高世文等身司狴犴心懈
關防或貪饕而鬆其刑或沉湎而授之刃以致重犯

四十一名斬關破械而去按律擬絞洵不無枉第查冊內所開已獲三十八名未獲尚有三角而各犯極口以爲未獲者止於二名何歟又云此係張應元魏振經管夫各有司存今獲者既什之九則分別其經管與否以重罪監守者而其餘矜全之倘亦法之在也况當時大衆反獄亦屬大變未必盡由此輩手該道再細審的確另招詳奪

應城縣

一起依夫毆妻致死律絞犯壹名 徐大敏

湖湘叢略

卷一

四十二

會審得徐大敏之妻劉氏不嫌其老寔起于貪以色衰繼之財盡於是嫗無容身所矣故藉私炊起釁而斃之棍下納之溝中忍心哉此儻也屍以臭聞得獲傷經兩檢皆真本犯亦不得不御枚以就吏矣絞何足惜監決

一起依強盜得財律斬犯壹名 孟三陽

會審得孟三陽之盜蓋定于起獲錢六十二文若真爲范天榜失物賊雖微而盜則真辟何詞之與有第錢之爲物形相類也其在三陽者天榜何以能辨爲

已物查失狀而被劫者非止于錢已也當三陽分受時抑獨所取者錢乎即錢原有大小而搜出者抑大乎小乎聞風則奔竄矣第六十青蚨豈難挾之以行而姑棄之以自證盜乎再查招稱羅文炳係大盜然未見供出三陽姓名在案乃曰三陽故文炳夥也又不知當時亦何所據而云然乎此種種皆招情漆漏處須勘破方成鐵案也分巡荆西道覆勘妥確另招詳奪

雲夢縣

湖湘叢略

卷一

四十三

一起依強盜得財律斬犯壹名 萬五兒

會審得萬五兒先以若兄盜馬助父拒捕罪尚不至於死也第復改名李小泉以夥劫游廷爵家焚屋而淫其媳炙主而擄其財于是乎無生之路矣小泉以黨案照緝而五兒因父卷就擒久遠下來素熟易認王碧等以爲故李小泉也而不知即故萬五兒更名疊犯乃欲脫重就輕何可得哉更不必問賊於肆載之後矣盜情極真奚疑一斬監候詳至聽決

一起依強盜得財律斬犯貳名

余應兒 羅一兒

會審得余應兒等與故盜柯南岩夥劫鄒鄉宦家塗形改面登樓眩匿而去此其勢豈不猖獗甚哉內余應兒獲有銀掠一對經主認明斬自無辭惟羅一兒招稱分贓累累初訊未獲一物直至駁勘賊仗而始供報原銀九兩五錢與胡仲化羅朝綱贖地買床若仲化等果得前銀不過一賣主耳何得監禁而拷訊之重刑之下何求不得其出於仲化朝綱者已不可信為入於一兒者也况是云吐退不曰賠償抑該縣

湖湘雜略

卷一

四

審稱只得代賠者奚以解乎只得頗含不得已之情而代賠不免無端波及之意且賊必異形者可斷而同質者難裁如銀人銀鐘等件無一追獲即阿堵果出於一兒之手折獄者猶不無躊躇焉而以他人勉強應承之物其不足以關本犯之口明矣不寧是盜首柯南岩所報陳廣仁等後皆辯釋又安知一兒果非雙拳耶種種疑情似非確案該道再一訊勘妥當另招詳奪

孝感縣

一起依謀殺人造意因而得財律斬犯壹名

劉喬

會審得劉喬略賣會貴之妻施氏目中已不見有法乃復利所顧之三騾遂謀殺趕脚之三命汪孝生以毆狠玄斃矣向令汪五漢非藥微楊四兒非佯死其為橫道之鬼不幾為孝生續耶慘若茲不等強盜而上之乎原贓起獲寬對面質喬也斬無詞矣監決

一起依強盜得財律斬犯伍名

張引兒

張引兒

胡丙兒

李學

湖湘雜略

卷一

四

李九

會審得張引兒等糾合群兇連劫李唐周吳肆主而周則引兒表長兒姦擄繼姐吳則胡丙兒火燒廬舍其受禍更烈唐吳以火下識認繼姐又送出面質分別梟斬宜矣惟李九乃李綺家奴既勾引劫主其有所恨耶抑有所利耶何以止分一青衣而衣又未獲耶他劫並未同行一劫亦非定案其中情節不無可疑該道再一訊勘妥確另招詳奪

一起依兄姦弟妻律絞犯壹名 楊洪極

會審得楊洪極襟裾馬牛衣巾禽獸其誘周氏之踰
墻相從也固為姦同堂之弟之妻又為姦及門之徒
之婦婢女雪景已隔壁聽其淫聲親夫洪拭又登梯
聞其暱語姦婦既投縲自斃矣本犯可令偷生以污
楮穎耶宜速絞以樹士林瀆倫之戒監候詳決

一起依威力制縛人拷打因而致死律絞犯壹
名張策

會審得張策挾會長而稱武斷之雄久矣其於釋禿
何有哉有僕不能約束而妄疑藏亡於空門顧令心

湖湘獻略

卷一

聖六

定類首受責威已殫矣猶以為薄而自刑之越四日
而沙彌稱涅槃誰為促之者屢檢直長之傷正與本
犯所操之棍合欲駕言瘋症以逭抵弗得已監候詳
決

一起依誣告人致死隨行有服親屬律絞犯壹

名江會

會審得江會既倚青衿以強奪張笈已買之田復肆
誣告以累斃服侄張萬元張中兒二命果爾則坐以
誣告人致死隨行有服親屬擬絞更復何說第查會

與笈係爭買過水之界田笈先告道故會弟江合方
代兄訴院詞亦未甚漲虛似與誣告律不合又萬元
中兒係笈兄張籍後妻幼聘子本姓袁與笈無服祇
緣笈避匿而縣官差陳元執送監候查皆以病斃似
又與致死有服親屬律不合初時縣府三審俱止斷
給埋塋擬杖至一駁而江合以代訴黥革再駁而會
以誣累入死矣况笈詞不一而足會止弟代一詞彼
來此往亦應敵之常弟已褫巾而兄復論辟情法是
否允協該道毋越真情故縱毋泥定案難更務虛心

湖湘獻略

卷一

聖七

隨州

秉公細訊妥確另招詳奪

一起依強盜得財律斬犯壹名關會一

會審得關會一夥劫魏羅二主據稱與同徒耿子奇
同縛於窩主鄭本之家未獲一賊止起有竹鎗八根
又無鐵頭昨恤部以會一曾掛名南漳故矜疑子
奇改戍而會一仍照原擬耳第本犯與子奇同盜同
獲奇得改擬而會一就死何能無詞且南漳照案不
知當時招分何物曾否移文緝拿若不勘明則一事

附擬恐終無以開其口而折其心也該道備查卷案研審妥確招詳

一起依謀殺期親尊長凌遲犯人壹名

張弘道

依謀殺加功律絞犯壹名 高臈元

會審得張弘道固一門淫昏之鬼哉張忠以弟盜嫂弘道以姪蒸嬖兩姒交惡而弘道得高臈元為翼於是反戈之計成矣給忠丁家潭而立斃其命斷首剖臂分而瘞之究慘滔天堪令髮豎幸朱國仕一發其

湖湘縣志

卷一

四六

而分屍悉出則他證可弗問也謀殺最真磔嫌遲矣高臈元同謀加功絞亦無說監決

一起依因姦謀殺親夫律凌遲犯婦壹口

丘氏

依姦夫律斬犯壹名 袁應節

會審得袁應節之姦嫂丘氏不第岳丈王國義之投詞足為確證即親兄袁應春於姦所撞獲拉齒傷額尤為左驗矣丘氏以淫狐恨夫阻辱乘其醉而手刃之且也假盜粧詞舉火焚屋以計圖架禍卸罪此尤

物中之最毒而且狡者尚可令之偷生於人間世耶應節殺兄雖未與謀而埋刀投詞盡屬巧飾况兄之凶終誰生厲階磔氏斬節允當其辜監決

一起依卑幼毆本宗總麻尊屬死者律斬犯壹

名 陳通

會審得陳通祇緣證訟之忿率眾邀毆陳還而因其仆地不起以為終不起也遂殺堂叔陳國良以希抵遏蓋不虞被毆之陳遠得甦而無辜之國良適死據檢胸墜髮際等處皆有重傷而用金賄證捐產免孀

湖湘縣志

卷一

四九

更為殺叔左券即欲誘之於病誰其信之斬首不枉固監詳至聽決

一起依強盜得財律斬犯壹名 李躍龍

依教唆誣告人致死律絞犯壹名 黃大明

會審得此一獄也雖行劫出於李躍龍而捏詞構繫實黃大明之以也大明與黃秦耀等怨不解計令施廷松指盜騙財旋為耀等告發廷松漏網大明擬徒乃大明益蓄憤期必報復唆賈楚春等無端速訟以致張西橋張文科蕭九德溫大書或冤斃園土或枉

死雉經一紙裝陷四命隨傾慘矣已秦耀等再發其奸而廷松夥躍龍等欺肅九德之貌諸謂可襲而取也劈棺劫財何等強梁而尚欲託之捕役打詐即初意在恐嚇其如明火入室負賊出門儼然劇盜何人賊併獲躍龍斬自無詞而冤殺多人大明絞有吳說監候詳決

一起依侄毆叔致死律斬犯壹名 黃正色

會審得黃正色兄弟之毆死親叔黃衰也雖衰不應挾尊而誣盜乎然既鳴之於官合聽諸法復有為之

湖湘獻略

卷一

五十

解紛者可洽以情願犯上行兇致哀願門太陽等處負傷而當就死地正色不死於被誣而死於殺人矣伊弟加功遣戍為倖本犯元兇斬有何云監候詳決

一起依強盜得財律斬犯陸名

謝廷正 汪三 汪二 馬寵

謝廷得 何童元

會審得謝廷正等六盜糾合多兇肆行剽掠如劫何廷繼家賊俱未獲姑無論矣即初劫梁啟仁而明火入室焚屋傷人擄其所有以去強梁寧有貳哉謝廷

正等三犯賊起見獲主各認領若汪二以汪三唆盜讐攀為辭則狡偽之情不啻著矣蓋汪三汪二同為陳應祥供報彼汪三既可唆祥攀兄何不自為求免耶兄弟同盜最的百口吶吶無為至馬寵等三犯賊無一獲情若可疑弟應祥一獲之初即供其名况賊物賣費有買主可憑彼買主既肯認即與見賊同似不必以無職為解也六犯情真駢斬不枉監候詳決

一起依誣告人因而致死隨行有服親屬律絞

犯壹名 韓廷元

湖湘獻略

卷一

五十一

會審得韓廷元之致死韓應科一家五命也雖誣繫為盜出於韓世坤手然世坤所為頭顱不顧而願與應科警署實廷元厚利微之也蓋廷元與應科有換屋事娶之隙故賄世坤謀改硃票假造盜賊以致應科鍛鍊成獄冤斃於途耳尤可恨者嗔其弟僕韓應舉等不平之鳴而捏詞稟官戾死且肆焉壹人陰謀數命枉殺較諸傷人者殆有甚矣恨世坤以監斃未得正法廷元元兇可以老這一絞耶監候詳決

應山縣

一起依強盜得財律斬犯伍名

李引生 雷應節 劉寬 陳冬元兒

湯六兒

會審得李引生等之連劫鮑三等家也引生與雷應節人賊併獲斬已無詞內有劉寬者原坐以別卷與父同賊必父卷果有與子同賊之說其盜方真不一查明遽難定辟若陳冬元兒戶隣原有結保及查獲出之賊又失主認非已物至如湯六兒原賊並無一獲而引生等且墜為代辯矣賊證似未明確不一勘破終難以塞其辯口該道再細訊妥確另招詳奪

湖湘叢略

卷一

五十二

一起依強盜得財律斬犯壹名 秦繼和

會審得秦繼和恨繼父趙國珍之訓戒而合夥劫之傷妻殞子恩反為讐饒死法矣脫於盜而獲於拐既拐之事露而盜之情亦以顯則天之所以巧於為鬼人報也賊有青布女衫披襖的為國珍物拐可勿問之矣斬宜也監候詳至聽決

一起依強盜得財律斬犯壹名 丁二

恤部 題辯仍駁原擬斬罪壹名 其之儀

會審得丁二與詳之儀之夥劫蕭恩也二獲有銀布裙直賊固為得財之盜矣若之儀者分受之錫盒即云去棄亦自棄之耳不可謂之未得財也此恤辯而部駁蓋棄賊之與無賊不可同日語乎二犯駢斬允宜監候詳決

一起依謀殺人加功律絞犯壹名 劉思清

會審得劉思清狗劉卯陽之兒謀而立斃劉進陽於途次既展轉而埋藏再安解而焚燬慘矣卒之屍入火而不燃竟晉遺骸以近此輩之誅也豈非天哉卯

湖湘叢略

卷一

五十三

陽既已遠迓本犯難追一絞監候詳決

一起依夫毆妻致死律絞犯壹名 余伏延

會審得余伏延祗因張良威借鼓未還往索反嚷遂毆死孕妻余氏以行圖賴夫壹鼓幾值一嚙案讐緣是而遽殺其妻不亦兇且愚之甚耶已和息而復訟自暴此其間想有神焉使必正其罪也殺妻原有明條絞碎難以醉遣監候詳決

審錄上荆南道屬

荊州府

一起依竊盜三犯律絞犯壹名 陳儒

會審得陳儒行竊多家久逾三偷其偶得不死者幸也乃怙終不悛復竊劉三等牛馬即軍無墨臂可驗而犯有確卷足徵三犯應絞而賊奴且再四矣監候詳至聽決

一起依強盜傷人未得財律斬犯壹名

張鑾

會審得張鑾巨盜李祿之僕也泛舟剽掠種素不良其劫朱宗盛船穀攫其困載格其救護即四十石禦

湖湘獻略

卷一

辛酉

得之穀委棄已盡而伍佃抵敵之傷疤痕宛然按其人船鏢仗之並獲加以搶奪傷人之正律本犯古當縮矣斬何辭哉監候詳至聽決

一起依侵欺引例未逮軍犯叁名

周維藩 陳元 李鳳

依偽造文書終身軍犯貳名

蘇夢鶴 周貞

會審得周維藩等五犯一黨神棍賈刻印批其盜領遠祿至三千四百餘兩百姓敲骨而輸諸宗延

頸而望者皆襲取之若固有賜賜通天顧不大可恨哉一發於憲輒而批帖印板歷歷起出孰謂作奸者得終漏網乎首惡已經天戮伍犯遣有餘憾速照原招追贓僉發

一起依威力致死律絞犯壹名 劉廷松

會審得劉廷松以擔石之穀債途遇李茂嶺繫而圍之於家登時拷斃傷證了然顧復制死何氏欲奚為乎縱下手有人主使難追矣至以茂嶺為縊死愈見支離畏抵之情此獄毆死者一又制死監斃者二即

湖湘獻略

卷一

辛酉

江陵縣

當顯戮以謝三冤其如抵法窮於一絞何監候詳決

一起依偽造印信律斬犯壹名 徐養倫

會審得徐養倫丸泥鐫印假票濟奸指稱明文取結而僧道娼優靡不墮其術中詐充道府差委而拜帖行移公然投之官府結簿搜獲甚明形體翻雕酷肖一斬自無所逃罪若以贗象歸諸水濱而妄扳孫思義等以圖解脫讐家之口誰其聽之監決

一起依強盜得財律斬犯肆名

汪繼助 雷四 何曉 胡禮

會審得汪繼助等假扮行丐嘯聚鳴張其慣竊繫案母論如劫唐希堯家雖何曉不與而宿客已被格傷劫艾邦用家即雷四未行而樓屋旋歸雲焰兩主既各有真賊四囚應駢首就戮若上盜有與有不與得財時分時不分皆徇盜常態又烏庸深致疑哉監決

一起依威力致死律絞犯壹名 樊德溥

會審得樊德溥形類冠猴身制晨牝受叔祖樊址撫育襲官之恩宜其世世戴之母相忘也乃輕聽長舌

湖湘獻略

卷一

五

索搜家財一為祖妾蘇氏攔阻輒拳至天井勒令跪審儼然以官法臨之遍毆致命殞於三朝噫不我能悔反以我為讐胡究而忍耶勿論檢證分明靡所逃罪即傷攻仆地之頃醫診不藥妻灌不解益為毆情之鐵案顧欲詭作縊婢以圖幸免不知項無八字身有生育謂之縊與婢也豈其然乎一人作難而斬不世汗血之功絞奚尤哉監決

一起依強盜得財律斬犯柒名

黃輻 黃天寵 黃輓 黃天元

何聰 羅周 姜珠

會審得黃輻等一門為盜賊骨性成其糾黨羅周等竊僅牛隻強無主名者可不窮詰惟是數月而流毒多家一夜而連劫兩主具全傷其臂楊一林刃其手則強狀已昭然暗記又何待賊首初供多賊起認而後信為真盜耶亦犯駢斬皆無可疑第姜珠照拿年久續獲無贓僅以竊船定為死案而永興垸之蕭古泉又未到官是不可不為之三覆也該道再一勘確詳奪

湖湘獻略

卷一

五

一起依強盜得財律斬犯壹名 周華宇

會審得周華宇依妹開娼藏身作盜其欲使人目賊巢為青樓術誠巧矣柰何夥劫孟監生家禁已殺人捲財飽欲揚帆而偶緣同徒後至遣人轉接遂使劉佩就執供出群醜而身亦擒於城陵舟中斯時也主人之金銀細軟旋皆起獲孰謂狡計依棲可為吞舟之漏乎論手刃事主另有元兇論三號頭目寔為本犯從來強盜得財之多殺人之慘與托跡事敗起賊供質處絕無有甚於此起者屢審情真斬可湏臾緩

耶監決

一起依強盜得財律斬犯壹名 陳世表

會審得陳世表之刼楊廷栢也拷其妻獲其財名供於戶族賊起於埋壘即所獲無銀袖貴細而被絮鞋線皆主人原物且從來刼賊以有用而費以難售而存此固人情物理又何疑於盜智之不然屢駁詳明一斬應無說矣第細閱招情初獲故盜陳孟德指引捕役於世表門坎床下挖出九壘彼鄉保諸人纔見掩壘之銅鑼何以即知爲事主之故物既九壘爲九

湖湘獻略

卷一

五九

人之賊又何以歟藏于世表一處說者謂九人係世表姻親強半無妻子然九人寧能野棲露宿皆無居址而故共相寄藏以待挖耶此獄最踈漏可疑者端在起壘處未明使據壘入招時明開某壘某物某賊某寄當不煩幾許推敲矣是不可不再訊以服其心該道勘鞫明確另招詳

一起依強盜得財律斬犯叁名

伍童兒 陳添奇 何么兒

會審得伍童兒等遊手惡少儼挑市中其刼車寡婦

知其家爲素封而又孀居易與故夥黨執械彩而蒙頭搗其虛而拉之床下火燃烙拷備極兇辱即賊有染改變易之不同而銀翠納帛等件居然失主故物賊真強直縱欲致疑於挖壘鑽穴而爲三犯求生必不可得矣惟事主離郡城僅十里刼後不聞鳴官賊獲始遁失狀豈畏累而姑爲是隱忍不言歟抑別有說耶此處稍覺可疑不容不一勘破該道再確審另詳

一起依鬪毆殺人律絞犯壹名 周忠

湖湘獻略

卷一

五九

會審得周忠因放船過關關動朱學祿之幫彼以待驗客艘相較比論亦非過當胡不勝忿怒隔船拉毆致學祿死於三日之內檢證甚明絞抵奚辭借謂王朝相助毆之磚重於忠之拳脚則致命處何多圍圓耶且權關賣放非朝相之事朝相無與又肯爲人含憤以出死力哉謂朝相未助毆則不可謂死學祿者非周忠尤不可況董文賢勸解不從致咬其指則忠之兇狀又可想見矣監候詳決

一起依竊盜臨時拒捕殺傷人律斬犯肆名

羅繼賓 張節 王元亨 羅繼宗

會審得羅繼賓等之盜殺李松也原未有積忿深怨亦非欲拏盜探囊不過垂涎田穀率眾往刈耳其實所犯穿窬無有死法而奈何執鎗出門安排拒敵故李松縋一呼名而賓等即慮識認見父殺而傷子毀邪知子在而焚廬覆巢誠欲噍類無遺庶莫予毒而不知廷槐復生活口見在又天之所以殲滅諸兇乎屢審情真皆斬不枉監候詳至報決

一起依同謀共毆致死律絞犯壹名 傳元

湖湘獻略

卷一

六十一

會審得傅元憑城作惡蓋朱門中之狐虎也一旦以主人憲炤之命往探李先祖搬運家貲偶遇許桐檣櫃出門輒當先採毆致受傷深重死不越宿即助毆更有所屬而顛肋諸傷的由本犯白晝大都之中許應科傍觀護救亦罹重毆時非江倅經過鎖鑰則應科不將為許桐之續耶檢證分明尚欲以桐屍作見在之陳么兒寧為元卸辜已哉殆將陷屍親於辟矣兇謫盡露絞抵奚辭監候詳決

一起依強盜得財律斬犯貳名

朱四兒 李希聖

會審得朱四兒等榜劫劉實得財執拿孫世泰送路名供於同徒之口獲賊與失單相符推勘有年非如李廷欽等之鑿空讐扳者明甚矣駢斬允當厥辜第碎盜以賊必毫髮無疑而後情始真案始定也若朱四兒招稱劫劉欽亮分有青布夾襖女衫二件當澧州就縛時胡無一絲之獲直待刑官審後而突稱前贓見貯公安庫中豈獲時不必問賊而起處不必深詰耶原招亦甚踈矣至李希聖所分白紬長衣以領

湖湘獻略

卷一

六十二

絹托肩為號猶有據也若絨褐絨襪既係單賊今府詞又何所據而云欽亮俱不認為已物耶此微論事多真論賊則不能無疑且查謝廷明汪四兒係王朝珠等所報今以讐証審釋矣二犯同被供扳有真有不真終難令人釋然暫疎枷該道再虛中確勘另詳毋枉母縱

公安縣

一起依夫毆妻致死律絞犯壹名 劉守榮
會審得劉守榮趁夜之妻而兩焚其廬一拐

之逃無以抵歸董天啓之首而竟毆妻李氏墮溺深溝衆證既真一絞何說第此獄首自天啓爲天啓者宜晉李氏之屍以實守崇之罪乃云焚屍出天啓之手則終不能謂此獄無疑也情節可恨疑竇欲塞分巡上荊南道復訊勘妥確另招詳奪

一起依謀殺人從而加功律絞犯壹名

蕭調元

會審得蕭調元爲龔世璞暱友故因世璞之欲甘心於崇吉也而不惜借軀尋讐假乘他之同行作伴日

湖湘獻略

卷一

五

入慝作擠墜江魚愚哉調元得洩友人之忿而不免自罹殺身之禍矣此不第跡露於人馬之不偕還而唐如之途遇王忠之聞聲皆辟券也欲爲本犯辨絞抵得耶監候詳決

一起依竊盜臨時拒捕律斬犯貳名

李咩兒 余受兒

會審得李咩兒余受兒其夥盜客人李文科扒牆刁門入內則竊狀也見獲撤下門斗則竊證也至事主驚起而拔髮跌床狼毆打脫則明干拒捕之條矣據

事主口供雖近強亦同拒捕律也二犯駢斬何詞之與有監候詳決

監利縣

一起依強盜得財律斬犯二名

張文準 曹鑾

會審得張文準等之糾劫余天祿家名出黨供賊經主領節審既已情真駢斬復何冤抑但二犯之盜果真則王友成初擒之時何不吐報至後獲斃獄之張存仁亦惟以途遇慌張被縛即存仁且難必其果否

湖湘獻略

卷一

六十三

是盜而二犯爲所供報者又安知即爲真盜乎且關提文內既誤將曹鑾寫作蕭鑾而民壯高倖何以知蕭鑾即爲曹鑾而偵捕之又曹鑾見關票爲蕭鑾奚遽安心受繫而不一致辨耶此二犯之微可疑者分巡上荊南道再一訊確另招詳奪

一起依強盜得財律斬犯壹名 曹一

會審得曹一之夥劫羅寡婦家潛入而明出者也分賊雖未起獲不可謂之無賊夫一之殺黨葉望東止以分賊不勻則一爲有賊明甚一原合夥復故王應

考而應考既有真賊則一非無賊又明甚此一盜也惟當以情之虛實辟不當以賊之獲否論向非王朝賓首發陳坤搜出謀搶密帖幾為漏網鯨矣速斬允當監候詳至聽決

松滋縣

一起依謀殺總麻以上尊長律斬犯壹名

張昇

會審得張昇於楊應早以爭田讐既欲洩毆差罪且無抵乃給服兄張惠於空室斃之夫兄固老叟也肯

湖南縣略

卷一

六十四

速死乎雖孤貧也可供弟由賴乎其族兄張迪先露其情而親弟張昇弟婦胡氏亦直供其狀夫婦人猶知哀憐其父意托加衣男子不能恭順厥兄忍為推刃恨法無加何疑斬律監候詳至聽決

一起依雇工人謀殺家長總麻親律斬犯壹名

陳七兒

會審得陳七兒為陳一清家奴而陳堂則一清族祖也七兒拐婢六秀潛逃而堂既為之伴送至索謝挾姦不得則必反而中之一清此七兒所以甘心於堂

而殺之中途棄之洲畔以圖滅口也確證有陳一貴訊者每欲深求一清謬矣七兒斬抵無疑監候詳至聽決

一起依強盜得財律斬犯肆名

陳繼宗 曾弘紀 李應珊

恤部辨問犯人壹名 李雲穀

會審得陳繼宗等黨鳩六十餘人歲劫一十二主踪跡露於暹卒名姓吐於隔供盜情俱近真矣均辟何疑第辟盜以賊三盜之行劫者固有十二家而失主

湖南縣略

卷一

六十五

之出質者止有楊金鳳鄒本鉞冉俸等三姓曾弘紀李應珊已起有劫楊劫冉之賊斬無詞矣唯繼宗一盜以劫冉則未行以劫楊與鄒則又無纖纖可以為辟案也今欲據未出失主之物坐之縱能捫此囚之舌而讞者之心能自安乎政恐死者與吾皆有憾分巡上荊南道母拘泥成案母曲為解網務虛心秉公細訊另招詳奪

一起依鬪毆殺人律絞犯壹名 許從誠

會審得許從誠以爭產細故毒毆向廷陽於郭家洲

致廷陽足方入門隨登魁錄彼時程憲章楊廷春目擊扶歸安得移罪於向廷用蹇穰哉心以耳移官因吏蠹嚴刑逼認死非一人何莫非從誠之孽耶雖法終及於有罪而冤欲洩於無辜從誠一絞至此嫌其遲矣監候詳決

一起依闕毆殺人律絞犯壹名 許學海

會審得許學海之撻斃向壽也傷痕之賄件遷變者既覆檢相符而李朝元之目擊出質者又歷審不易絞抵何說第學海之脚憤於爭田者乃向學顏也向

湖湘獻略

卷一

六十六

壽係學顏之疎族耳且學海屢訟向壽並無與焉今一旦毆死奚為者况學海既鎗傷學顏之喉見其跌地不起尚不慮及學顏之死而又賈餘勇以追撻向壽似又非人情也至訊者執烏梅鹽醋為件人之藥繇學海之賄既未當於件人洗檢之法而亦似未諒五錢白鏹直些微耳件人之欲整頓奢遽肯以法與之市乎否此獄疑實種種分巡上荆南道覆訊確招詳奪毋枉縱可也

夷陵州

一起依謀殺人因而得財律斬犯壹名

鄒天禹

會審得鄒天禹利宿客羅文光之腰纏乘醉卧而鋤擊立斃赤瘞陳家冲慘矣一露於朱陰之逼道再洩於群犬之環嗥李輔二不期而忽過此豈天遣之手羅文魁即遇賄囑而難以改口昧心正辟案也斬無可原監決

一起依同謀共毆致死律絞犯壹名 譚訓

會審得譚訓構訟於魯金成而忿魯金元携子橐饋

湖湘獻略

卷一

六十七

既毆國政折齒遁矣復操鐵尺狠撻金元斷其肋而仍擡幽室中斃而後已天下幾見此暴橫者若乃抗拘勒和閔不畏法毋論隣證差證而買和銀布又種種確證也安得諉咎助毆之作逋逃冀寬本犯致命下手之絞哉監候詳至聽決

一起依竊盜三犯律絞犯壹名 周世用

會審得周世用始以三竊刺兩臂繼以四竊成三犯况屢開自悔之門賊微必減乃盡杜可生之路惡業難原蓋竟不一悛復盜陸主縱令出柙其患苦地方

必有不勝諱者有絞而已監候詳至聽決

宜都縣

一起依強盜得財律斬犯貳名

周息 周顯臣

會審得周息之夥劫羅綸家雖主拷財賊獲主領斬何容喙惟周顯臣乃息之親姪以孤幼而倚叔為命凡所行止惟叔命是從計行劫時止一十四歲特稚子耳况審與已辨周么兒俱未入門倘亦有畏懼之心也耶今訊者惟以與叔合分定辟不知合分之說

湖湘獻略

卷一

六

乃息對眾盜之言利其多分一股之計也其實分去之物俱為息之所有顯臣毫無與焉觀起賊而顯臣以埋賊之所直指差人此又顯臣年幼無知之一徵也據迹實與同行原情似有可憫分巡上荊南道復細訊妥確招奪

長陽縣

一起依同謀共毆致死律絞犯壹名 王滔

會審得王滔以睚眦小忿乘黃科惡聲至而鐵尺橫加石塊亂擊又繼以張寅等助毆致科斃六日矣夫

滔與科皆惡類久側目鄉人者一死於毆一死於抵寧非天之妙於殲惡耶檢證既真滔也有絞而已監候詳決

一起依謀殺人造意加功律斬犯壹名

向躬兒

會審得向躬兒怒胡廷富之暴其竊情而夜靜操刃并廷富父子慘死於床第夫惡人揚其為盜則何如不為盜且恨其父抑胡併怒其七歲小兒也豈直同屠之聞同行之見為躬兒謀殺確證而真情已畢露

湖湘獻略

卷一

六

於先逃矣二命併斃一手一斬聊抵二冤監候詳決歸州

一起依因姦同謀殺死親夫律凌遲犯婦壹口

龔氏

依姦夫律斬犯壹名 鄭淑

會審得龔氏與姑夫鄭淑稔姦遂謀鴆親夫呂種者而以身終委焉七更歲紀而陰情復發寧非天網不容終漏耶毒驗於口血情露於焚屍呂龔望以子鳴父冤其鳴必切龔從謙以弟質姊惡其質必真一磔

一斬惟恨正刑之晚耳但刺膊相盟湏宛然有跡至
恤部乃云當堂驗之無痕何以爲姦證乎且當時見
毒之冬兇七哥一賣一逐未能面質令後來讞者固
不能不稍致疑耳事發年遠不厭查詳分巡上荆南
道再一訊確招奪

岳州府

一起依刦囚殺人律梟示犯人姓名

王朝富 鍾大 張廷明

斬罪犯人貳名 王三 鍾舜

湖湘獻略 卷一

七十一

會審得王朝富等以漏網之鯨肆行猖獗爲吞舟之
鱷恣意屠戮真湖湘之劇寇而人神所痛憤也其屢
刦教官吏目與剽掠多家姑置弗論即殺死應捕二
命解役五命兇慘爲何如哉五犯碎首糜軀且不足
以雪幽憤特同行刦財固無軒輊而謀命下手尚有
等差分別梟斬允當厥辜監決

巴陵縣

一起依鬪毆殺人律絞犯壹名 劉守禮

會審得劉守禮與李應斗嗜酒則持杯相暱爭利則

持械相擊五分所值幾何而竟毆斃應斗于限內劉
尚等既自擊其街前之兇狀湯其陽又耳聞其室內
之遺言兩番檢驗傷同一絞抵償甚確監決

一起依鬪毆殺人律絞犯壹名 劉慰

會審得劉慰之毆李大萬也以破袖欲完拳之不已
而以棍繼之三尺之布償之稍遲而一人之命殞之
甚速頭破骨損不但大萬當之者無完膚而震電憑
怒幾令劉繼從旁解之者遭毒手虎橫極矣一絞何
辭監決

湖湘獻略 卷一

七十一

一起依同謀共毆致死律絞犯壹名 傅伯皆
會審得傅伯皆一市井賈僧其視抱布鄉民直杭上
肉耳向因并一在換銀增價兇毆於白晝大都之中
當晚就斃既背送有人又買和有跡使非伯皆抵一
在又疇爲抵耶若程龍峯之仰藥亦無奈伯皆何方
恨不能爲之增罪案而翻歆藉之以脫籠過矣過矣
絞不爲冤監候聽決

一起依謀殺人得財律斬犯壹名 陳大韜

會審得陳大韜途遇姜廷謨妄意囊裝遽萌毒害扁

擔擊於暮夜自謂無知白楊撞遇族人應為窺破所
可恨者廷謨原以鬻子救生而大韜且以此微圖命
亦可憐矣族侄之陳尚照既直發其奸親父之陳仲
文難曲諱其惡欲舒幽憤宜正明刑監候聽決

一起依威力主使毆打致死律絞犯壹名

金 貴

會審得金貴以市井棍徒藉收馬價凌轢鄉民嗔胡
勝貴不挑殺之故而奪帽因劉大梁代取帽之故而
逞威又因劉大儒出護之故而移怒拳脚交加叠逞

湖湘獻略

卷一

七十三

不置以致大儒負傷五日而斃即助毆致命果有金
添孫陳力而威力主使者非本犯耶絞抵應自無說
第金添孫陳力一斃于獄一死于途是否足償死冤
該道恭酌新例確詳報

一起依同謀共毆致死律絞犯壹名 趙二

會審得趙二無賴匹夫耳因左袒周國序而啣陳廷
言兩拳之忿輒伏堤下以俟廷言之過而甘心焉下
手既重擬抵似已無說但周用周壽招稱各因廷言
辱罵舊隙而助毆將適值其事耶抑與二牽挽同行

耶國序與廷言冤對序前言後用與壽不緊隨主人
序不慮非常而敢踽踽獨行乎聞毛廷鳳之呼而序
轉序轉而用與壽翻行趕毆以致廷言重傷此段情
景為國序婉轉解紛而就中機殺不覺盡露矣胡廷
選初證四人則指為廷言之親陳祖兒先經溺水忽
扯為有毒之證既銀釵白色而二以赤貧陷辟則今
之嗽嗽不服固猜囚展腕之常而獄情亦自種種可
疑必湏勘破以杜後言該道再委精明官覆鞫另詳
庶無枉縱也

湖湘獻略

卷一

七十三

一起依強盜得財律斬犯叁名 劉應魁

向三春 汪龍泉

會審得劉應魁等以乞丐窮徒流聚為盜其敗露適
于行竊而贓物供係逞強擬以斬辟似不為枉第楊
王二主先未告有失狀何以知必為被劫既無失單
在卷又何知其故物而况初審之時不認賊乎至
曰隣佑助噉亦無一姓名其為盜不必疑而強竊關
乎死生不容不確覆審另詳

臨湘縣

一起依強盜得財律斬犯貳名

陳大和 李天達

會審得陳大和世濟慣賊其劫陳伯福而用墨塗已之面檢石擊人之腦已犯行劫不赦之律况見獲給主之賊論斬豈待說哉惟李天達獻者以原賊粗重而火發震隣之時當鼠竄不暇此固有見第辟盜以賊而定辟以強本犯執擔擊事主之背則強矣起出花穀的係伯福故物則有贓矣即欲為解一面之網得乎監候駢決

湖湘讞略 卷一

主四

平江縣

一起依強盜得財律斬犯壹名 熊天祿

會審得熊天祿恨悟靜索債相毆以道劫僧塗面撲目復繫僧而壓之自以為莫予識矣詎意包香之帖名既自供削髮之刀賊本非偽悟靜改口總為畏累而然本犯尚欲牽累空門以希出押耶一斬不枉固監聽決失主悟靜以後免解

澧州

一起依鬪毆殺人律絞犯壹名 谷仲榮

會審得谷仲榮以惡少橫行里中方其醜金演戲既揚揚自得復悻悻自雄因董安鑒以慳財見嫉而田梁者以護黨取憎逞其毒于通都而梁移時已殫矣攢財為殮眾人所以哀橫死也隻惡行兇仲榮欲藉而倖生雖狡乎亦愚矣一絞允宜固監聽決

一起依卑幼毆尊屬死者律絞犯壹名

楊一惠

會審得楊一惠欲圖賴熊倫竟殺叔祖與洩一時之憤不顧通天之罪性誠兇計誠拙矣屋後之鄉縛猴

湖湘讞略 卷一

主五

子嶺之旋移自謂心甚慌亂想楊教之魂憑之使洩其事也棹壓固能速死槌擊正易殞生悖逆如此一斬猶有剩罪監候速詳報決

一起依謀殺期親律凌遲犯入壹名 夏辰寅

依同謀加功律絞犯貳名 張允誥 鄭二

會審得夏辰寅與張允誥同夥劇盜也一以元寅阻諫成讐一以元寅索債取怨輒動殺機更邀同黨社壇之謀已定黑夜之刺遂行致元寅主僕斃于一時噫何慘哉王辛兒被傷先回初詞甚的後來變幻則

以不肯為怨府而不意翻為兇人啓疑竇耳勘的辰寅殺兄自應磔死允誥鄭二各絞亦當厥辜監候詳決

一起問擬鬪毆殺人絞罪犯人壹名 閔進

會審得閔進與劉萬正皆赤貧酒徒原無夙嫌偶萬正以索皮口詈而進因忿用棍擊死本進家傷符進器盧旺從人即在不為進代也雖百口置辯其不能卸一抵明矣絞不為冤監候詳決

石門縣

一起依偽造印信律斬犯壹名 陳國正

會審得陳國正假雕縣篆用收編銀空票見在覆刻逼真恤部辨蠟文之粗細而欲寬之是或一見然寧有紙上實行堂下面試而猶得為之造而未成者乎斬無可疑監候報決

慈利縣

一起依鬪毆殺人律絞犯壹名 杜大科

會審得杜大科與陳允仁合夥穿窬懷不韙賊之恨而同黨自戕率母弟棍石交擊之于野猪嶺而允仁

限內速斃矣肋骨折斷傷與仗對而平伏通見証又確即其求和於死後允足為毆情之的券也雖假手殺一賊而以賊抵賊絞豈稱冤候詳報決

一起依強盜得財律斬犯貳名

屈三兒 王顯化

會審得屈三兒積年劇賊強竊兼行其夥劫羅萬鐸家執器傷人掠財焚券寄妻寄賊鑿鑿有據一斬吳遜王顯化據稱因傭工而登劫場既同徒之名悉供本犯之口獲賊雖微已經主認且律云同行者皆斬向以分別傭工與不傭工也駢辟不相監候詳決

湖湘獻略

吳蘭陵錢春

審錄下荆南道屬

鄖陽府

一起依故殺律斬犯壹名 崔貴

會審得崔貴之恨王尚恩也不在分帳拆夥而在叛匿銀之盟蓋無銀則不得遂娶娼之心彼戀賈氏者切故讐尚恩者深也遂忿以一朝擊以九斧使尚恩魂棲異域血濺閭司讀對天祝告之語何克殘甚也

湖湘獻略 卷二

自勿未得自首繼之明知法不容貸矣斬首復何言

哉監決

鄖縣

一起依同謀共毆人律絞犯壹名 屠世舟

會審得屠世舟之毆王林以斃也原無夙恨祇緣忿激於賽歌狂逞於酣醉捶腦漿流當夜身死傍觀俱能證毆初訊業已甘填復詭計偷屍何為者狂藥之流禍烈矣宜速一絞以樹酖酒之戒監決

一起依闖毆殺人律絞犯壹名 趙庫

會審得趙庫祇啣孔還爭工之忿兇毆於勸飲之際於當席氣顛為軀命之關此之謂扼吭宜其斃之速也毋論環坐共證而伊父賄免即辟案矣今還兄被累復亡本犯安緩一絞監決

一起依恐嚇取人財物者律照例發邊衛永遠

克軍犯人貳名 徐光啓 陳堯道

會審得徐光啓等果假倚緝盜而妄拏良民拷嚇人之財物強污人之幼女遣復何詞第今本犯訴稱原拏之李進海陳選復劫賈朝京梁仲成復劫李文貴

湖湘獻略 卷二

俱事犯就禁劉國相劉國甫復劫廖可愛等見緝未獲如真則前非妄拏良民而至於拷嚇姦擄等項似亦未可盡信猶口固難遽憑遣刑亦當詳慎該道再細訊妥確另招詳奪

房縣

一起依強盜得財律梟斬犯人壹名 黃真福

會審得黃真福初以王仲倉拾有遺金而合夥行劫誠思滿贏之可襲取也不謂裏人無厚藏入門且識認遂手刃其事主之六若婦而襁褓之女竟亦蹂踐

不免焉時雖有住兒悞我之悔三命偕亡其何補救此獄論賊僅犁鏵殊不類大盜而殺人情真血刃具在即賊其餘事矣梟斬何詞監決

一起依謀殺人律斬犯壹名 金剛

會審得金剛叩金紵爭屯之忿探其催糧踽踽獨行父子合謀伺於荒廟要而殺之即其刺項破腹腸出撒流抑何兇殘之甚耶勿論縣官有金龜之慶屠刀有出火之證即退田買浼筆帖已明而父指子殺謀情盜露斬尚何云監決

湖湘獻略

卷二

三

一起依鬪毆殺人律絞犯壹名 周尚用

會審得周尚用承差追攝陳得祿即畏避不出亦非大故何至聳稟縣官添差多人於五更未明之頃逮及事外之陳友教驚逃尾擊傷攻立斃檢證業已分明而猶謂患病死彼骨破肋折抑豈病徵耶獨初審之縣官輕信急追庇差養奸是為大可異耳不絞尚用何以雪死冤而懲衙蠹監決

一起依強盜得財律斬犯壹名 張大用

會審得張大用竊藏山寨如虎負嵎據招行劫范應

邦家拷母焚屋操刀拒捕情狀甚兇擬斬應無辭矣但失主被盜即當告狀應邦強劫果真何為去劫期二十日始從容奔愬且告大下識認之說府縣兩詞又何以先自矛盾縱起獲有賊皆山民所常有何所據而即知為事主之原物若謂曾劫李韓陳傅四家而一人未到一黨未獲此皆事理之不能無疑者大都此獄事起爭婚賊由妄認談道衆詳蚤已及此是不可不直窮到底以破成案暫疎枷再研審明確招詳毋枉毋縱

湖湘獻略

卷二

四

一起依強盜得財律斬犯貳名

劉訓 劉謙

會審得劉訓等之劫包仲也縛其事主之父子火拷棍擊開棺卷財據若貪暴駢戮何冤第閱招有不盡然者銀布出於任邦舟等之妄裁錫壺起於劉世頂之寄放捕官讐其舊隙族人懷其欺凌遂以包賠之贓為失主故物而秦當之成其能服本犯之心乎情屬可疑該道覆勘確詳

竹山縣

一起依故殺律斬犯壹名 蕭添允

會審得蕭添允求姦子媳已有死道乃恨媳兄劉世乾之告責也而率眾要之過門操鉤擊之立斃以淫心與殺機交動而不顧傷敗人倫戕賊親黨猶令視息至今遲矣宜速斬以戒夫人面獸行者監決

一起依強奪良家妻姦占為妾律絞犯壹名

胡舉

會審得胡舉威假虎皂慾縱狐淫挾姦張氏於在閣已喪心蔑法矣及嫁配朱珊而復率眾強擄為妾乘

湖湘獻略

卷二

五

機聲捲其財以致氏母畏累自刎是豈清平之世所宜有哉審證既確絞辟焉迺監候詳至聽決

一起依故殺律斬犯壹名 田應昶

會審得田應昶假姦情為名殺岳劉尚志以洩索賁之忿殺客解登第以報盜扳之讐一日而殺二命兇狠誠創見者矣乃勇往以自首欲冒義氣以飾戾氣也而詎知為自定辟案乎不原一斬庶謝二冤監候詳決

一起依謀殺人造意律斬犯壹名 李貴

會審得李貴之贅其媳周氏與趙廷蛟之贅其姑紀氏既各婦其婦則貴安得獨利其利哉意不愜於分瓜遂給紀氏殮之於桐樹下而撻廷蛟亦幾至於死慘矣擢扶有人檢審已確一斬有餘憾焉監候詳決

竹谿縣

一起依強盜得財律斬犯壹名 李清吉

會審得李清吉之夥劫李榮枝也石傷其父火燎其妻名自賊首先供賊由伊家起獲強案為最確矣今乃執賊為黃重一所償大價果爾重一存日何無一

湖湘獻略

卷二

六

言又稱失主原未火下認識夫被劫之家但知件件認賊安能面面認盜清吉之辯不亦謬乎斬不為枉固監詳至聽決

上津縣

一起依威力制縛因而致死律絞犯壹名

徐行

會審得徐行同李春富以白役打詐因趙伏充身不在家見其癭項之子趙君成者易於欺凌故百端摧挫以張其焰提項挈腰懸空旋繞致君成氣鬱不申

頃刻而登魁錄謬云爲戲即戲殺亦當擬絞按律抵償猶有餘恨監決

鄭西縣

一起依竊盜拒捕殺人律斬犯壹名 毛尚禮

會審得毛尚禮夥竊李廷貴家其弟已負賊奔前而彼獨制挺毀後拒撻事主以至於死應同強論者也斬復何詞第廷貴重傷頭腦既有死狀何不即鳴鄉保即告縣而復遲遲其行也至云年老跌閃抑果否出自失主畏累之詞此等處亦當勘悉以塞辯口分

湖湘獻略

卷二

七

巡下荆南道覆鞫安確另招詳奪

一起依強盜得財律斬犯壹名 吳全

會審得吳全乃獲故李養浩之僕也不半月而夥劫李道清者兩初止掠財次則刃傷男體灰撲媳目矣事主認識既真本犯斬辟焉道第全所分花豆鋤頭皆農家常物不知何記號足憑兩月之後原花豆烏得不行花費况全與道清情託周親不聞宿怨曷肯遽附主以往劫乎一旦恩反爲讐實行不顧即宇宙之大何所不有然此不可不謂之疑竇也分巡下荆

南道覆訊安確另招詳奪

襄陽府

一起依雇工人謀殺家長律凌遲犯人壹名

高格

依謀殺人從而加功律絞犯壹名 滕八兒

會審得高格指揮高勳家奴也勳淫格妻格亦蒸勳妾聚厯之行已伏禍機交惡之心亦復勃發既格得滕八兒爲翼則反戈於是更易矣未成水火之計復設密伺之謀使格足未離薛氏之闕而斧棍交加頃

湖湘獻略

卷二

八

刻化爲異物此雖勳以淫暴自鑿凶門而弑主逆奴尚容一日緩死哉紅土脚帶足憑兇器毡襪互證磔高格而絞八兒情法允當固監聽決

一起依詐假官律斬犯壹名 李成試

會審得李成試乃都門一走空神棍也睜大使李積官新選物故輒敢冒領文憑公然到任衆見失體迹因敗露當爲楊同知覺發復有蕭典史認識原籍既已查明論斬又復奚說固監聽決

均州

一起依因姦謀殺親夫律凌遲犯婦壹口

陳氏

會審得陳氏與姦夫王世崙之同謀致死親夫樊相也灌酒而鏢擊雖出世崙之兇手勒項而加功亦本陳氏之忍心冤魂藏於泉底尤物貯於舟中自謂伉儷長諧而豈意屍浮彼岸機洩生妻徒兩棄之也世崙已斃陳氏猶遲回監詳決

一起依威力主使人毆打致死律絞犯壹名

屈永祿

湖湘獻略

卷二

九

會審得屈永祿因逼取楊忠選債息嗔伊徒辛通義從傍抵罵主令男僕執椽毆死擬以絞辟誠不枉矣弟初委老人相驗捏為縊痕固屬賄買然越五個月至該州檢勘又以傷多成片不類兇器及穀城再檢亦以耳根左右微青紅色似非縊死夫人命果真當有確據今永祿之招不特檢勘傷痕中多參差即問官斷案詞岐兩可是毆死縊死尚未歸一遽可謂之確案乎况駁經恤部竟未覆審何以服其心耶分巡下荆南道再一訊確詳

襄陽縣

一起依外姻總麻尊長毆卑幼至死律絞犯壹名 聞朝用

會審得聞朝用真人類中狗彘也初誘長女拆婚轉鬻已忍心矣逞其故智偕悍妻田氏唆誘次女而恨婿胡希堯之適至也故尋釁隙夫操錘妻執棒叢擊而立斃之其殘忍寧復有人道哉不惟檢傷對仗相符孫應祥目證甚確即親女面質亦不能為之諱也田氏收贖恨限於律朝用一絞猶令人有餘恨焉固監聽決

湖湘獻略

卷二

十

一起依尊長毆總麻卑幼至死律絞犯壹名

陳習旺

會審得陳習旺挾尊欲奪侄孫陳從義之當地而橫阻耕作彼以卑幼遠避其鋒矣因伊母張氏之率工耕犁扯帽觸怒也輒奪鞭桿狠擊致其骨破傷重旬日云亡甚而侄孫女陳氏救母且遭毒手暴矣及縣官親檢猶復砍屍則本犯自欲昭其兇橫也買和有贓見毆有人擬以絞抵絕不為枉監決

一起依同謀共毆人致死律絞犯壹名

張廷仁

會審得張廷仁者劉應岳之妻兄也。劉應岳他適而詐借妹氏之麥氏緣夫督責則向廷仁取償取償之不得而又受其惡聲則不獲已而自縊即縊而死也。亦廷仁罪之在也。始謫妹而為利者終借妹以行兇。搏執應岳而鞭擊之足方入門而妹氏復甦應岳已死矣。即當時細施尚有叔弟而楚撻者則廷仁獨也。况梁富等眾觀甚真檢有重傷項無八字奈何諉於

湘湘辭略

卷二

十一

自縊哉雖生百喙難追一統監決

一起依強盜得財律斬犯壹名 周二

會審得周二以亡命落魄受值於故盜余萬舟而為之操艇江干因窺閨客陳良猷之啓篋露白也相與朋謀縛殺而淵沉其屍瓜分彙中裝甚適矣獨念良猷抱梳弓命此何情也二猶執樁擊手忍心首倡其毒惡即豺虎豈過哉屢訊情真一斬允當監決

一起依強盜得財律斬犯壹名 范房兒

會審得范房兒兩點慣賊窺客民鄭三之携金踴蹕

獨行也持仗潛伏道擊傷其頭額盤攫其囊資倘非天憐孤旅三之生趣薄矣幸本犯以他事敗露其面貌三能於稠眾物色得之贓物雖費樺裕尚存執此定辟自當短喙而况素性不悛乎斬無可惜監候詳至聽決

一起依強盜得財律斬犯壹名 陳伯堂

會審得陳伯堂闔戶無良蒲門皆盜強刦六主既無不同行燒斃四命且親為縱炬先供名於賊首再互質于黨徒種種情節何莫非辟案哉雖云賊無見獲

湘湘辭略

卷二

十二

大都父兄多賊即本犯公共之賊可無疑也放火殺人之徒即斬猶有剩罪監候詳至聽決

一起依謀殺人造意律斬犯壹名 蕭國光

依從而加功律絞犯壹名 王世魁

會審得蕭國光王世魁倚捕嚇財俱鄒漢之訐已而乞和不聽索約不從則謀殺於唐世熙宅邊投屍於老龍堤河內其計甚秘其心甚慘矣詎知天道好還故使黨與丘鳴鳳發其謀而證免和則有寺僧張會朝質索約則有親弟蕭國奉目擊毆死而沉屍者又

有唐世熙黃國祿杭登也屍雖漂流證據甚確一斬一絞均不為枉監候詳至聽決

一起依故殺人律斬犯壹名 張八

會審得張八真梟獍哉李氏姚氏以饑饉檢拾遺穗伊寡婦之利亦情也即順手或有拔掇總細渺事而八可遽毆乎顧憤焉思遲既擊死李氏推屍水中因姚氏噉呌而又毆溺於河以苗滅口呼吸間殺二命若刈草菅其兇慘可勝言哉幸屍骸得獲而杜氏隨露真情不然則二氏之冤魂幾無暴白之日矣傷真

湖湘獻略 卷二 十三 證確斬猶嫌遲固監催詳報決

一起依聞毆殺人律絞犯壹名 范繼宗

會審得范繼宗渡子也因李仕茂低錢二文嗔其逆換輒返棹操楫狠擊而立斃之重錙鉢輕人命愚狠可謂至矣在船揪扭相毆楊舍兒之供證足憑移屍岸上李仕元之扯投可據屢檢遍體多傷又與兇仗相符欲以跌傷肆辯烏足信哉爰勘已明絞抵無疑監候詳至聽決

一起依聞毆殺人律絞犯壹名 丁長兒

會審得丁長兒假設賭坊實開娼肆縱妻母之宣淫真狼心而獸行者哉其嗔王丑兒不過以篋子戲狎其妻故操棍兇毆立致之死耳旋畫計於老奸之聶鳳山賄證於幼稚之韓年兒以移禍於先歸之董魁兒且令一冤四載莫白倘非天道難容故使鳳山伺探於道前而年兒直露其底裏將不惟丑兒之命無償而魁兒亦幾抱棘林而夜泣矣鳳山被擒研審若出一口本犯在獄行賄益驗前謀兇狡之徒宜速典刑庶幾生者死者兩無憾也監候詳至聽決

湖湘獻略 卷二 十四

一起依同謀共毆人致死律絞犯壹名

廖允楨

會審得廖允楨以縱畜踐食構怨於蕭仲陳者已非一日顧仲陳憤於禍而復乘醉嫚罵以挑之於是允楨與母楊氏採入其家門拏借作毆械綦重矣而復不遺餘力以從事焉仲陳即欲緩頰更無死可得乎隣婦翻牆莫救傷痕三檢相同皆確證也殺人者死絞何辭焉監決

一起依強盜得財律斬犯肆名 張希順

張希才 張九賢 童康兒

會審得張希順等以烏合之眾鳴鏑禦人縱橫於三省之間殺傾六命甚而斷賊曹之首不異草菅此其兇焰薰天堪令髮豎向非捕役尾後擒獲流毒寧有已哉查例嚮馬巨寇一經就縛即應梟示况各犯獲賊續紛原無置疑戮遲矣童康兒既在同事同行又膂力駿勇則安得以弱冠為解俱應懸首藁街以雪神人之憤固監速詳報決

一起依強盜得財律斬犯貳名

湖湘獻略 卷二

十五

李時清 何守良

依強盜窩主造意律斬犯壹名 趙子乾
依強盜若捕盜同伴解官免罪犯人壹名

姚大從

會審得李時清照案大盜也挾同徒姚大從偕逃鎮平而從妻張氏不欲則推之橋下玄斃之狠矣既糾何守良等行劫馮文魁傷人焚券罄掠貲財令人不可智邇天使大從計逃自首引捕成擒賊隨起獲屍復見存即一斬猶有剝罪何守良賊雖未獲黨首已

真趙子乾為盜淵藪獲賊更經主認二犯併斬均不為枉監決

一起依姦子婦律斬罪犯人壹名 田仕元

會審得田仕元人形獸類淫姦兒媳而噴其暴醜持棍毆斃之且用石礮繫屍沉於魯家潭中復以刁拐讎誣媳父池愛春者自謂詭計得行人莫予識豈思天有妙用假手漁人解屍漂出而本犯兇淫之狀盡供於伊妻若子之口矣此等滅倫之徒宜速斬之無污簡牘可也固監速詳報決

湖湘獻略 卷二

十六

一起依強盜得財律斬犯壹名 呂世舉

會審得呂世舉之獄以劫分趙文舉家子花牛隻遺棄道傍罪坐重辟情若可矜第同徒潘廷海當陣被殺海妻郭氏首報黨與則世舉之為盜無可疑矣至於贓物委棄於途然已離盜所不可謂之已行未得財也若曰儕類王國珠以贓稱花費業已改遣但所謂花費無存者恐為盜未的也而世舉之賊招稱見獲似與國珠必覺有間此所以都題未允必有見焉大都本犯為盜逼真似難輕改監候再審

一起依同謀共毆人致死律絞犯壹名

王詔

會審得王詔與習聲俱淫狎惡少也習聲始私於呂向陽後暱於王詔當偕行瞞目之際向陽不過以戲調激怒而習聲亦聊以掌朴釋慚豈王詔妬心火烈拳脚橫加傷向陽臂囊臍肚而致其死不越宿哉蓋原素習賜打故下手獨重况毆後抽身先退真情畢露乎反覆檢勘罪的詔坐絞抵允宜固監詳決

一起依鬪毆殺人律絞犯壹名 蕭元十

湖湘獻略

卷二

十七

會審得蕭廖二家所爭者雖數畦之地而所構者實不戴天之讐昔廖允禎以踐地嫚罵之故毆死蕭元十之兄蕭仲陳今元十以阻壤割麥之故毆斃允禎之母楊氏在允禎業已絞抵於蕭矣在元十能不償廖母之命乎兩家修怨二死於毆二死於抵正所謂冤冤相報若不爽耶屢審得情絞十允當固監詳決

棗陽縣

一起依因姦謀殺親夫律凌遲犯婦壹口

張氏

依姦兄妻者律絞罪犯婦壹口 沈氏

會審得張氏與其母沈氏各商計姦夫而殺死夫婿馮廷詔審果情真一磔一絞矣詞第廷詔既云沉醉即兩姦夫殺之有餘力何必復糾三人也謀殺事必秘密豈得與多人計之不虞泄乎况一布裙三百錢所值有幾沈廷秋既與廷詔無質首之讐豈不知殺人者死而甘以七尺徇此些微遂鼓行而前遽為之下手也非人情不足信矣淫人固當亟誅疑竇尤宜備察分巡下荆南道須秉公詳鞠務求得情另招報奪

湖湘獻略

卷二

十八

一起依鬪毆殺人律絞犯壹名 房廷國

會審得房廷國忿擊姦嫂之翟貴而移毆於攔阻之翟天受五日而斃一抵何詞第招稱毆係磚瓦亂拋彼天受何不趨避果受重傷何不告驗而自謁醫治之為醫生者又何不明言受傷而止云氣結也不塞辯隙終非鐵案分巡下荆南道務虛心細訊妥確另招詳奪

一起依強盜得財律斬犯壹名 傅趕兒

會審得傳趕兇一獄稱行劫者有三及閱全招止劫羅李兩主而劫余氏原不與也查陣獲之張文良與續獲之任三等俱未供出其姓名祇爲曾假盜嚇詐宋顯林反爲所執耳夫世有身爲盜黨已見群盜之被拘執也尚不晦匿而翻招搖以求入網者乎况羅既無賊李無一獲賊與證俱虛而第取憑於讐口其不足以辟趕兇也明矣分巡下荆南道再一勘妥另招詳奪

一起依強盜得財律斬犯壹名 劉天貴

湖湘雜錄 卷二
會審得劉天貴之糾劫胡崇貴家事發逖名存照案至迫追於吳登鶴之告緝方微倖苟免以投首而詎知訐後不准首乎久逃則賊自費且既已自供又何必論賊獲否有斬而已監候詳決

一起依謀殺人造意律斬犯壹名 陳尚禮

會審得陳尚禮謀產遺糧則謝氏之告原非得已胡忍給之張家灣立斃其命更斷其屍而瘞之野猫溝手閱招幾令人髮豎蕭成節等雖斃獄然謀殺無准抵之條不得於尚禮議寬一斬也監候詳決

一起依強盜得財律斬犯貳名口

陳慶見 李氏

會審得陳慶見以照緝之盜肆惡不悛夥嫂李氏復劫葉文輝家慶見之生布衣衫搜從身畔李氏之木箱膝褲獲自床中物雖微皆主之故物也况婦人上盜事出駭聞足徵慶見一門之不良矣駢斬允宜監候詳決

一起依誣告人因而致死者律絞犯壹名

趙國臣

湖湘雜錄 卷二
會審得積捕殺人甚於強盜如趙國臣者藉以緝盜而誣陷平民羅尚秩等至冤斃園扉者凡八命姦占抄掠者復數家冤暴若茲棗陽天日幾爲慘黑矣即寸斬本犯不足以謝諸冤紆衆怒也其如法窮於一絞何監候詳決

宜城縣

一起依夫毆妻致死律絞犯壹名 劉沛

會審得劉沛逐髮妻黃氏於母家而淫其僕婦且再娶焉至此而黃氏覆水思收亦智之所不出也第黜

婦有律禦人有禮閉戶已甚又從毀裂其裳衣且欲加屢於冠令群僕箠辱之以至於死以若所爲即市并不爲而謂青衿子可爲耶尚恨法窮於絞安容駕誣以徼網漏哉監決

一起依卑幼毆小功兄死律斬犯壹名

范大道

會審得范大道勝矜射覆忤逞魔肱毆功兄范太策着於席間復追毆于家內孟聲未收而燕客且有爲貶者矣酒之流生禍豈不可思哉死者不可無抵衆

湖湘縣略

卷二

主

證已明安得以撞跌脫斬耶監決

一起依同謀共毆人致死律絞犯壹名

宗仲

會審得宗仲假宦僕之勢恣凌弱之兒忿卽必用壹奴之詈既毆之當街復毆於投主雖必用之子長跪求饒而毒拳猶如雨下若之何不隨登魁錄乎助毆固有人而致命下手者惟仲檢審已確絞抵何冤監候詳決

一起依略賣良人因而殺人律斬犯貳名

劉連 陳元兒

會審得劉連陳元兒謀殺張子洪并其長子塾之魚腹而仍略其妻李氏與其幼兒遠鬻之兇慘較劇盜殆有甚也向非李氏過關呼叫貳犯幾爲逸押虎矣今李氏復累斃宜速駢斬以謝三冤監候詳至速決

一起依同謀共毆人致死律絞犯壹名

朱佑

會審得朱佑藉主令跡通遂挾鎖戴飾五戴存狗兒兩毆之而令駢作道傍之骨蓋閱招而至狗兒妻以哭夫投縋傷心哉無罪而就死地者三矣屍檢傷真又有張貴證確同惡之燕良心恨未正法本犯一絞豈復有冤監候詳至聽決

一起依鬪毆殺人律絞犯壹名 陳文瑞

會審得陳文瑞之毆死王朝璣也果由爭取牙用毋執送官又真賄息一絞何詞之與有第朝璣係乞兒果且有餘粒以易柿乎不然文瑞何遽與丐者爭而執手向之也疑一文瑞毋即有所恨於子不救已耳

湖湘縣略

卷二

主

之擒獲不得已擄見待命於官者理或有之疑二白
書通衢衆目共觀果相毆何止以同乞一人爲證疑
三屍親以久病告息縣府俱有詞以賄則必其金錢
足以贖其欲而可件襖斗粟在文瑞告以爲搶屍親
不認搶而第曰未死前彼聊以防吾口也則所爲告
後賄息尚無定執况此所值幾何而可贖一人命乎
疑四今地方范廷學監朝璣久患黃病並未見毆
死亦未常投明且屍傷片片委與拳脚不合既傷證
兩不明白何以定辟其爲搶柿喝逐失跌適死之說
夫安得遽置不察耶分巡下荆南道務虛心訊確另
招詳奪

南漳縣

一起依謀殺總麻以上兄律斬犯壹名

李登孟

會審得李登孟乃李登雲之堂弟互相讐恨而互欲
甘心也非朝夕矣登雲殺弟之語方洩而登孟與李
登霄殺兄之計遂成碎屍焚骸即登雲母跪請不釋

其慘毒豈人間世所恒有哉禍總自胎法難逃抵登
霄雖斃獄終不得分登孟之罪也有斬而已監候詳
至聽決

穀城縣

一起依鬪毆殺人律絞犯壹名 施所守

會審得施所守以債勒楊玉和傭工嗔其轉而之他
途遇而操擔擊之復扭至其家採髮毆之不移時而
殞命有以也夫工限一年明是計日笑債不得與雇
工人同日語貪夫殺人因以殺身絞何足惜監決

一起依強盜得財律斬犯壹名 許天德

會審得許天德之夥劫安嘉謨也名供於陣死申祥
之婦賊起於迫迫奔跌之池盜情不啻確矣乃猶諱
強爲竊冀倖逭一死乎庸知明火縛主自非潛踪掩
取行徑而黨至十六人亦未有穿窬而用衆若此者
也斬無可原監候詳決

審錄下湖南道屬

長沙府茶陵州

一起依逃軍仍依強盜得財律斬犯壹名

龍寶宇

會審得龍寶宇初以案盜賊疑改戍可謂微一生於萬死倖云厚矣剛押至伍携妻遽回不思解網而翻欲漏網豈押解累死之七命冤憤陰焉纏縛不令本犯優游視息于人間世耶大都本犯為盜造孽及就擒而拒捕兇惡貫盈數難逃斬今查例蓋絕無有毫髮可原者監決

長沙縣

一起依強盜得財律斬犯伍名

湖湘誌略 卷二

五

夏興禮 黃正時 黃興相 夏文賜

萬邦恕

續獲壹名 夏興仁

會審得夏興禮等夥劫多家諸無論已即復劫劉正達一家燬鼻燒脚洗擄貲財舉正達等四命盡付之灰燼中雲焰滔天真賊皆獲分別梟斬應自無說若萬邦恕者共賊未析情似可疑然黃興相亦與邦恕共賊在與相無疑在邦恕何所據而疑乎且邦恕與禮等同時被供同時成擒執此論辟已無可解第今

密係應捕李貴峻攀彼時邦恕具告府縣若果為真

當查原日詞狀可也不然恐猾盜倖脫仍監候恤

題明文至日行至夏興仁之誣誠哉冤也盜首陳明

乾被獲之初與興禮等既獲之後並未供報興仁姓

名惟續獲族盜夏興賢始攀及之彼希賢所攀王東

秦等皆審係讐誣獲釋豈興仁獨非讐攀乎且興仁

之妻徐氏亦曾到官供稱夫係打魚即當時刑審之

下尚爾如此供報則興仁之非盜槩可見矣况興仁

獲在七年之後若果為盜七年間能不竊一物犯一

湖湘誌略 卷二

二十六

事乎即今猶然耕佃肯坐而待緝乎各盜皆為稱冤

固不足信然未有無賊無證遽可以論為盜者似應

釋放以恤無辜仰府再一覆詳報

瀏陽縣

一起依強盜得財律斬犯壹名 劉丑

會審得劉丑白晝夥劫過客劉賢九等軟血齊兵攔路射打腰纏盡遭剽掠足跡幾斷行人幸而糴穀之白鏹可疑身上之黃金翻露縱以妻姦留為辯實然和買益顯真情互質既明領賊復確一斬寔無可原

監決

一起依強盜得財律斬犯貳名

王齊牙 高明鏡

依簡主分贓律斬犯壹名 吳二

會審得王齊牙高明鏡鳩聚亡命連劫多家先後被擒多質吐實其與吳二之職悉經主領駢斬無說矣乃吳二以衣冠之後為盜賊之輩自定不檢非有能陷之者悔無及也分贓無異眾強殊死合同二辟監候催詳報決

湖湘獻略

卷二

二十七

醴陵縣

一起依謀殺親夫律凌遲犯婦壹口 劉氏

會審得劉氏以狐媚貪楊周七之苟合恨親夫豐朝陽之阻絕也商姦夫而鴆之酒力弱而雷槌三擊面骨如糜傷哉遽化異物矣豕縛而棄之舍領李晚保見去逼真茅天壽尋來尤確况鴉鳴犬吠此其間想有神焉使速泄其事也姦夫豎斃婦磔嫌遲已固監詳至報決

一起依謀殺人律斬犯壹名 賀志儒

同招犯人壹名 朱綠

會審得賀志儒戀姦周氏因妬胡甲保之侵姦奪愛也不翅眼中之屑矣故乘譚海濱祝融之灾而借捕朱綠設擒賊之計帶甲保於冷舖嶺打斷兩足野猪坡殺訖八刀驅逐昇屍喝令傳送不有楊楨槐藍獲送縣則謀殺之情幾為掩覆而橫道死人沉冤誰為之白耶斬無足矜照舊監候詳決朱錄即未加功鼠毒既為發縱况殺人何事甘自與謀論絞原非周內改徒殊失不經但恤題未示仍應候 明文至日

湖湘獻略

卷二

二十八

行

湘潭縣

一起依故殺人律斬犯壹名 劉大僖

會審得劉大僖以爭田挾忿刺刃於劉金衣之腹令其腸出慘死即其垂危訣父之詞真有令人耳不忍聞者僖之罪孽可勝誅哉乃賔晚不得而再殺僕伏留以圖抵塞以一朝之忿而致兩人于死地愈狡愈拙而辟案愈不可解矣一斬尚有餘恨監候詳決

一起依謀殺得財律斬犯壹名 鄧興葵

會審得鄧興蔡操舟攬載伺便行謀匪朝伊夕矣其利趙佐二囊中有物而孤客易與誘使盪漿推溺江中意謂必殞命于波臣詎知得生于浮水迫登岸一鳴人賊并獲誰謂暮夜無知而活口之留非天也耶此獄不但厚誅其有必死之心而返掉得財業同強盜况趙佐二以此拖累客死異鄉本犯尚欲駕言失足以翻此萬無可解之案也得乎監候聽決

一起依闕毆殺人律絞犯壹名 陳坎

會審得陳坎之於周允滔也原無深讐宿忿祇啣勸

湖湘獻略 卷二

二十九

解之不從逞兇毒毆致死限內此皆兇奴一時狂逞於主人翁實不相蒙也若屍親首告陳九州不過利九州之財而居為奇貨遂不問其行兇之頃九州知與不知耳歷審得情絞寔不枉監決

一起依強盜得財律斬犯叁名

劉本倫 劉一恕 劉本位

會審得劉本倫劉一恕夥劫文時科家傷人焚屋兇焰甚彰各獲真贓俱經認領駢斬毫無可疑惟劉本位賊無一獲而未獲之賊下落都未究出初審稱寄

劉國棟竟不拘一質對復審稱付伊兄本倫收藏而本倫止認花費通未見有實據也尤可疑者初獲湯彭寵原未供報本位姓名止續獲劉一志始攀位與周邦儒而今邦儒以審係讐攀獲釋矣本位因兄本倫為盜而并坐重辟夫兄弟固有濟惡者而亦未始無異行者辟盜當以賊不當以種類論也賊證既涉疑似終不容不一勘以服其心暫疎枷仰府再一細鞫另詳

一起依闕毆殺人律絞犯壹名 蔡時念

湖湘獻略 卷二

三十

會審得蔡時念始以易九衡逋負租穀而拘執之于其家繼忿語言不遜而肆毒毆及見垂命用腳帶勒死以作縊痕此誠強而且狡擬以絞辟委不為枉第招中尚有一二疎漏如謂街民湯嘉訓目擊其打不能勸阻即行回訖是矣乃隣人易承恩等既耳聞踢打慘聲不入門一觀望乎即承恩等復以鄉隣有聞雖閉戶自無不可然勒死之時豈本家無一應門童子獨時念一手一足寂然如刈草乎此等疑實不容不一勘破仰府再一訊確另詳

寧鄉縣

一起依威力制縛人拷打致死律絞犯壹名

范祖章

會審得范祖章承拘魏真一即其男魏仁一可鎖乎即不服可毆乎已卧地不能起復脚踢之且擡扶不能行尤掌擊之必氣絕而始散也有同鎖之徐大志始終目覩又何必他訊哉絞抵毫無虧枉監決

益陽縣

一起依強盜得財律斬犯壹名 谷進祿

湖湘獻略

卷二

三十一

會審得谷進祿夥劫肆霄賊半起認斬無辭矣但辟盜以賊招開本犯劫余戴兩主俱有分受及查所劫余時錦賊物纖毫無獲即該道亦止云劫戴曰上一家耳然曰上紗衣三件俱從寄主陳邦賢處起出豈真有色相號記而的知其為故物耶且失單遞於領賊之後見物開物事主得無然歟招情微覺可疑大辟不嫌細勘况此獄填圜已多必虛鞫本犯始塞後實仰長沙府再審確招毋枉毋縱另詳

湘鄉縣

一起依強盜得財律斬犯貳名

秦汝明 劉二

會審得秦汝明以異籍遊徒烏合為盜其劫譚朝邦家鄉主掠財強狀甚著鄉兵尾跡當陣首擒盜情極真斬刑允當劉二藏伏山中二日竟為牧豎所得此雖心虛膽怯足不能行抑亦天補其魄以速之于法耶祇內衣裙既經主認併置于辟又何足矜監決

一起依卑幼毆尊屬死者律斬犯壹名

李應朝

湖湘獻略

卷二

三十一

會審得李應朝以戴奉麟保欠此須米價遣人登門辱索不啻橫矣李氏恃堂姑而往論蓋不虞其兇性勃發移怒狠毆也夫以女流脆薄之體鷄肋何足以當尊拳况復助以應偉哉檢傷骨折三條犯分合當一斬催詳報決

一起依同謀共毆人律絞犯壹名 盧承信

會審得盧承信以通糧而累里長情已不堪况惡其押保追攝則擁眾拒捕毆左繼湖死干登時狠矣再槌死家丁盧承宗以晷抵賴則忍而又狡矣且也行

拘之沈正曜見殺而借手之胡紹祖道亡遺骸忿禍
一絞猶令人有餘恨監決

一起依闕毆殺人律絞犯壹名 余興貴

會審得余興貴以衙役狂逞蓋非一朝夕矣因彭祖
敏糠批中目若撻市朝乘醉怒毆斃于頃刻胸膛腰
肋皆負重傷而李勝定等之證俱確即末驗骸骨不
全是否本犯賄買棄置總於與貴已定之碎案不見
加損也絞抵畢竟無辭監決

寶慶府

湖湘雜略

卷二

三

一起依強奪良人妻律絞犯壹名 劉希孔

會審得劉希孔志在刼婚閉不畏法當黎氏府斷屬
唐業已兩月為良人婦矣豈得復睥睨之顧矚其歸
寧要於路而奪之匪據占七日直待告發而始放耳
此其強暴侵凌之狀度非汚此婦不止况婦人陰失
節而且陽為蓋孰有粹然無瑕之身而肯自溷以溷
人者哉今氏含羞含怨其多露之沾就謂讐口
亦腐心切蔽義所得讐也婦人失節非小春秋誅
意甚嚴欲樊圃以惕天下孔一絞非過監候詳至

聽決

一起依同姓親屬相毆致死律絞犯壹名

李應龍

會審得李應龍不過首領衙一積役耳李春亮其族
叔也始以伐木訟之本官繫拘一到狂逞肆行明恃
鼠猶之眠顯為虎狐之假春亮第鼻息以拂而手足
雙飛畢其命於隔宿矣嗟嗟兩造未平而身先就殞
兇悍顧不甚哉以致湯應鳳見不敢救此非其藉勢
逞威之恭耶絞其何辭監候詳決

湖湘雜略

卷二

三

武岡州

一起依孫殺祖律凌遲犯人壹名 周尚義

會審得周尚義乃周廷影之子周文松之孫也當廷
影輕易誣執隣人而不為諫阻此已濟惡不才矣從
亂命而讐義方持撻助毆使垂白王父重傷殞命豈
非悖逆窮兇古今大變乎子殺父蚤迄天誅孫弑祖
遲留人世其何以正綱常而申 國法哉速礫為當
監候報決

一起依強奪良家妻律絞犯壹名 鍾必成

會審得鍾必成貪贅鄧氏而強之不從至於截髮批
照可以已矣乃率眾強擄姦占三日此等淫兇世豈
恒見謬稱易崇明為媒與僧海涵罵約而偽窮真露
則頂名者鍾子舜代筆者又係范虹洲也傷嫠婦殞
節於半途可令淫人令終於牖下乎絞誠當辜監候
聽決

一起依尊長毆卑幼致死律絞犯壹名

王廷松

會審得王廷松先以刦掠擬斬辯釋已屬漏網顧不

湖湘獻略

卷二

三十五

悔禍之延而以爭田小忿狠毆功弟王廷櫻死於越
宿覆檢則重傷種種歷審則眾口鑿鑿况行財是實
抵命何冤然一絞聊足以雪地下之冤而不及正當
日之盜案迺斬得絞廼令全其首領以沒惜哉惜哉
監候聽決

一起依謀殺人從而加功律絞犯壹名

蕭子修

會審得蕭子修倚倖虎踞黨父鳴張乘李苞興略賣
事露輒敢整捲其財而擄其妻鬻其女髡逼為僧而

又戕其命燬其屍及差役拘提復擁眾而拒捕兇慘
異常一絞猶有餘憾監候詳至聽決

一起依卑幼毆總麻兄致死律斬犯壹名

李宗仰

會審得李宗仰為李春曉總麻弟忿因爭水而毆斃
春曉其兄死者已不能復生兇由懼抵而逼縊譚氏
其妻生者復至於死夫毆可以縊抵乎無故殺妻不
又多一命乎惡之極亦過之極也兩命斃經一手一
斬聊抵二命夫復何辭監候詳決

湖湘獻略

卷二

三十六

一起依弟謀殺父兄律凌遲犯人貳名

蕭鳴珩 蕭應節

會審得蕭鳴珩暨兄爭產商兄子以殺兄蕭應節怒
父納婢黨父弟以弑父既拷而且吊弟之慘不減於
子阻救而禁解子之忍又甚於弟可恨哉真有言之
穢口舌筆之汚簡牘者吳氏之搜出政天之欲白幽
冤也礫可緩乎監候詳至速決

邵陽縣

一起依強盜得財律斬犯叁名

龔諧九 彭興朝 李福雲

會審得龔諧九等瞞陳良宸父子夫妻會飲于謝世寵之家紅紗蓋面馳驟於白晝大都之中酷拷陳氏之金儼如責券兼搜謝家之積宛似封抄種種強梁橫肆之狀總非尋常目見耳聞所有也幸而灰犬洩機惡鯨入網賊獲主認駢斬匪虧監候速決

一起依謀殺人得財律斬犯壹名 劉世閑

會審得此一獄也主謀弑親殺弟者雖係鄧添銘與已決之劉世梅乎然無世閑諸兇以為之黨助未必

湖湘獻略 卷二

三七

能遂也况賒猪而出門或為誘之使去晒布于後屋孰教負之使歸且戶長盤詰初尚支吾藉口首明原非情實歷審無疑一斬不枉監候聽決

一起依謀殺人致死律斬犯壹名 羅才濟

會審得羅才濟一門獍獍即犬豕不食其餘白晝而沉羅文祿父子三人矣黑夜而絞羅廷茂叔祖一命矣豈草菅可刈耶雖造謀弑逆由文福諸兇而濟惡厚毒多才濟下手文福等蚤填園土未及挫屍為恨惟速斬才濟以殉庶足以洩幽冤而昭明憲乎監候

即決

一起依同姓親屬相毆律絞犯壹名 曾大阜
會審得曾大阜懷族叔曾廷錦證姦之忿瞞其秉耜獨耕商父帶鋤索毆一鋤奮擊兩鎌俱斷雖廷錦之死阜父亦與有力然鋤頭骨斷之傷實出大阜之手反欲諉之於父則既冒殺人之罪而又有死親之心殘且忍矣絞復何辭監候聽決

一起依謀殺期親尊長律凌遲犯人壹名

李榮金

湖湘獻略 卷二

三八

會審得李榮金乃李榮本的弟也乘兄應伍而據產鬻嫂固已薄視同胞矣迨榮本歸來子處愆起於乾餼而聲言析箸詎料輒挑榮金推刃惡念哉醉以酒而殺之屍雖藏乎牛欄臭已聞於通族卒之黑夜移埋旋為李榮利等所獲誰謂兇逆終能漏網耶似此兇逆磔遲矣監候詳至報決

一起依強盜得財律斬犯陸名

徐鳳訓 唐興四 唐富 唐興三

王志大 王秀喜

會審得徐鳳訓等嘯聚亡命強竊有年當劫向才栢王興貴二家如鳳訓等五犯獲賊雖微起認甚明駢斬自無可疑惟王秀喜一犯招稱行劫兩家並無一賊在案且就擒最晚中間執于何人獲于何所以及平時之生業果否為鄰所共棄皆自有不可不知者盜難輕縱而疑似不可不照破仰府再一覆審另詳

一起依闖毆殺人律絞犯壹名 王明委

會審得王明委因娶妻禮銀不足而托姊夫李穆代

湖湘縣略

卷二

三十九

為承認嗔其不允而兇毆之而穆六日告斃矣夫急于得妻而勇于殺人即有妻將誰屬乎據檢則頭顱咽喉皆有重傷據證則不獨黎興大等即姊王氏不為諱也本犯將何辭以這一絞哉監候轉詳報決

新化縣

一起依闖毆殺人律絞犯壹名 王苟即

會審得王苟即以失起怒兇毆袁開即斃之檢審既明絞抵何說但招查首即與開即皆童奴釋子始而相戲繼而相毆不意開即失跌坎下則其初原無

致死心况苟即之年一耳既曰十四又曰十八又改十六何無定執耶跡有可疑情亦可憫仰寶慶府再虛心細訊固不可泥成案之難更亦不可越真情而故出確勘另詳

一起依殺總麻叔圖賴人律斬犯壹名

李文豹

會審得李文豹以忿李廷鑾之允贖田輒謀殺服叔李必梓者以為圖賴枕下搜出之斧血跡猶鮮同往獨回之踪妻供甚的支吾無定之語益顯情真一

湖湘縣略

卷二

甲

斬何說之詞監候詳至聽決

一起依強奪為婚律絞犯壹名 鄒秦然

會審得鄒秦然藉父亂命圖娶故弟聘妻擄搶入室嚇勒成姦夫弟雖未婚而名分自在何娶不可而敢於敗倫若此於禽獸奚擇焉矧致女父抱忿投繯即兄斃父徒總不能寬本犯宜潘強奪之絞也監候詳至聽決

一起依姦兄子妻律絞罪犯婦壹口 蘇氏

會審得蘇氏戀姦夫叔周必秀密約私奔乘夜長往

以致周宗法等躡其後而敵關中流不踰時宗法與必秀兩登魁錄矣夫賈倫宜涯已饒死道矧復致死

者二絞再何說監候詳決

衡州府

一起依謀殺得財律斬犯壹名 秦大吉

會審得秦大吉與已故唐大瑚陽為標舟攬載陰則謀殺掠財羨陳少溪之囊資知孤客之易與深夜放船設酒使醉斧槌橫屍縛沉江底俾異方逐末之人湖湘讞略 卷二 四十一

曹不得還塋域中吁可痛哉幸陳良苟仔以拐情被拘即驚疑事發吐出大瑚等謀狀而瑚且輸情斃獄矣其於同舟共謀之大吉又寧有纖毫枉耶屢審情真肆市允當固監聽決

一起依夫毆妻致死律絞犯壹名 程奇偉

會審得程奇偉以貧病忤意之小故狠毆張氏死不移時擬以絞辟誠不為枉第初審奇偉謂有妻汪氏子岩壽今果爾蒲伏公庭代為泣懇豈伊妻若子皆為造作之人乎且張氏若果為妻何待妾焦丑富金

步然高卧於樓而張氏反為庖丁之餘乎冠履倒置未必若是今該府謂張氏先賣於娼有卷可據如有此即奇偉至昏恐未必娶為正也人命固當重妻妾之名分又不可不正仰府於妻妾處再一研審的確另詳若汪氏有詐冒即將汪氏重究報

一起依監臨主守自盜庫藏律引例充求遠軍

犯人壹名 江秉价

追贓家屬壹名 江萬清

徒犯壹名 楊春舉

湖湘讞略 卷二 四十二

追贓柒名

伍信 胡應价 彭學新 龔萬宣

郭祖栢 龍天笏 李正道

會審得江秉价以猾吏而侵帑金數近二千篋視三尺極矣乃追贓十年延累無辜賠完尚欠二百有奇此誠公府之蠹而私家之害求成豈其苛哉欲以完贓改擬藉例倖脫是縱奸而誨之侵也可乎速行僉發勒限家屬完贓其楊春舉等未完贓銀嚴行追併不可容湏更待也完日併報

一起依投匿名文書律絞犯壹名 蔣典

會審得蔣典保領逃徒胡宗倫逐之出亡而奴其子鬻其妻已且假胡糾糾之名誣告百人指詎多金此其滿腹皆殺人之機以匿名論絞誠得春秋誅意之法矣但律言隱匿二字是避已之名以攻人之惡本犯以糾糾合名告周方桂打死伊父則典自載作證而糾又奴隸其家夫安有名在詞裏身染事中彰彰然頭面盡露者尚可謂之隱姓埋名潛形避影者乎况糾當兩造置對時明指爲典佐使則發縱指示人

湖湘讞略

卷二

四十三

衡陽縣

一起依故殺人律斬犯壹名 陳尚賢

會審得陳尚賢淫人之婦已自無良至羅氏以醜暴拒絕此亦婦人愧悔自新之道賢顧忿其不從而拳脚交加迫羅氏撻其子以避又用利刀趕上三斷其喉至斃登時即幼男奪刀帶傷本犯刎頸求死真

情畢露論斬又何詞耶夫借姦夫之手以殺姦婦又借姦婦之屍以殺姦夫無亦天之所以禍兩淫人以風世也乎監決

一起依夫毆妻致死律絞犯壹名 謝仲遷

會審得謝仲遷戀姦義嫂胡氏而威逼義兄以投繯斧擊髮妻以圖抵兇哉遷也何爲一尤物而斃兩命於非辜耶即威逼義兄律無償法而敵體之妻被其慘死則有難爲之解者一絞聊抵二命監決

一起依鬪毆殺人律絞犯壹名 陳宗曆

會審得陳宗曆謀捉弟婦之姦夫而誤扭同行之劉世能靴踢折骨斃命三日石袖春等報證甚明本犯備棺可擬世能何冤而雉罹於羅宗曆何愚而視殺如戲三檢既同一絞不枉監候詳至聽決

一起依威力制縛人致死律絞犯壹名

徐應林

會審得徐應林以白役騙詐猶曰衙蠹之常態至原票無名之萬銳而一槩追呼拷索五錢不厭復帶私家不鎖禁絕其飲食兩日而斃是勾攝之爲禍何烈

湖湘讞略

卷二

四十四

而衙役之害人何慘也授一飯而不能下咽其燦之矜惻已甚經三檢而著重傷李允盛之見毆充真本犯即百口橫生能脫此一絞哉監候詳至聽決

朱賢明

一起依謀殺期親尊長律凌遲犯人壹名

會審得朱賢明懷周仁政洩盜之忿遂糾兄合毆於戲場斯時觀者如堵眾為不平而執兄送堡蓋明知素行之不良而兇暴之過甚耳及賢岱下獄賢明應伏罪悔禍之不暇乃計不出此而毆死雙瞽之叔托

湖湘雜略

卷二

四十五

言看戲以圖抵賴不知矮人觀場尚頻笑由人而瞽目無知戲臺下胡為乎來哉此事理之最不足信者其為賢明謀殺萬萬無疑作盜者性必兇此又其大較也檢審已真速礫為當監候詳決

衡山縣

一起依強盜得財律斬犯貳名

陳亨美 陳亨善

會審得陳亨美陳亨善鳩聚亡命實繁有徒其夥劫向春德也殺婢戕父焚焚擄財強狀孰有甚焉乃鄉

兵四集追捕猶然操戈抗敵賊雖死貳兵實斃三其猖獗之勢為何如哉賊獲而人繫園中尚欲反獄奪門為出柙之虎若非兵殺緊追立時就擒則吞舟之鯨不起掀天之浪耶宜速懸首藁街毋令久延福堂再萌異謀也固監聽決

一起依強盜得財律斬犯貳名

李鏡 湯希明

同招改杖犯人壹名 趙榮宦

會審得李鏡湯希明之夥劫陳澤也姓名供自同徒

湖湘雜略

卷二

四十六

賊仗起於家藏衣鞋雖微原物主認此駢斬之應無辭者惟趙榮宦警叔趙安與失主陳澤同居因而假手栽誣鍛鍊成獄業經駁審至詳委應昭雪以恤無辜仰府准其保候仍照原行具詳按察司詳院以便候題

一起依強盜得財律斬犯叁名

宋希略 龍未保 羅子保

會審得宋希略之夥劫李開美也傷其人擄其財併其房屋牛猪悉付之煨燼下手雖非希略實亦在場

助惡獲賊主認斬復何辭若龍未保羅子保二賊原非以犂牛之父而及之也蓋同徒被獲之初即供其名贓物或出於親嫂或出於親母皆有的據誠非誤入訊者或以布衣尺寸致疑弟未保除布外尚有耳塞子保除布外亦有銅鑼且先與伊父掛名盜案則後來同盜萬萬無疑二犯賊證俱明雖欲曲為之解不可得也併斬不冤監候詳決

未陽縣

一起依夫毆妻致死律絞犯壹名 蕭興桐

湖湘雜略

卷二

四七

會審得蕭興桐與楊氏反目已七年其不樂有楊氏也非一朝一夕乃乘賀廷植告父騙租之忿輒假計給楊氏於深山拾石亂擊以圖抵賴若謂此一舉也所告者有抵素所不相得之婦又可除矣詎意窮谷暮夜竟有蕭正明聞聲赴救因得少留三日訴出兇謀而後瞑目於公門之外豈非天歟見毆有人屢檢有傷冤人之言如在本犯之絞奚疑監決

安仁縣

一起依強盜得財律斬犯叁名

伍回保 虞則桐 虞則樞

會審得伍回保等夥黨多人初劫朱朝鳳掠財傷主強狀已著復劫李尚行也殺傷舖兵其兇更甚矣問官初欲以竊盜解網然而盜獲九人賊經主認此豈偷兒行徑乎蓋盜至數人即當以強論所獲九人事皆非虛即亦傷主難以曲原也駢斬不枉監候詳決

常寧縣

一起依謀殺人得財律斬犯貳名

李金孫 鄧孔聖

湖湘雜略

卷二

四八

會審得李金孫鄧孔聖皆走方惡類探知魏良臣之橐裝謀勸夫婦沉酣而俱擊死舟內投之水中囊金已屬瓜分妾女盡為姦擄賊之慘酷雄強如此哉向非伍氏之怨言聞於明金之耳則殺人之賊不幾於晦跡耶伍氏活口尚在二犯駢斬何疑速詳報決

臨武縣

一起依因盜而姦律斬犯壹名 張思講

會審得張思講與已故劉彥栢等白晝奪搶張魁費金因彼遁跡而追至王禮全家忿其從後逸去輪姦

禮全妻張氏擬以斬刑似不為枉弟閱招情尚有可疑夫彼時擒獲者劉彥栢也當彥栢供吐賊黨並未報有思講名目祇彥栢死後而思講具告人命遂審為同盜人也其質證思講之罪者以張氏獨指先姦識有陸指又以思講繫獄之時用財賄買弟陸指之說既不言於行劫之初又不言於彥栢報盜之日直待思講出官見指而云指耶至繫獄買賄一節亡論思講原為挖坑之夫誰肯允其借貸即彼以盜情繫獄之餘安能立一虛約於周禮處而禮遽肯聽從仍

湖湘雜略

卷二

四十九

藍山縣

一起依謀殺人得財律斬犯壹名 黃鳳朝
會審得黃鳳朝盧氏之瓜葛親也盧氏老嫗耳竊金顧子背其夫而逃固自有死道第鳳朝給從間道以石塊擊斃而瘞於岩勢之間攘其金而去之蓋自謂深山窮谷為謀最密抑孰意芸草之黃馮李宗智已

先覺其行跡乎黃稿之銀封一出鳳朝之公案遂真辟斬允當固監聽決

一起依強盜得財律斬犯壹名 王得武
會審得王得武崔符巨寇水陸兼行即其夥劫羅添恩家網縛事主加以白刃此輩何等雷焰而謂十四歲稚子能附其末行哉起有賊銀經主認領成獄二十餘年偶因同夥以年老倖出本犯遂藉口年幼求生不知匿年減歲猶舌難憑已經覆勘詳明擬斬良不為枉監決

湖湘雜略

卷二

五十

永州府零陵縣

一起依藥毒殺人律斬犯壹名 陳用
會審得陳用以無賴遊徙假宿於朱壽庵中瞰老僧他往置毒鍋內意欲并真明真法而謀殺之捲其所有人莫予知而不謂神靈陰殛明幾法甦吐出受毒之狀知為陳用旋行追獲見搜之餘藥足憑屢檢之黑傷有據手筆明甚斬復何辭固監聽決
一起依鬪毆殺人律絞犯壹名 廖承恩
會審得廖承恩廖承惠兄弟之毆死苟應舉不待言

矣特下手致命者先以承惠復以承恩前後情詞矛盾終不能不令人疑招稱承恩承惠一以應舉誤咬其耳一因應舉以姦情實其積恨不等而激怒實同第承恩傷耳之時即能忍痛行兇未必遽能殺不傷之人若承惠以無恙之夫又兼兄與應舉交扯之會從中毒毆其力充易王知縣初審之詞既未必無據李推官覆審謂弟請托之說亦豈盡無因種種疑竇似非確案仰府再一細審另詳

一起依謀殺母已殺者律凌遲犯人壹名

湖湘叢略

卷二

五十二

蔣興伍

會審得蔣興伍真華人夷性人類獸行者哉夫搶堂兄蔣興曼之禾而又毆之已無法矣乃復毒死親母而扛懸伊家毆斃兄命而併懸捏縊何物興伍兇狡乃爾屢檢毒毆傷真歷審蔣世訓證確是尚可令一刻視息牖下耶宜速正磔刑監候詳決

祁陽縣

一起依謀殺人得財律斬犯壹名 周佩
會審得周佩以舟子而攬載貢士李鶚舉也瞞其囊

厚輒操不軌因僕胥怨乘便合謀縛於夢寐沉屍江流瓜分囊橐掉舟而去此其慘毒孰有甚焉閱爰書令人掩卷駭歎蓋鶚舉半生燈火晚景崦嵫一旦為群兇所謀桂奴生前之供已明賊佩舟中之賊更的安得以李仕在逃而為之緩湏吏之死哉斬不容遲監候聽決

一起依謀殺夫已行者律斬罪犯婦壹口

饒氏

會審得饒氏與周秦一久姦情濃其私裏知有姦夫

湖湘叢略

卷二

五十二

而不知有本夫也非朝夕矣迺因夫酒後狂言偕謀行設假盃酒之談笑寓弋矛之狼毒秦一操刀相加氏輒塞口燃臂若非隣佑賜門喊救則友順不幾為地下之冤魂耶當夜同逃罪狀顯白姦夫已斃斬婦猶遲若友順改口為氏乞命則全無丈夫氣已淫毒之婦敗倫傷化顧可留之以穢此兩間哉監候聽決

一起依誣告人致死律絞犯壹名 劉東梓

會審得劉東梓乘李添時之被劫覬周巡檢之懸賞竟捏首誣良冤斃五命雖首首未必死而死者實因

於首伍魁叩憤一絞何辭監候詳決

一起依強盜得財律斬犯參名

呂大登 鄒尚憲 陳子芳

會審得呂大登等與故盜敬紹星等夥劫彭應星家擄財禦畜殺人焚券兇慘已極黨實無異此盜情之逼真者各斬何枉若緣恤審致疑而欲以無賊寬之則故盜之供吐豈是讐攀鄉隣之公舉反得為良善耶縱賊有分不分之別而強盜只論同行得財何必拘拘入已然後謂之得手揆情殊無可矜論法終難

出死監候詳決

卷二

五十三

一起依鬪毆殺人致死律絞犯壹名 李成光
會審得李成光因廖清折齒稟官責兄李成龍遂不勝忿怒手持棒捶登門索毆迨廖成栢出戶看視而適會其兇鋒舉手立斃陳氏向前救夫亦被推跌水中十日之間并登魁錄子以解父之危而被毆死婦以急夫之難而致病亡傷哉二命可無一抵耶擬成先以下手致命之絞終不能為之曲解矣固監詳決一起依強盜得財斬罪近審改杖未允犯人壹

名 陳學遷

會審得陳學遷之獄以賊論之如戒指賠於穀主是矣若榻段之長衣起於父室白布之衣起於本家今盡謂出於追賠似又不足信也惟所疑者本犯之名字供自時亮之口時亮之盜未必確則學遷之情誠可矜仰府再查時亮原供幾盜果否盡屬誣攀并拘失主人等再一確審另詳令無枉縱可也

東安縣

一起依鬪毆殺人律絞犯壹名 徐美

卷二

五十四

會審得徐美以一錢之負索之通衢則胡漢一火以惡聲至也亦無足異輒爾憤逞兇威拳擊耳肋膝挺腎腹致斃命於三日勸救有人扶歸有人固有不待檢而辟可定者矧三檢傷真乎吉天祥迺於成獄之後不得藉口展辯以逖應抵之絞也監決

永明縣

一起依鬪毆殺人律絞犯壹名 何三

會審得何三之毆死義英也原無睚眦之隙亦無一面之識祇以拾筆立索不還彼此嚷罵乘醉交毆義

英力弱者死何三力強者存此必然之理必致之勢也。不則童倉官跣足而驗視何爲處伍百文之樂錢且義英載舟而歸一見伊妻止能強說何三貳字其情已無可疑而况屢經檢審手三之一絞似無枉矣惟是恤部添有陸疑之說恐不勘破終爲實耳仰府再一查審另詳

郴州

一起依強盜得財律斬犯壹名 王松

會審得王松附大盜李壽兇行劫得財姑不論已即

湖湘獄略

卷二

五十五

其殺戮人命墜於魚腹擄人妻女任意輪姦已廢所欲復賣爲娼鳴冤者八主面證者六婦閨招至此髮上指冠本犯罪通於天即決洞庭之波流惡難盡寸斬市曹猶不足以洩神人之憤也監決

一起依鬪毆殺人律絞犯壹名 周之楨

會審得李春芳之死初與胡繼週相戲傷未有也既而向張惠索值扭扯雖久猶能尾而逐之傷未重也祇因周之楨中途攔抱春芳竟不得一指加於張惠遂忿向之楨一掌楨遂回踢一脚適中陰囊登時伏

地生員李春華明知弟之傷重由楨一踢之力也故稟州即扭之楨而續告亦首之楨使楨非情真理屈安肯臨危而調治既死而備棺又初審即自認陰囊之傷乎此至直捷易見即之楨有百口不能辭下手致命之絞也監決

永興縣

一起依強姦律絞罪犯人叁名

周承攀 劉廷俊 王問臣

會審得周承攀等皆極惡虎捕也承差拘攝歐氏詐

湖湘獄略

卷二

五十六

盜搜檢財物令隣民閉戶莫敢嚮邇較之強劫殆有甚焉乃又鎖押少婦黃氏於荒山僻室輪姦肆日草爲盡赤哀求不放直待伊父賣田而後贖回天下兇惡固有如此之甚者耶擬以絞辟猶未痛快人心乃訊者重好生之心曲爲解說蓋不知姦淫之徒法所不赦若不按律擬罪則狐鼠之流可以依憑故犯而不死矣三犯應照原擬監候詳決

宜章縣

一起依謀殺尊長律凌遲犯人貳名

譚代遊 譚代巡

會審得譚代遊譚代巡之謀殺譚世信也始以姦生之醜而詎其財繼以事冷之言而懼其告遂兄弟合謀邀截殺之寺門埋之沙洲即世信淫污亂倫饒有死道而殺入於觀音古剎原非姦所事起於討銀聲告實係謀情弟忍於忘兄侄忍於殺叔而嫂與姪婦又皆宣淫無忌是何穢逆之種盡萃譚姓一門耶審檢父明駢磔為當監候詳決

桂陽縣

湖湘錄略

卷二

五十七

一起依因姦謀殺律斬犯壹名 何傳錦

同招絞罪恤審矜疑犯婦壹口 郭氏

會審得何傳錦之謀死吳萬福也姦之與否且亡論已即傳錦與萬福同居種藍同住伐樹獨萬福死於山箐無一證見而傳錦負屍歸遂謂由樹壓而斃若果樹壓當至骨裂碎身何為陰囊反受重傷而頭顱皆為白色耶况傳錦一夫之力何能移樹起屍又何為不於彼時急喚地隣往看耶且如果未謀殺緣何不挺然出對而旋即脫逃耶故曰萬福之不死於傳

錦之手不足信也第郭氏初未與傳錦同謀死後亦未與姦夫偕逃情果可矜已經恤部具題應候明文至日行惟是郭氏一脫之後而傳錦不無藉口飾辯則死者之冤何以昭雪乎仰郴州再一設法體審確招另詳

審錄湖北道屬

辰州府

一起依故殺律斬犯壹名 王才貴

會審得王才貴與張丫二皆李氏姦夫也才貴途姦

湖湘錄略

卷二

五十八

李氏而丫二之來亦適然耳顧啣驚散之忿既棍斃矣復繩屍斷首而藏刀李氏篋中是何兇狡之甚亦母欲併陷李氏於死地乎今刀之獲于背篋者既本犯自供首之起於木孔者又本犯親指而被挾縛屍之楊隆復證不改口斬償復何辭焉監決

一起依搶奪人財物傷人者律斬犯壹名

石應龍

會審得石應龍以土舍竄入苗穴立寨潛居分班出搶不第楊子先等被傷被奪而鍾自寰竟以往耕為

斃三創之下豈其物色蹊牛而忍心於人命耶兇貪已甚斬久服辜監決

一起依偽造諸衙門印信律斬犯壹名

段友仁

會審得段友仁贗雕衛印假立批文頂差解以誑取裝貼真軍健中之膽可包天者况批從身出印自家來翻刻已同斬碎焉枉今有以印批何敢投衛中途不發收官置疑者徒為鯨開漏徑耳監候詳至聽決

一起依強盜得財律斬犯壹名 龍朝陽

湖湘獻略

卷二

五十九

會審得龍朝陽叛漢人苗糾苗掠漢其夥劫蔣戴兩家也戮斃者二擄去者三復舉茅舍付之祝融惡孔熾矣陳天朋之認甚真青長衣之賊最確且誨苗之罪更重於苗犯斬復何詞監候詳至聽決

一起依強盜得財律斬犯壹名 方可興

會審得方可興逃蜀流楚背漢潛夷蓋四方之亡命而以苗為歸者其糾劫鄧天榮弟兄不第罄掠其財而且生擄其人致鄧天真猶陷身穽穴中豈非化外之兇向微為乾哨諸兵所物色誰能探虎窟而俘

之耶極負之賊已著事主之認更確一斬何辭之與有監候詳決

沅州

一起依強盜得財律梟斬犯入壹名 譚必文
會審得譚必文之夥劫山僧林明聰也擄罄其財擄斃其命負賊旋入窩家酬福後為分俵不知神所必吐卒就擒俘其起存偏衫銅鈴一一皆僧人故物盜情極真懸首何說監決

一起依強盜得財律梟斬犯入貳名

湖湘獻略

卷二

六十

龍老三 龍老納斬

會審得龍老三等狼子野心嘯聚剽掠蓋所稱化外之犬羊也當其修怨于葉瑞而鳩苗千餘焚營屠兵血及者且七命焉已犯滔天之惡猶抗進討之兵若非鄭總帥計俘群兇而漢兵又幾為損傷矣何物醜虜敢于犯順一至此哉以軍法論之當即梟斬以警叛孽又奚待覆勘至再而後戮之耶固監催詳速決
一起依鬪毆殺人律絞犯壹名 何希思
會審得何希思赴父之鬪兇毆金朝俸死於登時絞

不枉矣第希思父子與朝俸同繫禁所當時若果護
毆過重豈同監之鄧文慶與禁卒之龍勝等袖手不
一拖救乎初檢太陽等處報有圍圓分寸再檢皆云
不等夫人命重傷痕湏反覆檢驗毫無參差始可據
為詳察耳可草率乎或者問官因本犯自認之狀故
於懷審處不及詳細但揆度希思之認狀因恐累父
受刑故疑身而輸認也彼其意急於救父似與對手
毆人伏辜者稍有別焉惟是朝俸之死非由于毆何
得俄然而登魁錄然疝氣之說即朝俸父金聰亦有
湖湘雜略 卷二

沅陵縣

一起依強盜改竊徒犯貳名

董初一仔 董蒲

會審得董初一仔與董蒲原以照提續獲者失主王
大本之告既審以竊為強則二犯之盜案自不得從
強而舍竊矣駁勘已明改配允當應踈枷分巡湖北

道遠詳定驛發落

辰溪縣

一起依謀殺人得財律斬犯壹名 雷四兒
會審得雷四兒乘劉廷高久病貪囊中買穀之資恐
其身而扼其吭攫其金而推其屍此與跌何與而謂
之跌耶夫墜跌岩下當必頭顱破裂乃至斷其咽喉
而頂心皆為白色跌徵固如是乎高已謀而病為之
報屍已回而飾為之托舉動張惶情態盡露其為四
兒謀死明甚不然何偕去獨歸空口報信而銀等又
湖湘雜略 卷二

淑浦縣

一起依強盜得財律斬犯壹名 宋必宗

會審得宋必宗之劫黃太四也分賊遠遁陷父斃園
即其忍心揆其盜狀固不必名供于輩學直而已可
觸類想見矣况亡命八載事冷始出而所供當日劫
場中放火防禦情形實之賊首初供皆毫髮不爽其

為真盜萬萬無疑不則何一經獲審即不刑自招也
假粧道扮業見改頭換面之巧欺案無賊自是年久
展轉之常斬尚何云監候緩決

黔陽縣

一起依比依威逼期親尊長致死律絞犯壹名
危長安

會審得危長安乃部民之悍僕耳雖縣官居官不檢
豈長安所可警挾者顧恃素慣之刁倚藉故主之橫
糾黨捏告賄證誣質無端窘辱肆詈公庭以致崔知

湖湘獻略

卷二

六三

縣忿激自祭解綬投繯非本犯逼之而誰耶長吏捐
生或出官邪而奸民犯上即同化外比絞絕不為枉
監決

麻陽縣

一起依鬪毆殺人律絞犯壹名 易廷才

會審得易廷才啣雷尚中勒換低銀乘其投店買茶
拳其肋扼其喉推跌下坎墜傷脊背猶復揪扭稟官
至色變而後釋手孫一山背負至門而尚中即登魁
錄店主之見毆甲長之稟官皆確證也恤審以墜坎

為矜豈不假推跌而即墜坎下耶情無可解一絞允
宜固監詳決

一起依同謀共毆致死律絞犯壹名 項仲舜
會審得項仲舜以爭田不勝之故聽萬廷昱割禾之
謀糾眾持仗用命先往意將盡為之刈而必為之鬪
矣及廷朝果來爭護輒揮棍狠擊頭顱破裂不隔宿
而云亡論廷昱既為原謀則行兇當不在仲舜下論
奪田之由實起仲舜則其忿恨必深其肆惡必重縱
屢檢渾身之傷覺有參差而顛門骨損昭然其為仲
舜毒毆復何疑耶况成獄三十餘年節審已自招承
今若疑為助毆之廷昱恐他日還以仲舜抵償為是
耳仍照原擬固監聽決

湖湘獻略

卷二

六十四

一起依強盜得財律斬犯壹名 陸應登

會審得陸應登主令流氓行劫膝虞家有陣獲之張
世隆初供已明而盜妻盜母又復吐確其為發縱指
示已不待言但招稱在外把風候接財物而應登絕
未接一物則遠候之說豈莫須有耶夫辟盜不在賊
多即一物有據便為真盜彼一賊未到手一足未入

門引以強盜得財是耶非耶不然擬造意分賊恐亦欠妥該道再酌情律確審另詳

一起依故殺律斬犯壹名 監應芳

會審得監應芳之妾殺張文甫也亡論苗歸一晝夜去行劫之地頗遠即初時誤聽喊聲謬為苗賊然追至瘦田之頃止文甫隻身又未操有尺寸之鐵何所見而為苗遽上首功以邀賞哉貪天甚急人命則輕觀死者兩目之不瞑縣官一見之為枉孰謂冤魂無知人可擅殺耶宜速斬本犯以為借苗故殺平人之戒固監詳決

常德府

一起依強盜得財律斬犯壹名 謝國富

會審得謝國富假名捕魚操艇肆掠其夥劫徐一舉穀艘也稅傷舟子段威之目傍實本犯下手捕擒弟兄四人於一舟又原賊併獲盜情不啻確矣三兄雖斃獄烏能贖本犯之碎耶第賊徵主存難為曲解而劫時未言一舉何地躲避劫後未言一舉何不目告及見在某處主未始言牌提領賊此亦招情之滲漏

微可疑者須勘破以塞辯口分巡湖北道覆訊確招詳奪

武陵縣

一起依強盜得財律斬犯貳名

徐信海 趙明陽

會審得徐信海趙明陽糾黨劫僧周茂松所獲信海之紅邊布既審果本僧自造明陽之梅花毡又審果陳宜施拾二犯斬無疑矣但此微閱者即疑駁而本院亦不能不疑不駁夫為僧人者以寡化為事何自

湘鄉縣

卷二

本十六

織而衣乎為鄉宦者宜施捨以銀何將毡作捨乎此盜賊之不能無疑者矣且合夥僅五人豈行劫而其黨寥寥乎入門不吶喊豈行強而其聲寂寂乎又盜狀之不能無疑者矣夫不塞疑竇終非鐵案分巡湖北道務乘至公以求至當覆訊確招詳奪

一起依同謀共毆致死律絞犯壹名 劉廷珊

會審得劉廷珊截毆張廷松卧地忿張發以身覆護因遷怒而狠擊之太陽腮等處傷重而當時血流三日身死豈直宋伯亮之目擊蕭繼成之抹灰為毆

確證而比已門擡赴府驗明可不檢而定碎矣雖助
毆有人而下手在本犯允宜一絞以洩義僕幽憤監
候詳至聽決

一起依換姦威逼妻死律斬犯壹名 李先華
會審得李先華辱人賤行襟裾馬牛其和姦楊之泰
之婦良心已自虧損復逼妻張氏與之易姦致其妻
百折不從一死靡悔氏固雖死猶生而本犯生甚于
死矣天下之宣淫者其人不以其情事之醜惡亦非
一端獨甘心交易無所顧惜或市井亦不多見况青

刑相獻略 卷二 六十七
杓乎脫逃捏告威逼益明斬無枉濫監候逮詳聽決

桃源縣

一起依鬪毆殺人律絞犯壹名 鄭瑀

會審得鄭瑀與姚必昂分非尊屬顧以狂藥發狂性
忿緣爭席氣激揮肱扭出門外推入坎中不惟挺以
雙膝而復擊以毒拳夫垂白之衰老當惡少之兇毆
欲不遏死得耶傷多致命證有同坐欲以滾跌置辯
而逃應抵之絞弗可得矣監決

一起依鬪毆殺人律絞犯壹名 龔以舉

會審得龔以舉忿蔡添福負夫價八釐輒肆兇毆既
持門枋以擊頭顱覆揪頭顱以撞門檻且兩扭跌地
而兩肋重傷五日而斃有以也夫毫末之利釀殺身
之禍若以舉也者其兇可恨其愚亦可憫矣證皆龔
姓一門為證最確絞更何說之詞監決

一起依強盜得財律斬犯叁名

劉祥 吳二 徐大

會審得劉祥等之夥劫劉輔也言強者屢屢言竊者
亦屢屢言審經多官而猶未得情賊亦各憑所見

刑相獻略

卷二

六十八

以為出入耳今本院細閱全招黨至八人則強眾也
失主之告姑毋論而戴祥瑚係夥黨眾明以強首矣
又徵責初情而始之縣府道即審為強兩院即批為
強矣後有駁者皆止謂各盜鮮兇仗無多賊無他見
也不知論盜問真假豈論賊多寡哉若劉氏居孤人
寡諸盜母乃實有眚心故無用多仗耳豈得曲為
之解遽以強附竊耶屢駁屢勘事體甘明第招情殺
亂終非定碎分巡湖北道覆虛心評擬務求當辜訂
正招情詳奪

一起依謀殺人造意律斬犯壹名 鄢少溪

會審得鄢少溪欲圖陳文良之妻劉氏誘往安化販茶商賄謝昆四等引類呼朋而殺之河邊墜之魚腹兇慘極矣既至家而以夫病給劉氏往看至途而以夫死逼劉氏從已則其謀情豈不畢露也哉氏之遇熊真寄信固良心之不終泯而王福之以嚇財告出寧非天之欲洩此沉冤耶屢審情真一斬何憾監候詳決

一起依強盜得財律梟斬犯人叁名

湖湘獻略

卷二

李九

鄭秀榮 鄭秀華 鄭國用

會審得鄭秀榮等原以點竊轉登刦場其糾刦張乾四也秀榮棍斃一弟秀華鎗傷二僕舉火雖非國用而掛紅實出倡言此非綠林中之極點者耶名供夥黨係同徒賊起債家確為已物始露跡於趙店飲茶益顯情於更姓潛遁分別梟斬毫無枉虧監候詳至聽決

一起依強盜得財律斬犯壹名 盧可魁

會審得盧可魁之刦陳元二既吳氏面呼伊父又賊

湖湘獻略

卷二

七

物起獲伊家斬無疑矣第世未有無夥之盜未有不畏識認之盜亦未有無賊而可謂之盜細詳此招其故起于盧大武之讐誣黃知縣之恨伊妹婿馮朝賓越訴多文致成獄耳夫盜必多黨謂之強今招前止言可魁約父同去刦時止言同父入屋吳氏亦止言見有可魁父子是行刦止二人無一夥矣黃知縣突言五六人似屬盡蛇疑竇一可魁與元二居僅隔山形聲最易認識招稱燃火未塗面兩人吶喊是不畏識其形聲也吳氏明呼可魁之父少濱猶不殺以威口是不畏告之官府也况可魁意原盜牛何不強牽干晝而必刦于夜刦後不告官不鳴鄉約越二月而以無干人呈則識認似亦砌詞耳疑竇二盜惟刦財辟必以賊可魁之刦元二若曰為有賣牛銀則是日五更已窺知銀以買貨去矣往刦奚為若曰為刦牛則五更私伺之時已知元二出門矣何不乘便即刦獲止錐頭鐸耳未獲亦無長物似屬無賊疑竇三總之即大武以燒屋硬證則盜為誣報明矣黃知縣必欲入朝實以盜自不得出可魁父子之盜矣父死莫

追子情可憫分巡湖北道毋拘成案虛心訊擬確招詳奪

一起依強盜得財律斬犯壹名 龍言

會審得龍言之糾劫伍仲科也財為之擄屋為之焚其害焰已甚昌熾况乎盜首方供名姓在案親父隨執人賊送官盜情孰有真于此者也若引容隱之條當在未發之先捕後首與不首同一斬何冤監候詳決

龍陽縣

湖湘錄略

卷二

十一

一起依強盜得財律斬犯肆名

王之國 湯四七 陳有明 丁鎬

會審得王之國等一月之內連寇二家如初劫黃粟則鎖押李氏嚇贖祭江之孩再劫歐青梅則吊拷王氏逮携防襲之主後皆獲有真贓駢斬應無辭矣惟陳有明招稱與各盜一夥何為止同劫黃粟一次而所分僅絲紬壹塊包小銅鏡一面夫黃粟所去銀飾衣物不為不多何眾盜皆貪而本犯獨廉也抑別有故耶况本犯被供在後其中不無可疑該道再一確

易詳

黎平府

一起依強盜得財律斬犯叁名

傳汝祿

解審

傳汝鈞

見解

傳汝昌

解審

會審得傳汝祿為龍鄉宜廝養之役敢懷責戒之忿糾聚苗賊及邀若兄傳汝鈞傳汝昌綁梯越城明火行劫此其勢誠兇烈矣汝鈞一獲即供汝祿諸盜又已故苗賊亦吐汝祿主謀夥黨互質甚確盜情毫無可疑乃今解役楊辛一等受賄鬆其鐐肘致令汝祿汝昌脫逃則解役所犯之條自應當至絞碎該道勒限辛一等跟緝如過一月不獲盡法嚴究另詳其傳汝鈞同夥既的斬自無詞固監詳決

靖州

一起依闖毆殺人律絞犯壹名 李佑

會審得李佑迷姦余氏妬楊拱星亦與有姦又憤拱星譴及已妻輒乘其辱罵余氏夫婦狠擊折肋斃命五日梁之策雖亦助毆而佑實下手致命若以策之斃機濫准抵償則策固余氏之親夫而佑亦策之讐

人也妻為之姦夫為之死不直拱星不瞑目即策直
冤憤于九京矣有是法耶絞絕不枉監候詳決

一起依妾毆正妻加妻毆夫一等死者律斬婦

壹口周氏

會審得周氏不安妾分揪毆正妻蘇氏業趨避傾跌
猶杵趕而膝挺焉以致傷及太陽血盆俄頃遽斃陵
尊恣虐忍心未有過此者蘇氏即素有疾不毆未必
死其夫持擔而來則正妻已幾絕矣欲強置辯以逃
斬萬不可得也監候詳決

湖湘錄略

卷二

七十三

一起依謀殺人從而加功律絞犯壹名

唐朝貴

會審得唐朝貴因洪志隆圖奪陳進舉之妻將氏遂
從謀并擊溺進舉于江流加功既確絞擬何詞第朝
貴生死之關正在加功與否若招稱過渡處既曰水
漲流急則進舉醉迷落水當自漂溺即志隆一篙足
矣又何用朝貴加功為恐于事理未然屍墜魚腹傷
難起驗事在黑夜誰為證據至欲殺夫以得其妻此
志隆復造孽於朝貴有何利而甘為出死力以自

取死哉非其情矣志隆首禍可恨本犯從絞為疑分
巡湖北道再虛心詳勘情罪安確招奪

一起依謀殺人造意今改從而加功律絞犯壹

名龍志義

會審得龍志義與李炳讐恨龍定竭無繇報復輒假
賣地之故給龍遠高上門尋事逼令拚死高不從而
逐之樟樹下當速已矣顧乃急求圖賴棍斃登時只
知殺人以誣人不知人未誣而身已陷于殺矣拙哉
劉氏月下之見最真龍遠保等門前之遇甚確志義
即不得以炳逃坐斬而加功之絞其奚免焉監候詳
決

湖湘錄略

卷上

七十四

湖湘詳畧云

侍御錢公既新

命出按湖湘至則屬楚多事

公殫心而經畫之所檄監

司守令文告凡若干而諸

湖湘詳畧

序

一

監司守令所奏記公之凡

若干才九閱月而公將報

命乃操其十三而授之梓應

視嘗受而讀之矣則竊嘆

曰直指攬密一方所稱埋

輪搖發不無時重威稜而

攬其惠澤頃者楚編蘆之

民與河伯馮夷爭土而斃

聚京陪都大瑞帝冠而魚

肉之

湖湘詳畧

序

二

天子大方分藩填撫尚未社

於楚東南之漕楚後與三

吳兩越鼎峙而三尺伍符

籍之民受隄水結總鉅粟

之賦率三十石而致一石

民不勝憊矣。公用功令六條所行。部霆揮而電燥之。詎不辨稱威稜。乃復為楚興利。捐贖鍰。築大堤。障河伯。江黃隨漢之民。始得托廬而處。建甌口漢口兩廩。令屬籍之民。與尺伍符籍之民。相怡而安。宗惠文冠。彈治中貴人。朝上而夕罷之。出楚言事重臣。暨幽閉

諸公子。潞藩外弟。福藩愛子。皆受事公。公咸談笑。辨為要。不令其纖毫有所病吾民。此其惠澤。楚寧不什伯千萬於直指功令所為者。應槐之所為。讀公詳略而再三。有感於公者也。公為人端亮仁厚。所行事一出之公誠。所與諸

屬應答文告皆其精神之所貫注無不究極其至當而無弊可以傳之永永者是書也。即奉以為湖湘萬世之福可矣。豈但曰一時

按楚之具哉。

省

萬曆甲寅嘉平穀旦湖廣
屯鹽道布政使司右叅政
兼按察司僉事張應槐頓

首謹書



湖湘詳畧序

侍御錢公按楚近再蒞諸如
疏奏之章課士之錄五行類
應之銓次決之乎是揭廊廟
而光山川已後鐫所謂湖湘

湖湘詳畧序

七

詳畧者示一時共事之雅大
率皆修備拯溺剔蠹濟羈諸
肯綮其體簡而核其慮事鎮
而遠其錙斤懸若迅雷其平
反若燭幽其視閭閻隱痛煦

言摩搔若與之胞類而肺附

維樞蓋嘗讀禮經之訓矣謂
為人臣者大言入則受大福
小言入則受小福夫言何分
大小果滌腸而出之酌醕舍

湖湘詳畧序

八

筋絡而批導之雖小亦大公
又寧觀福者要以為強圉捍
災為單路之單弱延命為地
方福也雖一文移一條教亦
何必非自身之福人徒知公

之原隰驅馳無念不偕赤子
周旋而不知其于藩臬郡邑
置腹推心片檄之鼓舞尤廣
徒見公之力請停運罷稅發
鏹修倉堤諸役與彈權璫而
撤去之如驅犬豕以為金石
不謝而不知精神之所注射
清霜湛露之所肅潤固已具
于詳畧一部也若李恂持節
幽州宣布恩澤所遇皆屬其

山川屯田聚落數卷而庾山
甫之稱當于朝野也直以博
學者才思能決長安大獄開
夾決獄特公一班耳即與其
舉山川屯田聚落而寫之篇
也孰與夫興利除害手批之
而面約束之為親切哉蓋
公之言曰予愧無能希德意
佐元之志惟是以作善一言
與諸子民者共相勸勉則斯

首謹書

湖湘詳畧

卷一

十一

篇非刑書也是最勉所部而
代元、勸善造福之要語也
萬曆甲寅仲冬之日
湖廣等處提刑按察司分巡
武昌道副使溫陵張維樞頓

湖湘詳畧

吳蘭陵錢春

批兩司督木屯鹽清軍驛傳等道

查議潞課等事據布政司詳

潞租額定不移若地折糧存民之賠贖重可念也查
有淤墜移抵崩課澧州亦何詞之與有該司行令該
州每年照數徵解以補潞府缺額繳

兵餉事據分守湖北道詳

沅餉通解數多何惟乎各兵之離伍告討也何非該

湖湘詳畧

卷一

道之善乎調劑則庚癸之呼將有不勝諱者矣布政
司一面查拖欠府屬勒限催完以濟燃眉一面將玩

視各官照例查叅詳報冊併發

類報災傷事據布政司詳

據詳民溺之狀其不忍聞矣該司速委官勘確分數
酌議救恤以便為民請命也如有被災重大郵報稍
後者并類查合例的當詳奪速速

買備糧穀以少裨荒政事據布政司詳

買穀備賑誠為善舉第下之奉行鮮有能體上意者

前銀准照數支發武昌府嚴令詳委賢能最著之官領買禁絕侵剋等弊其買過穀石價值并盤腳費用完日造冊報仍通行被災各屬悉聽詳動自理贖錢各預買種穀以備賑扶此繳

買備穀石以少裨荒政事又據布政司催詳儲穀待難深得備荒之法如議動支委官領買第須出納有法勿使不肖員役借口擾民也前詳久經批發矣此繳

罷免黃稅等事據下江防道詳

湖湘詳略

卷一

二

楚無地不苦稅而黃為甚本院久有慨于中第慮天聽日高且以此項曾留作水費難便更張然昨于災疏內附陳請罷但未能力筆亦何補于地方也哉以視該道毅然及此則前疏誠如蚯蚓竅中鳴矣事關請命布政司再斟酌詳明通呈以便會題何如

罷免黃稅等事據布政司詳

權稅非但病商更為地方患苦以所聞為暴于關者殊不止詳中所列尚可謂僑商與民疾首痛心甚矣

故罷之便海內共引領而楚尤亟也此議極善顧欲罷稅以蘇商而議派民以採木是剗一省人之肉以療五方人之瘡不獨非兩利之術且與前此題留買木免派小民之意不幾背乎楚民薦災僅餘皮骨歲之順成官而難知吾輩目擊顛連媿不能力為請蠲請減何忍復輕易為此言極知該司視民如傷計原出無奈然不可不慎圖之還再會同守巡道酌妥另詳以便會題

條陳稅務等事據布政司詳

湖湘詳略

卷一

三

據詳驗船估本而減則起稅雖不能不征商而庶幾不重困乎商矣如議行仍刊榜嚴諭此繳

稅務事據布政司詳

前據該司詳請罷稅本院恐俞命難徼行府查本年額數已足業將十二月出示暫停亦以成該司蘇商之意也本官似可無為俟春季另議何如此繳

懇恩加意敦恤等事據布政司詳

宗祿通解數多則該司文放已不免於那借况欲以二季之銀取足一旦其能為巧婦之炊乎據詳上半

年補精十二月內早數日支放下半年者仍待來年支給具見該司曲體諸宗無可奈何之意矣如議行繳

俯憐蟻佃事據寶慶府詳

譽祿辭祿二十三載而更生平砥節此真玉牒中之傑然者定灼雅嗣前徽欲彰往懿茲之陳情良本孝思惟是從祀鄉賢事似未倫其如建坊旌墓亦須有列布政司查明議妥詳奪

黔困難支等事據督本道詳

湖湘詳略

卷一

四

據詳採辦之苦丁此災侵之年誠財盡不能勝其求矣各省直既派有協濟銀兩自當體諒分解該道查明一面移各該布政司等衙門上緊催解奏濟燃眉一面候會撫院行繳

商脂採木等事據督本道詳

存廠之本價議給四今不久而尋議給伍且不知起運何且能逆其終無蠹損價不浮出耶即商人之勞費應憐而錢糧之出入亦不可不慎布政司會同督本道確議另詳

○姦謀人命事據武昌府詳

此一獄也兩縣主入而兩廳主出府斷第寂寂數言而不深言其真偽故有難言者矣夫吳該既有財勢而李氏又有外心况巴豆大黃何得分解屍傷之黑且有母與子而不告必有以餌之者幸劉仲義為之憤發而青衿之素行未半兩詞之迭待不一且以起上人之疑而滋下人之辯然則屍傷亦可轉移否夫劉應龍之屍傷本根也劉仲義等之叠詞政如隣人之告遂豈能盡的要之枝葉也問枝葉而不問本根獄獄者亦以人命為戲矣總之生者不可使含冤而死者亦不可令抱屈按察司再委精明平恕官勘確招詳

武升奸貪等事據按察司詳

據招崔廷松憑杜作姪藉端播害或重利以折屋或短值而占田即置郵之地且被踐蹂雖倚門之娼亦遭霸奪素素人巴處處害人甚而揭誣當道之官真是橫行罔上屢為打點衙門之事無非徇法欺公審已詳明遺有賸罪但招開翟效忠將銀二百兩寄崔

銑處銑死銀被廷松侵沒尚未明敘二崔是否一家
又何緣而得入廷松之手沿途索折夫馬銀亦未明
開何人首証事干回 奏招情不宜滲漏該司再確
查明白另招詳奪

地方事據分守武昌道詳

宋如玉等以青衿鼓噪挾官陳效周等以胥屬乘機
謗訕無禮廢法犯上凌尊欲挽澆風難及寬政第議
梳論遺尤宜詳慎况劉箴夏一奇尚訴辨未已按察
司會同布政司覆審確招詳奪

湖湘詳略

卷一

六

地方事據按察司詳

據招歐陽峻鳴以丞嬭責斷而懷臂乘機聚眾修怨
致羣小豎旗以捏變縣官狼狽而拂衣膠庠中有此
悖逆真盛世之恆事也占妄既涉疑似把持允當厥
辜依擬峻鳴王得民熊槐張繼文各加責五十板枷
號三個月滿日發均州房縣竹山枝江各守禦千戶
所充軍僉妻達 部宋如玉賄比自辱糾計始禍徒
贖黥革劉箴劉承寵劉大綬夏一元逐吠凌竄毫無
士氣杖贖并黥夏一奇姑降責行學痛戒紀過以俟

自新歐陽野挾贖肄業徐氏等六名口俱挾贖折決
發落餘照庫收收管繳未到提結仍候會 題行

懇恩俯察下情稟據屯鹽道詳

屯糧改有司徵收還是善策第有司徵收而令衛官
獨當巡罰則非法之平耳今不得已仍以徵收責成
衛官嚴稽完欠杜絕騷擾非三五申令不可如議行
繳

縣驛疲累已極等事據驛傳道詳

楚中縣驛疲累已極等事據驛傳道詳
日就困累耶據詳釐革之法調劑之方至詳且盡其
於甦散振之垂利置郵間者非耿矣如議應嚴禁者
該道速刊示申行應通變者不妨酌量詳請要在永
久可垂地方無擾為得也此繳

廣詢利病等事據驛傳道詳

廣濟衝不及黃梅而難異於新水欲辭加派之名而
用里甲幫派之夫所費不貲則又不如加派之為利
也如議加夫七十名工食俱于條編內徵給仍移司
訂入全書其里甲幫夫刻石嚴行禁革繳

縣驛疲累已極酌議畫一之規以便應付以蘇
偏苦事據驛傳道詳

武昌府屬夫馬既酌議停當如議訂正全書遵行至
于驛通置立印簿請憑過客填註印鈐准揚一帶行
之甚覺清楚如北直山東有夫馬單以稽數目即小
飯中火刊定散饌必求使客硃書堪用與否楚中寥
遠賓主不能相照若倣而行之則不但行者有費蓋
即居者知可免其虛冒也因詳中已及之輒以習聞
習見補其不足該道再酌定頒布通行何如此繳

湖湘詳略

卷一

小

救民事據糧儲道詳

據議委悉詳確第今漕事已急而稱不便者又止衡
山一處既關長衡荆岳四屬必須衆顧庶可以杜異
日紛更目前觀望耳今歲姑照舊該道通行四府議
妥再行詳奪仍候各院詳示行繳

申飭畫一之規等事據糧儲道詳

據詳禁弊甦困曲中宜竊深於運事有裨如議行第
官兌之法本院竊謂斷乎有益于民者奚止江右可
行已也近已行各屬議之矣然必俟建倉而可不已

拙乎夫法者跡而法法者非跡師其意可也該道幸
詳酌以報

批守巡武昌下江防道并所屬

申禁藩使橫索并議定耗以保民俗國事據分
守武昌道詳

該道覆議徵租耗限等款誠曲體情事從此民安課
足而委官橫斂之名色可漸清矣如議刊榜求行仍
移布政司備知有租道府一體查照申禁勿容地棍
投充弁髦也此繳

湖湘詳略

卷一

九

稔惡背義打死妹命事據分守武昌道詳

宗室出城大違訓典其故多起於嫖賭亡賴究使
富者爲債翻窮窮而流落扛唆局詐靡不爲之已本
院向議禁約本道及此實獲我心蓋由是而諸宗俱
恂恂有禮凜凜奉法則此之裨益豈渺小乎如議大
刊木榜懸於九門遵者啓戒叅處此繳

遵明例釋城禁以蘇宗困事據楚府長史司詳

宗室出城恣蕩祖宗無此家法况據稱嘉靖年間
有禁萬曆年間無禁夫就該司所詰炒衙占樂及乘

八轎出入各處衙門事該諸宗以爲 皇上聞之仍縱之不禁否乎本院望各宗杜門守禮無越大閑慮各宗情出迫切許其抱告誠愛之重之不忍其鑒於訓耳今贗爲華聖等具詞撓禁甚矣其不知自貴也若連坐住支之法查文武官有犯嘗有行之者錯誤未始不連坐緣事未始不住俸彼諸宗自恃潢派謂法無如彼何弛此不行何所顧忌聞楚宗老成而賢者最多此法只不便於二三惡少况 聖明釋繫鈴束 旨嚴諸宗豈皆不聞者乎出城少寬之但生事害人許地方首告叅 題及罕問撥置以造諸宗分守武昌道會同巡道着實申飭繳

出巡事據分守武昌道詳

據招胡應瑞于葉同知署篆時收銀七十而強半入其囊中若重捏截補長支二百餘兩僅紙上作奸而帑金猶未動也抵據實侵論確矣但金壇復欲牽入渭南據云冊報在前未及請銷竟不知行票即銷原不必請不然後渭南在事何以不詳而但附入開除也再登前武昌收支明白簡潔本院就令應瑞查

對大都離者十九政恐非堂官原用何不可外之有至於今日縱憑纂造亦復支左缺右又扯出三十三年徐知府一節遁詞知其所窮矣然既稱原交銀數尚在姑無用深求依擬應瑞與張時進徒贖革役發落溷如今日既往者可弗追也李廷翰免之餘照庫收繳

擒獲詐僞與販事據分守武昌道詳

據招黃三與謝晉等各各有販賂而晉又偽造封條詐充衣巾蓋聞楚盜有劫人者政以高固有主販賂實繁有徒也此等人離人骨肉係適於盜該道再盡法究解嚴行緝拿熊三母令漏網各男婦俱暫付店家量給口糧度養候行文各原籍無人認領然後發賣此繳

擒獲詐僞與販事據分守武昌道覆詳

黃三等販賂既無人心假冒更行幻術情有餘恨法不敵辜姑依擬分別徒杖贖決通枷號一個月滿日蕭勤發落黃三等通解回籍焦六姐等候三月後無人認取行縣變賣亦須要安置得所照行庫收繳

置買公田等事據分守武昌道詳

捐贖買田前院一片苦心。何行之數年尚不為追完。至於派解內復經支取甚不然。甚不然。該道速行該府嚴令原取解州縣速結此事。若果支留數混。何不蚤詳明本院查核。而乃但支吾。該府為也。成人之美。與愛已之出。胥於此可以見斑。自不營耳。另報繳。

廣詢利病事據分守武昌道詳

陽革陰派。前官難諉於不知。況云所派者即在民人。其然豈其然乎。姑以年久官更役換。依擬胡其奎等。

潮湘詳略 卷一 十一
各杖贖決發落庫收繳

廣詢利病以圖稱塞事據分守武昌道詳

當節省便民之時。為加增排夫之議。似屬未便。但天下事亦有不可膠柱者。况以原章堡兵改增排夫。則夫數雖增糧額照舊。亦何妨通融以甦繁衝之困乎。然詳內未開革去堡兵。原工食若干。今加夫三十名。該工食若干。是否兩相抵兌。一毫不派小民。該道再一查確報奪。

地方事據分守武昌道詳

李知縣各辱生員。宋如玉等。因屬過激。而諸生聚眾。鼓噪如三尺。何該道速會提學道從公查勘通諭。

僚官大玷冠裳事據分守武昌道詳

劉定邦既不與劣官同惡。窩留何為。近訪得出入衙門數生。如狂走中風。該學略不鈴束。此豈有師範者。其言足信。耶定邦姑行學朴戒。其呈鄧子裕張拱周士選行府各提責三十板。釋放仍查定邦本齋訓導紀過。此繳。

出巡事據分守武昌道詳

楊鳳倚缺作局。隨事誣錢。甚如因考校而巧索打點。拆官封而私侵漕折。真視利若飴。而視法若戲。矣。姑依擬徒折完日。加責六十板。枷號二個月。示警鍾鼎。朋姦難謂無染。姑再加責三十板。杖折革逐。發落。余純德聽從誑惑。明是始進。不正姑不究。還行學嚴諭。慎修以端士習。餘照庫收退領狀繳。

違禁雷民事據分守武昌道詳

葉茂陽等。播官剥。且恣意詐賊。衙門貓鼠。若此。又何恠糧解之難。于縣。民。告困哉。可恨。可恨。姑依。

擬開陽再加責四十板田應等各三十板分別徒杖折贖發落仍通行革逐刊名木牌永不許復入衙門餘照庫收領狀繳

出巡事據分守武昌道詳

據招蔡士聖以鄉約武斷罰穀其謀奪嚇騙又不一而足然則用之陳說六諭者豈翻今之玩侮三尺耶論配俸矣再加責四十板贖革照行倉庫收領狀繳

出巡事據分守武昌道詳

謝朝恩起戒以傾良善指盜以誣平民凌辱且及青衿索詐不憐黃口固已稱一方巨惡矣尤可恨者枋雲執縣差貪官輒奪魄而遽放鯨鯢既倒翻公道汚令遂甘心以力扶豺虎不知一茅不能蓋頂適足以明其險側異常耳依擬再加責五十板枷號三個月發忠州所充軍終身僉妻連部何繼兒等各杖贖還役發落照行庫收收管領狀繳

出巡事據分守武昌道詳

葉吉出此入彼開校腐于衙門結黨挾官恣狼吞於

閭里加責四十板與宋文光等分別徒杖贖革發落餘照庫收繳

出巡事據分守武昌道詳

姚奇等夥踞樵關橫張禍局得錢放去猶止蠹損公家覆詐擒來固已狼吞客帑惡不勝誅有常無赦依擬奇與丘科兒等六犯各枷號二個月序發錄口麗陽建陽石橋荆山郢東豐樂七驛擺站滿放胡可大等四犯并劉秋兒各枷號二個月贖徒金四兒等二十一名各杖贖發落照行庫收收管繳脫逃梁太宇等十一名并民壯趙元俱嚴提另結

急議修堤以保子遺事據黃梅縣詳

修堤當有許多經畫此尚未見明悉至於工食抵漕折更似未妥本院行牌于藩司查刷餘稅據報儘有堪動以爲民助修堤工者不妨議詳以候批發毋但潦草目前塞責且以擾民也分守武昌道速議妥報

詳

申飭彌盜安民應行事宜等事據分巡武昌道據詳各款皆化民成俗彌盜安良之至計也如議照

逐項社註嚴飭力行之此繳

一議鄉保

鄉保古今之良法也苟非其人或因之生事擾民該道須嚴行選充庶治法與治人兩有賴矣

一議哨守

近來哨巡官不賣閑偷安則玩寇納賄信地寂如無人殊以盜禦盜江洋之不能風恬浪靜曷足恠哉該道振飭積弛甚善甚善照行

一議夜禁

慎啓開禁行防火燭廢水陸俱有寧宇至於婦女不許入寺尤足以挽回風化照行

一禁賭博

好賭必傾家人窮則爲盜若略取窩揚尤爲慘毒至諸宗不能標表白屋而翻貽辱朱門其謂之何該道還刊示嚴諭有犯拏究叅處庶足以戢奸暴也

一議禁窩

盜必先僑窩而後可肆劫掠無居停則安所落脚

乎本院每嘆此中每輕于窩盜之滋莫不由於此卽朱邱青衿肯爲之豈非輕則易犯哉至於賊曹養盜尤巨窩也該道嚴及此盜源必可清矣

一議禁網碼

監犯打網捕禁咬板此弊無處不然其爲民害烈矣該道刊示力禁捕官不許拷訊尤爲安良要着照行

人命事據分巡武昌道詳

主僕之分等子父子誣盜而速孟光先于死孟富尚

知有天日乎律言因盜威逼致死者斬駁語已拈出

此條而斷者終未照破况李氏初告趕夫溺水再告打死拋池既兩情微異而此奴非無所因讞者不一檢以杜後詞能保後來不滋辯實乎該道檢審確招另詳

出巡事據分巡武昌道詳

一議禁窩

據招王繼冬與故盜洪應文等剽劫多家卽百口難辭一斬何者以其賊明主認也老囚欲爲其黨展辯黃六兒久已供明在案忽改口而云向原指船戶之

六兒然則船戶之六兒今安在乎其不足信明矣唯是論盜則無往不同行究賊則一絲亦未獲六兒原未分耶分而費耶事固可疑而盜難輕縱出入關係甚重該道再一面嚴緝未獲一面勘確另詳

劫殺事據分巡武昌道詳

據招陳寅兒糾劫方東周家傷其主捲其財獲賊認確斬自不枉唯是劇盜姚繼兒出押三年徒黨又多未獲而馮文遠以母舅窩盜繼兒於家賊出床下難云無染遽引不行不分賊之律以一徒了事不虞縱

湖湘詳略

卷一

十九

乎該道再嚴為緝訊勿使真盜真窩久逸於網之外可也限拏緝報

地方事據分巡武昌道詳

據招楊可明以會銀之故兇毆趙滿越半月傷攻身死見毆有人屢檢更確擬絞極為當辜第郭心兒為屍親妹夫可明聞死懼罪何故返逃其家且斷云容留寓居後竟調獲在牆外其中有未盡之情該道再研審明確招詳

姦死事據分巡武昌道詳

龍夢江和姦族婢致抱民以泄醜益而其女以失母亡一夫誨淫二命旋殞閱招令人髮指夫論服難以故入而原情殊有賸辜姑依擬贖杖完日仍加責六十板枷號兩月以懲戒倫縱欲之惡與熊惟真范壽兒各贖決發落餘照行庫收領狀繳

人命事據分巡武昌道詳

盛武以微息輒毆死索閨兒且致其父鬱亡一絞有餘辜矣獨奈何助毆之盛長本盛宗元連斃園土又得為本犯開茲三面也查與例合姑依擬責五十板枷號二個月徒贖發落餘照行庫收繳未獲盛宗亨等緝結

湖湘詳略

卷一

十九

劫殺事據分巡武昌道詳

此獄寂容因忿明滿而遂故殺智宇以圖賴身在空門而貪嗔癡實兼之矣竟以事發在逃未經正法可恨可恨乃明滿始借勢以冀禍既復唆扳欲陷人於死如此惡僧徒豈盡辜加責五十板枷號一個月依擬發豐樂驛擺站限放張世統行財求免烏得無罪與駱必塘分別徒贖決發落餘如照庫收收官繳

未獲寂容等十一名勒限緝報

大盜劫殺事據分巡武昌道詳

據招王庚兒之夥劫李宦也疏主創僕擄其財而挾之途如是而猶疑越城非斬關似乎竊者然則必如何而後為之強也過矣依擬照舊監候詳決餘如照行未獲仍緝報

呈報拏獲事據分巡武昌道詳

據招江潢等操舟肆劫不止略誘人口已也弟失主堅不赴質影響難以擬強姑從顯惡聊正厥辜依擬江潢既追有二口刺解平溪衛充軍終身拘僉妻解招達部知李巡為從刺發蘭江驛擺站滿放充警與鄭一鳳等各贖完發落庫收收管繳未獲羅仰池等仍緝結

出巡事據分巡武昌道詳

劉一老之以圖財謀死吳倫前院矜駁種種真是可疑寔多至刑官為補足謀裏一節情景若盡矣况雷擊屍漂總是有冤欲白人亡物在無非積惡當昭不然何偕吳倫以出者不偕吳倫以返耶既曰衣取於

田氏之家執捫其舌而不辯於田氏之生存耶檢勘詳明一斬無枉照舊固監詳決連奎另拿此繳

大盜劫殺事據分巡武昌道詳

劉四等夥劫饒廣信吊拷至斷其指更加炮烙慘矣况兼之火燎其家資此盜之最狠惡者四以陣獲何必問賊素新素從旺賊經認的何必求多依擬固監會審詳決餘照行庫收領狀繳張榮等另案劉元等另拏各結

出巡事據分巡武昌道詳

喻大舉挾耿婦于田間此其心已無良矣其死也又何必他求哉成謀而往狠毆而歸大舉不還抵婢而誰抵乎依擬監候會審詳決此繳

緝拏大盜事據分巡武昌道詳

汪泗假盜嚇財復受財縱盜疊疊多賊梁慶不能什之五而且無與於囚之私逸也依擬泗引受財故縱律監候會審詳決梁慶發鹿角驛照徒年限擺站滿放餘如照行庫收收管繳脫逃胡三覓責令梁慶等緝報見獲王言等另結

出巡事據分巡武昌道詳

賀高監二年而畢竟不能完賊其兄弟何罪而責之變賣公房令其棲身無所乎高名下欠數准諭加責五十板枷號一個月即行解發着伍張早成黃倫贖決查照還役發落庫收繳

戒殺事據分巡武昌道詳

蘇憲強姦舅妻李氏致義不甘汚含憤自刎淫謀甚著卿隣共舉即咽喉先後之檢分寸稍異總之死于姦逼無疑也擬斬令人有餘恨加責八十板依擬固

湖湘詳略

卷一

三十二

監會審詳決王仰胡氏受賄縱姦人道漸滅一門禽類豈成翁姑王仰加責四十板與王自誠等各分別杖贖發落庫收繳

人命事據分巡武昌道詳

朱廷傑一犯以絞入者為首惡已逃而死冤不可無抵以杖出者為首惡雖逃而助賊律止餘人事經十載駁訊多官今以焚屍一節坐殘毀擬徒于情法允協依擬廷傑發停前驛擺站滿放華廷貢等各杖贖發落照行庫收收管華太元嚴緝另結

謀劫人命事據分巡武昌道詳

張二元以一門惡孽借操舟而殺死謝魁沉屍劫財起認情真向非劉三面識指問則吳鳴又幾投虎口矣可恨可恨駢斬不冤依擬監候會審詳決張三元賊種畢竟無良既審不與謀釋之馬舉人為盜居間亦大可笑今馬延已故姑免深求餘照庫收領狀繳

出巡事據分巡武昌道詳

但惟本以賊曹蔽賊敢焚按月之錢小有所擒不過兔爰狡計大有所網逮張虎噬兇謀子女折入其家善良斷送其手惡真盈貫罪合兜鑿依擬發長沙衛充軍終身僉妻達部照行庫收收管領狀繳

湖湘詳略

卷一

三十二

出巡事據分巡武昌道詳

據招鄒廷弼以富豪而挖墳占產誣盜贖財甚之債勒方太虛賣身而因氣鬱死拷逼劉伯聲為奴而遷怒掠財錢虜之力能制人如此可勝誅哉姑依擬三犯通先解院懲過然後廷弼枷號三個月滿放徒贖龔大闢等杖贖發落餘照庫收領狀繳

出巡事據分巡武昌道詳

魯大臣等皆輔國將軍繇繇僕也撥置其主既局春魯舜臣父子之田又誘湯劉卿官之兒之產宗儀未整向訝最獵橫飛王法無私切望虎狼入檻但據怨家屢指已知恐嚇多端欲少紓搏噬之兇宜速屏爪牙之毒分別戍配毫髮無虧依擬大臣與朱祥各枷號二個月序發茶陵寶慶衛充軍終身僉妻達部李惠發穀城王府充當儀從宗用發齊安驛擺站滿放余小山等各杖贖發落林曉等各罰穀永不許置事照行倉庫收收管領狀繳

湖湘詳略

卷十

主四

擄奪生妻事據分巡武昌道詳

盛湏賭蕩無忌而致中庭怨泣內子披緇既上點天潢亦下垂人道矣朱用即無撥置之情宜有順從之意姑依擬加責二十板杖折發落具之美罰穀還職仍令諭女蓄髮與其婿改行爲夫婦如初倉庫收繳

勦盜劈冤事據分巡武昌道詳

據招胡清等誣盜板良妄挈刑拷致曹少溪膏女不能飽其欲劉元兇厚賄而尚監其夫遍搜糧船騷動

會城滔天橫惡即投之四裔亦不足以平水火之怒依擬清與劉臘梨序發郎陽枝江衛所永遠充軍僉妻達部李尚仁翟保兇鄭二蕭五王四各枷號二個月滿日序發富池咸寧港口官塘牌洲五驛擺站限放魏朝折徒發落江光弼輕聽縱容姑念新任已經責戒紀過還職各役仍通行清革餘照庫收收管領狀繳

出巡事據分巡武昌道詳

據招袁吉等假校作奸公行科歛吮膏吸血奈之何

湖湘詳略

卷一

三十五

業戶不重困而悄悄之怒且移於藩使也姑依擬徒贖完日枷號一月發落照行庫收繳

出巡事據分巡武昌道詳

許志齊充差頭以戀役掉蠶尾以行兇已能木偶前官曷恆身兼數器官淫不道循賄無算依擬加責五十板與毛松分別徒杖俱贖革發落照行庫收繳

出巡事據分巡武昌道詳

陳太憑城作惡纂訪枉誣非該道平反得情鄉備幾焉所傾陷矣却恨在趙之李枚尤爲臯魁也姑依擬

太從折再加號二月示儆徐賓準折匪眦再加責三十板與高繼各杖贖折發落餘照庫收繳李枚嚴限提結勿使奸人漏網也速速

出巡事擬分巡武昌道詳

擬招陳侃以兵書復營提總饑民有索糧解有索且盜官尅衆不法已極城旦之罰猶嫌未足以正城社之惡也加責四十板依擬贖徒宋成樂贖杖發落照行庫收繳

纏登詐令官軍等事擬分巡武昌道詳

張通庇主改啓真礪詐神棍乃黃桂芳內應作奸復爾深窟可恨可恨依擬張通加責四十板枷號一個月徒贖發落刑餘既無唆撥驕貴豈容亂螫仍令各安靜勿再多事餘照庫收繳張守愚黃桂芳嚴提獲日究報

奉發人犯事據武昌府理刑官詳

蕩費蚩兒願投虎口引誘惡黨圖捉驚頭如此不痛懲將來宗室之鳩張宦族之狼狽將有不可言者分巡武昌道仍照先行二詞嚴行提叅鞫究報

梟宗結黨局礪孤寡等事擬分巡武昌道詳

蘊鏐常士弘以債故而攘臂悍爭是王孫公子甘爲辱人賤行矣據招皆由于狡奴之唆囑姑免叅處依擬朱順等各加責二十板杖折發落庫收繳

殺搶打奪賊犯事擬分巡武昌道詳

擬招王香兒配逃累解詭黨打奪批文委之草莽差役被其折傷從來賊性橫狡未有逾此者審驗有據律絞何枉依擬監候會審詳決余有萬知情數惡加責三十板發魚山驛擺站滿放夏國敬等杖折發落

餘照庫收收官繳未獲緝結

緝獲大盜事擬分巡武昌道詳

擬招談福禮少原鴛驚長更鳩張雄踞一方橫行三省非斬關劫獄則放火殺人已三十餘載馳名至四十餘家被霍可令聞聲喪膽由來設計就擒欲快羣心亟應函首依擬固監詳決照行庫收繳王文信等聽另審詳報羅天明等免提談福義等嚴緝結

大盜劫擄事據分巡武昌道詳

據招聞四兒等以積盪肆霍于江洋刼船拒捕拷主

掠財賊證俱真駢斬自難解矣乃朱二僕供自同徒况有名兇僕若謂與湯同兇蔡三兇各無現賊則二僕既嫖費有主而同兇三兇皆搜獲於娼家能保其不費而必留作盜券耶供質無疑聚辟無枉依擬俱監候會審詳決黃蓮洲等贖發餘照行庫收領狀繳未獲拿結

出巡事據分巡武昌道詳

宋應芳既孺子况據招禍起投鼠而復罪之寃竟不免以訪察翼虎奚可也毛禮等一月內嚴拿究解此單得之何官該道拜查確報其應芳免罪竟釋

出巡事據分巡武昌道詳

吳國賓等憑城作惡到處行奸大如撥占淤洲次若借貢走稅遂令怨叢四府恨結一方直器之鼠而蠟之虎也按法當重慶姑依擬國賓吳子兇王孟兇各加責五十板均徒贖折革役徐記等杖折發落餘照庫收繳方卯兇嚴提另結

剪除巨夥事據分巡武昌道詳

據招吳宗傳既判官巨盜而又撥瑯餘孽也况復內

着監犯外結強宗指詎之各色甚多局礪之機關不小至于賈浼王重陽一節中間更屬難知省會之間安得容此窮奇以為官民蠹賊乎依擬枷號兩月滿日再加責六十板發烏撒衛充軍終身拘僉妻解招達部知王貴兇吳建各加責四十板貴兇徒折吳建王重陽序發港口官塘驛擺站滿放鄭少溪杖折發落餘照庫收收管繳吳學臣緝報

誣盜激變事據分巡武昌道詳

柳騰芳等藉盜嚇索張鵬遠等乘急謀田情均可恨依擬分別徒杖贖完內騰芳張繼成彭允鰲各枷號一個月加責五十板騰芳繼成仍革役鵬遠行學朴戒肄業馬廷聘提責五十板但閱招則所為誣盜害人詐財入已者皆梅中為主而與梅鼎鉉稱最此么麼者正法而吞舟漏網可乎哉竟當行縣勒限提結餘照庫收領狀摘繳

捕獲誣擄事據漢陽府詳

據詳鍾和戮餘也其死蓋有天道焉歐之後尚能對簿國之監竟以疫領何知縣初審覆審似無騰情贖

法夫鍾順成一門卑隸向和欲竊坐王成則為刺發
今順成焚心不息逞其兇殺則又為之擬抵况其意
悃悃似不忘朱邦俊本院尚不知讞者能堅坐王成
否耶法寬于衙門而復嚴于含冤負屈之貧民但干
人命不可不重分巡武昌道速勘另詳毋遲以重延
累可也

惡人激變事據黃州府詳

閱招戴成滿紙淫橫其平日兇惡已饒死法矣乃以
陳尚不請飲酒遂執之吊拷私家致于畢命檢審已
確絞抵不枉但查原詞告拷財在七月初九傷死在
二十日而招稱十九日死于成家前後矛盾且熊子
懷羅亥兒送銀求放俱未到官質審大辟難容草率
不勘終滋疑竇分巡武昌道訊確招詳

激濁揚清事據黃州府理刑官詳

高碌兒以犯革姦徒因妹歸李自明家遂從而掠其
厚藏銀付周氏收固則碌兒岳母也賊半起于臥塌
之下而謂岳父之徐在在不得而知者乎且起賊去
行竊僅七日而招敘費用已廿金謂徐在毫無染可

乎若竊盜應刺字此引無服之律是否寬縱分巡武
昌道確招另詳

檢填父命事據黃州府理刑官詳

沈朋以避風失傷人命罪自難辭弟既鳴於官鄭一
德何物貲郎乃敢統眾鎖拿各犯於府門之內回家
拷嚇既猾法犯分就將此錢虜裂冠毀冕亦所以正
風俗而維紀綱也僅僅以四僕擬杖母乃非所以抑
豪強而杜把持與武斷之漸乎分巡武昌道嚴究解
奪

出巡事據麻城縣詳

據招史成文等父子濟惡盤踞索詐此其小者姑無
論如誣騙襲良策而主囚梏拷欺壓黃巡檢而賣放
竊窩甚至侵盜料銀凌辱幼童皆何等罪惡遣其子
而徒其父是否盡法分巡武昌道嚴訊確招詳奪

大盜劫擄事據下江詳

王足兒夥劫黃自勉家今有物碎之是矣今無論
賊微但其劫自勉也出入前又出于未獲張火塘
一時暫邀足兒果傾心之盜前各盜旋劫羅田匡

士珥而足兇遽未同行也大辟不厭脊詳該道再一訊察毋枉毋縱陳再二既係仇板准釋放王朝太等果不知情依擬先行贖決發落庫收摘繳未獲張少塘等嚴緝

大盜劫殺事據下江防道詳

張一顯張十兇不半歲而行劫五家猖獗極矣一顯賊獲主認兄族竝首已自無說十兇自英山轉解此處可藉口於費賊而隔屬應難辭千盜敗長惡不悛其謂之何依擬固監會審詳決張學惠贖徒餘如照

湖湘詳略

卷一

三

行庫收領狀繳未獲高土地老兇等嚴緝另報

人命事據下江防道詳

汪昇陽戀娼馬夏兇因其囊罄情疎取償不與遂憤激于枕席之餘斧聲一擊應手就斃檢審甚真當論故殺姑以先曾爭鬪論絞非縱依擬監候會審詳決馬應鳳局礪胎禍發雙城驛擺站限放譚二決杖發落餘如照行庫收收管領狀繳

出巡事據下江防道詳

石泗等三犯以夫馬積募通同庫役透領官銀至數

百金此必各姦就中侵冒法當重究第謂銀已強半追補姑依擬各加責四十板序發李坪陽邏蘭溪三驛限配滿放項應昌拜與王大經等照前案俱革役發落其應補還官等銀該道嚴限追完勿容吏書因緣隱弊也如照庫收收管繳

出巡事據下江防道詳

熊必達假銀局騙挾勢欺姦縱子既失義方悔婚又無信行論惡難以指數訊春實有餘恨依擬贖完仍加錮一個月追劄革役熊楚望等各杖贖發落照行

湖湘詳略

卷一

三

庫收領狀繳

出巡事據下江防道詳

據招陳三省等表裏作奸隨事指詐皆不知有法者至黃道禮誣孫三而竟令填獄胡效勛姦鎮氏而終致歐死則橫淫異常即構机豈是過哉姑依擬黃道禮胡效勛再加責五十板陳三省胡仕任曾萬裕拜責四十板各徒贖折葉再明等五犯俱杖折發落仍通革役以清衙門餘照庫收領狀吏劄繳

出巡事據下江防道詳

據招司以上積債利而類奪人之妻女準人之田屋更誣盜咬訟色色傾危真爲富不仁之尤者矣姑依擬再加責四十板徒贖司奇和姦上妾豈以淫人之婦人寔淫之可也然于風俗亦甚壞矣并責三十板示警羅日楚等各杖贖決發落餘照庫收領狀繳

出巡事據下江防道詳

據招郭起龍等積書積兵內外結聯橫行吮剝耗國害商欺公玩法黃州稅廠之害遂爲宇內劇則此輩爲之崇也依擬再加責五十板於廠前枷號各二月分別徒杖贖發內王守乾因姦誣盜情尤可惡枷號獨三月通行革役仍鑄石廠前如有更名闖投者聽人舉首卽時拏問照行庫收繳李得兒等嚴提梁太宇等限一月內緝報萬友等聽另卷歸結

出巡事據下江防道詳

據招萬友等以死黨結充盪手賣關走險伏路插椒賊且貫盈惡難更僕不意朝廷不得已之稅第爲若曹開礪局一至此商民之重足而腐心良有故哉姑依擬萬友等七名劉秋兒等十一名各枷號二個

月滿日再責四十板序發呂堰南平清化蘭江華容大荊城陵雲溪長安臨江鹿角岳陽豐樂鄧東石城城北港口官塘十八驛擺站限放蔡元兇張學詩等七名各枷號一個月滿日加責三十板照徒贖折周夢龍等七名各枷號半個月加責三十板杖贖俱革逐有牽引別卷未解者還各多責三十板示懲餘照庫收收管繳未到嚴提結

議修江岸事據武昌府詳

查守道通詳本院在今年二月初五日據該府簿內

開銷則在去年十一月之閏尚藉口該府原未經詳既守道爲之轉詳豈該府不必候詳耶前不具詳今不粘牌吏書亦全不經心矣仰候守道究招其府折等銀准如數動支工完冊報繳

焚吏不法事據武昌府詳

據詳李通之父廼李震東之祖所樹以爲子而析著居之者也震東一旦欲逼通爲奴而逐之大逆不道前小巡官直斷撇移而翻將李四擬罪此又與于不仁之甚者也李阿戴告而通與震東各得一罪幸矣

總之徇情曲法與國家設官爲民之意豈有當哉仰府覆招限一月摘緊關解報

艾除民害事據武昌府詳

官食俸祿皆百姓脂膏乃又私用舖行累苦小民豈忍將皮毛盡剝之耶陸賢等所告有衙門豈無其官姑不究仰府嚴行禁革以後但有取物用行者本院訪出或被首告定行叅拿仍勒石通衢遵守繳

真積漏網事據武昌府詳

田相一家在官其爲衙蠹何疑况需索有據乎惜也

湖湘詳略

卷十

五十六

賈廷詔告不盡實依擬相與田詔賈廷詔分別徒杖贖決發落餘如照庫收繳

出巡事據武昌府詳

捕巡既是分季翟聘賢四月初一日接管况三月內又在本院聽事五日則聘賢可原也但謂糧廳過淮謝朝爵以銷美錢糧差委此恐不然况江光弼官非統攝身且隨行奚罪焉翟聘賢與光弼免之周之桂等依擬各杖之桂贖完還役羅廷珍決訖革役庫收繳

廣詢利病以圖稱塞事據武昌府詳

各款良是第其中尚有少宜斟酌者仰府照逐條批註應議者速摘呈覆酌應禁者通行嚴禁此繳

一議詞訟

訟師教唆保歇扛幫誣盜成風善良被累據議行通解嚴反坐匪但無情者不敢售而冒籍匿名之奸可永杜矣准照行

一議南絹

絹之苦無處不嘗折之便亦無人不言矣第事關

湖湘詳略

卷一

五十七

題請仰摘呈布政司通議妥確另詳

一議弭盜

會城賭博風盛保甲法踈年來多盜未必非此之故仰府刊示嚴禁有開張賭場如隣保不舉者盡法拿究枷責至夜行無禁巡江司哨官兵安在江干不靖又何惟乎該府通拜摘呈分巡武昌道着實申飭務保寧謐可也

一議平糶

平糶賑饑此救荒一事也倘出之無時移之無法

祇爲猾役市棍益之利耳仰府于開糶時嚴示通曉務使窮民沾惠則儲粟有實用矣

一議鞠檢

人命論傷強盜論賊稍有枉縱便關生死况佐領卑官一味苞苴第憑播弄凡傷證賊仗經其檢鞠曾幾有確然無疑而毫髮不爽者所陳必正官檢訊自是問刑不易之法仰照申嚴遵守毋忽

一議宗祿

均祿于額之內則花生冒濫等弊可杜寧止調劑

湘湖詳略

卷一

七

祿入之匱乏已哉然事關天下宗藩必須條奏仰摘呈布政司熟議之

一議義倉

義倉勸輸古之良法其在今日爲灾告匱尤斷然當亟圖者照行

一議賑荒

發賑須粒粒到於窮民人人盡無頂冒然亦其難矣據陳查有法散有期其於賑災救荒又何患乎照行

一議息盜安民

裁減舖禁工食以募夫巡夜似於捍衛有賴亦通融可行者第額禁原止三名其以四名朋充者原一名未有工食而或兩班爲番休耳今因額外之幫而遂裁其額內之銀不知人肯應募否裒益貴當仰府再摘呈該守道覆酌詳行

一議糧解

部糧索利此官邪之當肅者况聞此中糧里通同衙役每借開倉一切陋規科十分而以二三餽其

湘湖詳略

卷一

七

官究使利歸各積害歸百姓而官由此多不免自全可恨亦可惜矣仰府通行刑禁有犯即拿解重處務使官不敢婪賄以重民積役不敢媚官以害衆庶官民兩有賴也

稅務事據武昌府侯同知詳

楚中權廠非一而獨黃州商怨日聞所入漸縮說者爲由委官及濫子手如饑鷹擇肉餓虎食人而又有包關說關偷關避非一途公用私用侵用耗非一路故去歲先議罷議移不得至冬而本院議蠲一月蓋

為此方略消憤懣也據稱因此風聞圖便理或有之
第查百貨莊業所在有厥何能飛越無論三楚
廣遠諸商非師曠之聰不能旦夕悉知無壺公之法
不能旬日盡渡果有之而襄陽岳州等處臘月必當
必不兌錢為要官銀子手等役解嘲而道路口牙
人不必雜聞委官用至四人不已多乎而且追原於
水院之免稅無為也此繳

湖湘詳略 卷一

四十一

救民水火事據武昌府捕盜官詳

楚中捕役通同監盜表裡害人最慘最毒於齊等平
白詐人即盜豈過乎重責各六十板枷號三個月發
民安孫黃三驛擺站限放照行庫收收管領狀繳

殺死二命事據武昌府理刑官詳

據招易文光曾星耀管吏之豪奸無忌者一則指詎
糧解剝剝宗人一則假命圖誣橫行刁挾俱千三尺
不盡一徒姑依擬各加責四十板追贖革役申司除
名餘照庫收繳未到另待

公舉助葬等事據江夏縣詳生員陳楫死不能
葬由

既委無力安厝准支本院鹽贖銀三兩該縣差的當
人擇日爲望之入土畢日報繳

出巡事據江夏縣詳

交代有院冊額派有全書短少爲侵脫漏爲隱本院
不敏但見及此耳據申既誣前院多支又嘗本院查
之不倫諸胥口非不利而不知該縣弊爲楚省之首
政以在內多利口舞文者也公費係額編既未蠲以
予民仍當歸之公用鹽贖少銀四十五兩零仰縣即
照數坐贓究罪招解蓋天下豈有舍可憑之冊籍而
反聽不根之佞舌哉無此法亦無此理也速速

湖湘詳略 卷一

四十一

查覈錢糧酌補盈縮以清庫藏事據江夏縣詳

據詳清庫各項誠得要領但該縣一歲透支過一千
八百餘金則既大駭聽聞矣夫錢糧各有倉口若謂
科場用度則實興之費原有常經若謂款外支銷則
費用須尋下落于此礙而不言恐未易輒求截補仰
縣速查究明白詳奉

清查錢糧事據江夏縣詳

彭述古等以積年胥吏侵匿條銀至一百五十七兩有奇會城法網嚴密之地何各積不法之甚如此耶姑各加責六十板依擬吳暹發鳳山驛張應時發港口驛照限擺站滿放彭述古等六犯分別杖贖折發落述古余應祥革役申司除名倪應龍等盡數革逐不許復入餘照庫收收管繳江夏弊孔糧房爲甚趙佐上以糧吏侵銀一十八兩零雖經補還豈應以罰穀了事糧書王來聘身雖近故而鄔文壁上下接管寧不與事乎前後通同之弊本院稔聞此中此法熟矣仰縣另審確招詳奪

出巡事據江夏縣詳

郭祉身充庫書漏報鹽贖該本官明而能斷勘出原委亦一快也但捏完作欠亦是侵欺一法依擬輕其罪而前銀仍于祉與余應祥二犯名下追完入庫毋令猾胥猶得朦朧淆混可也庫收繳

打死人命事據江夏縣詳

李正榮等嗾宗誣挾致董氏自盡雖華塲有以死之

湖湘詳略

卷一

四十一

而二奸唆撥亦甚矣依擬正榮金廷鳳加責各三十板枷號十日杖折決發落餘照斷庫收領狀繳華塲嚴諭省改如再犯故 王另戒并知之

檢究毒竄事據武昌縣詳

閱招諸奸至欲改券滅孤則所稱以楊莊田當銀之說安知非謬乎大抵熊石二嫗被惑于壻必至辛丑無立錐而已况謀情大毒殊爲可恨仰另研究詳

天討民害事據蒲圻縣詳

公田原以爲民必產係膏腴佃係醇朴而後可張文先獻賣脫禍舒仲仕等認佃通租皆與官民兩無當者依擬與杜宗顏等各杖贖折決發落餘照斷行倉庫收繳

急拯昏墊以救生靈以全保障事據漢陽府詳

修理江岸與買田脩賑總爲地方第一前院發銀本意買田期垂永久倘賑款救凶荒今不一載輒議移充別用既原行不照將初意盡舉况事惟權宜勢必觴溢恐賑銀盡而田銀終亦以借動烏有也可勝惜乎但思前院由饑之意固殷由溺之心自切該府既

湖湘詳略

卷一

四十二

束手無謀十三日漢陽縣通學生員汪時躍等復應額告急姑准予賑銀四百兩內動支一半助修江岸以資保障其餘並不許假以別項那移毫忽至于衙門有體守道一詳亦屬未當姑以本院未到吏書姑免提究繳

雙盜誣殺事據漢陽府詳

張狗兒於洪永一家果拒捕殺死洪一老卽未得財亦當擬斬弟據一老未絕之活口同徒陳八之首詞及蕭同兒等之口供并各衙門之審語俱稱下手殺人者張么兒一人已耳且此獄也斃者五命今狗兒就獲復擬以拒捕殺人是否與律相合大辟所關不厭詳慎分巡武昌道審確另詳蕭感老羅孔一既係無辜先行摘放可也

直陳刦擄事據漢陽府詳

胡其偉以錢債告強刦則所指人安得云無州縣但知信差人破解而使架詞者亦不坐耶則法自可廢矣仰府拘究一月內詳奪

極苦慘毒事據漢陽府詳

依擬李華等各杖贖決發落庫收繳第行戶名色有司相應痛革仰行縣以後凡有取用務要以見銀兩平易買母得賒取捐尅致累商賈可也

廣詢利病以圖稱塞事據漢陽府詳

據議征收釐剔諸欸俱准照行如築笑河添驛巡并改歸俸欵議處門攤以及崩洲豁糧等事還應酌議仰府照冊頭批註摘呈司道覆議詳奪

一議樹築

爲民父母教民樹植此不待言者若永鎮觀係漢

湖湘詳略

卷一

四十五

川上游本院蚤已捐金帛官修築該縣或亦有賴矣至筭河通於孝感築之是否兩利仰府摘呈該守道議妥通詳

一革積索

漢口人煙稠雜豪家窩販積年打索仰府刊示嚴禁以靖地方若踞豎橫征改歸有司本院有慨于中久矣俟另裁行

一議添官

添設驛巡關係題 請仰摘呈該守巡道會同布

政司斟酌妥當詳報

一議損賦

供應備用各有倉口若濫觴透借後將何所繼乎
湏量入爲出不使有浮費那借可也俸欵從寧鄉
改歸當日必有說仰摘呈布政司查酌詳行

一議門攤

門攤出自市廛據申筭河衝崩銀多賠補委爲官
民之累第 路課難虧應否計處仰呈該守道會
同布政司覆議詳奪

湖湘詳略

卷一

四十六

一議便宜

江河有消長錢糧因有盈縮不在彼即在此也漢
川以門攤之不敷請築笑河猶慮病民果漢陽洲
去而糧存可任其偏枯乎仰府呈該守道委廉明
官踏勘議妥詳奪如淤崩不多勿又紛更滋擾也

捕蠹拷嚇事據漢陽府林通判詳

么兒既送回龍進用姑依擬贖發庫收領狀繳漢口
客舟鱗集久爲略因淵數湏着實嚴禁仍訪平昔做
國戶者籍其名失事責令跟尋有犯如律重處庶足

以懲奸也其加意行之勿忽

突檢人命事據漢川縣詳

隨香巡走余良弔止隔衣責之十板必不其然楚中
前卷亦大有不足信者第事關主僕不可深求然張
楚材以賣妹貧人遽然訊配正恐不必三年遂爲隨
香之續也姑改無力杖的決外加責三十板趙文賢
等依擬各杖折決發落餘照庫收繳

酌議潞糧事據漢川縣詳

潞豎橫徵民不堪堪激變地方翻襲 維藩之體據

湖湘詳略

卷一

四十七

議分限着耗等欸甚得徵課甦民之道而於差來官
使亦重有利焉仰縣刊榜禁約束爲遵守有抗違激
生多事者申報以憑提拿究此繳

廣詢利病以圖稱塞事據黃州府詳

一禁左道并徵弊

究征病民私役病工而白蓮無爲等教則病在人
心風俗此最宜嚴禁而重懲也者仰府刊示通行
違者官以不及論吏民重究不貸

一議王糧

糧糧舊聽各州縣徵解關領宗室安得越境催撥至于辦事催幹未有肯安靜者仰移文長史司啓王禁論斷不可聽其越關生事也

一議夫馬新州

夫馬以騷擾稱疲無地不然但所司有風力官能着實禁治亦不難過公差之貪暴甦窮募之困苦也唯是支應歲有常額用有定例安得徇情濫觴本院久知各驛多虛造名色轉相抄謄任意冒破混積透數但得該道一准開銷便申詳請補以致

州縣不敢違核實之冊吏書乘機作借支之文究使庫藏告竭而驛官與兵吏書通同分享其利此弊通省有之又不止于官使橫索一項已也仰府摘呈驛傳道刊示嚴禁令郵路不敢騷擾驛遞不致透支斯爲採弊補偏之良策速照行

一議絹新州

絹之苦在在皆然若各屬有折有不折則見牛未見羊之說也援例盡更其又可乎姑俟另酌行

一議荆府祭馬新州

荆藩行祭路必不遠斥馬數百匹何其多也仰呈驛傳道查各藩用馬事規酌議畫一詳行

一議堤壩客夫黃岡

縣丞職專水利一切堤壩自當隨時修補此亟當申飭者至於夫價向旣攤之客賈何爲越二十年竟無輪納其中得微有別故歟仰府摘呈該守道查明議妥詳行

一議兌運黃岡

兌運弊孔多端惟官兌之法可以甦困本院已通行查議矣仰照行若結實聚訟此最澆漓之俗誠不可不嚴爲之禁該府拜出示痛革勿姑息長奸也

一議備用黃岡

備用有銀而費日增委應請益弗時詘不便加派驟動未免紛更仰候議編全書之日另呈該守道酌詳

一議糴糶黃岡

動銀徵資賤以爲糴糶可以實倉庾而備荒歉策

至善也第要在得人不然滋害且不可言矣仰呈
該守道詳行

一議丁糧黃岡

錢糧有總無撒那得不混而積書算手正蠹國蝕
民之尤但於此嚴為搜剔亦為政之急務也照行

一議建驛改路黃岡

建驛改路既屬妥便仰摘呈該守巡道會同驛傳
道嚴酌另詳奪

一議支應黃岡

需索之擾冒濫之弊已見前條矣仰照行

一議絹黃岡

北絹雖應改折上供似難遽廢仰還從長斟酌通
呈布政司議妥詳奪

一議夫馬黃岡

官馬之法既黃岡苦稱不便亦難強之使同也至
於官使轎夫必不止一班已也就令不該班夫擢
轎頗不稱厲而楚地用民壯民壯逐路役及舖兵
贅矣仰呈該守道會同驛傳道詳議經久詳行

一議修船黃岡

省河之船資之隔屬修造委覺偏累第船銀額派
于該縣者盡謫於武昌則差船之派在各屬者尚
多尤而效之彼通運卑官其能辦此乎仰摘呈驛
傳道通查議妥詳奪

一議修船蘄水

一縣而派船十三隻此亦事理之難通者也若種
種苦累則必然而不待言者仰呈驛傳道酌議行

一議先賢祠黃陂

節孝宜復其身二程與木蘭祠坊久已行議矣俟
詳行

一禁老人左道黃陂

老人假公詐騙宜求革不復設奸徒投獻撥置則
在乎有司不畏強禦而已白蓮無為等教有即擒
治驅逐亦轉移風俗一大機也仰照力行

一議公費黃陂

合屬以供應需用諸費甚多矣第全書久定加派
難言十分樽節不無難處之意耳

一議科舉黃陂

此學道事也仰徑呈酌行

一議倉黃陂

兩倉并建以從民便照行

一議堤廣濟

除前發外又批發一千二百金則險薄處倘亦不難加築乎

一議派減抵廣濟

改抵派剩辰餉及停前堡兵工食等項既係事軍

湖湘詳略

卷一

五十一

奉章之數亟應刪除至於荆宗鈔銀豈有不待兩

院批行輒自加派之理想其中必有說也仰摘申

藩司及糧道通查明白另詳

一議改折黃梅

南折未滿漕折留中其可再及乎

一議席脚黃梅

南糧既改則席脚修倉之費委宜免解但恐部額不肯虧翻塞請改折色之路耳且該縣限期將滿即今應否免征仰再呈布政司酌妥詳行

一議江濟黃梅

江濟柴薪總之不滿三百金而費及五十兩則彙解之便民斷可識矣仰呈藩司酌行

一議築堤黃梅

堤費前後計發過四千金矣

一議崩衝黃梅

欲除崩衝之糧必須丈勘明實乃可仰徑申該守道酌行

一革積黃梅

湖湘詳略

卷一

五十二

究革總書勝除盜賊如議行

出巡事據黃州府詳

余坦然罪大惡極其所以久逃不獲者無亦劉萬章恃其故縱之律不過徒配而遂賄逃不問捱賊不追乎仰府勒限嚴拿如再過一月不獲將原解并的親家屬及承行書吏節次差緝各役通行解院重究

引恩造就事據黃州府詳

備卷雖給衣巾尚無名色不得不寬其途以聽其所之憐其未達一間暨准途道一次亦非謂可常占府

童生一名也至武舉則係開科取士矣若仍以小帽青衣與童生一樣既失體不雅觀即與生員同是本院且爲賢官鑒一徑矣謂法何文武異途終不可混不如已之此繳

父母俱殺事據黃州府詳

據詳監盜串同打網捕役假借害人可恨甚矣况江俸等係典史衙役何難提究而但作照提仰府嚴限鄒典史送出確詳解奪

父母俱殺事據黃州府覆詳

湖湘詳略

卷一

五十四

此一獄也初尚以爲捕快藉盜嚇良之可恨而不知盜且爲良民今據招又知約保屈良成盜之尤可恨而乃幸良之不枉爲盜矣嗟哉張奇秀者父以此湛母以此斃余豪以舅翻乘其急而欲勒其鬻女之錢且因而串黨以陷其甥於獄奇秀亦何辜而慘遭此酷也吳國儒汪楚先依擬徒贖曹啟發金口驛限放余豪等各杖贖決內有身役者通革退安經歷鄒典史姑嚴令策勵供職照斷庫收收管領狀繳

類首類弊事據黃州府詳

劉堯臣等既朋奸詭派則就中貓鼠瓜侵不言可知雖官貪已去而衙蠹難容依擬堯臣與張一澤等通加責五十板杖贖折決發落仍盡刊名革役庫收吏劄繳

拚死伸冤事據黃州府詳

周景抗不赴伍而告其官徒不赴配而累其役甚且誣誣戶衆遁延拖累真刁悍神奸也仰先加責六十板枷號二個月依擬發麗陽驛擺站滿放餘照庫收收管繳

湖湘詳略

卷一

五十五

殺殺人命事據黃州府理刑官詳

據招蔣源因熊引兒爲主取償激令刎死似得情矣弟引兒不過熊應鳳家奴耳當時若未受主人意旨何敢稟官若不假應鳳勝氣又何能威逼舍發縱而問追逐干情罪平耶否耶且單開十八款豈盡鑿空通未拘官實對其何以贖蔣源之目而服自學之心也家人有犯罪坐家長况係主人事乎仰黃州府公虛研審確招詳奪

雷殺激變事據黃州府理刑官詳

韓政許元以衙役敢行誣索卑官李希孔擅自刑禁無辜畏法之念亦微矣至於鄭寧之敢于唆訟何乃也分別徒杖允當依擬各贖完查照還職革役發落照行庫收繳

積害殃民事據黃州府理刑官詳

依擬曹應雄等各杖贖仍各加責三十板革退地方小甲身役其該驛管夫嚴行該州照各驛例規責令本驛人充當再不許妄報鄉民致開局禍照行庫收領狀繳

湖湘詳略

卷一

辛六

詐捕拷賊事據麻城縣詳

該縣既有東嶽廟其地又有李和尚其人即僧與廟不相蒙而事之有無與黃便等之果否衙蠹皆不難知者若盡信差役之回呈原告之不出安知不出於賈和畏累使然歟仰再密查拘審詳報果無亦不妨已之本院非欲多事因詞情是告衙奸詐捕拷嚇恐其網漏焉地方害也

暴吏積弊等事據麻城縣詳

王成道秦之益藉差嚇索真狐假狼貪者依擬分別

徒杖折工革退既則聖清編含糊杖決據招姚彥與袁尚盛以阮廷襲越訴告縣而成道等乘縣官之怒而肆其愚然則民即枉死別控遂為罪案冤未及申而身且不免奔竄以逃死寧復有法紀哉罪不必重料而奸人投機煽禍斷不可長仰縣提姚彥袁尚盛王成道秦之益四犯摘解到院究審發回查照發落庫收領狀繳限一月

刳殺大冤事據蘄水縣詳

若非侵侮之極以是藐諸豈肯奔告哉姑念議息不

湖湘詳略

卷一

辛七

欲深求然義不伐喪豈勝沛然獨不解乎決不可竟置之不究也姑免其解仰縣易冤招詳

發塚拋屍事據蘄水縣詳

何如晉何如昌至無地以殯其父而畢昌之不肯相讓亦非無名照斷行其祇罪槩免之此繳

暴慘殺宗事據楚府長史司詳

依擬朱福杖折發落庫收繳夫以母銀六兩翻算至六十有五則此數百金安知不從磊折中來况違族私債難扣公祿念借者未必用得其正耳准追每季

止准十兩仍嚴諭以後同宗不許放此重債以蹈不義可也

冒濫單占事據 楚府長史司詳

依擬朱福杖贖發落華謹等所占樂婦范旬兒等速行嫁賣夫以妄厠足于花柳之間而使子女冒花生之辱此其間可不擇耶其華堤前後借約追塗附卷照行庫收繳

批守巡荆西道并所屬

議復官解事據分守荆西道詳

湖湘詳略

卷一

五十九

據詳潛邑百姓苦經糧之科剝經糧苦解運之騷累則盤纏議增是矣是矣但官解通行已久扛解俱載議冊該縣向用經糧何以故且潛居水鄉加派宜慎雖出民願終屬無名該道再會同藩司覆酌安當詳報

出巡事據分守荆西道詳

官家設法脩堤無非為保民計也何物鄧贊元敢于指官科索包貼夫工不將保民者厲民乎此曹隨官科擾往時堤工不堅率多潰單冒破其故未必不由

于此可恨可恨姑依擬贊元加責五十板發荆南驛擺站滿放仍革遂永不許入衙門監石堤傍勒名垂戒程宗智等各杖贖決發落餘照庫收收管繳

置買公田事據分守荆西道詳

前院割贖買田久已立款開除本院支充額賞查明本項發票各屬或因循而不清追遽爾牽纏致多混淆亦可異矣沅淑兩縣俟本院徑行查催該道行府先將已完者酌妥以成前院之美此繳

捐金築堤以救災民事據分守荆西道詳

湖湘詳略

卷一

五十九

修堤為民捍患既捐支之外尚少四千金即分派湊濟總以民事借民力彼百姓當樂輸恐後矣然本院既面與備監各任其半則求鎮觀分築之堤止四百弓零只湏派三千金似亦足用該道明白分行鍾祥派一千六百五十兩京山九百兩景陵四百五十兩倘所謂減一分而民得寬一分非耶轉盼冬殘春水隨至湏速行各該縣照減派之數先將在庫銀一面解用一面派徵補庫仍出大字告示使小民通曉勿容里甲混冒多徵嚴催委官趲今水涸上緊興工刻

期報完務一勞永逸不委財力于泥沙即在事者大有造于斯民矣分委經歷陳仕張萬化俱如議行王家營堤速議另詳

捐金修堤定界責成等事據京山縣詳

該縣派修永鎮觀堤銀本院已減作九百兩矣今王家營堤工據詳估派業有定數則銀似可餘出應即行減派耶抑或俟此處工完就以餘賸銀且蔡孫家腦堤耶分守荆西道從長議確報

堤工告成有日預陳善後事宜等事據分守荆

湖湘詳略

卷一

李

西道詳

據詳王家營堤工垂成而條及善後諸事深得杵築肯綮至於幫舊堤與定界防守萬萬不容緩者該道速行本官加意料理期于一勞永逸汜濫無憂斯稱保民實政也此繳

軍務事據分守荆西道詳

奸弁剝軍釀亂悍軍逼官索糧有犯各宜盡法弗據詳先准留守咨 顯陵衛旗軍張姚方等告稱月糧未給此與陸嘉猷無干承天衛旗軍陳景芳等

告稱乞要轉達將本年春季月糧稟給救命是預借而非索逋也該司遽張皇恐有鎮守事不幾於教猱升木乎張美陸嘉猷俱先革印如陳景芳倡借作亂尤為首惡該道通提嚴勘叅詳一月內仍查的倡首者一併解報其該給糧鈔速行查發繳

身故官員事據分守荆西道詳

陸嘉猷初九日受刑十七日報故其非死于病明矣向見所執而問之者不確意未釋然豈料其間有如許隱情耶故殺職官大是異事元兇與助惡通提嚴

湖湘詳略

卷一

李

究凡有干礙盡法叅呈必無畏徇速詳解奪

請糧招充查鈔賈怨朋謀傾陷異常冤抑事據

留守司詳

據詳是陸嘉猷一人之死猶未足以逞意而又耽耽于秦世臣矣末又稱承天府授指奸弁豈欲將地方文武各官一網盡之耶可駭可嘆分守荆西道確查并詳

欽奉 勅諭事據分守荆西道詳

福藩贍田屢奉 明旨切責既派有項故且差官守

僅豈得泄泄而不爲之所乎 邸業有定難損分毫
奸人屏隱乃當清刷此時內臣外臣正宜同心合力
以襄 國典而恤民瘼該監受 朝廷之厚恩不肯
毀家紓 國則亦已矣而今忽于官民一切膏腴地
土私受詭寄之錢出頭占護長安藉藉之聲充耳不
聞致官司款款之忠靡階自効夫地方官而謂敢於
侵剝 邸業宜服上刑但鎮守官而第希圖罩占
王土不知應歸顯戮否耶該道再移會該監差人同
有司清查以期共濟不然既以不知有無多寡矣誰

胡相詳略

卷一

六十三

爲 邸業該監於經界應復茫然竊恐其真正 邸
業爲司房等盜賣者不少耳乘此一訂正之乃所以
爲 邸業也何如何如

欽奉 聖諭事據分守荆西道詳

欽留 邸業自不可虧數分毫前少後多該監前何
不以進 御之實明告有司直至於今而方吐露乎
增茲多口然則該監亦自有以招之矣夫錢糧進
御卽係新增總名 邸業豈容短少弗查屢次清丈
俱奉 旨着撫按官委官會同守備既畫界堅碑何

以復有碑記不盡載者乎且煌煌 明旨並不許混
冒侵越據該監稱養綏所見在 御前如短少一項
本監必奏明減去一項是以虧折 邸業挾制外臣
也本院則謂若非司房等盜賣短少何足煩該監之
慮未復調報畝陞科奸猾佃戶隱爲私利不可責備
本監本院則謂若非詭占丈定地土焉得多餘預以
欺匿委卸佃戶該監於此已不覺自露破綻矣該監
文移變換該道再一移會卽不肯發開亦要指定原
額若干坐落何處新增若干題 奏何年以便會本

胡相詳略

卷一

六十三

請 御前黃綬開照數清理也該監縱未肯實心相
與弟以數或未的 皇上英明倘據此以不信該監
同在地方法殊有所不忍耳何如何如此繳

欽奉 聖諭事據分守荆西道詳

據該監回文似不以 邸業爲口實矣適聞該監且
奉 命還朝本院不敢不以正告蓋無論身後首尾
政當於此時明白弟思今雖不發底冊而有原額有
新增止九千餘頃此原據之該監者也先移本院有
歲額錢糧底數查每年所進多不逾四萬兩以本院

所聞每畝八分起科計之固已強半不入公家矣今該監忽加出地畝如許美總當歲徵銀一十一萬有零其開銷豈易乎前者地數不的不知進銀數的否且不知請旨時此等處可遂諱不言否耶該道再移取查明以便會題幸勿謂吾輩肯鈎深索隱可耳另報繳

奉 聖諭尋據分守荆西道詳

為 勅建香火據留一十二項作道衆焚修等

非不可但時下儘力搜刮猶恐不足藩額安

湖湘詳略 卷一

平西

得預計本宮掃除之浮用而忘目前之急需乎該道再清數議妥如修宮要費與每年二次薦修陵殿不妨臨期行府酌處蓋此時括地甚難而後日需費猶易也何如何如此繳

水火事據分守荆西道詳

據詳清優免僉軍解與夫酌減盤纏等項最切民瘼如議行其優免一節仍應摘出移知學道也沅餉久已詳抵馬匹既允加增似不必再議該道查照繳

稟究事據分守荆西道詳

張清倚捕一人撥官酷及孺子典史高以賢以處免矣衙憲可復縱乎依擬清發建平驛擺站限滿放張先與曾耀之疎縱難辭劉楚相鄧守惠之費爭可惡各分別贖完完日還役發落餘如照行庫收收管領狀繳

出巡事據分守荆西道詳

彭先憑城積壯纂訪元兇指証立領胃子之家嚇詐聲咬平民之血官司則目一任把持閭里寒心無從籲懇真地虎之雄而衙憲內之傑也單証不虛成邊

湖湘詳略 卷一

平西

馬枉依擬追贓完日枷號兩個月再加責六十板發貴州烏撒衛充軍終身拘僉妻解招達部知彭文等各杖贖發落餘照庫收收管退領狀繳劉先儒速另提結

出巡事據分守荆西道詳

郭成等受賄縱替致奸犯臨審赴責玩法極矣依擬郭成董采胡忠各加責五十板徒折革退張倫危富各責三十板杖折并逐彭先用財脫解詭弊可恨半月內勒贖完日該道據實八次解院查驗發遣彭

文再責六十板發落餘照庫收繳

出巡事據分守荆西道詳

溫世明遠僑避訪業自知天網難容矣技養仍萌故態無何禍嚇多家已欲賄而令人不能撫有其女慘矣哉豈訊春能蓋也加責六十板枷號二個月與問杖朱江俱贖發仍各革退身役不許復充照行庫收繳

出巡事據分守荆西道詳

據招鍾九成等踏踞索詐不一而足甚之暗報殷實

湖湘詳略

卷一

李六

指借富戶如陳應諭者侵補自由湫不正法雲夢幾稱奸弊之數矣姑依擬九成應諭萬良臣彭繼宗歐夢奇蔡大卿各加責五十板照徒贖折革役再各于縣前枷號一個月滿放袁金貴責三十板并革俱永不許復入黃宗祿杖贖還役發落餘照庫收領狀吏割繳未到提結

劫擄事據分守荆西道詳

據招熊慶等夥劫丁氏母子刀棍傷其主麻藥封其口火先燎室裸體擄去此盜之最無忌者駢斬何辭

但夥黨入屋詎無一賊以樂迷入未見圖財辟案難以模擬招情猶多草率該道再訊確招詳

殺擄激變事據承天府詳

閱招兩家蓋爭新淤河泊地耳劉絜等自逞暴橫但郭四知等任其搶殺兩番並不言攔阻及有鬪毆事何恬讓乃爾問官又以徐州同禁指揮等告示繳詞為證得無墮其圈套而不覺乎一月前劉絜已在省纏告詳遲遲而後至又何也今以贍田派楚中者獨多原以承天多河泊地為言此等無主競業可充前數否分守荆西道勘議另詳狀一張并發

湖湘詳略

卷一

李七

遺害災民事據沔陽州詳

前據縣詳決口潛沔多寡較然已批道查議矣今州報決者本初係沔代築而今現在潛江豈錢糧屬沔而界址屬潛耶分守荆西道并查報

戒 旨閉河等事據潛江縣詳

據議開濬泗港已鑿鑿可待第事關慮始不知于堪輿合否于工力給否又當由道查議妥報

催請憲示劈好 藩賠以一畫守事

據 潞府劉伴讀手本

藩課未聞有欠者所謂拖欠折色聞弗以煬國主耳因本院近爲拈出故爲此以自飾其云觀示內之情不寒而慄洞見肺腑矣有司但言耗朝廷補斥不少貸佃民亦民也既供卹課食其力者必不忍傷其心舊例九分亦非令甲今委曲議至二錢而猶不滿其欲腴之意則民必散政恐今不欠作欠後果至於欠而猶未已耳除耗不容更議外然政恐頑民未免觀望遲延未必盡無分守荆西道嚴行該州

湖湘詳略

卷一

李

縣諭民作速完納勿使頻來瀆擾也此檄

科殺民變事據分巡荆西道詳

石氏恣淫內亂聲家藏以從縲斃之獸叔致其夫鬱亡而其子乳立讀之口汚尤堪髮豎服無死法而情不勝誅姑依擬去衣決杖加責八十板徒贖與瞿顯松等各杖贖發落餘照庫收領狀繳

燒殺激變事據分巡荆西道詳

楊茂志架燒劫搶擄之訟旣是無徵丁正恭楊啓白行捉鎖拷索之事又爲有據其楊凌雲等四名或始

難或證誣總之非善類也依擬分別徒杖贖完發落餘照行庫收領狀繳丁九聽另案審詳楊接雲等聽別卷提結

邪教肆行事據分巡荆西道詳

王香兒接引左道蔓延惑世致一時男若女更姓改服從亂如狂向非投榜自犯則地方之隱禍可勝言耶依擬解發施州衛充軍終身愈妻達部黃友德等六名依邪亂正徒各不在內劉太祥發京山方伯清發石橋陳賓發建陽三驛限配滿放餘俱與劉惠等分別徒杖贖完發落如照庫收收管繳未獲另緝結

湖湘詳略

卷一

李

法究人命事據分巡荆西道詳

據招鄒繼善縱牛食麥而反噴楊喜之護觸詈口不堪下手太重就令執父成邊能消投縲就木之幽憤也哉姑依擬加責四十板徒贖斥革鄒富的發餘照庫收收管吏罰繳

盤獲假印事據分巡荆西道詳

汪大章旣已物故則夢熊宜住拘但楚中往往徇吏

書賄場無論事之大小人之善惡一遇隔屬俱指不肯發以致奸民倚異境而橫行事體以掣肘而難結不知州縣有分院道正所以合之乃以下之胡越而成上之陵夷可乎如刻雕假印此是何事此是何人而松滋堅於爲奸庇也該道行提松滋承行及原差重責發落仍移所屬知之餘取庫收繳

出巡事據分巡荆西道詳

本犯既故罪贖准豁免但此等賊贖不能竝完者該縣只宜追完正賊詳改無力庶不廢法也何延至四年不發落而第待本犯物故一申了事則應山之積案可知矣該道嚴諭之并徑提經承吏書責戒庫收領狀并繳

謀殺人命事據分巡荆西道詳

據招李向陽啣葉子瑞姦妻暴醜之忿遂與汪懋合謀截殺割其唇腎瘞之沙灘致其母驚懼就縊檢審情真斬絞何枉第初招叙向陽等要將蕭子瑞打死除害是商謀匪伊朝夕而柯推官覆審之詞云子瑞斃命時二人方知爲子瑞豈河邊交擊之頃挺逐加

功尚不曉其爲蕭耶又不與謀情相杌鑿乎河邊殺人畢竟無有知者恐非情理前院已批出而今招通未照應不無滲漏該道再研審確招詳

出巡事據分巡荆西道詳

此起皆經訪極惡如柯遠已故者徑豁之態應勅罪大賊多恐其中有捱展情弊蓋閱詳中如柯遠死則載其月日至於在倉患病撥醫領出絕不分明總之此地未完竝未有能的見其能完不能完者故下筆處僅影響者尚多也該道再查確另報

明火劫殺事據分巡荆西道詳

據招王黑兒等五盜夥劫兩主毆傷喻相夫婦焚屋焦孫而擄其牛馬衣物賊供有據各斬豈枉第查招稱陳外兒劫分魯伯江裙被之賊尚未叙明即本犯兩次上盜確無可疑而分賊起賊處前後微不照應恐不免爲猾賊他日展轉之實且董惟忠縱放曹細冬兒過家脫逃當必得有厚賄寧止酒飯款待已耶罪不踰絞情湏勘破多命所關該道再訊確招易詳

拷嚇事據分巡荆西道詳

據招石孟兒以盜種而打造器械濟父行劫甚且得
賊巧匿賄鼠招年真盜之最狡黠者擬斬極當第刑
官審語據雲夢稱本犯三十三年作賊時年必十五
今該道參詞又云劫鄒官時年已十八未辯孰是即
本犯十五十八總難逃死而疑實不塞恐滋辯口該
道再研確招詳

明火劫殺事據分巡荆西道詳

據招郭五兒黃孟兒以強盜得財擬辟姚西兒以賊
仗未明擬遣似得情矣第查五兒獲有兩主贓物得
財無復可疑若孟兒者俱稱未獲非辯實乎西兒六
劫俱同紮襖直從身上脫下尚可云未明否熊三兒
則盜執甚堅吳心兒直戀姦中止亦既分賊已俱配
是否當辜獄情猶多未確該道覆訊另詳

慘殺女命事據分巡荆西道詳

余化龍噴毆姦姦之妻死於即日投塘之屍驗實皆
負之人認真絞無詞矣依擬監候會審詳決余可學
等杖贖發落照行庫收領狀徵黎氏另提結

姦殺人命事據分巡荆西道詳

鄧子順姦師弟之婦而憤其禿兄有私嘲毆周氏以
致其慚極淫橫甚矣乃王惟實以僧人犯姦敗俗尤
爲可恨姑依擬各加責四十板惟實仍枷號一個月
杖決還俗發落餘照庫收領狀徵

豪奴恃勢等事據潛江縣詳

據詳許交等以宦勢閹毆公門明是把持官府此而
不問則豪強敢于啞人矣又何以責之齊民也分巡
荆西道嚴究解報

豪奴恃勢等事據分巡荆西道詳

許交一宦倖之奴耳敢于縣門內邏毆行兇并掩捕
者而打奪之寧復知有天日哉豪橫極矣依擬許交
再加責四十板于縣前枷號一個月徒折謝鳳等起
釁助惡各責三十板杖贖折決發落餘照庫收繳

大盜劫擄事據德安府捕盜官詳

楊正非盜則可若以爲久釋之盜而欲寬之則非也
蓋當時之釋止以無贓無証今擄去之徐氏復還則
活口可訊矣遽不正罪不縱兇耶分巡荆西道確審
詳奪

伸檢毀屍事據德安府理刑官詳

歐棟逼姦兒婦繼之以毆以致盛氏死非其命真人類中禽獸哉馬鞭傷豈圓圓縊死寧微舌出草率擬徒是否當辜分巡荆西道再審勘情律確招詳奪

稽查通送公文事據荆門州詳

據招李先魁以革積而敢造匿揭假文投通其腹如蝎而膽如斗矣証據已著律絞何枉弟暗害許世卿等情故尚未究出此雖重在投匿而廣刻關防似亦不可不追驗明白以折其口而服其心也分巡荆西

湖湘詳略 卷一
道研審確招詳奪

法究二命事據潜江縣詳

據招姬玄二噴李度與取欠價疑王仁指使而捏情奪姬強占仁媳李氏為妻豪悍極矣擬絞亦似不枉第姬善與王仁構訟在官方兩相持而李適王兩載又有身孕七月何以即肯聽姬奪去招稱用計奪占墮胎指據尚未明實且父子共犯應否罪有專屬辟案難容草率分巡荆西道研審確招另詳
廣詢利病以圖稱塞事據永天府詳

一議錢法 荆門州

錢法最為便民鼓鑄通行誠今日之要務也仰府呈布政司酌議速詳

一革冗員 荆門

荆江宜門二所既屬冗員則裁之良是仰摘呈布政司覆議額詳以便具題速速

一議糧運 荆門

漕糧兌運之弊處處苦之據議比照江西官兌事例此亦窮則必變之時矣仰摘呈糧儲道議妥詳

院酌題速報

一議馬價 荆門

既彼此皆有馬價何為互派協編仰呈布政司會同該守道酌詳

一議築堤 潜江

築堤以堵水之入濟河以通水之出此是治水一定不易之理但須彼此兼利無啓爭可也仰府詳議妥則通詳

一議修城 潜江

修城歲有額銀十五金該縣謂四十年來不知何往此何說也仰府速查下落酌議脩理另詳

一議便宜 京山

此譚利害最悉除修堤已有成議府倉難以遽留外其疏口挖地須會議停當通詳及聽從民便該縣竟督率成之

一議保甲 京山

嚴保甲禁圖賴輕債利此行該縣實舉而勇任之耳若門攤騷及市厘委非善政據議裁斗級以抵

湘湖詳略 卷一

補之哀益似當仰摘呈該守道覆酌轉詳

權殺撥雷事據承天府詳

官以預支餌馬戶因從中扣剋可鄙極矣第惜其不在任耳陳國相等始依擬各杖贖折發落餘照庫收繳

千賊抄殺事據鍾祥縣詳

據詳陶楷等串名朋誣坐徒亦是但商士俊等既列青衿當親黃卷若無執行何至叢仇二憾欲往必有繇矣况查連名呈縣豈非圖大衙門各投處分確是

武斷鄉曲且主簿何官而乃欲令訊審生員告人事楷等之敢于越而忍于誣倘亦有大不得已者耶以是而俱行反坐即于法無害而干情必有枉矣仰承天府公虛覆審速詳

詐偽誣嚇事據承天府捕盜官詳

巡檢之設原非為地方受詞處事者人有家庭小忿而官與鄉約輒為繳呈拘解又因吏與弓兵之肆索而妄申玩恣甚矣姑依擬劉光裕等各杖贖折發落先裕還役張文魁革逐仍各責四十板向文魁枷號

湘湖詳略 卷一

一個月示懲巡檢葉惟勤紀過鄉約陳子洪繳詞啓蒙仰并提責三十板枷號一個月革去鄉約庫收繳

買抵人命事據承天府管糧官詳

鄒大星怙兩吏之勢而越界墩占人田亦甚恣橫矣端兇招叙被大星踢訖負痛回家未死叅語復謂乘端兇之踢視為必登鬼錄則其傷必不輕况沈友棟業以人命告而復遣端兇在山牧牛畢華初不知其子之生而來既見其生而不慮友棟之必置之死而竟去皆非理與情之所宜有也畢華之皆沈向鄒寔

爲利移讞者以端兒之死出鄒入沈得微稍爲勢休
平仰本官執法公斷覆招詳奪毋枉毋縱限一月

民冤激變事據承天府管糧官詳

據詳州審田歸解再第收戶當差其以田退與許棟
索取原價者再第自爲之也再第告府而後棟告司
此其間貌斷凌雪之狀實在再第黃通判以爲滋肆
奸吏殊得之王同知竟免其杖非曲情庇吏而何棟
再告而坐徒則吏勢當益彰矣其可乎仰承天府理
刑官另究報

湖湘詳略

卷一

七十八

官積誣拷事據承天府理刑官詳

吏邦孚既受瞽夫失妻之詞不能審追完聚而乃得
賄庇奸至曠日後解州竟致瞽者無配而略者多漏
擅詞已違 明例貪求更玷官箴依擬徒折革職爲
民申布都二司除名餘照斷庫收領狀繳

真正民害事據承天府理刑官詳

依擬譚世正加責三十板與馬麟等各杖折決發落
餘照庫收退領狀繳據招世正捏告巡司差兵任意
勒索夫佐領不許擅詞况巡檢乎仰查明另揭報

弊殺飛詭事據沔陽州詳

王鏡旣不得析戶則其告已實豈應擬罪吳貴辨書
耶問竝杖陳鑒竟可聽之不到官署官猶鼠何容更
以他事卜哉仰覆究另詳限半月

條陳民害事據荊門州詳

據議酌田之高低以定夫之多寡最確然非堂官自
爲編派而委之水利則衙書作弊且不止藉科紙價
而已此俱應申嚴者也公正照舊於近處選充古堤
租銀准移抵堤壓田糧此繳

湖湘詳略

卷一

七十九

殺擄大變事據鍾祥縣詳

朱尚義皆主肆誣違斷復逃狼子野心必難服業原
身價給主放之歸宗似矣復據梅中傑稟稱若展計
延償遠方不便守候必至人價兩空似亦有理仰縣
將原斷價裁減權借庫銀五兩卽日當堂回給梅中
傑收領取領狀并退狀附卷仍羈候朱尚義追還補
庫完日決杖發落同庫收繳

婪積弊侵事據景陵縣詳

各丁冒領刑官之斷頗明竟無柰蕭聰等之不遵何

郭朝柱真才也斯亦不足惜矣崔瑞寰何處人而云不出得毋為龔會真子地乎龍時吟既以別案龔府其名下欠數豈懸坐者耶不然即令一見本院而解府當未為失也審各犯皆云縣見役吏該縣肅于以下定不肯為之辭唯是解民不解吏而本院亦第責民不肯吏將該縣與本府俱失之矣幸熟思也郭朝柱等俱依擬杖贖免死龔會真名下該二十五兩減去十兩量追十五兩之招稱戶口銀七十七兩除完五十二兩四錢尚該欠銀二十四兩六錢據開湖相詳略

卷一

八十一

二十二兩一錢未補非是應改正照斷蕭聰等銀并量追龔會銀該縣徑收庫只押令郭朝柱奏完七十兩之數另僉人起解毋使鄉愚為一班衙蠹籠絡無已時也各庫收繳

懇給祠帖等事據潛江縣詳

歐陽少卿建祠置地妥先之孝兼贍族之仁此不但政肅一家而將化敦楚俗懿矣哉准以歐陽祠立戶領前項田畝每年定額應雜泛差徭永為蠲免仰縣查照給

文案遵行此繳

置買橋田事據潛江縣詳

據詳橋工落成而橋田橋費又經畫周至其利濟于潛者直可垂之不朽矣仰照行繳冊印發

清查欺隱事據潛江縣詳

周崇序等依擬各杖贖發落餘照庫收繳近來借淤崩為詭糧計者比比而是該縣敷出減派于通縣可謂發一人之奸而千百人提福矣還刊示通曉可也

大奸滅孤事襄陽府捕盜官詳

婦人無遠出就質之理仰鍾祥縣速提鄧廷讀等連

湖相詳略

卷一

八十一

詳解送襄陽原批問衙門收問取收管具由報查限二十日

廣詢利病以圖稱塞事據德安府詳

據詳各款深切利病第其中猶有事須酌議法當嚴禁者仰府照逐款批註行此繳

一議開河竝錢法

開河非可臆度必條其無不便始為得耳若力行錢法則利民不小仰摘呈布政司類議轉詳

一議潞稞

潞府徵官之害本院稔知請歸有司徵解姑有待未發耳今議欲啓王王自明察第閹璫欲漁此利務爲格閱搖煽卽啓未必達卽達未必從也俟酌行之隨州窩訪扳誣應山南兌幫貼皆病民之最大者仰府嚴行刊示釐革有犯拿解勿謂害在徵官下而不爲之力禁也

一議損濫

鋪陳庫子久經裁編如何尚在徵派且欲以此項補充備用不足之需恐各屬援例紛紛無已時矣

其科幫夙弊該府嚴示申禁毋使里甲生擾也

一議木價

積穀原爲備賑若以前銀併之木政萬一地方災傷則緩急何所持乎通省木費以百萬計此涓滴不足實漏卮也仍各歸正支爲是

一議船料

徵商無藝則活稅爲之祟也自該府定有死稅巡攔不得暴關奸商不致走險此法之最便者卽脩云勒石永爲遵守如有積僮變亂及巧取困商者

率解重慶賤人知欽戢商願出途也石場迭查

一議田糧

從來有田則有糧有丁則有庸若照糧均里猶可而照糧鋪丁是否公平仰摘呈黃冊道會同該守道覆議詳奪

一議驛遞

郵遞困乏雖由不足亦需索冒濫有以致之須州縣任怨勞嚴禁第欲加復舊額時詘其能舉職乎至欲掣協編呂堰銀兩調德安昔僻而今衝呂堰

昔衝而今緩與應山裁巡設驛之說仰摘呈該守道會同驛傳道關兩府者仍行兩府會議酌妥通詳

一議不便

隨州雲夢等處卽彼此編有協濟爲數不多卽在本屬爲地非遠不妨舊貫之仍至應城欲以京絹折銀恐明知其害而未必能革此等事每多中格耳若安陸抵剌沅餉旣僅三兩有奇遠解委是勞擾仰呈布政司覆議詳行

一議保甲

保甲嚴則人皆安生樂業寧止弭盜一端耶仰府嚴飭力行務俾地方盜息民安可也

活殺孤主事據德安府詳

謀求吉父子謀軫六家奴也而敢以他人結案之事懸誣其主犯上作亂豈可爲訓加責五十板依擬發鹿角驛擺站滿放謀大聰并配稍苛倖免涉縱重加責六十板姑照家人共犯免科軫六杖贖發落餘照斷庫收收管繳

湖南詳略

卷一

八十四

天誅擄殺事據德安府詳

喻其愷違約罷婚捏無情之訟亦可異矣但魯氏既願收財禮似難強其復合若魯金聲慶兄妹之間不免市心亦青衿之不類者乎依擬分別徒杖贖完肄業發落餘照庫收領狀繳

姦殺弟命事據德安府詳

萬黎爲人假子而城寨盜案其產翻誣姦殺辜恩甚矣依擬徒折追割革役將錫作身列膠庠行虧拍占則亦士類之羞也姑行學戒飭與辜正吉等各杖贖

折肆業發落至於惟有益買而後有盜賣調黎得過嚴惟損等田價而於胡氏名下斷銀二十兩代償夫此輩法隄之不止若以情則一發將奈諸奸何其肉既盡而黎之瘡必有不能醫者矣已之惟損免罪已倖其事可勿問也

申明畫一等事據德安府詳百戶張應誥朱藩考察緣由

二官隸德安而附承天考察則該衛之吊取陸指揮未免生事矣姑紀過以後仍歸本屬送考承天不得

湖南詳略

卷一

八十五

侵越仰即移行知會承爲遵守此繳

水火事據安陸縣詳

仰照冊內逐款批註行

一優免

該縣免則頗重故免于該縣者多而不知適以困民也據議以後分軍民一定之籍而不追其既往然止爲學校稍屈其法可耳吏農何得一例視之即示力行可也

一議夫馬

昔僻今衝夫馬良苦弟事久難變即撤回該縣協
濟呂堰銀尚須詳議而欲并取回隨州其可得哉
此俟兩道詳奪

一議軍解

僉解之苦亟宜議甦大抵非獨戶單丁必不可累
通族有同姓必不可累異姓也仰摘呈清軍道議
妥行

一議沅餉

抵剩微餉遠解誠大不便已批府摘申藩司覆議

湖湘詳略

卷一

八十六

矣仰照行

一議糧解

官解而不復用民則官爲便如原用民而加一官
則贅庖可裁也仰摘申布政司詳行

公務事據應城縣詳

通公文而每處閣三日則置郵不稱速矣鄒徐萬國
泰依擬的决仍各責三十板此等處情輕而誤事寔
多慎勿姑息也庫收繳

修治道路事據應山縣詳

修理道路使行人不嗟畏途此縣家一事也况院銀
久捐募化者想亦不貲可不及時修砌委築道傍乎
如議仰即酌量估修完日冊報繳
批守巡上荆南上江防道併所屬

豪官占殺事據分守上荆南道詳

屯田確宜隨職而轉楊春雷非應得而食不能割郝
一龍雖應得而躁不能待依擬分別罰穀免叅楊辛
伏杖决餘如照倉庫收領狀繳

貪婪暴惡事據分守上荆南道詳

劉仲七等假餉鼓譟逼毆縣官兇同夷虜固宜投之
四裔若武弁從來不受詞何物王家聘等輕聽刁誣
擅差捉鎖繫累索詐不一而足此曹播霍寧知有天
日哉依擬與黎正亨各薄罰示懲仲七張保兇改調
廣西象州來賓各守禦千戶所充軍仍拘妻解招達
部知黎元祐發強虎哨哨瞭四年滿放蓋遇例不
減律也非苛也柳應祥趙滋杖不盡辜的决後各加
責三十板發落餘如照倉庫收收管繳

久困奔蘇事據分守上荆南道詳

借力千廂坊猶未免爲里甲之擾况公然責之備辦乎如此樊規亟宜痛革如議嚴行該縣永永遵守毋仍變更滋擾也繳

強盜劫殺事據分守上荊南道詳

梁上登嘯聚亡命肆行剽掠其劫吳之東等三家獲有真贓業經主認斬無疑矣獨李允康之情節終未洞然蓋允康劫有四而果有兩家原贓起獲即百口何辭一斬唯是上登初獲之時既未供允康名姓而同徒監故鄭興全等亦未質爲一夥况招中有云允

湖湘詳略

卷一

八十九

康之賊原爲喻十兒寄當之物而伊主李光先之首亦在事後種種疑竇不再勘破不爲猾盜異日展辯地乎且此獄最可恨者至數年而乃成招監斃者已十餘人矣當時止憑捕役送官中間寧保無羅織耶該道再一確審易詳務在毋枉毋縱

盜情事據分守上荊南道詳

朱田等合夥肆劫不旬日而王李兩家一空且拷王中正至於折足盜之猖獗莫有過于此者真賊見獲事主認明九犯無疑各斬若劉東四之受寄周宗堯

等之旁觀應止訊杖確矣但朱佩因事敗徒擒遞以一紙護身翻逸行兇之惡至於王美分贓獨多係王邦憲家起出恐不止知情受寄已也二犯擬遣是否與例相合該道再勘易詳

川湖水漲等事據分守上荊南道詳

據詳兩縣昏墊之狀真念切民溺矣但設堤砥澇何得歲修歲圯此必董工者潦草作弊難盡委之隅候爲祟也該道并行查究速勘議賑築之法詳報

酌議餘稅修堤以救災黎事據分守上荊南道

湖湘詳略

卷一

八十九

詳

據詳公監堤工已有次第民可免於無魚矣唯是石首工大而費艱安忍不爲之慮但時迫而恐其晚則宜斟酌舉事不委金錢于一擲可耳該道一面選水利能官及時修築一面速移藩司酌議措發務期竟此堤工以拯彼一方民何如

極寬大變事據分巡上荊南道詳

舒鳳來倚宗驕驕月久逃幾爲網漏徒懲不盡厥辜姑加責四十板依擬贖完發落

有延累庫收繳向再武等另提結

拿積拷殺事據分巡上荊南道詳

朱四兒李希聖同夥供報于前贓物起獲于後盜情最真駢斬無枉第招開四兒剖分劉欽亮夾襖女衫尚貯公安縣庫未經識認夫公安與江陵同一府屬也取贓認給無難何爲尚止認領袖衣一件何揭襖被機等賊而失主欽亮亦止認領袖衣一件何也該道行縣查明贓數將二犯監候會審定奪謝廷明既無事主之賊又有鄉隣之結與汪四兒屢審無贓者卽行決發沙班毛應科妄拿平民爲盜牽累無辜與鄧么等四名姑照前詳分別枷號加責應發衛者發衛應杖贖者追贖其審實問二各的決發落餘照行庫收收管領狀繳未獲趙香兒等緝結

錢壓真命事據分巡上荊南道詳

劉廷松以私債拷禁李茂嶺於私家致命傷多扛屍證確况何氏何以過亡孫尚倫何以獄斃推原禍始蓋三命含冤一死恐不足贖耳奚必再尋疑實以爲此囚求生哉依擬

不盡辜加責四十板與李崑蘭等各分別贖決發落餘照行庫收領狀繳

絕世奇冤事據分巡上荊南道詳

杜宗晦欲以庶奪嫡屢斷無有直之者而纏告必不休蓋愚也而亦刁矣徒不爲枉抑杜逢乾不善處人骨肉之間真可恨耳依擬逢乾同大有各枷號一個月與杜宗晦追贖完日內大有贖杖逢乾的決發落餘照行庫收領狀繳

打死人命事據分巡上荊南道詳

徐德索船錢于鍾洪志狼僕之威未殫而斃舵工之命已畢矣頂額無處不傷而脚踢業已輸認豈得以徐應期者掉臂不顧而乃今哆口脫卸哉絞抵無辭依擬監候詳決其余文貴杖贖發落餘如照行庫收領狀繳徐應期徐滿另緝結

大盜燒激事據分巡上荊南道詳

據招陳十之兇暴淫霍幾於通天達地矣無論窩卷現存通族共棄卽其所以處汪世魁者抑何酷烈而無已也姦其母而并及其妻怒其夫而復遷于婦墳

使腹中之胎不保船內之物都捐第令世諫戎行猶
不足以洩遠近之憤而况陳二復濟其惡哉依擬發
求定衛未遠充軍僉妻達 部陳二發界亭驛擺站
限備余彩明贖杖發落餘如照庫收收管領狀繳汪
世魁等聽另卷且詳未獲陳一嚴催另結

緝獲圖財事據分巡上荊南道詳

熊天恒萬應選利陳小孫之財而謀害其命不知港
中之屍一出已露項繩非義之財不穩易招駭愕逮
真賊既獲而二犯有頰首無言而已即日又機智易

湖湘詳略

卷一

九十三

生易從置喙哉自應駢斬依擬監候會審詳決胡廷
明貪無故之獲何辭決杖萬應斗鮮與謀之情急應
縱釋餘照行庫收收管領狀繳

殺死二命事據分巡上荊南道詳

向軃兜唧胡廷富暴盜之忿遂合謀刺殺更深潛住
斃父及子嗟乎廷富何辜而七歲之丙男又奚罪竟
乃唯類不獨耶慘矣証真于內舉獲刀于兇家一斬
不償二死依擬固監詳決向一惠雖未加功謀情可
恨加責五十板發排山驛限配滿放向一榮等姑各

杖贖發落餘照庫收收管繳

急救父命事據分巡上荊南道詳

宋啓富抱姦毆之公憤狠打林勝祖死不移刻傷證
既真即有丈夫氣可取其如法不容何依擬絞抵監
候會審詳決李大兒宣淫胎禍加責六十板與朝富
各杖決發落餘照庫收繳

勦叛安民事據分巡上荊南道詳

據招胡浩懷胡宗堯爭產之讐擄拾久結之盜案串
通書捕裁賊妄拿甚且波誣多人嚇詐多賊誠清時

湖湘詳略

卷一

九十三

之豺虎而白日之魑魅也若捕官信耳急功亦殊可
恨惜已行矣姑依擬胡浩加責八十板枷號三個月
徒折朱宗麒照案有據刺發調弦驛擺站滿放充警
楊么周丑各刺杖決胡宗堯等俱杖納工收贖發落
陳再壽并責六十板革逐餘照庫收收管領狀繳朱
朝漢另緝結

賞存案候事據分巡上荊南道詳

江一道假印神奸復致李應貴于死據所檢項無傷
痕腹中無水遍體傷凡二十四而查係致命者三乃

一道尋主父以焚屍則知應貴之死實由于毆而非繼亦非溺矣但一道惡發于殺人而罪坐于偽印雖復刻有據然以龍陽蓋宜都之帖謂以前別無行用必不其然此處不直窮到底恐終不能捫其舌也縱辭斬亦得較此囚必無活法乃須嚴勘以塞展辯之竇耳該道再覈確詳

欽命誣獄事據分巡上荊南道詳

據招許約用兄弟黃實父子各以與向王等小嫌遂連謀合力將王等搏執而踣踐之其他刑拷不必論

湖湘詳略

卷一

九十四

若鹽醋刺心而石灰揉目致令殞者一而瞽者三天下固有此慘毒者乎今擬絞約用而戍黃實是矣然許紹用黃朝二等既與黃實同惡而罪有等差查例徒罪以上不分首從則紹用等恐難遽從末減也至斷給向富等養贍銀各三十兩似已非少第律開斷付財產一半今亦未見勘明事出異常刑關重辟分巡上荊南道再一確審易詳

打死父命事據分巡上荊南道詳

劉德威因盜報不獲被毆傷重告脩極搶辱致曾

有據而曰唯之死畢竟由于伯仁該道再審妥招詳緝捕盜賊事據分巡上荊南道詳

劉榜等兩月內連劫四家猖獗甚矣人隨首而拜擒賊與人而俱獲且歷審輸服均辟何冤但吳真保既同劫艾文貴何眾皆分銀八九錢另有衣物而本犯獨止分銀壹錢七分其劫王甚學家未見本犯同眾入屋又何以突出分贓若陳天鑾招前並未叙及往劫艾文貴亦未開有分受至後言天鑾以劫艾銀五錢還債何也此等處若不勘破終非鐵案該道再訊確易招詳奪

湖湘詳略

卷一

九十五

研查大盜事據分巡上荊南道詳

據招胡來甫啣江廷龍禍占之仇叢兇夜往執龍與母妻三命頃刻謀死脫約焚屍裁盆委禍審勘一一詳明磔償萬分不枉第謀殺一家所犯甚重府怨必深來甫以霸產仇吳應學以誣盜仇江可學以黥面仇均確無可疑已多伏天誅矣若周國一寄糧挑取

王文貴又來甫佃戶耳與廷龍夙未有却殺人何事而輒一呼響應况既被脅從寧不加功不加功而直受禦得之衣糧其情豈不有未悉者耶夫此獄不但僕謀主且弟謀姊矣可異可異事關極刑該道再研勘確擬毋枉毋縱招詳

法勦大盜事據分巡上荊南道詳

王一民等縱僕行竊證窩有據賊牛既經主認黥配無不當辜查招開除王義註故外依擬一民王癸兇譚未兇王瘦兇俱刺字序發建平白沙黃牛鳳棲四驛擺站滿放充警丁華既未同行分賊姑杖折發落餘照庫收領狀繳未獲緝結

明火大盜事據分巡上荊南道詳

余嘉光等夥黨剽竊賊供有據依擬刺發涿口笙竹二驛限配滿放充警王長兇抗不赴審姑杖決發落餘照庫收管領狀繳未獲緝結馬巡檢妄拿劉三兇致無辜斃園可恨可恨今未必無爲馬巡檢者該道須通行申禁使獲賊必解正官審招勿爲捕巡卑官所拷虐則地方緝捕多矣

七命事據分巡上荊南道詳

據招彭璜等借捕妄拿拷逼張子美扳報多人而更令鄉保誣首因之圍屋搜檢以嚇取財物卽豺狼不足喻其惡矣况乎子美以無辜斃獄甚至熊氏以歸寧輪姦一黨窮兇罄竹能書其罪乎可恨可恨姑依擬彭璜彭長一傳應元各加責八十板序發平茶新化隆里各守禦千戶所永遠充軍拘僉妻解招達部知范貴等四犯各責五十板枷號二個月序發巴山建平白沙黃牛四驛擺站滿放熊珍等姑各杖贖決鈔發落餘照庫收管領狀繳

拒捕人命事據分巡上荊南道詳

胡作飾小駕誣畏虛拒捕無論熊宗勝以傷重墮潭明有折傷之條卽黃近江無端胥溺難免由我之恨二死一抵夫復何言依擬監審詳絞胡仁加功助惡押發大荊驛滿配釋放張允太的發照行庫收管領狀繳

天討異冤事據荊州府詳

據招孫方八略誘爲奸拐賣有據擬徒似矣但賣商

子吳一元畢竟不獲則割人父子矣架禍于閔正而畏捕墜若則傾人性命矣略誘且有明例一徒恐未盡辜分巡上荆南道另審確招詳奪

劫擄燒殺事據荆州府詳

據招羅大成等結黨盤踞咬誣拷嚇無辜之貲財不難罄擄平人之肢體輕易毀傷分別過遣徒杖似矣第招稱鄧宗慶曾以夙仇夥大成誣執盧希進拷斃寺中果爾則二犯罪不止於遣人命事得不究乎何僧造匿名帖誣郭狗兒爲盜王元宜以勾攝而反沿途鎖掠皆何等濟惡通未提鞫亦豈所以大創群奸而紓衆憤也哉分巡上荆南道盡法研審確招詳奪

天除民害事據荆州府詳

陽守盟被革四徒玩侮三尺據其兇淫狠毒之狀閱招令人髮指竊嘆此方數姓何不幸而遽爲諸僨焦爛也唯是求遣不厭詳慎分巡上荆南道再訊確招解奪揭濟之等斷不可容其漏網嚴緝之

除貪追贓亟甦災民事據石首生員袁世泰等呈本縣主簿秦文叅

湖湘詳略

卷一

九六

官自官評袁也泰等公行告訐是青衿可以操官司之短長矣臥碑陳告利病生員不許近來士風洗競把持凌逼漸不可長分巡上荆南道嚴究報活活打死事據上江防道詳

李璉臨淵羨魚而翻憤禦侮者持棍劈潘以憲之腦至于皮裂骨破令之披靡昏暈唇吻俱傷齒牙墮落爰想此時此景其狼得逞矣死于當夜檢有多傷證有衆目絞抵甚確依律擬斬上江防道詳決李明揚唯唯叔之從爲可惡耳以憲原不因是而速斃也決杖足矣

湖湘詳略

卷一

九七

矣照行庫收領狀繳李朝揚提結

天討人命事據上江防道詳

李憲甫通客帳而致異方之人忿激投繯此積僧之最可恨者加責三十板姑依擬與張明所各杖折決發落穀價壅銀俱如斷作速追給毋使遠人久拖此地也庫收領狀繳

窩盜殃民事據上江防道詳

闕宗成因田泰畿憤姦毆逐誣盜登官多人簇拿而燔其茅屋則當日舉家驚惶之狀不可言矣陳五藉

差肆害反誣哨官各加責五十板宗成發劉家驛擺站陳五發豐臺堡哨瞭如限滿放田恭嚴與楊六等四名杖決發落餘照庫收收管繳未到提結巡江官輕聽喜功騷動良民姑免究該道仍移行嚴諭繳

良民巨蠹事據上江防道詳

據招李錦秀等朋奸謀產唆誣人命分別徒杖各當其辜弟全誣死罪未決例徒四年不減今議三年於法有遺或府招偶叙之誤耳姑依擬李錦秀陳明銳如例徒贖該道查確改正行陳明寵等各杖決發落

湖湘詳略

卷一

餘照庫收領狀繳

誣盜拷命事據荊州府詳

據招曾士毅等淫橫但詐幾不可方物卽六命死于縣官之昏躁亦未必非群奸有以煬之也法當重究姑以僞票曖昧依擬士毅加責六十板傳良詔等各責五十板通枷號兩個月杖贖革役郭氏去衣的決發落餘照庫收領狀繳

衙蠹侵單事據荊州府詳

王誥一庫吏耳串棍詹景魁以五十金之田冒誣官

銀一百七十餘兩而誥曰手獨分九十金寧非天胆神奸耶全一國等挾分雖不及誥什之一亦無解于詐欺矣依擬誥與景魁一國各贖徒唐堯澤發黃牛驛擺站滿放誥仍加責五十板餘各四十板內一國堯澤行縣革役乃詹冕裴大俊李世仙等朋名出告就中罔利與詹才等杖俱無詞各贖決完日發落再查王誥照後未開革役豈別卷訊革過耶不然惡浮于一國堯澤多矣似不應容之瓦全并追劄申司除名餘照庫收收管繳

湖湘詳略

卷一

挖塚拋屍事據荊州府詳

朱勃然因欽元塋墳碍已告縣而不待兩造輒逼起遷卽官之信耳可訝而勃然之敢于率囑亦可異矣姑依擬杖贖肆業餘照庫收領狀繳

打死軍命事據荊州府詳

尹應鳳出名陳萬言作證明誣練文粹坐徒是矣但文粹一青衿敢以不請小故而遂唆告應鳳又肯代萬言洩忿而竟出告于人情不甚近况卑開文粹三十八條又通學一揭夫文粹果素行無玷何以見貴

于友朋若卑欸中干證往往有拘之不肯來責之不敢認者示聽自投此其間豈無以其青衿也而微有動徇之意乎惟情法不可觴重仰府覆訊確招詳奪

極苦孤筑等事據荊州府詳

街難等以遠年結絕之遺券網騙宗嫠把持官府可謂無行義之尤矣非該府執法駁斷則暴寡者得志而法不幾徇耶仰仍省諭消釋紙姑免追詞准註銷繳

詐捕殃民事據荊州府詳

湖湘詳略

卷一

一百一

朱金學嘖陽葵賣其陪嫁之使女遂串黨扶誣徂詐不可言矣何廷會師成林劉漢楚扛咬互捏顯鬻身以代為尋讐尤屬刁惡依擬金學加責四十板徒贖王廷會三犯各責六十板枷號三個月序發孫黃民安辱陵三驛擺站滿放餘照庫收收管繳

異侵奇殺事據荊州府清軍官詳

國家錢糧往往為奸商所騙蓋原非商乃世之極無賴者也仰嚴清追此輩自作之孽不堪憐耳况聞指木誣銀者實繁有徒無木而竟係撮空一木而彼此

影射懲前慮後可不加之意也

勦積救孤事據石首縣詳

查素世蔡丁米原由素九山戶內呈撥東魯者今世蔡堅意告歸舊戶必有大不安于東魯者耳矧東魯九山既係一家何妨出入仰照議改正冊籍繳

蓋天大冤事據監利縣詳

鄭良相雖立非本宗業極樛入繼族眾共許矣則鄭良佐安得倚畀監壓而盡吾之耶姑依擬杖贖照今斷追給發落庫收領狀繳

湖湘詳略

卷一

一百一

申飭緝規等事據岳州府詳

緝有酌定之價若造則幫絛解則軟擡為里甲累甚矣該府詳慮及此深得調劑之宜仰即如議行仍嚴諭各屬着實遵守永為定規也此繳

勦積究弊事據岳州府詳

此詞經五年餘矣鄭萬揚即冒籍臨湘而監利比隣該府安得以隔屬抗提也破調本院有行仰府仍據實勾問半月人犯不到申院提吏重究

條陳稅務事據岳州府理刑官詳

爲商患苦豈盛世所宜有者本院近附數語請罷
亦知 天聽猶高媿不能爲民力爭耳據詳減稅而
又不失額誠于官民兩便卽未盡罷而減一分商受
一分之惠矣但須嚴絕弊竇勿使巡欄積僮通同猾
役又從中而厚之毒此在賢者加之意耳如議行仍
呈布政司酌詳

打死人命事據臨湘縣詳

徐瓚爲楊孟和之妻趙氏不允贖田繼死病兒架賴
徒其何詞依擬收贖徐成爵等各杖贖決內成爵弟
兄立視兄死各加責四十板以懲其忍餘照行庫收
領狀繳查照出內開周明顯納工價計開下何爲不
開徐成爵已開納米何爲又開折納工價卽招明白
而書冊亦不容任其訛錯不一對磨也吏書各責二
十板書冊發覽

湖湘詳略

卷一

百四

湖湘詳略補

續批兩司內道

欽奉 聖諭事據布政司詳

贍田奉 旨許時而該司儘力搜括纔得什一又多
零星不成片段何以結此大局據報 卹業碑誌有
定數備監歲進有餘租以此推詳新增可以另撥然
尚當分割明白以候 皇上處分內惟撤派官校等
項占用無論實去五百項隱沒倍之相應查出聽用
已也 卹業重於 藩田若官校何得敢與 親王

湖湘詳略

卷一補

爭此土乎就謂各員役有應給俸糧不容缺者所司
自應措派此決不可聽之藉名隱占者該司速會該
道并移該監先將官校一項一千六百餘項移出底
冊奏撥充租以便回 奏蓋國體人情自應如此想
該監亦無詞也若差官守候已久當先令還報此事
頭緒已得而肘掣難行即 聖明自當亮之繳

懇恩表彰人瑞以昭國禎事據布政司詳麻陽
滿廷富壹百肆歲

尊禮年高此盛世所當行者旣題 表無例始如議

歲酌布米資給之該司移道行縣置扁一面以表其
閭額名 聖朝人瑞前書本院司道街姓為後書某
立以示優老之意此繳

查議減稅以廣 皇仁事據布政司詳

海內苦榷稅已久况奉宣 德意尤貴及時既議覆
未齊如議一面先行各該道府轉行黃德等九廠委
官俱以文到日為始照減定規則徵收不許朦朧多
料仍大張告示於廠前庶積奸不得行其欺詐也餘
俟另詳此繳

湖湘詳略

卷一補

二

盜法壅蔽事據布政司詳

本院前據屯鹽道詳已批食鹽於東而仍輸餉於西
是無損於粵之西而有益於湖之南也如議當効一
籌呈堂達部蓋折衷於粵東與湖南之言也而今該
司以粵西之批稍復不同大抵更弦甚難而建議須
確不妨就灼見者存一端於天地間該司再會同該
道覆酌另詳惟求其下當民瘼上不妨國計其必行
與否可勿預計也

呈乞仁湛一天起敝疏壅事據布政司吏李慶

熊等呈

據呈照折勞例疏司吏第查已往折勞詳由凡院吏
原取之司吏在司已効有勞進院又効有勞止有院
勞則東蕪有司勞則西譬如胡以貢原有司勞故得
帶院勞坐鋪勘合者也則單有院勞或不敢攬司缺
已以此為破例而欲以司勞接衆院缺恐亦以用心
太躁故考訂循未甚確耳總之有兩勞以情以理以
法必不能不聽之東西通融止有一勞院之不可攬
司猶司之不可攬院也夫吏規已定尚不免有妄營

湖湘詳略

卷一補

三

者倘遂決之後可復砥乎黃國權等本院不能追考
胡以貢若謂既從院効則司勞可以勿論該司並應
否開俸一併查明改正其單有院勞者後不妨移之
西單有司勞者後不妨轉之東一併議妥將前議規
從新修改亦所以一法守也何如何如

廣詢利病以圖稱塞事據布政司詳

錢法之便所從來矣第民情亦難驟強須移之有法
鄭襄原用錢而獨格于上津今民既苦于銀色之低
賤而縣家誠能

爲灌輸有不行之如流水者哉如議行至社倉一節古之美政而今之弊竇也勸借之名尤易於騷擾有則量追拖欠以備不虞無則似不必議設何如此繳

剪斷後禍事據布政司詳

鄭光祖候取送進院候効大抵查據前院牒文原係鄭光祖而司送吳弘道本院向切疑此舉復謂司吏聽主裁於本司事理最確一革回且謂本院有戒心輒止耳查司府既斷定光祖繼弘道則余登科用銀謀缺將置司府於何地乎今日者弘道不出重利則

湖湘詳略 卷一補

四

無以正其蔑院票之惡而余登科猖狂若此府斷宜乎蔑如獨是以司吏眇司就至此極便之進不得缺退猶不失重利夫作奸犯科者何難措此二十金嗣後吏氛豈復可向邇耶據詳似乎情多法少該司再酌妥報

條緋害事據分守湖址道詳

據詳條緋必於可行而衛還于衛於是軍衛有司各止其所而文武之釁可殫矣布政司再會同清軍道訂正覆議妥確詳以便批發遵守此繳開併發

酌議賦役要欸以垂永利事據長沙所屬各縣會詳

布政司查議報內北絹一事其言各屬徵價解司開局彙解者已不一而足至有言蜀中有例可援者時當改造全書該司速行查議爲全楚蘇此一苦何如此繳

狼奸局陷事據江夏生員周之祚呈

聞呈情詞與余登科者大類本院因提登科與吳弘道及本生三面研審則知本生之呈亦登科唆之也

湖湘詳略 卷一補

五

向者弘道之越鄭光祖前司憐弘道貧生父周廷科借與銀一百兩在圖利登科掣出銀二百兩在謀缺弘道之抗院票非二胥不至此撓越扛幫既三人均之矣夫本院吏書體宜嚴密關防倘有不法斥逐究擬自無所各第頂首借貸之私在登科既經司府斷明刁告意欲何爲在廷科既可延之七年寧耐何難數月前則駕弘道以倡狂視前院幾如兒戲今再攢弘道而跳躍豈衙門儘惡胥躡踐者耶釁由弘道已經責懲但以罪不致革仍留應役外布政司提登科

廷科究招弘道徑行坐罪無爲獨寬也若之詐謂弘道所有頂首以盡爲登科畧筭非但見挑情自不能不急願求本百兩並不要利然弘道須使之失利以懲其惡前詳已言之矣至於登科原是謀缺前銀即係違法之贓豈得藉口毋錢况廷科百兩七年權子八十金耳豈得違例筭加以惠兇人耶仍俱議妥報

奉詳革役等事據荊州府清軍官詳

鐘頭一赤棍耳無身家有何顧忌即驗木本院初尚慮其奸欺况敢撓法爭運乎王宗正等獎收假木規

湖湘詳略 卷一補

六

錢糧不翅私物此不嚴究則總運官何以得伸其法也督木道速訊招報

木運省河等事據督木道詳

楚中財已匱而協濟不至幸大工且未舉而材料有餘觀邸報則三運或不妨從容圖之也起頭自易結局甚難價一給開木遂不容轉動恐翻爲商人累耳該道再議妥另詳何如

查議官允漕糧以甦民困事據德安府詳

據詳建倉工費毫不需之縣家與派諸民間且經委

官查基估計必欲舉而行之此非實心爲百姓興利者乎糧儲道速檄行該府即令擇日興工共成盛事其漢陽巡司空基既係官地則此爲國家積儲公舉應否給價若干該道或不妨徑爲酌之仍候工費估定之後取冊報院以憑撥贖量助繳

欺 旨殺人事據按察司詳

據招一溺二殺者既已有償而謀殺加功者未免懸擬則張文廷與張思和固不容終置之辟也依擬思和改發清浪衛充軍終身僉妻達部文廷徒贖發落

湖湘詳略 卷一補

七

照行庫收繳其張思判仍照前招完結照犯李世廷等有提李宗倫緝報

出巡事據分守荆西道詳

據招趙欽假威巡緝肆惡貪獲誣盜而賣盜第聞害物傷人拔娼而宿娼聽見裂名敗行家奴市棍縱黨已覺偏多堤役牌頭嗾恨固知不必法湏當罪律應立功第事當叅處按察司覆訊確招詳奪

仰仗德威等事據分守湖北道詳

據招王嘉賓等以索餉爲名離次出劫擄人財姦人

婦甚而挾刃入衙門砍傷家口奪牌下營寨恐喝官司匪止強梁幾同叛逆分別梟斬配杖亦甚當矣第脫巾譁首事不比於尋常警衆陳屍案無嫌於詳慎按察司覆勘妥確招詳

○舉人惡焰等事據守巡武昌下江防三道會詳

據招陳吾旨等偶因儒釋鬭爭遽爾呼朋發憤不顧藩封嚴重竟然排闥叫號就啓本不失敬恭至構訐渺無忌憚矣分別究擬是也第泮水之狂童無祿而兇髡卒逸似青衿之憤氣猶結轡而消東平之樂

湖湘詳略

卷二補

八

善有年而倨侮修傳覺朱門之體貌實陵夷而難忍即勢起激成而法不錯貸徒輩是否盡辜若陳文武等既果居鄉列名何云倡首劉銳猥真在省告院亦豈無聞及審陳吾尚與吾旨兄弟同胞縱孽由自作然難端在人則擬以二降一罰俱徒并黜豈微未盡之情與偏重之典耶至劉德劉長壽既引誣告死罪之條又當依總徒不減之文事于回奏不容草草按察司再會同布政司及守巡防道公虛研勘確擬招詳

續批守巡武昌下江防道并所屬

捐穀助賑事據分守武昌道詳

金本捐穀二百石助賑真尚義之民也允宜表宅如議行府轉行該縣動無礙銀置扁書輕財重義四字旌之此繳

懇申賑貸等事據分守武昌道詳

積穀原以救荒其賑者借者俱如議行但此中之弊不惟借有詭借展騙之奸而賑亦有冒賑代領之計該道嚴責該縣務要着實以身親之俾真正貧民得

湖湘詳略

卷二補

九

沾實惠可也冊報繳

擒獲詐偽與略事據分守武昌道詳

熊三以異省奸徒夥販人口前招輕擬已爲厚倖乃復巧請帶回有是法乎竊謂魏三姐原出明娶爲妻則事敗初胡遜避而所販盧三兒者其家豈另有待耦者在耶魏父未與審領光化又無回文何以知其願與不願大抵尤物之性易迷而窮民之恩難割若果爲熊三所娶之妻則追價入官屬於何名固不止與招相戾已矣招批久定而此曹盤聚不散敢生覬

此情一推所存焦六姐等非盡給還不已也
此略賄者又何憚焉該道再移行光化勸贊願否
務使真正得所另詳報奪

土官欺惑事據分守武昌道詳

依擬王如瑚等各杖折決發落餘照庫收繳供官之
湖匪非額標之外者則官雖裁自宜還之民該道嚴
行刻扁以杜爭擾可也

出巡事據分守武昌道詳

陳應等此入彼出一倡百和蟻集羶而鷹啄血無論

湖湘詳略

卷二補

十

徒不足以盡辜即戍亦不足以蔽辜也內如王養和
有名彰微據招不緝罪魁然則若曹之惡可勝道哉
姑依擬陳應等各加責八十板內應與王養和張其
道其遠枷號三個月其餘一個月其道發呂堰驛照
限擺站餘照徒贖宗世顯張應鶴杖贖革役李子兒
等追贓聽別卷發落庫收收管繳其未到直賄差不
出耳該道嚴限提究另解

懇恩賜改別學以全寒官事據署通山縣事與
國學正張文錦詳揭

據此詳可疑閱另揭可駭此似官評人品所關不宣
輕易看過分守武昌道會同分巡道江防道查明報
奪揭粘發

出巡事據分巡武昌道詳

李自新歐死余進生既覆訊下手傷非致命論重仍
當郭延祚而僥成者先斃矣况助力之熊五汪榮復
幾填園土是一命幾於三抵則此七十龍鍾者就為
改杖非縱也依擬監候彙題明文至日釋放此繳

捕蠹誣擄事據分巡武昌道詳

湖湘詳略

卷二補

十一

王成既被鍾和謀陷并其妻占之則和之疫死抑天
之所以為兇人戮也以是翻欲辟成情法俱未當今
反覆勘確依擬成改杖的決鍾順成肆誣局騙法應
反坐姑念兄死加責三十板革去身役與朱邦俊蔡
文通各杖贖發落鍾阿楊收贖蕭氏三去衣的決給
還王成收領別責餘照庫收領狀繳劉養純嚴提另
結

興革利弊等事據分巡武昌道詳
武昌縣以向無賢令而衙門之蠹窟錢糧之弊叢與

奸淫皆逆實倍他邑本院惻乎悲之久矣據議清查
書阜民壯立櫃徵收錢糧嚴覈冊以絕飛詭稽優免
以杜冒濫與夫揀選約保勸諭良民款款皆該縣急
務俱如議行仍俱刊榜豎于縣堂使繼自今來令斯
邑者式而行之至于禁包攬飛洒等款則又宜遍給
告示家諭戶曉可也如王德明等查未正法者另提
究以警其餘此繳

自首事據分巡武昌道詳

汪應龍憤婦翁嫌貧毆逐而輒操刀逆殺立斃於野
田之間不第檢證俱確抑且救解被傷斬復何枉依
擬監候會審詳決鍾天寵姑杖的革役發落餘照庫
收繳

兩絞事據黃州府詳

方之倫蒸汚兩嫂若果未成遣足蔽罪矣但兩兄何
以俱出其妻哀此鰥夫或有制於溺愛之父而不敢
盡言者乎亂命難從淫風宜正分巡武昌道覆訊確
招詳奪

蓄盜殃民事據黃州府理刑官詳

招陶滿兒聽故主梅中之意旨誣首楊守備等多
人爲盜串衙積鄉棍裁賊冒認沿門扳拷致被誣鬱
死者七命而又幾陷守備等於辟滿兒等通天之惡
無以加諸擬徒是否當罪梅中父子殘險請詭招叙
逃外物故恐有支吾巨惡奇冤不可不詳勘分巡武
昌道再研審明確招奪

貪積朋殺事據黃安縣詳

據稱以本衙大牌勾攝而諸奸索有銀布酒食則詞
稱囑指揮出紅票之事實矣衛弁受詞縱軍爲害豈
得不問分巡武昌道嚴究另詳

異天冤斬事據黃岡縣詳

張守比以匠食細故逆母致於投繯久經勘明斬有
定案乃余從明倏而爲之解免稱係族人張相者構
讐匿首果爾何相生時不力爲辯而俟相既死始啖
呖也豈招云乃父遺囑亦盡不足憑耶夫本犯前卸
罪于胞兄今或不難賄免乎舅氏第母子之變關係
奇獄不詳勘無以塞實分巡武昌道詳確招詳仍候
會審定奪

叔殺父命事據下江防道詳

據招夏六兒因割草之故狠毆夏四兒死于次日情真初作逋逃事實證憑隣口絞抵何辭第尖担之傷原應斜長而今致命如胞膛心坎兩肋腦耳等處何初檢皆是圍圓次檢心坎又係長濶分寸且不顯耶夏大倫是否未與當日承行誤寫十二身死之說亦安知不出買說轉幻之計乎碎案不慎終留後實分巡武昌道研訊確擬招奪

撥王抄殺事據下江防道詳

湖湘詳略

卷一補

十四

黃立學郭一德皆王府家奴也藉逃撥誣人命倚差敢肆嚇誑陷主污義凌弱何堪姑各加責五十板依擬序發劉家蔡店驛擺站限放一德仍未求革逐王赤岐并責四十板杖折發落餘照庫收收管領狀繳均行救竄事據武昌府詳

造紙既有舊規准照行但見紙而後給價始可以杜拖延而速公事不然楚藩司未見充格奈何曲爲那移上無益於國下無益於民而第以果流商之腹手哉此繳

贖救二命事據武昌府詳

鑑不審力蔡大柳贖徒免刺則廢法矣若果有另卷人命事即當速結俟審完不重於本罪仍照原招發配繳

酌議建倉官兌漕糧等事據武昌府詳

該府以建倉費大搜措銀六百兩助工具見爲民同心矣第該府糧額不多倉基舊屋估計非少量動三百兩鮮司轉發奏建工完總冊銷算餘仍留府以備不虞此繳

湖湘詳略

卷一補

十五

誣盜抄嚇事據武昌府詳

邵立等以鄉保積猾乘差嚇索致王尚文鬻產以啗之群虎食人真民害也劉良耀被雷擊死已迄天誅諸惡倖生胡容逸不正法姑依擬邵立加責五十板發富池驛擺站滿放程良緣汪伏慶周天啓陳上舜各責三十板內伏慶天啓革逐通與辜惟賢俱杖贖折決發落惟賢還役餘照庫收收管領狀繳未到另提結

誣盜詐嚇事據緝捕林同知詳

依擬柯品遠杖折黃天相乘差需索加責四十板決杖革逐發落庫收繳柯正葛誣扳打網還移行該府吊責六十板速正罪獄勿使爲平民累也

架盜誣嚇事據武昌府捕盜官詳

朱希武失幹晒之衣而遂指誣鄰人致官兵株連妄拿幾陷無辜豪橫極矣姑依擬加責四十板徒贖若夾棍豈巡檢可用之刑擅詞酷拷鄭宙於官箴蔑如且紀過杖贖還職祝俊并責三十板杖折革役發落餘照庫收繳

湖湘詳略

卷一補

十六

回報事據武昌府捕盜官詳

易可玉等夥黨搶奪即一軍牢之衣帽亦耽耽焉其賭蕩亡賴嘻甚矣依擬可玉朱得祿加責四十板枷號一個月各刺序發鳳山魚山驛擺站滿放喜生朱喜小盛兒王四兒各枷號半個月并責三十板與劉濟二王咬兒方子德俱杖贖折決發落和宇惟坤窩盜無忌行同下流仰即移該長史司籍名紀過俟再犯不悛啓王墩戒餘照庫收收管領狀繳

漏奸殺良事據江夏縣詳

丁希孔與吳國華等皆改鑄作獎索賊無算止於徒革至今有倖脫之議不自隱遁而欲完其破甑乎據以受商人紙劄諸費爲辭紙劄何名抑獨非賊耶理無縱虎歸山仰縣提責四十板申司禁錮永不許重納繳

借死抄占事據蒲圻縣詳

據詳若可疑矣第宋世賢既死於病傷從何來余應宿毆情非真何以賄免豈非本犯見緊證多故遂噤噤圖倖免耶仰照舊監候下次會審定奪繳

湖湘詳略

卷一補

十七

檢究毒竄事據武昌縣詳

此招種種未妥仰縣且將黃氏嫁期審的取結再審確速報毋使死者有餒而之憂生者抱流離之戚可也

獎冤窮民事據咸寧縣詳

此招亦大奇矣余學忠作奸誣告自當反坐乃以欺隱田糧擬徒載在何文查本條欺隱至三十五畝者罪止於杖其田入官此引擺站不杜撰乎余之介擬不應而審工價九兩又是何法律嚴故入吏書亦獎

甚矣仰縣通究明確招奪

樊冤窮民事據咸寧縣覆詳

余學忠余之介事情既復審明妥依擬分別徒杖折贖李上林等乘該縣抱病朦朧增減明係有心作弊在上林帶辦承行猶可原也張樞係書手革而復入舞文作奸必其尤者仰加責三十板革逐上林還役仍併杖贖折發落餘如照庫收繳其餘之介冒免應追丁銀仍應入數改叙行

除害救民事據漢陽府詳

湖湘詳略

卷一補

十九

依擬龔祿等各杖折仍各加責三十板革退弓兵照斷庫收繳第假巡緝騙害如龔祿當不乏而蔡店漢口間以土著屏漏課稅者應亦饒有之該府示諭禁絕之可也

富殺貧填事據漢陽縣詳

依擬張君寵等各杖贖決發落以免羈累庫收繳查倪汲之死釁起於田既為張君賂毆故何以死於黃政家今兇手未到而犯證尚多不再檢定真傷恐留奸竇仰縣覆檢審定確案以俟正犯獲日訊質成招

可也速緝之

通鄉不忍事據漢陽縣申生員張聖謨全家慘死不及斂葬緣由

據詳殊可憫惻但本生既一門滅絕無能為收斂者有司自當動支官帑俾安埋得所亦掩骼之仁也速酌行完報緣

誣盜拷嚇事據黃州府詳

郝來朝論財悔親以長史吏貪結朱門而長史徇情偏聽讎為遍申兩家之訟已結仍不候斷而遽行成

湖湘詳略

卷一補

十九

婚豈宗室遂不妨奪人妻耶蓋聞楚中富豪凡嫌貧欲悔盟者往往賄作王親此不但害民而實大傷國體風豈可長今以勢難斷離而議倍追財禮是矣若來朝僅僅一杖果否盡辜而撥置之黃仁壽豈得容之漏網仰府半月內盡法究招解奪

勞救父冤事據黃州府詳

據招亦似得情矣第胡效讓既係蚩蚩之氓則餘價安得不追給而委之在邇之徐心謙乎查原狀所指告者係徐益謙而抵會又係益謙之父今置不問得

無掛名院役而遂誣法以縱之耶仰府虛公再審
招詳

平民激變事據黃州府詳

死者不可復問矣而陳二玄輒敢娶有夫之妻今即
與汪氏相安情難斷離而買休和誘似不可不一懲
以戒惡俗仰府另審招報

殺男激變事據黃州府理刑官詳

此不過拘泥舊案未必得情即王繼楚不敢出官對
理意可知也王世官改扶的沈王繼佐姑依擬杖折

湖湘詳略 卷一補

二十

發落繼楚免提庫收繳

侵盜獎殺事據黃州府捕盜帶官理刑官詳

唐之屏告非得已豈得加罪孫惟臣原是庫書呂州
同豈說夢也閱此招情不能無貓鼠之疑下江防道
另究報

申嚴比較事據黃陂縣詳

查前院交代冊註該縣尚存銀六錢一分九釐而李
添祖等乃云少該縣一十一兩八錢此獎也今冊既
改正姑依擬加責各二十板杖折決發落餘照庫收

紙前院存贖無幾而漸不可長仰照數登入即于各
役名下追補之餘無再照

壩工告成懇乞轉達事據廣濟縣詳

以莫大堤工不數日告成且高厚堅固則該縣先勞
之效也善後事宜速議另詳縣丞樊守純奪情竣事
勞勩可嘉仰縣動備用銀三兩折充花幣仍置匾壹
面獎勵繳

擄姦殺命事據廣濟縣詳

蕭癸強娶部卒之女豪橫特甚姑依擬杖贖還職革

湖湘詳略 卷一補

二十一

去官事仍限一月內將本官摘解赴院面懲王長兒
徑責四十板杖發落餘照庫收繳王國朝招叙即
王長兒已究罪矣如何又重列供明項下并查之
續批守巡荆西上荆南道并所屬

調兵糾黨等事據分守荆西道詳

陸氏告爭家財宜聽有司問理王廷貴唆告于監而
劉朝相等憑藉橫行至於青矜囚首白日無光此豈
常赦之所原者哉得生已倖漏遣滋寬矣姑依擬黃
大剛等伍徒各加責八十板大枷枷號二個月遍遊

各門以洩衆忿內大剛等各贖劉朝相發是州驛配滿放周濟等四名朋奸助雷亦各責四十板枷號一個月俱杖贖決陸阿甄與陸士機徒杖收鈔發落照行庫收收官領狀繳未到另提結

乞恩均派勸除夙弊急蘇民困事據分守荆西道詳孝感縣條陳

據詳十二款內如均丁革羨平賑及母以取木種樹祭羊等瑣屑擾民此在有司少加意略自愛而已若潞租官徵本院不惜爲民請命而未必不中格第

湖湘詳略

卷一補

三

守令不畏強禦堅守本院加耗二錢之議縱不能清源而庶幾免于觴濫爲民父母何憚而忍於以肉投餒虎乎至於京絹則禁絕貼織外幫逃軍先儘本戶僉解彌盜務嚴保甲而仍不許會保妄呈人命以啓事端俱應着實申飭行之該道轉行該縣刻石縣門使民通曉上下永爲遵守可也其城址協濟宜令照舊里絲堤之應否修建熙豐舖之應否存留允糧建

議雖決而善後之計宜周况南運蠹弊尤難搜剔關該縣者再一查妥其不止於孝感一邑者通酌

議速詳望之望之此繳

出巡事據分守荆西道詳

何守仁乘兄死而和姦其妾陶氏致懷孕別嫁復強姦其妾劉氏遂蠱費家財蔑倫敗檢即禽獸奚宜至是哉况歐兄折脇種種絕無人道依擬加責八十板固監會審詳絞曾伯和孫吉各徒贖何應瑞加責四十板發城址驛擺站滿放黎天甫等六名各杖折劉氏既審姦出強逼改杖收贖并加責四十板發落照斷庫收收官領狀繳

湖湘詳略

卷一補

三

明大刦殺事據分巡荆西道詳

馬孟兒楊五夥刦彭諭彭春元家獲有真贓經主認領駢斬何說萬科兒家爲盜穴賊起桶下并斬奚蘇惟徐秋兒以賊無一獲擬戍是矣第賊杖不確之例必屢審之後可入矜疑耳今新審應否遽從末減况秋兒報贓當在雲慶相去又有咫尺不妨一爲查覈也大盜不厭三覆該道再確審另詳

流賊刦害地方事據分巡荆西道詳

據招喻大禮等夥刦各家在大禮獲贓主認在余元

七王七兒久逸慣盜賊雖費而黨質已真三斬何枉
依擬俱監候會審詳決胡盛華曾國泰毛元一等五
名姑杖折決發落餘照庫收繳未獲緝結查招前皆
余元七計開下突云毛元七孰是死刑之姓名難容
混也照出收管二字并查改之

稽查遞送公文事據分巡荆西道詳

據招張應雷為監盜出死力受賄造單投害良善慌
情首於河洛遞文證之劉儀絞凝極當前招謂李先
魁字跡試與單條相對果何據而云然此緊關處不

湖湘詳略

卷一補

王四

勘破則異日又不免為應雷留口實矣且司理關防
原屬私記與律言關防印記如驛遞局務等官所掌
者不同張美吾謄寫雕刻騙財行用明犯詐為府文
書得財之例引以偽造減徒是否允協該道再詳勘
情律另招奪

法究二命事據分巡荆西道詳

據招姻玄二之與李氏固與強奪不同且父死亦有
可原矣第他人已娶之婦刁告冒領撫為盜案若而
時其情景亦甚慘惡脫辟止得杖未足盡厥辜該道

再訊另詳

修理學宮事據承天府詳

修學以妥聖靈建閣以培文運皆盛事也查查利
堪動及道府捐措外尚少三十餘金該道行府即於
本院贖銀內動支三十兩奏用准即委主簿朱應磨
督理完日冊報繳

恐嚇誣擄事據承天府詳

劉奇若假寫彼中都司公文前來勾軍騙財是實則
犯詐偽情重矣可姑抹殺不問乎朱魁等既係本縣

湖湘詳略

卷一補

王五

皂役有何難提豈真驚餌速避必不可得耶仰嚴提
細審盡法另招詳

造訪陷良事據承天府詳

劉世柱造訪傾人筆帖有據而劉小哥代為抱告安
得不知出亡之下落若僅擬杖完局則奸人之躲閃
得計矣仰府勒限着落根獲另詳

查究事據承天府詳

賴其昌頂補周興馬通之時公文已沉匿年餘今周
興不出不過以其退役而寬之而以接頂之其昌姑

擬一杖皆非法也其昌即釋之周興限一月內究解

夥盜劫擄事據承天府詳

葉春芳春茂拐略窩匿以致羅正堂妻離女散此曹之肉不足食矣可恨可恨依擬各加責八十板用大枷枷號三個月發鹿角臨江驛擺站滿放葉春芳等各加責三十板杖贖決發餘照庫收收管領狀繳獨恠鄒國楨以縣官庇奸不得正法仰移行監利自將承行吏書解院究比毋違

清理公田事據承天府理刑官詳

湖湘詳略

卷一補

主七

公田既原坐定六處查盤贖緩總計僅七百六十一兩六分查覈中無混淆勢自不能取盈於原數二千矣當為改正院冊仰擇膏腴地土儘實數置買毋得聽信奸猾虛冒價銀如無可買之田仍另貯庫聽為地方公用此繳

乞恩賞文補庫事據沔陽州詳

贖緩以批允為主在本院應論總數在該州應造完欠先是本院據數正支而該州不論批數之多寡有無混開借用及行駁查仍不為分別明白湯云先後

結贖備在方冊然則本院牌開數目獨非方冊所存耶即藉口未完而未完者豈不必入冊作數耶楚中贖贖儘多糊塗若此者絕少該吏書之蔽混極矣仰州確查交代及本院批過實數總撤開除仍將各經承人役照另牌究招報

乞恩賞文補庫等事據沔陽州詳

據招該州敢於為欠者皆衙門吏也然則該州之為吏者亦太橫矣所云泰安得王得微似之耶庫收繳已銀何以不入庫前院交同在四十年正月出境後

湖湘詳略

卷一補

主七

乃欲以三十九年批豁作數謬甚况未完便當送比今查該州轉奉簿絕不載有吳日順表一修夏懋元等件則所云未完真手偽乎由斯而觀其侵欺無疑就為疎漏本院且不信乃欲以拖欠一洗之無是理矣本院交存地方銀往往支取不盡然原備作正支銷而不為胥吏橐中裝也該州承其敝而欲度其始就此亦應大加查刷不欲深求且提承行承差半月內比完方以原詳申奪不然另行解報

亂逆非常負固抗官等事據京山縣詳

張行衢等聚黨數十人拒殺公差至二死二傷誠地方異變也仰將首從諸兇盡數拘拿正罪仍嚴示諭令里中惡黨俱聽委官約束協拿毋容漏網亦不波及無干此佈

勅例等因請給因糧急救室炭事據景陵縣詳因糧惟有法單者始給此全書所定不然忍有所擇耶且查各州縣存留倉糧款下皆有派刺註備因糧之用而景陵獨無向來作何處給豈向以囤空未議今遂取足於積穀數內耶矜恤之例須得畫一分守

荆西道查酌明妥詳報

興修浮橋事據潛江縣詳

前銀准照數動支所少五十六兩零本院幫助三十兩仰徑于贖銀內開銷餘聽另行設慶務要刻期竣事堅固經久杜絕冒破等弊完日冊報繳

發政撫流事據分守上荆南道詳

依擬王奇環杖贖發落該行庫收繳但王良甫未死不為拘解已死不為請贖明係皮閣罪乃在平江吏書耳該道行縣費三十兩示儆何如

呈請修繕等事據分守上荆南道詳

據詳兩縣俱苦昏墊而華容為甚所議銀穀修築俱准照數動支其不足者既還需四百五十金本院當力任之儼即行該府查發院贖湊助但須該道選委專官實心料理方克有濟不然本院去歲為華容允發舉動銀穀外復捐贖三百兩若旋修旋圯即有常繼竟亦何益於民而何取于捐耶該道其加意督之工完開報繳

呈懇照例等事據分巡上荆南道呈詳名色把

總劉昌基

寧遠伯豈非所稱李成梁者耶該爵罷廢已久而况欲執其所給劄付効用其不可收明矣此繳

緝獲大盜事據分巡上荆南道詳

據招金興三等父子上盜劫財傷人事主認之火下真賊獲自家中戶族呈首請發奚惜但招叙金元兇年糾十才不知是去歲作賊從罪時之年庚抑今歲事發成招之確數也該道再詳明招詳

出巡事據分巡上荆南道詳

據招以周用等之死援改趙二之絞碎似矣第此獄可異者實多蓋趙二即非周國序家奴而平常受佃渾同雇工彼用命而出死力謂非國序有心何以呼之即轉轉而為膝挺陳廷言縱令趙二等狠毆之也死冤不可無抵難發于國序而以趙二曲償方慮其不平乃緣一駁而并欲出二其可耶查准抵之例有原謀助毆者死在配發事結之後不得濫改今周用周壽皆係配發之數而趙二又係下手難以牽引况

湖湘詳略

卷一補

三十一

不究主使并釋兇犯恐非所以鋤富強伸冤抑也該道再嚴評確擬招奪勿枉勿縱

訴懇電劈滯冤事據分巡上荆南道詳

據招陳鳳凰緣護水之故毆死李思勤於俄頃絞抵良是第查招彼時鳳凰年纔十五雖互嚷交搏初只徒手尚無欲死其入之心及陳希儒隔田喝打始執鋤亂擊益原為希儒護水故受命不敢不効力也而况有陳嘉旺近前助毆奈何思勤不即死哉夫主使不在多言行賄既是脫名押送豈非駕禍今冤固有

抵而抵死者亦湏令無冤該道再訊鞫始末確審招

出巡事據分巡上荆南道詳

黃茂姑依擬杖贖發落庫收繳第以八年退役之人遠年無據之事其為捏訪充數者非隱而難問也該道仍根究報

出巡事據分巡上荆南道詳

朱一宏戶房書也衙門鮮不壞法者而戶房為甚且自該縣自發突不確焉宜都初審鑿鑿至廳審而諸

湖湘詳略

卷一補

三十一

證亦遂變其初說豈無故哉第既擬徒更駁止為無辜累耳姑依擬加責伍拾板贖革彭應楚杖決發落照行庫收領狀繳

拿究捕糧貪官等事據分巡上荆南道詳

據詳王國聞賊跡無據委應昭雪但此原得之糧道豈真無所據而云然者乎楚中糧捕之害苦于發覺不盡果如此奈何士民無不疾首蹙額於此屬哉該道再會同糧儲道覆審詳奪此係呈解詳至而人不

千贖民害事據荊州府詳

據招徐懋功以訟徒憑恃其子廣譽與其黨熊兆渭有寵於官倪備可憐威福擅作索人財誑人產猶其末也甚而到處宣淫人婦逼占人口嘻宜都尚有天日哉惡逾窮奇皆遣尚有勝罪分巡上荊南道覆訊再奪無但法宜詳慎政恐情未必周悉也速速

漏盜抄殺事據荊州府撫憲官詳

父為照提盜犯病死于家倖矣其子向京臣鼓黨誣捏是之謂無能改于其惡者姑依擬杖折發落庫收繳

湖湘詳略 卷一補

王

姦殺事據興山縣詳

李璉手刃姦夫姦婦于姦所委有丈夫氣旌之是也仰縣覆審另報恐中或有餘情耳

奔救民害事據岳州府詳

許希壽乘勸輸而眾報挾索則老人亦大為民擾矣可恨可恨仰加責肆拾板依擬徒折發落仍行令刊示革逐餘照庫收領狀繳

稅獎包天事據岳州府理刑官詳

杜元等以黨姦結締嚴畔包稅走稅巡水放水其視瞞官害眾不翅飲食然又奚怪各奸之欲包當而賄富哉各徒尚無以舒商民之憤姑依擬元與高永楨再枷號一個月徒折李世茂龔登明既免解仍加責伍拾板并枷號一個月滿日序發白沙黃牛驛擺站滿放王子雲等官杖折決發落通刊示禁逐再不許戀厥作奸庶收官繳罰時奈嚴提另結

土王抄殺事據慈利縣詳

朱可軒招已於伍月初拾日駁批分巡上荊南道覆

湖湘詳略 卷一補

王

訊其蔡林招亦於是日批發批語抄貼于前如詳尚未到仰查照發落據詳該縣原差馬夫萬鎮徑齎查伍月初拾日到即批行其所云本月拾伍投遞者蓋身原未行而違計此時將到姑以罔本縣者耳誤事說謊可恨可恨提萬鎮嚴究解奪速速

湖湘詳略

吳蘭陵錄

批守巡下荆南道併所屬

明火劫傷人財事據分守下荆南道詳

據招周五等兄弟皆巨盜也劫財傷人且又曾劫囚賊起纍纍已經主認駢斬應無辭矣惟朱愛爲各盜居停豈果不知情而毫無分受乎擬杖是否得情且周仰德仰性既接帖獲盜交捕而卒通逃何也該道再嚴勘確招另詳

湖湘詳略

申嚴究此以警積玩事據分守下荆南道詳

地方屢見失事官兵坐視逸賊誠不可不大創以警積玩如議分別勸懲代捕徐騰候缺卽能獲賊良爲有功李廷芝章印章克譚提究仍通責督捕嚴緝務期盡獲其怠抗捕甲與已獲盜窩各速另招報

地方事據分巡下荆南道詳

據招胡良珊等夥劫各主分其財燬其屋甚且綁田昇于魏家墳院內叢兇砍死棄屍江底強狀極極駢斬不枉但田進財係田昇僕也始洩主人首賊之言

密許內應而良珊遂動殺機及見牆高難入陽劫引在躬舉火焦茅而進財誘昇出救攫鋒慘斃明係在工人謀殺家長若槩從盜論則本犯在老龍堤同行分錢僅四十文既無失主姓名又未見強劫行徑舍謀從盜是否昭合郭學此行未與而招劫寡婦不知爲誰監裾之賊且未起獲徒以收刀斧作辟券未足以關其口折其心也大辟所關不宜疎漏該道再確審情罪允當另招詳奪

夥賊明火等事據分巡下荆南道詳

湖湘詳略

卷二

十一

據招韓應誨等烏合行劫賊供有據駢首就戮應無訛矣第管希堯爲各盜居停而縱妻養賊寢食與俱織賊未分竟非情理楚中究盜不究窩是莠草不除根也可乎該道再訊確招詳

出巡事據分巡下荆南道詳

徐得棟仇劫兄財刀傷侄腿大平識面已真得朗指告有據內寇作難於黑夜聲息豈震於遠隣况迨配越獄拒捕起刺其行徑何等驚駭而僅以三犯論統尚屬牽合查徐得朗係本犯親兄果爾則有親屬相

盜軍幼犯尊長之條矣招前未叙服制引擬湏求妥當該道再詳勘情律確招詳奪

急救殃誣事據分巡下荆南道詳

據招呂洋妄挐多人沉死二命拷掠之慘甚于劫盜始信捕役之為害烈也擬斬允當第指盜捉嚇明有條例李國政等同役同惡各徒是否盡辜該道再審確招詳奪

報審照提盜犯事據分巡下荆南道詳

喻八蔡德既盜犯周五等供係讐拔何釋之晚耶該湖相詳略

卷二

三

道再查二犯平素果否善良取卿隣保結徑放赦

打死人命事據分巡下荆南道詳

據招唐四兒因連五兒負欠子錢攘臂嗔救毆及張國銀傷重投繯擬戍似當厥辜但初檢頸無八字則又非有自盡實跡者于例覺不照應該道再行檢審確招另詳

挐獲大盜事據分巡下荆南道詳

吳登鶴等寔繁有徒公行剽劫如焚屋擄主攫財氛雖惡猶盜所恒見若一夜連劫三家白晝肆其姦擄

馳馬雄行不畏人知分賊無算如取諸寄即與盧不
是過也依擬分別梟斬監候會審詳決張顯和吳正
甫窩未分賊姑序發府河大龍二驛限配滿放蕭國
友杖折發落餘照庫收收管領狀繳未獲嚴緝報

打死人命事據分巡下荆南道詳

趙國惠初以拐逃之疑致杜氏死于傾跌杖斷抗違
復啣姜世春之再詞遷怒其干證羅應明而棍毆立
斃之據其傷證自應絞抵若謂趙大相助雲而在
家病亡亦無可准之例又何必以未到官致疑也依擬

湖相詳略

卷二

四

監候會審詳決趙大吉杖折發落餘照庫收領狀繳

打死人命事據分巡下荆南道詳

謝文舉宿張么兒做賊被害之說遂聽故兇順指而
合謀以給之墳畔磚擊繩勒慘不可言即其以爭衣
自敗可見殺人者必死誰謂沉屍可掩也審檢得情
絞絕不枉依擬監候會審詳決周慶爭姦釀禍加責
四十板杖折發落庫收領狀繳

夥盜劫殺事據分巡下荆南道詳

王么兒等擄衆劫殺入丁國運之家傷

其隣殺其僕罄其衣貲而從容以去蓋強氣之絕甚
者供同賊認駢斬允宜依擬固監會審詳決王公兇
仍照例梟示丁國運等各杖折發落餘照庫收領狀
繳未獲緝結查王國漢分受閃袖鏡鎖招前叙伊父
王榮當之歐舖而縣差拿獲又招從本家起出即追
獲無容置疑而矛盾亦滋辯實該道還查明改正之
強盜劫財事據分巡下荆南道詳

賈國太等三犯同劫并國寵家傷主之額致昏地幾
死剽主之財則賊皆起認各斬無冤依擬監候會審

湖湘詳略

卷二

五

詳決劉向元既內鄉關無確案而畢竊又鮮見賊姑
杖決發落餘照庫收領狀繳未獲緝結

明火劫殺事據分巡下荆南道詳

據招耿良臣等一十六犯或盜或窩大肆剽掠在張
仲秋燎拷焚屋而跪地乞饒在李芬執拿札打而受
傷偃臥強情甚著真賊多獲通斬誰為之惜第劫沈
國恩家招叙孫丑兇執仗同行分有布壹衫裙俱云
費費則得財矣夫耿良臣初獲即供本犯既上盜是
真就以追賊不獲然但可謂之不分賊而不可為之

不得財也至王志善挾買馬騾一節邂逅之頃何以
即知為盜來之物恐別有曲折未可知矣多命所關
不嫌細切引擬亦未妥確該道覆訊另詳

大盜劫殺事據分巡下荆南道詳

董守乾等夥積棍張楫等以積捕朋謀裁賊証楊世
穩弟兄為盜又妄指赫應魏為黑回子誣索多賊累
斃多命可哀亦可恨矣依擬守乾余湖各徒贖張楫
趙仲序發府河大龍二驛擺站滿放四犯仍各加責
三十板枷號三個月示儆閭閻等各杖決傳楫等以

湖湘詳略

卷二

六

吏書而沉閣淹禁各杖贖仍革役楊世穩速釋放照
行庫收收管領狀繳未獲黑回子聽原案緝結

清查積案事據分巡下荆南道詳

罪贖之在衙門者每不免于拖延畢竟以衙門情熟
耳逮數年而事久變出即欲不豁何益龔廷采依擬
杖折發落楊開泰等未完罪贖姑俱准免追照行庫
收繳

出巡事據分巡下荆南道詳

愚民持齋佞佛異翹一趙科為然乃郝君恩輒信竈

妖之誣從亂妄搜一方幾為騷動亦可恨矣姑依擬郝君恩張君思各加責四十板與趙科彭國現俱杖贖決發落餘照庫收繳張君恩等另提結

出巡事據分巡下荆南道詳

廖珏以衙書索排年索告犯蓋卑官既易猫眠故微役無難狐假耳依擬加責四十板革役閔守乾杖贖發落照行庫收繳

地方事據分巡下荆南道詳

魏加臣等賣盜誣盜致真者不拏而拏者不真貪賄肆害冤累多人不法甚矣徒懲未盡厥辜姑依擬候按臨均州時解院懲過然後將加臣張好義李應時各贖折張秉政發潼口驛擺站浦放梁繼善等各杖贖折發落仍通行革退不許再充生事餘照庫收收管領狀繳未到另提結所官聽捕妄申可謂躁動之甚該道再嚴諭之

地方事據均州詳

魏加臣所犯本院前閱該道招詳不覺髮指隨批允摘解矣今到院猶嘔嘔有辭而均州又審非賣盜果

爾不與前招矛盾乎盜真盜假究捕此不難鞫若分巡下荆南道再研審明確招詳

乞恩添設渡船以便行人事據鄖陽府詳

損三舖之糜食而增設二渡船不派民且不病涉矣准照行仍申訂全書遵守繳

出巡事據鄖陽府理刑官詳

未完據造混淆治襲已非一日本院於此加意欲求清楚今據詳事件已經發道何以道冊尚爾未銷仰徑申查銷改正前詳姑准註銷俟下次比較再覈道冊另行繳

廣詢利病等事據鄖縣詳

各款中調劑得宜者准照行惟以鄖產之紙過販別邑是以封疆域民究且貨壅利塞仍聽民便可也但議安方能經久分守下荆南道覆酌詳奪此文係照驗而封筒係照詳該道併諭知以後申呈勿如此錯訛也冊并發

明火劫財事據保康縣詳

獲賊即當審賊若違期贖取匪板累者多矣仰縣審

禮山道府覆訊招報

異常災變事據保康縣詳

散賑正其時矣第該縣地狹民稀既議動倉貯又議動糴買而又議動折銀是必盡之為快也有是理乎今正官且報轉雖不可屯膏須防虛費分守下荆南道速酌妥徑賑冊報繳

出巡事據上津縣詳

義倉穀若果欠在窮民豁追亦是第恐經營之乾沒與衙積之冒欠中常什之九耳分巡下荆南道查報

湘詳略 卷二

廣詢利病以圖稱塞事據上津縣詳

上津詳行錢法保康議立社倉此皆古人已試之良法今日為政之先務也即通省可行寧獨二邑哉仰即陽府速呈該守巡道并布政司酌議轉詳其他口糧應至兩餘夫馬疲困求增在各縣嚴禁無濫給耳何紛更焉也本院查得向有立印簿一扇前額載口糧廩給一定之例遇有過客差使收否亦憑自誌以便稽覈者該縣照行有分外騷擾需索者就令本人自填實數于簿申究刊示力行之二冊并發

敬陳已試未議等事據竹山縣詳

據詳該縣行過各款真係民善政也至官府公出而夫馬供饋什物等項往皆取之民間尤為耗政之當湔洗者仰照終始力行以惠此一方繳

廣詢利病以圖稱塞事據竹谿縣詳

各款儘有條理准照行惟攤糧濟下改折胖衣不可不從長計議分守下荆南道酌妥詳報

廣詢利病以圖稱塞事據襄陽府詳

據詳各款條分縷析劑量亦甚妥矣但法須嚴禁事

湘詳略 卷二

待覆酌者仰照逐款批註并議呈各司道轉詳報奪

一議夫馬供應

該州有太和夫馬供應之繁已騷擾不堪矣而差使又從而剝削之不益重其困乎仰府即行州刊示嚴禁但有違例夾帶及需索折乾等弊痛加釐剔勿曲徇體面姑息養奸也

一議增兵

因多卒少難于防範既有裁節官銀可以改撥准量添禁役四名若欲以本縣之囚分發各屬恐于

解審吊發不便仰再議安詳行

一議冗員 東陽

該府議裁丞刑官議裁簿雖皆冗計要當有定論也仰速呈布政司酌詳若絹扛聽縣徑措夫馬無煩分撥庶免紛更已之

一議裁冗役 宣城

民壯裁去四十名勇士合而番休工食均而領給人情事體兩便矣准照行

一議均糧 南漳

湖湘詳略 卷二

十一

均糧派徵此該縣事也任爲之若修堤之夫橋起自民間誠大不便既修城銀歲有贏糜卽積爲汴堤相兼支用亦總之捍患耳仰卽申訂全書行

一議丁糧 光化

丁糧十年一審委於人戶之消長不便也第逐年過割易滋詭弊惟酌更五年庶疎數得宜耳仰府呈布政司覆議詳行

一議裁冗 王州官

官不設而印存則誰爲封掌且無官之印恐無以

示信而反以藏奸也若該司吏農糧應少節仰府呈布政司酌安詳行

廣詢利病以圖稱塞事據襄陽府詳

該縣因多增卒嚴防似不容已工食准於應裁堪抵銀內動給餘銀免編仍申司訂入全書若分寄各縣斷以原籍爲准可也此繳

稅務事據襄陽府詳

稅原不得已而行者若不病商卽僅足正額亦何妨乎但恐衙役積儉巡攔濫手從中爲之蠹耳該府須

湖湘詳略 卷二

十二

嚴禁之夏季船必不言可知矣此繳

讐謀二命事據襄陽府詳

陳桂芳以風聞之語遽訟葉榮謀殺如此而第原情爲父遂請註銷則天下俱可居父死爲奇貨以纏害人矣則凡無情之辭總或不妨以風聞出脫矣毋乃非法乎仍另究報至張廷錦所告葉榮者聽別案結賭黨光棍事據襄陽府巡捕官詳

王任忠賭博蕩費累債無償皆胡一鰲等爲之引誘已犯不悛尤爲可恨姑加責四十板枷號一個月沈

崇德以青衿種債於浪子可謂喻利之深矣姑與任忠等杖贖折決肄業發落餘照庫收領狀繳

天除獄患事據穀城縣詳

獄犯肆惡於禁中而卒役反為之厚其妻可恨可恨依擬李受栢等各加責六十板杖折革役龔希賢等五犯各責八十板俱求革去口糧李枝秀責五十板餘照庫收領狀繳

批守巡下湖南道併所屬

憐死懇旌事據分守下湖南道詳

湖湘詳略

卷二

十三

胡景隆死事堪憐第數十年來竟未題叙其所禦賊似非奉旨勦除者也表揚事大難以輕言准行縣給匾旌門此繳

申報苗情事據寶慶府詳

治以不治馭夷之法當然矣第人命應否修賠分守下湖南道再勘議妥報

陳末議以明職守事據分巡下湖南道詳

長史司與軍衛無分轄地方之理此第為通逃關數耳議屬有司夫復何疑况原隸仍聽管領有事照舊

原存柩未前諸弁呶呶胡為者此馬地方計其傷而原非違眾以舉事該道姑再令會議以聞其口

申明已定地方等事據分巡下湖南道詳

軍衛與民不相屬若分土則分民矣可乎據詳無事分責巡警有犯存體關提從此地方蒙安靜寧一之福而紛囂亦可杜矣速行勒石遵守繳

打死母命事據分巡下湖南道詳

據招張興冕以毆苗小故毆死族嫂張氏傷證俱真

湖湘詳略

卷二

十四

絞抵何枉第起于打鴨命由于若翁當時從亂濟惡下手致命者興冕誠百口難解至招叙伊父張守池喊叫快來打這潑婦等語則其情又近於威力主使今即不得以父之死于家謬援抵償而引以同謀共毆之條未知果昭合否辟案不嫌三覆該道再勘確另招詳奪

打死人命事據分巡下湖南道詳

據招龔仲翰因許世賢不認幫貼商弟龔仲槐等致死龔柳由賴擬以元謀是矣第謀殺與謀毆相去遠

甚條謀殺而依謀毆尚非定案該道再確勘情律招奪

誣執事據分巡下湖南道詳

本院向恨縉紳家之豪奴與衙門內之蠹役據招胡從軒故宦僕而劉加誠則府吏也二者表裡作奸狼狽肆惡尚可一日容哉從軒由戌得絞差快人意加誠由戌減配猶嫌不無贖法耳雖然罪雖合律法必根情要在服心難容緝口今因解審面呼質對如各秀一節乃易純信之娶婦而非談國政之室女也國

湖南詳略

卷二

十五

政被李一章攀盜是實就云從軒假此捉回其女並不見當時所執何名兇人舉事必非無辭今問之國政國政既不勝囁嚅即問之公舉之蕭啓祥啓祥亦第左右顧耳此其故何也龍時松以子代解據云其與從軒以地土構訟自有案卷與何武事絕不相干當時亦未嘗出官聽審然則口詞豈懸捏者乎加誠更自曉曉胡文仕亦不輪認夫初斷既已家家被累何不憑的然受累之家口口含冤何不據確然怨冤之心先徒誅意後只抄謄而翻令猾舌兇人久圖翻

不知虎兇難容出柳唯是招情踈漏謬託若此政恐其決躍而走亦自不難耳該道另委精詳明察官勿泥成案虛心研審確招速詳

地方事據分巡下湖南道詳

據招吳應舉喻賢許忠等夥劫各主殺人捲財賊質已真駢斬何說惟李霄興微賊雖費而却劉文明家執械行兇招叙本犯已在場矣至裴應王應京約夥八人夜入彭三家盜分多贓其行徑是否穿窬且招謂彭三隱劫供竊畏其拖累種種猶非定案出入關

湖南詳略

卷二

十六

係枉縱該道研勘確招報奪

叩天伸冤事據分巡下湖南道詳

據招黃必範殺死三命誠應一絞第草場奪驟聲言被盜而百人追逐又非一手鬪毆是否昭合該道再勘確情律另招詳

劫殺人財事據分巡下湖南道詳

蕭家恩等謀殺蕭紹于村庄合約得之薦下多賊起自害中弑逆情真確斬何枉依擬固監會審詳決餘照庫收領狀緣未獲經程

出巡事據分巡下湖南道詳

楚地遼遠文移動經時日又重以郵遞沉滯則何怪乎積案之難完也依擬張國政杖折發落仍與宋學各加責三十板示懲不如是不足警愾慢庫收繳

訪究貪污事據分巡下湖南道詳

據招潘師孔穢跡彰聞杖有餘恨顧成祖賊私狼藉徒承蔽辜姑念師孔武弁無知賊完革操成祖加責四十板贖完革役武廷俸等各杖決發落照行庫收繳

湖湘詳略

卷二

十七

刦殺父命事據分巡下湖南道詳

易正爵等竊盜拒捕致唐世翰夫婦一死一傷既經活口證實重在人命九年前之牛賊似不必置疑矣斬復奚喙依擬俱監候會審詳決立順同徒既遇宥徑行發落照行庫收領狀繳

地方事據分巡下湖南道詳

晏如敬等假監詰而輪姦劉氏致其胎傷身死因懼稚子有口而并溺之溪中淫慘異常矣檢審既確駢斬奚冤依擬監候會審詳決部廷實既訊無干杖決

發落照行庫收領狀繳蔡隆易提結

地方事據分巡下湖南道詳

據招劉三寔等有各劇盜久為地方患苦今其刦楊仕相家事發年餘賊多花費宜其起出者少甚至有無一起出者也駁勘已悉奚辭駢斬依擬照矜疑事例監候轉詳緩決蕭承祖既審無實據准釋放照行庫收領狀繳未到未獲嚴緝結

明火刦財事據分巡下湖南道詳

王思江等為合流徒其敢于行刦田文道者恃徐法

湖湘詳略

卷二

十八

吾為之窩窟探訪耳賊以追逐多遺此但當訊其的係一夥與否耳既反覆勘係情真駢斬何說依擬固監會審詳決照行庫收領狀繳

急救事據分巡下湖南道詳

依擬祝朝用等各杖贖折還役發落楚中事情一駁動經十數年不覆更書之玩弊極矣該道須嚴行申諭之餘照庫收領狀繳

懇恩大助學工事據分巡下湖南道詳

建塔閣以培地脉委屬振興文教盛事第本院時下

力竭於建倉該道行長沙府動支本院贖銀肆拾兩
發縣少助工費此繳

一議總甲

陳楚才准委管安遠堡事務其柳林堡千戶丁時雍
近據戴廷枋告其誣盜拷擄業經本院批實刑官查
審矣既稱性頗躁率而身被指摘則本官姑先革去
管事俟事結無染然後議委何如此繳

一議馬船

革弊除奸等事據分巡下湖南道詳

據詳劑量甚悉該道照各款批註行繳

十九

一議倉

社倉主便民而今稱為民害則行之無法耳據議
併入預備倉總收于民無擾而又不失積儲之本
意照行

一議船

民船與官家無與至有撥作人情令其私幫折價
為民父母抑獨何心自後刊示嚴禁即正官公出
亦必照例一體給價不許短少分文庶可防其蔽
敝其餘也

一議總甲

取紙認保不知總甲作何罪犯可恨可恨即借用
什物亦明係衙官指此索詐不然既云經過地方
豈有初下船一物不備而中道求全者無論正佐
領通當嚴禁仍于趙家河市勒石申明之

一議馬船

馬船水手既少則鄉夫撥幫之害斷然不免仍用
原設小船夾濟亦屬省便照行

一議王莊

官校下鄉催徵未有不擾民者據詳歸之長史鈴
之有司則莊課民生兩有利賴該道還嚴諭長史
啓王照行

一議小稅

稅非善政以四十九戶之衆而派額不上十金則
亦非難處者該道行查有何項堪補者再從長摘
議另詳

一議鄉約

鄉約用以擢轡嚆嚭大抵佐領一入鄉則此輩

首被魚肉須當嚴飭第近多一丁不識六諭罔知者亦濫廁其間化民成俗之謂何而可不振舉乎太抵袁知縣初議護短飾非讀之欲嘔就謂委審提解可着之戶首親隣以及于鄉約一差入鄉則雞犬俱為不寧即此可以槩見不知近來何如想亦不止一邑為然該道力行申禁斯於湖南有賴也

冤殺全烟事據長沙府詳

據招甘燭蓋設計誘侄甘仲興于劉時習家欲殺之

湖南詳略

卷二

三十一

其勒寫領約不過藉起釁端耳因謀產而逞兇輒統甘方等敢于府館大都之中用鹿脚木槌狠毆立斃仲興此其暴橫滔天矣招云仲興身死並無外人見證則燭子甘仲立在于絨線舖內其不加功又誰見而誰證之乃梁氏到彼仲立方來又何相遇之巧也燭原恃殺仲興無死法而讞者又端為殺人者之子求生路夫甘方雖為人僕亦人子也是為償政恐非但垂死之甘仲興不服于地下即擬磔死之甘方亦脚怨于獄中耳分巡下湖南道再詳鞠情罪確招

另詳母枉母縱

出巡事據長沙府詳

此獄可疑者在縊與勒之間耳然謂之縊則八字交而舌不抵齒出矣謂之勒則直至耳後李典史又何以突然竄入耶總之夜半勒死原無真見而自勒與否尤未可知一駁便關生死三覆終難含糊分巡下湖南道勘確招報

出巡事據長沙府理刑官詳

據招劉子虎占產指價而逼死二命黃賢乘機騙詐

湖南詳略

卷二

三十一

而誑折多金均為不法之甚各徒亦近是矣第招叙子虎白奪夏廷倉女春貞配家童劉節為婚明屬強占自有正律黃賢以子黃仁中可以代為稟官得受劉拾田二十九畝既引誑騙之律胡遺指稱之例二犯罪大惡極不宜牽合情律分巡下湖南道另審確招詳奪

懇催沉案速復古道事據長善二縣詳

修復古道以均其累亦覺可行第久寒候開未免爭執事關四縣不得僉同耳分巡下湖南道駐劄該府

真見可以定狐疑平心無難折紛競速從長議決之
無使同舟若敵國何如妥卽詳報

叩天伸冤事據湘潭縣詳

據招黃必範買有主之騾被人跟尋激爲盜搶致鄉
兵襲殺三命引擬過失是矣第多人擁奪似不及于
掩耳而草場白晝不顯于行劫終不可不一勘破
也黃守志平誣抵辯應否止徒三年死冤生命情律
宜協分巡下湖南道審勘確招另詳

打死夫命事據益陽縣詳

湖南詳略

卷二

五

孟宗旦毆徐魁立斃而復焚庵以燼其屍既遺骨見
存有兄鄰共證絞抵似無疑矣第毆死在初八焚庵
在十一鄉保不聞守屍楊氏不言收屍委而棄之乃
聽行兇者從容付之一炬亦可異矣死辟不厭詳慎
分巡下湖南道嚴訊確招詳奪

疲極哀奔事據益陽縣詳

就龍蓋之中衷蓋設站似得調劑之法但須經久可
行分巡下湖南道會同分巡湖北道覆議妥確另詳
圖殺夫命事據長沙府詳

據招楊正時圖財謀死徐致和既審情真斬抵何說

但高應龍與正時同駕一舟謂應龍上船將正時獨
刺一舟而行者耶就鄒氏與徐冬偕陳敬有疑而先
問應龍則知攬載者之爲應龍矣蒼黃逼問事體已
不平常承攬原同未知跡疑誘給詳徐冬等爭論而
正時卽來支吾一則裝瓏做啞一則指東話西况謀
人云不與之偕出及尋人未始不與之偕處且應龍
後雖上船先已見致和下船正時初不與應龍商謀
應龍既不詢正時下落而佯爲不知以誤鄒氏等奚
焉者夫一人能敵一人一人未必敢謀一人果有謀
情應龍似未必不知情仰該府再細鞫另招詳奪毋
枉毋縱

圖殺夫命事據長沙府覆詳

據審楊正時攬載徐致和見財起謀推河淪死且云
高應龍未復上船不敢昧心則正時信難違于一斬
矣但鄒氏稱擔囊之譚信者見致和在船撐篙有風
大不行三兩日方回之語則譚信宜稍得其在船原
是幾人如何向不提審且高應龍到岸卽回招叙看

湖南詳略

卷二

五

叔病已又候母候父何也夫看叔又難必其肯十分
獨戀即荒本業而不顧矣仰府再一細審候該道至
日徑呈復勘轉詳

激變良民事據長沙府詳

謝鎮負租被告憐貧免追是矣至所告謝嗣單款情
皆重大通未審實據稱詞屬誕妄而又罪其人恐非
法之平也仰府提審得情另招詳

出巡事據長沙府詳

本院訪察期滿地方除奸蠹耳周珠單款既審多無
據則杖之又何名也仰根究原訪之人務得下落確
查另詳

湖湘詳略

卷二

五

天下大冤事據長沙府詳

種債而稟官監追羅加賜誠過矣杖是也但招稱羅
伸兄弟原賣人田契價俱明則先此十兩之斷原屬
曲處而奈何益肆其志復以傾巢計絕不相家也
說誣此藐諸狐即訊之佳妻劉氏吐與加賜無干必
無干矣有勢則親戚相依常往免託無勢則仇讐相
視疊起戈矛况敵惠敵怨不在後嗣羅伸等乘敵駕

虛縱之何以懲乃本院執法如山昨有鄉紳過堂未
肯少貸正謂宜遏之於炎炎之際而不欲第乘之於
門阼式微時耳仰府嚴究確審另招詳

懇天憐准超發枯骸等事據長沙府詳

如數支給二氏以爲旅視之資外仍撥船隻運送其
家屬回府一節本院旦暮發疏矣仰候題 請明文
至日行繳

違禁濫雷事據長沙府詳

葉子河乘縣官病臥公尅夫價私剪夫單真欺上而
罔下者依擬徒贖仍加責四十板革退身役曾成人
命卽未盡然而豪奴狐假驛騷道路殊爲可恨并加
責四十板杖贖發落餘照庫收領狀繳

湖湘詳略

卷二

五

首勦全宗事據長沙府詳

譚定印倚富納官倚官肆惡其切齒戶人已非朝夕
據單開條款雖未盡實而占奪田產準折人口俱鑿
有的據安得諉咎于老父幼弟耶依擬贖徒革職招
達 部知譚習程等各杖贖還役發落照行庫收領
狀繳

敷陳急務等事據長沙府詳

據詳用官派以杜私幫從此南兌京捐等項可無重困減一分民受一分之賜矣仰卽刊示力行使人通曉勿容積年里胥與不自官司巧立名色復行科歛也其茶陵之議四靈益陽之罷餘稅及湘潭之酌公費等項皆于民有裨闔屬可通行者該府速併議安呈道覈詳此繳

出巡事據長沙府理刑官詳

李光濟他惡無論據侵賣南米一節徒有剩罪矣且

湖湘詳略

卷二

主

招內南布一千有奇不爲不多止云本犯與楊正上經手批迴合在二人名下比追夫以十五年應解之布經今二十六年布猶在手不在則本犯寧保不納乎今猶不根究着落而止泛云比追亦何時可完此局乎仰府再審確另詳

漂流大慘事據湘鄉縣詳

楚中船戶里長多有侵賣糧米故意整沉船隻通同捏告漂流者曾應時康世興得無陷此弊乎童巡檢申文可作漂流確證乎公欲於本都照米派補各小

民俱甘心願出乎仰長沙府覆查議妥詳奪

出巡事據長沙府理刑官詳

閱曹當學惡款如姦淫與販猶小者耳偽造假銀法應得遺棄第以真贓未出而援糾黨料歛坐徒豈非倖歟與肖婁一等四犯各加責六十板姑依擬當學等贖徒潘正鑑發鹿角驛限配滿放楊維成等六名口杖決責應章等四名各杖贖決內應章加責三十板與當學仍枷號一個月照行庫收收管領狀繳

出巡事據長沙府理刑官詳

湖湘詳略

卷二

主

劉家楨原以漏訪積書復開戶役攬兌糧而勒索幫貼包北絹而誣碼水脚至庭辱主簿鳩宗鼓譟冒領排夫工食俱種種有據論情徒有餘憾仰解院親審過依擬贖完革役曹世卿杖贖發落照行庫收領狀繳

出巡事據長沙府理刑官詳

李光濟攬運侵貼而又經承南布塌不掣批則典守乾沒不問可知矣擬徒殊未蔽辜姑依擬加責六十板照限贖完沈正廸等各杖折決發落餘照庫收領

狀繼未獲京布查招稱寄張鯉家鯉故而妻周氏隨
告藩司行牌拘解此布之過節着落當時皆不難根
究者何竟多年沉閣耶光濟楊正上難謂不知情仰
勒限比追掣銷勿作不了之案也另報鯉與禮孰是
併正之

抄占大變事據長沙府理刑官詳

譚希瑛更也吏則宜知有法以經斷之產而又欲撓
據之法安在斯知官裔昔之無良猶可因父死而創
以官法至於吏今之縱惡直付之無可奈何而已依

湖湘詳略

卷二

三十九

擬杖贖仍革役發落譚大綱不安靜而使其父一生
之砥礪亦不免於口實可惜亦殊可恨湏着實省改
毋隕家聲也餘照庫收退領狀繳

海弊海冤事據長沙府理刑官詳

解銀七年不獲批在折色輕少孔吳達等家屬監追
誠屬自取若席竹正額及今猶未徵完則官司息緩
極矣姑依擬傳國政杖折發落餘如斷庫收領狀繳
占產殺母事據長沙府理刑官詳

陳九鰲依擬杖贖發落庫收繳父在而兄弟構爭人

情亦薄甚矣仰省諭如初可也

抄擄拆枕事據長沙府理刑官詳

皮承纓容留譚敬和誘有主之人口占據為奴不假
父青衿朦官批照何敢肆行無忌哉然縣官之斷亦
大可笑矣姑依擬譚敬發排山驛擺站滿放皮承纓
徒贖各再加責四十板發落皮應完杖贖肄業仍行
學朴戒餘照庫收收管領狀繳

出巡事據長沙府理刑官詳

據招楊守儉倚恃積奸遍肆嚇詐賊證有據擬徒似

湖湘詳略

卷二

三十

得情矣但本犯代父鄉約武斷狂逞致何顯珊等三
命皆楊于威勢憤氣服毒而死明合威逼之例一徒
豈足盡辜且招稱向羅憲稱說要銀了官因禍受三
兩入已果爾不又與指稱打點之文相合耶情貴無
枉法欲無遺仰再研勘情律確擬解奪

圖謀殺命事據長沙府理刑官詳

楊廷煥為彭祖保岳丈始利其有而贅之入既得其
有而逐之出不情甚矣姑念骨肉間難以盡法依擬
杖贖發落照行庫收領狀繳

傾巢殺命事據長沙府理刑官詳

黃輝經革復入其心不欲害人何為也姑念事尚未發依擬杖贖革退永不許再入餘照庫收繳

檢究人命事據安仁縣詳

閱招譚習程恃其子定印定鄭橫行一方久矣公然占奪李生栢之產蓋徐知縣之執照且餌之入手此既假虎之威彼又附虎以翼其目中尚復有天理王法哉况范知縣雖能執法竟抗不退還致生栢無地自容遂甘他徙嗟乎今日者生栢之拚父屍于一擲

湖湘詳略

卷二

主

其計畫真無復之耳定印藉口選人定鄭仍擬還役而但以習程與生栢一槩徒贖此何解乎本院查茶陵吏農冊定鄭見充該州舖長司吏仰長沙府理刑官即行拏押追提定印到官嚴行鞫問其習程原狀無名不必容之為二子展脫地也一月內解報

捉獲偽印事據瀏陽縣詳

胡八先以假雕縣印擬辟今又假雕恤部印脫辟到底終于假亦終于辟矣若卜未兩犯之徒復假欽差衙門行牌詎財有據一徒有無足盡其辜仰長沙

府理刑官復審盜法招詳

賑救災民事據長沙縣詳

災民應賑何妨便宜發倉第冬盡春初人調苦月急不在目前異日者計將安出乎唯是被災果否酌實發賑有無侵冒一併查明冊報

誣盜抄擄事據長沙縣詳

劉仕頰乘危買產價多虛虧此恒情之所必不免者第袁本乾等以倖脫之犯捏告誣擄而又白斷人田不少償價則奸人得志而訟滋多矣何以儆刁仰另

湖湘詳略

卷二

三

審招詳

擄奪生妻事據長沙縣詳

陳五常縱僕拐唐繼武妻固隱其人而斷價欲杜其訟而擬唆種種與情法未當仰長沙縣勒限追出陳希文蔣氏另究報

褒崇往哲以慰人心事據善化縣詳原任知縣

陸南陽德政由

據詳本官理學造士善政宜民人切叔度之瞻在任已歌來暮世享何武之利行後永矢去思既畏壘同

丁酉補允協提學道卽行縣迎主入名宦之列以
光前哲以風後進仍具詳報繳

廣詢利病以圖稱塞事據湘陰縣詳

准照行查一歲倒馬幾三分之一此非水草之不時
卽係騎坐者索詐不滿其然而故盡其力以致於此
耳以後但有跑傷馬匹者不拘何衙門承舍卽行申
究仰縣仍刻榜禁諭繳

刼戮大變事據寧鄉縣詳

施仲賓等夥搶客穀雖災民如亂民矣可恨縱亂民

湘湖詳略

卷二

三十三

畢竟窮民也亦可憐縱之非法而徒之恐遂置之死
地仲賓與李朝清朝利王廷傑仰縣各着實加責六
十板二十日後各枷號一個月杖決譚廷祿杖折發
落餘照庫收繳未到另提結

清查庫弊事據益陽縣詳

謹思恭守掌庫藏侵欺故官夫資匪直不法亦貪而
忍矣依擬加責五十板徒折革役變楚壞接然追給
戴胤須的當乃不虛該縣清查補卹之意耳庫收領
狀繳

查議賑築等事據益陽縣詳

堤工既止半就而饑民又待賑數多准照原請穀數
全給倉貯尚餘糴穀已之更妥也此繳

廣詢利病等事據益陽縣詳

稅額足而停徵因以其餘行諸善事直循良之用心
與俗見迥乎不同也准如數動支行繳

飛死人命事據益陽縣詳

楊美瓚等誣糧構訐依擬杖答贖決發落楊喬節至
於鬻女其窘迫亦可憐矣改無力餘照庫收繳

湘湖詳略

卷二

三十四

殺軍大變事據茶陵州詳

胡欽明聽劉貴願指冒認背主之黎允爲兄受賄肆
誣悍軍刁潑詎可方物哉可恨可恨依擬欽明加責
六十板發磊石哨哨驗滿放黎允五十板劉貴四十
板各杖贖發落餘照庫收收管繳

變亂祖制分擾地方等事據吉府長史司詳

議屬有司原爲彌盜以靖地方政所以固藩封也
軍衛有司何必自生畛域乎本院前已據巡道詳批
覆議矣仰長史司候該道至日聽易詳示此繳

條陳奸弊等事據寶慶府詳

據審周昌智等所陳雖未免假公行私似非捕風捉影所云心雖荆棘言亦極謔此確論也即乃風難長而稅政須更今令果賢又何妨視為藥石儘期洗刷一番也哉不然即開倉之雜派契尾之擅行苛細及干織蓆抄槽騷擾行乎尚苗僧里夫民皆至愚而神者也縱防其口能服其心乎仰府速從長酌議呈該道覈妥轉詳其應禁者刊示力行毋忽

蘇民疾苦事據寶慶府詳

湖湘詳略

卷二

三十五

如議新認茶稅銀均攤于屠魚麪三行青龍橋稅銀准抵生漆等十行其減抵過數目仍明示各行通知以杜積猾冒派此繳

土官減民事據寶慶府詳

教天華至於藉訟要搶罪不可原矣依擬發麥溪巡司克當囚兵滿放教天貴等各杖贖決發落但查以告追債首難者魏大賓也放利之徒豈可令之處處得志田契塗抹原銀二十五兩免追餘照庫收收管領狀繳

抄嚇激冤事據寶慶府詳

陳祖傳以自逼縊死之兇正月先賴謝二十二月復誣王時鎬唆由宗貴而亦郵祖傳之逞刁也各徒不枉依擬祖傳發岳陽驛擺站滿放陳宗貴贖完日同謝二十決杖發落照行庫收收管繳

貪官激占事據寶慶府詳

劉廷孟陳興朋謀占屯田誣及本管小加大賤陵貴其可為訓耶依擬各加責三十板與汪正法等分別徒杖折贖差操發落餘照庫收退領狀繳

湖湘詳略

卷二

三十六

誣盜嚇財事據寶慶府詳

大抵准狀而批衙官原告又吏也阮大鋌而走險即誣平可稱智者已改杖贖發落照行庫收領狀繳

叛寇殃民事據寶慶府詳

據招周道弘倚恃青衿多行不義種債則準人之妻奴田產肆強致侵人之墳墓屋間奴使逮乎宗親威逼周於債保怒已犯眾惡不勝書依擬加責三十板徒贖褫革呈學道除名周道昌濟惡占屯亦應重處既該府細審得情姑行學道以自新仍同周貴

劉金隆等各杖贖折決肄業發落餘照庫收退領狀繳

揚散骸骨事據寶慶府詳

周道弘雖是異惡蕭宗一前告未嘗蒙枉何以覆告為真是可已不已者也免行再問其弘道等仍照前招發落此繳

清查庫賊事據寶慶府詳

帑藏豈有官與吏分屬之理楚中庫役什九侵欺以此弊不可破耳據詳黃祖善等覺庫侵欺自願賠出者幾及二百則未查者尚可勝詰耶仰嚴究解報

劈官救命事據寶慶府清軍官詳

據詳羅仕倫被劫羅辟情近可原第盜案原無賊仗而死者六人雖告盜得絞令人不能釋然候出候入亦非定論仰府候該道至日徑詳再審確招解奪繳

撥宗擄殺事據寶慶府理刑官詳

范世孝等宿怨計主大千名分依擬加責四十板世孝贖徒范世用發鳳嶺巡檢司充當囚兵照限滿放蕭九鳴李承恩唆撥釀亂加責三十板與喻嘉斌等

分別徒杖贖折發落餘照庫收收管領狀繳本宗違例冥行如混支引鹽濫收妾妓垂涎祖賣之田均失王子之體但念撥置由于羣小姑如議俟其自愛還須移知以後不得多事可也

出巡事據寶慶府理刑官詳

袁正夫乘差詐索賊私有據吏拘竊種種稱為虎役中之狗偷非耶加責六十板依擬發硃石巡司充當囚兵滿放袁京夫朋奸害人姑杖贖俱革退身役餘照庫收收管領狀繳

拷殺父命事據寶慶府理刑官詳

李文達以無干事情代人捏告固稱刁訟第楊芳春倚勢嚇賄得查棋銀布衣而復具稟徐州判徐州判敢公然准行差官拘捉此何法乎文達與芳春各加責四十板與查棋各杖贖折發落徐州判犯衙官受詞之禁姑免提究仰提原差快手李大武責四十板以警之庫收領狀繳

貪官殺命事據寶慶府理刑官詳

陽鏡與聽人順指誣告官差依擬徒贖第聽呈拒捕

政差官兵未有不擾害地方者亦楚中最稅政也須移行禁之餘照庫收繳

劫殺人財事據寶慶府理刑官詳

向玄俊等乘洞苗嚇誣卿宗顏而逐執其男婦與徭人為虜甚之搶財索贖陷一命於無何有之卿不與化外者同耶姑依擬玄俊與向宗兆加責六十板各徒玄俊發隆回巡司充當因兵滿放向宗兆折工尹仁右等各杖贖折發落餘照庫收收管領狀繳未回人口速行該州研究下落另詳

湖湘詳略

卷二

三十九

攔河劫擄事據寶慶府理刑官詳

據詳鄧朝宦已故請豁紙罪似矣第給主之賊累百未見追完取領况前以願退免刺今忽稱貧難完納展轉支吾一行下縣遠人之守候亦可憐矣仰候追賊有下落然後再議豁免何如

牢殺黎民事據邵陽縣詳

彭承貴之訟雖種種駕誣第就今劉道乾之盜馬是真亦何故令彭承富認贖况此地團長頗能生事即此以坐承富又何以服承貴之心不為其兄聲冤哉

如是而猶徒承貴則凡為團長者便不妨執途之人而坐之盜黨矣仰勘確另詳

懇恩照例作興等事據邵陽縣詳

作興併區姑支給歲貢係額派錢糧加派譚何容易本院批查補貢例行其語自明該縣雖不經見而繁省如此者不必安得局于一隅遂自作古耶關會明白另詳

擄妻傾命事據新化縣詳

劉應桂等乘人之危而鬻其女姦其婦且拐藏轉賣

湖湘詳略

卷二

四十

馮計百出一黨窮奇也依擬應桂劉奉林各加責五十板序發硃口紫陽二巡司充當因兵照限滿放李氏加責三十板決杖名下贖欽免之即添大宗告紙可並免也其劉聰明等各杖贖折決發落照行庫收收管領狀繳

禱甦民困事據武岡州詳

稅非熾政而又徵及各行不瑣甚乎據議增茶稅以減三項之額查房租以代十行之稅雖不免益此而後損彼其調劑地方之意良亦苦矣准出示通曉仍

刊立木牌自四十二年起照此征免嚴令遵守此繳

苛政民害事據武岡州詳

黃玉洪以一紙行據派銀八兩一錢九分而且擾逼通州派之已久而今乃籲呼之急以此思之其情必有不得已者夫人疾痛則呼父母今不能避其苦而反以牽扯衙門人欲罪之耶玉洪罪免之仰州再查有何項堪抵者酌申該守道另詳

弁毛人命事據新寧縣詳

陳所知陳唯善以祖父久賣之山地恃刁強墾一之

湖湘詳略

卷二

四十一

已甚其可再乎各加責五十板姑依擬各杖贖發落王朝橋不忍父母臥塌之側使人鼾睡豈得一様科罪免之餘照庫收繳

批守巡上湖南道并所屬

賞文催詳事據分守上湖南道詳

據詳瀟溪裔孫優免額以六十四石爲率後有置買不得復增真可久之論矣如議行永爲遵守有司亦不得復議裁減此繳

申請宗藩民校錢糧事據分守上湖南道詳

據詳減民校十四名而俸薪樂餌禮生厨役等項悉

裁其編派誠爲遵制恤民如議移司改正全書永

求遵守其漁樂戶亦不得混用此繳寧遠缺官銀幾

二十年未有領者果盡屬民欠乎抑有從中蠹蝕者

未可知也該道確查下落如果在民不妨徑示免追

使小民通曉何如另詳報

廣詢利病以圖稱塞事據分守上湖南道詳

積穀爲民至以穀之故反爲民擾卽陳陳相因何益

手據議本折有別看守有法貢役之俸給仍舊查盤

湖湘詳略

卷二

四十二

之常罪酌免從此粟不紅而貫可朽地方利賴多矣如議力行遵守著爲例此繳

遵恩守法復古等事據分守上湖南道詳

布行落地稅既非正供而每年水稅又有餘羨可以

抵數竟罷之便照行以蘇遠商仍刻榜曉諭遵守此

繳

覈實稅銀事據分守上湖南道詳

近本院因聞有減一之皇仁政通行查議而該道

之議隨至矣可何同心之慶夫時估定則積猾無緣

肆其低昂而厥官有據行其征權此最官商兩便之法也如議刻榜厥前曉諭以永遵守此繳冊併發

究拿衙虎事據分巡上湖南道詳

用行短價收以夏楚卑官之貪殘極矣然就其中有為之狐假而蠶食者則衙蠹之罪不足原也蓋聞湖南此弊已宿而該道為一雪之快甚快甚周朝柱等依擬分別徒杖各折贖完日發落仍革退身役不許復充餘如照庫收領狀繳未到楊九鵬等易提結

查檢庫藏事據永州府詳

湘湖詳略

卷二

四三

鄭宗和等監守庫藏而盜銀各實遣復何疑但前後相續而同行原無足怪彼此俱盜而同術頗有可疑蓋或多或寡不必問也而皆用錫換抑胡不謀而合乎求成未容草草須根究着實不可以眾擎易舉謂均坐則庫銀易完而懸斷也仰府再確審另詳

查檢庫藏事據永州府詳

據招駱尚爵以錫銀盜換庫銀天胆神奸貫盈事確未成豈容置喙孫紹烈周旋傾軋謂不同行恐非其情發奸務盡分守上湖南道再詳

招奪

懇賜申飭等事據分巡上湖南道詳

衡山小縣耳私初榜徵名目科銀至一千五百民不堪命矣條陳耳目可塗徵派肺肝盡露該道嚴提經管人役速究招解

拿獲投帖匿名等事據分巡上湖南道詳

李仕舉匿帖謗官撞揭甚確套寫逼真絞無說矣但閱招內情節本院承差黃裳枉道到州以仕舉為居停違禁勒索致州官之押逐仍以焚財不遂故將騎

湘湖詳略

卷二

四四

馬逞兇由是仕舉被呈而擬杖恨不解于州官害始行于匿帖耳夫仕舉稔惡已罹重辟乃黃裳始禍固可輕釋乎况前院特未見此招姑容至今本院欲法行自近合追既往除即將黃裳行司斥革外該道仍嚴提確審毋枉毋縱并招詳奪

拿獲投帖事據分巡上湖南道詳

黃裳枉道由州索乾傷馬釀禍陷人重辟可恨甚矣况復抗不赴審斥革尚無忌憚其充役時豈待卜哉姑依擬杖贖仍移布政司將吏役追劄塗抹李仕舉

照舊監候會審詳決照行庫收吏劄繳

國法民冤事據分巡上湖南道詳

沈應案事發原籍無論單詞難信與否部文題問之人無護惜不發之體卽遂留之而有此一番可復回任臨民否乎知其必不能也該道還勒令起程此繳

拿究事據分巡上湖南道詳

顧紹勳奉委不能宣上人之德意承差翻以播下民之毒虐閹招其穢處令人欲嘔其橫處使人皆裂蓋武弁中之絕無行義者矣依擬贖徒革退管事帶俸

湖湘詳略

卷二

四十五

差操蔡晚仔等七名序發永靖新安沙坪花橋白水紙錢分水七堡照徒年限哨瞭滿放顧法贖徒魏伯寶與顧富等七名各杖贖決發落餘照行庫收收管領狀繳未到期坦字另提結

擇官管稅事據分巡上湖南道詳

楚中之害惟稅爲甚宜該道之嚴爲申禁也迺劉文光與徐思義等敢以衙奸市棍大肆誑索以致商民畏之如虎停舟不前咸何景象欲救民于水火決不可無此摘發依擬文光等一十三名內胡大賢枷號

一個月加責三十板其餘俱枷號一個月加責五十板與王六蕭聚雲分別杖追贖發落餘照行庫收領狀繳未到王佳等另行提結

毆死弟命事據分巡上湖南道詳

陽春試毆死陽文烜額破骨穿可徵石擊之兇生驗死檢又有尸老之證殞于限內絞寔當辜但招前未叙服制輩次而尊長毆卑幼至死者絞舍之而引闖毆是否牽合該道再一確勘情律另招詳奪

拿獲假印事據分巡上湖南道詳

湖湘詳略

卷二

四十六

據招陳老滿假印害兄堂下之手刻酷肖個中之面質充真論斬無疑矣唯孟復啓擅標票以索誑類于詐僞文書擬徒是否盡棄該道再確勘另詳

地方事據分巡上湖南道詳

據招張孔惠商計孔志毆死張孔信斷其首足而埋之坑內慘毒異常分別絞配宜矣第堂兄難以凡論招誘不類聞毆雖孔信既有死道而律文終不相蒙六辟所關必須妥確該道再參勘律情另招詳奪
殺人滅屍事據分巡上湖南道詳

陳萬斗稔姦劉氏而深夜刺殺其夫江仕福匿屍脅息淫惡異常今傷證俱明無疑一斬矣但萬斗欺我定不饒他劉氏能傳仕福之言於姦夫門首殺人撈屍扛屍聲息豈不達于門內而江大鵬之來家又得之陳萬倍之告劉氏真不知情否雖已不免一死但宜磔得絞猶之乎縱有罪也該道再鞫勘確招另詳

削髮伸冤事據分巡上湖南道詳

據詳劉元寶久逝未回妻雖改嫁仍應候回日完聚縣之此議似是實非夫天下有婦人改嫁數年顧寄

湖湘詳略

卷二

四十七

身不帶寄物徐侯故主之至而能宛然償還者乎查元寶鬻身于三十五年而犯盜在三十六年三月凡僕為盜主且恨之况即盜主人之牛恨當百倍爰想任愛告府之情有不滅此不朝食者今配迯畢竟不獲生妻公然嫁賣或者任愛知元寶之已死而縣第知速結此案遂不暇問元寶出亡下落耶此中疑有隱情該道須委精明官勘破并提當日配所承保各役務根究得獲始無枉縱另詳奪

偽造印信度牒事據分巡上湖南道詳

據招田本仁以度牒之故偽造四印首自徒僧搜刻有據擬以造而未成引遣亦似盡法第律言造而未成者是已成形而未雕刻之謂本犯假印篆已搜出招叙鈴蓋在牒且經當堂覆刻俄頃立就尚得謂之未成乎若引描摹之例則未見行使詎禍無據求成是否昭協該道再確審情罪招詳

督撫地方事據分巡上湖南道詳

廖應春果貧給主賊准豁徒准改發黃堡驛擺站滿放收管并前庫收繳查縣詳想在本院未入境時不

湖湘詳略

卷二

四十八

然勘係貧民或故絕許改不得只作未完本院有行可援入申請也何必以本院事假諸別衙門而後可邀其聽哉該道一查之若者提承行徑責三十板以警其誤何如

明火劫殺事據分巡上湖南道詳

邵四保之夥劫王守經真賊既獲為盜無疑第招云違例放火擬罪處不言梟何也曹閏挾引已行不得財律擬徒是矣然所謂不得財者謂財未出事主之門非謂其未分受也守經家財已劫去若果已行徒

似未盡乃招前又云竊行懼罪逃回此直未行徒似稍過已夫四保審為本犯供報而獲故鄧祖新供本犯為雷春秋所邀鄉保又連名合首其為強況本犯平日曾刼程大和則今之自認為竊可據毛出入宜慎該道再確勘另招詳奪

便益事據分巡上湖南道詳

曹用龍稔姦王臣妻周氏因巧計周廷增殺臣而安享其室就其棍培繩絞之狀埋屍宵遁之情堪令人髮豎皆裂發瘞骨於群鴉顯謀情於挑酒豈非臣幽用龍一死嫌遲矣依擬固監速詳報決餘如照領狀繳

湖湘詳略

卷二

四十九

地方事據分巡上湖南道詳

吳應韓同兄應韓謀斃王大臣而沉其屍於井中其心甚狠而其跡固已秘矣久之而應韓等因別案繫獄吳應坤聊發單于庭中而廖海適湊集於門外當偵無虛行查便實若此者皆天也非人也天網雖疎不漏人謀欲蓋彌彰今應韓幸以蚤斃脫斬不絞應

韓則井中之冤憤將誰雪乎依擬監候會審詳決其廖海假差執拿徒有贖梟加責五十板發湘口驛擺站滿放餘如照行庫收收管領狀繳

刼殺人財事據分巡上湖南道詳

左貴松父子與許良武父子以翁婿郎舅之親不顧而糾黨刼之其刺刃于臂翁本期滅口忽發聲于胞妹因致洩機更有弟證其兄與賀舜等又賊認于主此盜情之最確者分別梟斬夫何疑之與有依擬監候會審詳決將應儒將仲仁無干決放魯良才等各贖決發落餘照行庫收領狀繳

湖湘詳略

卷二

五十

激變事據分巡上湖南道詳

據招時典計保逃徒胡宗倫而其妻子或折或賣又逐倫流離困頓以死此其殘暴亦已甚矣而况復屠倫之死以為奇貨匿告多人使百餘家曾不得保聚而托處焉天下顧有此窮兇極惡哉雖橫身作証明為冤對以恣憑陵終原狀無頭暗作機關以開陷阱照匿名擬絞允當其辜依擬監候會審詳決陳魁黨應分賊徒亦不枉贖完發落餘照行庫收領狀繳

地方事據分巡上湖南道詳

蔡可成等之夥劫黃定也塗抹面貌吩咐衝門兇拷
事主而母子兄弟之俱傷不亦忍乎竹鎗現在賊物
甚真四盜無疑一斬若失主出狀之遲與保長更期
之誤此與盜情何干而可以此開疑竇乎依擬監候
會詳決鄒一松杖贖發落餘照行庫收領狀繳未
獲劉六仔等另緝結

謀買盜賣事據分巡上湖南道詳

劉氏從伯淫奔獲而復逃且鼓其姦夫以棄其婦爭
胡湘詳略 卷二 五十一

妍取憐羞惡之心漸滅盡矣綱常風俗為此狐敗壞
已極惜王宗善未得明正于法惟速將氏典刑而後
神人之憤庶幾稍洩也依擬加責六十板固監會審
詳決唐當選惡併吞加責四十板杖贖發落庫收
繳

滅倫大變事據分巡上湖南道詳

李選姦拐侄婢向天柱慣數逋俱經拿獲對質夫
復何詞若李有慶不克開家而以生妻去關讎告無
干之至叔李達者名義之謂何而敢干犯至此哉依

張元柱發青坡巡檢司充當囚兵浦日取結踈放選
與有慶各徒贖李世賢與周安蕭鳳彩各杖分別贖
決發落餘照庫收收管繳張氏另緝結

打死事據分巡上湖南道詳

鄧正梅以胡仁三不允更田細故遂謀死胞兄名正
栢者意圖禍賴檢傷毒毆交形審證輸認無說推刃
及於同氣殊刑夫復何疑依擬固監會審詳決鄧正
松唐希瑄在場雖未加功發難實由明計鄧世瑄又
咳誣可惡矣徒懲咸當厥辜瑄與瑄聽贖外正松發
胡湘詳略 卷二 五十二

里驛擺站限放胡仁三等各杖贖決發落餘如照
庫收收管領狀繳

大盜事據分巡上湖南道詳

羅蘭羅前彩盜生一家其刼歐尚臣也携縛行兇焚
燒播害今原賊起之土窖失主認明供報出於同徒
面盾無爽父子為戮總之貽謀不善而幹蠱無聞也
依擬各斬固監詳決周九疑亦盜種而以不分賊及
于寬政幸矣加責三十板發盧洪市巡司充當囚兵
限滿釋放餘照行庫收收管領狀繳將六桮等另卷

結王喬子等另緝報

謀財殺命事據分巡上湖南道詳

傅仁隱劇盜於槁師郭汝賢固其坐窩也因微賈程士元携貲覓渡遂假計構爭泊岸截刼付主僕於波臣而乃橐裝為大盜積也嗟乎忍矣然仁極負何之別往遽逢捕役汝賢湯藏奚益擒來即獲原封士元已死有書帖之僅存則二犯難生宜典刑之速正依擬駢斬固監詳決內傅仁仍行梟示餘如照庫收領狀繳未獲萬邦達等緝結

湖湘詳略

卷二

五十三

拿獲窩訪事據分巡上湖南道詳

彭尚質預套飾卑蟻兄纂訪速之公庭而傾敗其貲囊置之死地而毀辱其屍骨更復蔓及親隣疊疊誣服殞命此等險毒而非發由該道訴自伊母則胞弟尚寶不將為三死者之續耶依擬絞請監候詳決王巡黃舜友曾仕順廖友登或勾捕奪財或傷殘煽惑各加責四十板枷號一個月與楚一標等八名各照徒限贖完發落餘照行庫收領狀繳未到黃孟崑提結

謀殺事據分巡上湖南道詳

陳財有謀殺家長刀鎗並族以致陳仕身無完膚死於廢寐慘矣深夜往復蚤見訝於妻鄰影響全無更何憑以飭盜蓋彎弓之不得而刺刃又動殺機遂成辟案磔刑殊不為冤依擬固監會審詳決周鳳時何氏雖不因姦與謀宜淫可惡各加責四十板贖決發落餘照庫收領狀繳

究死事據分巡上湖南道詳

曹紹南以索幫小負造威逼大孽致王國棟被筆撻而別躲無門甘仰毒而一死不悔檢審既確引例非虧解發求定衛充軍終身愈妻達部李閔從行勒勒加責三十板杖贖發落餘如照庫收收管領狀繳未到另提結

湖湘詳略

卷二

五十四

剿賊安民事據分巡上湖南道詳

鄧明滾跡無餘臂猶事穿窬三犯律應處死而革前例得倖生依擬監候奏請明文至日解發廣西南丹衛充軍終身愈妻達部如恤題允改即照前遣發周秦二等既屬仇扳姑各杖贖發落庫收收管

繳未獲緝結

強賊劫財事據分巡上湖南道詳

王通禮等四盜夥黨多人強劫曹榮邵家撞門入屋傷主得財卽恤案爲囚求生然火光燭天喊聲動地偷兇行徑必不其然以強論斬萬不必疑依擬監候會審詳決餘照行庫收領狀繳

地方事據分巡上湖南道詳

陳國昇等以賭極無聊輒欲攫金白晝道截舍人羅松之行李而棍破曾孔週之額顛既殞命速于旬日

湖湘詳略

卷二

五十五

又起賊對訖原單夫國昇與國典係爲首下手者斬其何辭依擬監候會審詳決陳國典陳加順搶財既實加責五十板照序刺發河州栢坊二驛擺站滿放陳進陳朝綱陳以盛賭博非虛各加責四十板枷號一個月與蔣壽熊氏各杖分別贖決發落餘照行庫收管繳

剿寇肅邊事據分巡上湖南道詳

唐崇泮唐崇池等虎踞一方并髻三尺憤李果珍贖田細故輒假病死之屍恣其惡賴操戈統衆不但擄

果珍而波及者復七家兇焰薰天慘同劇盜矣但果

珍恃青衿而挾贖久棄之業崇泮已不免腐心更令

李世清等盜割其禾致崇泮遂不肯歇手誰階之厲

則果珍亦有所闕矣事經七載累斃多人今酌量情

法之中分別或遣或配或杖誠非枉縱依擬崇泮崇

池序發九谿永定衛各永遠充軍僉妻達 部唐大

德等各贖徒唐興攀刺發歸陽驛站滿充警李世清

加責四十板贖徒李果珍等各杖贖決完日果珍行

學降青仍移知學道餘照行庫收管領狀繳在逃

湖湘詳略

卷二

五十六

唐崇臣另提結

財埋父命事據分巡上湖南道詳

李孟芝乘兄死而嫁嫂占產斯可已矣乃併其無依

之嗣子不容歸宗以致劉禮珊憤激觸死貪暴無以

加矣但首惡之魄已經天奪本犯姑依擬徒折發落

其埋壘娶妻賠器銀俱着實追給庫收領狀繳

劫擄事據分巡上湖南道詳

雷必乾糾劫董遠志正在案緝乃自以回典竊物投

羅可謂恢恢不漏矣原贓并獲斬誠不枉依擬固監

會審詳決招後叙賊本犯分繫馬簪三對前又二對何也查明改正之

盜庫事據分巡上湖南道詳

俞化騰以役滿庫吏鳩合狗偷致竊出庫銀一鞘真天膽神奸矣同行者既顯犯金科受寄者亦明干玉律或為容隱不覺疎虞必分別而究懲庶法嚴而不犯依擬化騰責六十板高子劉仲謀各責五十板序發施州九谿求定三衛求遠充軍追完賊銀食裏達部劉仲光并喻五等各責四十板序發州門除口

湖湘詳略

卷二

五

白沙赤石安福高亭六巡司充當囚兵滿放黃德鍾等各杖贖決完日查照還役發落照行庫收收管繳未到張國照等候緝結

馬弊積害事據分巡上湖南道詳

譚尚文既審果賊證無據而包當索詐之奸又係譚泰等所作何張幅李戴耶當年送訪者亦大可異矣姑依擬譚泰譚上材各加責四十板徒折譚尚文杖贖復役餘照庫收領狀繳

逃軍伏罪蠲累事據分巡上湖南道詳

據招陶朝玉刳行商而驚逼劉華溺水倖遣偷生柰何脫逃不伍以自速死耶寄借有供父族並棄仍斬良不為冤依擬固監會審詳決陶栢玩解潛回加責三十板折杖發落餘照庫收繳原軍批掣回塗之

殺死八命事據分巡上湖南道詳

周金假取水而搶財焚屋遣實無足惜者第渠餘黨既已共斃其六則本犯出遣入配亦不為縱加責六十板枷號二個月然後查照撫院原批定驛分解發擺站滿放照行庫收收管領狀繳

湖湘詳略

卷二

五

打死叔命事據分巡上湖南道詳

陳世翰妬姦雷氏而謀毆唐禹狼擊不止三番畢命弄惟四日既檢傷行財屢訊真確絞抵萬難辭矣第買晚之唐可棟見毆之唐週皆此獄緊關干審聽其久逃終留展竇且因姦而殺應否擬以鬪毆該道再研勘確鞠招詳

嚇詐伸冤事據分巡上湖南道詳

唐貴仁執毆族祖而翻恨其妻開門以出之筆使致死惜也意在免夫于禍而不意夫之無良至此極乎

傷諸俱明駁勘已確係何說之詞依擬監候詳決唐付潤等冬候發照行庫收領狀繳于尚高等另提結

明火劫殺事據分巡上湖南道詳

據招會客仔等夥劫陽建家真賊主認實證徒口竝斬良不爲冤依擬監候會審詳決餘照庫收領狀繳未到未獲緝結夫赴盜正須擒獲若路口弓兵李時運等截賊脫放禦盜謂何身役在官豈應竄匿似不可聽其只作未到也何如何如

湖湘詳略

卷二

五十九

強盜劫殺事據分巡上湖南道詳

舒老五與鄭大欲夥劫盤美臣家倡謀首難暨殺傷婦女掠財焚券招稱皆出老五則盜魁也向疑其無職今亦有賊美况大欲被縛於當陣以其稚也稚即不妨爲盜乎辟之俱不爲冤依擬監候詳決餘照行庫收領狀繳未獲李佑等另行緝結

另議署印事據分巡上湖南道詳

李道明等依擬各杖贖決發落庫收繳楊九鵬既久逃回免提湖南地曠法禁擅用行戶併佐

領擅詞者實不少非藉該道一力振之其稅政寧有底止耶須再嚴行申飭使地方蒙福耳

劫殺二命事據分巡上湖南道詳

告詞七年不結至累斃者已四命夫隔屬推調猶可云鞭長難及耳藍武俱衡的屬而不應况境內殺人而不報是非有民之能爲刀亦由有刀者占護隱諱以釀成此風也詞准註銷以杜延累該道仍嚴提各吏書嚴究以警寢閣繳

查究事據分巡上湖南道詳

湖湘詳略

卷二

六十

據招姜勝以舖總淹收入犯霍索千態以致無辜之譚福官等三命相續瘦死嗟嗟見獄吏則頭搶地此輩更憐惡耶擬絞猶令人有餘恨矣但總與獄不類而總甲與獄卒亦非倫質之獄卒在禁之文是否昭合不一點破恐終無以咋其舌耳該道再虛勘情律確招報奪

天究人命事據衡州府理刑官詳

據招何啻二若被誣矣第羅齊八不死于毆則幾番覆檢傷從何來即初情近確而作弊累可不問耶

分巡上湖南道研審明悉招詳

出巡事據永州府清軍官詳

據招廖付聖等身充庫役侵欺至於二百八十四兩有奇真頂踵皆膽矣三尺不可屈二戍其何辭第此外未完頗多該縣似向來漫無稽管未必不又飽承行與押追之腹也分巡上湖南道再細鞠嚴追確招另詳簿并發

申飭淫焚有玷師儒懇彰風化事據郴州學正

徐一禹詳

湘湖詳略

卷二

六十一

祇以僚友爭差公然呈揭肯開穢口雅道俱亡政恐學正徐一禹無以愈于訓導李宗堯也分巡上湖南道嚴查確報

廣詢利病以圖稱塞事據衡州府詳

據詳各款皆在為民具見愛民至意第事宜可久法貴不室內建浮橋一節准即舉行惟不可勞民耳如改折南糧南北絹布并革落地商稅事隸布政司增損馬匹并將黃堡驛歸併湘潭事隸驛傳道復東鹽事隸屯鹽道照款摘出呈各該衙門覆議另詳

廣詢利病以圖稱塞事據衡州府詳

據詳闔屬興革利病調劑盡善如徵收釐剔諸款俱准照行惟事有關於酌議法有待于嚴禁者本院已細批於各條項下仰府速照摘呈各道議妥詳奪

一議南糧衡陽

南糧飛輓之艱在在若之似不獨衡陽為然該府摘呈布政司議妥詳奪

一議驛遞

驛不足則當就驛中之有餘者以補之若縣家備

湘湖詳略

卷二

全一

用各有常經剝肉補瘡斷非完計至謂巡歷考校府城事多當時設驛定費豈未酌及此乎仰摘呈清軍驛傳道議妥覆詳

一議舖兵壯役耒陽

民窮財盡之時壯役有百餘名可無議矣獨舖遞每兵一名委屬過當仰摘呈清軍驛傳道酌妥詳奪

一議木

塘地幾何能濟木費召買上價恐反滋擾已之便

一議稅

稅爲商害食祿地方者方爲民請命思有以撤之不可得而未陽又欲闢江抽報則負販出途者不將視該縣爲畏途耶萬不可多事滋擾該府仍嚴禁刻榜使商民通曉可也

一議南糧

南糧改折未久又欲求折似不便題 請然既爲民患苦摘呈糧道另議報奪

一議水次

該縣兌糧既不便干岳州之軍斗仰摘呈糧道另撥就近衛分兌運以從民便具詳報奪

一議靖地方革斗級

驅礦徒以靖地方禁私宰以遏盜源事係蠹害該府行縣勒示嚴禁犯者如律申究至看倉之役久不許僉點里排該縣私派輪當是遵何法仰卽照原詳行仍查違玩吏書究報

一議田糧

此款已覆酌會 題矣仰候明文行

一議礦

地方之害莫甚於礦若封禁不嚴則奸究窺伺盜賊滋漫民其何以寧謐也該府速行設法嚴防勒碑禁約另報

一議班匠

絕匠班等銀追賠千里排委屬困累但事關題請結勘宜妥摘呈清軍驛傳道覆議詳奪

一議堡

移巡司設鎮桃林撤堡兵回守營地建置是否妥

當仰府卽行二縣從長議確通詳

究財殺命事據衡州府詳

謝瑞榮異省客民其赴愬必有萬不得已者何物孫鳴祖等排黨拖延使瑞榮快快棄去甚哉狡僧之累客商也仰將各奸徑責三十板明立文案備照前詳始註銷繳

纂臧激變事據衡州府詳

據招陳廷伴事係已結寬宥改配是矣但該府審詞爲本犯被訪由于陳康靖之仇口則造訪屬之康靖

無疑法無兩輕不在彼卽在此安得以陳嘉禾未到官而聽其推諉耶卽府再細審確招另詳

梟殺二命事據衡州府詳

郭柱以族衆青衿扛匿屍棺至使三年不得還塋窮奇之惡人鬼怨憤田知縣猶問羅尚楷以誣告徒罪謬矣謬矣但徒不足以盡郭柱等之辜而駁問翻恐以遲羅尚楷之塋母姑依擬柱等分別徒杖贖折郭選試黜退爲民申學道除名郭貞吉郭體道曾國光行學責三十板免其降罰餘照行庫收領狀繳

湖湘詳略 卷二

六十五

傾巢殲命事據衡州府詳

王寵吞噬丘仁愛之產而并奴其身然既有主僕名分豈有告僕而翻得罪者但查招本犯素惡曾經該道監究今賄脫誣詐朋奸作證卽此可以例其平日之蠱害于地方矣仰加責五十板依擬徒折樊希尹等各杖決發落餘照庫收繳

強擄激變事據衡州府詳

侯良才論財悔親卽市井俗徒不勝可恨况王天民等皆廁身膠庠公然奪人已聘之親而違斷擁搶婚

不待吉此其於行檢何如耶雖難盡褫其衣冠槩行姑息則士風之薄惡又烏乎砥之依擬侯良才加責六十板枷號一個月與王天民等俱杖贖折發落天民李時華侯明儒行學朴戒內天民仍降壽候歲考定奪抄呈學道知會餘照庫收領狀繳侯良臣另提結

出巡事據衡州府詳

前招于五月十三日方投到院是日卽批發矣批語錄貼于前如詳未到查照發落該府到省計程不過

湖湘詳略 卷二

六十六

八日沿途馬遞何爲而遲越三月也仰挨查下落如該府屬者重責枷號非該府屬者呈院以便拿究蓋隔屬多占愴不如此徒費文移無益耳此繳

頒除弊竇事據衡州府詳

鄧惟橋姦拐人婢依擬發黃堡驛擺站滿放彭祖策等杖贖折決發落堡官受詞賣解鄉約假公嚇詐皆足爲地方害者將文鶴量戒還職劉天祥加責二十板革換餘照庫收繳

權積害民事據衡州府詳

據招朱英等狡竄一穴指誣多賊若輩誠以官為市
矣大抵官昏則微細實官為之言之殊令人切齒姑
依擬朱英陳光燦黃世祿各加資四十板再加號一
個月示警其餘俱徒折革退羅明杖決發落餘照庫
收繳

為監囚打網事據衡州府詳

唐志元等買盜板良致徐志祖夫婦驚身其借籍躲
告豈得已哉依擬各加資六十板杖折的決發落徐
志祖免之餘照庫收領狀繳

湖湘詳略

卷二

六十七

釋國益民事據衡州府詳

蕭宏惠等詞假淘錫意圖鑠金款靖地方宜防微漸
依擬各加資五十板枷號一個月杖贖發落仍行該
縣嚴禁毋容竊發照行庫收繳

泮鱷殃民事據衡州府詳

劉天申乘弟被竊遍嚇典家蹂躪既多誣詐不少此
青衿中之絕無賴者膠庠何地可容其點耶依擬徒
折黜退為民呈學道行學除名張應茂等五名各杖
贖折決發落餘照庫收繳程履道聽易卷緝結

額天恩有事據衡陽生員劉天啓告詞

劉天申本院稔聞其名昨閱招見其不體上人息盜
之美意而乘機打網其行徑更劇于盜及面審而聞
其語又句句把持字字挾制至詐賊輒復囁嚅嗾嘆
士風之所以日壞而不可挽以有若輩雜乎其間耳
初不虞其曾獲戾當路而豪商者叢計欲殺之也此
且當路假手豪商乎抑豪商順指于當路乎適然之
逢乎相約而起乎夫士首四民不倫于商當路有嫌
更須明別仰衡永兩府州官將劉天申事情虛公覆
審且查天申此外有無過犯及以何事為當路所嫉
其種種賊跡亦毋為豪商栽捏無拘成案而使孱儒
冤戴覆盆亦無畏蠱尾而令兇徒倖倖漏網確招速
報

額天恩有事據衡永二府理刑官詳

據招劉天申不止藉盜嚇騙大肆誣罔查夙卷另有
十宗論前非且非一事豈非清世之豺虎而白日之
魍魎乎徒輩恨有餘法劉天啓尚欲為兄解免亦非
諍弟之義矣仍依擬徒折黜退除名其斷追程汝昇

湖湘詳略

卷二

六十八

賊銀既本生未到姑免天啓亦姑免究肄業張應茂等俱照前招各杖贖折發落餘照庫收領狀繳

據官大變事據桂陽州詳

此曹若真不治則將胥而為夷矣仰衡州府速查究解先據蕭九儀有詞告院批發桂陽州卽吊一起併招以省冗案可也

誣盜抄擄事據衡州府清軍官詳

羅朝寵等以捕盜而嚇擊李福正致其鬻賣妻女得財與官瓜分其荼毒卽盜奚能過之可恨可恨惜典

湖湘詳略

卷二

六十九

史僅從序遂不無及乎寬政耳依擬朝寵加責五十板再查衡州兩月滿日發河州驛擺站滿放謝應科並責三十板杖折發落餘照庫收收管領狀繳發審人犯事據衡永二府理刑官詳

王奇鳳假病出而復入又行挑鬪若打脚板之說出干劉正化卽此而其狠惡可勝道乎各責四十板革役倪尚禮曾興作各責三十板周才華王良傑各責二十板查奇鳳係頂名革退姚大清身役以懲買閒可也姑俱免其問罪外杜良慣係窩訪與否查確易

報此繳

撥官害民事據衡州府理刑官詳

羅孟學等一黨積役媚官別設旁徵剝下恣行騙索猶鼠盈堂奚恠衡山受害之烈哉依擬孟學岳大湘羅尚用唐大策各加責四十板徒折革役徐國賓何章責三十板杖贖革逐發落餘照庫收領狀繳未到另提結

匿殺父冤事據衡州府理刑官詳

閱曾文謨惡款誰不切齒然皆磊債之事其戍也止

湖湘詳略

卷二

七十

以淫污侄婦擬耳今姦既涉虛雖律無可加而徒有剩罪加責五十板姑依擬贖完革去儒士衣巾爲民當差曾光先杖贖還役庫收割付塗繳其餘照另詳行

謀殺二命事據衡陽縣詳

胡阿楊先年夫逃已借道傍之屍誣兄今夫弟斃配又以謀殺之情誣侄天下有是健訟之婦乎坐徒何說依擬杖決收贖陳永潘等各杖贖決發落照行庫收領狀繳

刳殺人財事據安仁縣詳

據詳該州約二起一併會審而該縣辭以緊關未到
有碍會質則何以欲委卸于該州正犯之不出哉且
既未經會質而懸斷其均屬虛誑又誰為該縣言者
如是而猶云該州意欲勞怨為辭必不其然昨州詳
已行巡下湖南道矣仰縣候委官定日即齊人解問
如遲提吏重究此繳

土官激變事據安仁縣詳

本院去年出巡長沙閱安仁申李生栢詳異之駁行

湖湘詳略

卷二

七十一

長沙刑官而告譚習程父子者日有矣乘風修隙詎
曰不然第招各有體此二辭或虛或實儘足定罪譚
光園等原狀無名前者未嘗批該州縣查審盡羅而
入之以為習程父子翻案地奚為者况此詳未到而
茶陵據實頽之告另訊刁唆亦屬變體及查申行日
期又何後者反先者反後耶事自可疑母謂本院
不相信也仰再於此等處分析明白以便批發速速

土官激變事據安仁縣覆詳

據云以備抄通覽者入叅而不覺逾于本情之外亦

自是文章家與到筆間之常原係無心仰仍會同覆
署簡索招奪

勦虎安民事據衡山縣詳

依擬唐大策等各杖折發落近來積里與積役多打
成一家同害人該縣須嚴查禁諭大策仍革役庫
收領繳

賞封超生事據衡山縣申

通達公文時刻不可遲誤高閣半月而後請加封該
縣之加封轉送具見權宜而通卒之玩事則不可不

湖湘詳略

卷二

七十二

嚴究以儆其後也此等人畏責不畏罪該縣惟有常
以夏楚威之可耳此繳

指官誣竄事據耒陽縣詳

楊清竊盜有據前官以其兄之故而廢法以寬其弟
楊漁爭產肆誣今招又以主之罪而移及于其僕胥
失之矣仰另究招詳

謀賊一舉事據常寧縣詳

依擬周如鳳等各杖贖決發落餘照庫收領狀繳賣
田告壇法所不載過罰有。胡可長以後當嚴禁

之

指盜抄家事據桂陽州詳

譚文質誣盜夥捕致嚇多賊此地方之大害也安得以隔屬護各使有逸法者今廬朝已該本院嚴提審責仰州卽研審併招另詳文質李全用仍照原行摘解

侵帑竊弊事據桂陽州詳

縣官派銀以媚稅璫已屬可笑而曹清又乘機侵匿延不完賦抑何敢于作奸耶姑依擬加責四十板杖

湖湘詳略

卷二

七十三

贖就仰本州照卷嚴追賊銀完日發落餘照庫收繳

頒恩恢復久堡便益民情事據永州府詳

據詳於新田堡建立衙門以縣主簿移住徵收南北二鄉錢糧及移白面巡檢司至彼防守各一節既事體民情稱便而工費不動官帑仰照行但此舉原出爲民一切經營務期簡安可也繳

廣詢利病以圖稱塞事據永州府詳

府屬與衛所興革各款皆調劑盡善深與時政有裨准照行惟事須酌議法待嚴禁者本院已逐款細批

矣仰摘呈各司道議妥覆詳

一議冗官

官倫則事不廢官冗而無所事事不虛此官耶據詳府學訓導歸陽驛丞與廣益等倉官皆屬贅設仰府摘呈該守道會同布政司酌議覆詳

一議冒濫

中尉管理府事典制自有差等民校樂餌等項烏得與王爵同至典膳無官而有僚虛糜尤甚矣仰府摘呈布政司覆議詳奪

湖湘詳略

卷二

七十四

一議士習

求屬士風澆競閱款真令人厭薄豈舊時三等簿皆未之設耶仰摘呈提學道嚴行遵照臥碑稽查諭勉以作士氣有不類者分別戒革如教官徇情護短卽是振鐸無方道府定註下考蓋裁之乃以成之也力行毋忽

一議扣兌工食

俸薪與工食兼支倉穀又修倉廩以便掃盥酌者守以省賠若皆得儲積之法仰摘呈該守道議安

轉詳行

一議約屬

佐領受詞例原有禁豈得故違仰府通申合屬將此款刊刻禁約暨各本署門首使出入間常自顧諱檢點以造就各官又不獨區區為民矣

一議註考

武弁倩人代觚則官評必不當該府隨時隨事以核之自能蕪得其真今又欲博采干戎糧二官更見慎重准照行

湖湘詳略

卷二

七十五

一議錢糧

丁糧不多者徵錢甚便仰行令刊豎木牌遵守毋令富家借以為例里排從中刁難可也

一議革病祁陽

捕役賣盜咬盜害每甚于盜革之近是但改用兵壯恐又拒虎而進狼也惟嚴禁密查有犯必懲毋務護短姑息斯得耳

一議便宜東安

千長武斷魚肉委應議去若逐年推收過割則飛

詭那移者友得乘之作弊矣仰再酌妥行

一議通訟寧遠

逋負健訟俗雖悍此不難移易者該縣謂欲革之而未達則法紀安在耶仰即嚴示申諭之

一議徵糧

王糧軍餉皆正額之不可以者縣議裁損改派此亦未權之事理耳

一議馬永明

近日該道行官馬之法調劑亦既善矣如何又欲

湖湘詳略

卷二

七十六

議增耶該縣原不衝已之便

一增派江華

以官府修衙而私派曲賠於宅心安乎增議近是第恐滋紛更耳仰行令徑呈該衙門覆酌行

一訪察

蒙訪擾害甚于訪是本以一家哭而友以滋一路之哭矣惟該府嚴查禁治有造訪窩訪者密報庶足以懲奸耳

一私鹽

肩挑食用例原無禁而私鹽私販可不爲之禁乎
緝首惡以除民害事據永州府詳

據招陳楚英撥宗窩盜挾官害民起滅扛幫已有墨
帖手筆恐嚇誑詐全無貴賤親疎合家自首通郡加
額該府爲地方擒此豺狼百姓提福矣擬遣誠當厥
辜第招叙本犯雕縣印撒母骸出自伊叔之口豈是
鑿空之譚果爾則罪不赦可置不問耶且奉君綸陳
素等皆濟惡死黨又何必另招以滋觀望仰府再研
審盡法確招報奪

湖湘詳略

卷二

七十七

出巡事據永州府詳

魏興賢唆誣嚇詐種債準折而又預冒武魁之姦事
受賄甘罰不幾假鄉約爲武斷乎姑加責五十板依
擬徒折易應乾杖折發落曾武魁事當日問官多罰
亦可異矣姑不究餘照庫收領狀繳

出巡事據永州府詳

據招何長庚姦淫窩賭靡所顧忌其罪狀當不止於
此者既鄧大忠出亡未返姑加責五十板依擬徒折
李氏通姦生子安然無說必有未究之情仰先加責

四十板去衣杖決發落仍嚴訪本夫去向另結餘照
庫收繳

出巡事據永州府詳

裴鳳等以積役盤踞縣城指官借差朋比誣索卽此
可以繫前官之衆爲政矣可笑可恨姑依擬鳳與尹
豪等六名各加責五十板徒贖申階納杖發落仍通
行革役餘照庫收吏竊繳

清查贖銀事據永州府詳

張南星等既挾官肆侵則埋沒作奸固優焉之矣今

湖湘詳略

卷二

七十八

該府既查算甚明况曾大受一招只是乘機隱漏卽
不深求亦可姑依擬南星與鄧一球賀逢時各杖贖
折發落餘照庫收繳

出巡事據永州府詳

歐武光藉造冊而科斂多賦况復積年久戀耶加責
四十板依擬與謝納等分別徒杖贖完還役革役發
落餘照庫收繳若清軍科斂恐係通弊該府須通行
禁諭以後大清造冊一應使用俱官爲設處不許派
及民間每年有徂故者只指名申報毋立小清名色

以爲其仍令守此繼

後死八命重州府理刑官詳

金虎驚龍取水已屬恆誕噴其不從而夥黨燒搶
極其援救而破屋挪送此與強盜何異即不然而故
就入空閑房屋亦有過遣之例擬徒是否允協仰求
州府再勘確情罪另招詳奪

清查贖銀事據祁陽縣詳

前院交盤冊載存該縣銀一百一十八兩五錢四分
一釐既有透支豈不開除該縣又豈肯泄泄請詳直

湖湘詳略

卷二

七十九

待出境後申文遞轉留此糊塗不了之案也又經駁
查牢執前弊而第欲含糊以一杖塞責能信縣冊無
遺否曾大受等一起已批查繳庫收駁罪不駁賊何
以不造舉一其他可知矣遽謂弊無侵漁而罪有疎
慢不然不然仰縣一面再行清查一面提曾大受承
行吏書賁執原卷解院查奪速另招詳

清查贖銀事據祁陽縣詳

祁陽之吏弊似不當備問之縣家矣以前院有餘賸
而畢竟欲反捏之爲

經道催詳典史衙尚朗然而縣文乃云恐即此事夫
既在明暗之間即遵院牌以吏書解院爲查究明白
奚不可者而奈何各不發耶仰求州府嚴究解詳

出巡事據永州府理刑官詳

據招何漢以刑吏而扣剋索詐賊證有據又指官誣
進銀兩閱九月而監斃六七十人此固暴官虐民而場
之者誰也姑依擬加責七十板追劄革役與王于各
徒贖折發落餘照庫收領狀繳

出巡事據永州府理刑官詳

湖湘詳略

卷二

八十

張希宇等以一黨積惡監踞橫行或指官或借事百
姓飲毒而衙門成市矣該縣狡奸一至于此可恨可
恨姑依擬與裴鳳尹豪魏尚文楊三策等二十名各
加責六十板徒贖申該趙隆德李產春等五名各責
四十板杖贖折決發落仍通刊榜革役永不許入衙
門餘照庫收領狀吏劄繳

出巡事據永州府理刑官詳

據招萬成一積棍耳或假條陳而挾官以騙財或緣
戚保而打點以焚利倚捕顯爲姦占代詞明肆索誣

款質無虞審證各實依擬追贓完日發長沙衛充軍終身食妻達 邵萬玉等朋奸分詐各徒贖發落餘照庫收收管領狀繳

乘罪嚇詐事據永州府理刑官詳

依擬曹福通杖贖發落然卽鄧試榮不肯承買而反願送銀三兩則伍萬安之爲人倘亦有必不可與交易者乎以分斷甚明姑照行庫收領狀繳

夥侵宗祿事據永州府理刑官詳

鄧一球等姑各杖贖完還役發落庫收繳其二縣朱

湖湘詳略 卷二

十一

完遼祿勒限完解仍嚴行申飭祁陽以後夫馬工食毋容透支致滋侵弊寧遠錢糧亟宜併徵是矣但前逋終無豁理况凡錢糧能不使衙役混淆積里吞食未有大虧額數者蓋小民之拖欠有之而實未必然也

指盜抄家事據寧遠縣詳

卽此一節該縣之爲霹靂手可窺一斑矣本犯令原差帶發桂陽州收問仰查照獲批附卷其破解吏書人役卽行究招另詳

出巡事據郴州詳

各款議是准照行惟宜章以臨藍多盜難手勾提緝捕之法安在興寧以縣南小渠略收斂稅權征之害誰憐一則當爲而不爲一則得已而不已可乎哉桂陽協派辰州馬價原有加編矣今每疋又加四兩寧無過濫耶疲募應甦時詘宜節仰州并摘呈該道議妥詳奪冊并發

白晝殺擄事據郴州詳

依擬彭堯仁等各杖贖折肄業發落鄧鳳闕擄棺占

湖湘詳略 卷二

十二

屋陳宗愷調姦婢女各加責四十板示懲餘照庫收領狀繳從來四民州處而子員不得妄行嗣後生員格遵 臥碑客民各安生理毋多事可也仰移行嚴諭之

批守巡湖北辰沅三道叅備并所屬及黎平

沅餉勢窮外解益緩分別查叅并陳末議事據分守湖北道詳

沅餉乃歲額不可缺者何各屬拖欠乃爾泄泄從事大不念軍國之計矣據詳分別叅罰處置催徵極明

且悉如議行况玩敵已久急應執制便宜可行該道毋拘拘可也仍候 撫院詳行繳

兵情事據分守湖北道詳

據詳以麻陽倉糧改作沅州借餉正數亦一時調劑權宜之法如議行第沅餉解到必有着落始可杜後

邊兵新定等事據分守湖北道詳

湖北軍政敝壞至今極矣據詳覆核六款及增議三事種種若心實盡其于恤兵實伍安內攘外寧復有

湖南詳略

卷二

八十三

餘繼哉即前三道條陳已括該道九議之內不獨可行之一時已也務着實通行申飭仍刪正簡明勒石垂示以求遵守此繳

戎政未修夷氛自熾敬陳末議以固邊防事據

分守湖北道詳

據詳五議十八則所為訓將練兵防苗固圉之策至矣盡美着實舉行湖北其有多乎至明賞罰創及側絕勾引三款當刻榜示諭二宣慰司便移行責成除已前勿論外以後於各營成苗巢務要嚴加鈐制該

道分別功罪季終呈報以憑獎戒施行乃該道憐各哨不能授甲而欲捐糜贖百金造發此挾纊之恩也本院為認一百領以共成其美該道徑行辰州府取院贖製造完日實數報銷其餘二百領前銀不敷如議於辰庫貯銀支湊速為之止繳

查議賑築等事據分守湖北道詳

龍陽以大圍堤為民命舊矣既決而修豈容後時該道條畫措處及勸輸委督皆井井有法起龍民于胥溺之中厥功不既偉乎前院脩賑銀及秋冬餘稅銀

湖南詳略

卷二

八十四

軍興繁費銀俱如議動支修築勒限竣工完日冊報

酌議蠲賑等事據分守湖北道詳

據詳當屬饑溺之民該道可謂慮之甚周而處之曲當夫一一照行顧必嚴核而後虛冒可杜惠方及民其隱射不第奸胥積里也有進于此者美今各屬徒能大聲以疾呼而申報之不時勘議之不悉遺近聳遠越禮逾制以為能急病者抑何其氣之浮而事之不實也欲省貼亡先清蠹蝕吏治不振弊起飾虛該

道其嚴飭之此繳

異常大變事據分守湖北道詳

水火覆溺一時並見沅民薦災極矣如議發倉賑救第不委正官親行查覈則實惠必不及于百姓而反為民擾其害不又甚于水火耶該道嚴核冊報繳

清查公田事據分守湖北道詳

據招桃龍沅三縣銀兩責令盡數買田深得前院發銀本意如議行第近聞荊州府招有低田而冒高價瓜分者此弊恐不獨荊屬人能為之也該道須嚴防

湖湘詳略 卷二

八十五

之武陵縣已買田租母容經管侵漁文簿印發仍令按季查登此繳

廣詢利病等事據分守湖北道詳

變法而不準之民情此自為用者其誰與我據議從新公審期無逾額所謂同咈百姓以成一條編之良法其用意素遠矣甚善甚善如議速行之此繳

積弊事據分守湖北道詳

就近徵納既屬權宜如議行其覈完欠一徵收私科擾等禁約懲勸諸款該道還嚴諭密查務期官

便而民亦便可也此繳

仰仗德威等事據守湖北辰沅道會詳

據詳王嘉賓等五卒借餉傳牌刦眾鼓噪至沿途大肆姦擄喝令前進不就撫阻此已傲然不知有天子乃露刃逼官手縛繫吏若終逸法更啓效尤即數止五人聊用申一警二道速會勘情實確擬招解

譚兵首惡等事據分守湖北道詳

悍卒鼓噪難始數人劉守坤殿後揮戈豈非首惡况被擒之日猶敢糾兇打搶所稱閔不畏死者非耶該

湖湘詳略 卷二

八十六

道將本犯與王嘉賓等盡法嚴究招解其助惡龍要尚者仍嚴行哨守各官緝拿正法繳

明火劫殺事據分守湖北道詳

百餘盜開行鎮城則官兵捕甲皆虛設矣既陸續獲有真盜姑依擬王思美姚之屏等十四員分別贖杖罰發還職免叅翟鳴鶴等九十一名決杖發落陳知縣楊照磨查久離任姑免庫收繳

洗錄沉冤事據分守湖北道詳

唐興相之問遣也原非人之指事告發抵錄縣官深

惡其父并株連其子揭申之耳無論張帽李戴他人無懸坐之文即罪豈應及乎哉無惑乎着伍七年乃今復不免不平之鳴也依擬釋伍與曾一唯各杖贖發落照行庫收繳

打死父命事據分守湖北道詳

袁有猷濟父行兇致斃堂叔而因掠其貲釀禍罪不容誅第父兄相續填園本犯例應處死姑加責五十板依擬徒贖袁有爲不能幾諫坐視同室操戈枉列子衿褫革始快姑念一門零落行學朴戒與黃萬舜

湖湘詳略

卷二

全七

各贖杖發落餘照庫收領狀繳未到另提究結

朋寇刦殺事據分守湖北道詳

劉新壇隨夥往刦趙禮慶獲賊既真即未入門亦安能逃辟但讞獄不塞辯口終非鐵案此招所稱如本犯幼痴膽怯門外望高夫望高或非幼而痴怯者可爲也况刦財甚多而本犯止受替殼帽筒黃蠟皆極微無用之物何以故其曰爲妹夫伍叫化所遺之賊似不可不爲一察也既曰本犯奸猾耳受重刑不認又曰本犯年少而痴其所吐也係真情奸痴一人可

以互稱否越三年始成招而猶未免兩無定着政恐此囚亦未心服耳該道再確究易詳

強盜刦殺事據分守湖北道詳

向大明假托儒授僭張旗蓋嚇搶強占騷動一方真神奸也研審既確法當重處但念雕刻係私記竊名非正官姑先摘本犯解院面審然後于通衢枷號二個月滿日依擬刺發鳳棲驛擺站限放餘照庫收領狀繳

出巡事據分守湖北道詳

湖湘詳略

卷二

全八

龍宇以積阜而播官納賄隨事誅求官之貪暴不必汚口若曹之敢于誑索是寧知有三尺哉姑依擬於州前枷號一個月滿日再加責五十板革逐與蕭良相分別徒杖贖完發落餘照庫收領狀繳馬儲魁等聽另卷歸結

急救生靈事據分守湖北道詳

劉景隆等以把目而縱兵離伍致苗殺刦各兵平日之受養將何用耶第罪在濮朝東姑依擬景隆等四名杖決革役仍以軍法細責示儆庫收繳被擄戶

口切責各官兵追還未到提結

賂官黨劫事據分守湖北道詳

石廷芝以李邦漢等不容推收之故而遂抵觸縣官
訐告師長甚且信口橫誣辱及閨閫不但犯上凌尊
其於天理仁心亦幾漸滅矣膠庠中有此良足怪異
姑加責三十板依擬徒折黜退行學除名李邦漢詐
騙多賊并責五十板發沅水驛擺站滿放李學敬等
各杖決發落餘如今斷庫收收管領狀繳

出巡事據分守湖北道詳

楊大芳濟父種債則刻薄歛怨有自來矣依擬杖贖
發落楊大遂既多欸審皆烏有徑免其罪該道諭令
無則加勉可也餘如照庫收領狀繳聶希程聽另卷
緝結

藐法沉匿等事據分守湖北道詳

以院道公文而鋪驛不但敢于遲悞竟從棄毀嗜甚
矣向本院亦曾查究一二稽匿而有司間為之辭心
切訝之今日者此曹豈無恃而然哉該道着實查究
仍聽通行申飭繳

苗賊殺擄事據分守湖北道詳

滕奇等領解人犯公文可以掛壁任意耽延囚犯委
之道傍不須結勘法紀蕩然矣既往復查無別弊各
責五十板依擬杖折的決革役發落餘照庫收繳

謀殺父命事據分守湖北道詳

覃國典以清糧之恨截殺覃良弼死於登時夫捉姦
宜在柵內乃欲借脫道上尋仇之罪雖狡亦愚矣檢
証既確斬復何詞依擬監候會審詳決楊氏杖的發
落照行庫收領狀繳

撫回防兵事據五靖祝恭將詳

離營索餉情或由于窘迫必得糧始散勢寔同于要
挾矣恭守等官平日訓練節制之法安在而使不操
至此分守湖北道會同辰沅道嚴諭各官以後用心
撫諭不得滋地方有事而第以殿後為功也

府廳各謀誣害良心泯滅懇乞查勘虛實定罪

以昭勸懲事據五靖祝恭將詳

文武同城宜協恭以為地方至於官之廉汚事之虛
實萬目萬耳豈人所能中亦非已所能彌也分守湖

此道嚴諭各官捐小忿循大道慎勿府怨釀釁以派
署遠地此繳

侵欺激變事據辰州府撫夷官詳

潘弘祖以管哨冒收軍餉李應元以衙蠹索受多職
各徒何說但查楊賢等詞告弘祖侵銀千餘今招稱
止冒收軍兵李廷華銀五錢或者有匿而未究者乎
邊俗弛于剝軍士卒銷于剋餉不妨嚴為究也分守
湖北道覆勘確招詳奪

賂官黨劫事據辰州府理刑官詳

石廷芝抗提調之官備聞兇悍蔑師生之分更見刁
誣眾惡皆歸下流自慶撫革宜矣然此輩不行嚴訊
則換狗之噬固未已也分守湖北道覆審易詳

水災異變事據分巡湖北道詳

為民築堤誠善舉也據所議七款亦甚鑿鑿中肯其
倉穀并該府原議銀兩俱准照數動支至於餘稅秋
冬季亦有之俱准留用本院仍當助之五百金如另
牌批發即行縣守催濟用可也錢同知委督工程須
無辭勞勩日夜省視完日冊報繳

堤工報竣等事據分巡湖北道詳

大園堤為民所倚障不數時而即臻厥成非道府若
心調度而水利印官又相與先之勞之則何以作卑
官之勤鼓于來之義事半功倍一至此哉且以其有
餘者修學宮以妥 聖靈并議善後以固民命所用
得當其慮甚長應開銷者開銷應舉行者舉行如所
議効勞各官及堤總省祭等項俱聽該道會行獎賞
此繳

遵例條陳等事據分巡湖北道詳

據詳徵操禁耗甦苦汰占等款深於軍屯有裨其所
以杜影射而實行伍者亦詳且盡矣惟八字哨守之
議撤回與屯折銀米之議訂改必求經久可行該道
再會同守道及巡下湖南道覆議妥報

出巡事據分巡湖北道詳

據招董興謀之死由于董老三助惡援監斃准抵之
例寬改董興秦亦既合矣但歷審興秦絞償原因爭
水始禍傷證最確今即本犯求生而出辟入杖恐太
不經該道再審確招另詳

懇天電察事據分巡湖北道詳

近來匿名盛行不嚴查不足懲奸明倖科接遞前文安有不論其從來不辨其生熟而卽爲之傳送者乎難謂盡不知情該道再根究另詳

謀殺全家事據分巡湖北道詳

據招雷興富等處鄧乾一苦告不休商謀要殺至母妻隣証求贖不得免兇橫有據斬絞最不枉矣但乾一淹禁保出吳道學卽走報雷向二家此必知情與謀緊關干審不提到官何以塞後實且鄧大郁等主

湘湘詳略

卷二

九十三

僕四命俱被人謀殺雖在深山窮谷實係王明屋後招稱向朝二與太郁有宿仇今且與謀其子乾一矣事雖不可由後以觀前要之不能令人無疑也又何以越十數年竟不得其下落乎死者之冤不可沉淪生者之兇難容草率該道再根查研審確招另詳

出巡事據分巡湖北道詳

據詳董興秦毆死董興謀兇橫已著檢證甚明擬遣倖矣第本犯以元謀兼下手被毆者且死而引折跌入肢邊成不但鋤柄之兇器可疑且本條言毆傷非

言毆死者恐猶不免牽合該道再確勘招詳

二命不填事據分巡湖北道詳

蘇朝安姦拐侄婦賺殺已妻其人則禽獸無異其事卽蠻貊豈易見哉歷審情真卽絞猶晚加責六十板固監詳決李氏宣淫無耻潰裂人倫累斃無辜亦已數命惜乎法窮留此穢于天壤間亦可恨矣加責八十板與蘇延祥等分別徒杖贖決發落餘照庫收領狀繳

激變伸冤事據分巡湖北道詳

湘湘詳略

卷二

九十四

王應元忿王海之贖田標木槌以狠擊此其勢也必無王海矣况彼有貪生之念亟于哀呼此堅致死之心曾不歇手傷以復檢難藏証因屢訊愈實就以自縊誘地方之出呈益見心虛先自白也絞償無枉依擬監候會審詳決王應賓等各杖分別贖決發落餘照行庫收領狀繳

打死弟命事據分巡湖北道詳

丁汝昌憤劉漢秀之怨誓遂解力狠毆致殞夜半傷證逼真絞抵何辭唯是丁應詔頂心一擊勢亦猛矣

姑以死者活口不以爲恨蓋明白致命之由于汝昌也依擬汝昌監候會審詳決應詔徒懲與丁應命丁汝冕等十三名各杖分別贖決發落照行庫收繳

出巡事據分巡湖北道詳

楊國用等籍役逐臭乘差害人徒革尚有餘恨况取用舖行科借富戶要皆官爲之竟以發覺之晚而使得蒙計典之寬政也惜哉惜哉姑依擬國用瞿明各加責五十板枷號二個月與黃樞俱分別徒杖贖折革逐發落餘照庫收領狀繳

湖湘詳略

卷二

九十五

出巡事據分巡湖北道詳

李應龍以驛棍包當冒濫既凌官挾吏禍局頻開復逐母暱妻入道求絕徒有賸臬依擬加責六十板革役發江口驛擺站滿放仍行縣出示申嚴包馬之禁楊逢時杖贖完日還役照行庫收收管領狀繳

大叛倡獫殺命事據辰沅道詳

苗出殺擄地方該地方防守官兵何在而任其縱放至此該道一面緝拿首惡一面嚴加防禦鎮懾諸醜毋容出沒亦毋得擅開邊釁也此繳

縱殺全家事據辰沅道詳

各官哨守信地失事比比邊防可謂疎矣如議漢朝東等輩哨究問陳孟章等姑戴罪追還人口以償失于桑榆也該道竝嚴諭之詳報

查追戶口事據辰沅道詳

據詳降苗百有六十收回戶口亦百有餘名雖官兵用命實道府居中鎮壓德威所感懾也從此苗無梗化而民得保聚免侵軼之虞厥功顧不偉哉如議叅守與廢閑閫備等官一面行令勉奮防禦一面紀功優叙其餘旗牌舍把負役該道酌量徑犒以酬勞鼓銳此繳

湖湘詳略

卷二

九十六

兵情事據辰沅道詳

哨兵蠢蠢肆其要挾該道鎮之以威而懷之以惠此真善于排難解紛者矣明功罪以申賞罰凡種種善後機宜更要悉心籌度分別議妥詳報

營兵鼓噪等事據辰沅道詳

該道甫攝事而旋定群譁弭他人已釀之亂尚祈建後來永賴之規遽引愆而謝過徵無伐而無施矣抑

為失事將官及哨官與及寬政自應深體姑不嚴求此繳

詳
土司吏目悖違成制大壞法紀等事據辰沅道

據議裁繹禮革門稅以消該府該叅之嫌最善調停准通行各遵守至革稅一節仍移威清道會議勒石垂示此繳

懇施天恩事據辰沅道詳

給衣巾于苗童作法者或欲導之慕誼耳乃至真苗

湖湘詳略

卷二

九

未被名器而民丁冒頂者及從中藝濫不將為法之病耶該道詳給莫如清等三名褫吳尚德等二十四名去留極當如議行仍移學道知會此繳

陳火器以脩採擇事據辰沅道詳

火器既便禦苗准于辰庫逃扣銀內照數支給委官製造後有損壞聽于沅庫動銀修補指揮趙繼勳既有火器大藥諸方就令畫圖貼說便郵呈院以憑查閱此繳

陞任得代敬陳末議等事據辰沅道詳

如議清鎮守備下准增兵一百名餉銀於辰庫存一內動支解給其兵務令該備精選勤練庶幾餉不虛糜臨敵可恃也至於四衛軍人仍委劉同知嚴加清汰務要揀擇強壯應役母容老弱充數此繳

申報奸弁等事據辰沅道詳

據招薛應時冒餉詐財占田淫婦竊公家之木石盜監守之邊珠無行誼之尤而貽冠裳之辱甚矣立功何說之詞第事干請旨不厭詳慎該道再會同守巡道覆訊確詳楊時達等各依擬杖贖仍候覆詳至日批追發落此繳

湖湘詳略

卷二

九

仰仗天威克破險壘擒斬功級等事據辰沅道詳

據詳王可大督兵深入不獨追退戶口且俘馘有功而魏繩武曾希賢亦能合力應援從此壯犄角之勢而寒犬羊之膽本院不但嘉與其新而且樂觀其後也如議各員役速行獎賞鼓勵該道仍行辰州府查支堪動銀另外打造銀花二兩重一對紅紵一丈賞王可大一兩重二對紅絹二段賞魏繩武曾希賢其

吳老四等三名勝秀偉等五名各給三錢重銀花一對紅布一疋以示本院獎勵至意該道代為頒發完日繳

類報苗情事據辰沅道詳

苗無飛身之術官有分布之地果同心防禦何劫擄者屢見告也據詳近有追獲戶口而得不償失哨守謂何該道速申嚴各隘口官兵用心堵截務併追回劫去人畜以固邊地餘照行此繳

鎮苗大叛等事據辰沅道詳

鎮溪所順苗一旦出劫至於擄殺多兵亦大可駭矣印官傅巖爵等一面革究一面勒追被擄各兵其倡首惡苗務要拿出正罪永順二司向既擔承并切責之再通行申飭叅守及各哨與二司土官以後同心設法防禦倘再失事一併叅治此繳

遵令責限追完被擄防兵事據辰沅道詳

防兵被擄勒贖始還苗無悔禍之心則在我可扭于燕雀之樂也哉營哨設官非取其食粟該道其責成此繳

請裁倖進軍牢等事據辰沅道詳

從來邊事敝壞多起于隱占剝削何物陳希等敢營闌括剋賣開空伍一至此乎姑依擬杖折革發差操仍各加責四十板枷號一個月以懲玩法其叅守并合用人役照冊均撥置簿查考勿容濫占餘照行庫收繳

地方事據辰沅道詳

邇地不寧皆漢逆勾苗為祟耳陳五受背叛剝劫若非官兵用命擒獲為害可勝言耶該道速行令嚴緝

未獲有功照例獎賞先將見獲者訊確招詳

擄殺傷命事據辰沅道詳

據招單朝龍背漢窟苗勾劫周回香家持仗傷人并擄人夫婦分鬻之主認已真自供俱的梟斬誠不為枉第殺人有傷當驗劫財有贓當叙招情疎略難成碎案分巡湖北道研審明確招詳

公務事據辰沅道詳

奚惟顯結納土官寇躡革哨此武弁之最貪狡者姑依擬杖贖免叅還職該道仍徑朴戒使知省改餘照

庫收繳未到提結馬一龍候別卷行

群虎侵奪事據辰沅道詳

以私債扣兵糧辰沅支放之法敝壞極矣官舍之通同擅扣客民之違例取償均應重處姑念邊方依擬奚惟顯何天寵罰穀免叅仍調管別哨以俟自新彭守權周建二等六犯各徒折贖楊謹四金敬八等三十八名分別杖笞贖折的決發落其原收未放兵銀與新舊錢債券約俱如照行庫收領狀繳未到提結蠹極事據辰沅道詳

湖湘詳略 卷二

百一

王大謂等朋奸盤踞大肆索誑卽其無事不科無人可恨姑依擬大謂等九名各徒贖折革役文啓宗熊希聖龍宗雷序發界亭北容馬底三驛擺站滿放仍通加責六十板以懲積蠹粟廷德等三名各杖折決發落俱革逐不許再入餘照庫收收管領狀吏劄繳龍老秋宋德讓速另提詳報

悍苗通編事據辰沅道詳

楊子庭既列青衿不能少關禮法而恣其強暴縱僕

生事誑上飾非此豈一罰能盡其罪乎姑念邊儒薄懲容令自新依擬將楊進元楊喬徒贖于庭罰穀吳傳友贖杖各完日肄業發落照行實收領狀繳其該司條編仍令赴府上納以杜重科

酌議武職移鎮等事據辰沅道詳

守脩以練兵寧境爲盡職若添設苗老月取耳結不但多事且於地方何益也蓋天下本無事人自擾之耳此繳

條編害事據辰沅道詳

湖湘詳略 卷二

百二

事雖違衆法難遽更武弁淺之乎烏足語此哉如議候侯推官事完確議另報

蠹極事據辰沅道詳

宋德讓司廩鼠蝕削斛交盤全不知有法矣依擬徒贖仍加責四十板追劄革役王大謂既經徒褫姑免再究照行庫收繳

糾苗殺擄事據辰沅道詳

曾從虎等以直月防兵而竟踈防禦杖豈盡辜依擬細打五十棍枷號遊營示衆的決發落何天龍等既

已革事回衛姑各罰穀折銀庫收繳未到未獲嚴緝在巢戶口勒限追還

請改府治歸併黎將等事據黎平府詳

該府與該叅同城卽是同舟本院屢屢行道願彼此協恭消釋何復有此呈豈遂迹而不化耶辰沅道再諭之此繳

推賢賞示垂遠事據王會等哨指揮王可大詳申辰溪知縣左天德

縣令散餉得宜原屬職分內事乃官軍群然推戴亦可以識輿情夫辰沅道諭令本官益策勵供職以終令譽此繳

哨兵聽撫歸營事據鎮寧高叅將詳

各兵得餉始回不可爲訓該叅須嚴加約束以後必不可使之擅離告討哨守官既督押解散亦桑榆之收也姑免究此繳

鎮苗大變等事據鎮寧高叅將詳

防兵亦目前要策至於防兵被鹵甚非小失今據止追出三名其陷于苗穴者尚多也該叅須嚴令索還

更加意防禦此繳

仇府黨謀等事據黎靖祝叅將詳

據詳則相構無已時矣本院慰諭已不啻再三而日見啾啾成何體耶辰沅道再會同移行勸勉如彼此終不釋然該道須平心提衡據事直告本院亦恐不能終默默也此繳

軫念微病等事據鎮寧金守備詳

該備下堂之疾出于偶然何得遽動歸興仰照舊供職仍一面調理此繳

因解州危致竭府庫等事據辰州府詳

餉係額編歲足一歲無容缺且緩者乃沅州借至八萬九千四百有奇于州急則濟矣如空府庫何況年借年欠萬一府藏告竭又何以措耶合屬急緩極矣分守湖北道會同辰沅道嚴查拖欠府分移行各道上緊催解湏求共濟勿如秦越人之視肥瘠也速行繳

廣詢利病以圖稱塞事據辰州府詳

府屬條陳各款大有裨于時政准照行惟事須酌議

法待嚴禁者本院已逐欵批于項下矣仰摘呈各司道覆議詳奪

一議馬沅州

以糧承馬累及里甲矣識者尚宜防其漸可復令便免踵此弊規乎

一議保甲沅陵

保甲之法即古寓兵于農之意信能行之地方自然安堵又何必舉廢設堡滋擾也已之便

一議糧

湖湘詳略

卷二

百五

新墾者補浮糧已據道詳批行矣仰府榜示使受災者家諭戶曉庶可以杜詭冒也

一議催徵

此已批該道矣仰照原詳行

一議哨廬溪

撤石羊哨空閑之兵移守縣浦二市可謂還無用爲有用第不知原日設立該哨果否止爲護守倉糧或別有攸關邊地裁置損益貴當仰摘呈守巡兵三道會酌妥當覆詳

一輩弊

備料與撫字兼行錢糧自然清楚催頭書手雇設何益獨不慮其擾耶仰府嚴行禁革仍刊榜于縣前豎立永爲遵守可也

一議裁淑浦

募役之疲困應惜而當時裁者豈無見耶時詘舉歲朝更夕改恐非計之得也仰摘呈驛傳道酌妥覆詳

一議丁

湖湘詳略

卷二

百六

有身則有庸爲丁當以人科也今照糧多寡以爲等則不與一條編之法悖乎旣不便民仰摘呈該守道議妥覆詳

一議舖兵

奪彼與此須斟酌經久斯可也不然則江口爲得而小橫舖又不免爲失矣仰府再議妥詳行

一議訟熙陽

婚姻不必論財若緣是而溺女不舉以避聘嫁則愚而忍矣仰刊示通行嚴禁有犯者以故殺論其

痛革之

一汰弱府議

移軍補數皆得足餉之法但事關邊備慮貴無遺仰府摘呈守兵二道覆議轉詳

一裁哨兵

武弁隱占冒餉不嚴查何以清糜濫而實行伍也仰呈守道力行冊報

一江防

設船以嚴巡警給造無煩外費深于江干有裨仰

湖湘詳略 卷二

夏

摘呈該守巡二道會議詳行

一保甲

力行保甲則比屋皆兵何苗之足慮哉惟嚴加申飭各官有文具相視藉此生擾者斷不可為之姑息也

一議餉

餉米既已改折會計之官何用事關題請仰摘呈布政司酌議覆詳

邊宦減軍事據辰州府理刑官詳

之刁橫聞于天下駸駸無有欲仕其地者何物向君陞跋扈鴟張至于凌侮縣官即欲以未歐為之曲解然則本管為部民凌侮可耳心受之無辭耶查卑開田地子女吞霸甚多以律輕謂非大惡是矣主使告害未知縣公然恣行而不顧以前事驗後事政恐前之讞者非不斟酌而今之讞者過于斟酌耳狗情滅法長亂縱奸三尺將安施乎仰本官盡法招解毋有所畏限一月報

邊宦減軍事據辰州府理刑官詳

湖湘詳略 卷二

百八

向君陞憑藉官勢凌上殘下即其指授訐官則毆辱縣令之事固豪橫所饒為者今詳稱原卷無名夫豈有力能害官而此身不能閃爍脫漏者乎總之惡氛難犯即冤對誰敢深言姑依前擬杖贖發落仍于通衢枷號一個月以懲潛惡餘照庫收繳

貪官害民事據辰州府理刑官詳

朱廷蘭以平官蔑法縱欲假出巡以挾詐擅讞訟以索科貪婪放肆極矣姑以劣轉仰責二十板依擬徒贖革職胡元禹黃仁郁假狐可恨各加責四十板枷

一個月元禹徒贖完日革退仁郁發山塘驛擺站
滿放明再科杖贖發落照行庫收收管領狀繳

群虎吸髓事據辰州府理刑官詳

丁世榮等餌官作惡閱招令人髮豎世榮與張朝貴
各重責六十板枷號三個月世榮贖徒朝貴發船溪
驛擺站滿放向一鳳等各杖贖決發落餘照斷庫收
收管領狀繳查長沙無長壽鎮巡檢司王典史豈陸
平江縣屬乎該司又稱缺官想貪人宦運自不能延
耳姑已之

湖湘詳略

卷二

頁九

縱軍脫逃事據五開衛經歷許國昌詳

職官帶同軍伴私自回取衣糧此是何例掌印官先
不能鈴束後不能發覺至于經歷既新任無知輒徇
情准呈行文以請擅行離伍之官軍又何法耶而尚
敢申文肆辯亦甚可異矣仰常德府一併嚴查報

縱軍脫逃事據常德府詳

依擬嚴思謙等各徒贖完日思謙革去黃團驛印務
還職差操京品聰解發着伍各俸月糧鈔等銀照數
扣追還官庫收收管繳其指揮李成操經歷許國昌

該府另提結如再抗延另詳以便拿究

惡恩難困事據桃源縣詳

依擬周興得等各杖折發落庫收繳舖兵原供遞送
公文何得又派檯包擢轎則排夫馬夫為之崇也嗣
後一切嚴禁不分本地經行如有復役舖兵者即查
懲票人申究仍刊一牌豎于舖前使知之

泣憐災傷事據龍陽縣詳

該縣水災本院得之目擊賑濟委不可緩有無備賑
倉款速行議報至於南湖田地應否均則不妨申府

湖湘詳略

卷二

頁十

另議詳奪

遣軍逃伍等事據靖州詳

窮軍苦官之剝削而逃者有之然令逃軍坐家而提
官對審則悍者得肆而行伍益虛不審實而邊提着
伍又恐無以警官邪也仰寶慶府即呈解分巡湖址
道嚴究明實詳報

湖湘詳略補

續批守巡下荆南上下湖南湖北道并所屬

廣詢利病以圖稱塞事據分守下荆南道詳竹

谿縣條議

據詳每丁減額陸分加派糧石既民俱稱便如議行
移司訂正全書永為遵守其胖衣改折仍候司議至
日另詳

查議減稅等事據分守下荆南道詳

減稅之則既已扣定出示如議行第正稅尚蒙 詔

湖湘詳略 卷二補

減而餘稅何名可使之獨存乎布政司即會同該道
酌行委官湔除厥實只以足額惠商為主勿名減而
實不減可也何如此繳

割瞎雙眼事據分巡下荆南道詳

據招劉湘等宿冤合謀詭賺陳宜行禮而椿棚體髮
盡灌鼻口剜兩目而分搶其携物兇氣惡態言之駭
異分別遣配似盡法矣第陳宜懷忿思逞陳實遂持
刀偕行陳楚陳居中等又為一肆暴是聚眾執持兇
器傷人犯該徒罪以上 旨以首從分差等且

陳宜兩眼既全剜矣而南宜兩縣官又云覆驗一睛
存而眇一無睛而剜此非難見者而亦不同何也孟
國齊知情謀害恐杖亦未盡辜該道再研訊情罪確
擬招奪

查獲人命事據分巡下荆南道詳

胡氏雖無謀夫之心而致姦夫傳元劉大之殺死龔
登者則此婦之由也况夫死不聞討賊而猶與元媾
則既有忍夫之心矣絞何可貸依擬固監會審詳決
除照行繳

湖湘詳略 卷二補

出巡事據分巡下荆南道詳

陳文舉孫世慈以刑廳吏書滕官賣放訪犯致令巨
惡走壙脫籠舞文作奸無以加矣姑依擬加責伍拾
板徒贖陳一諫以看招受財亦責叁拾板折杖與世
慈各革役不許復充文舉除名追削餘照行庫收吏
割繳戴邦彥嚴拿正罪過期解比饒國明等另提結
更改捕官以安民生事據襄陽府詳

孟宗周署捕而敢於索詐鄉保擅詞種債則貪肆異
常矣捕務准朱應蔡帶理分巡下荆南道提孟宗周

研究招報

清查公田事據襄陽府詳

公田銀前院有行必非鑿空倘無存贖前此牌行到日執禁之不申請明白而第支吾於三年之外乎摠之楚中官司抗玩胥吏朦朧原不知自愛其累矣顧人之有良法美意哉在原應以虛文去故渺無實意斯亦不足責耳除另牌催查外仰府仍嚴行督追勿謂各屬不可行也

出巡事據襄陽府詳

湖湘詳略 卷二補

戴邦彥訪經擬戍則情犯深重矣何物陳文舉等敢利其厚賄周旋朦保枉法而縱令脫逃乎仰府先將文舉等一千盡法究招由道解鞫戴邦彥仍嚴比拿獲另結

侄殺叔命事據襄陽府詳

陳尹道以青衿犯伯凌師但有濟父為惡如無故入江大貴之房何全不曉有禮與法也公然誣告甚屬無端捕革非苛姑以青年降青以俟悔改備申學道知會陳五德降人挾詐鍾鎮江大海峻使扛幫各加

責肆拾板徒贖發落限舜道杖贖肆業餘照庫收領狀繳未到提結

禮儀事據上津縣詳

據詳以兩院收支牽算而摠之以並無前項舊管銀伍拾叁兩叁錢玖分是矣第所云舊管者原指舊院交存既云無查得易養和魁桂二起皆舊院批詳該縣肆拾貳年叁月解京贖款內何以又將此二犯名目開除則所云無舊管是耶非耶該縣再自查明報冊印發細覽當自知言之矛盾也

湖湘詳略 卷二補

土官違詐事據分守上湖南道詳

蕭鳴和黨結馮為麟等作腹心瓜牙假盜延害拾伍家毒拷拾柒人不但傾其貲財甚至鬻及兒女眾怒如水火即先發何能制之適以彰其貪殘兼之狡猾而已相應參處姑依擬罰穀該道提戒貳拾板革去堡務求不許委用為麟等各加責陸拾板枷號貳個月為麟徒贖毛鳳德唐大榮袁後序發新坑煙竹笆離堡瞭哨浦放蕭良佐等各加責肆拾板杖贖通革去書手殺手團長班頭各身役另換頂補楊萬科等

准釋放餘照行倉庫收管領狀繳

廣詢利病等事據分守上湖南道詳

黃仲蘭李孟詢等那移侵捱皆不知有法者依擬蘭
詢與謝廷香曹元傳陳朋樾五犯各加責肆拾板照
從贖折內仲蘭那雖公用第以穀價抵院贖則本院
官前院交存并新允過招贖除解京等項外尚該有
事移後押何為也該道行令本吏追捕完結方許還
役發落餘照倉庫實收繳未刻另提結

大盜事據分巡上湖南道詳

湖湘詳略 卷二補

據招蕭金達以賊微疑遣似矣第強盜論已行得財
不論分賊故盜曹應祖犁被既真則各盜同行又未
必不在得財之列者且戶族俱不保結輒引改戍之
例似尚未妥該道再細勘確另招詳

冤典沉獄事據分巡上湖南道詳

謝義龍畫刦陳滾於通盜既拒殺鄉兵復板誣良善
此盜之極賅而最狡者斬有餘恨依擬監候會審詳
決具文壁受財故縱情真發求定衛充軍終身僉妻
達部鄧汝梅等既止對留盜賊姑各加責肆拾板

改發排山歸陽驛擺站潘放王國宜江騰蛟各杖贖
還役陳英等伍名警扳既的杖決釋放照行庫收收
管領狀繳未獲嚴緝另結再查改杖數內招叙止有
劉景旺今計開寫稱劉景開此必誤耳改正之

飛報地方事據分巡上湖南道詳

蕭仁顯等撥置廢宗希開禁鑛假牌詐 旨目中豈
復有三尺哉分別遣配吳辭依擬仁顯雷自然韓進
爵各加責陸拾板枷號叁個月序發施州九谿鎮遠
各衛充軍終身僉妻達部蕭仁惠李時勤袁守正各
加責肆拾板枷號貳個月序發管田笙竹都市三驛
擺站潘放壽哥杖贖遞發該王府仍啓 王戒飭餘
照庫收收管繳金一高等嚴提另結

地方事據分巡上湖南道詳

張孔惠毆死張孔信亦孔信淫姦亂倫足以自殺其
軀耳獨惜所殺之時非行姦之頃不償非法定斬非
情今該道覆審終以凡論為平依擬固監會審詳絞
羅氏照徒收贖還加責伍拾板去衣的決發落餘照
行庫收領狀繳

湖湘詳略 卷二補

貪積殺民事據分巡上湖南道詳

羅孟學等毆人於州儀門之內告州判辱吏目犯上無禮亦民之最橫者矣姑以首惡斃獄依擬孟學與羅素榮加責陸拾板徒贖何元斗周尚加以衙役肆索各責肆拾板并徒贖革役劉顯官以市棍始禍亦責拾板與唐四岳杖贖發落餘照行庫收繳未到謝宗孔等疊提結

緝首惡以除民害事據分巡上湖南道詳

奉君綸以青衿而窩盜黨奸宣淫縱肆廉耻掃地矣

湖湘詳略 卷三補

首惡已迄天誅本犯允宜徒贖依擬加責肆拾板贖完行學道除名陳可大誣職有據并加責肆拾板徒贖閱晚晚棄配潛逃仍加責叁拾板解發原驛從新拘役限放充警張良樞等拾玖名各分別杖折的決發落鍾繼道劉學鄧雲各革退書手民壯不許復充陳素行學戒飭餘照庫收收管領狀繳

打死男命事據分巡上湖南道詳

據招將賴將思等乘父被訪翻居為奇貨打詐挾索政如狂走中風令人辟易唐萃無端被其叢毆既奪

其銀而并戕其命抑何暴橫無忌憚至此耶分別斬絞軍徒遷發俱不為枉第將賴既以故殺論而將思又以同謀論一事兩引是否與律昭合該道再一參酌另詳

竊盜殺傷二命事據分巡上湖南道詳

據招將招寶等以失盜之故而妄拿平人胡子玉拷打逼扳致其受傷累斃絞招寶而徒將朝信亦似得情第誣告之律須問肆誣始禍者查招妄拿鎖押者係將招寶若疑誣主令捏稱見剥衣獲刀等情則將朝信也其輕信指告又屬之將芝秀今獨坐招寶得無舍家長而問家人乎胡子玉既不死於歐將朝信應否以元謀論誣告謀毆各有本律應否一事兩引碎案宜慎該道再訊確妥招詳

湖湘詳略 卷三補

申飭重典以崇本源等事據衡州府理刑官詳祭器藏書不但有關錢糧而典禮世教所係更重可無稽考耶仰行所屬於查盤時立款造入送查照行繳

積弊侵殺事據江華縣詳

查盤原止以冊爲憑今據該縣招開比對原冊數目不同名色亦異况冊係該縣所造當時何不磨對俾當若據憑胥胥翻辦嗣後冊不足憑而查盤一案遂無結局時矣仰照原詳速行發落註銷繳

地方事據分巡下湖南道詳

據招吳應舉等強劫情真李雲興賊疑應種是矣第王應京裴先府審論強既刑官改竊摠猶不能磨滅其原贓也今併竊不認而謂賊係代出賊口果可盡信乎况裴庚在禁脫逃益見狡黠譚世起等有無賄

縱通尚未確該道再評情實另招詳

出巡事據分巡下湖南道詳

據招張才友初以犯竊噬主拒捕論絞猶令人有餘恨輒復賄解脫逃以致趙孟陽頂獄崇年變詐驚驚仍狡嫌遲矣姑加責陸拾板照原擬固監會審詳決趙孟陽准改徒查事在革前遵 詔免其發驛餘照庫收繳未到緝結

劫殺人財事據分巡下湖南道詳

據招李安善等夥黨行劫傷主得財有贓者與人並

獲無贓者不刑自認盜案確矣擬斬何枉第陳華羅少山之賊招稱係同徒張廷根携去向以廷根未獲起無贓之疑今廷根既獲胡不即審出下落而竟致圖斃不知獲于何處何月日曾否訊有口詞皆不可不詳勘以塞其實也該道再審確招詳

清查庫藏事據寶慶府詳

據招黃祖善張紹坤守掌侵欺伍百餘金偽領瞞官豈渾身是胆耶即追賠已逾肆百而未完入已之贓尚各盈條例之數僅擬滿徒是否當辜分守下湖南

道確招另詳

江洋盜賊事據分巡湖北道詳

王仰槐等結夥連舟絕流禦貨荊州河邊貪華船之蓄積一捲俱空白沙渡口窺學博之歸囊參命道盡慘矣分別梟斬宜也內李中魁後劫偶未同行初劫則有分受難容脫辟合議援刑依擬仰槐高葵軒各加責陸拾板與李二等俱固監候會審詳決照行庫收領狀繳李小塘等嚴緝另報

遵令勒限等事據辰沅兵備道詳

龍老金等聚眾劫寨嶮卒因兵屢行不道之兇宜即無將之戮依擬監候審決有功員役應否分別賞賚者俱如議行龍老富既眾質同劫然老寨自難令出抑其楊茂寨姑與維新楊老奴等聽另卷緝結餘照此繳

獲功事據辰沅兵備道詳

偏鎮係黔楚咽喉向為苗梗極矣茲能誠而挫之良可嘉尚如議於逃扣銀內動支賞賚以示激勸繳

急報苗情事據辰沅兵備道詳

湖湘詳略 卷二

逆苗內犯劄營幾二旬劫寨已十處至於戮兵傷人從容以去則備哨曷稱防守將土司何用擔承耶亦可恨已如議邊上將嚴令戴罪緝擒首惡并追還擄去戶口陶正陽戴罪立功金有聲紀過督率保靖司各兵魚鹽銀仍行停革宣慰彭象乾行令嚴提舍把目兵究治陣亡三兵照例優恤恭守并各哨官兵以後再有推諉復致疎虞者定行參拿不恕此繳

地方事據辰沅兵備道詳

苗賊出劫原由哨兵所勾哨兵同盜豈非哨官所縱

耶據詳指揮孫世臣私換苗兵明是容奸而黃如珊等冒文哨餉總為內竄該道會同分守道通行嚴究招參另詳

議減糜費等事據辰沅兵備道詳

哨兵戍守地必險要豈得名存實亡聽之徒糜糧餉為乃施秉縣哨各加防兵至容雜役占悵紳衿包當何惟千軍實聚而孤懸之稱岌岌也據詳欲以行糧召選土著精兵肆拾肆名貼哨而衛崇拾玖人盡行撤還足餉強兵計無便于此者如議行仍嚴禁無復

湖湘詳略 卷二

如前事之被包占則得耳繳

增兵防禦事據辰沅兵備道詳

偏橋苗賊四通真楚黔險要地據議增兵伍拾名即以原裁奇兵糧餉并一折贖銀招募其為守禦計亦既苦心矣如議行仍嚴令守備劉炳文務選募土著精兵毋容奸徒虛冒并將四衛軍伍再委同知劉應卜汰除老弱盡洗積弊可也

盜情事據常德府詳

大盜敢入城劫官署雄極矣格敵止獲貳名已令飽

欲而去何退怯耶獲盜審實招呈該道覆訊詳奪未
獲嚴限緝報毋許扳害良民此繳

湖湘五畧十卷

浙江巡撫
採進本

明錢春撰春字梅谷武進人萬厯甲辰進士官至
戶部尚書事跡附見明史錢一本傳萬厯四十年
春以監察御史巡按湖廣至四十二年代還因輯
其在官時所作章疏文移彙為此編凡疏畧三卷
牘畧一卷檄畧二卷詳畧二卷讞畧二卷大都案
牘之文其中請釋滿朝薦一疏自言當時具草未
上而亦載之編中殆與董傳策刻極陳時政一疏
其事等矣



ZW 21101000514156